


Deuxu Rybe
Tyyriti



New Testament in Karajá (BR:kpj:Karajá)

Deuxu Rybe Tyyriti

New Testament in Karajá (BR:kpj:Karajá)

copyright © 2011 Wycliffe Bible Translators, Inc.

Language: Karajá

Translation by: Wycliffe Bible Translators, Inc.

Karajá [kpj], Brazil

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Karajá

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-27

PDF generated using Haiola and XeLaTeX on 18 Apr 2025 from source files dated 29 Jan 2022

55ce0bcd-101e-52a3-984e-847027efe150

Contents

MATEU	1
MARKU	74
LUKA	113
JOAÕ	181
AÕHEBO ROTÏÏNYRE	233
ROMA-Ò	303
1 ORITXI-Ò	334
2 ORITXI-Ò	361
ALATXIA-Ò	380
EFESU-Ò	390
FILIPÍ-Ò	399
ÒLÒSÒ-Ò	406
1 TESALONIA-Ò	412
2 TESALONIA-Ò	418
1 TXIMÒTXI-Ò	422
2 TXIMÒTXI-Ò	430
TXITU-Ò	436
FILEMO-Ò	440
HEBREU-Ò	442
Txiau	464
1 PEDRO	472
2 PEDRO	480
1 JUAÕ	485
2 JUAÕ	493
3 JUAÕ	494
JUDAS	496
APOCALIPSE	499

Mateu Deuxu Rybe Wihikỹ Tỹmyra, Mateu Tyyritidỹỹdu

¹ Kaheka Jesuisi Kristu labiehekỹ rare. Juhuu tahe Abraõ heka Davi labiehekỹ rare. Iribi tahe Davi heka Jesuisi Kristu labiehekỹ rare.

² Ibutumy ilabiebohonimy arelyykre. Juhuu tybynimy arelyykre idi iriòrenimy: Abraõ, Ijai, Ijaò,

³ Juda, Peresi, (Peresi seriòre tahe Zera inire. Isereny tahe Tamara inire.) Esraõ,

⁴ Araõ, Aminadabe, Nasaõ, Salmaõ,

⁵ Boasi, (Raabe, Boasise rare.) Obede, Rute, Ijese, Kie.

⁶ Davi hãwyy heka Uria hãwyy juhUU raremyhỹ. Iribi Davi-wana roire. Salomaõ iriòre rare. Tii heka Roaboã tyby rare.

⁷ Idi Abia reare.

⁸ Idi Asa, Josafa, Joraõ,

⁹ Uzia, Jòtaõ, Aka, Ezekia,

¹⁰ Ezekia, Manase, Amo,

¹¹ Josia, Jekonia, taseriòre-wana.

¹² Babilonia-ribi rohonyreu tahe tiiboho reare, Jekonia riòre wahe: Salatieli (Tii Babilonia-ki reare.) Zorobabe,

¹³ Abiude, Eliaki, Azo,

¹⁴ Sadòki, Aki, Eliude,

¹⁵ Eliaza, Matỹ, Ijaò,

¹⁶ Ijaò tahe Jyje tyby rare, Jyje tahe Marie hãbu. Jesuisi tahe Kristu Deuxu deòdỹỹna rare.

¹⁷ Kia labiehekỹ sòwe tahe 14my rare, Abraõ-ribi Davi-ò wahe. Tule labieboho 14my rasòwerenyre Davi-ribi Babilonia hãwã-ò ridyreny ixideewimy aõkõ ròte-ò. Ixyby 14my rasòwerenyre. Iribi tahe Jesuisi reare.

¹⁸ Kawese heka Jesuisi Kristu reare. Juhuu Marie Jyje-wana roikremy rare. Tii ijadòmaule tahe Deuxu Tyytybytyhy ribòtònyre.

¹⁹ Jyje hãbu òbiti rare. Tai tahe riixãwididỹỹnykemy ròhòtinyre. Kia òmo-ò rarybeòlere tuu.

²⁰ Kiau ýju tamy rarybere tarasina-ki: —Jyje, Davi riòre riòre. Ahãwyy, Marie, biteònyòke. Tuu bexihãwyynykre. Iriòre dori Deuxu Tyytybytyhy riòre rare.

²¹ Jesuisimy raninykre. Kiani tahe irybereny rare: tarasadu. Ibutumy iny dori iòraruna-ribi ritakre.

²² Iwese Deuxu rybe ihetxiu rarybere wese tahe tii wiji riwinyre. Kia wese ihetxiu rybe rare:

23 —Ijadòma rabòtònykre. Iriòreni heka Emanueli rarekre. Kiani tahe irybe-ki kia rare: Deuxu iny-wana ratxireri.

24 Iribi tahe Jyje dexixade tarasina-ribi. Iwese Inynyryreny tuu tamy rarybere wesemy heka tii riwinyre. Tii-wana ratxiõre. Tii aõhe risÿnyõre.

25 Uladu reare xiery tii aõhe rira. Tamy niõ riwahinyre, Jesuisi wahe.

2

1 Belë hãwã-ki Jesuisi reare, Judeia bede-ki wahe. Iòlò Herodi iòlòmý raremyhÿ. Iu reareu, Hãbu Erytyhy mahãdu taina tÿmyramy robirenyre. Tai tahe iòlò mahãduõ doidenyde biura-ribi Jerusalë hãwã-ò.

2 Tiiboho rÿÿraxirenyre: —Iule judeu mahãdu iòlò aõbo kaki reare. Jiarÿboho itainamy rabirenyre tahe nadoidenyde riwowydynyrenykeny. Kaiboho teerytenyde aõbo titxibo ratxireri?

3 Tahe inyõ Herodiko relyyrenyre. Herodi kia roholareu sõwemy riòtiinyre. Tule ibutumy Jerusalë hãwã mahãdu riòtiinyrenyre.

4 Tahe Herodi ibutumy dinodu mahãdu ributunyre: Xi-wena wahidÿÿdu dinodu, bede ywina tyyriti erydu mahãdu tule. Tahe tamyreny rÿÿraxire: —Titxibo Kristu reakemy timybo tyyriti-ki ròritidÿÿmy roire?

5 Tiiboho tamy rarybere: —Judeia bede-ki, Belë hãwã-ki wahe. Kia tahe ihetxiu rybedu riritinyre.

6 —Kai Belë hãwã mahãdu. Judeia bede hãwãõ. Kai hãwã yja iny rõhõtinyre. Tahe inatyhy aõkõ rare. Kai hãwã nihikÿre. Aribi dori dinoduõ ròhònykre. Wamahãdu iòlòmý ronykre. Idinodumy rarekre, judeu mahãdu dinodu wahe.

7 Tahe Herodi heka biura mahãdu ributunyre ibutumy iny-ribi wasimy. Tamy rÿÿraxire: —Tiutxubo taina ròhònyre? Tahe rirawyònyre.

8 Tamyreny rarybere: —Kaiboho boibenyke Belë hãwã-ò. Idi tahe uladu-ki mahabenykre. Iu wadee manarybebedenykre. Jiarÿ tule tamy arakre ariwowydynykemy.

9 Biura Hãbu Erytyhy mahãdu roholarenyre. Tahe roirenyre. Ryki ixityre tainamy robirenyre. Uladu tyrehekÿle ritoosònyre.

10 Iu tahe sõwemy reysarenyre.

11 Heto-ò rehemynyre. Tahe ralorenyre. Uladu rare Marie-wana. Tahe tatiowotimy reserenyre riwowydynykemy. Isahreny riraynyre tamy riwahinykemy: womati tÿrÿrÿhÿkÿ, hee aderòna, aderònatyhy wana.

¹² Idi tahe Biura Hābu Erytyhy mahādu rarasyne. Deuxu tamy rarybere: —Kaiboho Herodi-ò bòðsebenyòke. Tai tahe rywitxira-di tasubedereny-ò ròðserenyre.

¹³ Biura mahādu tahe ròireny rahudi tahe Inynyrỹ ýju nade Jyje-ò rybemy, irasina-ki tamy rarybere: —Ariòre, ise-wana bidyke Egito bede-ò. Herodi dori uladu rubudỹỹmy ratxireri. Adee tiu ararybekreule kaò bòðòðseke.

¹⁴ Tai Jyjeboho rummy rahenyrenyrene Egito bede-ò.

¹⁵ Herodi rubusỹtybymy tahe dòðsedenyde. Tii riwinyre iwese ihetxiu tyriti rarybere wese, Deuxu rybedu rybe wahe:

—Wariòre Egito bede-ribi nadidyde.

¹⁶ Herodi reburere. Biura Hābu Erytyhy mahādu dori tii riitxenanyre. Tai ibutumy uladu rirubunyrene Belẽ hāwā-ki, tule ijõ iòhò hāwā-ki. Ibutumy howỹtòdu rirubunyrene inataò beòra ijòðikeki tahe rirubunyòre. Tai Jesuisi rirubunyreny risỹnyrene, iwese tii rareu Biura Hābu Erytyhy mahādu tamy rarybere.

¹⁷ Kiamy ta rỹire iwese Deuxu rybedu rarybere wese, Jeremia wahe:

¹⁸ —Rama hāwā-ribi ibru-ò iny roholamyhỹre. Rakeli rare. Tii robumy hỹre. Ibutumy iriòre ituere. Tai robumy hỹre. Inyò riteysanyòtyhy iriòre rurureki.

¹⁹ Herodi tahe rurureu, Inynyrỹ ýju heka Jyje rasina-ki tamy nade.

²⁰ Tamy rarybere: —Bòðsebenyke judeu bede-ò. Uladu ise-wana bidyke. Kia rirubunyreny risỹnymyhỹré tahe, rurure.

²¹ Tahe Jyjeboho ròirenyrene judeu bede-ò.

²² Akelau tahe Herodi riòre ronyrene iòlòmny, tyby deròwmy. Tai kowa-ò Jyje ròirenyòre sỹmy. Rasina-ki rybeò rieryrene Kalileia-ò ròirenyreny. Tai tahe ròirenyrene kowa-ò.

²³ Nazare hāwā-ki rasỹnyrenyrene. Kia tahe riwinyrene iwese Inynyrỹ rybedu ihetxiu rarybere wese: —Nazare ludu tii rarekre.

3

¹ Kiau Judeia bederahy-ki Joaò Sebedỹỹdu heka iny-ò rarybemyhỹre:

² —Deuxu Iòlòna bededỹỹnana iòhòmny ratxireri. Aòraruna-ribi biixāwibenyke, bexirāhĩke!

³ Joaòmny heka Isaia ihetxiu riritinyrene kawese: Inyò bederahy-ki ryrireri: —Inynyrỹ dee ryòbiti biwinyke. Biwinyke ryò tamy kanakemy.

⁴ Joaò kamelo radetyy ity rare. Iròdutyw iwereysanare. Seihiķỹle bidi-wana irỹsỹna rare.

⁵ Ibutumy iny tamy ròirenyre irybe-ò roholakemy iòhò hãwã-ribi, Jerusalë, Judeia, Jordaõ bero-ribi wahe.

⁶ Tamy òrarunamy relyyrenyrene rabadewomy tamy relyyrenyrene. Tai tahe Joaõ heka bero Jordaõ-ki tii riratysebenyrene.

⁷ Fariseu mahãdu, saduseu mahãdu doide tamy riratysebenyrenyrene. Kiau Joaõ tamyreny rarybere: —Hemylala mahãdu! Deuxu aõhõkỹmydỹỹnana-ribi mahenybenyõtyhy. Aõhe inatyhy?

⁸ Juhuu aõwiihikỹ widỹỹna biwinybeny. Tai tahe iny rierykre kaiboho aòraru-ribi inatyhymy texihutenyete.

⁹ Fariseu mahãdu, kaiboho tahõtinytenyete: Abraõ heka inylabiehekỹreny rare. Rikirãhĩõtyhy. Deuxu-ò kia aõ aõkõ rare. Tamy wikeki mana-ribi Deuxu heka Abraõ riòkõreõ riwinykre.

¹⁰ Woma tahe òwòru-ribi iòhòmỹ rỹira. Òwòru bederaty wiwihikỹ ihoõkeki, kedesekre. Rasõkre. Woma heka Deuxu aõhõkỹmydỹỹnana wese rare.

¹¹ Jiarỹ bedi araratisebedỹỹnyra aòraruna-ribi texirãhĩteki. Jesuisi tahe Deuxu Tyytybytyhy-di ròratisebedỹỹkre heòty-wana riratysebenykre. Tii waratyre awityhymy ratxireri. Jiarỹ riwaixỹrunymy watxireri iwa ariwykeki.

¹² Tii maixõmo risykre. Maixõmo ributunyre tahyna-ò. Irỹnysi heòty-di riworonykre. Heòty itueõna heka rare.

¹³ Idi tahe Kalileia bede-ribi Jesuisi nade bero Jordaõ-ò. Tii Joaõ-ò nade riratysebenykre.

¹⁴ Joaõ aõkõmy rarybere: —Jiarỹ tahe aõ aõkõ rare. Kai biwaratysebenykre.

¹⁵ Jesuisi tahe tamy rarybere: —Deuxu deewina heka kia rare. Rikiwinykre. Tahe Joaõ riratisebedỹỹre.

¹⁶ Ròratisebenymy rahudi tahe Jesuisi ròtuõra. Biuwetyy rarayre Jesuisi tahe bõtøenimy robire, itxi dobehede, Deuxu Tyytybytyhy wahe. Rybeõ biu-ribi narybede:

¹⁷ —Kia heka Wariõre rare. Jiarỹ heka sõwemy tukure. Idi wadeysareri.

4

¹ Idi tahe Deuxu Tyytybytyhy heka Jesuisi ridyre bederahy-ò. Tai Satanasi riurihikemy tamy rehemynyrene.

² Jesuisi heka 40 txumy, 40 rummy heka aõ rirỹsỹõhyy bede idi rỹire. Sõwemy heka rama risamy tai raremyhỹ.

³ Taile Satanasi tamy nade. Tahe iurihiximy tamy rarybere: —Kai inatyhy Deuxu Riõre ahãte wana heka mana-di orotxumy biwitxiranymy biwinyke ahinamy.

⁴ Tahe Jesuisi dirawyònyde: Deuxu Ritidỹỹna-ki kiamy roire: —Iny heka orotxudile aõkõ irumy rỹirakre. Ibutumy Deuxu rybedile iny irumy rỹirakre.

⁵ Idi Satanasi heka Jesuisi ridyre Jerusalẽ hãwã-ò. Templo heto ratyre tahe ritidire.

⁶ Tahe tamy rarybere:

—Kai inatyhy Deuxu Riõre ahãte wana heka katyre-ribi ixi-di behukre bede-ò. Buruõtyhy heka besekeki. Deuxu taỹju kiditeònykre aramykemy. Bede-ò aõkõ beseke.

Ijõ tyyriti rarybere:

—Deuxu araywinykre taỹju-di. Tii ýju kiditeònykre tebò-di ariijekemy. Awa ritõmonyõtyhy manatyre-ki.

⁷ Jesuisi rirawyònyre: —Tyyriti tule rarybere:

—Deuxu uritere biurihiõke.

⁸ Iribi Diabo heka Jesuisi ridyre hãwãlòò-ò. Tamy ibutumy bede iòlõna riteòsinyre.

⁹ Tahe tamy Satanasi rarybere: —Beseke atiwotimy tahe biwawowydynykeki, adee kia ibutumy iòlõna wiwihikỹ ariwahinykre.

¹⁰ —Make Satanasi, Jesuisi rarybere: —Tyyriti rarybere:

—Deuxu-ò sohojile deàlãna, wowydyna biwahinyke. Tiile bityhinykre. Deòdu tamy sohojile mabeke.

¹¹ Satanasi tahe Jesuisi-ribi rexitare. Ýju mahãdu rehemynyre iyrubudỹỹmy.

¹² Joaõ òludu heka ròtenawo-ki ritidira. Kia Jesuisi rohol-areu, Kalileia bede-ò ròðsere.

¹³ Nazare-ribi rare Kafanaõ hãwã-ki rasỹnykremy rare. Tii aho-ki iòhòre, Kalileia aho wahe. Zebulõ bede, Natali bede tahe inatxi hãwã ibiòwa rare.

¹⁴ Kia tahe Isaia Tyyriti rarybere wese:

¹⁵ —Zebulõ bede, Natali bede, Jordaõ bero kowawe-ribi ijã-ò. Ahohokỹry-ki. Kai judeukõdu mahãdu bede rare, Kalileia wahe.

¹⁶ Iny kowasỹ mahãdu bede luru-ki rasỹnymyhỹre. Tahe tiiboho loosònahakỹmy robirenyre. Bede lurusỹ mahãdu-ki tahe Deuxu loosòna ritoosònyre.

¹⁷ Iribi tahe Jesuisi ritelenyre Deuxu rybe ritỹnykemy. Tii rarybere: —Aõraruna-ribi bexirãhĩke. Deuxu Iòlõna bededỹỹnana dori iòhòmy ratxireri.

¹⁸ Kalileia aho ijãti-ki Jesuisi rariamy ratximyhỹ. Tahe inatxi waxidu seriòremy robire, Simaõ Pedro, tule Andre ijõre. Riã-di utura rimymyhỹreny.

¹⁹ Jesuisi tamynyre rarybere: —Bodoike wahemy. Iny wadee bimykre. Iwese araerynanykremy bimykre.

²⁰ Aõwesele tahe tariã ririrenyre. Jesuisi-wana roirenyre.

²¹ Roirenyre tahe inatxi ijõ seriòre-ki Jesuisi robire. Txiau ijõni rare. Joaõ ijõre. Tiiboho Zebedeu riòre roire. Tiiboho talawo-ki ronyrenyri rià riywinyrenymy. Jesuisi tamyreny rarybere: —Wahemy bòdòike.

²² Tai tahe tybyreny ririrenyre. Jesuisi hemy ròirenyre.

²³ Ibutumy Kalileia bedey-ki Jesuisi rariamyhÿre. Tii judeu dohodÿÿna heto-ki rarybemyhÿre. Deuxu Iòlònamy ritÿnynymy hÿre, Rybe Wihikÿ Tÿmyra wahe. Sõwemy webinadu mahãdu riteytenyri.

²⁴ Jesuisimy iny relyyre ibutumy hãwã hãwã-ki Siria bedey ibutumy. Tai tahe sõwemy webinadu mahãdu didydenyde tamy, iny tyytybybina-di, iny iumy imyremyrehékÿ wahe. Jesuisi ibutumy iny riteytenyri.

²⁵ Iny sõwehekÿ riheludunyri, Kalileia bedey-riby, Debòwiò hãwã-riby, Jerusalẽ-riby, Judeia bedey-riby, tule Jordaõ bero kowa-riby.

5

¹⁻² Jesuisi inymy sõwemy robireu, raòwònyri hãwãlò ratya-ò, Ierydÿÿna mahãdu tamy doidenyde. Taile rierynadÿÿnymy ronymy hÿre.

³ Deuxuko-ki iny ibinamy rÿimyhÿre. Kia iny tuu rexierymyhÿre, teysatyhy rare. Tii deysana sõwemy tai ratximyhÿre, Deuxu Iòlòna heka ihòròrenymy rarekre.

⁴ Robumy rÿirakeki teysamy heka rÿirakre. Ibedewona wiòhedÿÿna rybe-di heka tamy kanakre.

⁵ Kia inytyhy-di widee ratxireri, tii heka teysahyymy ratximyhÿre. Ibutumy heka iny ihòròlehekÿle rÿirakre. Bedey bedey heka ihòròmy rarekre teysamy rarekre.

⁶ Inyõ-ò òbitinamy lobiximy rurukeki tahe teysamy rarekre. Deuxu tamy òbitina riwahinykre.

⁷ Inyõ ruxetòena-di ratxireri. Deuxu heka tamy ruxetòena-di rarekre.

⁸ Inyõ irayky òbitimy ratxikeki tii heka teysamy rarekre. Tii dori Deuxumy robikre.

⁹ Inyõ ywina-di wiwana rÿirake teysamy rarekre. Ywinaõ-di rarekré, teysamy rarekre. Tii dori rarinikre: Deuxu riòremy.

¹⁰ Inyõ aõhòkÿmy dÿÿnana reuròkeki, tii dori òbitimy rurukeki, tii tulesÿ teysamy rarekre. Deuxu Iòlòna dori ihòròmy rarekre.

¹¹⁻¹² Inyõ umyreny relyykeki uritere hekÿle. Ruiyrybe-di umyreny relyykeki, aõhòkÿmy dÿÿnana adee riwahinykre wana, tai tahe beysakre. Awimy mohòtinykre. Kai dori biu-ò mahenykre. Tai tahe beysakre kai awimy nohòtykre. Uritere

nohōti rosarenyōmy. Kia wese tule Deuxu rybemy rybedu aōhōkỹmy rotỹnyre.

¹³ Kaiboho heka saawesemy atximahātenyte, jyyra wesemy wahe bede mahādu iny-ò, kai dori kiamy bede mahādu tewiōhenanyte. Auri tahe urihimyò biōnonykeki tahe aurihixina heka urihimyòlemy releke. Kaa jyyra urile idi adehu rỹikre iny ityre rariakremy. Awiōhedỹyna biōnonykeki tahe aōma aōkō beleke.

¹⁴⁻¹⁵ Kai loosōna wesemy atximahāte kabede mahādu iny-ò. Hāwāō hāwālò ratyy-ki roiikeki, tiu heka rexiwōōtyhy itỹnyhy roimyhỹke. Loosōnaō iny ritoosōnykeki, tule heka tiu heka hyna rawoō-ki roiōtyhy roosòmý. Aōma roosōnanymyhỹre ibutu heto jurajuramy heka ibutu ritxuxanymyhỹre. Aōma tamana-ki rỹimyhỹreki wahe.

¹⁶ Kaiboho tule amahādureny awiwihikỹmy robikeki tahe Deuxu-ò wowydyna riwahinykre.

¹⁷ Jiarỹ heka anaōde bede ywina tuededỹmy. Anade aō Deuxu dee rybedu tuededỹmy aōkō heka anade. Anade ibutumy aōmybo rarybere widỹmy. Timybo rarybere wese heka ibutumy tuu rotỹnymy rarekre.

¹⁸ Inatyhymy adeereny ararybekre bede ywina tyrytiy-ribi tiu ijō iōōtyhy ijō sohoji ritiwedena yreō reseōhykre. Ibutumy roikre aōhebo rotỹnymyhỹreò bede konanako-txi.

¹⁹ Inyō tōhōti urihimyò bede ywina rosakeki rexidenymyhỹre iny ribedeerynyōkemy iny ritohonyōmyhỹkemy. Hābu tahe iyjamy Deuxuko-ò rarekre, Deuxuko-txi. Inyō rityhynymyhỹre irybe iny rybedeerynymyhỹre. Tii tahe Deuxu Iòlòna-ò nihikỹmy rarekre.

²⁰ Kaiboho aōma fariseu mahādu-ribi awityhymy ixi-di mohōtinybenykeki. Tiu heka Deuxu Iòlòna-ò aròterenyōmy. Kaiboho heka awi toite aōma fariseu mahādu judeu mahādu wedu ratyre heka awi boibeke. Kia aōkōkeki tahe malòbenyōtyhy.

²¹ Ihetxiu bede ywina Tyyriti kawesemy rare:

—Kai inyō birubunykeki heka iòwynamy iny akanarubunyke.

Kia heka bede ywina heka rare.

²² Tahe warybe urihimyò iwitxira bede ywina-ribi. Kai inyō-ò maraykynykeki. Tai tahe brebunahakỹ-ki tate. Abiòwa-ò bininikeki itxỹtemy. Tamy kai marybekeki: —Kai aōki awiōre. Tai tahe akỹnadykre heka aōma ywisidỹduko-ò araòwynykre. Inyō-ò kai makýaranynykeki kai brebuna-ki texilòròmý tate. Kai inyō deramy mabekeki uriteremy nodu tamy marybekeki, tai brebuna-ki tate. Inyō òsỹny aradykre wisidỹdu mahādu-ò. Inydee ratyhymy mabeke wana aōkō raremy

marybekeki, heòty kōnana bede-ò make lau brebuna-ki tate. Iòhārure kai heòty bede-ò makemy.

²³ Kaki aōma nieru xiwena wahidỹỹna-ò behemynykeki inyō-wana aōhe widee botỹỹnykeki òhōti rosaōlemy ahāte wāna.

²⁴ Deuxu heka axiwena tewahinyōhyymyhỹte aōma xiwena bire-ki heka birike. Tahe biijeke aseriōre juhūu. Aōma wana biōbitinybenyke widee marybebenyke. Iribi tahe tamy bedehemynyke xiwena wahidỹỹna-ò wahe tadevenymy atx-imahāte wana hābuō-ò.

²⁵ Aōma tai tahe iòraru-ki aòludumy relera wana. Tamy behemynyke aōma timybo tii-wana widi biywinykemy timybo adeve biòwynykemy tamy heka bitobiny òrale heka aōma rieryke urenana. Aradyhemy aōma ywisidỹỹna ube-ò, idi ywisidỹỹna mahādu, idi soldado. Tai tahe bitobinyke bederierykemy.

²⁶ Inatyhy heka adee ararybekre ròtenawo-ki malòkeki. Tiu heka aòlòkòmy aōma iòwy mahumy adi rōhōtinykre. Idi mohōtinyke xiery heka bòhònyke.

²⁷ Juhūu ihetxiu heka kaweselemy Tyyriti-ki rarybere:

—Òtaōmy!

(Bede ywina tyyriti-ki wahe.) Kawesemy heka jiarỹ rebedeerynywāhāre.

²⁸ Òtamy rōhōtinykeki hāwyy-ò retehekeki òtamy rexinohōtinykeki. Tai heka tii òta òraru riwinymyhỹre. Iwese iwitxira hāwyy-wana roireri yrubule taheka òta òraru riwinymyhỹre.

²⁹ Arueō òraruna-txi araatykeki, bitake. Awityhymy biu-ki malòke kawesekile heka awire, Deususỹ-ò malòke wahe. Arue wiòmy tahe awiòmy biu-txi arue yremy heòty bede-ò make tahe ibinatyhyre.

³⁰ Tule eraō bitake iurelemy era-di make biu-txi. Aumy ibutuhukỹlemy heòty bede-ò rakehārele tahe awiōre.

³¹ Bede ywina heka kawesemy ròhònyre iny-ò juhūu wahe:

—Inyō tahāwyy ixi-ribi riteònykeki rixāwididỹỹnyra tamy tyyritiō riritinymyhỹre.

³² Iwitxira rybe-di jiarỹ arukile tahe hābu tahāwyy riatorya. Inyō uritere òta òtana òraru-ki ixi-ribi tahāwyy riteònymyhỹre. Tai tahe hāwyy roimyhỹre hābu witxira hābuō-wana. Tai tahe òta òtadumy kia hāwyy rininire. Adỹỹwe òraru-ò riteònyre tahāwyy riteònyre uritere òhyynaòle. Tai tahe tii adỹỹwe òrarunaòle heka riteònyre. Taile heka hāwyy hābu witxiramy heka roimyhỹre ahābuō tahāwyy uritere hyynaòle riteònymyhỹre mahādu hābu heka. Tii heka tule òtadumy relemyhỹre hāwyy òta òtaduō heka roireki wahe.

33 Juhuu heka ihetxiu kia wesemy Deuxu tamyreny kia rarybere:

—Taholatenyete kiamy Deuxu heka uritere ruiõmy atximahãbenyke Deuxu-ò biwinybenykemy marybemy bimyekeki biwinybenyke.

34 Tahe jiarỹ heka kiamy adeereny ararybekre. Aõwidỹỹmy ixi-di nohõtirenyõmy ryberenyõmy iwidỹỹmy. Ixinohõtidiỹỹmy ryberenyõmy ariwinykre biwawiòhenanyke wana biu-ribi wawiòhenanykre wana. Uritere heka tuu ryberenyõmykre kia wesemy biubrò-ki aõkõ biu dori Deuxu rynana rare.

35 Kiamy uritere rybeõmy bedebrò-ki aõkõ aõ biwinykemy aõmy mabekemy. Bede dori Deuxu idi ratximyhỹre rare. Deuxu waa elehyna dori bede rare. Jerusalẽ hãwãbrò-ki tule aõkõ, tii dori Iòlòtyhy hãwã rare.

36 Tule arade-di widỹỹmy uritere dori rybeõmy kai dori aw-itxiranyõtyhy arade iura-ò ilyby-ò urile araykywydynakile tuu ratxike.

37 Aõma araykywydynakile heka tuu riwitxiranykemy idi tahõtinynehỹte. Kiamy heka tarybemahãte iwidỹỹnamy teuremy tarybemyhỹte: —Kohe, kiale ariwinykremy marybeke ada aõkõre, ariwinyõtyhymy aõbo. Kiamy marybekeki iratylemy kohe, aõkõre myỹ aõbo. Sõwemy marybekeki tahe aõbina binahakỹle heka ròhònykre.

38 Ihetxiu bede ywina ròhònyre.

Inyõ witxira rueõ ribinadỹỹnykeki, iny witxira tule iwesele riwinyke. Kia widỹỹdu rue heka ribinadỹỹnyke. Rue heka wilemy raòwynyrene rueõwilemy. Juhu tasỹ jỹjuõlemy raòwynyrene. Jiarỹ tahe rebedeerynyre kawesemy.

39 Inyõ aõbinamy adee riwinykeki, aõ aõkõ tamy biwinyke. Inyõ aõsỹny rihetenykeki, tule iwyo-di beake rehetenykemy.

40 Uritere aòludu-ò ixidòwydỹỹõmy. Aõma ijõ atyy ritakeki heka tule tamy arahana biwahinyke. Inyõ sohoji urixinamy adee ixidinomy reake wana. Inatximy heka tii-wana beake.

41 Inyõ ixitòedỹỹmy aõ aribi riwykeki tamy biwahinyke tule inyõ aribi aõ huòtemy riwyke wana.

42 Abròrò itue-di tamy òkeseõmyke iwòde-ki ihuòtemy biwahinyke.

43 Ihetxiu heka taholatenyete kawesemy:

—Kai heka aõ hãwã ludu mahãdu luumy heka madònymyhỹke. Aòludumy aki ratxike wana tukumy atxike teramy atximahãke.

44-46 Tahe iwitxiramy ararybekre. Aòludu heka arabedeerynyke. Tukumy mabekemy inyõ aõhòkỹmydỹỹnana rotỹỹnyreri wana tamy rexitòenyke. Kia wese-ki heka inytyby riòremy mabeke, Deuxu riòremy wahe. Tii dori juu

riòlòdỹỹnymyhỹre inybina tyre-ki wahe. Tule iny wiwihikỹ tule-ki aõma biu heka tule riteònymyhỹre. Aõma iny òbitikõdu mahãdu tule-ò. Tule òbiti mahãdu tule riteònymyhỹre. Aõma tukumy ahãte sohoji ratximyhỹre sohojile kai itukukeki. Kia heka awi aõkõ rare ibutumy òraru mahãdu heka tule riwinyremyhỹre kia wese. Aõma urile rybedỹỹ azry mahãdu, Aseriòre mahãdu.

⁴⁷ Tulesỹ kia aõma aõkõ rare aõma tule heka judeukõdu mahãdu dori tule riwinyke, tii Deuxu rierykõre.

⁴⁸ Òbitityhymy kaiboho boibeke. Aõma jiarỹ heka arabedeerynyrenyleri biu-ki inytybyreny ratximyhỹre dori òbitityhy rare.

6

¹ Wahisidỹỹna wiwihikỹ kai hãburu-ki iwahisidỹỹõmy iny-ò. Kai itxerenaõnamy biwahinymyhỹ. Aõkõkeki tiu inytybyreny-ribi bitaõtyhy aõwy awahisidỹỹna.

²⁻⁴ Kai biwahinykeu iny adee aõmybo rurumyhỹreó. Uritere ibutumy iny itxerenamy iwahidỹỹõmyhỹ. Inyõ-ò òbiti mahãdumy riwisỹnymyhỹre mahãdu, kia wesemy heka tii riwinymyhỹre heka. Dohodỹỹmy heto-ki tuu riwinymyhỹre kia wesemy tule ibutumy hãwãhãkỹ ruetyawetyamy tuu riwinyrerimy ihỹre. Inatyhy dori adee rarybereri: –Aõma wahisidỹỹnatyhymy heka adee rarybereri: –Wahisidỹỹnaõ ixidee ritamyhỹre. Aõbo Deuxu wahisidỹỹnaõ heka adee riwahinyõtyhy. Tai heka Deuxu wahisidỹỹnatyhy riwahinyõtyhy tamyreny. Iny-ò aõ biwahinykeki, abiòatyhy-ò belyyõke. Wasilemy tamyreny awiòhedỹỹna biwahinyke. Iny tybyreny dori ibutumy aõna aõna ròtena rieryre aõwahisidỹỹna adee kidiwahinykre.

⁵ Iwese budu mahãdu riwinymyhỹre wese uritere iwidỹỹõmyke. Kia wesemy aõkõ heka bexitòenyke. Ibuturu-ò rexitòenymyhỹre dohodỹỹna hetowo-ki heka lamamy rexitòenymyhỹre. Hãwãy-ki dori rexitòenymyhỹre ibutu itxerenakemy. Inatyhymy heka adee rarybere: –Atarasana ibutumy ritare.

⁶ Inatyhy dori ritare.

–Bexitòenykeu malòke aheto jurawo-ò. Ixi-di biijòtòbònyke. Ierykõnamy boo ratximyhỹreò heka bexitòenymy myike. Ibutumy heka boo aõbo wasimy iny riwinyriwinymyhỹremy robimyhỹre. Tai-ki tahe bedewyina wihikỹ heka adee kidiwahinykre.

⁷ Tule rexitòenymyhỹreu uritere irehemy idi lamaõmy uritere ixityre ixityremy tamy ixitòedỹỹõmy wiwesewesehyyle. Judeukõdu mahãdu dori kawesemy riwinymyhỹre. Kiamy heka raraykywydynanymyhỹre aõma rexitòenyre

ehehekỹkeki heka roholatyhykemy rohõtinyhỹrenyure uritere widỹỹõmy iwese tii riwinymhỹre wesemy.

⁸ Inytybyreny dori rierymyhỹre aõmybo iny raraykynymhỹré. Inyboho heka rexitõenymhỹre rierymyhỹre aõmybo inyboho rurumyhỹrenyure. Iny sõwemy rarybemyhỹrele aõkõ heka tii roholamyhỹre. Aõmybo iny rurumyhỹrenyure, heka bexitõenybenyke. Kia wese:

⁹ Wahareny, biu-ki atximahâte. Anityhy iny ibutumy rityhynykemy idi rierykemy watzireri.

¹⁰ Aiòlõna heka wymy kanake. Iny adeewile riwinykemy iwese biu-ki relemyhỹre wese.

¹¹ Wadeereny txuõ txuõ rỹsỹna bidiwahinyke.

¹² Waòrarunareny õhõtiri-ribi bitosadỹỹnyke. Iwese jiarỹ inyõ òraruna wanohõti iribi aritosadỹỹnymhỹre wese.

¹³ Isiratyhy urihixina-ribi heka biwayrubunyke, òraruna-txi reseke lau. Aõna aõna bina-ò bidiwaijebenyke. Iòlõna, ruru, loosõna heka ahõrõhy rare. Kie.

¹⁴⁻¹⁵ —Inyõ ariixãwidinykeki iaõbina-ribi. Tule inytybyreny riwaiixãwididỹỹnyke. Deuxu iòraruna-ribi riixãwididỹỹnyke. Beinareheke wana.

¹⁶ Uritere aõsỹny bedeõtidiỹỹõmy iwese budu mahãdu rỹira wesemy. Tai heka byreõmy iny-di txuu rỹimyhỹremy widi rethemyhỹre. Wiji õhõtireny reake. Heka raõwynyra inarehena irareny.

¹⁷ Tai narehereheu tainarehenyete. Atarina-di ahãtemy beake aõsỹny bisuhõke.

¹⁸ Inywitxira heka anaeryõtyhy kai tenarehemy atxiteri. Inytybyreny sohojile heka rierymyhỹre. Inyõ tuu robiõtyhy. Tii tahe ibutumy aõna aõnamy robimy wasimy rỹiramy. Iribi tahe tii araõwynyrenyke.

¹⁹ Aõna aõna butudỹỹõmy tyy, nieru, aõna aõna wiwihikỹ butudỹỹõmy kabede-ki. Txudõera dori ibutumy kabede-ki tuu riroxike aõna aõnamy. Aõma rararỹỹnyke iaõmydỹỹna ibutumy rararỹỹnyke rahuke. Wasidu tamy ralõke. Iaõmydỹỹna-ò sõweò wyremy rasinyke iaõmydỹỹna-di.

²⁰ Kaki ibutudỹỹlemy heka biu-ò bibutumyke. Tai heka txudõera aõ rirõõtyhy tule rararyõtyhy. Tule wasidu aõkõ rare.

²¹ Titxibo aõmydỹỹnana ratxireri iwesele taheka arayky ratximyhỹre. Biu-ki aõbo ada bede-ki aõbo. Aõma bede-ki araykywydyna ratxireri wana heka kakile taraykywydynante. Biu-ki araykywydyna ratxireri wana heka biu-ki heka arayky aõmydỹỹna butuna raykywydyna ratximyhỹre.

²² Arue heka loosõna wesemy rare. Aumy dee itỹnykeki heka aumy ibutumy loosõna-di tỹximy rarekre.

²³ Aumy ibinakeki tahe bede loro-ki matxike. Aumy bede lorohokỹ-ki ratxikeki ibinatyhymy matxike aõma butunale-di iny rõhõtinykeki heka tiu Deuxu iny riwiòhenyõtýhy. Deòdumy heka releõtýhy.

²⁴ Inatxi wedu-ki dori inyõ rityynyõtýhy. Tule heka tii roholamyhỹre ijõ-ribi tahe tõhõti rosamyhỹre. Inyõ Deuxu deòdumy releõtýhy tii aõna aõna butunadile rõhõtinyinymyhỹreki.

²⁵ Tai heka tuu rarybereri adeereny. Uritere nohõtýreõmy arỹsỹnamy tule atyymy, idi matykynykemy. Aumy dori rỹsỹna ratyre aõnityhymy ratximyhỹre. Tule aumy tyky ratyre aõnimy ratximyhỹre.

²⁶ Nawii-di inihe betehebentyke. Tiiboho heka aõòworumy aõkõ ròbròmyhỹreny. Aramyre heka aõma tarỹsỹna wydymy bederahymy tarỹsỹna riyrubunyõhyymyhỹre heto nihikỹ-ò. Deuxu biu-ki ratximyhỹré heka nawii riyrubunymyhỹre irỹsỹna tamy riwahinymyhỹre. Kaiboho tahe iratyretyhy toite, Deuxu-ki wahe.

²⁷ Sõwetyhymy marakywydynanykeki aõbohe, arumy aõbo arirarehemy mariake. Aõkõre.

²⁸ Uritere nohõtýreõmyke atyymy. Betehemyhỹ inihe noijasa-di. Aõma tiiboho heka raaõmysỹdỹõhykymyhỹre. Tai tyky wihikỹ-di rexitynyke. Tyy ixidee riwinyõtýhy. Ihãre tahe Deuxu ritynywihikỹre heka tyy wihikỹ tamy riwahinyreri.

²⁹ Salomaõ heka itykynihikỹra. Ihãre tahe ityky heka awityhy aõkõ rare. Noijasa heka iratyre ityky wityhyre.

³⁰ Deuxu heka noijasa ritykynymyhỹre aõma noijasa heka wijilemy idi ihỹre. Biurasõmy tahe ixãwilemy reamyhỹre, risõra. Tii heka tyky adee kidiwahinykre. Nohõtýreõmy tahe. Tii dori adee kidiwahinykre tykyõ. Aityhyna dori ibutetyhyre heka.

³¹ Tahe raykyõmy nohõtýõmy titxiribibo arỹsỹna bidiwykré, atyky amona.

³² Tyhydỹõdukõdu mahãdu heka kiaòle heka ritõhõtýõnymyhỹre. Inytybyreny heka rierymyhỹre aõmybo tarumahãte. Ibutumy heka araerymyhỹre aõmybo taruterimahãte.

³³ Tii Deuxu aõma dỹõnana sohojidile. Manaykynykeki heka tii ibutumy adee riwahinykre.

³⁴ Uritere nohõtýreõmy aõbo biurasò kia aõmydỹõnana-ò. Rỹre dori sõwemy wiji biaõmysỹdỹnanykremy biwinykré. Iwitxiramy bidiwinykre iwitxira aõmydỹõnanaõ.

7

¹ Iny witxira witxira-di ywisidỹõkeki. Aywisidỹõna wesemy heka Deuxu ruxetòena-di ywisidỹõmy araywinykre.

² Iny teywinymahãte wesemy heka Deuxu araywinykre.

³ Kai heka òwòru nihikÿereõ arue-ki ijòdikeki, aõherekibo bederarasi sòmo-di inywitzira rue-ribi bitakemy atxiteri.

⁴ Tai heka kai bobiõtyhy itarasa-ki wahe. Arue-ki dori òwòruere ijòdireki heka bobiõtyhy. Òwòru ere dori aòraruna sòwemy rÿire wesemy heka atximahâte.

⁵ Kai texibònyteri. Aòraruna-ribi juhuu bexiòbitinykre. Idi tahe aseriòre òraruna-ki biwiòhenanykre. Aòraruny-di rierymy idi òbitimy betehekre iòraruna-ribi iixitarasadÿÿmy biwiòhenanykemy.

⁶ Inyõ heka utura rati mana wiwihikÿ-di rehuõtyhy aõma ixÿni herina-txi. Ixÿni dori ityre rariake tahe riònonyke adee heka kanakemy wahe. Iwese tule heka ijòròsa-ò biwahinydÿÿõmyke. Rybewiwihikÿ hãbu òrarudutyhy-ò iwahisidÿÿõmyke.

⁷⁻⁹ Rexitòenykeki tahe bitake kia. Biekeki tahe tai mahake. Bihetenyekeki heka iny adee riraynyke ijòtòbòna. Inyõ heka Tyby-ò rÿsÿnaõmy rexitòenykeki, mana heka tyby tamy riwahinyõtyhy.

¹⁰ Uturaõmy rexitòenykeki tahe hemylala binahakÿ tamy tiu riwahinyõtyhy.

¹¹ Kai aõna aõna wiwihikÿ biwahinyke heka teerymyhÿte auladu-ò wahe, hãbu òrarudu hãrele wahe. Aõbo heka tule Deuxu inytybyreny inydeereny riwahinyke aõna aõnaõ wihikÿõ. Rexitòenykeki tahe tamy ariwahinyke. Inytybyreny heka tamy riwahinyke. Iwese iny witzira teyrubunymahâte wesele heka iny araywinymy ixi-di tahõtinyamahâte wese.

¹² Tule kai aõwiwi inyõ ixidee aõhebo rotÿÿnymyhÿkemy taruteri, kiaweselemy tamy botÿÿnymahãke. Kia heka Moisesi bedede ywina tyyriti-ki roire. Kiale Deuxumy rybedu mahãdu ribedeerynyre.

¹³ Biu bedede wiwihikÿ kia ryÿijòhÿtÿdile malokre. Heòty ijò bederyijò heka nihikÿ rare. Iny kia ryhykÿ irumy rakre heka isirare iny ibute kowa ralore.

¹⁴ Irumy nonona ijò tahe ihÿtÿre. Ryy heka ihÿtÿre heka ibutere iny ryhÿtÿ-di ròtedu timy bedede erydÿÿkòdu-ò.

¹⁵ Bexiijebenyke kia mahãdu lau Deuxu rybe rybedu mahãdu tyhymy aõkõ lau wahe. Budoeni wese ratximyhÿre inytyhy wesemy. Tawo-ki tahe inatyhy rare ahola debore wesemy heka ratximyhÿre.

¹⁶ Teeryte wesemy ibederaty-ò betehkeki. Hede-ò heka uvamy figomy tule tiu iratyõna. Iaõmydÿÿna-ò bierybenyke tibo roiré.

¹⁷⁻¹⁸ Tii heka bierybenyke aõhebo rotÿÿnyre wana teerytenyte. Tii heka riitxenanyõtyhy kia aõma matyty matynimy heka tiu biitxenanyõtyhy. Tule betehkeki, biery-

benyke aõwesele heka òwòruõ bierybenyke. Aõma bederatyõ birỹsỹkeki tiu heka bederaty wihikỹõ arỹsỹõna òwòru ratyy-ò, bederatybinahakỹ tule rierykre.

19 Òwòruõ bederaty wihikỹmy raratynyõkeki heka hemy raòròròke rokoke.

20-21 Kia weselemy heka iny teerytenyete. Aõhebo iny rotỹnyke wahe. Tai tahe terytenyete heka, tetehetenyterikile wahe. Òbiti mahãdu wesemy rarybemyhỹre. Tahe òbitimy aõkõre ihỹre. Sõwemy heka iny tawedumy riwaninire. Ihãrele tahe biu-ò ralòõtyhy. Deuxu tyhydỹdũle tahe ralokre. Ywisidỹnatxu heka kawesemy wadee rarybekre.

22 Sõwemy iny wahe: —Wanyrỹ, Wanyrỹ, jiarỹ hewa iny iwitxira sõwemy aijyy rarybemy rare wahe. Tule heka tyytybybina reteõnymy rarewãhã. Tule deytenu wiihikỹ heka ani-di rewinymyhỹre.

23 Tai tahe jiarỹ tamy ararybekre heka: —Kõrehe, kaiboho aõ wamahãdumy aõkõ atximahãte. Umy reerykõre. Waribi bexitake. Aòraruna dori sõwere.

24 Kawesemy heka iny bede eryna ratximyhỹre. Warybe-ò roholamyhỹreu heka aõwesele riywinymy rityhynymyhỹre. Kia hãbu hetowidỹũdu wesemy heka rare. Iheto heka manatyre-ki riwinyre. Tii heka ibedeery sõwemy ihỹre.

25 Biu heka beòra heka rariamyhỹre. Iu tahe biu rejuxunmyhỹre, yhy rebonyre. Tahe tiu reseõtyhy manatyre-ki dori riwinyre.

26 Warybe ijohonadu tahe iwitxiramy ihỹre. Hãbu itxỹte tahe warybe-ribi aõwesele tõhõtireny rosamy reamyhỹre. Kai-boho aõbedeeryhykỹ aõkõre roire. Tii heka iwese hãbu yñarakile heto riwinymyhỹ wese rare.

27 Biu risebonykeu, beòra rareareu, yhy rebonyreu tahe iheto reseke, ibutumy iõre, rahura.

28-29 Ibutumy heka Jesuisi rybe erysydỹỹna-ò bede riòtiinyre. Tii heka hãbu erysydỹỹdu wesemy tii ribedeerymyhỹre. Aõ judeu wedu wesemy aõkõ ribedeerymyre.

8

1 Tiu hãwãlò-ribi dobehedeu, sõwemy heka iny ihemy doide-myde webinadu, tybina heka tamy nade.

2 Wowydyna rybe-di heka tamy rarybere: —Adee wikeki heka kai biwatetytenyke. Jesuisi dirawyònyde:

3 —Wadee awire, arateytenykre. Tahe tamy tebò ritytere tamy reerimy. Itybybinana riteytenyre.

4 Tahe Jesuisi tamy rarybere: —Boholakre, iny-ò uritere rybeõmy.

Kai tahe makre xiwena wahidỹỹdu-ò xiwenaõ biwahinykre. Idi tahe Moisesi bede ywina raryberewesemy xiwenaõ biwahinykre. Kai tahe iny rierykemy heka yteny ratximyhỹre.

⁵ Jesuisi Kafanaõ hãwã-ò rehemynyreu heka hãbu soldado weduõ tamy rehemynyre. Tii tahe Jesuisi-ò rexitòenyre:

⁶ –Wadeòdu biteytenyke raterenymy ratxireri waheto-ki. Sõwemy aõhõkõmy rotỹỹnyreri. Ibinatyhymy roireri rexisir-anymy raratykõhykylemy.

⁷ Tai tahe Jesuisi tamy rarybere: –Rakakre, tai ariteyteynykre.

⁸ Idi soldado wedu rariwyònyre: –Aõkõre, Kai hãbu wi-wihikỹ tate. Jiarỹ tahe hãbu aõ aõkõmy jiarỹ watxiwãhãre. Waheto-ò manalõõtyhy. Karibile marybekre tamy taile taile tahe wadeòdu reytekre.

⁹ Jiarỹ dori reyryre. Jiarỹ heka tule hãbu weduõmy watxiwãhãre. Soldado heka sõwemy riwatyhynymyhỹre. Iny sohoji-ò aõma rakremy rarybemyhỹré heka, ramymyhỹre. Tule ijõ dee rarybemyhỹre: –Manake, tai tahe namyhỹde. Ijõ dee rarybemyhỹre wana: –Kai biwinyke, idi riwinymyhỹre.

¹⁰⁻¹¹ Tai tahe Jesuisi ribedeòtiidỹỹnyre irybe-ki wahe. Tahe rarybere erydỹỹna mahãdu-ò: –Judeu mahãduy-ki tai rahaõre ijõ-ki kahãbu wesemy inatyhynana sõwereki. Sõwemy heka judeukõdu mahãdu rityynykre kia weselemy. Ijõ txu aõ wiji aõkõ heka riroxirenyke: Abraõ, Ijai, Ijaò-wana biu-ki heka riroxirenyke bede ludu iny mahãdu-wana.

¹² Judeu mahãduõ ròirenyõkre tamy. Tule kaibohoõ tahe aõhetykrebo. Ijõ mahãdu dori bede lorohokỹ-txi resekre. Taiki tahe irynamy rurykre aõkõmydỹỹnana-ò.

¹³ Taita Jesuisi soldado dinodu-ò rarybere: –Makre, timybo wiji tahõtinyinmy tetyhynyte wesemy heka rarekre. Iurele teòdu reytere.

¹⁴ Iribi tahe Jesuisi Pedro heto-ò ralòre. Iriòre lahi heka aõma rubuna nihikỹ roimyhỹ.

¹⁵ Tahe Jesuisi rimyre tebò-di tamy rerire. Idi tahe irubuna iribi ròhònyre. Tai tahe tii ronyre. Ronymy tahe rỹsỹna riwinymyhỹ tamyreny.

¹⁶ Txiorotyhymy inyõ didyde aõma tyytybybina nihikỹ-di ratximyhỹõ. Iu Jesuisi sohoji rybeõmy rarybereu tahe aõwesele iribi ròhònyre. Kia webinadu didyde, tule reytere.

¹⁷ Iwese ihetxiu Isaia ryberiti rarybere wesemy heka tule riwinyre:

Jesuisi riwinyre. Kiamy wahe. Wabinanareny waribireny riwyre. Inatyhyre.

18 Iny sōwemy ributunyreu. Tai tahe taerydỹỹna mahādu-ò tii rarybere: —Rokoirenyhe kanawe-ribi ijà-ò.

19 Tai judeu mahādu, bede ywina bederydỹỹduõ tamy rarybere: —Awana arakre titxibo makreu heka ahekile anakre.

20 Tahe Jesuisi dirawyònyde tamy heka rarybereri: —Ijòrò heka ihāloo dire, ibỹtỹ dire, nawii bỹtỹ isỹ dire. Tahe jiarỹ, Deuxu Riòre Hābutyhyhykỹ wahe, wahetoõre, waherinaõre.

21 Ka ijõ iheludu mahāduõ tamy rarybere: —Wanyrỹ, waha heka rurura. Tai heka juhuu arituunykre.

22 Tamy rarybere: —Manake, wijile biwaheludunyke. Rubuõmy rỹira, rubu mahādu heka rituunykyke idi ratxireri.

23 Jesuisi hāworo-ki ronyre tahe reurore. Ieryredỹỹna mahādu riheludunyrenyke kia lawokile.

24 Ahobetya-ki tahe yhy debore nihikỹ tamyreny rehemynyre. Tahe òbò nihikỹmy resemyhỹre. Uritereribile yhyhykỹ bee riòbònyra hāwò rilỹmynyke iòhòtyhyre. Jesuisi tahe ròròmy roimyhỹ iu.

25 Tai tahe ierydỹỹna mahādu heka riixixadỹỹnyre. Tamy raryberenyre: —Biwayrubunyke, Wanyrỹ. Aõkõkeki, ruku-rurenykre.

26 Jesuisi tamyreny rarybere: —Aõherekibo kaiboho taberutenyteri? Aityhyna sōwe aõkõ atxitenyteri. Jesuisi tahe rỹimy reare. Yhy debure-ò, òbò-ò rarybere: —Biyryke, bede binahakỹ. Tahe aõwesele ibutumy riyryra.

27 Ierydỹỹna mahādu urile ribedeòtiinyre. Tiiboho raryberenyre: —Aõhābubo tii ihỹre. Òbò, tahe yhy-wana tamy roholare. Iwese tii rarybere wese rityhynyre. Irybemynale riwinyre.

28 Kalileia aho ijõ weribi ijana-ò ritehemynyre. Kowa bede heka Kadara inire. Tule hābu inatxi heka tyytybybina-di tai rasỹnyrenyke wabedewo-ki. Kiary-ki tahe ibutumy iny ruberure. Iribi tahe ròhònymy reare.

29 Aõwesele heka ryrymy roirenyre Jesuisi-ò rarybekremy: —Aõwe wadireny tate, Deuxu Riòre? Kai aõbina binahakỹmy wahòròdỹỹõmykre.

30 Tahe kowa-ki ixỹni juramy riroximy rỹimyhỹ.

31 Tyytybybina tahe Jesuisi-ò rexitòenyre: —Biwatòenybenykeki, ixỹni jurawomy aralorenkykeki biwateònyke.

32 Tahe Jesuisi rarybere: —Bòibenyke hābuwo-ribi. Tahe ròirenyre ixỹniwo-ò. Ixỹni jura tahe ibutumy rejuxunyre ijòtira-ribi. Berawo-txi tahe rabòròròre.

33 Ixỹni-di itxeredu mahādu tahe hāwā-ò roirenyre ijyymy.

34 Kia hāwā ludu mahādu tahe roirenyre Jesuisi-ò itxeremy. Tai tahe tamy rarybere ibede-ribi ròhònykemy.

9

¹ Ribererenyire aōma hāwò nihikỹro-ò reuròrenenykremy kanawe-ribi ijà-ò. Tai tahe Jesuisi tahāwā-ò rehemynyre.

² Tai tahe didydenyde weryrybòò byre-di idi betyky-di ramyremyrenymy roimyhỹre. Tahe hābu mahādu inatyhyna Jesuisi rieryreu heka hābu dee rarybere: —Waexi, beysake, aòraruna dori reixāwididỹnyra.

³ Tai tahe ritidỹna bederydỹdu mahādu retehereri. Ix-ideele heka rarybemahā: —Kia heka ibinamy Deuxumy rarybereri.

⁴ Iyky Jesuisi rieryre tahe tamyreny rarybere: —Kai aōbo ibinamy waki tahateri arayky-ki.

⁵ Timybo heka kaiboho tahōtinyteri. Aōma iòraruna ari-ixāwidinyke aōbo ada iumy ariteytenyke aōbo? Aōbohe isiratyhyre wadee tahōtinyte wahe.

⁶ Deuxu-ribi waruru dire. Kabede-ki heka òraruna ari-ixāwididỹnyke jiarỹ heka Deuxu Riòre Hābu tyhyhykỹ rareki wahe. Tamy rarybekre: —Myike, abyre bimykre ta mariakre asỹ-ò.

⁷ Tai tahe hābu aōwesele rỹimy reare. Tahe taheto-ò rare.

⁸ Tahe bede inysōwetyhy heka ribedeòtiidỹnyre. Deuxu heka wowydyna riwahinyre. Tii iny-ò ruru riwahinyreki wahe.

⁹ Jesuisi iribi rariamy rare. Tai tahe tii Mateu-wana heka witxi reare ryki: —Jiarỹ heka nieru butudỹna heto-ki ranymahā. Jiarỹ rebutunymahā aōma inyòwydỹna heka rebutunymyhỹre. Iu Jesuisi wadee rarybere: —Manake waerydỹnaōmy heka beleke. Tai tahe jiarỹ tii-wana heka rare aōwesele heka ihemy rare.

¹⁰ Tai jiarỹ retobinyre kanakemy waheto-ò. Waheto-ki riroxikemy taerydỹna mahādu-wana. Tai tahe sōwemy heka iny waery mahādu dòidenyde, òrarudu nihikỹ mahādu wahe.

¹¹ Tule heka fariseu mahāduō tai ratximyhỹ. Tahe Jesuisi erydỹna mahāduō kiaō-ò heka rarybere: —Aòherekibo Jesuisi òrarudu nihikỹ mahādu-wana riroxireri?

¹²⁻¹³ Tai Jesuisi roholarehe tamy rarybere: —Aōma òhotibedu heka, webinadu mahādulemy aōnityhymy rarumahāre. Òhotibedu-ò kanakemy. Binadu mahādu-ò tahe tiu ararariòwyōtyhy aōma òbiti widỹdu mahāduòle heka anade. Warurumy rurumyhỹle mahādu ariwiòhenanykemy anade. Aō awihikỹmy ixi-di rōhōtinyreriò aōkō wahe. Deuxu Ryberiti-ki tahe kaweselemy roire:

Ixiwe heka wadee awiøre aruxetòena wadee awire. Kaiboho bierybenyke aōbo katyryiti rare.

14 Tahe Jesuisi-ò rarybere Joaõ eryna mahãdu: —Aõherekibo Joaõ Sebedeyãdu kia erydããna mahãdu renarehemyhãre rex-itòenykreu. Fariseu mahãdu erydããna heka tule heka renarehemyhãre. Ihãrele taheka aõherekibo abedeerydããna mahãdu heka tiu iwesemy riwinymyhãre. Aõherekibo ka.

15 Taita Jesuisi dirawyònyde: —Iu iny inyhãwyymy roimyhãre heka iny reysamyhãre. Aõma kia weryrybò hãwyy kialina heka teysamy ratxirerimy ihãre. Tiu rirubunyõhymyhãre teti-ò. Tahe aõutxumy tahe weryrybò hãwyymy heridu heka inyõ ritakremy ratximyhãre. Iu tahe renarehekre heka.

16 Uritere inyõ deratyby ritòbònyõtyhy tyytãmyra-di. Inyõ itòbòna tãmyra-di ritòbònyekiki, raykake heka iura ranihikãke. Aõma iwesele rare aõma vãã tãmyra iròdutyy tãmyrahakãle ritidikreu. Aõma itãmyra-ò heka iròdutyy itãmyrahakãle raykake.

17 Aõhe tiu vãã tãmyra iròdutyy tyby-ò rihynyõtyhy. Inyõ kia wesemy riwinyekiki taheka raykake heka rejuxunykre irube. Ihyna heka rabinake. Vãã wihikã taheka aõma iròdutyy tãmyra hyynawo-ki ka awimy rãike.

18 Iu dohodããdu hetoõ bede erydããduõ heka Jesuisi-ò nade tariõre rurureki wahe. Tai ta Jesusimy reàlãre tamy heka rarybere: —Aõma wariõre rarurura wahirari wahe. Kai w-heto-ò manake wariõre ruru-ribi biixixanykremy.

19 Tahe Jesuisi taerydããna mahãdu-wana roirenyre tii wana wahe.

20-21 Tahe hãwyy rõhõtynyre heka: —Jikarã heka ityky reroti-kò karirikrekule karekytekre.

Tii dori ihãlubu rihyõhyy raremyhãre waò inatxi reurò beòramy. Iòhòmy iribi reare. Ireroti wereysanakile rimymy resere.

22 Taita Jesuisi ròõsemy reare. Tuu robire tamy rãraxire: —Lerã, awi heka rare. Aityhyna heka arateyteynyre. Inatyhymy teyteta. Tai tahe hãwyy aõwesele reytemy reare.

23 Idi tahe aõwesele rehemynymy reare. Judeu wiuna be-deerydããdu heto-ò rehemynyre. Tai heka hãwyy sõwemy robumy rãimyhã rubura-ki rawiunymy rãimyhã.

24 Tai tahe Jesuisi tamyreny rarybereri: —Bòibenyke hewahe. Hiraririkã heka ruruõhyky roireri. Urile heka ròròmy roireri. Tahe iny rutxuenyre.

25 Tai iny sõwemy ròhònyre iribi. Tahe Jesuisi ralòre titxibo hiraririkã roireriò. Debò-ki rimyre tahe riteytenyre. Rexixare ixyby.

26 Ibutu bede bedemyhe inina-ò roholare. Kia deytana riwinyraò.

27 Tahe hãbu ruetà inatxi Jesuisi riheludunyre heka. Kia hetoy-ribi wahe. Tamy heka raryberenyre: —Kai heka iòlò

Davi riokore tate. Tai tahe ruxetòena-di biwawotòenyke.

²⁸ Idi tahe Jesuisi taheto-ò ralore tai rasỹnyny ratximyhỹò. Iny mahādu ihewomy rare tahe ralòre. Tamy rarybere: – Inatyhymy aõbo tetyhynytenyte, ixyby arāitxeredỹỹnykeò. Tii-boho raryberenyre: –Kohe Wanyrỹ, retyhynyre.

²⁹ Jesuisi rarybere: –Ainytyhynadireki arue tabita. Aõwesele robirenyre.

³⁰⁻³¹ Jesuisi heka rarybere tarurumy tamyreny uritere ijyyõmykremy. Tai tahe aõma ròirenyre ibutuko relyyrenyre.

³² Idita tako-ò rexidorunymy reareki tasỹ kia hābuõ-txi reare tyytybybina-di ratximyhỹò.

³³ Tahe Jesuisi-ò didydenyde hābu irybeõna kia tyytybybina òraru-ki wahe. Jesuisi tuu òlòdỹỹnyre iribi. Iule tahe hābu aõwesele heka rarybere iroo-ki. Kia iny ibutumy ribedeòtiidỹỹnyre. Timy heka rarybeõhyyre iko-ki juhoo raremyhỹu. Tuu rabiõhe iwesedỹỹnadumy.

³⁴ Idi tahe fariseu mahādu rarybere: –Tyytybybina-di ratximyhỹre. Tai heka tyytybybinahakỹ reteònymyhỹre iny-ribi. Ihārele heka Satanasi-di ihỹre. Tyytybybinatyhy wedu heka ratximyhỹre.

³⁵⁻³⁶ Idi tahe ibutumy hāwā hāwā-di Jesuisi rariamy rare ròbedeerydỹỹmy. Judeu mahādu dohodỹỹna heto-ki relyymyhỹre, Rybewihikỹmy. Tai Iòlòna kia ritỹnynymy tuu relyymy. Ibutumy iny bina bina kia heka riteytenyre. Iny nade ihewo-ribi. Sõwemy heka iny aõna aõna bina binahakỹ riwinymyhỹre idi rỹimyhỹ. Titxibo rakre heka rieryõhykymyhỹre ta aõna aõna òraru-ki idinoduõreki wahe. Tai tahe Jesuisi riwotòenymyhỹre ibutumy tiibohe dori budoeni wese ratximyhỹre, itxeredu ihoõreki.

³⁷ Tai tahe taerydỹỹnana mahādu-ò Jesuisi rarybereri: – Iny heka maixõmo sõwehekỹ rỹira wese heka iny ratximyhỹre. Aõma ibutelemy heka arixidu rỹira.

³⁸ Bexitòenyke Deuxu-ò. Tii heka bederomy maixõmo rỹira wedu rare. Bexitòenyke tamy aõbo maixõmo arixidu-ò kiditeònykemy. Irybe-di heka raaõmysỹdỹỹkre ibedero-ki. Ibutu bedero-ki heka idi raaõmysỹdỹỹkre.

10

¹ Ributunyre Jesuisi aõma tawa-ò inatxi reurò kia bede erydỹỹna mahādu. Tamy heka ruru riwahinyre. Aõma tyytybybina riteònykemy. Tule tamy riwahinyre ibutu binana deytana heka riwahinyre tamy.

² Kia heka tadeòdỹỹmahādurenynimy ararybekre. Juhoo heka Simaõ Pedro. Juhoo heka Simaõ inire, ihewomy tahe

Pedromy naninide. Andre ijõ. Tii heka Pedro seriõre rare. Txiau, Joaõ-wana heka Zebedeu riõre rare:

³ Filipi tasỹ ijõ rare. Idi tahe Bartolomeu ijõre. Tome ijõre. Mateu ijõre, jiarỹ wahe. Jiarỹ nieru tarasaduõ rare, imposto tarasadu wahe. Ijõ Txiau tasỹ Afeu riõre rare. Tadeu ijõre.

⁴ Simaõ ijõre. Tii Kana bede luduõ rare. Judasi Isariõ ijõre. Tii heka Jesuisi tyhedỹỹdu rare.

⁵ Jesuisi taerydỹỹna mahãdu waðinatxi reruõmy riteõnyre. Tamyreny rarybere: —Judeukõdu mahãdu-ò aõkõkre reteõnyre. Aõma Samaria mahãdu hãwã heka ralõðhyymyhỹre.

⁶ Kaiboho heka bõibenye judeu mahãdu-ò sohojile. Tiiboho Israeli riokore mahãduõ ihỹre. Aõma budoeni reõsamyhỹre mahadu wesemy tiiboho ratximyhỹreny.

⁷ Aõma tamy marybebenye: —Deuxu Iòlõna biu-ki heka aõwesele kedehemynykemy ihỹre.

⁸ Webinadu mahãdu heka biteytenye. Aõma iny rubu-wana witxi beakeki, biixixadỹỹnyke rubu-ribi. Tykybina yjy yjyhykỹ-ribi iny biteytenye. Tyytybybina inywo-ribi biteõnyke. Iwese aõ tetate wese iõwykõ heka ijõ-ò biwahinymahãke, iõwykõ wahe.

⁹ Uritere nieru wydyõmy, womati tỹrỹrỹhỹkỹ nieru aõkõ, prata womati nieru aõkõ, cobre womati nieru aõkõ wahe.

¹⁰ Aõma anieru hyna nihikỹ wydyõmy, awa ijõ wydyõmy, ijõ dera wydyõmy. Aõma õwõru arirana wiõhedỹỹna wydyõmy. Aõmysỹdỹỹdu taõwy riwykre. Kia õbitire.

¹¹ Hetoõ malõke. Kia heka arayrubunykre. Adee riwahinykre ibutumy aõmybo rarumyhỹkre. Iu hãwã-ò malokreu, hãbu ityhydỹỹdu mahãduõ biijekre. Taihyy bonykre-hyy tahe iwitxira hãwã-ò iribihyymy makre.

¹² Iu hetoõ-ò malõkeu Deuxu ywina tamy marybekre, Deuxu deysanamy wahe.

¹³ Kai awimy ityhydỹỹdu hetomy rỹike wana, biwahinyke aalàna tamyreny. Kai õbitimy aõkõ atxiteri wana tahe uritere tamy Deuxu deysanamy tamy wahidỹỹõmy.

¹⁴ Aõma tii arybe-ò roholaõkeki, kai hãwã-ribi bexitake taheto-ribi wahe. Tahe iribi bõhõnykeu tahe awabrybyxi biubỹtỹnyny bõhõnyke. Tii tahe tamyreny rioimyhỹre. Aõma tamyreny ibinatyhykre.

¹⁵ Inatyhymy heka adee ararybekre. Sodoma hãwã mahãdu, Komora hãwã mahãdu inatyhymy heka ibinare tamyreny tahe isiraõkre aõhõkỹmy dỹỹnana wahe. Aõma kia hãwã arybe-ò raholara heka kia ratyre heka tamy isiraõkre. Kia hãwã tahe aõnityhymy aõhõkỹmy rotỹỹnykre. Ywisidỹỹna txu heka rỹekreu wahe.

¹⁶ Iwese budoeni ijòrò aholay-ki rÿikre wese heka kaiboho boibekre. Hemylala erydÿÿna wesemy heka maraykynykre. Idi tahe sÿwemy aõma ywina-di maraykynybenykre bòtòewesena-di.

¹⁷⁻¹⁸ Uritere inatyhy heka aramykre araròtenykre dohodÿÿna hetowo-ò adi ralokre. Waòraru-ki heka bede dinodu mahādu heka araywisidÿÿnynakre. Judeukõdu mahāduko Rybewihikÿ Tÿmyra rarybekre. Tiiboho arahātenykre.

¹⁹ Aõ heka belyyke ikoreny ibutumy roholakemy. Aramykeu heka uritere nohòtiõmyke aõmybo marybekremy ywisidÿÿna-ki wahe. Bede heka ariwahinykre rybe ibededÿÿnanau. Rybeõmyke, urile rybeõmyke.

²⁰ Kai ixiwanaale aõkõ marybeke. Aõma Deuxu Tyytybytyhy arāwiòhenanymhÿreny.

²¹ Inyõ heka taseriõre rityhenykre. Tybyõ tule tariõre rityhenykre. Aõma iriõre tasÿ tyby-ò icky reakre idi rirubunykre.

²² Ihyy ibyrymy heka aluu aõkõkre waòraru-ki. Ibutumy iny deramy rarehyyke waòraru-ki: Inyõ tule òbitimy rarekreki, ikonanatxu-u, Deuxu Iòlòna-ò ralokre.

²³ Tahe anatakre. Aõma hāwāhākÿõ-ki atxikeki mahenykre ijõ hāwā-ò. Ihewoludu ikonana hāwā hāwāhākÿ-ribi behemykyke-ribi tahe adòòsekre. Judeu hāwāhākÿõ-ò behemykrekõule tahe adòòsekre, jiarÿ Hābutyhyhykÿ wahe.

²⁴⁻²⁵ Aõma bedeerydÿÿdu mahādu tahe aõma ierydÿÿna mahādu ratyre rare. Tule iwedu deòdu ratyre heka ihÿre. Iwesereny tahe boibebenykre. Tahe awedu tate. Inyõ tahe riwarinimhÿre Satanasi, Belisibu wahe raremy. Tahe iwesele heka iny araninikre waweselemy, ibinatyhyre wahe.

²⁶⁻²⁸ Jiarÿ adee wiji relyreri. Biurasòmÿ heka tuu bedelyykre ibutu ijohonanamy adeereny relyreri. Wasimy wijirumy adeereny relyyre. Biurasòmÿ tahe ibutu ijohonanamy tuu belyybenykre. Uritere ilau brebuõmy. Aõbo wasimy rÿire heka ibutumy ratÿnykre. Uritere ilau brebuõmyke. Adeelekre rirubunykre atyytyby ta rirubunyõtyhy. Iruruõre dori atyytyby rirubunyké. Deuxule tahe bityhynyke. Tii dorihe iruru-di heka rare. Tii bede luru-txi heka atyytyby bede luru heòty-txi heka adi rehuke. Bityhynyke idile maraykynyke. Hābu lau brebuõmy hābu aõbina bina riwinymhÿre lau brebuõmy.

²⁹ Nawiiõ iny riwymhÿre womati nieru iyja-di, iòwy riòre iny heka riwymhÿre. Ibutumy heka Deuxu nawii rieryre sohoji sohojimy. Tiu heka Deuxu rieryõhyymhÿre nawii sòmo rurumhÿreu heka tiu rieryrykõmy idi reteheòtyhy. Kiawese aõbo tahòtinymahāte. Aõkõre, inatyhymy idi retehemhÿre.

Ijõ rurumyhÿreu heka tuu robimyhÿre. Aõma Deuxu heka anaerymyhÿre nawii sõmo ratyre heka aumy rierymyhÿ.

³⁰ Ara erymy heka aõma arati-ki tiwesebo radeti rÿimyhÿre heka rierymyhÿre.

³¹ Breburenykõmykre, kaiboho dori nawii ratyre Deuxu-ò toite.

³²⁻³³ Kai marybeke: —Jiarÿ retyhynyre dori tahe umy arelyyke. Jiarÿ heka umy ararybeke inynyrÿ dee biu-ki wahe. Iny sõwehekÿy-ki riwatxiõnykeki tule aratxiõnyke jiarÿ Wahako-ò. Jiarÿ heka suò anade.

³⁴ Aõ ywina wydumy aõkõre heka anade. Jiarÿ heka ywina aõkõre diwyde. Bedejeijeidÿÿmy anade iribi wadee wou rÿikremy. Hãbu heka tybe òludumy rarekre.

³⁵ Tule hãwyy tadi òludumy arisynykre. Tule iriokorese tariòrelahi òludumy arisynykre. Aõma inyõ òludu heka tasÿ mahãdu òludumy rarekre.

³⁶ Boluu adireny boreny heka boibekre. Kia luumy heka boibekre. Tai tahe iratyremy boibekre aõkõkeki tahe waluuõkeki tahe wahõrõ mahãdumy aõkõ boibeke.

³⁷⁻³⁹ Kaweselemy boibeõkeki. Tai tahe kai wahõrõ mahãdumy aõkõhe mabekre. Aõma biyrurubunytyhykeki tahe kai ihãrele aõkre. Aõma kai waðraru-ki aõhõkÿmy botÿÿnykeki wadee waaõmysÿdÿÿ òraru-ki inyõ anarubunytyhykeki aõhe adee rutÿÿnykeki. Tai tahe aumy ròhònykre inyõ tasÿ-ò aradykeki iwese tii tasÿ-ò riwadyra wesele heka aradykre.

⁴⁰ Tii riwadyra wana Deuxu heka ridymyhÿre riwateònyreki wahe.

⁴¹ Deuxu rybeduõ bidybenykeki. Tii Deuxu-ò arãwahinykre. Deuxu adee uriiõno kadiwahinykre. Adeereny kidiwahinykre. Wahisidÿÿna ritakre wese heka tule kai bitakre. Adeereny ararybekre. Deuxu hõrõ mahãdu heka bimymahãbenyke. Aheto-ò bidybenyke hãbuwi ihÿrenyre. Tiiboho dori wese uriiõno ritarenykre wesele kaiboho bitabenyke.

⁴² Kai uladu-ò bemonã biwahinykeki bedi imonamy. Tai tahe kanakre inatyhymy adee aõ kidiwahinykre. Kai waðraru-ki ityhydÿÿdu-ò bee biwahinykeki, inatyhymy heka aòwy adee kanakre.

11

¹ Jesuisi heka rexihure aõma taerydÿÿna mahãdu waðinatxi bedeerydÿÿna-ribi. Kia bede ywina tamyreny riwahinyre. Rexihureu tahe rare ròhònyre iribi hãwã-di. Aõma rybe ritÿnydÿÿmy rakremy hãwã hãwã-ò.

² Idi tahe ròtenywokile heka iu Joaõ roimyhÿ. Aõbo Jesuisi tahe iu aõna aõna wiwihikÿ ritxienymyhÿreu heka Joaõ tamy

roholare. Ròtenywo-ki roimyhỹ-ribi. Idi tahe Joaõ taerydỹna mahãdu riteõnyre Jesuisi-ò dỹraxyimy:

³ —Kohe, anaraõdenyde tate. Aõma Deuxu deòdỹna wahe kanakre aõbo ihewo-ribi. Ariraõrenykre aõbo urihimyò.

⁴ Tai Jesuisi rirawõnyre: —Aõma bõõsebenyke ixbybyle Joaõ-ò. Belyybenykre ikò aõna aõna wiwihikỹ rewinyre arureny-ki tule tabite wamyreny.

⁵ Aõma iruetàhàkỹ heka. Reruedỹnyny rare wahe. Itiere tasỹ retinywãhãre dinoduhukỹ ity reytemyhỹre. Aõma ijõ Rybewihikỹ Tỹmyra roholaõhyymyhỹre tasỹ tule reiijohonadỹnyre. Aõma rubu tule rubu-ribi reixixadỹnyre. Rybewihikỹ Tỹmyramy heka retỹnydỹnyre ibutu iny-ò wahe, iny aõkõ mahãdu-ò wahe. Tule Joaõ-ò marybebenyke kawesemy wahe.

⁶ Maratyhybenykeki, beysabenyke.

⁷ Iribi rõhõnyreu tahe Jesuisi heka rarybere Joaõ bededỹnanamy. Aõmybo wahe Joaõ-di rõhõtynyreny aõmy tuu bedi nohõtynyreny tamy itxereny bederahy rõirenyreki wahe. Otxirarade wese yhy-ki tahõtinyteri.

⁸⁻⁹ Ada aõma hãbu urimynodutyhymy aõbo idi rõhõtynyreny. Aõma butõre wesemy idi rõhõtynyreny. Ada iwitxiramy aõbo idi tahõtinyteny hãbu tyywihikỹdiremy idi rahõtinyteny. Iòlò taheto wihikỹ-ki ratximyhỹre. Aõkõre, kia iny heka aõ Deuxu rybeduõmybo tahõtinyteny. Inatyhy tii kia rare.

¹⁰ Iratyre heka tii rare. Aõma dori Tyyriti-ki rarybemyhỹre: —Tii heka wako-ki kadehemynykre ratximyhỹre, wamy relyykemy, wary riywinymyhỹre.

¹¹⁻¹⁴ Inatyhy heka rare. Tii heka ibutu hãbu ratyre ratximyhỹre. Ihãrele tahe heka Deuxu Iòlõna-ki heka ijõ iny iratyre ratximyhỹre. Hãbu binahakỹ heka Deuxu Iòlõna-ò raaõbinanymyhỹre. Joaõ rexideleny rybe itỹnydỹny rexidelenyrehyyle heka ritelemy ralore. Tule wiji nalõmyhỹde sõwemy. Iu Joaõ rehemynykõle heka tuu rarybemyhỹre ibutu Deuxu rybedu mahãdu heka tuu rarybemy raremyhỹ. Tule Moisesi bede ywina kia rarybere. Tii Eliasi wesele ihỹre. Tetyhynyteny aõbo. Iwese Deuxu rarybereri wesemy heka tii nade.

¹⁵ Inyõ ierysomy rurukeki, roholake wiji. Aõmybo ararybekre kainymy tiwesebo rỹimyhỹremy.

¹⁶ Tiiboho heka iwese weryry uladu risinymyhỹre wesemy ihỹreny. Kiamy heka tiinamahãdu-ò rarybemyhỹre:

¹⁷ —Jiarỹboho heka aõma wiunawihikỹ-di rawinymyhỹreny. Idi tahe teysatenyõhyymãhãteny. Tahe wiuna bederarysyna-di heka rawinymyhỹreny. Ta bedewoõhyymãhãtenyteri.

¹⁸ Joaõ Sebedy̆y̆du heka riroxiõre. Viĩmy riõõre. Inywesereny tai tarybetenye: –Tii raitxy̆temy ih̆yre. Tyytybybina-di ih̆yre.
¹⁹ –Jiar̆y Deuxu Riõre heka rehemynyre Hãbutyhyhyk̆y wahe. Jiar̆y reroximyh̆yre. Reõmyh̆yre tahe kiaboho heka waluu aõkõ heka toite. Urile heka wamy tarybemyh̆ytenye wabyre nihik̆yremy wabemomohõk̆yremy. Aõma õrarudu kia liinatyhy heka jiar̆y rare. Aõ ikõkõlemy heka taraykynymyh̆ytenye ih̆arele taheka õbitilemy ixi-di tanohõtimyh̆ytenye.

²⁰ Jesuisi heka sõwemy aõwihik̆ymy riwinymy raremy. Ih̆arele heka imahãdu rityhynyõhyymyh̆yre heka. Kia Jesuisi heka rarybere kia hãwã mahãdumy.

²¹⁻²² Orasi hãwã aõ heka adee binatyhymy kanakre amahãdu-ò wahe. Besaida hãwã mahãdu, kaiboho aõna aõna wiwihik̆ymy tabitenye ahãwãreny-ki. Tiu heka ixi-txi õhõtireny reaõhykymyh̆yre. Jiar̆y aõma Tiro hãwã-ki Sidõ hãwã-ki aõna aõna wiwihik̆y ariwinyre wana inihe heka ixi-txi tõhõtireny reare iniheka saumy tyky rexityynyre tule brybysi ixityreneny heka rexihumy. Sidõ hãwã Tiro hãwã heka urihimyo adeereny isirakre.

²³⁻²⁴ Kafanaõ hãwã mahãdu! Kaiboho heka tule ixitxireny õhõtireny reaõhykre. Aõma kaiboho heka awireny ixi-direny tahoõtinyamahãtenye, awityhyremy. Kaiboho heka õhõtenamy bekoabenykre bedebina heõtyhyk̆y-ò dori be-sebenykre. Sõwemy dori aõwihik̆ymy kaiboho tabitenye. Deysana wiwihik̆y-di wahe. Tiu heka ixi-txi õhõtireny reaõhykymy aõrarureny-txi. Aõ wiwihik̆y Sodoma hãwã-ki rewinyre wana wahe. Tiu heka rabinaõhyre inihe heka wiji-ò. Aõkõ boty̆y̆benykre aõma Sodoma hãwã ratyre heka aõhõk̆ymy boty̆y̆benykre, Deuxu ywisidy̆y̆natxu.

²⁵ Tahe Jesuisi rexitõenyre Deuxu-ò: –Waha, biu bede-wana iwedu atximahãte. Kai uladu-ò aõna aõna tet̆ynnyte. Tewõmahãte heka kia ibedeeryhyk̆y lau heka tewõmahãte. Kai ixi-di bedeeryhyk̆ymy rõhõtinyimyh̆yre lau wahe.

²⁶ Tii heka adeewinare.

²⁷ Ibutumy heka Waha wadee riwahinyre tii heka ri-waeryre. Jiar̆y tule tii reeryre. Aõma ixidee wikeki inydee ariteõsinyke. Timybo Waha rare.

²⁸ Elehyd̆y̆my buruke aõbo? Manake wadee. Jiar̆y heka araelehinykre.

²⁹ Walõtityreherina ixidee bitidibenyke. Tai tahe wawana maaõmys̆dy̆y̆benyke. Arabederynykre heka ywina-di. Ari-tidiõtyhy heka aõ utxiehek̆y atyreneny. Elehyna adeereny ariwahinykre awo araykyreny-ò.

³⁰ Aaõmys̆dy̆y̆na adeereny rewahinymyh̆yre isiraõre heka. Iutxiemy aõkõ rare.

12

¹ Sabado txuu, judeu elehynatxu Jesuisi rariamy ròirenyre maixõmoni oworu-ki. Tahe rekoarenyre aõma maixõmoni oworuro-di heka irenyre. Kia heka tahe Jesuisi taerydÿÿna mahãdu heka riarimyhÿre aõma riyrenykremy rama rahu-raki.

² Iu-ki tahe fariseu mahãduõ retehemy ratximyhÿre. Tii-boho tahe rarybere kia Jesuisi-ò rarybere: —Kia hewa brebuna rare aõma sabadotxu riwinymyhÿré: —Aõherekibo aerydÿÿna mahãdu iu riwinyrereri.

³ Tahe Jesuisi tamy rÿÿraxire aõma ijyymy ikoreny relyyre iwese Davi riwinyre wesemy heka riwinyrereri ramy rahureu.

⁴ Davi riki heka ralòre Deuxu dohodÿÿna hetowo-ò heka ralore. Tai tahe rirÿsÿmyhÿ kia aõma xiwena-ki heka riymy. Kia orotxu heka aõma xiwena-ò hidÿÿna mahãduòle rÿimy. Tahe ihãrele heka riyrenyre heka. Taijoi mahãdu-ò ri-wahinyre.

⁵ Kia wesemy aõma tariakõte bede ywina tyyriti-ki wahe. Aõma xiwena wahidÿÿdu heka rityynyõhyymyhÿre. Aõma sabadotxu kia wahisidÿÿna. Xiwena bede ywina wahe. Iu dohodÿÿna hetowo-ki ratximyhÿu. Tii heka sabadotxu bede ywina rityhynyõhyymyhÿre. Tahe heka aõbina bina ri-winyrenyõhyymyhÿre. Kia tahe heka tule heka bede ywina tyyriti heka ritidÿÿna roire. Idi tariatenyõte.

⁶ Inatyhymy heka adee ararybekre. Inyõ kaki ratxikeki jiarÿ heka kaki heka inyõ ratximyhÿre aõma dohodÿÿnahakÿ heto-ki wahe. Dohodÿÿdu mahãdu ratyre heka watximahãre jiarÿ wahe.

⁷ Kiamy heka ritidÿÿna rÿimyhÿre. Jiarÿ heka xiwena lu-ure ihãre tahe sõwemy heka iratyre ruxetòena luure. Jiarÿ aõma xiwena luure ihãre tahe iratyre heka aõma ruxetòena luure sÿ. Kaiboho terytenyte wana. Aõma heka ibi-namy tarybehyynehÿte inyõ teòsamy ratxikeò. Aõma aõ ri-winyrenyõkõhyre. Kiamy wahe.

⁸ Jiarÿ dori Deuxu Riòre Hãbu watximyhÿre. Jiarÿ tule aõma sabadotxu wedu wãhãre.

⁹ Tai tahe Jesuisi nade heka ixyby aõma tohodÿÿnareny heto-ò. Ralòre heka sabadotxu.

¹⁰ Hãbuõ ratximyhÿre debò binare. Debò rayjayja ihÿmyhÿre. Tahe fariseu mahãdu heka Jesuisi-di mynamy ratximyhÿre. Aõ rybebinamy rarybeke òraru-ki rimykemy. Tai tahe rÿÿraxire Jesuisi-ò: —Timyrebohe brebuna aõbo sabadotxu deytedyÿ ada aõkõre aõbo.

¹¹ Tai ta Jesuisi rirariwònyre: —Kaweselemy rõkõhõtinyrenyke. Kai heka aõmy abudoeni sohojilere. Sabadotxu heka reseke hãlooro-txi aribi. Timybo mohõtinyke

aõma bitake hãlooro-ribi. Inatyhyre aõbo. Sabadotxu hãrele bitake. Kohe, inatyhyra.

12 Hãbu heka budoeni ratyre heka iòwy rare. Aõma sabadotxu aõwaxinyre heka reyteke.

13 Tai hãbu-ò rarybere Jesuisi: –Ebò biditytyke. Debò ritytyra ta wiwesele debò relere awimy.

14 Fariseu mahãdu heka wii ributunyre, iribi röhòrenyreu wahe. Widee raryberenyre: –Aõma timybo rikisỹnyrenykre rikimyrenykre rikirubunyrenykre.

15 Tahe Jesuisi rierymyhỹ kiamy rarybermyhỹreny heka roholamyhỹ. Tahe Jesuisi rierymy heka. Iribi irehemy ratximyhỹreny hãrele, rierymy heka. Iribi tahe rexitare heka hãwã-ribi wahe. Idi heka ihemy heka rare riheludunyre. Sõwemy heka webinadu ihemy rare. Ibutumy riteytenyre.

16 Teyteydỹna mahãdu-ò rarybere: –Uritere itỹnydỹõmykremy tuu ijyyõmykremy inyko-ò.

17 Ihexiu Isaia tyyriti-ki heka kawesemy rỹimyhỹre. Tii heka Deuxu rybeduõ rare.

18 –Kaheka Wadeòdu rare. Tuure heka jiarỹ, tii heka retare. Rehixinyre. Tii heka deysana wadee riwahinymyhỹre Tatytybytyhy tamy ariwahinykre. Ywisidỹna txuu heka ibutuko-ò relyykre.

19 Tii heka rryrõtyhy rebureõtyhy heka inyõ-wana widee. Tiu heka inyõ roholaõtyhy irybe dee. Ryki heka inyõ irybe-ò roholaõtyhy.

20 Aõma bõtòreõ irybõhõmy roikeki. Tii raòrõõtyhy. Txuheõtyjurà loosõna urihimyòkeki heka tiu ruriõtyhy eleti-di. Tii ritakre iaõbinana, inatyhynaõ binana wahe.

21 Ibutumy heka iraròsõna iribi ritakre.

22 Hãbu rybeõ ruetã heka iny didydenyde Jesuisi-ò wahe ralõmyhỹreki wahe. Tii tyytybybina iwo-ò ralõmyhỹreki wahe. Jesuisi tyytybybina riteõnyre. Tai irue heka awimy relere rarybere.

23 Ibutu iny sõwe heka heka ribedeõtĩdỹnyre. Widee tahe raryberenyre: –Ka heka Davi riore riòre òsana rare, Deuxu deòdỹna wahe.

24 Tahe fariseu mahãdu-ò roholare. Tahe rarybere Jesuisi: –Tii inatyhymy tyytybybina riteõnymyhỹre inywo-ribi. Aõma tyytybybina wedu ruru-di heka riteõnymyhỹre. Belisibu ruru-di wahe.

25 Jesuisi heka rieryre iraykyreny. Tai tahe tamy rarybere: –Ijyymy heka tamy rarybere. Iòlõna mahãdu wiribi ibutumy rexihixinykeki tahe rexihukre ibutumy wiribireny. Tahe hãwã mahãdu taijoiy-ribi rexihixinykeki, awi aõkõ rare tai wahe.

²⁶ Wiribi rexihitxinyke wana. Tule awi aõkõ rare tai wahe. Aõma Satanasi rexideõnykeki tahe tayreny-ribi rexitake.

²⁷ Belisibu ruru-di tyytybybina ariteõnyke wana aõdibohe aheludu mahãdu riteõnykemy ratximyhÿre. Tiiboho heka aywisidÿÿdurenymy ratximyhÿre.

²⁸ Jiarÿ Tyytybytyhy ruru-di ariteõnykeki heka kaiboho arunareny Deuxu-ribi nade. Iòlõna adeeremy rehemynyneri.

²⁹ Inyõ heka hãbu rurutere hetowo-txi ralõõtyhy wasimy wahe. Tai rawasinymy ratximyhÿkeki tahe urile juhUU hãbu ritaataake. Idi tahe iheto-ribi aõdibo rawasinnye.

³⁰ Inyõ wabiõwamy aõkõ ihÿre wana heka, waõludu rare. Inyõ wawana ibutumy ratxiõmyhÿre wana tahe raybåtãmyhÿre.

³¹ Inatyhymy jiarÿ adee anarybekre. Ibutu õraruna kanaixãwididÿÿke. Hãbu aõtxile aõbina bina rarybemyhÿre. Sohojile taruxãwidÿÿõtyhy. Aõtxile inyõ aõbina binamy Deuxu Tyytybytyhy rarybekeki. Tii aõraru rataõtyhy. Kia heka õraruna tiiehyymy rarekemy ihÿre.

³² Hãbutyhyhykÿ heka Deuxu riõremy aõbina binamy iny rarybekeki, wamy wahe, tii tahe ixãwidina dire. Deuxu Tyytybytyhyhymy rarybekeki, tii tahe iixãwidinyõhyre. Tiehyy kia õraruna-di rareke.

³³ Jesuisi rawesenanyre iny õwõru wese rare. Õwõru awimy rÿike wana, tai heka iratywihikÿõ-ki iny rahake. Ruru rasunymyhÿre raruburerimy ihÿre. Kia tasÿ iratywimy aõkõ rÿike ibinamy. Aõma õwõru iny rierymyhÿre aõbo iribi iraty dejuxunymyhÿde õraru-ki iny rierymyhÿre, awire.

³⁴⁻³⁵ Kaiboho heka hemylala mahãdu wesemy atximyhÿtenyete. Kaiboho heka abinatyhymy ahãtenyete. Timybo heka kaiboho aõwiwihikÿmy marybebenyke. Arayky aõbina bina hakÿlemy tõhõtinyteri wana. Tai taheka ary tuu rõhõnyke ary tuu rarybeke. Aõma hãbu wihikÿõ ratxiremyhÿre wana aõnana wiwihikÿle tarayky-ki riyrubunymyhÿre. Tii heka rarybemyhÿre. Hãbu bina tahe tarayky-ribi ibinalemmy rarybemyhÿre.

³⁶ Ibutumy aõmybo iny rarybemyhÿre heka ywisidÿÿna txu tuu rarybemyhÿre rierymy timykibo tuu rarybere wahe.

³⁷ Õrarukibo rarybere: —Arybe õraru-ki heka ywisidÿÿna-ki atxiteri. Bitakemy aõbo ada aõkõre aõbo.

³⁸ Bedeerydÿÿdu mahãdumy heka fariseu mahãduõ tamy rarybereri: —Erydÿÿdu, wadeeremy biteõsinyke awiwihikÿõ.

³⁹ Jesuisi dirawyõnyde: —Iny kamahãdu heka ibinatyhy rare aõ awiwihikÿ rexitõenymyhÿre. Abina binale wahe. Aõ wihikÿle bobiõtyhy. Tahe sohoji aõwiwihikÿõmy heka mohõtinyke. Jonasi widÿÿna wahe.

40 Jonasi Deuxu rybeduõ widÿÿna wahe. Tii inataõ txu inataõ rummy uturahakÿ wona-ki ihÿmyhÿwesemy. Iwese Deuxu Riõre Hãbutyhyhykÿ bede-ki rarekremyhÿ wesemy inataõ txummy inataõ rummy.

41 Ninive hãwã mahãdu heka roholarenytxi tõhõtireny reare. Iu Jonasi rybe ritÿnydÿÿreu wahe. Tahe inyõ kaiboho tamy taholatenyte. Sõwemy heka iny Jonasi ratyremy ihÿre. Ihÿrele kaiboho ixitxireny õhõtireny reaõre. Ninive tamahãdu tahe ibinany adeeremy rarybekre. Ywisidÿÿnatxu wahe.

42 Iòlò Hãwyyõ heka ibòò irehe-ribi nade. Aõma Salomaõ bede erydÿÿna-ò roholakemy. Kaiboho heka inyõ-ò taholatenyte. Salomaõ ratyre heka sõwe inihikÿ ihÿre. Ihãrele ta ixitxi nohõtireny reaõre. Ywisidÿÿnatxu heka Iòlò hãwyy ibinanamy kÿnarybekre umyreny wahe. Ywisidÿÿnatxu.

43 Aõma tyytybybina hãbu-ribi rõhònykreu tahe elehydÿÿna riijekre. Aõma bedebinana tòteehekÿ tahe tuu reakre. Ihÿre tahe tai rahaõhykre elehyena-ki wahe.

44 Tai tahe ixidee rybekre: —Aròsekre kÿhe. Iribi ranywÿhÿreò anakre. Tai tahe kia hãbu-ki rahara. Tyyrahakÿmy iwo-ki iruxeramy.

45 Tai tahe ijõ-txi reare. Debò inatxi reurò tyytybybina-txi iratyre tyhy wahe ibinare. Tai tahe ridyke tahãbu-ki rasÿnyrenykemy. Kia hãbu heka iwese juhu raremyhÿre ratyre ibinamy ratximyhÿre. Kaiboho heka kia tyytybybina wese atximyhÿtenyte.

46 Jesuisi tahe ijõ-ò rarybere ijõ ijoi-ò, tai tahe ise rehemynyre, iseriõreboho-wana. Sõwemy iny mahãdu-ò heka rarybere.

47 Inyõ tamy rarybere: —Inyõ heka arãijereri adi ahelÿÿna. Kie heka rehemynyreri adee rarybekemy adi ratxireri.

48 Jesuisi dirawyònyde: —Mota heka nadireri, mota heka waseriõrereri?

49 Tai tahe tebõhe riteòsiriteòsinyre taerydÿÿna mahãduõ-ò. Ka heka nadi rare. Ka heka waseriõre. Ka ijõ heka waseriõre.

50 Wahadeewi riwinymyhÿreki tahe, tii heka nadi rare. Wasiõre rare. Waha dori biu-ki ratximyhÿre.

13

1 Itxu taheka Jesuisi rare heto-ribi Kalileia aho ijà-ò. Tahe tai ronyre. Tahe rexiterenyre Jesuisi iny ribedeerynymy.

2 Tai ibututyhymy heka iny wirotyre. Tai tahe Jesuisi rexitareny urihimyò hãworo-ò ronony rexitaranyre. Iny sõwehekÿ mahãdu tahe aho ijàkile heka roholamy rÿimyhÿre.

³ Tii heka relyymyhÿre aõma ijyyõ relyyre: —Aõna aõna wese ijyy rawesenanyre. Hãbu alòbòromy rara. Tii heka alòbòròna dehuu rare.

⁴ Ijõ heka idi rehumyhÿu heka ijõ ryro-txi resere. Nawii heka riròmyhÿre riore heka.

⁵⁻⁶ Ijõ tahe rejuxunyre aõma manarutysu-txi. Tii tahe raumynyre aõwesele. Iraruxiõlemy heka rÿimyhÿ suu ibu-tureki. Idi bedetòtee rimoedÿÿnyre. Idi tahe rurure.

⁷ Òwòrudÿÿ resere edey-txi. Idi ta ruhunyre edewanale. Idi tahe ede riòdesedÿÿnymyhÿre. Tai heka raratynyõlemyhÿre.

⁸ Ijõ tahe resere suwitxirawihikÿ-txi. Tai tahe sòwemy raratynyre. Sohoji òwòrutu-ribi tahe 30my raratynyre iraty wahe. Ijõ 60my raratynyre iribi. Ijõ ta 100my raratynyre.

⁹ Tahe Jesuisi heka rarybere: —Kia bohولاتyhymy bonyke. Òhõtirenydikeki bohoolabenyke.

¹⁰ Tai tahe ierydÿÿna mahãdu Jesuisi ritÿÿraxinyre: —Aõherekibo kai ijyy-di bierynanykemy atxiteri, rawesenanyreri wahe.

¹¹ Tai tahe dirawyònyde: —Kaiboho aõmybo Deuxu reerynanyre kaiboho bierybenyke. Ijõ mahãdu tiu ijyy rieryòtyhy. Kaiboho dori Deuxu Òlòna teerytenyte.

¹² Hãbuò iaòdikeki ijõ heka iratyre tamy ariwahinyke. Tai tahe sòwemy tamy rauhenyke. Tahe hãbu ihoòkeki ibutelemy ijòdikeki heka kiale iribi ibutumy aritakre.

¹³ Retehe my ihãre tahe robiòhyymyhÿrenyre tahe ririòhyymyhÿre. Tai heka ijyy-di reerynany my watxireri.

¹⁴ Iwese Isaia tyyriti-ki roire wese heka tiiboho ihÿrenyre: —Roholamyhÿre, roholamyhÿre ihãre tahe rieryòhyymyhÿre. Retehe my ihãre tahe tiu robiòhykymyhÿre.

¹⁵ —Irayky tererenyrekiki wahe rieryõre heka. Òhõtireny heka ritòbònymyhÿre ta ijohonana-ribi. Tarue ri-brenymyhÿre robike lau. Tahe wadee ròðseòtyhy. Aòkõre heka ariteytenykemy idi watximyhÿre. Tibo heka terareny aòkõre.

¹⁶ Jesuisi ijõ relyymyhÿre tamyreny: —Kaiboho heka eysamy atxitenyteri. Kaiboho heka bobibenyke tahe bierybenyke. Aõmybo kaiboho tabitenyteri heka, taholatenyteri wahe.

¹⁷ Ihetxiu mahãdu, hÿÿna mahãdu wahe, tuu lobiximy ri-wisÿnymyhÿre. Aõma aõwobo kaiboho taholamyhÿtenyteò heka roholakemy riwisÿnymyhÿre tahe roholaòhyymyhÿre.

¹⁸ Tahe bohoolake heka adee aritÿÿnynyke aõbo ijyy rare.

¹⁹ Òwòrutu ryro-txi resemyhÿre heka iny ijoireny wesemy ihÿre. Ijohona tuuwesemy wahe. Tibo roholamyreny ihÿre tahe rieryòhyymyreny. Aõma Satanasi heka nade tai tahe warybe heka iribireny ritamyhÿre.

20 Ijõ manarutysu-txi resemyhÿ mahãdu tahe ijõ ijohonadu wesemy heka roire. Tiiboho heka deysana-di roholamyhÿrenyre.

21-22 Tai tahe urihimyòle rityhynymyhÿrenyre aõhõkÿmy dÿÿnana kanakeu tahe aõwesele riatyke ririmy reake. Kia edey-txi resera tasÿ aõma ijõ ijohonadu mahãdu wesemy heka rare. Tiiboho heka aõma 1000 nierule aõnityhmy idi rõhõtynymyhÿrenyre nierudile. Tai tahe rexibedewonymyhÿrenyre. Tiu heka Deuxu aõmydÿÿna riwinyõhyymyhÿre, Deuxu Rybe riwiòhenanyrenyre.

23 Kia suwitzira wihikÿ-txi resera wana tahe iwitxira ijohonadu mahãdu wesemy heka rare. Tiiboho heka roholamyhÿrenyre rityhynymyhÿre sõwemy Deuxu dee roholamyhÿreny heka. Ijõ 100my wesemy raratynyre. Ijõ 60my raratynyre ijõ 30my raratynyre. Iny sohoji sohojiõ heka Deuxu-õ aõ riwinyrerimy ihÿre.

24 Idi tahe iwitxira ijyymy relyyre Jesuisi tamyreny: — Deuxu Iòlõna heka kia wesemy ihÿre. Oworudu heka aõma alòbòrõna wihikÿõ ritòbrònymyhÿre taoworuro-ò.

25-28 Tahe iòluduõ rummy heka tamy nade. Tahe iu ibutumy iny rõrõmyhÿreu, asibinaty-di tamy rehure. Tai tahe alòbòrõna asibina-wana ruhunyre kia aõma ede wana wimy urilemy. Taiki tahe kia aõma oworudu kia aõmysÿdÿÿdu mahãdu. Tuu heka ijyy-di nade tuu ijyymy. Idinodu rarybere: —Aõma waòludu heka kia riwinyre wadee. Idi oworudu narybede: —Aõhebohe arotÿÿnyrenykre? Ta idile aõbohe arisiherenykre araxirenyre. Tai tahe rirawyònyre:

29-30 —Aõkõre wahe, kia ibutumy alòbòrõna rirarutxinykre. Ixinamy heka ratybienykre tii-wana wiurilemy kia maixõmo arixina bededÿÿnamy bede relerekeu tahe iribi raarike. Ararybekre heka tamy kia aõma oworu-di raaõmysÿdÿÿkreò. Juhu delemy asi arisykre. Tahe ritoonykre. Idi tahe maixõmo heka riarikre kia maixõmo hetowo-ò riyrubunykre.

31 Tahe Jesuisi ijõ ijyy wixiramy relyymyhÿre: —Aõma Deuxu Iòlõna heka aõma alòbòrõna sõmo sõmo wesemy ratx-imyhÿre.

32 Aõma raumynyneri heka aõma òwòru iyjatyhmy ibutumy òwòruty-ribi rariewesele relemyhÿre.

Taiki tahe kia nawiile tuu rÿtÿnymyhÿre kia òwòru-ò.

33 Uri paõ uri ixiòlòdÿÿna heka Deuxu Iòlõna wesemy heka kia ihÿre. Hãwyy heka paõ riwinymyhÿreu, riurinymyhÿreu tahe ibutumy raubÿtÿmyhÿre kia ibemy.

34 Tai tahe rexìlònymyhÿre Jesuisi heka sõwemy tuu relyymy raremyhÿ. Iu iny ribedeerynymy raremyhÿu. Ti-

iemy heka Jesuisi relyyhyy raremyhỹ iu ròbedeerydỹỹmy raremyhỹu.

³⁵ Deuxu rybedu dori ihetxiu rarybere:

—Jiarỹ ijyy-di rebedeerynymyhyỹre. Aõma tuu relyymyhyỹre heka ierykõna rare. Tiuhe rieryõhyymyhyỹre. Iu bede rexideelenyrauhyyle.

³⁶ Idi tahe Jesuisi rexitare iny sõwey-ribi rexitare. Hetoõ-ò heka ralore. Tai tahe aõmybohe wakoreny inihe bedelyyke. Aòludu inybo arasỹnyremy. Kia ijyy heka aõma hãbu ede-di rehure ioworu-ò, taòludu oworu-ò. Kia inihe wadee bitỹnynye aõbo rare wahe. Kia ijyy telyyté.

³⁷ Tai tahe Jesuisi tii dirawyõnyde: —Kia hãbu alòbòrõna wihikỹ ribòrõnyre heka Deuxu Riòre Hãbutyhyhykỹ, rare wahe.

³⁸⁻³⁹ Ioworu heka ibutu bede heka roimyhỹ wesemy roimyhỹre. Aõma alòbòrõna wihikỹre heka ityhydỹỹdu iwese rỹirawesemy rỹira. Asi tahe kia ityhydỹỹdukõdu mahãdu wesemy heka ihỹre. Aõma kia iòludumy rarybereri tahe kia Satanasile heka ihỹre. Kia iyresynamy rarybereri aõbo bedekonana heka tuu rininimy heka tuu rarybereri. Kia ýju heka iyresydumyhỹ tuu rarybereri. Kia rimykre ede riorokremy rarybereri heka aõma ityhydỹỹdukõdu mahãdu heka tuu rininimy rarybereri.

⁴⁰ Ritakre heka rihitxinykre. Heòty bedehékỹ heka idi rehukre risõkre iu wahe. Iwesele taheka bedekonana heka rarakre.

⁴¹ Deuxu Riòre, Hãbutyhyhykỹ heka aõma ýju riteònykre ibutu iny ributunykremy.

Ityhydỹỹdukõdu mahãdu ijõ iny òraruna-txi rityhedỹỹdu mahãdu heka ibutumy ributunykre widee. Ibutumy aõbina bina widỹỹdu wahe.

⁴² Idi tii rihukre. Tai tahe ryrykre aõkỹmy rotỹỹnykre tai. Robumyhỹre taju.

⁴³ Kiau aõma

Deuxu hõrõ mahãdu tahe Waha Iòlòmý ronymyhỹre kie ronykre. Tiiboho loosòny wesemy heka ritoosònanykre txuu loosòna wesemy.

Õhõtirenydikeki ibutumy heka boholabenyke.

⁴⁴ Deuxu Iòlõna tahe nieru wesemy ratximyhỹre. Aõma nieru heka hynaõ-ki rahara nieru-di tỹximy aõma surawo-ki idi hãbu ixyby riwore. Tai tahe tii reysatyhymy ròðsere. Kia ibutumy taaõmydỹỹna-di heka rohonyre. Kia bedero riwykremy.

⁴⁵⁻⁴⁶ Ijõ tahe tule Deuxu Iòlõna wesemy ka ratximyhỹre. Iwese ixigua wydydu ihỹre wesemy heka Deuxu Iòlõna ihỹre. Iwydydu heka iijese iijesemy riwymyhỹre. Aõwi riererimy riererimy heka tai rahamyhỹre iruxera-ki tii tahe riwymyhỹre.

Kiau tahe tai rahare aõ òwyhykỹõ-ki heka rahare. Tii idi tahe rohonyre ibutumy taaõmydỹna-di idi tahe kia iwydymy idi ratxirerìò riwyre.

47 Riàõ wese heka tule Deuxu òlòna ihỹre. Aõma rià-di iny rehummyhỹre wana heka ibutumy utura rimymyhỹre.

48 Kia aõma idi tahe idi raixỹnymyhỹre riarimyhỹre iky-ribi. Aõma awi-di awihe riarirerimy iky-ribi. Ibinare rihitxinymy iribi.

49 Kia bedekonau tahe iweselemy heka rarekre. Kia aõma ýju heka riarikre awi heka ibinaw-ribi riarikre.

50 Rehukre heòty bedebinakỹ-ò wahe. Tai ki tahe rirajuamyhỹkre ta aõhòkỹmy rotỹnymyhỹkre. Txuu rikyinyamyhỹkre

51 Tahe Jesuisi tamy rỹraxire: –Kiamy ibutumy teerymyhỹtenyte? Tiiboho riraòwònyrenyre: –Kohe, reerymyhỹrenyre.

52 Idi Jesuisi rarybere: –Inyõ bede ywina bedeerydỹna heka rityhynyreu, waheludu rarekreu wahe. Tii tahe iwese hãbu butudỹdumy ratximyhỹre wese heka ronymyhỹre. Tii heka ibutudỹna heto-ribi ritamyhỹre, tasỹ mahãdu-ò ri-wahinykemy. Aõ tyby aõ tỹmyra. Ibutumy heka ritamyhỹre.

53 Tahe iribi Jesuisi rexitareu,

54 tahe tahãwã-ò ròðsere. Judeu dohodỹna heto-ki ribedeerynyre. Tahe ibutumy ribedeòtiidỹnyre. Tiribibo heka tii bedeeryna rierymyhỹre: –Timyrekibohe aõwihikỹ rierymyhỹre. Tii kỹny heka aõma òwòru besedỹwidỹdu riòre heka rare.

55 Jyje riòre wahe. Marie heka tule rare ise wahe. Txiau, Simaõ, Jyje, Judasi-wana iseriòre ihỹre tule wahe inatyhy?

56 –Iseriòre hãwyy heka tule kaki rasỹnymyhỹre inatyhy. Timyrakibohe aõna aõna ikòkò rierymyhỹre.

57 Tahe rityhynyõhyymyhỹre heka tai wahe. Jesuisi tamyreny rarybere: –Deuxu Riòre Hãbutyhyhykỹ heka tiu tauludu wijirana hãwã-ki inyõ rityhynyòtyhy rybeduõ ihetomy ijirana-ki.

58 Tai tahe aõna aõna wihikỹ heka tai riwinyõhyre, rityhynyõmyhỹreki.

14

1 Kia bedeu tahe Herodi, Kalileia iòlò, Jesuisini-ò roholare. Aõikòkò heka riwinymyhỹre.

2 My heka rarybere teòdu mahãdu-ò: –Kia Joaõ Sebedỹdule aõbohe rubu-ribi riixixadỹnyre. Tai tahe tii aõikòkò ri-winyamyhỹre.

³ Herodi tahe juhUU Joaõ røtenawo-ki riteònyre. Tii taseriðre hãwyy òraru-ki kia wesemy riwinyre, Herodia òraru-ki wahe. Herodia heka Filipi hãwyy rare.

⁴ JuhUU Joaõ Herodi-ò rarybere: –Awi aõkõ rare. Kai dori aseriðre hãwyy-wana atxiteri. Uritere heriðmyke.

⁵ Tai tahe Herodi heka Joaõ rubudÿÿmy riwisÿnyre. Urile ruberumy judeu mahãdu lau. Tamyreny Deuxu rybeduðmy rÿiramy Joaõ Sebedÿÿdu rare.

⁶ Herodi kai beðramy bede reareu tahe worana bedehesi ritxienyrenyre. Herodia riðre ijadòma heka iko-ò resemyhÿre. Iixe-ki tahe awimy Herodi rahare, Ijadòma luure wahe.

⁷ Tii tahe tamy rarybere kanakemy. Aðmybo wadee bexitòenykre. Inatyhymy adee ibutumy ariwahinykre.

⁸ Tai ise ijadòma-ò rarybere: –Aðma bexitòenykre: Sebedÿkÿdu ratilemy tamy bexitòenykre. Tai tahe ijadòma tamy rexitòenyre: –Wadeke bidiwyke Joaõ Sebedÿkÿdu rati, pratoro-ki.

⁹ Tai tahe iòlòhe rabadewore. Ibutu ijohonaru-ò dori tuu rarybere ijadòma-ò. Tahe ibutumy riwinyke rÿire.

¹⁰ Tahe ihãrele iòlò heka soldadoõ riteònyre røtenawo-ò kia Joaõ rati resymy.

¹¹ Inyõ diwyde pratoro-ki. Ijadòma-ò heka riwahinyre. Tahe tii tadi-ò idi rare. Riwahinyre.

¹² Idi tahe Joaõ erydÿÿna mahãdu dioryde iumy, riwykremy, rituunykremy. Iribi tahe roirenyre Jesusiko relyre.

¹³ Kia roholareu tahe Jesuisi røhònyre ixisohojilemy bederahu-txi. Hãwò-di rexitaranyre rare. Iny sòwemy bededi ròirenyre ihemy titxibo iru-ki rakemy.

¹⁴ Rehemynyre tahe iny sòwehekÿmy Jesuisi robire. Tai tahe Jesuisi riwotòenyre. Ibutumy riteytenyre webinadu mahãdu.

¹⁵ Tahe ratxioronyre. Tahe ierydÿÿna mahãdu tamy nade. Tamy rarybere: –Txuu ratxioronyra. Bederahy-ki dori atxiteri. Iny tahe biteònykre hãwãõ-ò tai rÿsÿna ixidee riwykemy.

¹⁶ Tahe Jesuisi rirawyònyre: –Aðkõre, ariteònyðtyhy jiarÿ. Kaibohole tahe aõ tamy bidiwahinybedenyke.

¹⁷ Jiarÿboho kÿny diwatxiðnyreri iruyre orotxu-di, utura inatxire.

¹⁸ Tai tahe Jesuisi narybede: –Bidiwahiny wadee.

¹⁹ Jesuisi tahe ibutumy iny asityre-ki ronykemy risÿnyre. Orotxu inaubiðwa, utura inatxi rÿire, utura-wana rimyre tahe ritehere biu-txi àlàna Deuxu-ò riwahinyre. Idi tahe paõ riyreyrenymyhÿre teòdu mahãdu-ò riwahinyre. Idi rare iny sòwehekÿ-ò.

²⁰ Ibutumy iny riroxirenyre ihāre rihydyre. Kia iuhe-di ierydỹna mahādu 12 weriri ritỹxinyre.

²¹ Hābumy 5000 òsana rỹimyhỹre. Ihāre tahe uladu-di rariaõhyre hāwyyboho-di.

²² Tahe Jesuisi taerydỹna mahādu riteònyre aho kanawe-ribi ijà-ò reuròrenykemy hāwò-di. Jesuisi tahe rarire iny sōwehekỹ mahādu rirybedỹmy.

²³ Jesuisi heka iny tahetoreny-ò riteònyremy rahudi tahe tii raòwònyre hāwālò ratyy-ò ixitòedỹmy. Taihyyle idi bede roronyre ixi sohojihyyle.

²⁴ Kiaule hāwò ahotya-ki rare. Òbò nihikỹy-txi ixinalemy ratximyhỹre. Tiò tiò òbò riwelòrò riwelòròmý idi rehumyhỹ. Yhy deade txura-ribi.

²⁵ Rudile tahe Jesuisi biura-di heka rare taerydỹna mahādu-ò, beratyredile heka rare.

²⁶ Iu Jesusile betyredile tamy rarau tahe, tiiboho heka ruberurenyre. Rirajuarenyre: –Worỹsỹ òsana inydee rareri.

²⁷ Tai tahe Jesuisi rarybere: –Aworeny bitamadỹnybenyke. Jiarỹle watzireri.

²⁸ Tahe Pedro rarybere: –Wanyrỹ, inatyhymy kai atxiteri-wana heka wadee manyarybeke betyre-ki arariakemy.

²⁹ Tahe Jesuisi tamy rarybere: –Manake wahe. Aõwesele tahe Pedro hāwò-ribi ròhònymy reare, Jesuisi-ò rakemy. Betyre-ki rariare.

³⁰ Yhylemy tahe robure. Tii urile ruberure. Tai ijirahakỹlemy riwisỹnyra berahatxi-ò. Tai tahe Pedro rarybere: –Biwatakewa Wanyrỹ.

³¹ Tahe Jesuisi rimyre: –Ainatyhynakỹny ibutelemy atxiteri. Aõherekibo heka tiwatyhynyõteri.

³² Idi hāworo-ò wiwana rorukurenyre. Yhy ruhure.

³³ Ierydỹna mahādu Jesusimy reàlàre. Inatyhymy heka kai Deuxu Riòretyhy tate.

³⁴ Tai tahe reuròrenyre Kenesare bede-ò.

³⁵ Ibutumy iny kowa Jesuisi rieryrenyre. Ti ibutumy webinadu mahādu-ò relyyrenyre Jesusimy. Tahe hāwā ikòkò-ribi ritelenymy didydenyde.

³⁶ Tahe Jesuisi-ò rarybere. Ixinamy watyky-ò rerike, awimy relerenykemy. Ibutumy tamy rerire heka reytere.

15

¹ Jerusalē hāwā-ribi bede ywina bede erydỹna mahāduò dehemynyde Jesuisi-wana rarybekemy. Tiiboho-wana tule fariseu mahāduò dehemynyde. Tiiboho heka Jesuisi-ò rỹraxyrenyre:

²—Aõherekibo aerydÿÿna mahãdu tebòreny risuhòkõreri rox-iko-ki. Inydeereny kia bede ywina rare. Aõherekibo rityhynyõreri ihetxiu lahi rybe.

³ Jesuisi rirawyònyre ÿÿraxina-di: —Aõherekibo kaiboho Deuxu rybe tetyhynyõteri kaiboho lahirybele tetyhynytenyte.

⁴ Deuxu bede ywina kawesemy rarybere:

—Boo adi-wana ibutumy heka bityhynybenyke. Inyõ rybe-bina tadi-ò tyby-ò rarybekeki. Tii tahe ruruke, tuu bede ywina rybe wahe.

⁵ Kaiboho tahe kawesemy tebedeerynytemy tewitxiranyte: Inyõ tadimy tybymy rarybekeki Wanieru Deuxu-ò wahisidÿÿnamy.

⁶ Tai tahe inieru-ei tyby tadi-wana riwiòhenanyõre kia bede ywina wixira tewinymahãte. Deuxu bede ywina rityhynyõreki.

⁷ Kaiboho itxerenadu mahãdu atxitenyteri. Isaia inatyhymy umy rarybereu:

⁸ —Kia mahãdu wadee rybe-di riwadeàlànanyrenyrene. Wowydyna wadee riwahinymyhÿrenyrene. Inatyhymy aõkõ heka kai tarybemahãte. Arayky dori Deuxu-ribi irehemy ratximyhÿre. Teerytyhyõlemy heka atximahãte.

⁹ Iwowydyna heka wadee aõ aõkõ rare. Wabede ywina ribedeerynyõtyhy. Texibedeerynymahãtenyte abede ywinarenydile.

¹⁰ Jesuísí rexidelenymy ribedeerynyre: —Boholabeny warybe-ò.

¹¹ Brebuna roxina-di biroxibenykeki, aõ adeereny ibinaõtyhy aõ aryrenymy ralòmyhÿre aõkõ heka ibinare. Ryribi ròhòmyhÿre heka ibinare, arybe wahe.

¹² Tai tahe Jesuisi erydÿÿna mahãdu Jesusiko rarybere: —Fariseu mahãdu kÿny tamy awiõre kia wiji tuu tarybeta wahe.

¹³ Tahe Jesuisi rarybere: —Aõhere aõkõ rare. Timyre aõkõ rare. Ixinamy tuu raryberenyre. Iorutere-di nohõtirenyõmy. Kia fariseu bedeeryna lòbòròna wese rare. Waha ribòrònyõre. Ibutumy waha ribòrònyõre suribi mahãdu ritakre.

¹⁴ Inatxi hãbu ruetà widee ryò ritÿnynymyhÿre wese. Hãwãry-ribi wiwanale hãloo-txi resekre. Tiiboho ixinamy biribenyke.

¹⁵ Tahe Pedro Jesuisi-ò rÿÿraxire: —Wakoreny inihe biditynynyke, roxina brebuna ijyy wahe.

¹⁶ Kaiboho ibutu wese atxitenyteri. Teeryõtenyte.

¹⁷ Ibutumy iny aõ rirÿsÿmyhÿre weryri-di ramyhÿre tahe ròhònymyhÿre.

¹⁸ Tahe inyõ rybebinamy rarybemyhÿre. Tii iwo ibinare, irayky ibutumy ibinare tai wahe.

19 Raykywydyna binahakỹ-ribi heka òtaòtana, rubuna, wasina, ruina ujõmo inyry-ribi ròhònymyhỹre.

20 Kia aõmydỹñana iny risurisumyhỹre, inydee ibinare. Tahe roxinako-ki iny tebò risuhòmyhỹré, kia tahe aõ aõkõ rare, ibina aõkõ rare.

21 Iribi tahe kia-ribi ròhònyreu tahe Jesuisi rare irehetytymy Tiro hãwã-ò Sidõ hãwã-ò.

22 Kana bedede hãwyyõ tamy nade. Tahe tamy rexitòenyre: —Wahĩ, Davi riòkòre, biwaruxetoènyke hewa. Waritxòre heka tykytyby bina-di iwoku-ki ratximyhỹre. Anohòkỹmy heka idi rotỹkỹnymyhỹre.

23 Tahe Jesuisi aõmy rarybeòhyyre tamy. Taerydỹñana mahãdu tahe rarybere: —Biteònyke hewa. Inyboho dori riixiranyrenyteri.

24 Jesuisi tahe rarybere: —Jiarỹ Deuxu riwateònyre judeu mahãduòle, tabudoeni mahãdu iõre mahãdu wese wahe.

25 Hãwyy ixityre nade. Tatiowotimy resere. TAhe ixityre tamy rarybere: —Biwawikòhenanyke hewa, Wahĩ.

26 Jesuisi rirawyònyre: —Awiòhedỹñana kia wese rare aõma hãbuõ tariòre-ribi rỹsỹna riwya tahe idi rehura ijòrsaòle. Kiawese rarekre, jiarỹ arawiòhenanykeki.

27 Hãwyy rarybere: —Inatyhy rare. Kuladu-ribi ano rỹsỹna resemyhỹre bedede-txi, tiki tahe itxòrsa ritxòre idi riwymy reakamy riròmyhỹre.

28 Inatyhymy Jesuisi rirawyònyre: —Kai ainatyhyna sòwere. Adee ariwinykre aõmybo textitòenyteri. Iule iriòre reytemy rare.

29 Tahe Jesuisi ròsere ixityre Kalileia ahohokỹ-ò. Raòwònymy rare hãwãlò-ò. Iratytyre ronyre.

30 Sòwemy heka iny webinadu didyde: itiere mahãdu, iruetà mahãdu, irybeò mahãdu, aõ ikòkõ heka bina bina wixira wixira idi rare. Jesusiko-ò heka ritidirenyreki ibutumy riteytenyre.

31 Iny ruetà rỹira mahãdu itxeretyhymy riwinyre. Rarybekõmy rỹira mahãdu, rarybemy rỹimyhỹ teysamy. Itiere rỹira mahãdu, rariamy rỹimyhỹ. Tai ibutumy iny ribedeòtiidỹñnyre heka tahe judeu mahãdu Deuxu-ò wowydyna riwahinyre.

32 Jesuisi rarybere taerydỹñana mahãdu-ò kanakemy. Tahe tamyreny rarybere: —Jiarỹ kỹny rewotòenyteri kainy mahãdu rỹireridi. Inataõ txumy bedede riera waki. Aõ heka ihokòre rirỹsỹrenykemy. Iòwedỹkõlemy ariteònykeki heka ijõ reseke ryrowetyakile. Rama riatyke.

33 Tai tahe ierydỹñana mahãdu rarybere: —Inyboho bederahy-ki, titxibo heka rỹsỹna arimykre iny sòwehekỹ-ò ariwahinyrenykremy?

³⁴ Tahe Jesuisi tamyreny ritỹřraxinyre: –Tiwesebo roxina-di atxitenyteri. Tahe rirawyònyre: –Debò inatxi reurò orotxu sòmo sòmomy idi watxireri utura deyre ijõ rare.

³⁵ Jesuisi rarybere ibutumy iny ronykemy.

³⁶ Tahe tí rexitòenyre Deuxumy reàlàre. Orotxu, utura-wana riereerenyre tahe taerydỹřna mahãdu-ò riwahinyre idi rakremy.

³⁷ Ibutumy riroxire heka kia iny sòwehekỹ ta rihydyre. Tabyre rahudi tahe riarire ierydỹřna mahãdu. Tai tahe rahure tỹxihikỹlemy. Debò inatxi reurò weririmy heka ritỹxinyrenyre.

³⁸ Tahe 4000 hãbumy riòwenyre, kia txuu wahe. Uladu, hãwyy-di rariaòhyre.

³⁹ Tahe Jesuisi iny-ò rarybere tasỹ-ò ròòsekemy ixyby. Iribi tahe Jesuisi hãwò-di reuròmymy rare Magadã hãwã-ò.

16

¹ Fariseu mahãdu saduseu mahãdu nade Jesuisi-ò iurihixidỹřmy riitxenanyrenykemy: –Aòbedeerydỹřnabo heka biu-ki iribi rexitòenyre. Biwateòsinyke heka aòwiihikỹ-di biu-ò jiarỹboho arieyrenykre, kai inatyhy tate wahe.

² Idi tahe Jesuisi rarybere: –Kaiboho heka awirenyre biuwetyky erysy-ki. Jesuisi rarybere: –Kia rybe tarybemahãte. Txiorotxumy heka biuwetyy isòhòkỹra-ki, biurasòmymy tahe awimy txu kedeakre.

³ Biurasou ibede lyby lybymy txu-di kedeakeki tahe biu ròahyyhy bede txu rariakre. Myhe tarybemahãte. Kaiboho heka iwitxira aòhebo rotỹřnykre heka teertyenykòlemahãtenynte.

⁴ Iny kamahãdu heka ibutumy ibina binare. Tiu heka rityhynyòhyymyhỹrenyre. Rexitòenymyhỹrenyre heka biu-ò rityhynykemy. Tahe riwahinyòtyhy heka aòma bedeerynaò. Kia Jonasi-ò bedeeryna rareòle tahe tamy rakre heka. Tahe Jesuisi rexitamy rare iribireny.

⁵ Idi tahe aho weribiijà-ò reuròrenyreu tahe, tòhõtireny rosare tarỹsỹnareny-ribi.

⁶ Jesuisi tamy rarybere: –Fariseu mahãdu, saduseu mahãdu iurina-ò bexiebenyke.

⁷ Ierydỹřna mahãdu tahe widee rarybere: –Tii kia rarybere iny orotxu diwyòdeki.

⁸ Jesuisi roholare aòmybo raryberenyre tahe tamyreny rarybere: –Aityhynareny urihimyòre. Aòherekibo orotxumy jiarỹ rarybererimy tahòtintenyte?

⁹ Tiu kaiboho bierybenyõtyhy. Iruyre orotxumy remyre. Idi 5000 hãbumy reòwenyre. Ihãre tahe weriri txÿxi tÿxihikÿlemy rÿimyhÿre rauhenyre. Itxi aõbo õhõtirenre reakõmyhÿre.

¹⁰ Ixityreu tasÿ 4000my reòwenyre, debò inatxi reurò orotxu-di. Ixiyrubule rauhenyre.

¹¹ Jiarÿ orotxumy rarybeõre. Fariseu mahãdu, saduseu mahãdu urina-ribi bexiebenyke.

¹² Tai ierydÿÿna mahãdu rieryrenyre aõmybo rarybemyhÿmy Jesuisi heka fariseu saduseu bedeerydÿÿnamy rarybereri.

¹³ Idi tahe Sesaria Filipi hãwã iòhòmy rehemynyre. Jesuisi rÿÿraxire taerydÿÿna mahãdu-ò: —Iny wamy rarybereri. Mobo heka jiarÿ raremy heka wadi rÿireri. Jiarÿ Hãbutyhyhykÿ rare, Deuxu Riòre wahe.

¹⁴ Ijõ kÿny rarybemy rÿireri: —Kai riki heka Joaõ Sebedÿÿdu atxiteri. Ijõ riki Elia atxiterimy adi rÿireri. Ijõ tahe Jeremiamy adi rÿireri. Ijõ heka Deuxu rybeduõ riki heka atxiterimy adi rÿireri.

¹⁵ Tai tahe Jesuisi rÿÿraxire taerydÿÿna mahãdu-ò: —Mowexe watxirerimy wexe wadi tahõtinyntereri.

¹⁶ Simaõ Pedro heka rarybere: —Kai Kristu atxiteri Deuxu deòdÿÿna heka tate. Kai heka Deuxu Riòre tate.

¹⁷⁻¹⁸ Tahe Jesuisi rirawyònyre Pedro-ò: —Inatyhymy Pedro tate, Waha, biu-ki Mana ani rare. Boholake, ratximyhÿrele kia adee riteòsinyre. Iny aõkõ kia adee riteòsinyre. Wadohodÿÿna mahãdu kia mana tyre-ò ariwinykre. Rubu dori heka tiu ituedeõna.

¹⁹ Waiòlòna rayna heka adee ariwahinykre. Kabede-ki aõwidÿÿ adee binakeki tule biu-ki ariijònykre. Aõtxiletixibo aõwidÿÿmy burukre tasÿ biu-ki tule adee ariwinykre.

²⁰ Jiarÿ inatyhymy Deuxu deòdÿÿna rare. Tuu ijyyrenyõmyke.

²¹ Iribi tahe Jesuisi itÿny relyymy taerydÿÿna mahãdu-ò. Rurukremy heka relyyre: —Arakre heka Jerusalẽ-ò. Tai heka matuari mahãdu, õnosõna bedeeryna mahãdu, xiwena wahidÿÿdu mahãdu-wana riwarubunykre. Inataõ txu-di tahe ixyby rubu-ribi adexiakre.

²² Idi tahe Pedro heka Jesuisi ridyre ijõ erydÿÿna-ribi tahe tamy rarybere: —Aõkõre, Wanyrÿ, tiu heka tiiboho ararubun-ynenyõtyhy.

²³ Tahe Jesuisi rarybere Pedro-ò: —Waribi bexihitxinyke. Kai heka Satanasi weselemy atximahãte. Iwese kai taraykynymahãte heka aõ Deuxu deewinamy aõkõ tuu tahõtinyamahãte hãbudeewile rare.

²⁴ Idi tahe Jesuisi rarybere taerydỹña mahãdu-ò: —Inyõ wawananomy rurukeki, ixi-ribi heka tõhõti rosake. Nomy rurukeki heka taitxeò rimyke idi tahe wahemy kanake.

²⁵ Inyõ wahemy rariakemy ixi-di rõhõtinyhyyke wana heka irumy inonana irehemy ixi-di ratxikeki heka tii ihãrele ruruke. Inyõ taumy riõnonykeki waõraru-ki tai tahe tii rõtate.

²⁶ Inyõ heka ibutumy aõna aõna bede-ki ributunyekeki. Tahe ihãrele heka tii ruruke. Tule umytuedeõna riõnonyre. Aõ tarasana tamy aõ aõkõ rare. Iny iruna riõwynyõhyymyhỹre, ixiyby tamy kanake wahe.

²⁷ Jiarỹ, Deuxu Riõre, Hãbutyhyhykỹ dori kanakre wana aõwesele. Taỹju loosõna-ki tii kanake.

Iny ibutumy ariõwynykre bibutunymy aõbo iny riwinymyhỹré heka aõwiwihikỹ aõbina bina.

²⁸ Iu jiarỹ, Deuxu Riõre, Hãbutyhyhykỹ, kanakeu tahe inyõ kaibohoõ tuu robikre, Iòlòmý kanakreu.

17

¹ Reare heka debò sohoji reurò txumy. Tahe Jesuisi ridyre Pedro, Txiau, Joaõ-wana. Joaõ tahe Txiau seriõre rare. Tahe raõwõnyre tiiboho-wana hãwãlò ratõhõkỹ ratyy-ò. Inyõ heka tii wana raõhyyre.

² Ikoreny-ki tahe Jesuisi rexiwitziranyre. Iõsana heka roosõre. Txuwesehekỹle relere iõsana heka ratỹrỹrỹnyre. Ityky tasỹ rauranyhỹkỹre. Tahe roosõna itoosõnadihikỹre.

³ Iu tahe tuu robire Moisesi rubu, Elia rubu, Jesuisi-wana widee rarybemyhỹreny.

⁴ Tahe Pedro tamy rarybere: —Awire, Wanyrỹ, kawese watxirenyreri kaki. Adee wikeki hetomy ariwinyrenykre ijõ adeekre, ijõ ta Moisesiõkre, ijõ Eliaõkre.

⁵ Iu Pedro rarybereriule tahe biuwetyky urahakỹ relere. Iyribile rybeõ narybede: —Kia heka Wariõre waluu heka rare. Boholabeny irybe-ò.

⁶ Idi tahe ierydỹña tamy roholareu, tahe ruberure. Tahe reserenyre iõsanareny bede-ò.

⁷ Jesuisi tamyreny nade: —Breburenyõmyke hewa bodorukubedenyke heka.

⁸ Reteherenyre tahe Jesuisi sohojile tai rỹire.

⁹ Iribi tahe diberenydenyde hãwãlò ratyy-ribi, Jesuisi narybede: —Uritere waijyyõmyke inyko wiji tuu tabitimy. Iu jiarỹ, Deuxu Riõre Hãbutyhyhykỹ, rubu-ribi riixixanykreu tahe tuu belyyke.

¹⁰ Tahe ierydỹña mahãdu Jesuisi-ò rỹrãxire: —Aõherekibo tarybetenyteri —Elia juhoo kanakemy ako-ò juhoo kanakemy.

11 Jesuisi rirawyònyre: —Inatyhy rare tii juhuhu kanakre. Ibutumy heka bede riywinykre.

12 Tule ararybekre kiamy: —Elia nade tahe ihãrele heka iny rieryòhyre. Aõhòkỹmy risỹnyre. Iwese Elia aõhòkỹmy risỹnyre wesele tahe Deuxu Riõre Hãbu heka aõhòkỹmy risinykre, jiarỹ wahe.

13 Tai tahe Jesuisi erydỹỹna mahãdu rieryrenyrene aõmybo Eliamy tii raryberemy Joaõ Sebedỹỹdule tahe Jesuisi rarybere.

14 Iribi tahe dòòsedenyde iny sòwemy riraõmy rỹimyhỹre. Hãbu-ò nade Jesusiko-ò tatiowomy resere:

15 —Wanyrỹ, ruxetòena wariõre-di biwahinyke. Irayky awimy aõkõ ratximyhỹre. Bera-txi resemyhỹre. Heòtyru-txi resemyhỹre. Ibutumy aõna aõna riwinyrerimy ihỹre.

16 Aerydỹỹna mahãdu-ò heka adidyde tahe tiu riteytenyòtyhy.

17 Jesuisi rirawyònyre tamyreny: —Kaiboho isira mahãdu atxitenyteri. Aõ heka inatyhyna heka akireny ijòkõre. Tiwese bede dỹỹnana bohe araòludunyrenykre. Bedese inihe bididy uladu wadee.

18 Tahe Jesuisi rarybere kia uladuwo-ki ratximyhỹò: —Iribi wa bohonyke! Tahe uladu reytemy reare.

19 Idi ierydỹỹna mahãdu Jesuisiòle rarybere: —Aõherekibohe jiarỹboho tyytybybina iribi reteònykõreri?

20 Aõmareki kiehe ainatyhyna ibutetyhyreki òwòruty sòmowesele ainatyhyna dikeki heka kai aõwiwihikỹ biwinyke. Kai hãwãlò-ò marybeke: —Iribi bexitake! Tai tahe hãwãlò rexitake iwitxira suò. Aõ aõkõ adee isirake, ainatyhyna direki wahe.

21 Kia tyytyby bina iwitxira rare. Isiratyhyre heka. Kai-boho bexitòenybenykeki, binarehebenykeki, ixiery tyytybybina biteònybenyke.

22-23 Kalileia bedeki Jesuisi taerydỹỹna mahãdu-wana ributunyrene. Tai Jesuisi rarybere tamy: —Jiarỹ, Deuxu Riõre Hãbu, rare. Tai inyò riwahinykre hãbubinaõ-ò warubudỹỹmy. Inataõ txu-di tahe rubu-ribi adexixakre. Tai tahe ierydỹỹna mahãdu rabadewo nihikỹre.

24 Iu tiiboho heka Kafanaõ hãwã-ò ritehemynyreu, inyò Pedro-ò nade. Tii dohodỹỹna òwy butudỹỹdu rare. Tahe rarybere: —Awedu aõbohe tii rexiòwynykekõ.

25 Pedro rirawyònyre: —Tii riòwynymyhỹre. Tai tahe Pedro rakemy reare. Iu Pedro tuu Jesuisi-ò rarybekemy hetowo-ò raloreu, Jesuisi juhuhu rarybere: —Moribibo iòlò rexitòenymyhỹre òwydỹỹnamy. Mynydu mahãdu-ribi aõbo ada ta taijoiribile aõbohe rotamyhỹre.

26 Pedro tahe rirawyònyre: —Mynydu mahãduòle rex-itòenymyhÿre. —Inatyhy rare, Jesuisi rarybere. Ijoi mahãdu òsana riòwynyòhykymyhÿre. Jesuisi rarybere: —Ihãre tahe ròkòòwydÿÿkre.

27 Òbitimy rakaòwònyrenykre. Kia Templo heto òwmy. Ibinamy kia iny-ò ariwinyòtyhy. Kai heka makre ahohokÿ-ò awaxi-di behukre. Juhu utura kanakrele heka bidimykre. Idi iry biraynykre. Tai nieruõ-ki mahake. Iribi biditamy tahe makre iny òwydÿÿmy.

18

1 Iule tahe Jesuisi erydÿÿna mahãdu tamy rehemynyre rÿÿraxire: —Mobohe Deuxu Iòlòna-ki nihikÿmy rarekre.

2 Jesuisi heka ratximyhÿ uladuõ ibire-ki.

3 Idi tamy rarybere: —Kai uladu weseleõmy mabeõkeki, Deuxu Iòlòna-ò malòbenyòtyhy

4 Uladu wese maraykynybenykeki heka, tii tahe Deuxu Iòlòna-ki inatyhymy rÿirakre.

5 Kai waòraru-ki uladu kawesemy biwiòhenanykeki tiwawiòhenanymahãte

6 Kai uladuõ òraruna-txi resekemy risÿnykeki, kai abinatyhymy atximahãte. Inyõ òy ritakamy reroti-di aratakemy heka inyõ adi rehuke bera-txi. Tii tahe awityhyre adee.

7 Sòwemy heka aõna aõna rÿira wary-ribi iny riatykemy. Tii adee ibinatyhyre. Tiiemy heka tuhy rarekre. Inydee heka ibinakre heka. Wary-ribi riòlòdÿÿnymyhÿre heka tamy ibinakre.

8 Ebò òraru-ki tahe wainatyhyry-ribi bexitakeki, ebò biòròmy idi behuke. Awityhyre heka adee Deuxu Iòlòna-ò malòkre sohoji ebòdile. Inatxi ebò-di heòty bedebina-ò malòkeki, awiõre heka.

9 Tule arue sohoji òraru-ki kia òrarunamy beseke lau, urile bitake idi behuke. Arue wiò-di heòty bedebina-ò malòheny arue-di wiòle. Biu bedewihikÿ-ò malòke tahe awire heka arueyremy.

10 Iny nihikÿ ityhy iny yja mahãdu heka tuuõre. Uritere heka iweserenyõmy atxibenyke kaiboho bexiijenyke tamy. Iny aòkõ mahãdu dori tii iÿju dire heka. Iÿjurenny heka Deuxuko tii ibutumy relyymyhÿre turenny. Idi òhòtirenny-ribi bosabenyoke.

11 Jiarÿ Hãbutyhyhykÿ rare, Deuxu Riòre wahe. Ityhydÿÿdukõdu mahãdu ibutumy aritakemy anade.

12 Rakawesenanykre heka kaijyy wesemy. Rakarybekre heka kahãbu 100 budoeni ijòdire wesemy. Sohoji heka iõre iy-ribi. Kia hãbu idi itxeredu tahe iy-ribi iõre rakre ijesemy. Iuhe tahe hãwãlò-ki riroximy ririre.

13 Tai rahakre wana heka teysamy ratxikre. Kia sohoji òrarukile reysakre.

14 Iwesetyhylemy taheka inyõ iõõtyhy Waha-ribi. Tamy dori kia ibinare.

15 Inyõ adee rexiòrarunykeki tahe tamy makre rybemy. Uritere inywitzirako-txi rybeõmy tuu. Tahe tamyhyylemy marybeke. Aityhydÿÿdu seriòre heka arybe-ò roholakeki, tahe ixi-txi tõhõti reake wana, ixi dee ibinamy rõhõtinyra wana, tai tahe kai ixyby tii-wana ityhydÿÿdu seriòre biòwamy beleke.

16 Aõhe wana tahe arybe-ò roholaõhyykre, tahe ixityre make inyõ wana rexibiòwanymy.

Iny inatximy ixihe-ki bidyke. Tii tahe arybe-ò ijohonaduke inatyhy raremy arybera-txi resekemy wahe. Iu dohodÿÿna-ki rarybekreu, tai tasÿ tii rarybeke teòsamy aõkõ ratximyhÿrelemy rarybeke.

17 Tii irybereny-ò roholaõkeki, tai tahe dohodÿÿna mahãdu-ò belyyke. Tii irybereny-ò roholaõkeki, tai tahe biteònyke. Tii iwese òrarudu mahãdu heka adee rarekre, bede dinodu-ò nieru wydýdu wese wahe.

18 Iwese kaiboho waityhydÿÿdu mahãdu kabede-ki rõhõtinyre wesele, tule arakywesetyhyle Deuxu biu-ki rõhõtinykre. Aõbo adee kabede-ki aõwidÿÿ ibinare ada awire heka tule biu-ki ibinamy rarekre, awimy rarekre. Arybe riwitxi-ranyõtyhy kowa biu bede-ki.

19 Iwitxiraõmy adeeremy ararybekre: —Ijõ titxibo inatxi ada inataõ ityhydÿÿdu seriòre wiweselemy raraykynykre. Waha-ò rexitòenymyhÿreki iwese rexitòenyre wesele heka tamy riwinykre biu-ki.

20 Titxibo waniòraru-ki inatxi, inataõ wii ributunykre heka, jiarÿ taile watxireri.

21 Tahe Pedro rÿÿraxire Jesuisi-ò: —Bede erydÿÿdu! Waityhydÿÿdu seriòre heka wadee rexiòrarunykeki, tiwesebo sõwe ariixãwididÿÿnykre ixi-ribi debò inatxi reurò, my aõbo?

22 Jesuisi rirawyònyre: —Aõkõre, debòinatximy aõkõre, 490 wesemy wahe. Ixityre ixityre biixãwidÿÿnykre.

23 Deuxu Iòlõna kawesemy rare: —Iòlõõ heka teòdu mahãdu kia contamy robikemy idi ratxireri. Tiwesebo inieru-di rasir-anyre wesemy wahe.

24 Sohoji teòdu juhúu dehemynde. Sõwemy heka tevedÿÿna ratximyhÿre, 1000,000 womati tÿrÿrÿhÿkÿ nieru wahe.

25 Inieruõre heka iòwydÿÿna wahe. Idi rohonykemy heka iwedú riteònyre deòdu mahãdu wesemy. Tariòre-wana tahãwyw-wana ibutumy deòdumy roirekemy. Aõbo tai rÿimyhÿ heka ibutumy idi rohonyre.

26 Tai kia deòdu heka tatiowotimy resere kia iòlòko-txi: — Waiòlòreny, txioinihe biwaraòkre ariòwynykre ibutumy.

27 Tai tahe iòlò riwotòenyre aõma ixinahykylemy ritusanyre.

28 Tai tahe kia hãbu he rare kia urihimyò tamy radevenymyhÿò heka rexinohõtidiÿnyre. Tai tahe hãbu lõtikile rimyre. Rierenymy resere ribòtòrarityxnyre: —Bidiwaòwynykre kÿnyhe wijityhyle.

29 Tai tahe tatiowomy resere, rarybere: —Txiokre inihe ariòwynykre ibutulemy.

30 Tai tahe rirutyre ròtenawo-ò idi riòtenyre. Ri-wotòenyreõhyyre.

31 Itxeredu mahãdu heka rabedewore tai tahe ibutumy relyre iòlòko.

32 Tai tahe ixityre tamy rarariòwyre tamy rarybere: — Aõherewe, deòdu binahakÿ, jiarÿ araixãwididiÿnyre ibutumy inatyhy? Kai dori ixitòediÿna wadee tewinyta.

33 Aõherekibohe aleina kia adee nadevenymyhÿde kia teixãwidinyõta, iwese jiarÿ araixãwidinyre wese.

34 Tai tahe tii rimyre reburere itere iòlò, tai imynomy riteònyre rotenawo-ò riòwynykre xiery riòlòdÿnykremy. Tai aõhòkÿmy rotÿnymyhÿre.

35 Jesuisi rexihura narybede: —Kiawesele heka adeeremy rarekre. Ityhydÿÿdu seriòre taseriòre riixãwidinyõkeki heka iwesele heka waha adi riwisÿnykre.

19

1 Jesuisi ibedeerydÿÿna-ribi rexihureu, Kalileia bede-ribi ròhònyre. Bero Jordaõ weribijà-ò reurore, Judeia hãwã bede kanawe-ribi ijà-ò rehemnyre.

2 Tai tahe sòwemy iny webinadu mahãdu rÿire. Idi tahe ihemy rare. Ibutumy riteytenyre.

3 Fariseu mahãdu imynomy idi riwisÿnymyhÿre aõbinamy rarybekeki rimyky. Tai tahe tamy dÿÿraximy namyhÿde aõsirahakÿmybo: —Iny bede ywinareny tahãwyy riteònymyhÿre urirybelemy, wiribi reseky.

4 Jesuisi dirawyònyde: —Ritidiÿnyamy aõbo tariaõmyhÿte idi? —Deuxu ibutu widÿÿdu heka juhuu hãbu hãwyy-wana ri-winyre.

5 Idi tahe rarybere:

—Hãbu heka tybyboho-wana tadibocho-wana wiribi rexi-hitxinymyhÿre tai tahe tahãwyywanale wii ributunymy rÿira.

6 Inatxi heka sohoji weselemy rarekre, hãbu tahãwyy-wana. Deuxu heka hãbu tahãwyy-wana ributunyre, inyò heka tiu rihitxinyòtyhy.

7 Tahe ijõmy fariseu mahãdu ritÿÿraxinyre: —Aõherekibo Moisesi kawesemy juhuhu rarybere:

—Hãbu tahãwyy riteònykeki juhuhu urile tyyriti tamy riwahinyke riteònykekoki.

8 Tahe Jesuisi kawesemy rarybere: —Kaiboho heka ieryna urihimyòlereki aõ isirareki heka kia riwinyre. Juhuhu tahe kawese aõkõ rÿire.

9 Aõmale tahe ixinamy riteònyke ixi-ribi òta òtadule heka aõwaxiny tuu riteònyre ixi-ribi.

10 Tai tahe ierydÿÿna mahãdu rarybere Jesuisi-ò: —Tahe kiawesekeki heka uritere heriõmy hãwyyõmy, hãbuõmy.

11 Jesuisi tahe dirawyònyde: —Kaa bede eryna heka aõ ibutuhukÿ-ò aõkõ tureri aõma Deuxu bede eryna tamy riwahinymyhÿreòle heka tureri.

12 Aõtxi-ki tahe tuu hãbuõ rÿira hãwyyemy heridumy aõkõ rÿira. Ijõ hãbuõ tahe tiemy tunodumy rÿirerimy ihÿre. Iwitxira hãbu-ò rexiwahinymy rÿireriki heka tuu rÿirerimy ihÿre. Ijõ tahe tuu rÿirerimy ihÿre aõma Deuxu aõmysÿdÿÿna òraru-ki wahe. Kaa rybe tahe inyõ tahe rityhynykeki tii inatyhymy rityhynyke.

13 Inyõ didyde uladuõ Jesuisi-ò tamy rexitòenykemy tebò iraty tyre-ki roirerilemy. Ierydÿÿna mahãdu tahe uritere iixiradÿÿõmyke.

14 Tahe Jesuisi rarybere: —Ixinamy kanamyhÿke uladu wadee. Uritere itinysÿrenyõmy. Uladu wesemy dori Deuxu Iòlõna ròtedu mahãdu ratximyhÿre.

15 Jesuisi tahe iratytyre tebò ritidire tamy rexitòenyre. Idi tahe Jesuisi rare.

16 Aõu tahe hãbuõ Jesuisi-ò nade: —Erydÿÿdu, aõhebo arotÿÿnykre. Aõma, timykibo umytuedeõna aritakemy wahe. Aõwidÿÿ wiwihikÿbo ariwinykemy.

17 Jesuisi rarybere: —Aõherekibo wadee aõwiwihikÿmy widÿÿ tÿÿraxiteri? Iny sohojile awi rare, Deuxule wahe. Kai bede ywina ibutumy bityhynyke, umytuedeõna hakÿ-ò molokre.

18 Aõbedeywinabo arityhynykre? Tahe Jesuisi rirawyònyre:

—Rubudÿÿõmy, Òta òta widÿÿõmy, wasiõmy, ruiõmy,

19 Adi boo-wana bityhynyke, iwese ixiluure wese heka abireludu mahãdu luuke.

20 Hãbu rarybere: —Kia heka aõu aõu jiarÿ retyhynyre. Aõijõmybo arotÿÿnykre?

21 Jesuisi rirawyònyre: —Kai òbitimy mabekekile aõmydÿÿna-di ibutumy. Kia idi bohonyke òwy tahe biwahinyke urimynodu mahãdu-ò. Tai sõwemy aõna aõna biu-ki ahõrõmykre. Iribi tahe biwaheludunyke.

22 Iu hãbu kia roholareu tahe rabadewonihikÿre inieru sãwerekì heka rabadewore.

23 Tai tahe Jesuisi taerydÿÿna mahãdu ribedeerynyre: — Isiratyhyre heka biu bede-ò ralòke aõma ityhy nihikÿkeki.

24 Isirare heka aõma kamelo tyy rurena òtummy ralòke heka isirare, inatyhy? Tai tahe aõma ityhy mahãdu ralòke tarasanamy reake heka isirare.

25 Jesuisi erydÿÿna mahãdu ribedeòtiinyre kai-ò roholareu. Tai tahe røhòtinyre: —Aòkøre isiratyhyre tuu ròte. Inyò tarasanamy reaõtyhy.

26 Jesuisi tamyreny retehere tahe rarybere: —Inatyhy rare hãbu-ò isirare. Deuxu dee tahe isiraòle rare.

27 Tai tahe Pedro rarybere: —Jiarÿboho ibutummy aõmydÿÿnareny adiridenyde. Araheludunymy watxiwãhãre. Aõma ritarenykre?

28 Jesuisi tahe dirawyònyde: —Kiamy heka adee ararybekre. Jiarÿ Deuxu Riòre Hãbu tyhyhykÿ wahe. Kaiboho heka tule borukubenyke aiòlònaryna-ki iu ibutummy ratÿmyrakreu. Kai-boho iny sohoji sohojimy judeu ijoio biywisidÿÿnanybenykre, wajoi waòinatxi reurò mahãduò wahe.

29 Inyò kia ibutummy aõbo waòraru-ki ririmyhÿre iwese taheto ririmyhÿre waòraru-ki, taseriòre, tadi, tyby, uladu, taoworu, ririmyhÿre. Kia sohoji sohoji-ribi heka aõ sohoji sohoji òwumy 100 ritakre. Tule umytedeòna ijõmy ritakre.

30 Inyò nihikÿmy ityhymy ratxirerimy ihÿre, tii iyjalemy relekre, aõma aòkò tai relekre. Tule iyja nihikÿmy relekre. Sõwemy urimynodu kaki rÿirerimy ihÿre tahe biu-ki inihikÿmy rarekre.

20

1 Jesuisi tasÿ riteòsinyreri ijyyò timyrebo Deuxu Iòlòna. Hãbu aõmysÿdÿÿdu heka oworu widÿÿmy heka riteranymy tamy rarybemyhÿre:

2 —Aõmamy araòwynykre, sohoji prata womati nieru, iwese ibutummy raòwynymyhÿre wese, sohoji txuòwy wahe. Tai tahe tii raaõmysÿdÿÿre uva oworu-di raaõmysÿdÿÿmyhÿ.

3-4 Idi tahe tii reare 9 horau tule, txutyeyu tule, titxibo iaõmysÿdÿÿna rÿireri titxibo hãbu teaõmysÿdÿÿmyhÿò. Tahe tuu robire urile ratximyhÿmyhe idi retehemyhÿ. Tai tahe tamy rarybere: —Maaõmysÿdÿÿke hewa, waoworu-ki. Iko-nana txu heka òbitihyky araòwynykemy adi watxireri.

5 Tiiboho raaõmysÿdÿÿre tule. Txutye tasÿ ixiryubule ijõ riteranyre aõma iwese kia juhuru ijõ-ò rarybera wesele.

6 Txuinyòbira-ò ijõ rimyre, tule ijõ txiorotxure.

7 Iruyre hora-ò ijõ tasÿ riteònyre.

8 Tahe txiorotxummy ròhònyra tahe kia iòwydÿÿdu tamy ryrre.

9 Tahe 1 womati nieru tamy riwahinyre, sohoji hora raaòmÿsÿdÿÿre mahādu wahe.

10 Tahe txusohojimy raaòmÿsÿdÿÿre tahe iratyre ròtakremy ixi-di ròhòtinyre. Tahe tule riòwynyra iwese ijò riòwynyra weselemy, 1 womati nieru, sohoji sohoji wahe.

11 Tai tahe rimyre nieru urile tamy rexibinanymy rarybere:

12 —Kowa heka sohoji horale raaòmÿsÿdÿÿhārele heka 1 teòwynyta. Jiarÿ boho tahe txuhyy raaòmÿsÿdÿÿra, bede tòtee-ki wahe.

13 Tahe iwedu rarybere: —Wabiòwa, adeeremy rarybera. Wiji 1 womati nieru ariwahinykremy heka inatyhy? Tuheka adeeremy rewahinyre. Aribi rawasinyora.

14 Boibenykre heka ibutummy araòwynyneri. Wiwesetyhylemy heka araòwynyrenyneri, iwese rarybere wese.

15 Hora sohojilemy raaòmÿsÿdÿÿraò sohojimy wanieru ariòwynykre inatyhy. Tamy wanieru ariwahinykemy ixideewimy, aõhe inatyhy? Aõherekibo tebureteri? Jiarÿ urihimyò raaòmÿsÿdÿÿraò wawiremy tarybetenyteri wahe.

16 Jesuisi tahe rexihure kia rybe-di, kiamykre bede: —Ikoludu heka ihewoludu-ò resekre. Ihewoludu tasÿ iko-ò resekre.

17 Tai tahe Jesuisi ròwònyre Jerusalē hāwā-ò. Iny-ribi tawaò inatxi reurò mahādu rihitxinyre. Tamy relyyre timybo aõhebo rotÿÿnykremy Jerusalē hāwā-ki:

18 —Jiarÿ, Hābutyhyhykÿ adee ararybekre: —Inyò riwawahinykre aõma-ò Xiwena wahidÿÿdu wedu mahādu-ò. Tule diwatyhenykre judeu wedu mahādu-ò. Tahe riwarubunyky heka tiiboho wamy rarybekre ijò iny-ò.

19 Tii heka riwamykre tahe riwawahinykre Roma iòlò-ò, judeukõdu mahādu iòlò wahe. Ibinatyhymy aõhebo riwasÿnymy riwahetenyre. Itxeò nihikÿ-ò riwatamadÿÿnykre. Tahe txu inataõ-di rubu-ribi areixixanykre.

20 Zebedeu riòrese Jesuisi-ò nade. Tatiowotimy resere tahe rexitòenyre aõmybo Jesuisi-ò tariòre-wana nade.

21 Jesuisi tamy rarybere: —Aõbo rare hāwyy rarybere: —Waritxòre inatxi hābu rare. Tikiboho kÿnyhe, aikòlònykuna rynana-ki ronykre awana. Ijò aruruna-txi, ijò ahywe-txi wahe, kai aikòlòkuna-kò malokreku wahe.

22 Jesuisi heka iriòre-ò rarybere: —Kaiboho aõmybo textitòenyteri teerykòleter. Kai Txiau, kai Joaõ, teerytenyte aõbo aõhebo wadi rotÿÿnykre arurukre dori jiarÿ kaiboho tulekre? Tiiboho dirawyònyde: —Tulekre.

23 Tahe Jesuisi rarybere: —Inatyhy rare kaiboho tule aõhòkÿmy botÿÿnybenykre. Tahe mobo warora-txi ada waru-

runa weribi rynana-txi ronykre. Jiarỹ reerykõre. Wahale heka rieryre. Tiile tamy riywinyre.

²⁴ Idi tahe debòwiò ierydỹna mahãdu kia rieryre aõmybo Txiaku Joaõboho rexitòenyrenyrá. Tai tahe tiiboho rak-yarananyrenyre.

²⁵ Tahe Jesuisi ibutumy taerydỹna mahãdu tamy kanakemy rarybere: –Iny iòlò iruru dire. Ibutumy dinodu tahe kia weselere –taijoi mahãdu riteònymyhỹre. Teòdu mahãdu riteònymyhỹre.

²⁶ Tahe aõ tuukre aõkõ heka rare ayreny-ki. Inyõ dinodumy ixidikre heka deòdumy rarekre.

²⁷ Kia iny nihikỹmy ixi-di rexinohõtinyreri tasỹ aõ aõkõ tii rarekre.

²⁸ Iwese jiarỹ riwinyre wesemy heka rarekre. Hãbutyhyhykỹ aõ dinodumy aõkõ anade. Iwese deòdu rỹira wesemy heka nade waumy riwahinykremy rubu-ò kabede-ki. Tai sõwemy iny ritakre.

²⁹ Iu Ijeriò hãwã-ribi ròirenyreu, tahe sõwemy iny riheludunyre.

³⁰ Inatxi iruetàmy heka rononymhỹ iu Jesuisi ibire-di rareu. Tiiboho roholarenyre kia Jesuisi raremy. Rexitòenyre ryryre Jesuisi-ò: –Davi riokore, wadee hewa ruxetòena biwahinyke.

³¹ Tai tahe iòhòmỹ iny iribi rỹimyhỹ rarybere: –Txiokre inihe, biyryke! Ixityre ryryre tarurutyhy: –Inynyrỹ Davi riokore, Biwawotòenyke hewa.

³² Jesuisi tamy rarybere: –Aõwexe adeereny ariwinykre.

³³ –Wanyrỹ, Kai wa bidiwaruenykre warue biraynykremy.

³⁴ Tahe Jesuisi riwotòenyre iruebymy reare tebò-di. Aõwesele tahe ruòmỹ reare. Tai tahe Jesuisihe riheludunyre.

21

¹ Jesusiboho tahe rehemynyrenyre Jerusalẽ hãwã iòhòmỹ. Betabaji hãwã-ò heka rehemynyre. Kia Oliveira hãwãlò-ribi irehemy aõkõ ihỹre. Tahe Jesuisi inatxi iny riteònyre hãwã-ò, taerydỹna mahãdu wahe. Tamy rarybere:

² –Juhu hãwã dele-ò malokreule aõma bobikre, jumenta tariòre-wana. Tahe bitaanalawekre ta bididykre kaò.

³ Inyõ aratyỹraxinykre wana, tai tahe kiamy bisỹnykre aõma: –Wawedu hewa idi ratxikemy rõhõtinyreri. Tai ki tahe ahemy kiditeònykre.

⁴ Kia ihetxiu ritidỹna tuheka relemy roimyhỹre. Kamy rarybere:

⁵ –Marybeke heka Jerusalẽ hãwã-ò:

—Deuxu Iòlòna heka kanakre adeereny wahe. Tii inihikỹ wesemy aõkõ kedehemynomy, jumenta tyre-ki heka kedehemynykre.

6 Tahe ierydỹna mahãdu riwinyre iwese Jesuisi rarybere weselemy.

7 Didyde tahe jumenta tariòre-wana. Ihetyreny jumenta tyre ritidire. Jesuisi ityre ronyre tahe idi rare.

8 Tahe inyõ sõwemy-ribi tahetyreny-di rehumyhỹre iryko-txi idi rariakemy ityre-di. Ijõ tasỹ hereru-di iryko-txi rehure iryube hetymy ityre-di rariakemy.

9 Sõwemy tai iny rirajuamy rỹimyhỹ iko-ò, ihewo-ò:

—Iòlò Davi riokore heka sõwemy iny wowydyna tamy iny riwahinyreri. Tii Deuxu Riòre Hãbu rare. Deuxu deysana heka tamy biwahinyke!

10 Jesuisi hãwã-ki rehemynyreu, ibutumy iny ribedeòtiidỹnyre: —Mohãbuwe kia ralòreri Jerusalẽ hãwã-ki wahe?

11 Tai tahe iny mahãdu rarybere: —Aõkõre, kia Deuxu rybeduõ rare. Jesuisi inire Kalileia bederibi Nazare hãwã-ribi dehemynyde.

12 Tahe ralore Deuxu dohodỹna heto-ò. Tai kia aõna aõna-di rohonyreri heka riteònyre. Kia aõma nieru wiuròna iòwòruwebese tahe riatyre. Kia aõma bòtòe dohodỹdu ryna ibutumy ritxiwire riatyre.

13 Tahe Jesuisi rarybere: —Deuxu Tyyriti rarybere:

—Dohodỹna heto heka waha heto rare, ixitòedỹna heto rare. —Kaiboho heka inywasidu mahãdu-di tetỹxinytenyta.

14 Sõwemy iny itiere, iruetà, nade Jesuisi-ò dohodỹna heto-ò. Jesuisi taile riteytenyre.

15 Tahe xiwena wahidỹdu wedu tuu robire. Tule judeu bede ywina bede eryna mahãdu robireu tahe, aõma uladu templo-ki ryrymy rỹimyhỹò aõma: —Davi riokore heka Deuxudeewina rare. Tai tahe kia rybe-ò reburerenyre.

16 Tiiboho tahe raryberenyre Jesuisi-ò: —Kai aõbo taholate aõbo rarybereri. Jesuisi rirawyònyre: —Kohe, raholare. Kai-boho teeryõtenyte:

—Uladu dori wowydyna tamy riwahinykre. Tiu aõbo tariatenyõhyymahãte kia Tyyriti-ki.

17 Tahe Jesuisi iribi ròhònyre Betỹnia hãwã-ò. Taile tahe ruu idi rỹire.

18 Biurasò txumy tahe tii dòòsede Jerusalẽ-ò. Tahe rama risare iu.

19 Òwòruõ tai rỹire. Tai tahe diaride figoraty-ò. Tahe iratyòre, txirule rỹire. Tai Jesuisi rarybere òwòru-ò: —Tiu heka kai maratynyõtyhy aõwesele tahe irade rairuxỹrure.

20 Tai tahe ierydỹyna mahãdu heka ribedeòtiidỹnyre: — Timykibo heka aõwesele rairumyrõmy reareri.

21 Tahe Jesuisi tamy rarybere: —Kai ainatyhyna ijõdikeki heka iwesele biwinyke. Iratyre biwinyke. Kaiboho heka bitxiõnyõkeki kaa hãwãlò-ò dori marybekre kiamy: —Iribi bexitake tahe aho-ò boikre. Tai hãwãlò-ò aõwesele heka ahoro-ò roikre.

22 Aõtxile kai bexitòenykre heka adee ijõ rỹikre. Bityhynytyhykeki, tahe ibutumy bitake.

23 Tai Jesuisi dehemynyde Deuxu dohodỹyna heto-ò. Tai tahe ròbedeerydỹmy ratximyhỹ. Tahe xiwena wahidỹydu mahãdu, tule judeu bede ywina erydỹyna mahãdu tule tamy dỹyraximy nade. Tai tahe Jesuisi-ò rỹyraxire: —Morurudibo heka kai aõmydỹynana tewinymahãte? Mobo heka arateranyre kia biwinykemy.

24 Tai tahe Jesuisi tamy rarybere: —Kai aõbo myỹraxikeki wadee tai ako tuu arelyykre. Kai dỹyraxinaõmy bidiwatỹnynykeki tahe, adee tuu arelyykre.

25 —Joaõ Sebedỹydu heka morurudibo nade morybekibo tuu tadiwinymahãte wesemy. Morybekibo Joaõ iny risebenymyhỹre. Deuxu Rybe-ki aõbo ada iny rybe-ki aõbo. Tai tahe widee rarybe raryberenyre: —Aõma Deuxu Rybe-ki tuu ròsebedỹmyhỹre. Mykeki rakarybenykre taheka: —Aõherekibo tetyhynytenyõte myle tii risỹnykre.

26 Aõmamy rikisỹnyrenykeki: —Iny rybekile tii tahe nade. Myỹ rikisỹnyrenykeki tasỹ kia ijoi inydeereny rakyarananyke. Joaõ Sebedỹydu dori ibutumy iny rityhynyrenyre moma tii Deuxu deòduõ ratximyhỹre heka. Rakarybenyõkre tahe.

27 Tai tahe Jesuisi-ò raryberenyre: —Aõkõre, reeryrenyõre heka irawyòdỹy titxiribibo iruru nade. Tahe Jesuisi rirawyònyre: —Tule jiarỹ yỹraxina adeereny aritỹnynyrenyõtyhy.

28 Ijõ Jesuisi relyyre: —Timybo maraykynybenykre ka ijyymy arelyykre. Hãbuõ heka inatximy iriòre raremyhỹ. Tariòre dela-ò rarybere: —Dàà, maaõmysỹdỹykre waoworu-ki, wiji wahe.

29 Tahe tamy dirawyònyde: —Waha, araõkre hewa. Ihãrele tahe tawo rirahòrere rakremy. Tahe rare.

30 Idi tahe tyby rarybere helỹyna-ò: —Kai tule makre waaõmysỹdỹyna biwinykremy: —Dei wahe, arakre araaõmysỹdỹykre. Ihãrele tahe tii raõhyyre.

31 Adeereny inihe araỹraxikre. —Tibohe weryrybò aõma tybyrybe rityhynyre? Tai tahe dirawyònyde: —Juduludule irybe rityhynyre. Tai tahe Jesuisi tamy rarybere: —Iny òrarudu tyhy heka wydena-wana ralòkre biu bede ròtena-ò. Ihãrele tahe kaiboho birònybenyõtyhy.

³² Joaõ Sebedỹỹdu dori adeereny rarybere. Ihãrele tahe kai-boho ixitxireny aòrarureny-txi õhõtireny reakemy Deuxu bity-hynykemy. Kaiboho heka teramy tekoamahãte tahe sõwemy òrarudu mahãdu wydena mahãdu rityhynyrenyre. Kaiboho tuu tabitenynte ihãrele teerytenykõte.

³³ Ijõ ijyymy arelyykre:

—Hãbuõ heka uva oworuhukỹle ritòbrònnyre. Tahe òtityna riwinyre. Tai tahe utà riwinyre yrubudỹỹdu mahãdu itxerenamy.

Tai tahe rihuòtere oworu wahe hãbu mahãduõ-ò. Tii tahe rabetỹinyummy rare taheto-ribi.

³⁴ Iu uva bederaty kia siredenamy bede reareu, riherehe txuramy ixidee ritxuakemy wahe.

³⁵ Tai tahe huòtedu mahãdumy heka teòdu mahãdulemy raòhòtere. Ijõ tahe rirubunyre ijõ manadile tamy rehumanymy rỹimyhỹ.

³⁶ Iribi tasỹ teòdu mahãduõ didyde sõwetyhymy juhuna ludu ratyre. Tahe ixbyble tuu raòhòtere juhuu iwese tuu rotỹỹnyra wesele.

³⁷ Tahe iwedutyhy rõhõtinyre: —Aõma wariòrele kòri ariteònykre. Tai tahe wariòre rityhynykre heka. Tahe tariòre diteònyde.

³⁸ Tahe huòtedu mahãdu weryrybòmny robireu, tahe wideereny rarybere: —Kaa heka iwedu riòrele rare. Aõma iwedu rurukreu iaõna aõna, ioworu heka ixideereny rikimyrenykre.

³⁹ Tahe rirubunyrenyre iummy-di rehurenyre oworuro-ribi.

⁴⁰ Tahe Jesuisi rarybere: —Adeereny araỹraxikre aõbo iwedu tamyreny riwinykre huòtedu mahãdu-ò iu tii rehemynykreu wahe. Timybohe tii riwinykre?

⁴¹ Tiiboho dirawyònydenyde: —Kia rirubunykre ibutumy hãbu bina. Inywitxira-ò huòtenamy ele elemy wijuramy riatykre-ò riwahinykre.

⁴² Tahe Jesuisi tamy rỹỹraxire: —Kaiboho aõbo Ryberiti-di tariaõletenyteri:

—Mana-di heka heto widỹỹdu rehumyhỹre kia manale heto hàtxi-ki ritidimy roimyhỹre. Jiarỹ kia mana wese rare. Inynyryõ Deuxu kia riwahinyre. Tai awi heka rare. Ijõ riwiòhenanyre, mana wahe.

⁴³ Tahe Jesuisi tamyreny rarybere: —Tule jiarỹ adeereny ararybekre: —Deuxu Iòlõna heka aribi ritakre. Tahe inywitxira-ò aribi riwahinykre. Inyõ txura wylemy riwahinykremy Deuxu-ò.

44 Kia iny mana tyre resemihȳkre heka tii heka wiòromy ixòdumy rare. Mana inytyre resekeki tas̄y iny risurusurun-ye.

45 Inyõ roholakeki kia aõbo aõma xiwena wahidỹ̄du mahãdu roholamy r̄ymihỹ tule fariseu mahãdu. Tule rexierymyhỹrenyre tiiboho Jesuisi turenyle rarybereri heka rieriymihỹrenyre.

46 Tai heka tii mahãdu rimykemy idi riwisỹ̄nymihỹ tahe iny s̄owehekỹ lau ruberumihỹrenyre. Iny mahãdu dori idi r̄ohõtiny tii Deuxu rybeduõ ratximihỹremy.

22

1 Jesuisi heka rexidelenyre ijyymy relyykremy:

2 —Timybo Deuxu Iòlona rare ijyymy heka relyykre. —Iòlò heka tariòre herinamy worana bedehesi riywinyre.

3 Iaõmydỹ̄nana ròrarukõmy r̄yidi tahe teòdu mahãdu iòrysmy roire. Rexihumy r̄yireriki iaõmydỹ̄nana, kanakremy wahe. Tahe òrysna noderamy reare.

4 Ijõ riteònyre teòduõ iny ritobinykremy. Aõhere tahaka, wabroreni k̄nyhe rerubunyre heka. Ibutumy heka waaõmydỹ̄na rehomy r̄yireri. Tahe kedeake kedeake heka kòdòidenyke heka.

5 Tahe timy heka irybe rityhynyrenyõhyre. Iny sohoji sohoji tatyresi-di ijohona-ò, ijõ taaõmysỹ̄dỹ̄na-ò rea reare, ijõ taoworu-ò reare.

6 Ijõ lobidỹ̄na reburere teòdu mahãdu dee. Tii teòdu dee heka rawobinare. Ijõ aõbina bina heka ritxienyre ijõ rirubunyre dori.

7 Tai tahe iòlò reburere lobidỹ̄dỹ̄na mahãdumy bina bina raòhòtedỹ̄nyre, rirubunyre. Ihãwã ritoonyre.

8 Tai iòlò rarybere teòduboho-ò: —Waworana bedehesi rexihumy r̄yireri ibutumy. Kia iny mahãdu ijoi juhoo retobinyra heka aõ ibina heka roire. Urile riòmysanymihỹrenyre.

9 Tai tahe ibutumy boibenykre hãwã-ò ibutumy iny-txi bekoabenybekre heka bitobinybenybekre ibutumy waworana bedehesina-ò kedeake kedeakremy.

10 Tai tahe didyde iny wiwihikỹ, iny ityhy iny bina mahãdu. Hetowo tahe ritỹ̄xire tỹ̄myra mahãdu-di.

11 Tahe iòlò ralore hetowo-ò kia iny mahãdu dee rybemy. Tahe tii robire hãbuõmy kia worana bedehesi kia tykyõmy ratxirerimy.

12 Tai tahe tamy iòlò rarybere: —Waliiny, aõherekiwe worana bedehesi kia tyky-di aõkõ atxiteri? Kia tahe hãbu rybeõmy riijere.

13 Tai tahe iòlò aõma rarybere teòdu mahãdu-ò: — Bimybenyke kaa hãbu. Waa bitaataabenyke imy behubenyke tahe idi diòlòdỹmy idi rehukre luruhukỹ-ò. Tai Aõhõkỹmy dỹnana-ki tai txuraruti rikyikyiny. Tai rahinykre.

14 Tai tahe Jesuisi rarybere: —Sõwemy iny heka kidirahukre tahe ibutemy kanaarikre.

15 Tai tahe fariseu mahãdu ròhònyre wii rotyre. Aõbinamy Jesuisi rarybekeule heka rimykyemy idi rỹimyhỹ.

16 Kia aõma fariseu ijoiõ heka riteònyre Jesuisi-ò. Tule Herodi ijoi mahãdu riteònyre. Rỹrãxire Jesuisi-ò: —Erydỹdu, kai heka hãbuwi tate, hãbu òbiti. Kai heka tòbedeerydỹmahãte Deuxu deewinamy. Awire aõbo ariòwynyrenykre Roma hãwã mahãdu dinodu-ò.

17 Kai heka ixinamy aõma adee iny rarybererimy ihỹre. Timybo iny raraykynyrimy ihỹre. Iny bede ywinareny aõbohe ixinamy nieru aõna aõna òwydỹnany ròhònyke aõbohe awire?

18 Tai Jesuisi heka rierymyhỹ aõma awimy aõkõ tai rahareri heka rexierymyhỹre: —Kaiboho òbitimy aõkõ toite. Aõherekibo heka kai biwaitxenanybenykemy wamynomy wadi atxitenyteri?

19 Timybohe nieru-ki rakaharenykre aõna aõna òwydỹnany. Biditeòsinyke kia-ò arierykremy. Tai tahe tamy riteòsinyre womati nieruõ.

20 Tahe Jesuisi ritỹrãxinyre: —Motyytybybo koa rỹire. Monibo ityre-ki koa roire?

21 Tai tahe rirawyònyre: —Roma hãwã iòlònile tai roire. Tai tahe Jesuisi rarybere: —Tibo Roma hãwã iòlò nierubo heka tamy biwahinykre. Tibo Deuxu nierule tasỹ tamy biwahinykre.

22 Tai tahe urile ribedeòtiidỹnyre. Tai ririrenyre ròirenyre.

23 Tahe kia txule saduseu mahãduõ heka dòidenyde Jesuisi-ò. Rityhynyõhyymyhỹre kia aõma rubu-bibi ixixana heka rityhynyõhyymyhỹre, saduseu mahãdu wahe.

24 Tamy rarybere: —Erydỹdu, Moisesi tyyrity heka kawesemy ribedeerynyre:

—Aõma hãbumy hãwyy heridumy roikeki aõbohe timykibo hãwyy uladu-di ratxikeki. Hãbuõ iriòrekõ-di rurukeki tai tahe iseriòre heka iriòrese tyby-wana roike. Tai heka kia hãbu rubuweleu, kia deròwomy heka uladu ritybienyke.

25 Aõu heka debò inatxi seriòremy kaki rasỹnomy raremyhỹ. Telareny heka roire hãwyy tahe iriòrekõlemy rurure. Tahe ihãwyytybyhe kia iseriòrewanale roire.

26 Ihelỹna sỹ tule rurure. Kia heka ibutumy debò inatxi reurò tii-wana roihyre iriòrekõule.

27 Tahe hāwyy heka tule rurure.

28 Tai tahe kia ruru-ribi rexixakreu tahe, tiwexe ihābukre? Ibutumy dorihe tii-wana heka roilehekylera.

29 Tai tahe Jesuisi rirawyònyre: —Kaiboho teery-tenykòlemahātenyete timybo Tyyriti-ki roimyhÿre. Deuxu ruru tule teeryòte.

30 Tiu iny rubu-ribi rexixakreu iwitxiramy rexixakre. Ýju wesemy ronykre. Timy heka hābumy hāwyyroiòtyhy.

31 Kaiboho heka tetyhynytenyòhyymahātenyete rubu-ribi ixix-ana. Idi heka tariatenyòhyymahātenyete timybo Deuxu rarybere?

32 Kiamy heka rarybere: —Jiarÿ heka Abraò Deuxu rare. Ijai Deuxu rare. Ijaò Deuxu jiarÿ rare. Tii heka iru mahādu Deuxu heka tii ihÿre rubu mahādu Deuxu aòkò wahe.

33 Iu iny sòwe ribedeerynyre, tahe urile iny ribedeòtiidÿÿnyre.

34 Fariseu mahādu doidenyde Jesuisi-ò wii rotyrenyde. Roholareki wahe aòma saduceu mahādu ribedeòtiidÿÿnyrenydeki.

35 Bede ywina erydÿÿna mahāduò rÿÿraxire heka aòmybo Jesuisi-ò. Tii rimykeny heka idi riwisÿnymy kia rybebinaòmy rirawyònykeki rimykeny.

36 Tahe rÿÿraxire: —Erydÿÿdu, tibohe aòbo bede ywina kia-ribi aònityhymyhewe bedeòtiidÿÿnamy ratximyhÿre. Wakeny inihe tuu bedelyykre. Tibo kidiòtiidÿÿnamy ihÿre.

37 Tahe Jesuisi dirawyònyde: —Iny Deuxureny iny iòlòreny luuke heka. Ibutumy awo-ribi heka iluuke, ibutumy aru-runa-ribi, ibutumy arayky-ribi luuke heka.

38 Tii heka inatyhy bedeòtiidÿÿna tyhymy ratximyhÿre ibutu bede ywina-ribi.

39 Ijò ihelÿÿna tahe iwesele heka rare: Iwese ixiluure wese heka ibutu luuke.

40 Ibutumy Moisesi bede ywina heka juhoo rare. Tule Deuxu rybedu mahādu erydÿÿna heka iribile rare. Kia bede ywina inatxi-ribi heka ibutumy iny bede eryna ròhònyre. Kia inatxi bityhynymy bohonykeki iuhe heka tetyhynymahāte.

41 Iu fariseu mahādu iweroramy rÿimyhÿò tahe rÿÿraxire Jesuisi tamy:

42 —Mobo Deuxu deòdÿÿnamy ihÿre, Kristu wahe? Moriòrebo tii ihÿre. Tai tahe tiiboho rirawyònyrenyde: —Moma Davi riokore òsana. Tahe ijò Jesuisi rÿÿraxire:

43 —Tai tahe aòherekibo Davi heka Wanyrÿmy rininire Deuxu Tyytybytyhy irybe riwiòhenanyre wahe. Davi dori kawesemy rarybere:

44 Deuxu wawedu-ò rarybere.

—Bodonyke warurunawe-ribi, jiarỹ heka aòludu mahãdu-di arawo-txi.

45 Davi tawedumy Kristu rininirehãre, timykibo Kristu iriokore riokorekre.

46 Tahe inyõ heka Jesuisi rirawyònyõhyyre. Tai tahe ru-berumyhỹre tamy rỹỹraxike lau.

23

1 Jesuisi heka iny sõwe nihikỹ ribedeernymyhỹ taerydỹỹna mahãdu-wana. Tii rarybere:

2 —Judeu bedeerydỹỹdu mahãdu heka Moisesi bede ywina bede erydỹỹna mahãduõ rare. fariseu mahãdu tule bede ywina riwinymyhỹrenyre.

3 Iwese ribedeernyre wese tahe bityhynkre. Uritere iwese tii riwinymyhỹre wese uritere iwidỹỹõmy. Aõwidỹỹmy rarybemyhỹrenyrehãre tahe aõwitxira heka riwinymyhỹrenyre.

4 Tiiboho heka atyreneny riòdònyihikỹmyhỹre bede ywina. Ihãre tahe rityhynrenyõhyymahãrenyre.

5 Aõma òbitimy ratxike sỹny heka iny tamy roholamyhỹre ixi-di ratxirerimy ihỹre. Aõma walabu riòreõ heka rỹimyhỹre axiò-ki bede ywina heka ritidimy roimyhỹre ityky ijeti retydyna bede ywina-txi tõhõti reakemy tuu riwinyrenyre. Sõwemy heka iretydyna riwinyrenyre.

6 Ronymyhỹreu heka ikoòhòkỹle ronymyhỹre, worana be-dehesina rỹi-wana wahe. Dohodỹỹna heto-ki heka tule ronymyhỹre, iko-ò tuu rexisỹnymyhỹ.

7 Hãwãy-ki iny tamy ryrymyhỹre: —Waerydỹỹdu, Habimy, kia tahe irybe-ki bede erydỹỹdu rare. Tii tahe tamyreny awire.

8 Tai tahe Jesuisi tamyreny rarybere: —Kaiboho heka uritere Habimy inyõ adeereny irykõmy ihỹke. Deuxu sohojile bede erydỹỹdu heka rare. Ibutumy kaiboho seriòre wesemy atximahãtenyte.

9 Kasu-ki taheka inyõ heka tiu wahamy inyõ widee rary-beõtyhy Deuxu biu-ki ratximyhỹrele tuu bininibenyke heka.

10 Uritere Wawedu myỹ inyõ kia nidỹỹõmy. Deuxu deòdỹỹnale heka awedu ratximyhỹre Mesia wahe.

11 Anihikỹmy ixi-di mohõtinykeki tahe, kia iny biwiòhenanyke.

12 Kia ityhy rare ixi-di rõhõtinyhỹre, tii heka ihewo-ribi rabadewokre. Ihewo-ribi tahe aõma aõkõ relekre. Kia iaõkõmy ixi-di rõhõtinykre tahe nihikỹmy heka relekre.

13 Belàhàxe! Kaiboho itxenadỹỹluku. Ibina adeereny kanakre, kai bede erydỹỹna mahãdu, fariseu mahãdu. Kai-boho uritere iny ròtedỹỹrenyõmy Deuxu Iòlòna-ò. Kaiboho

birònybenyòtyhy tule iny ròtedÿÿ-ò biebenyke. Kaiboho bexisÿnybenyke òbitinamy.

¹⁴ Aixitòedÿÿna rehereheki wahe hãwã ube-ki. Kaiboho urile iny teitxenanymahãtenyete. Aõma wytese urimynodu heka iheto-ribi teteònymahãtenyete kaiboho heka abinarenyre. Tai heka kaiboho yla aõkõ aõhòkÿmy botÿÿnybenykre.

¹⁵ Belàhàxe! Kaiboho ibutumy iny aratyhynyrenykemy ixi-di tahòtinymahãtenyete. Tai heka iny tesÿnymahãtenyete òrarudutyhymy wahe ixiratyre heka teijiradÿÿnymahãtenyete. Aòraru-ki heka aõhòkÿmy botÿÿnybenykre. Iny-di atxikemy heka tahòtinymahãte.

¹⁶ Kaiboho ruetà mahãdu wesemy kai ahãte. Kaiboho heka kia wesemy tebedeerynytenyete. Inyò heka Deuxu bede eryna heto riwawiòhenanykeki heka aõna aõna ariwinykre. Myÿ marybebenykeki, heka aõ aõkõ heka rare. Deuxu dohodÿÿna heto womati tÿrÿrÿhÿkÿ-di marybekeki heka, tii heka rityhynyhy. Ibutumy heka kia bede ywina òta òta tewinymahãtenyete.

¹⁷ Kaiboho heka bede erydÿÿdu bede erytyhykõ mahãdu atxitenyteri dohodÿÿna heto kia-ò ralòkeki. Aõbo bedeòtiidÿÿna tyhyre womati tÿrÿrÿhÿkÿ aõbo ada dohodÿÿna hetole aõbo teeryòte, Deuxu Dohodÿÿna heto wahe.

¹⁸ Kaiboho tule tebedeerynyete kawesemy. Inyò tarybe inatyhy-di rarybekeki, tai heka kia xiwena wahidÿÿna-di rarybekeki, tai tahe tii rityhynyòkeki, awira. Tahe tii xiwena wahidÿÿna tyre-ki rarybekeki tahe, tii òbitimy heka rarybeke.

¹⁹ Kaiboho ruetà mahãdu wese, kaiboho heka erydÿÿnakõdu mahãdumy toite. Aõbo awityhyre? Xiwena wahidÿÿna aõbo ada ityre-ki wahidÿÿna roimyhÿre aõbo?

²⁰ Wahisidÿÿna heka wiwesele rare. Aõma xiwena tyre-ki roire wana tule wiwesele rare. Aõma xiwena tyre-ki roiõre wana wahe heka aõ aõkõ rare. Xiwena utàle heka ri-erymyhÿre inatyhy rare. Myheka kai mararybekeki heka tai tahe kai heka xiwena utàlemy tarybeteri. Ibutumy iny ityre-ki rÿire bohomy tule heka tai tuu tarybeteri.

²¹ Deuxu dohodÿÿna heto òraru-ki kai koityhyxemy marybekeki heka tai heka kai dohodÿÿna hetomy tarybeteri hãre tahe Deuxu iwo-ki ratxirerilemy tuu tarybeteri.

²² Biu òraru-ki ka koityhyxenyteri marybekeki, Deuxusÿmy tarybeteri. Tii dori tarynana-ki ronyreri.

²³ —Belàhàxe! fariseu mahãdu! Kaiboho heka itxenadÿÿdu mahãduò toite. Tule bede ywina bede erydÿÿdu mahãdu. Adeereny heka ibinamy ratxikre. Arÿsÿna uri juraõ heka kai Deuxu-ò tewahinyete, hortelã, erva-doce, cominho wahe. Kaiboho heka aõninihikÿ tetyhynytenyòhÿymahãtenyete. Iwese

òbitina, ruxetòena, inatyhyna kia-ribi heka òhòti losamyhÿre ibutumy. Aòmydÿÿna jura wahisidÿÿna heka awi rare. Tahe tule uritere òhòti losaòmyke aòwitzira-ribi wahe. Aòbo bedeòtiidÿÿnare bede ywina-ki. Kaiboho heka bede erydÿÿdu toite hãre tahe teerytenyòte.

24 Belàhàxe! Kai hãbuò wese rare. Tiiboho imona berareny-ribi ohoruxòmo riarimahãre. Ihãrele tahe tiiboho iròdu nihikÿ rirÿsÿmyhÿre. Iwesele kaiboho tule terÿsÿmyhÿtenyte.

25 —Belàhàxe fariseu mahãdu, bede ywina bede erydÿÿna mahãdu. Amona deoreny tesuhòmahãtenyte iwe. Iwo tahe ka isuhukÿlemy rÿimyhÿre. Itxenadÿÿna rÿire. Aòma aumy weselemy heka kia ratximyhÿre. Aòma aumy heka webòròsityy tyrare heka. Araykywo-ki tahe ibutu itxenadÿÿ heka tai rÿimyhÿre.

26 Belàhàxe fariseu mahãdu! Kaiboho taruetà mahãdu. Kai mona hynawo bisuhòke heka biòtinyke. Aòma bisuhòke ihÿre tahe arayky bityranykre. Tahe ibutumy heka aumy ryranykre.

27-28 —Belàhàxe fariseu mahãdu! Kaiboho heka koityhyxenyteri. Rubu heto wiwihikÿ ixideereny tewinymahãtenyte. Kaiboho heka iwesetyhylemy toite. Aòma webòròsitylydu heka iruxeramy idi toite. Aòma aworeny-ki tahe aòma iny rubu idi ròhòkÿdileka atxitenyteri mahãtenyte. Ibutumy aòbina bina awo-ki arayky-ki idi atxiteri mahãtenyte. Aumyreny-ki heka tykywihikÿ texitykyny mahãtenyte. Aòma hãbu wihikÿwesemy. Hãbu òbitimy matxibenyke myheka iny adi ròhòtirenkyemy heka tuu texitykynymahãtenyte. Araykywo-ki tahe arimyrewo-ki tahe ibutu itxenadÿÿna-di heka toite, òrarudu mahãdu toite.

29 Belàhàxe! Tai heka kaiboho Deuxu rybedu mahãduò rirubunyre. Kaa nohòti ijaranamy tuu tewinymahãtenyte. Awabederenywo-ki heka noijasa ruxerahakÿle tetidite.

30 Kaiboho heka tarybimahãtenyte. —Tiu wahareny riwinyre wese heka ariwinyrenyòtyhy.

31 Kiamy tarybeteu heka hãbu bina riòremy texininite. Bowesele toite. Iriòre toite.

32 Iwese juhoo ibinamy riwinyre wese heka iwesetyhyle aòhebo tatÿÿnymahãtenyte.

33 Iwese hemylala deborehekÿ wesemy heka kaiboho atximahãtenyte. Boreny tule iweselere. Timybo heka kaiboho heòty bede-ribi mahenybenyke? Kaiboho heòty bede-ò boibenyke.

34 Adeereny ariteònykre aòma Deuxu rybeduò hãbu erydu, tyyriti erydu wahe. Kaiboho bidirubunybedenykre. Ohodÿÿna heto-ki ijò bidihetenybedenykre awaru

hetenaõ-di. Itxeòtyre-ki ijõ bidirubunybedenykre. Ijõ heka biheludumykre hãwã hãwã-ò tamy ibinamy riwinykre. Aõhõkỹmy dỹñana heka tamy biwahinybenykre ijõ hãwã-ò rakreu.

³⁵⁻³⁶ Kia heka hãbu ibutumy rurure tyby òraru-ki wahe. Dohodỹña hetowokile rirubunyrenycre. Kaiboho Abeli juhoo terubunytenycre ikonana tahe Zacaria, Barakia riòre wahe. Òbitityhy juratya-ki heka tuu tewinytenycre. Wijinabòdu mahãdu tai aõhõkỹmy rotỹñnykre. Ibutumy ibinamy kai atyre-ò kedesekre.

³⁷ Jesuisi ikonana tahe rarybere: —Jerusalẽ hãwã mahãdu, kaiboho heka terubunytenycre Deuxu rybemy rybedu mahãdu. Jiarỹ heka aramykemy adi rewisỹnyreri wariòre wesemy tahe waderarenycre kaiboho. Iwese hãnieõ iriòre ridycre wese idewo-ki.

³⁸ Aheto heka ixisohojilemy rỹimyhỹre.

³⁹ Kaheka ararybekre adeereny: —Wamy heka bobiòtyhy ixityre. Kai heka Deuxu deòdỹña bidykreule wamy bobikre. Iu rarybereu, Deuxu deysanamy, wamy bobikre.

24

¹ Iu Jesuisi ròhònyreu dohodỹña-ribi, ierydỹña mahãdu tamy rarybere dohodỹña heto itxeremy ròikemy, eleri-ò wahe. Tai tahe Jesuisi dirawyònyde:

² —Inatyhy rare, awi heka rare. Urile tahe kidiixãwididỹnykre heka. Timy heka manaõ wityre-ki roiòhyykre. Ibutumy bede-ò idi rehukre.

³ Iribi tahe Jesuisi rehemynycre Oliveira hãwãlò-ò heka ronyre. Tai tahe erydỹña mahãdu tii ritỹñraxyre iny sòwe-ribi: —Tiubohe ibutumy kedeixixãwididỹnykre. Tiuboho ibutumy bede konanadỹñamy reakre. Timybohe rikeryrenykre kai bedehemynyke aõma bede ibutumy rexihukre.

⁴ Tahe Jesuisi tamy rarybere: —Uritere inyõ aitenadỹñomykre.

⁵ Sòwemyhe iny itxenadỹñamy rỹirakre. Jiarỹ Kristu rare, Deuxu deòdỹña heka jiarỹ rare, myheka adee kanarybekre.

⁶ Kaiboho heka boholamy mabekre iny aõbina ròhònymyhỹkre: boholamahãkre. Ihãre tahe iny rarybekre aõma: —Karibi heka aõbina urihimyo ròhònykre. Myhe rarybemahãkre. Ihãrele tahe kòdòòseòkre aõma ikonana urihimyo. Ibutumy heka kia wesemy relekre.

⁷ Aõma kia wesemy heka bede roimyhỹ rarekre aõbo iny wixira wixira heka ibutumy iòlòna heka riteranymyhỹkre. Aõbinamy. Tai heka raaõbinanamy rỹirakre. Aõma rama ijara reakre. Bede ibutumy ramytakre hãwã-ò-ki.

⁸ Kia heka iwese hāwyy uladu dese wesemy robumyhÿre wese tukre.

⁹ Adeereny heka aōhōkÿmydÿÿnana tiiboho riwahinykre aōma wani òraru-ki wahe. Ijō kaibohoō heka ararubun-ryenykre.

¹⁰ Sōwemy heka iny riatymyhÿkre wary-ribi heka riatymy ririmyhÿkre. Wii rityhenymyhÿkre. Widee rakyarananymyhÿkre.

¹¹ Rybebina rybeduō heka sōwemy kedehemynykre tahe kia heka sōwemy iny riitxenanyyhÿkre.

¹² Iu heka òraru nihikÿ iu rōhōnykremy roimyhÿre. Sōwemy heka luuna-di rÿiramyhÿ katahe wiji ixāwikre heka ihomy aōkō relekre.

¹³ Kia idi hyy rÿirakre ikonana-ò. Tii mahādu tahe tarasanamy reakremy rÿira.

¹⁴ Ibutumyhe kia iny-ò rybe tÿnydÿÿnamy reakremy rÿira, Deuxu Rybewihikÿ Tÿmyra wahe. Ibutu iny witxira witxira heka roholakre rybe wihikÿ-ò. Kia rahudi hikÿle heka taheka kedehemynykre heka ikonana.

¹⁵ Aōbinahakÿ tyhybohe ibinatyhy rÿikre. Tii heka rÿikre heka aōma Deuxu ubetyre-ki, Deuxu isÿ-ki, kiaweselemy heka rÿikre. Bieryke aōbo kia rare. Bieryke aōbo kia rare Danieli heka Deuxu rybeduō ihetxiu kiamy heka rarybere:

¹⁶ —Judeia mahādu bede-ribi tahe kia bihenybenyke. Ibutumy heka bōibenykre hāwālò bede-ò biòturōnykre.

¹⁷ —Kia bededÿÿnanau heka tiu aō bimyoÿtyhy aheto-ribi. Tiemy heka rōhōnyhykyle rakre aōwesele wahe.

¹⁸ Iu bedero raaōmysÿdÿÿkreu heka tiu kōdōòseōtyhy tatyky itxemy.

¹⁹ Tule aōma hāwyy bōtōmy rÿira kia bedeu aōhōkÿmy rotÿÿnykremy rÿira. Kia tohouā-di ratxireri tahe tamy isirakre heka itybiedÿÿ idi rakeō heka isirakre.

²⁰ Bedejutytykōkemy heka bexitōenyke ahena mahenykeu. Tule sabado txu aōkōkemy bexitōenyke.

²¹ Tiu heka aōhōkÿmy dÿÿnanamy iny rotÿÿnyōhyymyhÿre kaa aōhōkÿmy dÿÿnana nihikÿmy. Tule tiu tuu robiōhyymyhÿre.

²² Kia Deuxu irokorehemykre wana heka ibutumy iny ituekre. Kaa urihimyòlekre wana tahe kai Deuxu hōrō mahādule tuukre.

²³ —Aōma Mesia heka kowa-ò rehemynyra, Deuxu deòdÿÿna wahe. Ihāre tahe kai heka inyō adee rarybekeki tahe tetyhynyōhyte heka.

²⁴ Kia iu kedehemynykreu tahe aō Kristu tyhy aōkō heka rarekre. Aōma rybedu itxenadÿÿdu heka tule aōna aōna wiwihikÿ riwinykre. Aōma ityhydÿÿdu dori riitxenanykemy idi riwisÿnykre:

25 Boholake, juhuu dori adee relyyreri ibutumy aõhebo rotỹỹnykre.

26 —Aõma arateòwarinyre dori tuu. Kia Mesia, Deuxu Deòdỹỹna heka ròosereri. Beteheke bederahy-ki, tule hetowo-ki. Iu tahe timy heka tamy itxeremy raõtyhy inatyhy aõkõreki.

27 Iu jiarỹ Deuxu Riòre Hãbutyhyhykỹ arehemynykreu ibutumy heka rierykre loosõna delaaana wesele heka wadehemynyna heka rarekre biu ibutumy ritỹxinykre.

28 Iwese aõ rubu roimyhỹre, rara heka tamy rabutumyhỹre. Kaiboho rierykre iu rehemynykreu.

29 Iu kia bede dỹỹnanamy reakreu tahe txulyby heka kòdòhònykre. Ahãdu tule rybynykre. Taina tule ixewesehekỹle kanakre. Ibutumy ramytatakre biu-ki.

30 Iule tahe kia wadehemynynamy iny robikre. Sõwemy heka hinana ibrunana bede bedemy rỹirakre. Ibutumy heka iny robikre wadehemynynamy biuwetyky-ki, jiarỹ dori, Deuxu Riòre, Hãbutyhyhykỹ rare. Loosõna ruruna sõwekreu, tahe arehemynykre.

31 Tule wajuròna-di, ýju aditeònykre iu, ajuròna wodỹỹhỹkỹ-di. Tahe ibutumy wahõrõ mahãdu he ixidee aributunykre bede bede-ribi, ibutu rehetyhy-ribi wahe.

32 Jesuisi tule relyyre: —Ijyyõmy heka ako arelyykre. Kai heka ibede erynamy bimykre. Iu kia figueira òwòru hãbu wiji tybiehekỹ. Kia aõma iruru tỹmyra rurunymyhỹré. Tule aõma txirubò tỹmyra ròhònykre. Tiu tahe bierykre. Kai iòhòra bohe wyra. Myhe tamy besekre.

33 Iwesetyhyle taheka kai heka bierykre. Aõma wadehemynyna ròhòny relekre wahe aõbitikre wadehemynyna iu, aõhòkỹmydỹỹnana wahe.

34 Tiu kia bededỹỹnanaule heka bedekõnyna rexihukre.

35 Biu heka bede-wana ituekre warybe tahe aõu aõu heka rỹihyymy rarekre.

36 Inyõ heka rieryõhyymyhỹre. Tiubo txuu ruu kai konany rỹimyhỹre wahe Ýju dori tiu rieryõhyymyhỹre. Aõma, jiarỹ Deuxu Riòre dori rieryõre. Aõma Waha Deuxule tahe rierymyhỹre.

37 Noe bededỹỹnana wesemy heka rỹimyhỹkre iny risinykre kia bedeu.

38 Ibutumy heka worana bedehesi rỹikre kiau. Lisisò tahe rỹikre. Herina lisina aõma hãwyymy herina.

39 Tahe Noe bededỹỹnana wesemy heka reakre. Iu heka beòra rariare. Tahe rityyhynyõhyre tiiboho. Tahe heka raòwònyre rariare ibutumy ituere. Iwesele tii heka rarekre heka, wadehemynyna Deuxu Riòre Hãbutyhyhykỹ wahe.

40 Inatxi hābu heka oworu-ki raaōmysŷdŷŷkre. Ijō heka rakre dynamy reakre. Ijō tahe rarikre.

41 Tule inatxi hāwyy heka raaōmysŷdŷŷkre heto-ki ratxikre mai risyrenykre. Ijō heka dynamy reakre ijō heka rarikre.

42 Tai heka iny rexiywinymy rŷimyhŷkemy rybe roimyhŷre awedureny kanakreki. Tiubo rehemynykre, teeryōte.

43 Aōma hābuō kanakeki heka tiu aōma hābuō itxeredumy ronykeki heka, tiu hābuō iribi rawasinyōtyhy.

44 Bexiywinymy heka wadehemynyna biijemy bonyke, jiarŷ Deuxu Riōre Hābutyhyhykŷ wahe.

45 Ijō Jesuisi relyyre: —Inyō tadinodu deōdutyhymy ratxikeki, tii aōmysŷdŷŷna riwinyhyy rononymhŷke tamy. Iheto riwinyhyyyke. Teōdu mahādu txuō txuōlemy riwinyamahāke.

46 Kia riwinykeki, deysamy rarekre teōdu rehemynykreu.

47 Inatyhymy ararybekre: —Kia deōdu tadinodu aōmydŷŷnana ibutumy idi riwinykre, riyrubunykre. Tii ibutu wedu rarekre.

48-49 Ibinamy tahe tii rōhōtinykeki, kiawesemy riwinykre: Deōdumy raōhōtemyhŷ, lisilemy rononymhŷ, riroximyhŷ modu mahādu-wana riōmyhŷ. Tii ixidee rarybekre: —Wawedu kedehemynyōtyhy, aōtxile ariwinykre.

50 Iu rehemynyōkremy rōhōtinyreu, iwedu kiaule rehemynykre.

51 Tai tahe raōhōtebinakre. Heōty bedē-ō riteōnykre, Iwese itxena mahādu tii riteōnykre wese. Kia-ō rahinykre, robukre, txuraruti rikyikyiny my aōhōkŷmy dŷŷnana òraru-ki.

25

1 Jesuisi ijō relyyre: —Kia txu heka Deuxu Iòlòna ka ijyy wesemy rarekre. Debòwiò ijadòma heka hābumy herina riraōmyhŷrenykre. Iny sohoji sohoji heka toosòna riwyre iximynamyna.

2-4 Iruyrelē tahe tōhōti reare aōma adŷŷ-di ritŷxinykemy. Ihony tahe tōhōti rosare iruyre wasŷ, ijō tule ihyna-ki riwykemy.

5 Weryrybò rehemynyōre, tai tahe ijadòma mahādu ele ri-hynymy rŷimyhŷ tehemynyna riiraōmyhŷrenykre. Iny sohoji sohoji heka toosòna riwyre iximynamyna.

6 Tai tahe rarybera: —Tŷmyra mahādu-ò wahe rehemynyreri. Birybenybenyke ruwetya.

7 Tai tahe ijadòma mahādu he rituranymy rŷimyhŷre. Toosò itŷnytyhymy rookemy.

8 Kia ijō tahe tōhōti rosare mahādu tahe uritere riijere. Itoodŷŷmy idi riwisŷnymyhŷ. Aōma wīdee he rexitōenyre: —Urihimykò inihe wahōrō-kò biditxiwike karihukòtekre.

⁹ Tai tahe kialemy risỹnyre: —Anokõre wadehunale dokuri rỹire. Bikòryke tahe ijõ itxe tahe. Maa.

¹⁰ Idi tahe ròireny iõbradỹỹmy. Tai titxi tai rohonymyhỹreò. Iõrysmy iõbradỹỹmy ròirenyra rookile tahe dehemynyde kia tỹmyra mahãdu wahe. Tahe rironyrenyire ibutumy rirox-ikemy. Riratòbònyrenyire.

¹¹ Tai tahe kia iruyre ijadòma iõbradỹỹmy rare tahe dehemynyde: —Wahĩ, itxòtòbòna wadeke bidirakynybedenyke!

¹² Tai tahe kialemy rirawyònyre: —Jiarỹ umyreny reeryõre. Kie riki ijyy.

¹³ Tahe Jesuisi rarybere: —Tai kaiboho bexiywinymy ahãbenyke wadehemynyna biijebeny. Teerytenykòte dori tiubo addòsekre.

¹⁴ Tii ijõ rarybere: —Ijõ ijyy my adeereny arabedeerynykre timybo Deuxu Iòlòna raremy. Inyõ heka rakemy ratximyhỹre ijõ bede-ò ratỹinykemy. Tii tahe taaõmydỹỹnana ririre teòdu mahãdu-ki.

¹⁵ Tanieru tahe tamy riwahinyre timykibo isiraõmy nieru ritamyhỹre myheka tamy riwahinyre. Ijõ-ò 5000 riwahinyre. Ijõ-ò 2000 riwahinyre. Ijõ-ò 1000 riwahinyre. Idi tahe tii rare tabede tỹinamy.

¹⁶ Kia iruyre ritara heka aõna aõna riõbranymyhỹre. Diwymyhỹre tasỹ idi rohonyrerimy ihỹre. Tai wylemy heka inieru rabuture. Ijõ ixityre iruyremy ritxienyire iratyretyhy.

¹⁷ Kia ijõ inatximy tamy riwahinyre tasỹ tulere aõwesele raaõmysỹdỹỹre ta ròtare tule ijõ inatximy ixityre.

¹⁸ Kia sohojimy tamy riwahinyre tahe urile riyrubunyire inieru hãloole riare tamy tahe riyrubunykyre heka riare.

¹⁹ Sõwemy rabededỹỹnana-ribi tahe iwedureny dehemynyde. Tahe tamyreny rarariòwyre takõtareny riòbitinykemy.

²⁰ Iruyre riwyre heka debòwiò diwyde: —Beteheiny wawedu ijõ iruyre anieru tyre rebutunyre.

²¹ Tahe tawedu sõwemy riwowydynyre iaõmysỹdỹỹna wiwihikỹmy ròhònyraki wahe. Kiamy heka tamy rarybere: —Òbitimy idi taaõmysỹdỹỹteki heka. Sõwemy heka adee ariwahinykre riywinykemy. Aõwaxinyhe bitelenykre aõmysỹdỹỹna. Kai heka wawana beysanihikỹkre.

²² Idi tahe kia inatximy ròtaré sỹ dehemynyde: —Beteheke, inatxi tasỹ inaubiòwa ixityre adee rewinyra.

²³ Tahe iwedu rarybere: —Awityhymyhe taaõmysỹdỹỹta! Kai heka deòdu wihikỹ tate. Kai ibutedile sõwemy tewinyte tahe sõwemy ixityre adee ariwahinykre riwahinykemy. Kai heka wawana beysanihikỹkre.

24 Kia sohojimy tamy riwahinyre tahe rarybemyhe retx-imyhÿ: —Kai heka hãbu nieru tarasaery heka tate. Aõ taaõmysÿdÿÿteri-ribi aõkõ heka nieru tetamahãte.

25 Tai heka jiarÿ raberumahã alau watxireri. Tai heka rewore iny lau. Tahe tii sohojidile ratxireri.

26 Iwedu rarybere: —Kai heka eoruxerere, awi aõkõ heka tate! Inyõ tehuòtekõta heka idi urihimyò ityre ròtakelemy wahe. Kai tiwaeryte wahe.

27 Aõherekibo banco-ki aõkõ tetidite. Kia huòteòwy wanieru-ribi ritarerimy ihÿre.

28 Bitabohe kia nieru-di atxitere, tahe kia debòwiò ritaraò wahe biwahinykre.

29 Kia òbitimy raaõmysÿdÿÿra heka sòwetyhymy ròtakre. Kia òbitimy raaõmysÿdÿÿòmyhÿre kia heka ròõnodÿÿkre.

30 Kia deòdu bimybemyke. Tii dorihe ibinatyhyre inihe bede luruhukÿ-ò idi behubenykre. Tai heka tii aõhõkÿmy rotÿÿnykre rahinykre.

31 Jesuisi tahe ikonana rarybere: —Iu jiarÿ, Deuxu Riòre Hãbutyhyhykÿ, arehemynykreu heka Waiòlònary-ò aronykre. Arehemynykre waÿju mahãdu-wana.

32 Ibutumy heka bede iny mahãdu wako-ki ributunykre. Iwese budoeni itxeredu heka tabudoeni, budòe-wana wiribi rihitxinymyhÿre wese heka bede iny mahãdu wiribi arihitxinykre.

33 Wabudoeni heka warurunawe-ribi arisÿnykre. Budòe tahe wahywe-ribi arihitxinykre.

34 Idi tahe waruruna ludu-ò ararybere: —Manake hewa, beysabemyke. Waha Iòlòna-ò rokonykre. Myheka tamy ararybekre. Juhuu bedeu ihetxiu heka ywimy adireny kia rÿimyhÿre.

35 Rama tahe riwasanyreu rÿsÿna wadee tewahinytenyete. Iu bemy rarureu, wadee tewahinytenyete. Jiarÿ heka tori rare asÿ-ò tiwadytenyete.

36 Jiarÿ heka watykyhoho aõkõu, kaibohole wadee tewahinytenyete. Binamy rÿimy rarewãhã, waroramy tadòitenyete ròtenawo-ò.

37 Tai tahe òbiti mahãdu rarybekre: —Wanyrÿ, tiu taheka ramamy heka wadeereny teate —Adee rewahinyrenyere? Tiubo heka bemy tarumy tatemahã adee rewahinyrenyere?

38 Tiubo heka kai torimy tatemahã idi wahetoreny-ò aradyrenyere. Tiubo atykyõmy tatemahã-di, tyky adee rewahinyrenyere.

39 Tiubo ròtena-ki tÿimy tatemahã-ò ada webinadumy tatemahã-ò, aroramy ròirenyere. Wanohòti atxi reaõhyomyhÿre.

40 Tai Jesuisi rarybere: —Jiarỹ, Iòlò, tamy ararybekre: —Iu kaiboho waityhydỹỹdu seriòre mahādureny-ò waòraru-ki tewinynty toitemahãu, wadeele tuu tewinyntyte.

41 Idi tahe kia wahywenawe-ribi ludu tamy ararybekre: —Boibenyke karibi kaiboho heka abinarennyre heòty bede-ò ihyymy boibenykre xixi-di ariteònykre. Diabo tatytybybinasỹ-ò idi boibenykre. Deuxu isỹ tamy riwinyre.

42 Tiu rama riwasareu rỹsỹna kaiboho wadee tewahinyntyòhyyta. Iu bemy rarureu heka ijò wadee tewahinyntyòhyyta.

43 Torimy rarewahãu, tiu tiwatobinyntyòhyyta. Tykyò wadee tewahinyntyòhyyta. Binamy rãimy rarewãhã ròtenawo-ki wororana webinadumy tahe tòiòhyyta.

44 Tai tahe kiamy rarybekre: —Wanyrỹ, tiubohe tuu rewinyrenykròre. Wanohòti heka reaòhyymyhỹre aramamy rubuna-txi, abemy rubuna-txi, torimy tatemahãu, atyykòmy tatemahãu, ròtenawo-ki webinadumy tatemahãu wahe.

45 Tahe jiarỹ Iòlò tamy ararybekre: —Kaiboho heka waityhydỹỹdu seriòreò tewiòhenanyòmahãtenynte tai heka tiwawìòhenanyntyòte.

46 Tahe Jesuisi ikonanamy rarybere: —Tai tahe tii tiuhyymy rakre heòty bede-ò, aòhòkỹmydỹỹnana-ò. Òbiti mahãdu heka umytedeòna-ò rakre.

26

1 Kia taijyy rahudi tahe Jesuisi taerymahãdu-ò rarybere:

2 —Ixityre inatxi txu-di tasỹ aõma Pascoa worana bedehesimy rỹikre. Kaiboho tahe kia teeryntyte. Iu iny riwatyhenykre Deuxu Riòre Hãbu wahe. Irahu-di tahe itxeònihikỹ-ò riwatamadỹỹnykre.

3 Tahe aõwesele heka xiwena wahidỹỹdu wedu mahãdu ributunyyre heka judeu wedu mahãdu-wana wahe. Kaifa heto wii rotyre. Xiwena wahidỹỹdu mahãdu wedu wahe.

4 Wiwana heka raryberenyre: —Timybohe Jesuisi aõhebo rikisỹnyrenykre aõma teburemy ijiranakõnahakỹle. Timybo rikisiraònyrenykre, rikimyrenykre, rikirubunyyrenykre. Urile iny tuu rierykròre.

5 Pascoa worana bedehesi rỹireu tahe aõkòlemy idi rỹire. Kia worana bedehesiko-ki iny raaòbinanykeki dori ibutuhukỹlemy heka raaòbinanyke.

6 Jesuisi heka rare Betỹnia hãwã-ò hãbu tykybinaò-wana heka isỹ-ò rare, Simaò heto-ò wahe.

7 Iu iheto-ki riroximyhỹre tahe hãwyyò tamy rare aderòna lỹnyrehekỹò-di manaurahyna-ki. Tai tahe Jesuisi tyre ritxiwire, iratityre.

⁸ Ierydÿÿna mahâdu heka urihimyò heka rebure riòre iòraru-ki.

⁹ Iòwy nihikÿtyhyre dorihe. Tai heka tanieru uriterehekÿle rahuraki heka tai rawobinamy. Idi rohonykewile heka rare aõma iòwy tahe iny aõkõ mahâdu-ò riwahinykewihikÿle tii rõhõtinyre.

¹⁰ Tahe Jesuisi rierytyhymy aõmybo tuu raryberenyrimy: —Aõherekibo kaiboho ibinamy tarybetenyteri hãwyy-ò. Aõwidÿÿnana wihikÿ wadee riwinyreri.

¹¹ Aõma kaiboho heka urimynodu mahâdu-wana ihyymy boibekre. Ibutulemy awanareny jiarÿ watxiwãhãde.

¹² Tii heka wahãloodÿÿna riwaywinyra aderòna watyre ritxiwireu. Kia tahe wadee riwinyre.

¹³ Boholake, iny itxi tõhõti reahyy rÿirakre iòraru-ki. Rybe-wihikÿ Tÿmyramy ritÿnydÿÿmyhÿkre heka rierymyhykre bede bedemy wahe.

¹⁴ Iribi tahe Judasi Isariò, tii waò inatxi reuròò rare, tii heka ròhònyre ierydÿÿna mahâdu-y-ribi. Tahe rare xiwena wahidÿÿdu mahâdu wedu-ò. Tahe tamy rarybere:

¹⁵ —Adeereny Jesuisi ariwahikre wana heka tiwesebo bi-waòwinybenykre? Kiamy tahe 30 prata womati nieru myhe tamy riwahinyre.

¹⁶ Judasi kia ribile rarunymy raremyhÿ dohodÿÿnaõmy Jesuisi tamy riwahinykremy.

¹⁷ Pascoa worana bedehesi rÿireule rexidelenyre, Paõ iuridÿÿkõ, kia txu rÿimyhÿ wahe. Jesuisi erydÿÿna mahâdu tai ritÿÿraxinyre: —Titxiwexe rikirÿsÿkre Pascoa worana bedehesi jiarÿboho dori ariwinyrenykemy?

¹⁸ Tahe Jesuisi rirawyònyre: —Hãbuõ hãwãhãkÿ-ki ratx-imyhÿre tii riwaeryre. Tahe tamy marybekre: —Wawedu kÿny rarybereri aõma aheto-ki heka Pascoa worana bedehesina rirÿsÿkremy taerydÿÿna mahâdu-wana. Ibededÿÿna dori iòhòre riki.

¹⁹ Tai tahe taerydÿÿna mahâdu kia riwinyre idi kowa worana bedehesi rÿsÿna riwinyre.

²⁰ Bedesòmy tahe tai riroximy rorukumyhÿreny, taerydÿÿna waò inatxi reurò mahâdu-wana wahe.

²¹ Aõma inyõ heka riwatyhenykremy ratximyhÿre. Jesuisi heka tuu rarybere:

²² —Mowexe tii rarekre. Tiiboho rabadewomy roire, tai tahe widee rarybere: —Jiarÿ kõaõboka.

²³ Tahe Jesuisi rarybere: —Kia wawana pratoro tebò rearerile taheka tiikre.

²⁴ Iwese Deuxu Tyyriti-ki Rybe roire wese heka arurukremy jiarÿ Deuxu Riòre Hãbutyhyhykÿ watxiwãhãre. Kia

hãbu riwatyhenykre tahe tamy heka ibinatyhykre. Ratybi-eny kõre wana inihe awityhyre.

²⁵ Tai tahe Judasi ityhedỹỹdu rarybere: —Erydỹỹdu, jiarỹ aõbohe rare? Tahe Jesuisi tamy rarybere: —Kaityhy wahe tate. Kaile tarybeta.

²⁶ Tai tahe Jesuisi orotxu sohojiõ rimyre ibutumy riroxireu, tahe riyreyrenymyhỹre tahe inysohoji sohoji-ò riwahinyre. Tai tahe tamy Jesuisi rarybere: —Kia biybenyke heka. Waumy wese heka kia ratxireri.

²⁷⁻²⁸ Idi vỹi monahynaõ rimymy rexitõenyre Deuxu-ò. Idi tahe tamy riwahinyre iribi sohoji sohoji riõrenykemy. —Biõrenyke kaa dori wahãlubu wesemy ratxireri. Tai sõwemy iny biu-ò rahenykre Deuxu dee. Ibutumy òraruna ixãwididỹỹmy heka tuu rõhõnyra. Wahãlubu heka Deuxu, iny-wana wii riwoàxinykre rare.

²⁹ Tahe boholake warybe-ò. Awanareny heka ixityre vỹi monamy ariõõtyhy. Kia Waha Iòlõna-ò dehemyrynahykyle tahe awanareny ixyby tuu ariõkre.

³⁰ Idi tahe wiuõ rawiunyunyrene idi tahe Oliveira hãwãlò-ò rõrenyrene.

³¹ Jesuisi tamyreny rarybere: —Wijiru heka ibutumy kai-boho biwaribenykre. Tyyriti-ki heka roire kiawesemy: Budoeni-di itxeredu rirubunykre. Ibutumy budoeni raubỹtỹkre bede bedemy.

³² —Waixixana kỹnyikreu tahe Kalileia bede-ki awanareny aratxikre.

³³ Pedro tahe rarybere: —Ibutumy ararirenykre wana tahe jiarỹ aõkõre. Ararirenyõtyhy.

³⁴ Tai Jesuisi heka Pedro-ò rarybere: —Kai heka hãnie dele robukõdile biwatxiõ-ribi bexihukre, inataõmy wahe. Tuu wijiru rarekre.

³⁵ Pedro dirawyõnyde: —Aõkõre wa, arurukre heka tahe urile aratxiõnyõtyhy. Tule ibutumy ijõ ierydỹỹna tule Pedro wesele rarybere.

³⁶ Tahe Jesuisi ridyrenyrene bederaty oworuõ-ò, aõma Kesemani ninadu-ò ridyre: —Kakile bonykre arakre dori ix-itõedỹỹmy kowa-ò.

³⁷ Tahe Jesuisi heka Pedro ridyre ixi-wana. Tule Zebedeu riõre wiwana ridyrenyrene. Tahe Jesuisi rabedeõtidiỹỹre aõhõkỹmy rotỹỹnyrene bedeõtidiỹỹ òrarukile.

³⁸ Tii tahe tamy rarybere: —Kaki wawanale atxibekre. Watyytyby heka tỹxihikỹlemy bedeõtidiỹỹ-di ratxireri. Waki bexiebekre.

³⁹ Urile tahe tako-ò rariareu tahe resere bede-ò. Jesuisi tahe tyby-ò rarybere: —Waha, rubu mona waribi bitake

adeewikeki. Aõkõkeki tahe ariõkre, arurukre adeewilemy aõhebo arotỹnykre.

⁴⁰ Idi tahe dòõsede kia ierydỹna inataõ tai rõrõmyhỹò heka ixyby dòõsemy nade. Jesuisi rarybere: —Pedro! Kai heka timy sohoji horamy adi bede rỹiõtyhy wawana.

⁴¹ Bexixaruhyy atxibeke bexitõenymy. Aõkõkeki tahe õraruna kanamykre. Kai heka õbitimy matxikemy tahõtinymahãte. Aumy tahe ibinare heka arurukõre wahe.

⁴² Ixityre rare rexitõenykemy. Tahe Jesuisi rarybere: —Waha, adeewinale ariwinykre. Aõhõkỹmydỹnana monamy heka ariõkre. Kia mona waribi bitaõkeki ihãrele heka arurukre.

⁴³ Tai dòõsede tai rõrõmyhỹrenyòle heka nade. Tiiboho ixixamy rỹiõhyre.

⁴⁴ Tahe ròõsere ixybyle ikonanamy. Iweselemy rexitõenyre tyby-ò.

⁴⁵⁻⁴⁶ Idi tahe dòõsede taerydỹna mahãdu-ò rarybere: —Bexielehynybeny. Watyhedỹdu naderi. Rexihumyhe rare. Hãbubina mahãdu rehemyre. Jiarỹ Deuxu Riõre Hãbutyhyhykỹ, wahe. Bexixabeny, rakakre watyhedỹdu dori rehemyreri.

⁴⁷ Tahe Judasi dehemynde waõinatxi reurõõ wahe. Jesuisi rarybereu, tii nade sõwemy hãbu-di mayrehe-di, õhõte-di tõnori-di widotyde. Judeu mahãdu wedu tahe iteòdỹdure xiwena wahidỹdu wedu wana wahe.

⁴⁸ Juhuu Judasi tamyreny bede riywinyre. Kamy rexirybenymy: —Iõsỹny-ò aruwokrele heka tiikre. Tiile bimybenykre.

⁴⁹ Tahe Judasi rarybere: —Rareri, Wawedu. Iõsỹny-ò ruwore.

⁵⁰ Tahe Jesuisi rarybere Judasi-ò: —Iò, aõwaxiny aõbo biwinykre iwidỹmy tateri. Tahe Jesuisi imahãdu rimyre. Ri-taataare.

⁵¹ Tahe Jesuisi mahãduõ mayrehe-di rimymy resere. Tai hãbuõ-ò reare. Tai tahe tõhõtile rikòrõmy idi reare, xiwena wahidỹdu wedu deòduõ wahe.

⁵² Tahe Jesuisi tamy rarybere. Aõkõre amayrehe birutyke irasirahanawomy. Kia dori inyõ maydese rimymy resekre heka tule rurukre maydeselemy.

⁵³ Karibi ixitarasamy arurukeki dori wahaòle ararybekre. Tai tahe waha sõwemy ýju kiditeònyke, 12 aõbinadu ijoi mahãdu wahe. Kia teeryõtenyte.

⁵⁴ Ihãrele tahe ibutumy tuu bededỹnana relekre iwese ritidỹna-ki roimyhỹre wese.

⁵⁵ Tahe Jesuisi rỹraxyre tamyreny: —Aõbo jiarỹ raremy wadi tahõtinyntery. Wasidu aõbo. Kai dori waòrysmy tehe-

mynyte maydese-di, tōnori-di. Aōherekibo wahe. Jiarỹ heka arabedeerynyrenyre txuō txuōlemy wahe Deuxu dohodỹna heto-ki. Aōherekibo taile tiwamytenykōte kowa watxiwāhāure.

⁵⁶ Kia ibutumy Deuxu Ritidỹna-ki roimyhỹre. Tai tahe tuu bededỹnana relekre iwese Deuxu rybedu mahādu rarybere. Ibutumy aōna aōnamy rotỹny my raremyhỹ. Tai tahe taryberahu-di. Ibutumy iery mahādu iribi tahe robỹtỹre.

⁵⁷ Tiiboho heka Jesuisi ridyrenyre Kaifa heto-ò, xiwena wahidỹdu wedu wahe. Tai ibutumy judeu mahādu wedu ributunyre bede ywina erydu mahādu tule wahe.

⁵⁸ Pedro irehetyty-ribi riheludunyre. Iheto ube-ki tahe ronyre yrubu dỹdu-wana. Tahe rehere aōhebo rotỹnykremy.

⁵⁹ Xiwena dinodu mahādu tahe ributunyre Jesusimy raruikremy heka riijemy. Aōma rirubunykre òbirele heka tuu rarybemyhỹ.

⁶⁰ Tahe inyō-ki heka rahaōhyyre turybedu wahe. Iny sōwemy tahe relyyre. Ihārele rirubunyōhyyre. Iroona-ribi tahe inatxi hābu dehemynyde.

⁶¹ Tai tahe kiamyhe tuu relyyre: —Aōma Jesuisi rarybere: —Aōwesele heka Deuxu dohodỹna heto ariatymy idi areake. Inataō txudi tasỹ ixityre aditamadỹke, ibutumy adiwinyke.

⁶² Tai tahe xiwena dinodu heka Jesuisi-ò ryraxire: —Aōbo marybekre kia umy ijyy rohonyreriki?

⁶³ Jesuisi tahe rybeōlemy ronyre roholare. Ixityre tamy rỹraxire: —Kai heka inatyhy tyhymy Deuxu Riòremy kai atximahāte. Mesia aōbohe kai tate? Deuxu riwaeryre inatyhymy rarybereri.

⁶⁴ Jesuisi dirawyònyde tamy: —Kaile kia tarybete. Ibutumy iny-ò ararybekre: —Kaiboho ibutumy bobibenykre Deuxu Riòre Hābutyhyhykỹmy, jiarỹle wahe. Tii heka Deuxu rurunawe-ribi heka ronykre. Iribi tahe kanakre biuwetyky-ki. Jiarỹle wahe tiire.

⁶⁵ Tai tahe xiwena dinodu tatyky riykare. Reburere kie: —Aōhere tahaka. Deuxumy heka ibinatyhylemy tarybemahāte. Ijō iny-ò aroholaōkre, rexihura!

⁶⁶ Ibutumy kaiboho irybe-ò taholatenyteri, inatyhy? Aōbo rikiwinykre tii ibinatyhyre dori, rikirubunykrenykre tahe.

⁶⁷ Tahe iòsỹny-ò rarybexinyre. Rihetenyre.

⁶⁸ Tamy ihetedỹdu rarybere: —Marybeke Kristu, mobo arahetenyra inihe.

⁶⁹ Pedro tahe ube-ki ronymyhỹ. Tahe ijadōma heka deòduò tamy rehemynyre: —Kai anōbo Jesuisi Kalileia ludu-wana atximahā. Kumymy rabire.

⁷⁰ Iny ibutuko Pedro rarybere: —Aōkōre, aōmybo arybe reeryōhykereri.

⁷¹ Tai tahe rare ijò-ò. Ijõ ijadòma deòduõ rarybere kamahãduko: —Inatyhymy heka tiki Jesuisi Nazareludu mahãduno tiki rare.

⁷² Ixityrele Pedro ritxiõnyre: —Reerykõre wahe hãbu. Tiu heka rabiõwãhãre. Inatyhy rare.

⁷³ Idi hãbuõ heka narybede tamy: —Inatyhy rare. Kakỹny irybe weselemy tarybeteri, Kalileia rybe wahe.

⁷⁴ Tahe Pedro rarybere: —Jiarỹ reerykõreri, tuu heka rabiõwãhãre. Deuxu riwaeryre inatyhymy rarybereri. Iule taheka hãnie hãbu robumy reare.

⁷⁵ Tahe Pedro tõhõti itxi reare. Jesuisi rarybere weselemy heka tii riwinyra. Ritxiõnyre. Tai tahe Pedro ròhònymy reare heka rahinyhyre.

27

¹ Ijõ biurasò ruidile tahe rỹire. Xiwena wahidỹỹdu wedu ributunyre judeu mahãdu wedu-wana. Timywexe aõhe rikisỹnyrenykre. Rikirubunyrenykre heka idi watxiwãhãre.

² Roma dinodu-ò òsana rikidyrenykre. Tahe tiiboho Jesuisi ritaataare idi ridyrenyre tamy, Pilato-ò.

³ Judasi heka rieryre. Tai tahe tii rabadewonihikỹre rityhenyreki wahe. Tai tahe raraykynyre tawo-ò raòhòrere. Tahe nieru òkesedỹỹmy idi ròhòtinyre. Tahe nieru diwyde, 30 prata womati nieru tahe riòkesedỹỹnykremy judeu wedu mahãdu-ò, Xiwena wahidỹỹdu mahãdu-ò.

⁴ Tahe Judasi rarybere: —Ixãwirahe, jiarỹ raòrarunyra hãbu òbitityhymy ratximyhỹrele retyhenyre heka. Tahe judeu mahãdu dinodu rarybere: —Jiarỹboho, kia aõ aõkõ rare.

⁵ Tahe Judasi nieru-di bedetyrele rihure. Tahe ròhònyre iribi. Tahe rare. Rerotihikỹ-di rexibòtòtaare. Rexirubunyre.

⁶ Tai tahe xiwena wahidỹỹdu wedu riwyre nieru bede-ribi: —Aõwexe kanieru rikiwinyrenykre? Dohodỹỹna hetowo-ò rikirutyrenyke heka aõkõre. Aõma dori rare rubuòwmy iwahidỹỹ heka rare.

⁷ Urile suõle rikiwyrenykre idi. Tai tamy wabede rikiwinyrenykre. Aõma tori kaki rurukreu tahe rikitoonyrenykre tamyle wahe. Tai tahe tiiboho riwyrenyre aõma butxi widỹỹna subede heka riwinyrenyre. Kia heka inire suni wahe.

⁸ Kia bedero tahe rininire aõma Hãlubu Bederomy heka rininire. Wiji tule ini rare.

⁹⁻¹⁰ Iwese Jeremia tyyriti-ki roire wesele heka tii riwinyre: Tahe 30 —Womati nieruõ-di heka bedero riwyre butxi-widỹỹdu-ribi. Iwese kai riwateònyre wese. Kia iõwy rare judeu mahãdu-ò tamy riwahinyre wahe. Txiòdỹỹna òwy wahe.

11 Jesuisi heka Pilato, bede dinodusy-ki ratximyhÿ. Pilato tahe tamy rÿÿraxire: —Kai aõbo judeu mahãdu iòlò atxiteri? Jesuisi dirawyònyde: —Kai tuu tarybeta.

12 Xiwena wahidÿÿdu wedu heka tamy rarybere: —Jesuisi rirawyònyõhyyre. Judeu mahãdu wedu-ò tule rirawyònyõre.

13 Pilato tahe tamy rarybere: —Kai aõbohe rybe-ò taholate.

14 Tule tamy Jesuisi dirawyònyõhyyde. Byy! Urile Pilato ribedeòtiidÿÿnyre.

15 Pascoa worana bedehesi bededÿÿnana tikiemy tuure. Ròtenawo-ribi heka sohoji beòra beòrahyyle ixinamy inyõ re-xideònymyhÿ, inysõwe rybe òraru-ki wahe.

16 Kia beòra tahe hãbu ibinatytyre ròtenawo-ki rÿire. Baraba inire. Ibutumy iny tuu rierye.

17 Aõma Pascoa worana bedehesi rÿireu ibutumy iny ributumy-re. Tahe Pilato ritÿÿraxinyre: —Tibohe ixinamy ariteònykre Jesuisi Kristu aõbo ada Baraba aõbo?

18 Tahe iny heka ibutumy urile Jesuisi Kristu luure heka. Tai tahe judeu dohodÿÿdu wedu mahãdu tahe aõkõ tamy waritimy rityhenyreny. Pilato kia rierye.

19 Iu tabede ywina dohodÿÿna-ki Pilato rÿireu, ihãwyy tamy tyyriti riwahinyre. Kawese heka rarybere aõma: —Ixinamy Jesuisi biteònykre. Anobinatytymybo dokuri rarasino txu wadi reakareri. Jikarÿ anohòkÿmy dÿÿkÿnana sòwemy ratÿÿkÿnyre Jesuisi kòraru-ki wahe.

20 Iny sòwehekÿ-ò heka xiwena wahidÿÿdu mahãdu wedu rarybere: —Kaiboho mararybebenyke: —Baraba ixinamy biteònykre. Tiiboho dirawyònyde: —Jesuisi birubunykre.

21 Iribi Pilato rarybere: —Tiwexe ixinamy ariteònykre? Tiiboho dirawyònyde: —Baraba biteònykre.

22 Pilato tahe rÿÿraxire: —Aõhebo tahe arotÿÿnykre Jesuisi-di, Kristu-di? —Itxeò nihikÿ-ki bitamadÿÿnykre. Birubunykre.

23 Pilato tamy rÿÿraxire: —Aõbinahakÿ aõbo riwinyraki? Tai tahe ibutumy iny rirajuamy rÿimyhÿ: —Birubunyke kia bitamadÿÿnykre.

24 Pilato iny sòwe-di aõ riwinyõhyyre aõbinatyhy òsana ròhònykremy idi ròhòtinyre, tai tahe inyõ rarybere: —Bee kidiwykremy baciaro-ki. Tahe tebò risuhore iny sòwehekÿko-ki. Tamy rarybere: —Jiarÿ kÿny waòraru-ki aõkõ heka rurukre. Kaiboho heka irubudÿÿ erydumyhe boibekre.

25 Tahe ibutumy iny rarybere: —Awire, inyboho heka irubudÿÿdu erydumy rokoirekre, tule wariòrereny òraru-ki wahe ihãlubu rejuxunykre. Soldado ridyre itxeò nihikÿ-ò ritamadÿÿnykremy rirubunykre.

26 Tai tahe Pilato heka Baraba riteònyre ixinalem. Iribi tahe Jesuisimy raòhòtere.

27 Pilato soldado mahādu urile idi juhu risinyre, soldado tyamy ritidire. Pilato heto-ò ridyre.

28 Ityky iribi ritare tahe aōma tykysò-di ritidire heka juhu rihetynyre.

29 Iòdỹỹmy tahe idi ede lòrilòrihikỹ irati-ò ridekremy. Òwòruõ tebò-ò ritidire. Tai iko-ò resere tatiowotimy. Raryberenyre: —Awire, kai judeu Iòlòtyhy.

30 Ityre rarybexinyre. Òwòru rinyre tahe iratimy tuu raòhòtere.

31 Iribi ritarenynyre ihõrõ itykyle ixityre rirutyre ityre-ki. Idi tahe ryò ròirenyre.

32 Iu ròhònyreu, hābuõ Sireni bedede luduõ-wana witxi reare. Tamyhe rarybere Jesuisi itxeò riwykemy.

33 Tahe Kòkòta hāwālò-ò rehemynyre. Aōma, rubu ratityby wesemy heka rare. Tai tahe Kòkòtamy heka rininimyhỹrenyre.

34 Tii vỹ riurinyre bee ihyra-wana, idi tahe Jesuisi-ò kia riwahinyre.

Iurihi-di teramy reare.

35 Tahe itxeò nihikỹ-ki ritamadỹỹnyre. Irahu-di tahe itty heka ritxuatxuaenyre wimy rarudeòsanyre tibo iwydydukemy.

36 Idi tahe retehemy rorukumyhỹrenyre.

37 Irati tyre-ki tahe ritidỹỹnaõ roire:

—Kia Heka Jesuisi Rare, judeu Iòlò Mahādu.

38 Tule wasidu brebunahakỹ tii-wana ritamadỹỹnyrenyre itxeò hòkỹ-ki, ijõ iruru-ribi, ijõ ihywe-ribi.

39 Iny ibire-di reamyhỹ idi risinymyhỹ kamy rexirybenymy:

40 —Kai inihe bexitake, kai Deuxu Riòre tateki. Bodobeheke itxeò nihikỹ-ribi.

41 Kai heka arurudiremy iximy tarybemahāte. Dohodỹỹna biatykemy heka iximy tarybete tahe inataõtxu-di heka biwinykemy tarybeta. Tule xiwena wahidỹỹdu wedu mahādu idi risinyre. Tii tahe rarybere:

42 —Tii heka iny iwitxira witxira aõbina bina-ribi ritamyhỹre ihāre tahe taaõbina bina-ribi rexitaõtyhy. Tii heka aõ judeu mahādu iòlò aõkõ rare. Myheka tuu rarybemyhỹ. Kia itxeòhòkỹ-ribi kedexiberesedỹỹnykekile tahe riki-tyhynyrenykre inatyhymy.

43 Tii heka iximy rarybemyhỹre Deuxu Riòre raremy, Deuxu rityhynymyhỹremy. Reketeherenykre inihe aõbo Deuxu riwìhenanykremy wahe.

44 Wasidu mahādu kia itxeò nihikỹ rỹire iwesele heka tamy rarybere.

45 Txutyeyu tahe bedede luruhukỹ bedede reare, txioro tirehehekỹule bedede kamy reare.

46 Kiaule tahe bede ratỹnyre Jesuisi iu ryrre:

—Eli Eli Lema Sabatani.

Kiamyhe rarybere:

—WaDeuxu, WaDeuxu, aõherekibo waribi õhõti rosare?

47 Tai tahe iny sõwe mahãdu irybe-ò doholade. Ijõ kiamy narybede: —Eliasi-ò hòwa ryrereri.

48 Kia ele elemy riwinyre noseõ. Idi tahe vỹõ riryrymy tamy idi riteõnyre. Teõrehemy riwinyre bemy rimonykremy.

49 Ijõhe raryberenyre: —Txiokre inihe inatyhymy aõbo reketeherenykre inatyhymy aõbo Eliasi iwiõhenadỹmy kanakremy aõbo inihe.

50 Jesuisi ixityre rirajuare. Rurure.

51 Kia dohodỹna heto-ki heka ixiwõtenaõ rỹimyhỹre ierykõna. Tahe urile idi ixivanale ruamy reare iratyre-ribi bede-õ. Suuhe ramytatare. Mana rabõhõbõhõnyre.

52 Wabede hãlooõ heka riraynyre. Deuxu hõrõ mahãdu sõwemy rubu-ribi riixixanyre.

53 Wabede-ribi rõhõnyrenyryre. Iu Jesuisi rubu-ribi riixixareu tahe Jerusalẽ-ò rõrenyryre. Tai tahe sõwemyhe iny tuu robire.

54 Tai heka soldado dinoduõ ratximyhỹ idi retehemy. Tule soldado mahãduõ tii-wana ratximyhỹre. Ibutumy tuu robirenyre. Tai tahe tabrebu-ribi narybedenyde: —Tii inatyhymy Deuxu Riõre heka rare.

55 Hãwyyõ tule retehemy ratximyhỹre irehe-ribi idi. Aõma hãwyy Jesuisi riwiõhenanymy raremyhỹ heka idi retehemyhỹre. Tiiboho Kalileia bede-ribi doide.

56 Marie Madalena, Marie Txiause Jyjese, Zebedeu riõrese tule tai ratximyhỹ.

57 Bedesõmy Jyje rehemynyre. Tii ityhy heka rare Arimatea hãwã luduõ ratximyhỹre. Tii Jesuisi tyhydỹduõ ratximyhỹ.

58 Tai Jesuisi umy rexitõnyre Pilato-ribi. Tai tahe Pilato rarybere: —Tamy biwahinykre.

59-60 Tahe Jyje linho tyky rirahananymy. Tai tahe aõma wabede tỹmyrahakỹ riamy roireriõ heka rituunykremy idi rara. Idi mana nihikỹ ritidire txiõ. Idi rõrenyryre.

61 Marie Madalena ijõ Marie-wana taile retehemy ronyre wabede-ki.

62 Ijõ txu tahe fariseu mahãdu wedu tule xiwena wahidỹdu wedu heka Pilato-ò sexta feira rahudi tahe, judeu mahãdu elehyta txu wahe ituere.

63 —Jesuisi irumy raremyhỹu tii rarybere:

—Rubu-ribi heka ariixixanykre inataõ txu-di.

64 Ruimy rare tahe ihãrele tahe biyrubunyke iwabede. Aõkõkre-wana tahe ierydỹna mahãdu heka iumy riwykre. Tai tahe rarybere: —Tii rexixixanyre. Tai tahe ibutu rityhynykre iruina. Kia ibinatyhymy rarekre.

65 Tai tahe Pilato riteònyre soldado mahãduõ txiò-ki. Tamy rarybere: —Awimy biyrubunye!

66 Kia bede erynaõ heka tamy ritidire. Txiò-ribi resekreule heka rieryrenykre. Tahe soldado mahãdu riyrubunymyhÿre.

28

1 Ijõ txu rudile tahe Marie Madalena, Marieõ-wana rare ihãloona-ò itxeremy, domingo, nobiutxu wahe.

2 Aõwesele tahe iu suu ramytatare. Wanyrÿ ÿju heka dobehede biu-ribi iu. Tahe hãloo ijò-ribi mana ritamy ityre ronyre.

3 Iòsÿny heka urile ritoosònyhÿkÿre. Ityky tasÿ iurahakÿre.

4 Idi itxeredu mahãdu heka aõma ruberunihikÿrenyre. Urile rõhõtiberemy reserenyre.

5 ÿju rarybere hãwyy-ò: —Uritere berebuõmyrenyke. Kai aõbo Jesuisi teijeteri, inatyhy? Aõma itxeò ritamadÿÿnyrenyre wahe. Reeryre kia.

6 Aõkõre kaki aõkõ heka ratxireri. Tii dori rubu-ribi rexixixanyre iwese tii iximy rarybere wese wahe. Beteheke inihe iherina tyby-ò tai juhu roimyhÿò.

7 Make karibi ele elemy ierydÿÿnako belyykre tii rubu-ribi rexixixanyraki. Tii heka rara Kalileia-ò tamy wirotyreriò. Matahe, relyyra dorihe adeereny.

8 Tai tahe rakòrunyrenyre, hãwyyboho. Ruberumy ròirenyre tasÿ reysamy ròirenyre. Ierydÿÿna mahãdu-ò heka riijemyhÿre aõma ÿju rybemy ikoreny relyykemy.

9 Iu rakòrunyrenyraule tahe wii reòbnyra. Jesuisiwanale heka itxi rekoare. Idi tamy rehemynyre iòhòmy. Iwa rimyrenyre tahe riwowydnyre. Jesuisi tamy rarybere: —Toiteri aõbo!

10 Uritere breburenyõmyke. Boibeny tahe ijyymy waityhydÿÿdu mahãdu seriòre-ò heka Kalileia-ò aròirenykemy. Tai tiiboho-wana wii areòbnyrenykre.

11 Tai tahe tiiboho ròirenyre. Kiaule tahe wabede soldado itxeredu rehemynyre xiwena wahidÿÿdu wedu-ò wahe. Tahe ibutumy relyyre iko.

12 Tai tahe nieruõ riwahinyre ruiõmy relyykemy.

13 Tamyreny raryberenyre: —Ierydÿÿna mahãdu heka ridyra watÿireny reòbylemy.

14 Tai tahe bede dinodu rierykreu heka aõ adee beleõtyhy aõbinahakÿõ.

15 Tai tahe nieru sòwemy riwyrenymy tahe tuu ròirenyre ruimy. Wiji dori tuu ijyy rÿira. Ibutumy judeu mahãdu kia rybe-ò rityhynymyhÿre.

16 Idi tahe ierydÿÿna mahãdu ròirenyre Kalileia-ò. Tiobo Jesuisi riteònyrenyremy juhutyhy.

¹⁷ Jesusimy robirenyreu tahe tiiboho bede-ò reserenyre tahe riwowydynyrenyre. Ijõ mahãduõ riseõnylemy idi rõhõtinyinmyhỹre.

¹⁸ Tai tahe Jesuisi iòhòtyhymy tamyreny relere kiamy tamy rarybere: —Waruruna heka ibutu ratyire ratximyhỹre kabede-ki tule, biu-ki tule.

¹⁹ Tai kaiboho waha deòdumy boibenyke ibutumy iny bede bede mahãdu-ò, bede bede konananahakỹ mahãdu-ò ihyy behemynybenyke. Waityhydỹỹdumy heka bitxienybenyke. Wahanimy, tule Deuxu Riòrenimy, tule Deuxu Tyytybytyhynimy, tahe bòratisebedỹỹnybenyke wadeòdurenymy, Waha, Ityytybytyhy, Iriòre kaboho deròwymy wahe.

²⁰ Ibutumy aõbo wabede ywina adee rewahinyredi bibedeerykre. Uritere nohõti losarenyõmy awanarenyhy dori ararekre bededỹỹnanahyy rekehemyntykre.

Marku Deuxu Rybe Wihikỹ Tỹmyra, Marku Tyyritidỹỹdu

¹ Kaki heka Rybe Wihikỹ juhu kaki roire. Ka Rybe Wihikỹ Jesuisi Kristumy heka rarybereri. [Tii heka Deuxu Riðre rare.]

² Myheka Isaia tyyriti-ki kia rybe rỹire:
Deuxu rarybere: –Boholake, waðwàdàdu ariteònykre akomy.
Tii ary riwinykre.

³ Tii ryrymyhỹ bederahy-ki: –Kai biwinykre rywihikỹ
Wanyrỹ dee. Òbiti tamy biwinyke.

⁴ Joaõ Sebedỹỹdu bederahy-txi taile ihỹmyhỹ rybe tyyriti
ritỹnynymyhỹ. Tii sebenaõmy riðbitinymyhỹ. Kia riwinykemy
ixi-txi tõhõti reakemy taðraru-txi kia Deuxu ritakemy.

⁵ Ibutumy Judeia bede ludu mahãdu Jerusalẽ hãwã
mahãdu-wana rare bederahy-ò. Taðrarumy relyymy rahudi
tahe, Joaõ risebenyre bero Jordaõ-ò.

⁶ Joaõ rexityynyre kamelo rade tyy-di, tule iròdutyy
wereysana iwetya-ki roimyhỹre. Irỹsỹna raremyhỹ, seihikỹle
bidi-wana.

⁷ Joaõ rybe tyyriti ritỹnynydỹỹmy rarybemyhỹ: –Jiarỹ aõ aõkõ
rare, waruru-di aõkõ. Inyõ wahewomy kanakre tahe iruru
waruru ratyredỹỹnadu rare. Waratyre awityhyke. Jiarỹ
riwaixỹrunymy watxireri iwataana ese-ki.

⁸ Jiarỹ bedi arãsebenyre. Tii heka Deuxu Tyytybytyhy-di
arãsebenykre.

⁹ Kiatxu Jesuisi nade Nazare Kalileia bede ludu-ribi. Joaõ
tii risebenyre Jordaõ bero-ò.

¹⁰ Tii bera-ribi dotuodeu biuwetyky rarayre. Deuxu Tyyty-
bytyhy heka bòtòe wese tamy dobehede.

¹¹ Deuxu rybe-ò roholare biu-ribi: –Kai heka Wariðre
waluu tate. Adi wadeysawihikỹreri.

¹² Aõwesele Deuxu Tyytybytyhy heka Jesuisi riteònyre bed-
erahy-ò.

¹³ Tii bederahy-ki 40 txumy bede idi rỹire. Satanasi
aõhõkỹmy risỹnymy Jesuisi raremyhỹ. Iròdu deborehekỹ tai
rỹiramyhỹ. Ýjureny iyrubudỹỹmy rehemynyre.

¹⁴ Joaõ rare ròtenawo-ò, idita Jesuisi Rybe Wihikỹ
ritỹnynykremy dehemynyde Kalileia-ò. Jesuisi heka Rybe
Wihikỹ ritỹnynydỹỹre: –Deuxu Iòlòna bede-ò wahe.

¹⁵ Jesuisi rarybera: –Bededỹỹnanahe bede reara. Deuxu
Iòlòna bedehe iòhõra. Kaiboho ixi-txi õhõtireny reake
aðrarureny-txi bityhynybenyke Deuxu Rybe Wihikỹ.

16 Jesuisi aho ijàti-ki rariamy ihỹmyhỹ. Tii robira tuureny taseriòre-wana ihỹmyhỹ-ò, Simaõ Pedro, Andre-wana. Tii-boho rehumy ihỹmyhỹreny rià-di. Tiiboho heka waxidu roire.

17 Jesuisi rarybera tamyreny: —Kaiboho bodoibedenyke wahemy. Tai tahe araerynanyrenykre iny rimykemy utura temyta wese.

18 Tahe aõwesele rià ririrenyre. Roire Jesuisi-wana.

19 Iko roire Joaõ, Txiau, taseriòre-wana. Tiiboho heka Zebedeu riòre roire. Tiiboho hãworo-ki ratximyhỹreny rià riywinymyhỹreny.

20 Jesuisi tamyreny rarybera: —Wahemy bòdòike. Tahe aõwesele tybyreny ririrenyre teòdu-wana. Tahe tiiboho roire Jesuisi-wana ierydỹĩnamy roirekemy.

21 Tiiboho rirònyrenyre Kafanaõ hãwã-ò. Judeu mahãdu aõmysỹdỹĩna txu aõkõ. Jesuisi ralore judeu mahãdu dohodỹĩna heto-ò erydỹĩmy.

22 Kowa mahãdu urile bedede riòtiinyre irybe-ki. Tii heka irurutyhy-di rierynanyre, ierydỹĩdu mahãdu wese aõkõ rohodỹĩnanymyhỹre.

23 Kia bedede heka hãbu tyytybybina-di ratximyhỹre dohodỹĩna heto-ki. Tyytybybina hãbuwo-ribi rarybere:

24 —Aõhebo wadi botỹĩnykre Jesuisi Nazare ludu. Bi-wahubenykre aõbo? Jiarỹ araeryre mobo kai tatehe, kai heka hãbuõtyhy inatyhy Deuxu-ribi kai tate.

25 Jesuisi tarurumy rarybere: —Kai rybeõmyke. Iribi bòhònyke tyytybybina.

26 Tyytybybina hãbu riatyre riworỹsỹworỹsỹnylemy. Tyytybybina ryryre rybe iteremy, idi ròhònyre.

27 Ibutumy iny ribedeòtiinyre. Ritỹĩraxinyre ijõ: —Aõwexe ratxireri, aõerydỹĩnatỹmyrabo ratxireri. Tii riteònyre tyytybybina. Tyytybybina Jesuisi rityhynyre.

28 Ityhynina Kalileia bedede bedemy reare.

29 Tahe dohodỹĩna heto-ribi ròhònyrenyre. Jesuisi, Txiau, Joaõ-wana roirenyre Simaõ, Andreboho heto-ò.

30 Simaõ riòre lahi roimyhỹ rubunamy. Tahe aõwesele tuu relyre Jesusiko.

31 Jesuisi rimyre tebò-ki, tahe, aõwesele irubuna ixãwira. Idi tahe hãwy tamyreny bedede redere.

32 Txu ralòmy rahudi, ibutumy tamy didydenyde inybina bina. Tule iny tyytybybina tamy didydenyde.

33 Ibutumy iny hãwã ludu iheto ijò wirotyre.

34 Tii ibutumy binana òta òta riywinyre. Sõwemy tyytybybina riòlòdỹĩnyre. Tyytybybina Jesuisi rierymyhỹre. Tai tahe Jesuisi riijõnyre tyytybybina rarybekeò.

35 Rudile Jesuisi rare bederahy-txi rexitòenykremy.

³⁶ Simaõ, ijõ mahãdu-wana Jesuisi ijesityhymy roire.

³⁷ Tiiboho Jesuisi raharenyre. Tamy rarybere: —Ibutumy iny arãijereri.

³⁸ Jesuisi tamyreny rarybere: —Rokoikehe rekexino-ranyrenyke hãwã wixira-ò. Jiarỹ tamyreny rybe tyyriti aritỹnynykremy. Iurenana tahe jiarỹ anade.

³⁹ Jesuisi rare ibutumy Kalileia bedè-ò. Tyytybybina iny-ribi riteònyre. Tule dohodỹna heto-ki tii rybe tyyriti ritynynyre.

⁴⁰ Hãbu tyybina mahãduõ Jesuisi-ò nade. Tii tatiowotimy resere Jesusiko-ò. Tahe Jesuisi-ò hãbu rarybere: —Adee awikeki tahe, biwateytenyke.

⁴¹ Jesuisi juhu urile riwotònyre. Tii hãbu ritorunyre. Tahe rarybere: —Wadee awire, aty awimy relekre.

⁴² Tahe aõwesele ityybina reytera.

⁴³ Jesuisi hãbu riteònyre. Rarybere: —Kai tahe inyõdee rybeõmykre.

⁴⁴ Kai bexiteòsinykre Deuxu aõmysỹdỹdu-ò. Iwese Moisesi ròerynadỹnyre wese, kai bexiteòsinykre. Kia heka inydee deòsinamy riteòsinyre. Kia iny rieryke timybo teytemy atx-imahãtemy.

⁴⁵ Tahe hãbu rare ibutumy inyko relyyra. Kia heka Jesuisi tahe uritere hãwãhãkỹ-ò ralòõhyyre. Tahe bederahykile rarire. Ibutumy iny tamy rare ibutumy bedè bedè-ribi.

2

¹ Tiutxuõmybo Jesuisi dòòsede Kafanaõ-ò. Idi tahe rybe reare rehemynymy ratximyhỹ heto-ki.

² Tahe iny, aõriòre aõkõ, tamy wirotyre heto ijò-ò. Tahe Jesuisi relyymyhỹ Deuxu rybemy.

³ Hãbu inaubiòwa heka hãubina-di tamy detyydenyde. Kia hãbu rawòronyre taumy-ki.

⁴ Jesuisi-ò rehemynyõhyklere iny sõwerekì. Tahe raòwònyrenyre idi heto ratyytyre-ò. Hetotyre riraynyrenyre tahe reru-di diberesedỹnydenyde byretyre-ki Jesusiko-ò.

⁵ Jesuisi rieryre hãbu rityhynyrenyre, tai rarybere hãubina-ò: —Waexi aòraru-ribi araxitarasadỹnyre.

⁶ Bedè ywina erydỹ mahãdu rorukurenryeri, ixideele rarybemy rỹimyhỹre:

⁷ —Aõherekibo hãbu kiawese rarybereri. Tii iòwe òwelemy rarybereri. Deuxu dee aõbina binalemy rarybereri. Mobo tahe òraru-ribi iny ritake. Deuxule òraru-ribi iny ritake.

⁸ Jesusile roholaõlere ihãrele rieryre aõmybo raryberenyre. Tai tahe Jesuisi tamyreny rarybere: —Aõherekibo kiawese tarybetenyteri.

9 Tibohe isiraõtyhyre, tuu ararybeke: —Aòraru-ribi anaixitarasadỹnyre ada myike, abyre bimyyke, mariake.

10 Kaiboho bierykemy Deuxu Riòre Hãbutyhyhykỹ irurudire iny òraru-ribi iny ritakemy.

11 Tahe hãubina-ò rarybere: —Boholake, myike, abyre bimyyke tahe makre aheto-ò.

12 Tahe hãbu rỹire, tabyre rimymy tahe rare ibutumy inru-ò. Ibutumy bede riòtiinyre tahe reàlàre Deuxumy. Ibutumy rarybere: —Tiu heka aõmy kawese rabiõhyymyhỹre.

13 Jesuisi rare ahohokỹ ijà-ò. Ibutumy tamy doide. Tii iny ribedeerynyre.

14 Levi, Afeu riòre, rononymhỹ nierumynydu hetowo-ki. Jesuisi ibire-di rareò, tii robira. Jesuisi heka Levi-ò rarybere: —Waijoimy mynake. Tahe rỹimy reare Jesuisi ijoi-ò ralore.

15 Jesuisi taerydỹỹna-wana rorukure Levi hetowo-ki. Tule nierumynydu mahãduõ rononymhỹre òrarudu-wana. Ibutumy riroximyhỹrenyre. Sõwemy heka kia iny mahãdu Jesuisi rihe-ludunyrenyre.

16 Bede ywina erydỹỹ mahãdu, lahi rybe-di erydỹỹna mahãdu tuu robirenyra. Idi raryberenyre Jesuisi erydỹỹna mahãdu-ò —Aõherekibo tii riroxireri òrarudu-wana, nierumynydu-wana.

17 Jesuisi roholareu, tamyreny rarybere: —Iny ibinaõkeki tahe luahidu tamy kanaõtyhy. Tahe iny ibinakeki, tamy kanake bina-ò. Òbiti mahãdu itxemy aõkõ anade. Tahe òrarudu mahãdu itxemy anade.

18 Joaõ erydỹỹna mahãdu, lahi rybe-di erydỹỹdu mahãdu-wana byreõhyky txuu tutyhyle rỹimyhỹrenyre. Tahe roire Jesuisi dỹỹraxidỹỹmy. Inyõ Jesuisi ritỹỹraxinyre: —Aõherekibo Joaõ erydỹỹna mahãdu byreõmy rỹiõmyhỹre.

19 Jesuisi rirawyõnyre: —Heriduõ, itxeredu-wana ratxireriu, byreõmy rỹiõtyhy tutyhylemy.

20 Tiutxulemybo tahe heridu iribi kanatakre, tai tahe byreõmy kỹnyikre tutyhylemy.

21 Moheka tyytỹmyra dòbòna ritidikre tyytyby-ò. Idi inatyhymy dòbòna rayjakre tahe tyytyby sõwemy raykake.

22 Moheka òteti bederatyrupe tỹmyra rihynymyhỹre iròdutyy walabuutybywo-ò. Idi tahe raberyrõnymyhỹreu, urile iròdutyy walabuu raykake tahe irube rejujuke. Tule iròdutyy walabuu ribinadỹỹnymyhỹre. Irubetỹmyra awire heka iròdutyy walabuu tỹmyrarokile.

23 Judeu elehydỹỹnareny txu Jesuisiboho riri-ranymyhỹrenyre maixõmo wesena oworumy, tai ierydỹỹna riòrõmyhỹrenyre riroxirenykemy.

24 Tahe lahi rybe-di erydỹỹdu mahādu rarybere Jesuisi-ò: —Aòherekibo aerydỹỹna mahādu riwinyreri aòwidỹỹna aòkõ karare sabado txu.

25 Tahe Jesuisi tamy rarybere: —Kaiboho aòbo teriranyòletenyta tyyriti-di. Iwese Daviboho-wana aòhebo rotỹỹnyreri aòmy rekoarenymahāu, rama rahumyhỹrenyu.

26 Tii ralore hetotyhy-ò. Tai tahe orotxu sira ybina riyre, tule tamahādu-ò riwahinyre. Kia tahe Deuxu deòdule rirỹsỹmyhỹre. Kia Davi aòhebo rotỹỹnyre Abiata heka Deuxu deòdu wedurau.

27 Jesuisi tamyreny rarybere: —Sabado txu heka rawidỹỹre inydee, iny tahe rawidỹỹõre sabado txu dee.

28 Deuxu Riòre Hābutyhyhykỹ tahe sabado txu wedu rare.

3

1 Ixityre Jesuisi ralore dohodỹỹna hetowo-ò. Hābu debò binahakỹõ tai ratximyhỹ.

2 Lahi rybe-di erydỹỹdu mahādu Jesuisi retehemyhỹrenyre. Jesuisi sabado txuule riteytenykeki, tiiboho rarybekemy aòbinabinakibo raharenkyemy Jesuisi.

3 Jesuisi heka hābubina-ò rarybere: —Manake.

4 Tahe Jesuisi ijõ mahādu-ò rarybere: —Aòwihikỹwidỹỹ awire ada aòbinalemy widỹỹ awire. Tibohe awire, itarasa-ki aòbo ada rubu-ki aòbo. Hābu mahādu urile riyryre.

5 Jesuisi tamyreny retehere raòbinamy. Tii heka iaõna aõna riwotòenyrenymyhỹ. Jesuisi hābu debò bina-ò rarybera: —Ebò biterenyke. Tai tebò riterenyreu, aòwesele awimy relere.

6 Lahi rybe-di erydỹỹdu mahādu rara Iòlò Herodi mahādu-ò. Tiiboho raryberenyre timybo tahe Jesuisi rirubunyrenyke.

7 Jesuisi rexitare taerydỹỹna mahādu wana aho-ò. Tahe sòwemy iny Judeia mahādu, Kalileia mahādu riheludunyre.

8 Ibutumy aõna aõna roholare Jesuisi riwinyreò. Tahe sòwemy tamy nade: Jerusalê hāwā mahādu, Idumeia hāwā mahādu. Iny Jordaõ bero ijà-ribi tule nade. Tule iny Tiro hāwā, Sidõ beà hāwā-ribi iòhòmy tamy nade.

9 Tahe Jesuisi taery mahādu-ò rarybere: —Walawò bidiwykre. Iny sòwemy dori rehemynyreri. Kidiwawotõmonykre òsana.

10 Ibutumy bina mahādu ibymy tebò reareri ixideyedỹỹmy. Urile iny sòwemy riywinyre dori.

11 Tyytybybina Jesuisi reteherenyreu, urile iko-txi resere ryrereri: —Kai Deuxu Riòre tate.

12 Tai tahe Jesuisi rarybere tyytybybina-ò, uritere iteòsidỹỹõmykemy.

13 Tii raòwònyre bederatòòmy. Tahe taerydỹỹna-ò riyryre tibo tamy reòbykemy. Tahe tamy nade.

14 Tahe ierydÿÿna waðinatxi reuròmÿ rarunyre tii-wana rarekemy, rybe ritÿnynydÿÿkemy.

15 Tule iruru-di rarekemy inybina riteytenykemy. Tule irurudikemy tyytybybina riteònykemy.

16 Kie ierydÿÿnanirenyre: Simaõ, (tii tahe Jesuisi ijõni riwahinyre, Pedromy)

17 Txiau ijõ, tii Zebedeu riòre rare. Kia seriòre Jesuisi rinirenyre, Boanejimy, inireny. Kia heka irybereny rare, Biумыtxy riòrereny.

18 Ijõ heka Andre, Filipi, Bartolomeu, Mateu, Tome, Tadeu, Txiau. (Kia Txiau heka Afeu riòre rare.) Ijõ Simaõ iwitxira, (tii brebuõmy rybe-ki, tasubedeluudu wahe.)

19 Judasi Isariò ijõre, kia heka Jesuisi riwahinyre iòludu-ò.

20 Tahe Jesuisi nalode taheto-ò. Ixityre iny sòwemy tamy nade. Tai tahe Jesuisi taerydÿÿna-wana riroxiòhyre.

21 Idi tahe Jesuisi leinareny itxÿtesana roholarenyreu, riòryrenyre. Tiiboho raryberenyre: —Jesuisi itxÿte iòhòlere.

22 Bede ywina erydÿÿ mahãdu doide Jerusalẽ-ribi rarybemyhÿrenyre: —Belisibu idi ratximyhÿre. Tyytyby wedu ruru-di tyytybybina iny-ribi riteònyreri.

23 Jesuisi inyko ijyymy relyre: —Timy taheka Satanasi rexiteònykre Satanasi.

24 Iòlõna wiribi rexihitxinykeki tahe, rexihukre ibutumy wiludu.

25 Tahe sÿro luduõ wiribi rahitxikeki, rÿiõtÿhy.

26 Satanasi rÿikeki reburemy, tii ixìòbitile rexirubunye.

27 Inyõ heka hãbu rurutere hetowo-txi ralòõtÿhy. Tai rawasinykeki, urile iny ritaataake. Urile hãbu rataataakeki, iròòbÿmy iny rawasinyke.

28 Inatyhy jiarÿ adee ararybereri, ibutumy òraru heka kanaixãwidinykre hãbu dee aõtxile aõbina binamy rarybemyhÿre.

29 Kia inyõ aõtxile aõbina binamy Deuxu Tyytybytyhÿmy rarybekeki, tiu heka iòraru rataõtÿhy. Kia òraru riwinyre tiiehyymy rarekemy.

30 Jesuisimy kiamy narybedenyde: —Tii heka tyytybybina dire.

31 Tadi tahelÿÿna-wana nade. Tahe ahanakile ritamanyre. Tamy riteònyrenyre iòrysÿmy.

32 Iny sòwemy iwerora-di ronyre. Tahe Jesuisise-ò rarybere: —Adi aseriòre-wana ahanakile nyide, araijereri.

33 Jesuisi rarybere: —Mowe nadi rare, waseriòreboho rare.

34 Juhu urile idi retehereri iwerora-ki. Tahe rarybere: —Betehekre, kaiboho ibutumy kaki nadiwesere, waseriòre wese toite.

³⁵ Inyõ aõna aõna riwinymyhỹkeki, Deuxu dee awira. Kia heka nadi, waseriõre roire.

4

¹ Jesuisi ròõsera ahobero ijà-ò iny dohodỹỹmy. Sõwemy iny wirotyre. Tai Jesuisi ronyre hãworo-ò tahe rexitaranyre ahoro-ò. Aho ijà-ò iny wirotyre ijohonamy.

² Tii aõna aõna sõwemy roerydỹỹnanyre ijyytyhydile. Kaa ijyymy tii relyyre:

³ —Boholake, alòbòròna-di dehudu rara alòbòrònamy.

⁴ Alòbòròna-di rehumyhyũ, ijõ ryro-txi resere. Tahe nawi-ixõmo rirore.

⁵ Ijõ rejujure manarutàs-u-txi. Tahe aõwesele raumynyre iraruxiõlemy su dori ibutere.

⁶ Irauxiõreki, bede tòtee alòbòròna rimoenyre idi rurura.

⁷ Ijõ oworuty resere edehu-txi idi ruhunyre edewanale. Tai tahe ede-ò riòdesenyre tai raratynyõlere.

⁸ Ijõ resere su wixira wihikỹ-txi. Kia tahe raumynyre. Tahe sohoji oworutyõ 30my iraty raratynyre. Ijõ oworuty 60my raratynyre. Ijõ tahe 100my raratynyre.

⁹ Tii rarybera: —Kaiboho aõbo õhõtidiyenyre, inatyhymy warybe-ò boholake. Adee awikeki, bierybenyke.

¹⁰ Iny robỹtỹreu, ijõ rarilere ierydỹỹna mahãdu-wana. Tii-boho rỹỹraxire Jesuisi-ò: —Aõhekemybo telyyta ijyymy.

¹¹ Jesuisi tamyreny rarybera: —Deuxu Iòlõna rybemy Deuxu araerynanykre. Kia heka tuu teeryõmahãte. Kowaboho-ò jiarỹ urile ijyymy relyyra.

¹² Tai tahe kia wesele relyyra.

Iny retehemyhỹkemy tahe robiõhyymyhyẽre. Roholamyhyẽre ta, rieryõhyymyhyẽre. Tai tahe ralòkemy aõkõ, taòraru riixãwididỹỹnakemy aõkõ.

¹³ Tii tamy rarybere: —Kaiboho aõbo teeryõhyyletenyteri ijyy. Ihãre tahe timykibo bierybenyke ijyy ibutemy.

¹⁴ Aloborodu rehumyhyẽ alòbòròna-di. Kia oworuty heka rybe wese rare.

¹⁵ Oworuty ryijàti ludu heka iwese uriijohonadu wese heka rare. Rybe-ò roholarenyreu, Satanasi nade rybe iwo-ribi ritakremy.

¹⁶ Manarutàs-u ludu iwese iny reysamy roholareri.

¹⁷ Iny urihimyõle rarorehenymyhyẽre iraruxi sõweõreki. Idihe rasirara irybe. Tule iny ralahatxinamyreki, ihyyle tahe ri-ixãwidinyra.

¹⁸ Ede rawo ludu iwese iny wixira roholareri.

¹⁹ Tiiboho taaõmydỹỹnadile rõhõtinyinmyhyẽre. Sõwemy nieru-di ratxikemy rexinohõtinyinmyhyẽre ta nieru riitxenanymyhyẽre. Ijõ

aõna aõnadile rexinohõtinyinmyhÿre. Kia aõna aõna rybe rirarutxinymyhyre. Tai tahe rybe raratynyõmyhyre.

²⁰ Suwihikÿ ludu iwese iny witxira roholareri. Kia inatyhymy rÿireri heka raratynyre alòbòròna raratynyre wese. Ijõ raratynyre 30my, ijõ tahe 60my raratynyre. Ijõ tahe 100my raratynyre.

²¹ Tii rarybera tamyreny-ò: –Uritere loosòna ideõmyke butxi worawo-txi ada herina raworawoõ-txi aõbo. Loosòna bidekre bedewiõ-ò.

²² Inyõ iwòteõmy aõna aõna tiiehyymy. Tiutxulemybo ratÿnykemy ihÿre. Iwòteõmy atximahãbenyke aõu bodobikemy atximahãtenyte.

²³ Kaiboho aõbo õhõtidiirenyre, inatyhymy boholake.

²⁴ Tahe Jesuisi tamyreny rarybera: –Kaiboho inatyhymy boholabeny tamy taholamahãtenyteò. Urihixina iwese teõteri wesele, kai biwykre. Ihãre tahe biwykre ijõ teõta-ribi ritamy.

²⁵ Hãbuõ ijõdikeki tamyle rawahidÿÿke, tahe hãbuõ ijõõkeki iribi ratatyhyke.

²⁶ Jesuisi relyyra kia iyyymy: –Deuxu Iòlòna kia iyy wese rare. Hãbu rehumyhyre alòbòròna-di suò.

²⁷ Hãbu rummy ròròmyhyre txulemy rexixamyhyre. Tii rieryõlemyhyre timybo alòbòròna ratybiennyhyre.

²⁸ Suu ixi dee sohojile raratymyra. Juhuu iòle ramyhyre. Idi tahe raratynymyhyre, ihewonau, tahe, iraty rasònymyhyre.

²⁹ Bederaty rasònymyhyreu, iyresydu riteònymyhyre. Mayrabu-di riòròkemy bederatysò butudÿÿna dori rexihumyhyre.

³⁰ Tii rarybera, Deuxu Iòlòna wexe aõwesere. Aõ-ò wexe rikioirenykre. Tiwexe iyy kawesere.

³¹ Kia heka mostardaty wesere. Tii heka iylatyhymy ratximyhyre kabede-ki.

³² Tahe tii raumnymyhyre wana, ireitòbòròdÿÿ ratyre rarururunymyhyre. Tahe nawii tamyle rasÿnymyhyre. Iubòròrò rawolemy taheto riwinyre.

³³ Tahe Jesuisi Deuxu rybemy rierynanymyhyre. Kia iyy wese sõwemy iyy rierynanymyhyre. Kialemy iny-ò Jesuisi relyymyhyre ibutumy tamy reny ritynynymyhyreki.

³⁴ Kia-ò riòbitinyõlere iyyõ. Tahe iny-ribi irehemy taerydÿÿna-ò riòbitinyre.

³⁵ Iu txu txiorolemy Jesuisi rarybere taerydÿÿna-ò: –Rikiòhòreerenyke kowa weribi ijà-ò.

³⁶ Sõwemy iny rarire aho ijà-ki. Tahe taerydÿÿna tamy ralore. Roire hãwò-di. Tahe ijõ hãwò idi ratximyhyre.

³⁷ Tahe bede binahakÿ rexidelenyry yhymy. Tahe òbò hãwò rihãtenymyhyre tai ritÿmynyky ritelenyry.

38 Tai tahe Jesuisi rōrōmy roimyhỹ tòro-ki irati tarahy-natyre-ki. Tai tahe riixixanyre. Ijō rarybere: —Waerydỹydu, adeehe awimy aōbo iny ituerenykre.

39 Rexixamy Jesuisi. Tii yhy riixāwididỹnyre. Tii ahohokỹ-ò rarybere: —Biyryke! Tai bede ruhuwihikỹre.

40 Tamyreny rarybere: —Aōherekibo kaiboho taberuteny-teri? Deuxu aōbo tetyhynyōmahātenyete?

41 Tai tahe tiiboho bede riōtiinyrenyra. Tahe widee raryberenyre: —Mowexe tuu yhy ahohokỹ-wana irybe riywinyke.

5

1 Ritehemynyrenyre ijō berohokỹ weribi ijàna-ò. Kowa heka ibutumy hāwāhākỹ Kadarena inirenyre.

2 Jesuisi hāworo-ribi resereu, hābu tyytybybina-di robire rōhōnyreri wabede-ribi.

3 Kia heka tiemy rasỹnomy raremyhỹ wabede-ki. Katahe wiji moheka womati reroti-di rataataaōtyhy.

4 Aōdorihe òhòore tebò iwa rataataare womati reroti-di. Tiemy heka rimoenymyhỹ. Teōrutu ludu tawararu ludu tule ritōtynymyhỹre iyresymy. Moheka iruruōre iny erydỹỹmy.

5 Txuu ruu-wana heka tii rasỹnyre wabedewo-ki. Tii rariamyhỹre bederatòomy. Tule rirajuamy tai rexihātenyrene mana-di.

6 Tai tahe Jesusimy robireu, tii raijaranyre Jesuisi-ò. Resere tatiowotimy Jesusiko-ò.

7-8 Jesuisi tyytybybina-ò rarybere: —Iribi bōhōnyke. Tahe tyytybybina rarybera: —Aōwe wadi tate. Kai, Jesuisi, ibutumy inyō dee inyratyre tate. Kai Deuxu Riōre tate. Lāhāmy lāhā, uritere aōbina binahakỹmy wahōrōdỹỹōmykre.

9 Jesuisi ritỹỹraxinyre: —Mobohe anire. Tyytybybina rirawōnyre: —Wanireny sōwetyhyre wasōwerenyeki.

10 Urile karibi wateōdỹỹrenyōmykre.

11 Tahe kowa-ki ixỹni juramy riroximy rỹimyhỹ bederatò-ki.

12 Ibutumy tyytybybina rexitōenyrenyrene: —Biwateōnybenyke ixỹni jurawomy aralōrenykemy.

13 Tahe Jesuisi riteōnyre. Tyytybybina aōwesele rōhōnyre tahe ixỹniwomy ralore. Ixỹni jura tahe raōrunyrene rejuxunyrene ijōtira-ribi. Berawo-txi tahe rabòròròre ahohokỹ-ki. Inatxi mil ixỹni rabòròròre.

14 Ixỹni-di itxeredu reare ijyymy ibutumy hāwā hāwāmy relyrenyrene. Tahe iny dirahude tamy itxeremy.

15 Tiiboho Jesuisi-ò doideu, tuu robirenyra hābu tyytybybina-di raremyhỹ. Tii rexityynomy ronymyhỹre. Tii heka òbitimy rōhōtinymyhỹre. Tai iny mahādu rabedeōtiidỹỹnyrene.

16 Tiiboho tuu robirenyre, ijõ-ò relyyrenyire ixĩni iyyymy, timybo aõhebo rotỹnyre my hãbu tyytybybina-di ratximyhỹre. Tule relyyrenyire timybo rotỹnyre ixĩni jura.

17 Iny rexitõenyre Jesuisi-ò rexitakremy isureny-ribi.

18 Jesuisi hãworo-ò ralore. Tahe hãbu tyytybybina-di ratximyhỹre, rexitõenyre Jesuisi-wana rakemy.

19 Tahe Jesuisi idy derare. Tamy rarybera: —Mahe asỹ-ò, aijoi-ò belyyke aõna aõna Deuxu adee riwinyremy, iwese tii araruxetõenymyhỹre wese.

20 Tahe hãbu rare Debòwiò hãwãreny-ò. Ibutumy Jesuisi aõna aõnamy ixidee riwinyremy relyyre. Ibutumy iny ribedeòtiidỹnyymyhỹre.

21 Ixityre Jesuisi rare ahohokỹ weribi ijà-ò. Ixidee iny sõwemy ributunyre. Tii heka ihỹmyhỹ ahohokỹ ijà-ki.

22 Tahe dehemynyde tamy dohodỹna heto weduõ. Ijairu inire. Tii Jesuisi robireu, resere tatiowotimy iko-txi.

23 Ijairu rarybere Jesuisi-ò: —Wariòre irubu iòhòtyhylemy roireri. Kai manakre tamy ebò bitidikremy. Tai awimy relekre, ruruõtyhy.

24 Tahe Jesuisi tii-wana rare. Iny sõwemy tule rare iòhòkile tamy rỹire.

25 Kia heka hãwyyõ binamy ramyhỹre. Ihãlubu rejuxunymy raremyhỹ. Beòra waòinatxi reurõmy rejuxunymyhỹre, rihuõhy raremyhỹ.

26 Tii aõhõkỹmy rotỹnyymyhỹre sõwemy òhotibedu mahãdu-di. Tahe awimy rotỹõlemyhỹre. Urile tanieru ibutumy rahure òhotibedu mahãdu-ki. Awimy releõlemy, ire bede-ò resere.

27 Tahe roholare Jesuisi nina-ò tahe iòhò-ki nade inyy-ki. Idi ihewo-ribi rimyra ityynora-ki.

28 Hãwyy ixidee rarybemyhỹre: —Krile itykynora-ki karimykeki, karekyteke.

29 Tahe aõwesele ihãlubu ijera ixãwire. Ixidee awimy rõhõtinyre.

30 Jesuisi rieryre iruru iribi ròhònyremy, tai rarybere: —Mobo watyynora rimyra.

31 Tahe ierydỹna raryberenyra aõherekibo tuu tarybeta ibutumy taheka iny abirelemy rỹireri.

32 Jesuisi retehemyhỹre urile mobo rarekemy.

33 Hãwyy rierymyhỹ aõhebo rotỹnyre. Tii ruberumy Jesuisiko-ò resere relyykemy iko.

34 Jesuisi rarybera: —Lerỹ, atyhydỹna kỹnyhe aratara. Mahe, kai dori texiywinyta.

35 Tii rarybemyhỹõ, dohodỹna wedu deòdu rehemynyrenyri. Tiiboho raryberenyra: —Wawedu, Ijairu, ariòre rurumy roireri. Aõmybo tahe Erydỹdu-di atxiteri.

³⁶ Jesuisi kia-ò roholara tahe rarybera dohodỹỹna wedu-ò: —Brebuõmy, urile bityhynkre.

³⁷ Jesuisi-wana roire, Pedro, ijõ Txiau, ijõ Joaõ. Joaõ heka Txiau seriõre rare. Kaõle heka reõbyre tii-wana rakemy.

³⁸ Dohodỹỹna wedu heto-ò dehemynydeu, ixijjadỹỹ-ò roholara, robureriò, rirajuarerìò.

³⁹ Jesuisi ralore tahe rarybera: —Aõherekibo tabutenyteri. Hiraririkỹ rurumy aõkõ roireri. Tii urile rõrõreri.

⁴⁰ Juhu urile tai rutxuenyrenyra Jesuisi-ki. Tahe Jesuisi ibutumy iny riòlòdỹỹnyra hetowo-ribi. Tahe iseke, tybyle, ixidee rimyrenyra ratxirenykemy. Tahe tamy rirònyrenyre tai hiraririkỹ roimyhỹò.

⁴¹ Jesuisi hiraririkỹ debò rimyre tahe rarybera: —Talita kumi. (Katahe iwitxira rybemy rarybera. Kiamyreri heka, mynyikemy.)

⁴² Aõwesele hiraririkỹ rỹimy reara. Tahe rariara aõmyreki iwyrwa waòinatxi reuròmý iwyramy. Tahe urile bederìòtiinyrenyre.

⁴³ Jesuisi riteranyre moõ rierydỹỹkemy aõkõ. Jesuisi tule rarybere: —Rỹsỹna tami biwahynkre.

6

¹ Jesuisi dexitade kowa bederìbi. Tahe tauladu tybiena hãwã-ò dehemynyde. Taerydỹỹna mahãdu riheludunyre.

² Sabado txumy rierynanyre dohodỹỹna heto-ki. Sõwemy iny roholamy rỹimyhỹ bederìòtiinyre. Tahe rarybere: —Tiribibo kia hãbu aõna aõna bederìyere. Aõbederyhykỹbo ratximyhỹre. Timyta heka bederìby riwinyre.

³ Kia aõbohe aõwidỹỹdule ratxireri, Marie riõrele. Tiiboho aõbohe Txiau, Jyje, Judasi, Simaõ, seriõrebohole ratxirenyreri. Terỹboho aõbohe tule kakile ratxireri. Ibutumy iny heka Jesuisi derarenyre. Irybe rityhynyõre.

⁴ Jesuisi rarybere tamyreny: —Deuxu rybedỹỹdu heka tyhydỹỹna ritaõlekre tahãwãreny-ribi, taijoi-ribi, tasỹ-ribi.

⁵ Tahe Jesuisi kowa-ki bederìby riwinyõlere. Urile tebò ritidire inybina bina tyre, taile riteytenyre.

⁶ Jesuisi urile bederìdirený riòtiinyre rityhynyõlemyhỹrenyreki. Tahe Jesuisi reurore hãwã hãwã-di erydỹỹmy.

⁷ Tii ixidee ributumy tawaòinatxi erydỹỹna mahãdu. Tii riteònyre inatxi inatxi iubỹtỹnyre. Tamyreny taruru-ribi riwahinyre tyytybybina deòdỹỹki.

⁸ Jesuisi tuu rarybere: —Urile biwykre adebõna. Uritere orotxu aõkõ, nieruhyna aõkõ, nieru wereysanawo-ki aõkõ, iwydysyrenyõmykre.

9 Uritere waubehetyõmy noõmykre. Uritere inatximy wirawomy tyy-di ixityydÿõmykre.

10 Hãwã-txi malòkeki, tiemy taile bonykre tiubedemybo iribihyyle bòhònykre.

11 Titxi behemynybenykeki, uritere iny erarenymy reakeki, roholaõkeki, txiòrare, urileta awareny bitòtynykre bede erynamy.

12 Tahe tiiboho roire. Rybe ritÿnydÿÿmyhÿre iny ixidee rexirahÿrenykemy.

13 Tyytybybina irehemy iny-ribi ririradÿÿnykemy. Sõwemy inybina tyre òÿre ritxiwire. Tai tahe riteytenyre.

14 Kia heka iòlò Herodi roholara. Jesusini dori erynatyhymy raremyhÿ. Tahe ijòboho rarybemyhÿreny: —Joaõ Sebedÿÿdu rexixara rubu-ribi. Ijò rarybemyhÿreny: —Eliale ratxireri.

15 Ijò rarybera: —Deuxu rybedÿÿdu ratxireri. Deuxu rybedÿÿduõ wese heka ratxireri.

16 Herodi roholareu aõbo Jesusi riwinyreu, rarybera: —Kia hãbu Joaõ ratxireri. Kia heka irati reorore heka rare.

17 Kia heka iòlò Herodi riteònyre imynamy. Idi tahe ritisanyre ròtenawo-ò. Taseriòre hãwy òraru-ki kia riwinyre. Filipi iseriòreni rare. Iseriòre hãwyyni Herodia rare. Herodi, Herodia-wana roire iseriòre riòrese-wana.

18 Juhuule Joaõ rarybere Herodi-ò: —Kai aõkõre aseriòre hãwy-di mabeõthy.

19 Herodia tamy icy reamyhÿ rirubunykemy ratximyhÿ tahe aõkõhyllere.

20 Herodi tahe Joaõ rityhynyre. Tii rierymyhÿre Joaõ hãbu wihikÿõ ratximyhÿ. Tai riyrubunyre ròtenawo-ki. Herodi Joaõ roholareu, urile bede riòtiinyre urile roholawihikÿre.

21 Kia txuu ibeòra reare Herodi lisina berenamy riwinyre. Tahe ibutumy hãwã dinodu, soldado wedu mahãdu, tule ibutumy hãbu ninihikÿ Kalileia mahãdu-ribi rihuòtere.

22 Ijadòma ralore resere, Herodia riòre. Herodi, iny huòtedu mahãdu-wana tamyreny awire. Iòlò ijadòma-ò rarybera: —Aõtxile aõma wadee bexitòenyke, adee ariwahinykre.

23 Inatyhymy adee ararybekre. Waaõna aõna iweeremy bexitòenykeki, adee ariwahinykre.

24 Ijadòma tadi ritÿÿraxinyre aõmybo tahe tamy rexitòenykre. Ise rarybera: —Joaõ Sebedÿÿkÿdu rati kai bexitòenykre.

25 Tahe ijadòma ròsere iòlò-ò. Tahe ijadòma rarybera: —Joaõ Sebedÿÿkÿdu rati kai biwahinykre hyna tyre-ki.

26 Iòlò sõwemy rabedewore irybe-ki. Rexitxiõnyòlere iny dori sõwemy ibire-ki.

²⁷ Iòlò soldado rariare Joaõ rati òrysmy. Tahe irati riorore ròtena-ki.

²⁸ Tahe irati diwyde besetyre-ki. Ijadòma-ò riwahinyre, tahe ijadòma tadi-ò riwahinyre.

²⁹ Joaõ erydỹna rieryreu tahe, nade iumy òrysmy. Tahe iumy riwyre wabede-ò.

³⁰ Jesuisi erydỹna mahādu ròserenyre Jesuisi-ò. Tahe relyyrenyra ibutumy aõmydỹnana tule ibutumy rierynanymyhỹre.

³¹ Jesuisi tamy rarybere: —Inyboho sohojile rokoireny bederahy-txi ixielehydỹmy. Tii dori rarybera tamy heka byrena iòhòtyhòlere tamy roxina raòhòlere. Iny sòwemy tamy wii reutydynyri.

³² Tahe tiiboho sohojile hāwò-di roire bederahy-txi inyò-ò.

³³ Iny sòwemy tuu robira ròhònyrerimy. Tahe iny ibutumy hāwā hāwā ludu rajaranyre tòròsòna-ò. Tiibohole juhu rehemynyre iko-ki.

³⁴ Jesuisi rororeu, tahe inymy sòwemy robire, riraòreriò. Jesuisi tamy ratòenymyhỹre. Tiiboho dori iwese budoeni idi itxereduõmy rỹireri wesemy.

³⁵ Txuu raloreu, ierydỹna mahādu Jesuisi-ò roire. Tiiboho rarybere: —Ka kỹnyhe bederahy roire txuuke rexihura.

³⁶ Kai tahe iny biteònykre hāwā hāwā mahādu-ò rỹsỹna ixideereny õbradyỹmy.

³⁷ Jesuisi tamyreny rarybera: —Kaiboho tamy rỹsỹna biwahinykre. Tahe raryberenyre: —Timybo tahe inyboho 200 prata womati nieru-di orotxu rikiõbranyrenykre. Timy wexe tamyreny rỹsỹna rikiwahinyrenykre. Jesuisi tamyreny rarybera:

³⁸ —Tiwese orotxu bohe rỹire. Maa tamy itxeremy. Idi tahe rieryrenyreu, rarybera: —orotxu iruyre, utura inatxi.

³⁹ Idi tahe Jesuisi iny rabòròhòkỹ asityre rorukukremy.

⁴⁰ Idi tahe iny rabòròhòkỹ wii rirareare, ijõ sīwètamy, ijõ 100my.

⁴¹ Jesuisi orotxu utura-wana rimyre tahe retehere biu-ò Deuxu-ò rexitòenyre. Idi tahe orotxu reòròròre. Riwahinyre taerydỹna mahādu-ò riwykremy iny-ò. Tule utura inatxi wirarea riwahinyre iny mahādu dee.

⁴² Ibutumy iny riroxire. Rihydymy rỹimyhỹ.

⁴³ Idi tahe ritỹxinyre waðinatxi reurò weririmy orotxu yre yre utura-wana rauhenyredi.

⁴⁴ Kia heka rerỹsỹre 5000 inymy rỹsỹna-di.

⁴⁵ Juhu Jesuisi riteònyre taerydỹna mahādu ixiko-ò kanaijòwe-ribi ijà-ò, Besaida hāwā-ò. Tii tahe ririre iny riteònykremy.

46 Tahe riteònyreu, tii rare ixitòedỹỹmy bede ratòòhòkỹ-ò.

47 Txioro bedesou hãwò ahotya-ki ratximyhỹre. Jesuisi suki ratximyhỹre ixisohojile.

48 Tahe yhy rebònymyhỹ iutedereny-ribi. Hãwò rariaõlemyhỹ. Tahe Jesuisi tuu robire txu ijera iòhò-di. Tahe betyredile tamyreny rariare. Jesuisi iratyrereny wese rariakre.

49 Tahe tuu robireu, betyre-di rariareriò, tiiboho unisỹna rõhõtynyreny, rirajuarenyre.

50 Tahe ibutumy tuu robira ibutumy ruberurenyre. Jesuisi aõwesele rarybere: —Utile beysabeny, breburenỹomy. Jiarỹle watxireri.

51 Tii ralore tamyreny hãworo-ò. Yhy urile ixãwire. Iery-dỹỹnaboho bede riòtiinyrenyre.

52 Tiiboho ruberurenyre, orotxu bedeòbyna dori rierykõrenyre.

53 Tiiboho riòhòrenyre, ritehemynyre Kenesare-ò. Kia-ki hãwò ritisarenyra.

54 Tahe hãworo-ribi ròtuòeriu, ibutumy iny Jesuisi rieryra.

55 Juhu raòrunyrenyre bina bina mahãdu òrysymy. Idi tahe didydenyde roholarenyre titxibo tai Jesuisi ratximyhỹò.

56 Tii raloreu iny hãwã-ò aõbo ada hãwãhãkỹ-ò aõbo ada bedero-ò aõbo, tiemy iny bina bina mahãdu iryko-txi ritidire. Tai tamy rexitòenihikỹre tamy debò reakemy ityynora-ò. Ibutumy tamy debò reareu, tahe riteytenyre.

7

1 Jesuisi-ò ributunyre fariseu mahãdu lahi rybe-di erydỹỹdu mahãdu wahe. Tule bede ywina erydỹỹ mahãduributunyre. Jerusalẽ-ribi ritehemynyreri.

2-5 Jesuisi erydỹỹna mahãdu tebò risuhòõmy riroxireri. Fariseu mahãdu, Bede ywina erydỹỹ mahãdu-wana Jesuisi-ò ritỹỹraxinyrenyre: —Aõherekibo aerydỹỹna tebò risuhòõmy riroximyhỹrenyre. Aõherekibo ihetxiu bede ywidỹỹnana rityhynyõreri. Lahi rybe-di erydỹỹdu mahãdu judeu mahãdu-wana ihetxiu iwidỹỹnana riwinymyhỹrenyre. Tii heka tebò tiu suròduõmy riroxiõmyhỹre. Tiiboho aõna aõna wydyna heto-ribi dòðsemahãdeu, tiu heka rõhòõdile riroxiõmyhỹre. Sõwemy iwidỹỹnareny rityhynymyhỹre. Bemona butxi, womati bese-wana risuhòrenyre.

6 Jesuisi tamy dirawyònyde: —Isaia juhuule rarybere tiwe-sebo kaiboho toite. Kaiboho itxenadỹỹdu toite. Riritinymy rỹire:

—Kaiboho riwawowydynymyhỹre tary-di. Tahe awo-ribi waluuõlemyhỹre.

⁷ Kaiboho riwawowydynyre tahe watxi nohōti ijeraōlereny.
Kai teerynanyteri erydỹna-di iny nohōti-ribi
namyhỹdeōle.

⁸ Kai Deuxu erydỹna tyhydỹōmy. Iny erydỹnale tety-
hynytenyte.

⁹ Tii tamyreny rarybera: —Kaiboho aōbo ijō bihōrōnybenyleke,
biaōmysỹnybenyke. Deuxu rybe bedede ywina kaiboho
tetyhynyōlemyhỹtenyte. Arybe bedede ywinale tety-
hynyōlemyhỹtenyte.

¹⁰ Moisesi rarybera:

—Kaiboho biytyhynybenyke adirybe-ò, tybyrybe-ò. Inyō
tadimy tybimy iehehemy rarybekeki, aōtaxiny ruruke.

¹¹ Kaiboho teerynanyteri hābuō-ò tadi tybywana-ò rary-
bekemy: —Wanieru waribi bitaōke. Ariwahiny dori Deuxu-ò.
Wanieru heka korbỹ rare. (Korbỹ heka uri wahidỹna rare,
iwitxira rybe wahe.)

¹² Jesuisi rarybehymy rare: —Kiawese rierynany
raremyhỹ, kaiboho uritere hābuō tadiboho-ò aōmydỹōmy
rarekemy.

¹³ Kawese ityhydỹrenyōmy Deuxu rybe, aerydỹna òraru-ki.
Sōwemy aōna aōna kawese tatỹnytenyte.

¹⁴ Tahe Jesuisi ixityre rarybera inysōwe-ò: —Bodoholabenyke,
ibutumy bierybenykemy.

¹⁵ Aōbo iny-ò ralōmyhỹre, kia tahe iny risunyōlemyhỹre, in-
ywo-ribi tahe namyhỹde kia tahe iny risunymyhỹre.

¹⁶ Inyō bierybenykeki, boholawibenyke.

¹⁷ Tahe iny-ribi rōhònyreu, heto-ò raloreu, ierydỹna mahādu
tahe tamy rỹraxire iyyymy.

¹⁸ Tii tamyreny rarybere: —Kaiboho tule aōbo
teeryōmahātenyte. Aōbo iny-ò ralōmyhỹre, kia iny
risỹnyōlemyhỹre.

¹⁹ Tawotyhy-ò dori ralōlemyhỹre. Urile weryri-ò ralōmyhỹre
idi umy-ribi rōhònymyhỹre. (Ibutumy rỹsỹna tahe awire riki.)

²⁰ Tule rarybere: —Aōbo iny-ribi namyhỹde, kia risurisun-
ymyhỹre.

²¹ Inywo-ribi tahe rōhònymyhỹre ibutumy nohōtinana bina-
hakỹ. Kia heka rare nohōtinana binahakỹ: òta òtalemy,
wasilemy, rubudỹlemy, ijō hābu riōrese ridymy,

²² ibutumy aōna aōna wedu iny ratyrekemy, binamy
rōhōtinymyhỹre, ruilemy, aōbina binaōle, itxeredu, aōbina
binalemy rybedu, tule itxỹtelemy.

²³ Kia heka ibutumy bina bina inywo-ribi namyhỹde. Kia
heka iny rexisunymyhỹre.

²⁴ Jesuisi rexitare. Tahe r re Tiro hāwāreny-ò, Sidō beā hāwā
hāwā-ò. Tahe tii ralore hetowo-txi tahe moō rierykōdi ixidire

hetowo-txi. Ralòrau tahe, rexiwòke aõkõ.

²⁵ Jesuisi tyhynina-ò hãwyy roholare, tahe tamy nade, tatiowotimy resere. Iriòre-riki tyytybybina dire.

²⁶ Kia heka hãwyy Grego mahãdu rare. Ilahinanire heka Siru Senisia. Tii Jesuisi-ò rỹĩraxire tyytybybina iriòre-ribi deòdỹĩmy.

²⁷ Tahe Jesuisi tamy rarybere: –Txioiny, juhu inihe uladu mahãdu riroxikre. Wadee awiòre uladu-ribi rỹsỹna ritake ijòròsa-ò.

²⁸ Hãwyy rirawyònyra: –Inatyhy rare, Wãhĩ. Kurile rỹsỹna kyre kyre rejumamahãre. Kòwòruku bese-ribi, kuladu-ribi. Kiamy heka itxoòròsa rirakuximyhỹre.

²⁹ Tahe Jesuisi tamy rarybera: –Kia rybe òraru-ki heka kaa tarybeta tyytybybina ariòre-ribi rohonyra. Kia bòòsekre aheto-ò.

³⁰ Hãwyy taheto-ki rehemynyreu, iriòre-ki rahara byre-tyre-ki roire. Hãwyy rieryre tyytybybina iribi ròhònyre.

³¹ Tai tahe Jesuisi ixityre rexitare Tiro hãwãreny-ribi, Sidõ beà hãwã reny-ò rara Kalileia aho-ò. Tii raremyhỹu, Debòwiò hãwã hãwã reny ririre.

³² Tahe tamy didydenyde hãbuõ nohõtityõ. Tii roholañlemyhỹre. Tule awimy rarybeõhyylemyhỹre. Tahe rexitòenyrenyra Jesuisi-ò, tebò ityre ritidikemy.

³³ Jesuisi tii ritare inysòwehekỹ-ribi tahe tebò ritidire tòhòti-ò. Tahe rarybexinyre tahe idi tòròtòbymy reare.

³⁴ Tahe Jesuisi tarue ruwyre biu-txi, ele-di reare. Tahe rarybere: –Ebata. (Kia heka rybe riwiuròsòdỹĩmy rare, –Biraynyke.)

³⁵ Aõwesele tòhòti riraynyre. Tòròtò riykoykonyre. Tii aõwesele awimy rarybere.

³⁶ Jesuisi rarybere: –Uritere iny-ò ijyyõmykremy. Ihãrele tahe ibutumy kiamy iny-ò relyymyhỹre.

³⁷ Idi bede riòtiinyrenyre. Tahe raryberenyre: –Ibutumy tii riteytenymyhỹre. Tii nohõtity aõwesele roholamyhỹre. Hãbu rybeõ aõwesele rirybedỹĩnymyhỹre.

8

¹ Kia txuu ixityre iny sòwemy ributunyre. Kiau tule aõrỹsỹnamy ijõõhyllere. Jesuisi taerydỹĩna mahãdu ixidee ributunyre. Tahe tamyreny rarybere:

² –Jiarỹ inysòwe rewotònyreri. Tiiboho txuu inataõ waki rỹireri byreõlemy.

³ Jiarỹ byreõlemy ariteònyrenykeki, ryrowetyakile reserenykre iòderawyrinymy. Tule, iny sòwemy irehe-ribi nade.

4 Ierydỹyna tamy dirawyònyde: —Timytaka inyboho tamyreny orotxu rikiwahinyrenykre kabederahy-ki.

5 Tii ritỹraxyre: —Tiwesebo orotxu kai ijõdire. Tiiboho rarybere: —Debò inatxi reuròmý.

6 Jesuisi iny sówemy risỹdỹnykremy sutyre-ò. Tii orotxu debòinatxi reuròmý rimyra. Tii rexitòenyreu tahe riorore. Tahe riwahinyre taerydỹyna mahãdu-ò riwykemy iny sówe-ò.

7 Tule utura ibutemy rỹimyhỹ. Tahe rexitòenymy rahudi tahe taerydỹyna-ò rarybere: —Kaa tule biwybenyke iny sówe-ò.

8 Tiiboho riroxirenyremy tahe rihydymy ratximyhỹ. Iyre yre rauhenyre riwyrenyre weriri debò inatxi reuròmý riwyrenyre rỹximy.

9 Inaubiòwa mìl iny iòhòmý rỹimyhỹ. Tahe Jesuisi rexiòwarinyre iny sówe-ò.

10 Tii ralore hãworo-ò taerydỹyna-wana. Tiiboho roire Damanuta hãwãreny-ò.

11 Lahi rybe-di erydỹydu mahãdu nade fariseu mahãdu wahe. Tiiboho tamy nade rybe òbitidỹmy. Tiiboho rỹraxyrenyra bede erydỹynaõ kiditeòsinykremy. Lahi rybe mahãdu rierykemy tii inatyhy rare urenana.

12 Tii raelewesenaryre tawo-ki rarybere: —Aõherekibo kaa iny mahãdu rỹraxyimyhỹre bede erydỹynamy. Inatyhymy jiarỹ ararybekre: —Bede erydỹyna heka tamy rawahidỹyõtýhy.

13 Tahe idi Jesuisi rexitare. Hãworo-ò ralore. Idi rohorere kanawe-ribi ijã-ò.

14 Ierydỹynaboho tahe tõhõti rosare orotxu wydysy-ribi. Sohojityhyle heka orotxu roimyhỹ hãworo-ki.

15 Jesuisi tamy ribedeerynyre: —Beteheiny, biyrubuny, lahi rybe mahãdu, Herodi mahãdu-wana wirỹsỹna uri-ribi.

16 Jesuisi erydỹyna mahãdu ixideele rarybere: —Aõherekibo Jesuisi kia rarybereri. Inyboho iorotxurenyõreriki òsana.

17 Jesuisi heka rieryra tahe rarybera: —Aõherekibo raryberemy orotxu ijõõremy. Kaiboho aõbo teerytenyõte. Kaiboho aõbo arawoxierynyrenyõre.

18 Kaiboho aõbo arueõrenyre. Tabiõletenyteri. Kaiboho aõbo itxi õhõtireny reaõlereri.

19 Jiarỹ 5000my iny-ò orotxu reareareu, tiwesebo weririmy orotxu yre yre-di ritỹxinyre. Tahe tiiboho rirawyònyre: —Waòinatxi reurò weririmy.

20 Tahe debòinatxi reurò orotxumy reòròra 4000 inymy, tiwesebo weriri orotxu yre yre-di ritỹxinyre. Tiiboho rirawyònyre: —Debòinatxi reuròmý.

21 Tahe tamyreny rarybere: —Timyrekibo tahe teerytenyõte.

22 Dehemynyde Besaida hãwã-ò. Tahe hãbu ruetà-di tamy didydenyde. Rexitòdenyrenyre tamy debò reakemy.

23 Jesuisi tebòmý rimyre tahe ridyre hãwã-ribi beder-ahy-ò. Iruetyre rarybexinyre. Tebòmý tamy reare. Tahe ritỹĩraxinyre: —Aõmybo aõbo tabiteri.

24 Hãbu tahe biu-txi tarue riukora, tahe rarybera: —Hãbumy rabira, òwòru wese rỹireriò, rariareri.

25 Ixityrele Jesuisi tebò reare irue-ò. Hãbu heka irue reyter-amy òbitilemy retehereri. Robire irehetyhy-ò itỹnyhỹkỹlemy.

26 Tahe Jesuisi riteònyre isỹ-ò urile ihãwã-ribi ròðseõmykre.

27 Jesuisi taerydỹĩna mahãdu-wana ròhònyrenyre Sesaria Filipi hãwãreny-ò. Ryki taerydỹĩnareny-ò ritỹĩraxinyre: —Mowe hãbureny wamy raryberenyra jiarỹ raremy.

28 Tiiboho rirawyònyra: —Joaõ Sebedỹĩdu riki, ijõ Eliasi riki, ijõ riki Deuxu rybedỹĩduõ.

29 Tahe Jesuisi tamyreny ritỹĩraxinyra: —Kaiboho, mobo tarybetenyte jiarỹ raremy. Tahe Pedro rirawyònyre: —Kai Kristu atximahãte.

30 Tii raraybinihikỹmy ixi-ki rarybera: —Inyko wamy ijyyõmykre.

31 Jesuisi rexiranyre erydỹĩmy: —Deuxu Riòre Hãbutyhyhykỹ heka aõna aõnamy aõhòkỹmy rotỹĩnynihikỹkre. Matuari mahãdu heka ixideramy ryanakre. Tule Deuxu aõmysỹdỹĩdu wedu, Bede ywina erydỹĩ mahãdu ixideramy ryanakre. Jesuisi kudurukre idi tahe txu inataõ rỹidi kedexixakre rubu-ribi.

32 Idi tahe iòrurehekỹlemy tamy rarybere. Pedro iny-ribi Jesuisi ritare, tahe tamy rarybere: —Kawese rybeõmyreke.

33 Jesuisi ròðsemy reare, retehemyhỹ taerydỹĩna-ò tahe Pedro-ò rarybere: —Bexitake wako-ribi Satanasi. Kai dori Deuxu ijoi aõkõ atximahãte. Kai hãbu ijoi tate.

34 Jesuisi ributunyre iny sõwehekỹ, taerydỹĩna-wana tahe rarybere: —Inyõ wahemy kanakeki, ixideele rexirahĩke, tahe taitxeò rimyke riwaheludunyke.

35 Mobo taumy tarasamy rurukeki, riononykre. Tahe aõtxile iny walukeki, Rybewihikỹ luukeki, taumy wadee riononykeki, kia heka taumy ritakre.

36 Aõbo tahe awire, ibutumy aõna aõna bitake tai aumy biononyke.

37 Aõbo tahe iny riwahinykre taumy wydyna òkesena aõbo.

38 Kai wijinabòdu òrarudu mahãdu rare, òta òtadu rare. Aõtxile iny walau warybe lau raixỹrukkeki, tule Deuxu Riòre Hãbutyhyhykỹ ilau kanaixỹrukkeki tii nadeu yjuwihikỹ-di boo wowydyna-ò.

9

1 Tii tamyreny rarybere: —Inatyhymy adeereny ararybekre. Ijõõ kaki ratxinyhÿre ruruõtyhy Deuxu Iòlòнау taruru-di kedehemyntykreu.

2 Tahe debò sohoji txuu rÿidi, Pedro, Txiau, Joaõ-wana Jesuisi ridyre. Tiiboho sohojile bederatòò-ò roire. Jesuisi tamyreny rexiwixiranyre.

3 Ityy heka urile rabòòranyre. Iurahakÿmy relere suròna ratyre heka rauranymy ritoosònyre.

4 Tahe tamyreny dexitÿnynyde Eliasi, Moisesi-wana tahe rarybemyhÿre Jesuisi-wana.

5 Pedro rarybere Jesuisi-ò: —Wawedu, awityhymy inihe kaki ratxirenyreri tahe rikiwinyrenykre inataõ hetomy, ijõ adee, ijõ Moisesi-ò, ijõ Eliasi-ò.

6 Pedro rieryõlemyhÿre aõmybo rarybekemy ruberumyhyre.

7 Nonoe dobehede iubòòna bedede ritòònyre. Tahe rarybere reare rybeuni iy-ribi: —Kia heka wariòre waluu rare. Kai-boho tamy bohohabenykre.

8 Tiiboho reteherenyre tahe inyõ robiòlerenyre. Jesusilemy robirenyre.

9 Dohedeu tahe inydee Jesuisi rarybere: —Uritere inyõ-ò tuu ijyõmykre aõmybo tobitemy. Uritere Deuxu Riòre Hãbutyhyhykÿ rubu-ribi rexixareu, tai tahe tuu belyybenykre.

10 Kia rybe wasimy riworenyre. Ixideerenyle wii ritÿÿraxinyrenyre: —Aõmybo rarybereri, rubu-ribi rexixamy nade.

11 Tiiboho tamy rÿÿaxirenyre: —Aõherekibo bedede ywina erydÿÿ mahãdu rarybere Eliasi juhu kanakremy.

12 Tii rirawyònyre: —Inatyhymy, Eliasi juhu nade. Ibutumy aõna aõna riywinykremy. Tewesebo raritinanyreri: —Deuxu Riòre Hãbutyhyhykÿ aõna aõnamy aõhòkÿmy rotÿÿnynihikÿre. Tahe tii inydee awiòhÿykyre.

13 Adeereny ararybekre: —Eliasi nade. Tule iny ixideewilemy tamy riwinyrenyre. Kaheka iaõmydÿÿnana riritinanymy rÿire.

14-15 Jesuisi dehemynydeu taerydÿÿna mahãdu-ò, tahe robire iny sòwehekÿmy tahe bedede ywina erydÿÿ mahãdu taerydÿÿna-wana ritxiònymyhyre. Tahe Jesusimy robireu, tahe tiiboho riumysaõnyrenyre. Raòrunyrenyre irybedÿÿmy.

16 Tamy rÿÿraxire: —Aõmybo tamyreny tatÿÿraxinyteri.

17 Inyõ rirawyònyre: —Erydÿÿdu, wariòre adee redyreri. Tii tyytybybina rybeòhòkÿ-di ratxireri.

18 Tyytybybina rimyreu tahe riatyre bedede-ò. Idi tahe urile txuu riyiyinyre. Tahe tii rubureriwesele roire. Aerydÿÿna-ò

jiarỹ rarybera tyytybybina riteranykremy, tahe tiiboho iru-ruõhyymyhỹ.

¹⁹ Jesuisi tamyreny rarybere: —Tiwesebededỹnanabo wi-jinabõdu ityhyõlemy rỹira. Tiwesebededỹnanabo awanareny ariiжекemы. Wadee uladu bididyke.

²⁰ Tahe didydenyde Jesuisi-ò. Jesuisimy robireu tahe tyyty-bybina urile raitxỹteitxỹtenymy resere. Idi tahe urile bede-ki rara òhõremy raratymyhỹ rybexi irywomy rõhõnymyhỹ.

²¹ Jesuisi rỹraxire uladutyby-ò tiubedemybo taheka kaa binana tamy dehemynde. Tii rarybere: —Uladuylaulaule idi rõrarunyre.

²² Tiwese wese aõkõ idi rehure bera-ò, heòty-ò rahukemy. Aõ biwinykeki, jiarỹboho biwawiòhenanyke wijile. Kai bi-waruxetõenybenyke.

²³ Jesuisi rarybere: —Kai bityhynykeki, ibutumy aõna aõna rỹimyhỹre.

²⁴ Aõwesele uladutyby ryryre idi tahe rarybere: —Jiarỹ retyhynyre, biwiòhenanykre aõbo rauhenyre.

²⁵ Jesuisi iny sõwemy robire wii rotyrerimy, tahe riter-anyre tyytybybina-ò: —Kai tyytyby rybeõ tule roholaõ iribi rõhõnykre, tiu ixityre malõõtyhy.

²⁶ Tyytybybina ryryre. Uladu ritxỹtenyre idi tahe rõhõnyre. Uladu rubuwesele roire herimy. Tahe iny sõwemy rarybere: —Tii rurura.

²⁷ Jesuisi rimyre tebò ritamadỹnyremy tahe uladu rỹire lamamy.

²⁸ Heto ralorenyreu ierydỹna mahãdu tamy rỹraxirenyre: —Aõherekibo jiarỹboho tyytybybina riteònyõrenyra.

²⁹ Tamyreny rarybere: —Kaiboho bexitõenybenykeki byreõna-di bonybenykeki, kiawesele heka rõhõnyke.

³⁰ Iribi rõhõnyreu, Kalileia lowysy-di roirenyre. Jesuisi heka inyerydỹderamyhỹ tai ratximyhỹki.

³¹ Taerydỹna mahãdu Jesuisi rierynanymyhỹre. Jesuisi tamyreny rarybere: —Deuxu Riòre Hãbutyhyhykỹ heka rawahidỹkre hãburenyõ-ò. Tii hãbureny rirubunykre. Idi tahe txu inataõ txuu rỹidi tahe kedexixakre rubu-ribi.

³² Tiiboho rierykõlere tahe ruberurenyre tỹraxidỹki.

³³ Idi tahe rehemynyre Kafanaõ-ò. Ralore heto-ò. Jesuisi tamyreny rỹraxire: —Aõmywe widee tarybetenyteri ryro-ki.

³⁴ Tiiboho urile roholarenyre rybeõlemy. Ryro-ki dori rarybemyhỹ mowexe wiribi aõnimy rõhõnykre.

³⁵ Tahe Jesuisi ronyrenyredi, Jesuisi taerydỹna mahãdu ributunyre erydỹmy: —Inyõ juhuludumy rarekemy ratxikeki, tai heka tii ihewoludukre. Tule tii reakre ibutumy deòdumy.

36 Tahe Jesuisi uladuõ rimyre risšnyre iubetya-txi tahe taerydšyna-ò rarybere:

37 —Moõ uladu kawese wadee riwiòhenanykeki, riwawiòhenanyre. Moõ riwawiòhenanykeki, tule wateòdšydule riwiòhenanyre.

38 Joaõ tamy rarybere: —Erydšydu, jiaršboho tuu rabirenyra inyõ tyytybybina-di ani-ò rehureriò. Tahe iny mahādureny aõkõ rare. Tahe jiaršboho tamy reijõnyrenyre iny mahādureny dori aõkõ rare.

39 Tahe Jesuisi rarybere: —Biijõnybenyõkre. Inyõ wani-di bedeòby riwinykeki, wanimy heka ibinamy rarybeòtyhy.

40 Iny òluduõkeki, tii heka iny ijoi rare.

41 Inyõ beõ adeereny waninamy riwahinykre-wana, kai waerydšyna dori tate, inatyhymy adee ararybekre. Tii tawahidšyna ritakre.

42 Inyõ kaa uladu ityhydšydu riatykre òraruna-txi, kia heka tamy awire tòti-ki myna ritaamy idi bera-txi rehure.

43 Ebòle araatykeki òraruna-txi, juhuule adee awire ebò biòròke. Kia heka awityhykre iny welytyle ralokre biu-ò, tahe awiòtyhykre heòtytòteehekš-ò ralòkeki debò inatxi-di.

44 [Tai mohõ ruruòtyhy. Heòty ruruòtyhy.]

45 Awa araatykeki òraruna-txi, juhuule adee awire awa biòròke kia awire iny rariake awa sohojilemy, awiòre heka heòtytòteehekš-ò ralokre awa inatxi-di.

46 [Tai mohõ ruruòtyhy. Heòty ruruòtyhy.]

47 Arue araatykeki òraruna-txi, bitake idi behuke juhuule adee awire arue sohoji-di Deuxu Iòlò biu-ò ralokre, tahe awiòre heòtytòteehekš-ò ralokre arue inatxi-di.

48 Tai mohõ ruruòtyhy. Heòty ruruòtyhy.

49 Ibutumy iny heka heòty-di rijyyranykre.

50 Jyyra heka awire, saa wahe. Urile taruru riononykeki, tiwesebo taršsšyna uri ixybyle tawo-ki bitidikre. Kaiboho ibutumy widee eysarenylere.

10

1 Jesuisi iribi rexitare. Tahe rare Judeia bede bede-ò, tule Jordaõ kanawe-ribi ijà-ò. Iny sòwemy tamy ributunyre, tahe tiiboho Jesuisi rierynanyre. Tii reòarimy tuu ratximyhšre.

2 Tamy lahi rybe-di erydšydu mahādu dehemynydenyde irutaadšyrenymy. Tahe tamy rššraxinyre: —Hābu aõbo tahāwyw ririleke, awire aõbo ibinare aõbo.

3 Tahe Jesuisi tamyreny rirawyònyre: —Aõrybe bede ywina-di Moisesi rierynanyre.

⁴ Tahe tiiboho Jesuisi-ò dirawyònydenyde: —Tii rierynanyre iny tahãwyy ririkemy. Urile juhuu hãwyy bede erydỹỹna rybe tyryiti riwinykemy, idi tahe tahãwyy ririkemy.

⁵ Jesuisi tamyreny rarybere: —Õhõtixyre dori Moisesi kia rybe bede ywina adee riwahinyre.

⁶ Juhu bedeu Deuxu riwinyre hãbu, hãwyy-wana.

⁷ Iurenana tahe hãbu tadibohosỹ-ribi ròhònymyhỹre tai roimyhỹre hãwyy-wana.

⁸ Hãbu inatyhy hãwyy-wana roimyhỹreu, sohoji tyhylemy radenymyhỹre.

Iny inatxi inymy aõkõ rỹimyhỹre, sohoji tyhylemy rỹimyhỹre.

⁹ Hãbu hãwyy-wana Deuxu ributunyre, iny iwitxira wiribi ritòhòrienyõtyhy.

¹⁰ Hetowo-ki tahe ierydỹỹna ritỹỹraxinyre kia rybe-ki.

¹¹ Jesuisi tamyreny rarybere: —Aõtixile hãbuõ tahãwyy ririkeki tahe ijõ-wana roiikeki, kia heka òtadu rare.

¹² Hãwyy tahãbu ririkeki tahe ijõ hãbu-wana roiikeki, kia heka wedena rare.

¹³ Tiiboho tamy didydenyde uladu tamy debò reakemy. Tahe ierydỹỹna riononymy rarybere tamy idyrenyõmykre.

¹⁴ Jesuisi kiamy robireu, rikyaranyre rarybere: —Txìò, kididyke uladu wadee. Uladu wese dori Deuxu Iòlòna rare.

¹⁵ Inatyhymy ararybekre: —Moõ heka uladuwesemy Deuxu Iòlòna ralòõkeki, kia heka Deuxu Iòlòna-ò ralòõtyhy.

¹⁶ Tahe Jesuisi rexiranyre uladu manamy taaxiò-ò rimyre. Tahe tebò iratytyre ritidimy tamyreny rarybewihikỹre.

¹⁷ Tahe Jesuisi rydi raloreu, hãbuõ tamy reare. Tahe hãbu iko-txi resere tatiowotimy. Rarybere: —Erydỹỹdu wihikỹ, aõwexe ariwinykre biu-ò hena aritakremy tiiehyymy umywi-hikỹ-di ararekremy.

¹⁸ Jesuisi tamy rarybere: —Aõherekibo wihikỹmy wadee tarybeta. Hãbu awiõre. Deuxu sohojile tahe awire.

¹⁹ Bede ywina kai teeryte: rubudỹỹõmykemy, tule òta òtaõmykemy, wasiõmykemy, tule ruiõmykemy, iny wii itxenadỹỹõmykemy, adi bityhynkemy, boo tule.

²⁰ Hãbu tamy rarybere: —Erydỹỹdu, kia bede ywina rewiny-hyylere, uladuule wiji-ò.

²¹ Jesuisi tamy retehere tuu reòarire tahe rarybere: —Kai sohoji aõmydỹỹnale aki nasiranyde. Kai makre, ibutumy aõna aõna-di bòhònykre, idi tahe idi biwahinykre iny aõkõ mahãdu-ò. Kia tahe aõmydỹỹnadikre biu-txi. Tahe manakre biwaheludunykre.

²² Kia rybe-ki heka hãbu rabadewore. Rexitare ibedewomy urile iaõna aõna sòwetyhyreki.

²³ Jesuisi retehemy iwerura-di tahe rarybera taerydÿÿna-ò: —Kia iny iaõna aõna sõwemy rÿireri, tamy Deuxu Iòlòna-ò ralòke isirare.

²⁴ Ierydÿÿna mahãdu bededeòtiinyrenyryre irybe-ki. Jesuisi ixityre rarybere: —Waexiboho, isiratyhy rare Deuxu Iòlòna-ò ralòkemy.

²⁵ Kamelo tyyrorenawo-di ralòkemy isirakeki, kia-ribi isiratyhyre iny iaõna aõnadikeki ralòke Deuxu Iòlòna-ò.

²⁶ Tiiboho bedede ratiinyre sõwemy. Widee rarybere: —Mobo tahe iòraru-ribi iny ritakre.

²⁷ Jesuisi iwerora-di retehere tahe rarybera: —Inatyhymy kõaõboka hãbu-ò isiratyhyre. Deuxu-ò tahe ibutumy aõna aõna isiraõre.

²⁸ Pedro rexiranyre rarybere: —Boholake, jiarÿboho ibutumy rerirenyra araheludunykremy.

²⁹ Jesuisi rarybere tamy: —Inatyhymy adeereny ararybekre. Moõ waluukeki, rybewihikÿ luukeki, kia heka ririkre: heto, taseriòre, tyby tadi-wana, tariòre, tabede, ibutumy ririkre.

³⁰ Wijile itarasamy rarekre: 100 sÿmy, 100 seriòre, 100 tybyboho, 100 tadibocho, 100 tariòreboho, 100 tabede. Iny tamy rarybebinanykre tule. Ijõ bedede kanakre tahe taumy tÿmyra-di tiemy rarekre.

³¹ Tahe sõwere juhu ludu ihewomy ròhònykre. Ihewo ludu ijõ iko-ò ròhònykre.

³² Tiiboho rydi raòwònyrenyryre Jerusalẽ hãwã-ò. Jesuisi heka rare ikorenymy. Ierydÿÿna mahãdu bededeòtiinyre. Tiiboho Jesuisi riheludunymy ihewo-ribi. Tahe Jesuisi reraòmyhÿ idi rare waòinatxi reurò taerydÿÿna mahãdu-wana. Tii relyyre ixityre aõbo ixidee kÿnyikremy.

³³ Boholabenyke inyboho roirenyreri Jerusalẽ-ò. Kowa, jiarÿ Deuxu Riòre Hãbutyhyhykÿ, inyõ riwawahinykre Deuxu aõmysÿdÿÿdu mahãdu wedu-ò, bedede ywina erydÿÿ mahãdu-ò. Kia warubudÿÿmy riwawahinykre tori-ò.

³⁴ Tiiboho kidiwalahikre. Watyryre kanarybexinykre. Òhòte-di kidiwahãtenykre. Idi tahe kidiwarubunykre inataõ txu-di. Tahe rubu-ribi adexixakre.

³⁵ Joaõ, ijõ Txiau, wii Zebedeu riòre, tamy nade. Tahe rarybere: —Erydÿÿdu, kai aõma aõ wadeereny biwahinykre.

³⁶ Jesuisi rarybere: —Aõbohe jiarÿ adeereny ariwahinykre.

³⁷ Tahe tamy rarybere: —Kai, aiòlònasÿ-ò kedehemynykreu, aruruwe-ribi aronykre, waseriòre ahywewe-ribi ronykre.

³⁸ Tahe Jesuisi rarybere: —Kaiboho teeryòlemahãte aõmybo textiòenyteri. Kaiboho aõbohe wabemona-di biòbenyke idi Jerusalẽ-ò adiòkremy wahãredi. Kaiboho aõbohe wasebena-di mohòlebenyke idi jiarÿ anohòkremy wãhãredi.

39 Tiiboho dirawyònyde: —Kohe tulekre. Jesuisi tamyreny rarybere: —Bemona-di ariòkre kaiboho tule idi biòbenykre. Sebena-di jiarÿ adohòkremy, kaiboho tule idi mohòbenykre.

40 Tahe mobo wabire ronykre ruruwe-ribi hywewe-ribi kia heka jiarÿle ariwahinyòkre. Kia tahe iyubudÿÿmy rÿireri Deuxule kidiwahinykremy.

41 Tai debòwiò erydÿÿna mahãdu heka Joaò-ò, Txiau-ò tamyreny iky reare.

42 Jesuisi tamyreny ryryre tamy kanakemy, tahe rarybere: —Kaiboho teerytenyete toriweedu irurusòwe dire. Iny nihikÿ heka iny deòdu luure.

43 Jesuisi kiamy rarybere: —Kia wese tahe aworeny-ki aòkòkre. Kaiboho aòtxile mobo bòityhynyhykremy, ijò iny deòdumy rarekre.

44 Mobo juhutyhy rarelekremy, deòdumy rarekre.

45 Deuxu Riòre Hãbutyhyhykÿ nade teòdu sòwekemy aòkò tahe ixilemy reòdumy. Nade taumy wahidÿÿmy sòwemy iny tarasamy.

46 Idi tahe roire Ijeriò hãwã-ò. Jesuisi taerydÿÿna-wana iny sòwehekÿ-wana ròhònyrenyra. Tahe rahare Bartimeu ruetàhàkÿ-ki. Bartimeu tahe Timeu riòre rare. Tii ronyre rywe-ribi aóna aónamy rexitòenyre.

47 Tii roholare Jesuisi Nazare ludu kia rare tahe tamy ryryra: —Jesuisi, Davi riòre, wadee maruxetòekre.

48 Sòwemy tamy rarybere: —Rybeòmyke. Tahe aòhe-wana tii rarybemyhÿre: —Davi riòre wadi mawotòeke.

49 Jesuisi riyyre tahe rarybere: —Tamy byryke wadee kodoikemy.

50 Tahe rexitareu rÿire, wylemy nade Jesuisi-ò.

51 Jesuisi tamy rarybere: —Aòmybo kai taruteri adee ariwahinykremy. Tahe hãbu ruetàhàkÿ tamy rarybere: —Wawedu, ixityre arobikremy.

52 Jesuisi tamy rarybere: —Makre, atyhydÿÿna kai arateytenyra. Kialehe rare. Aòwesele ixityre tii robire. Tahe Jesuisihemy rare, ryki.

11

1 Jerusalè iòhòmy ritehemynyrenyreu, tahe inatxi taerydÿÿna riteònyra hãwã-ò. Inatxi hãwã-ò iòhòmy, Betabaji, Betÿnia-wana. Kia-ò Oliveira hãwãlò roire.

2 Jesuisi rarybere: —Kaiboho boikre kowa hãwã-ò. Kowa-ò birònykreu jumentinho mahabenykre. Moheka ityre rariaòlemy ratximyhÿre. Bieseke, wadee bididyke.

³ Inyõ adeereny rarybekeki: —Aõhekremybo idi atxitenyteri. Tahe tamy marybebennykre: —Wanyrỹ tuu rurureri. Ixityre kaò kidiòkesedỹnykre.

⁴ Tahe hãbu roire. Jumentinho ryro hetoijø-ki ritisanymy rỹimyhỹ. Tai riesere.

⁵ Kia hãwã mahãdu rarybere: —Aõherekibo jumentinho kai-boho tetatenyta.

⁶ Tai tiiboho Jesuisi rybe tamy riwahinyra. Tai hãwã mahãdu jumentinho riwahinyre.

⁷ Tahe ridyrenyre jumentinho Jesuisi-ò. Tiiboho tatyrenyre ritidirenyre jumentinho tyremy. Tiiboho risỹnyrenyre Jesuisi ityre-ò.

⁸ Ijøboho tahe horerule ritidire ryromy, ijõ tahe tauwòhi ryromy ritidire ityre rariakemy.

⁹⁻¹⁰ Ihewo ludu, iko ludu rawyhyrarònyreri, tule ryrereri: —Tii heka wowydyna rare. Tii heka Wanyrỹ niwesekemy naderi. Wowydyna rare iny labie Davi Iòlòna. Kai Iòlòna kanakre. Wyhyrarò biu-txi kodoholakre.

¹¹ Kia wese Jesuisi ralore Jerusalẽ-ò. Dohodỹyna heto-ò ralore, ibutumy retehere, idi tahe ròhònyre txiorotyhyreki. Tahe Betỹnia-ò roirenyre.

¹² Ijø txu biòwamy tahe Betỹnia-ribi rexitarenyreu tahe tii rama rahure.

¹³ Òwòru figueira rademy robirenymy irehe-ribi. Tahe tamy ritehemynyreu iraty-ki raharenyòlere, aõmyreki figueira raty bededỹnanamy aõkõ bede rỹimyhỹre urenana.

¹⁴ Òwòru figueira-ò Jesuisi rarybere: —Tiu heka moõ araty ritòõtyhy. Tahe ierydỹyna roholare.

¹⁵ Tahe ritehemynyrenyre Jerusalẽ hãwã-ò. Tahe Jesuisi dohodỹyna hetowo-ò ralore. Tahe kia-ribi aõna aõna-di ro-honymyhỹre mahãdu, õbradu mahãdu diteònyde. Tahe nieru wibydỹydu mahãdu, òwòrubesedỹ-di Jesuisi rehure. Bòtòe dinodu mahãdu rynana-di Jesuisi rehure.

¹⁶ Inyõ heka ritxydyỹnyòlere dohodỹyna hetowo-ki.

¹⁷ Rierynanymyhỹre tahe tamy rarybere: —Raridỹỹòlemy aõbo rỹireri:

Waheto kãaõboka inatyhymy ibutumy iny witxira witxira dee ixitòedỹyna hetomy rỹirakre. Waheto tewinytenyte wasidu hetowesele.

¹⁸ Bede ywina erydỹỹ mahãdu, Deuxu aõmysỹdỹydu wedu mahãdu roholarenyreu, ròhòtinyrenyre: —Tĩmybo inyboho Jesuisi rubudỹỹmy rokiwisỹnykre. Tiiboho ruberumyhỹrenyre iny sòwemy dori bede riòtiinymyhỹ ibedeerydỹynareny-ki.

¹⁹ Txioromy dehemynydeu, tiiboho rexitarenymyhỹre hãwãhãkỹ-ribi.

20 Txu ròhòny-di, rehemynyrenyire òwòru figueira-ò. Tiiboho robirenyre rarubumy rỹireriò, taru-wana, tararoti-wana.

21 Pedro ixi-txi tòhòti reare tahe rarybere: —Erydỹdu, betehe inihe aõma òwòru figueira rarubumy rỹire arybe-bina-di tamy tarybetaki.

22 Jesuisi dirawyònyde: —Kaiboho Deuxu bityhynymyhỹbeny.

23 Inyò rarybekeki kaa bede ratòhòkỹ-ki: —Kai myike, adi adehu rỹikre berohokỹ-ki. Tahe irybe heka kedelekre. Tai inyò rityhynykeki, tummy heka kedelekre. Tahe uritere iseòdỹỹomykre urile bityhynykre, irybe heka kedelekre.

24 Iurenana adee ararybekre: —Aõtixile aõ bexitòenykre, kia heka bitakre. Bityhynykeki, inatyhymy bitake.

25 Kaiboho textitòenytenyteri wana aõbo inydee aky reamyhỹre kia biixãwididỹỹnymyhỹke ratximyhỹre, Deuxu dori riixãwididỹỹnyke aòrarureny-ribi.

26 Kai iny wixira òraru biixãwididỹỹnyòkeki, boo biu-ki ratximyhỹre aòraru riixãwididỹỹnyòkre.

27 Tiiboho ixityre doide Jerusalẽ hãwã-ò. Riri-ranymyhỹrenyreu dohodỹỹna hetowo-ki, bede ywina erydỹỹ mahãdu, Deuxu aõmysỹdỹỹdu wedu mahãdu, matuari mahãdu tamy doide.

28 Tiiboho tamy ritỹỹraxirenyre: —Mowe ateòdỹỹdu kia aõna aõnamy tatỹỹnymyhỹte.

29 Jesuisi dirawyònyde: —Adeereny tule araỹraxikre. Kaiboho bidiwawyònykeki, tahe jiarỹ akoreny ỹraxina arelyykre, aòrurudibo aõna aõna rewinyhỹre.

30 Tahe Jesuisi ritỹỹraxinyre: —Ratysebedỹỹna, Joaõ hõrõ, kia heka tiribibo nade, biu-ribi ada hãbu mahãdu-ribi. Kia manarybeke.

31 Tiiboho widee rarybera: —Biu-ribi inyboho raryberenykeki, tai tii rarybekre: —Aõherekibo tahe tii tetyhynytenyõte.

32 Hãbu-ribi inyboho raryberenykeki, iny aruberumyhỹrenykre. Ibutumy iny rityhynyre Joaõ heka Deuxu rybedu raremyhỹ.

33 Tai tahe tiiboho raryberenyre: —Inyboho reeryõrenyre. Tai tahe Jesuisi rarybera: —Hebo, jiarỹ adee arelyyõtyhy modeòdỹỹdubo jiarỹ watrixiri.

12

1 Iribi tahe Jesuisi tamyreny ijyy-di rierynanymyhỹre: —Hãbu uva oworuõ wese ròbròre. Tahe riòtitynyre. Tahe hãloo riare oworuubetya-ki, ruỹdỹỹnymy. Tahe utò riwinyre. Idi

tahe rihuòtere hãbu mahãdu-ò. Tahe rexitare tasỹ-ribi ijõ bede-ò.

² Tahe bederatysiredemy bededỹ̃nana rehemynyreu, iwedu teòdu riteònyre bederaty ritakemy.

³ Huòtedu mahãdu teòdu rimyrenyre, rihetenyre tahe riteònyre ixihyykemy.

⁴ Ixityre oworuwedu teòduõ riteònyre. Kia heka irati rihetenyre ta tamy rawobinarybenyre.

⁵ Ijõ riteònyre. Kia heka rirubunyrenyre.

⁶ Tahe oworuwedu iriòre sohojilere, tahe iluummy raremyhỹ ihewomy tii riteònyre. tahe wedu rarybere: –Wariòrele heka tiiboho rityhynyrenykre.

⁷ Kia huòtedu mahãdu widee raryberenyre: –Kia heka wedu aõna aõna tarasadu rare. Rikirubunykre tahe iaõna aõna inydeerenykre.

⁸ Tahe rimyrenyre idi rirubunyre tahe idi rehurenyre oworu-ribi.

⁹ Jesuisi ritỹ̃raxyre: –Aõhebo tahe oworuwedu rotỹ̃nykre. Tii kodoikre huòtedu mahãdu hudumy, tai tahe oworu riwahinykre inywitxira-ò.

¹⁰⁻¹¹ Ritina-di aõbo tariaõletenyte kia ryberiti:

–Mana-di hetowidỹ̃du rehura. Kia mana heka hetohàtxi-ki ritidimy doide. Kia heka Wanyrỹ riwinyre kia inyruerenyre dee aõna aõna nihikỹ rare.

¹² Tai ijohonadu mahãdu Jesuisi mynomy ratximyhỹ tii dori rieryre ixidee lau Jesuisi ijjymy relyymyhỹre. Tiiboho ruberurenyre iny sõwehekỹ lau. Tahe rexitarenyre, rexixãwidinyre.

¹³ Idi riteònyrenyre Lahi rybe-di erydỹ̃du mahãdu, Herodi mahãdu-wana tamy imynamy irybe-ki.

¹⁴ Tiiboho rarybere Jesuisi-ò: –Erydỹ̃du, jiarỹboho araerymy adi watxiwãhãrenyre kai inatyhy hãbu tate. Iny ibutumy adee wiwese wiweselere. Inatyhymy iny-ò Deuxurymy teerynanymahãte. Tahe tiiboho ritỹ̃raxyrenyre: –Awire aõbo ada ibinare aõbo nieru rawahinymyhỹre bede dinodu-ò.

¹⁵ Timybo tahe, rikiòwyny aõbo ada aõkõre aõbo. Jesuisi rierymyhỹre tõhòtinanarenyre, tahe ritỹ̃raxyra: –Aõherekibo kaiboho tiwaurihitenyteri. Wadee womati nieruõ bidiwy waitxerenamy.

¹⁶ Tahe tamy diwydenyde. Tahe tii ixityre ritỹ̃raxyra: –Kawe moõ tyytarasana rare, katahe moõ tyyritina rare. Tiiboho dirawyònyde: –Kiahe bede dinoduhõrõ rare.

¹⁷ Jesuisi rarybere: –Hỹdebo, bede dinoduhõrõ tahe tamy

biwahinybeny tule tahe Deuxu aõna aõnahõrõ tamy biwahinybeny. Tiiboho bede riõtiinyrenyre.

¹⁸ Saduseu mahãdu tamy nade. Kia heka iny rubu-ribi rexixamy aõkõre-riki rierynanymyhÿre. Tiiboho ritÿÿraxinyre Jesuisi:

¹⁹ –Erydÿÿdu, Moisesi raritinyra bede ywina-di: –Hãbuõ rurukeki, tahãwyy iriõre ijõdiõkeki, tahe kia hãwyy tahãbu seriõre-wana roike. Iriõredikre taseriõre rubuõwmy roikre.

²⁰ Seriõre debõinatxi reurõmy raremyhÿ. Juhuu ijõ roire hãwyy-wana. Tahe tii rurure iriõreõlemy.

²¹ Tahe ihewo ludu iseriõre wytese-wana roire. Tii rurure iriõreõlemy.

²² Ihewoludutyhy tule ibutumy roire wytese-wana, tahe ituerenyre iriõreõlemy. Irõõbymy tahe hãwyy tule rurure.

²³ Ixixanau tahe mohãbubo tuu rarekre. Ibutumy dori wytese-wana roire.

²⁴ Tai tahe Jesuisi tamyreny rarybere: –Kaki kaiboho teõsamy toite aõma ritina teeryõtenyteki. Tule Deuxururu teeryõtenyete.

²⁵ Ixixanau heka moõ roiõthyhy. Ibutumy iny ÿju wese rarekre biu bede-txi.

²⁶ Kaiboho aõbo tatyritinytenyõta iny rubu-ribi kedex-ixakremy. Kia heka raritinyrny rÿire Moisesi tyyriti-ki, õwõrusõmo ijyy-ki rÿimyhÿ. Iwese Deuxu rarybere Moisesi-õ: –Jiarÿ heka Abraõ Deuxu rare. Ijai Deuxu rare. Ijaõ Deuxu jiarÿ rare.

²⁷ Jiarÿ heka rubu mahãdu Deuxu aõkõ rare, tahe iru mahãdu Deuxu jiarÿ rare. Kaiboho teõsamy toite.

²⁸ Bede ywina erydÿÿ mahãduõ nade ijohonamy. Tahe tiiboho widee raryberenyro roholareu, Jesuisi tamyreny ri-rawyõnywihikÿreu, tahe tii Jesuisi-õ ritÿÿraxinyre: –Tibo rybe bede ywina juhuure.

²⁹ Jesuisi rirawyõnyre: –Ka heka juhu ludu rare: –Boholake Israeli mahãdu, judeu ijoi mahãdu wahe. Wanyrÿ, iny Deuxu sohojile rare.

³⁰ Kia aDeuxu luuke ibutumy awo-ribi, aumytytyby-ribi, ibutumy aruru-ribi.

³¹ Ka heka ihewo ludu rare: –Kai abireluduluuke iwese ixiluuke wese. Ijõ bede ywina heka ka ratyreõre.

³² Tahe Bede ywina erydÿÿ mahãduõ rarybere: –Inatyhymy kai tarybeta. Deuxu heka sohojile ratximyhÿre.

³³ Ibutumy awo-ribi iluukemy. Ibutumy aruru-wana iluukemy. Tule ibutumy aeryna-wana iluukemy. Iwese kai ixiluure wese, abire ludu mahãdu luukemy. Kia heka ibutumy irõduxiwelloo ratyre rare. Ibutumy wahidÿÿnaloodÿÿna ratyre rare.

³⁴ Jesuisi rieryre kia hābu rirawyònywihikỹre tai tamy rarybere: –Kai heka Deuxu Iòlòna-ribi irehemy aòkõ. Tai tahe ibutumy ilau ruberure tỹỹraxidỹỹki.

³⁵ Jesuisi dohodỹỹna heto-ki rierynanymyhỹreu, rarybere: –Timybo Bede ywina erydỹỹ mahādu rarybemyhỹre Kristu Davi riòre raremy.

³⁶ Davi rarybere aõmybo Deuxu Tyytybytyhy tamy narybedemy: –Wanyrỹ rarybere Wanyrỹ-ò: –Bodony warurunawe-ribi. Txiòhe rare, aòludu awarawo-txi aritidikre.

³⁷ Tahe Davile Wanyrỹ rininire. Timybo tahe Davi iriòremykre. Tahe iny sòwemy deysana-di roholarenyre.

³⁸ Tii rierynamyhỹreu, rarybera: –Bexiemyhỹbeny bede ywina erydỹỹ mahādu lau. Tiiboho heka tyyrehe-di riralu-urenyre. Tiiboho heka rybedỹỹluurenyre hāwāhākỹ riranaki.

³⁹ Dohodỹỹna heto-ki juhurnana luurenyre. Tule ta anarỹỹ rỹiwana, juhu rynanadile tamyreny awire.

⁴⁰ Tiiboho tule wytese urimynydu aõna aõna ritarenyre. Ixitòedỹỹna rehehekỹ rexitòenymyhỹrenyre. Tiiboho heka aõnihikỹmy aõhòkỹmy dỹỹnana riòwynyrenykre.

⁴¹ Jesuisi retehemy rỹimyhỹ dohodỹỹna heto nieruhyna ratya-txi. Tii retehere timybo iny sòwemy tanieru-di tamy rehumyhỹ. Tahe ityhynihikỹ tamy sòwemy nieru-di rehure.

⁴² Tahe nade wytese iaòkõdu mahāduõ tii rare. Tii inatxi nieru sõmo-di rehure. Tanieru tahe nierukonana rare.

⁴³ Jesuisi ryryre taerydỹỹna-ò: –Inatyhymy adee araybekre. Kowa heka wytese nieru-di rehure ibutumy iny witxira ratyre.

⁴⁴ Kaa mahādu ibutumy nieru-di rehure rauhenyredile. Tahe wytese idi rehure ibutumy tanieru-di rexihumy taumy-ribi idi rehure.

13

¹ Dohodỹỹna heto-ribi ròhònyreu, ierydỹỹna tamy rarybere: –Erydỹỹdu, beteheke inihe mana nihikỹ-ò, hetohokỹ-ò.

² Jesuisi rirawyònyre rarybere: –Kaiboho bethebenykre heto nihikỹ-ò. Kia heka mana ijõ wityre-ki rỹiõtyhy, ibutumy heka kedejuxunykre.

³ Oliveira bederatòhòkỹ-ki tii ronyreu dohodỹỹna hetoko-txi, tahe Pedro, Txiau, Joaõ, ibutumy tamy doide rỹỹraximy iny-ribi irehemy.

⁴ Wakoreny bedelyyke, tiubo kia kỹnyikre. Ibutumy aõna aõna kỹnyikre wana tibo iny bedeerynyrenykre.

⁵ Jesuisi rexiranyre tamyreny rarybere: –Kaiboho anaitx-enanydenyheny lau bexiebennyke.

⁶ Sōwemy dori roikre wanimy rarybemy rarekre: —Jiarỹ dori Kristu rare. Tahe iny sōwemy anaitxenanykre.

⁷ Kaiboho wounarybe-ò, aōbinarybe-ò, boholakreu, breburenyōmykre. Kia heka kanakremy ratximyhỹre. Urile bededỹỹnana ikonanamy aōkōhyylemyhỹre.

⁸ Uritere inylahinareny, ijōlahinareny-wana wii kidiaōbinanykre. Tule iòlòna mahādu ijō iòlòna mahādu-wana wii kidiaōbinanykre. Bede bedesu ijō hāwā-ki kanamytatakre. Tahe aōkōre rama kedeakre. Kia heka juhu aōhōkỹmydỹỹnana rarekre.

⁹ Kai beziekrene anamydenyheny lau. Tiiboho anawahinydenykre aòludu wedu-ò, iòlò-ò. Tiiboho anahatenydenykre dohodỹỹna hetowo-ki. Kiabohoko-txi wadee kaiboho kedelyykre inatyhymy aōna aōna rỹiremy.

¹⁰ Rybewihikỹ juhū ibutumy bede hāwā hāwā-ò kiditỹnydỹỹnykre.

¹¹ Tiubo aradyrenykeu, urile nohōtiōmy aōbo kaiboho marybebennykre. Kiautyhyle aōmybo rarybekremy bierykre. Kia tahe marybekre. Kai dori aōkō tarybemahāte, Deuxu Tytybytyhy tahe rarybemyhỹre.

¹² Seriòre seriòrele wii kidirubunykre. Tyby heka tariòre kidirubunykre. Uladule tadi, tyby kidirubunykre.

¹³ Ibutumy heka iny iy kedeakre wani òraru-ki. Kia heka ikonana-ò riijekreu, taumy tarasanakre.

¹⁴ Aōna aōna binahakỹ kanakreu, ibutumy rahukemy. Tiiboho kanakeu itxinonana-txi aōkō rarekemy, kaiboho mahenybenykre bederatòhōkỹ-ò, Judeia hāwā hāwā-ki ratxikeki, mahenybenykre.

¹⁵ Inyō hetotyre-ki ratxikeki, urile ròteōmy aōna aōna wydysymy.

¹⁶ Inyō bedero-ki ratxirekeki, uritere òkeseōmy tyy òrysymy.

¹⁷ Kobexe heny hāwyy bòtòmy rỹira, tule hāwyy tariòre ritònymy rỹira.

¹⁸ Bexitōenykre kia kanaheny bededỹỹnana sirau.

¹⁹ Aōhōkỹmydỹỹnana kanakre tiu heka tuuōre. Juhule Deuxu bede riwinyreule wiji tuu yrubule bede roimyhỹre. Tiu heka kiamy bede roiōtyhy aōhōkỹmydỹỹnanamy.

²⁰ Deuxu bede iòhòmy rirawetyyòròkeki, moheka irumy ròhònnyōtyhy.

²¹ Inyō adee rarybekeki: —Kaki heka Kristu ratxireri. Kowa-ki ratxireri. Uritere ityhydỹỹōmy.

²² Sōwemy Kristu kanakre, urile Kristu inatyhy aōkō rarekre. Tule Deuxu rybedỹỹdu kanakre. Kia Deuxu rybedỹỹdu inatyhy aōkō rarekre. Tiiboho heka bededỹỹdu

riwinykre tule bede eryna. Deuxu hõrõ riitxenanykemy inatyhymy kõaõboka.

²³ Kaiboho warybe biyrubunykre. Adee ibutuny juhuule reõbitinyre.

²⁴ Idi webõhõna rỹira txuu, aõhõkỹmydỹỹnana itue-di, txuu heka rurunykre. Ahãdu tule rurunykre.

²⁵ Taina heka kedexunykre biu-ribi. Biururu raõweõwenykre.

²⁶ Iny retehekre Deuxu Riõre dehemyndi. Biurawetyky-ribi kodobehekre. Kia heka lobixina kanabõtõranykre.

²⁷ Tahe taỹju kiditeõnykre tawedu ijoihõrõ butudỹỹmy.

Kidibutunykre ibutu bede bede konana-ribi, tule ibutu biukonana-ribi.

²⁸ Tahe figueira õwõru-ribi erydỹỹna bierybenykre. Tahe iruru raixinykreu tahe, txiru rõhõnykreu, tai tahe bierybenykre wyra iõhõneri.

²⁹ Tule kia aõna aõnamy bobibenykre, tii iõhõlereri. Ijõkile wese nyide.

³⁰ Inatyhymy adee ararybekre, kia wijinabõdu itueõtyhy aõna aõna rỹikre hãrele.

³¹ Biu, bede-wana ituekre, tahe warybe itueõtyhy.

³² Moõ heka rieryõtyhy tiubededyỹnanamybo tii kõdõõsekre. Tule ýju biutxile rieryõre. Tule iriõre rieryõre. Tule tyby sohojile rieryre.

³³ Kaiboho bexieke, beteheke. Kai dori teeryõtenyte tiubededyỹnanamybo kõdõõsekre.

³⁴ Kedehemynkremy dori iwese hãbu tỹimy rarewese tii rexitareu, ririre tadeõdu. Tadeõdulemy tule ridyre itxeredu retehemyhỹkemy.

³⁵ Tahe betehe inihe teeryõteri dori tiubo kanakre heto wedu, txioromy ada ruwetya aõbo, ada hãnie hãbu rryry-di aõbo, ada txumy aõbo.

³⁶ Betehe inihe iny araraõõlemy tii rehemynyreri aki rahakre atỹi-õ.

³⁷ Aõna aõnamy jiarỹ rarybemyhỹre, rarybera ibutu-õ: — Biijebeny.

14

¹ Kia-ribi inatxi txumy riuhenymy ratxireri anarỹỹ kodohõnykremy. Kia anarỹỹ wehityhynamy heka iny ratya-di reare. Tule orotxu anarỹỹ kia rõhõnyre. Tule Deuxu aõmysỹdỹỹdu wedu mahãdu tule bede erydỹỹdu mahãdu Jesuisi rimykykemy ratxireri idi rirubunykykemy.

² Tiiboho rarybemyhỹrenyre: — Kiahe aõkõre anarỹỹ rỹireriu, iny sõwemy inydeereny kana aõbinanyheny.

³ Jesuisi Betÿnia hãwã-ki ratximyhÿu, Simaõ tyybina heto-ki ratximyhÿre. Jesuisi òwòru besedÿÿbire-ki roimyhÿ. Tahe hãwyy aderòna òwynihikÿ-di lÿnyrena wihikÿ-di nade. Tai ihyna riwebòhònyra tahe Jesuisi ratityre-ò ritxiwira.

⁴ Inyòreny rexiykaranyke. Tahe widee rarybera: — Aõherekibo aderòna rahura.

⁵ Inywitxira tahe iòwynykewi sòwemy nierumy kia-ò. Kia nieru-di tahe iny aòkòdu-ò rawahidÿÿnykre. Tahe tiiboho rexibynyreri hãwyy dee.

⁶ Tahe Jesuisi rarybere: —Txiòhe rare, uritere ixiby-dÿÿòmyke. Tii heka aõwihikÿbo wadee riwinyra.

⁷ Kiamy aõu aõu iny aòkòdu rÿikremy. Aõule heka tamy aõwihikÿ biwinybenyke. Jiarÿ tahe, aki aõu aõu aòkòlekre.

⁸ Tii heka rexikonanany my ròwidÿÿre. Aderòna-di watyre ritxiwire wabede-ò jiarÿ raõule.

⁹ Inatyhymy adeereny ararybekre. Aõtxile Deuxu Rybewihikÿ iny relyykre. Kia-ò kahãwyy ijyymy relyykre, ibutumy iny idi ròhòtinkyremy aõbo riwinyredi.

¹⁰ Tahe Judasi Isariò Deuxu aõmysÿdÿÿdu-ò rara Jesuisi tamy rawahidÿÿkemy.

¹¹ Tiiboho tamy roholarenyre, reysare. Tahe tamy nieru riwahinykemy riurenanyre. Tahe Judasi riijemyhÿre aõu aõu bedewihikÿ tamyreny riwahidÿÿnykemy.

¹² Juhu orotxu anarÿÿtxure budoeni xiweloo rirubuny rahudi tahe Jesuisi erydÿÿna mahãdu tamy rarybere: — Titxibo anarÿÿ rÿsÿnamy biroxikemy atxiteri. Jiarÿboho kowa-ò aroikre.

¹³ Tahe Jesuisi tamy rarybere: —Kaiboho boikre hãwãhãkÿ-ò. Tahe hãbu-wana wii biòbinykre butxi-di riwyreriò. Tahe tii biheludunybeny.

¹⁴ Aõtxile hetoõ-txi ralòke, kaiboho marybebenyke hetowedu-ò: —Waerydÿÿdu rarybera: —Titxiwexe anarÿÿ rÿsÿna arirÿsÿkre waerydÿÿna-wana.

¹⁵ Tii heka adee kiditeòsinykre hetowowitxiraõ biu-txi. Ibutumy rexihumy rÿire inydeereny. Kowa rÿsÿna inydeereny biywinykre.

¹⁶ Tahe ierydÿÿna rexitare. Roire hãwãhãkÿ-ò. Tahe ròhònyre iwese Jesuisi relyyre wese. Tahe ibutumy rexihurenyre anarÿÿ-ò.

¹⁷ Txiorou Jesuisi nade taerydÿÿna waòinatxi reurò-wana.

¹⁸ Tiiboho òworubesedÿÿ riroximahãu, Jesuisi rarybere: — Kaiboho wawana teroxitenyteri sohojiò biwahinykre.

¹⁹ Tahe urihimyo rexiranyre rabadewomy. Tahe widee raryberenyre: —Jiarÿle heka ariwahinykre.

20 Tii rirawyònyre: —Kaiboho, waòinatxi reurò mahãdu sohojiò. Kia mahãduõ orotxu-di wawana rebenymyhỹ besero-ki.

21 Inatyhymy Deuxu Riòre Hãbutyhyhyk̃y rakre iwese iritina r̃yirewesele. Kobexeheny kowa hãbu heka kidiwahinykre. Tamy iny awire kedeaõlede.

22 Tiiboho riroxireriu, Jesuisi orotxu rimyreu, raorore, rexitòenyre, tahe tamyreny riwahinyre. Rarybere: —Ãhãxe, kia heka waumy wese rare.

23 Tahe ṽĩhynamona rimyre, rexitòenyre, tahe tamyreny riwahinyre. Ibutumy ibute bute iribi tuu riòrenyre.

24 Tamyreny rarybere: —Kia wãhãlubu wese rare. Kia hãlubu heka rybe t̃ymyra ywidỹ̃na hãlubu rare. Kia iny-boho kidinohõtijuadenykre. Wahãlubu heka kedeljuxunykre iny rabòrònihik̃y dee.

25 Inatyhymy ararybekre: —Ariõõtyhy heka òtetibederatyruibe t̃ymyra ihyy tahe tiutxumybo Deuxu Iòlòna-ki ariõkre.

26 Deuxuwimy rawinyrenyreu, tahe rexitarenyre Oliveira bederatòhòk̃y-ò.

27 Jesuisi tamyreny rarybere: —Kaiboho ibutumy wijirumy biwaribenykre. Kia heka iritina r̃yire.

Itxeredu tahe riròrenykeki, budoeni rahenykre.

28 Tahe rubu-ribi adexixakreu, arakre akomy Kalileia-ò.

29 Pedro rarybera Jesuisi-ò: —Ibutumy ararikeki, arariõtyhy.

30 Jesuisi tamy rarybera: —Inatyhymy ararybekre. Wijirumy hãniehãbu inatxi kydryrykreule, kai iny wixira-ò biwatxiõnykre inataõ bedemy.

31 Tahe Pedro rarybera tarurutyhymy: —Aõkõre, aratxiõnyõtyhy, ihãrele tahe awanale arurukre. Ijõ mahãdu tule kia wese rarybera.

32 Tahe roire Kesemani hãwãmy ninadu-ò. Taerydỹ̃na-ò rarybera: —Biwaraòm̃y bonykre kakile. Kowa-ò arexitòenykre.

33 Tii ridyrenyre Pedro, Txiau, Joaõ-wana. Jesuisi rixiranyre rabadewomy ihyy rexitòenyre.

34 Tahe tamy rarybera: —Watyytyby heka rabadewomy ratxireri rubuhyy-ò. Kaki bonykre biijemy.

35 Tahe iko-txi urihimyo rareu, resere. Rexitòenyre: —Waha, adee arexitòenykre. Adee awikeki, kia òraule tiu waròteõna.

36 Tii rarybere: —Waha, adee ibutumy isiraõre. Kia bemona inyhe waròbi bitake inihe. Tahe wadeewi wadeewi-ki aõkõ watzireri, tahe adeewi-ki.

37 Tii rehemynyre tai rahare rōrōrenymy roireriò. Rarybere Pedro-ò: —Simaō, Tarōteri aōbo. Biijeōthyhy sohoji òramy bededỹỹnana.

38 Biijebenykre, bexitòenykre, uritere rutaanamy ròteōmykre inatyhymy atyytyby irurudire tahe ade iruruōre.

39 Tahe Jesuisi ixityre rare rexitòenyre ixiwesele.

40 Ròòsereu, ijō-ki rahare rōrōmy ixiwesele, irurureny rautxienymyhỹ dori. Tiiboho rierykōre idi rirawyònyrenyre.

41 Tahe ixybyle ròòsere tahe rarybere: —Morōbeny bexielehynybeny. Òra iòhòreri. Kia heka Deuxu Riòre Hābutyhyhykỹ kanawahidỹỹkre òrarudu mahādu-ò.

42 Bitỹmynybenyke, rokoireny, walòsedỹỹdu iòhòmy rareri.

43 Tii rarybereriu, aōwesele Judasi nade. Kia heka waòinatxi reurò mahāduō rare. Tii-wana doide hābu mahādu mayrehe-di, òhòtemy debòna. Kia heka hābu mahādu doide matuari mahādu-ribi, Bede ywina erydỹỹ mahādu-ribi, Deuxu aōmỹsỹdỹỹdu wedu-ribi.

44 Lòsedu tamyreny juhūu bede eryna riwahinyre. Kawese heka rarybere: —Kowa heka inyō-ò aruwokre, tii heka hābu rare. Bimybenykre, birarenybenywhikỹkre.

45 Judasi rehemynyrenyre, tahe rarybere: —Wedu, wedu. Tahe tamy ruwore.

46 Juda ijoi Jesuisi rimyra.

47 Kia ijoiō mayrehe ritare tahe Deuxu aōmỹsỹdỹỹdu wedu deòdu nohōti riorore.

48 Tahe Jesuisi dirawyònyde: —Kaiboho mayrehe-di ti-waòrynyteri wasidu-wesemy aōmy, òhòte-di.

49 Jiarỹ tahe dohodỹỹna heto-ki watximyhỹ txuò txuòlemy adeereny araerynanywāhādenyde. Kowa-ki heka tiwamyòlemyhỹtenyte. Tahe aōbo iritina-ki rỹireri, kia heka kỹnyikremy.

50 Ibutumy ierydỹỹna mahādu ririrenyre, rihenyrenyre.

51 Kia heka hābuō riheludunymyhỹ tyy tayredile rexi-ttyynmy tiiboho ridyrenyre.

52 Tii tahe tyy ririre tahe rahenyre tadelemy.

53 Deuxu aōmỹsỹdỹỹdu wedu-ò tiiboho Jesuisi ridyre. Bede ywina erydỹỹ mahādu, matuari mahādu-wana ributunyre.

54 Pedro riheludunyre irehetyhytyhymy. Rehemynyre Deuxu aōmỹsỹdỹỹdu wedu heto-ò. Tai tahe ixitòteenymy heòtywera-ò rorukumyhỹ heto itxeredu mahādu-wana.

55 Deuxu aōmỹsỹdỹỹdu mahādu wedu, tule dohodỹỹdu mahādu alobixidu riijemyhỹre aōlemy Jesuisi òludu relyymyhỹre, Kia òraru-ki rirubunyunykemy. Rahaōre.

56 Sōwemy iny ruimy relyymy rỹimyhỹ. Iruinareny wiribi hitxi hitxilera.

⁵⁷ Ijõ mahãdu rÿimyhÿre relyyrehãre ruimy rarybere:

⁵⁸ —Inyboho irybe-ò roholarenymy: Jiarÿ heka dohodÿÿna heto ariixãwididÿÿnykre kia heka hãbu iwidÿÿna rare. Txu inataõ-di ijõ ariwinykre iwidÿÿnaweseõre.

⁵⁹ Kia heka aõmybo tuu relyyrenyremy irybe wiribi hitxi hitxire.

⁶⁰ Deuxu aõmysÿdÿÿdu mahãdu rÿire inysõwetya-txi. Tii Jesuisi ritÿÿraxinyre: —Kai aõbo biwarawyõnykre aõmybo relyyrenyneri adee õludumy.

⁶¹ Tii rerawyõnyõlere ixyby tahe Deuxu aõmysÿdÿÿdu mahãdu ritÿÿraxinyre: —Kai aõbo Kristu tate, Deuxu wityhy riõre.

⁶² Jesuisi rarybera: —Jiarÿ heka. Kaiboho betehebenykre Deuxu Riõre Hãbutyhyhykÿ Deuxu rurunaweribi-ò ronyneri. Kaiboho tii betehebenykre Deuxu Riõre Hãbutyhyhykÿ biuwetyky-ribi naderi.

⁶³ Deuxu aõmysÿdÿÿdu wedu ityy riykara idi rarybera: —Aõherekibo ijõ alobixidumy iny rururenyneri.

⁶⁴ Kaiboho taholatenyta aõbina binalemy rarybereriõ aõmybohe kaiboho tahõtinymyhÿtenynte. Ibutumy heka tawo riraõhõrerenyra rubudukremy.

⁶⁵ Tahe ijõ ityre rybeximy rarutaara rexiruehetynynte tahe tule rihetenyre. Tahe rarybere: —Mota làhà arahãtenyra. Idi tahe heto itxeredu tule rihetenyre.

⁶⁶ Pedro heka ratximyhÿ bedeube-ki tahe ijadõma dehemynyde, Deuxu aõmysÿdÿÿdu deõdu.

⁶⁷ Pedro rexitõteenymyhÿ heõtywera-ò tahe ijadõma tamy retehere. Tahe rarybera: —Kai tule Jesuisi Nazare ludu-wana atximahãte.

⁶⁸ Tahe tii rexitxiõnyre: —Jiarÿ reeryõre aõmybo kai taryberteri. Tahe Pedro hetowo-ribi rõhõnyre.

⁶⁹ Ijadõma ixyby ixyby itxeremy rarybere kowa ijoi-ò: —Kowa heka tii mahãduõ rare.

⁷⁰ Tahe tii ixityre rexitxiõnyre. Ixybyle kowa ijoiõ Pedro-ò rarybera: —Inatyhymy kai ijõ mahãduõle tate. Kai dori Kalileia mahãdu tate.

⁷¹ Tii inatyhytyhyrybemy rarybera: —Jiarÿ reerykõre hãbumy tarybetenyteri.

⁷² Tahe hãnie hãbu ryryra, inatxi hewoludumy. Ta Jesuisi rybe-txi Pedro tõhõti reare. Iwese Jesuisi rarybere: —Inatxi hãnie ryrykredi, ihewoludukomy ryrykre, wadee bedexitxiõnykre inataõmy. Pedro tahe iribi rexitareu, rahinyre.

15

¹ Txuu reareu, Deuxu aõmysÿdÿÿdu wedu, matuari mahãdu, Bede ywina erydÿÿ mahãdu ibutumy ributunyre. Tahe Jesuisi

ritaataare tahe ridyrenyire Pilato-ò.

² Pilato Jesuisi-ò ritÿÿraxinyre: —Kai aõbo judeu iòlò tate. Tii rirawyònyre: —Kai ka tuu tarybeta.

³ Deuxu aõmysÿdÿÿdu mahãdu wedu rarybere Jesuisi aõna aõna awimy aõkò riwinyre. Tahe Jesuisi riwawyònyõhyllere.

⁴ Pilato ixybyle rÿÿraxire: —Kai birawyònyõtyhy aõbo. Kai aõbo taholaleteri aõmybo tiiboho autedé-ò raryberenyre.

⁵ Tahe Jesuisi rarybeõhyllere tahe Pilato urile bederawònyre.

⁶ Kia heka juhuhu iny deòwarixina rare hãbu ròteduõ ritakemy anarÿÿtxuu. Aõtxile iny tamy rexitòenyke.

⁷ Ròtenawo-ki raremyhÿ inyõ Barabamy ninadu-ki. Tii tahe inywitxira aõbinadu mahãdu-wana ratximyhÿ. Kiamy inydingòdu òraru-ki aõbina rÿireki, tii iny rirubunyre.

⁸ Iny sòwehekÿky-ki doide, tahe rexiranyre ixitòedÿÿmy: iny deòwarixina kòdòhònykre.

⁹ Pilato dirawyònyde: —Adeereny ariòlòdÿÿnykekò aõbo ka judeu iòlò.

¹⁰ Tii rieryre dori Deuxu aõmysÿdÿÿdu mahãdu wedu tamy Jesuisi ridyrenyire iwobinanareny lau.

¹¹ Deuxu aõmysÿdÿÿdu wedu inysòwe riixitòedÿÿnyre Baraba riòlòdÿÿnykemy.

¹² Pilato ritÿÿraxinyre ixybyle: —Aõhebo tahe idi arotÿÿnykre. Kaiboho tuu teninimyhÿtenyete judeu iòlòm.

¹³ Tiiboho rirajuarenyre: —Bitamadÿÿnyke itxeò nihikÿ-ò.

¹⁴ Ta Pilato tamyreny ritÿÿraxinyre: —Aõbina taka riwinyre. Aõhe-wana ixityre rirajuamyhÿrenyre: —Bitamadÿÿnyke itxeònihikÿ-ò.

¹⁵ Pilato inydee aõ riwahinykemy ròhòtinyra, tai ta Baraba riòlòdÿÿnyre. Idi tahe Jesuisi riyhytanymy rahudi, riteònyre itxeònihikÿ-ò riukòrenykemy.

¹⁶ Soldado ridyrenyire heto woube-ò. Tai tahe ibutumy soldado ributumy.

¹⁷ Tahe tyysòborehekÿ-di rityynyrenyre. Tahe ede rataana ritidire ira-ò.

¹⁸ Tahe rirybenyrenyre: —Adee nihikÿre judeu iòlò.

¹⁹ Tahe rihetenyre bòtòre-di irati-ò, tahe ityre rarybexinyre tahe rÿire tatiowotimy rityhinykemy.

²⁰ Tahe tyysòbore iribi ritara, tahe ityyle tamy ritidira. Inatyhymy ridyrenyire itxeònihikÿ-ò riukòrenykemy.

²¹ Kowa-di rekoarenyre hãbuõ. Simaõ Sireni inire. Kia heka Alexÿdre, Rufu-wana tyby rare. Tii nade bedero-ribi. Tiiboho tahe riitxyydÿÿnyre itxeò-di retyykemy.

²² Riwyrenyre bederahy-ò Kòkòta ninadu-ò. Kia heka iwitxira rybe rare. Kia heka rubu ratitybyho wese rare.

23 Tiiboho vñ riurinyre òwòruburu-wana. Tahe tii tuu riõõlera.

24 Itxeònihikỹ-ò raukòrenymy rahudi tahe ityy wirarea ri-atyre, tahe ityy-di rarudeòsanyre tibo iny sohoji sohoji ityy riwykremy.

25 Biurasò txu Jesuisi itxeò-ki raukore.

26 Iratya-ki tahe ritina rỹire: JUDEU IÒLÒ. Kia heka iny tuu rarybemyhỹrenyre.

27 Tahe tii-wana inatxi wasidu itxeònihikỹ-ò riherinanyre, ijõ ruruweribi-ò, ijõ hyweweribi-ò.

28 Tahe rotỹỹnyre aõbo Deuxu ritina-ki rỹire wese: Tii ratx-imyhỹ òrarudu mahãdu-wana.

29 Iny reareare tara riohowimy rarybere aõbina binamy: —Kobe, kai korihe dohodỹỹna heto biatykemy inataõ txudile tahe ixityre bidiwinykre.

30 Kaile inyhe bexitakre itxeò-ribi.

31 Iwesehyyle Deuxu aõmysỹdỹỹdu wedu, bede ywina erydỹỹ mahãdu-wana widee raryberenyre. Jesuisinimy raujõmorenyreri: —Tii iny witxira ritare, tiile tahe rexitaõtyhy.

32 Kristu, judeu Iòlò, bodobeheke itxeò-ribi jiarỹboho aro-birenykremy, tai tahe aratyhynyrenykremy. Tule wasidu tii-wana raukòrenyre itxeò-ki Jesuisimy raujõmorenyre.

33 Txutyeyu ibutumy bede rurunyre. Tahe roire txu kaò resemy.

34 Kiaule tahe Jesuisi rarybeterenyre: —Elòi, Elòi, lema sabatani. Kia heka iwitxira tybe rare. Kia rare: —WaDeuxu waDeuxu, aõherekibo kai tiwarite.

35 Ijoiõ heka tamy roholareu, rarybere: —Tii heka Eliasi-ò rryreri.

36 Hãbuõ reare bexi ritỹxinyre vñ juberere-di idi tahe ritidire tabòtòrejura-ò. Riwahinyre Jesuisi ritòkemy. Tahe rarybere: —Deinyhe tamy inyhe reketehereny Eliasi kanakremy aõbo inyhe itarasamy.

37 Jesuisi rryryre irariemy idi rurure.

38 Dohodỹỹna hetowetyy raykare inatxi weryna tyymy, biu-ribi, bede-ò.

39 Soldado dinodu Jesuisiko-txi ratximyhỹre. Tahe rurureu, irubumy robire. Tahe rarybere: —Ka heka inatyhymy Deuxu riòre rare.

40 Tule hãwyw mahãduõ retehemy rỹimyhỹ irehe-ribi, tòwysyreny-ki, Marie Madalena, Marie (Txiause, Jyjese tii rare. Txiau heka Jyje hewoludumy rare.) Salome tule ihỹre ijõ-wana.

41 Kia heka Jesuisi Kalileia raremyhỹu, tiiboho tahe sõwemy iny-wana doide Jerusalẽ-ò.

42 Txioromyhe dehemynyde. Wirareasanatxu rare. Kia heka sabadotxukokile rare.

43 Jyje Arimatea hāwā ludu dohodỹỹdu nihikỹõ rare. Tule heka tii riraõmy ratximyhỹ Deuxu Iòlõna. Tii ruberuõlemy rare Pilato-ò Jesuisiumymy ixitòedỹỹmy.

44 Pilato rabedeòtiidỹỹnanyre Jesuisi rurumy roimyhỹdi tai ryryre soldado dinodu-ò. Tai Pilato ritỹỹraxinyre, Jesuisi rurumy roimyhỹdi.

45 Soldado rarybereu Jesuisi rurumy roiremy tahe Pilato riteõnyre Jesuisiumy Jyje-ò iwahidỹỹmy,

46 Jyje ritare itxeònihikỹ-ribi tahe ritỹtenyre tyyurahākỹ-di. Idi tahe ritidirenyre mana hāloo wabedewo-ò. Tahe mananihikỹ-di rijjõtòbònyra.

47 Marie Madalena, ijõ Marie Jyjese reteherenyre titxibo tii ritidirenyreò.

16

1 Tahe nobiutxu, Marie Madalena, ijõ Marie-wana ihewoludu Marie, Txiause, Salomese-wana rare. Tiiboho lỹnyrena riõbranyrenyrene. Tahe roire Jesuisibymy idi rekoakremy lỹnyrena-di.

2 Juhutxu semana bededỹỹnanau txuu deadeule roire wabede-ò.

3 Widee raryberenyre: –Mowexe mana ritakre ijõ-ribi.

4 Tahe tuu robirenyre. Mana nihikỹ ritamy rỹire.

5 Wabede-ò rirònyrenyrene, robirenyre weryrybòweselemy rononymhỹ ruruweribi-ò. Ityy urahakỹmy rononymhỹ. Tahe tiiboho bede riòtiinyrenyrene ruberurenymy.

6 Tii tamyreny rarybera: –Uritere breburenyõmy. Kaiboho aõbo teõrytenyta Jesuisi Nazare ludu. Kia itxeò-ki rurure. Tii aõkõ kaki ratxireri. Rexixara rubu-ribi. Betehebeny inihe tai ritidiraò.

7 Makre. Marybekre ierydỹỹna-ò tule Pedro-ò. Tii rakre akorenymy Kalileia-ò kaiboho tuu lobiximy boikre tuu adeereny raryberemy.

8 Tahe tiiboho rihenyrenyrene wylemy wabede-ribi ruberumy. Tiiboho moõ heka rarybeõhylyrenyrene ruberumyhỹrenyki.

9 Juhutxu semana bededỹỹnau Jesuisi rubu-ribi rexixare. Idi tahe juhuu àsitereribile rexitỹnynyrene Marie Madalena dee. Kia-ribi heka juhuule ritare debò inatxi reurò tyytybybi-namy.

10 Tii rare Jesuisi-wana raremyhỹ mahādu-ò. Tiiboho rabedewomy ratximyhỹreny, rahinymyhỹreny.

11 Tamyreny relyyreu iwese Jesuisi tamy rexitỹnynyrene wese Jesuisi irulemy ratximyhỹmy tuu robireke, rityhynyõlerenyrene.

¹² Jesuisi rexixamy rahudi tahe, iwitxiramy rexisỹnyny inatxi erydỹna-ò. Tiiboho heka roimyhỹrenyre bedero-ò.

¹³ Tahe dòòsede relyyrenyre taijoi-ò, tahe tule rityhynyõlerenyre.

¹⁴ Tahe waòsohoji reurò erydỹna-ò Jesuisi àsitereribile rexitỹnynyre. Tiiboho riroximyhỹrenyò rexitỹnynyre. Tahe Jesuisi tamyreny rarybera: —Aõherekibo kaiboho iny wamy robira mahãdu tetyhynyõteri.

¹⁵ Kaiboho boibenyke ibutumy bede bede-ò Rybewihikỹ bitỹnynykre.

¹⁶ Inyõ Rybewihikỹ rityhynykeki, idi kidisebenykeki, tii Deuxu ritake. Inyõ rityhynyõkeki, Deuxu ixi-ribi riteònykre iòraru-ki.

¹⁷ Kia bede eryna ityhydỹdu kidiheludunykre. Tiiboho tyytybybina kiditeònykre wani-ki. Tule heka tiiboho itỹmyra rybe kanarybedenykre.

¹⁸ Hemylala rimyrenyre, aõhe rotỹnyõlere tule rubuna monamy riõkeki, rotỹnyõlere. Tiiboho tebò ritidirenykre bina mahãdu-ò tahe riteytenykre.

¹⁹ Idi tahe Jesuisi tarybe rahuredi, Deuxu ridyre biu-ò. Tahe ronyre Deuxu ruruweribi-ò.

²⁰ Tahe tiiboho roire ibutumy bede bedemy tai bede ritỹnynyrenyre. Wanyrỹ riwiòhenanyrenyre tahe bede eryna-di irybe ixidee rimyrenyre ihelududỹdu mahãdu-ò.

Luka Deuxu Rybe Wihikỹ Tỹmyra, Luka Tyyritidỹỹdu

1-3 Wyla, Teòfilo. Adee heka watyyriti ariwahinykre timybo Kristu rotỹỹnyre. Tuu lobixidu mahãdu tuu relyymyhỹre-ribi, jiarỹ ire ariòbitinytyhykre. Kia heka jiarỹ adee reritinymyhỹre, waiòlò, iwese ibutumy reeryrenyre juhu bededỹỹna-ribi. Aõma inatyhymy kia rotỹỹnymy rare wahe.

4 Kia wese wahe. Iwese iny adee relyyre wese, jiarỹ adee arelyyre inatyhymy aõbo rotỹỹnyre.

5 Zacaria heka Deuxu xiwe wahidỹydu rare, Abia ijoioõ wahe. Iriòrese Isabeli tahe tule xiwe wahidỹỹdu riokore mahãduõ rare. Kiau heka Herodi judeu bedesỹ iòlòmy raremyhỹ, Araõ riokore mahãduõ wahe.

6 Wiwanale heka awirenyre Deuxuru-ò. Òbitihyy heka ratximyhỹrenyre ibutumy Deuxu bededỹỹnanako-ò.

7 Tiiboho iriòreõhyyre. Ihãwyy Isabeli heka rasenadunyre, uladu herina dori awiõre. Ihãbu tule ramatuarinyre.

8 Aõutxumy tahe Zacaria raaõmysỹdỹỹnymyhỹre aõma templo-ki. Kiatxu heka iròtenatxumy bede rỹimyhỹre templo-ò. Tahe iwo-ki ratximyhỹre.

9 Hewydysi lỹnywi ritoonymyhỹ Deuxu kia deàlanamy, iwese riwinymyhỹrewesehyyle.

10 Iu ahana-ki tahe sõwemy iny rexitòenymyhỹ.

11 Iu Zacaria xiwena ruruwe-ribi loosòna-ò rỹireu, hewydysi lỹnywi ritoonymyhỹre. Tahe aõwesele ýjuõ rexitỹnyre Zacariako-ò.

12 Tii tuu robireu heka rexiraòmy ruberumy reare.

13 Ýju rarybere: —Brebuõmykre, Zacaria. Deuxu roholare aixitòedỹỹna-ò. Tai heka adee ijyymy rareri. Ahãwyy Isabeli rariòrenykre. Kai heka Joaõmy bininikre.

14 Tai kaiboho heka iura heka beysabenyke sõwemy; ijõ iny tule reysakre iòraru-ki.

15 Tii heka hãbutyhyhykỹmy rarekre Deuxu dee tiu heka vỹ riòõtyhy mona hàrihikỹ riòõtyhy. Deuxu Tyytybytyhy. Juaõtykymy ralokre tii reareu.

16 Sõwemy heka aõma Israeli mahãdu Deuxu rityhynykre iòraru-ki wahe.

17 Tii heka hãbutyhyhykỹmy rarekre Deuxu rybedumy Elia wesemy. Tii heka aõma Deuxu deòdỹỹna juhoo rehemynymy reakre ikòlemy iny ywisidỹỹnakre rehemynykre juhoo, aõma Deuxu Tyytybytyhy dehemynyna riijemy tuu rehemynymy

rakre. Tii bede ywina riòbitinykre inyy-ki. Tyby tariòre-wana wii riwoxinykre. Tii heka iny ribedeerynykre aõma òbitimy rÿirakremy. Deuxu luumy rÿirakre aõma ilahireny rÿira wesemy juhUU.

18 Zacaria rarybere ÿju-ò: —Jiarÿ ramatuarinyre timykre heka? Hãwyy tule rasenadunyre ihãrele òsana tukre.

19 ÿju rarybere: —Jiarÿ Gabrieli watzireri, Deuxu deòdutyhy wahe. Tii heka diwateònyde kaò adee rybemy wahe.

20 Kai tetyhynyòhyyteri tai kai marybeòkre uladu reakre xiery tahe marybekre. Kaa adee rarybereri dori òbitimy rarybereri warybemynamy ibutumy rÿikre.

21 Iny riraòmy rÿimyhÿ Zacaria òlòna, tahe raroorehenymyhÿ. Iroorehena rieryòhyyimyhÿreny. Dòhònydeu ta, rybe-ki rexisiranymy rarybeòhyre.

22 Tii rehemynyreu tamy rybeòhykyre rahòra. Idi tebò-di raramynyre urile rybe riwisÿnymy rarybeòhykymyhÿre aõma timybo aõhebo rotÿÿnyrá heka riòbitinykemy heka rarybeòhyyemyhe timyrabo.

23 Tahe taaòmysÿdÿÿna rihudi, taheto-ò ròòsere ixiby.

24 Idi tahe Isabeli rabòtònyre iruwyyre ahãdumy bede riijere rexiwòmy.

25 Isabeli rarybere: —Deuxu awi heka rare, riwatare waixÿruna-ribi. Kuladu wadeke riwahinyreri.

26 Ijò ahãdu tahe Deuxu Gabrieli riteònyre Nazare hãwã-ò Kalileia bede-ò.

27 ÿjuò heka rybe-di ijadòma-ò. Kia ijadòma heka wii rito-binymy rÿireri tybyboho iseboho Jyje-wana roikremy. Jyje heka iòlò Davi kia mahãduò rare. Ijadòma tahe Marie inire.

28 ÿju heka kiamy rarybere: —Beysakre Marie! Inynyryÿ heka awana ratzireri. Bedeòbyhykÿ adee kidiwahinykre. Tii arãwowydynyre.

29 Kia rybe-di tahe Marie rexiraykynyre. Tii rieryòmy aõmybo rare.

30 Tahe ÿju tamy rarybere: —Marie, Brebuòmy! Deuxu teteysanyte. Kai awi heka rare. Tii aõwihikÿbo adee kidiwahinykre.

31 Kai heka mariòrekre, uladu heka Jesusimy raninikre.

32 Tii heka hãbu nihikÿ rarekre. Tii Deuxu riòremy raninikre. Deuxu heka tii iòlòmy risÿnykre, iwese Davi alabiehekÿreny ronyre wese, tii ronykre.

33 Tii heka ibutu Ijaò mahãdu iòlòmy rarekre. Iòlòna heka tiu itueòtyhy.

34 Tai tahe Marie ÿju-ò rarybere: —Jikarÿ heka ijadòkòmatyhy watzireri. Timykibohe krabòtònykre.

35 Tahe ŷju rirawyònyre: —Tyytybytyhy adee kanalokre. Deuxu ruru heka adee kanakre. Tai heka kia uladu Deuxu òbiti riòremy raninikre.

36 Nohòti lusaòmy anymy-ribi Isabeli riki bòtòkòmy rareke-ribi tahe bòtòmy ratxireri. Debò sohoji reurò ahādumy iahādu.

37 Deuxu dee heka tiu aò isiraòre.

38 Marie rarybera: —Jikarŷ Wahĩ dekòdu rare. Anomybo tarybeteri ka ibutumy rekyrubunyreri. Wadeke awire. Anowaxina tuukre irybemynamy karotŷkŷnykre. Idi ŷju rikòmy reare.

39 Idi ta tii heka Isabeli roramy rare. Zacaria sŷmy Judeia bedè hāwā̀lò hāwā̀ bedè-ki.

40 Iu Marie rehemynyreu tahe wii rirybenyrenyre:

41 Tiu kia aòbo uladu Isabeli kia-ki iule rexiwatxinymyhy Marie-ò. Isabeli heka tŷxiykŷle Deuxu Tyytybytyhy-di ratx-imyhy.

42 Riajuamy rare deysana-di sòwere: —Kai hāwyy ibutu-ribi deysana rarekre. Auladu tule deysana rarekre.

43 Anoherekibo Wahĩse waroramy naderi. Jikarŷ ano anokò rare.

44 Adeke rahokujareku, kuladu wawoku-ki rex-ilòrelòrenymyhy tabedesa-di. Tai tahe Isabeli rŷŷraximy ratximyhyre Deuxu Tyytybytyhy-di.

45 Kai bekysabenyke kia tetyhynyteki. Deuxu rybe dokuri adeke nade. Iwese tiki raryberewesele ibutumy rāikre.

46 Marie rarybere: —Jikarŷ wawoku-ribi Wahĩ rewokuwy-dynyre.

47 Wawokuribityhy wadekysareri Wahĩ watarasadu dokuri rare.

48 Ihyky tahe tiki tekòdu-ribi walanokonakona-ribi tōhòti rosakre. Tahe iny ibutumy hāwyky dekysanamy riwaninikre.

49 Deuxu dokuri anomydŷkŷnana wiwihikŷ wadeke riwahinyre. Tii tahe ityhy rare.

50 Tikiemy inydeke ruxetòena riwahinymyhyre iny tamy wowydyna riwahinyreki.

51 Ixityhy nohòtidu mahādu tiki rehure.

52 Bedè ikòlò sòwemy tiki rehure. Tule iny ianokò mahādu Deuxu riwikòhenanymyhyre.

53 Rama risamahādu deke rŷsŷna tiki riwahinyre.

54 Irybe tahe tiki rityhynyre anobo tiki inytybyreny deke tiki raryberemy. Tikiboho tahe Deuxu riwikòhenanyre.

55 Ruxetòena tahe Abraò deke riwahinyre tule tikiemy iriokore deke riwahinymyhyre.

56 Marie tahe inataò ahādu Isabeli-wana riwyrā. Idi tahe tasŷ-ò ròòsera.

57 Bededỹ̃nana Isabeli-ò rehemynyre. Iriòre reakremy ratxireriu, Iriòre reare.

58 Isỹ mahãdu heka teysana-ò roholarenyre, iery mahãdu tule rabetesarenyre tamy Inynyrỹ raruxetòenyredi, Inynyrỹreny ruxetòena tamy riwahinyreki.

59 Tahe debò inataõ txu-di, uladu notyky resynamy bederỹire. Zacaria raninykemyre.

60 Tai tahe ise rarybere: –Anokõre, Joaõmy rarekre.

61 Isỹ mahãdu rarybere: –Joaõmy ninadu taheka ijõkõhykyre inysỹreny-ki. Anoherekibo tuukre? tai tuu raninike wahe.

62 Tuu Zacaria-ò rỹ̃raxireny: –Momybo raninykre?

63 Tahe Zacaria tababese riòreõ rimyre. Riritinyra kia: –Joaõ heka inikre. Tahe ijõ mahãdu ibutumy ribedeòtiidỹ̃nyre.

64 Iu tahe Zacaria rarybere Deuxu riwowydynyre. Tahe ibutumy isỹ mahãdu heka ruberure.

65 Ibutumy heka tii relyymy raremyhỹ Judeia mahãdu hãwãlò nihikỹmy.

66 Ibutumy tamy roholaré heka raryberenyre: –Timybo uladu rarekre? Inynyrỹ idi tarukimy iweribikre.

67 Tahe Deuxu Tyytybytyhy heka Zacariatykmy ralore. Tahe Deuxu aõmydỹ̃nanamyhe relyyre timybo rabededỹ̃nananykremy. Tii rarybere:

68 –Judeu mahãdu Deuxu awi rare. Tii dori tajoi roramy nade.

69 Iwiòhedỹ̃my tulemy tarasadu tyhy Tii heka Iòlò Davi mahãduy rare.

70 Deuxu Rybedỹ̃du mahãdu kia wesemy tuu raryberenyre.

71 Inydireny òludu mahãdureny-ribi riki iny ritarenykre. Iny-di heka raruxetòerenyra.

72 Tahe iny-ribi tõhõtireny rosaõhykyra. Tahe rarybekre timybo raryberemy inytybyrenymy.

73-75 Tii heka iny ritarenykemy inydireny ratxireri inyòludureny-ribi. Kia-ò heka rarybere inylabiereny Abraõ-ò. Tai heka rikiwiòhenanyrenyke brebuõlemy. Òbitimy iko-ò rakatxirenyhykre.

76 Kai wariòre Deuxu rybedumy mabekre. Kai heka mabekre Deuxuhukỹ rybemy rybedumy. Kai heka bòhònykre

Inynyrỹ-kò iry biywinykremy.

77 Asỹ mahãdu-ò marybekre biu-ò hena kanakremy ihỹre. Deuxu heka tõhõti rosakre iòrarunarenry-ribi.

78 Iny Deuxureny dori inydeereny ruxetòedu rare. Tii heka biu-ò hena ibutu-ò kidiõkre, tarasana wahe.

79 Kia bedelurumy rỹira mahãdu biuloosònamy robikre.

Zacaria rybe tahe rikonananyre. Loosòna ywinary-ò tahe ritỹnynykre.

⁸⁰ Ihewo-ribi tahe uladu ratybienyrene taumy-di Deuxu tyhydỹna-ki tule. Tii heka bederahy-ki raremyhỹ. Tiutxumy rexitỹnynykre Judeu mahãdu-ò.

2

¹ Kia mahãdu iòlò Augusto inire. Kia heka ibutumy bede-ki inyni rityyritinykemy bede riywinyre.

² Kurina heka Siria bede dinodu rare.

³⁻⁴ Jyje heka Nazare hãwã-ki rasỹnyny raremyhỹ. Tai tahe Kalileia bede-ribi tiiboho roirenykemy Judeia bede-ò. Iòlò Davi dori tai reare, Belẽ hãwã-ki.

⁵ Jyje tahe rare, tii dori Davi ijoimy rareki. Marie bõtòmỹ tii ridyre tai ihãwyy.

⁶ Tahe Belẽ hãwã-ò rehemynyre. Tahe herina roxina heto ihoõre herina tamyreny. Taihe awaru roxina heto-ò roire.

⁷ Tai hãwyy ratohouãsenyre. Idi rihetyntyre awaru roxina hynaro-ò ritidikemy.

⁸ Iu tahe budoeni-di itxeredu mahãdu bedero-ki ratximyhỹreny.

⁹ Idi tahe ýjuõ tamy nade Deuxu-ribi. Deuxu loosòna tamy rityntyre. Ruberurenyre.

¹⁰ Ýju tamy rarybere: —Brebudõmyrenyke. Rybe wihikỹ-di adee rehemynyreni. Ibutumy iny reysakre ka rybe-di.

¹¹ Atarasadu heka ratohouãnyra Davi hãwã-ki, abiu-ò hedu wahe. Tii heka Kristu rare, Inynyrỹreny wahe.

¹² Kaiboho heka awaru roxinaõ-ò inihe bõike itxeremy. Tai heka tohouã roireri tyy-di rarahananyre.

¹³ Iule tahe sõwemy ýju widotyde Deuxu dee rawiunykremy, kiawese rawiunyenyre riwowydynyrenymy:

¹⁴ —Biu-ki Deuxu loosòna ratxihiymyhỹre.

¹⁵ Tahe ýju ròðserenyre biu-ò. Budoeni-di itxeredu mahãdu widee raryberenyre. Wylemy Belẽ-ò ròkõirenykre itxeremy kia aõmydỹnanamy Deuxu inydee riteõsinyreniõ.

¹⁶ Tahe roirenyre idi tahe Marie, Jyje-txi rekoarenyre. Tuu robirenyre. Tahe broreni dòrõtòhòhyna-ki uladu roire.

¹⁷ Tai tahe budoeni-di itxeredu mahãdu timybo ýju tamy raryberamy, rarybere.

¹⁸ Tai tahe ibutumy kia tamy roholaré ribedeòtiinymy rỹire.

¹⁹ Marie heka tõhõtĩ itxi reare. Tahe sõwemy raraykywydynanyronyre.

²⁰ Budoeni-di itxeredu mahãdu ròðserenyre rawiunyenymy Deuxu-ò Deuxumy reàlãre ibutu òraru-ki. Iwese ýju raryberewesetyhyle heka ibutumy rỹire.

21 Iribi tahe txu r̄yireu tahe rare Jesuisi notyky orokré. Debò inataõ reurotxu r̄yireu Jesuisi notyky raorokremy raywire. Tahe rininirenyre Jesuisimy iwese ỹju rarybere myna.

22 Xiwena r̄yikemy bedede r̄yire Moisesi bedede ywidỹnamyna. Aõutxumy tahe dehemynyde Marie Jyje-wana kia idi riwinyrenykemy. Tahe Jyje ridykemy Jerusalẽ-ò idi ratxireri. Tai uladu-di roirenyre Deuxu-ò riteõsinykemy.

23 Kiamy heka Inynyr̄ Ritidỹna-ki roire.

Weryrykeki, Deuxu dee rawahidỹkre. Tii uladudelaa weryrykreki.

24 Iwese tule bõtòe inatximy rawahidỹkre ada bõtòerurà inatxi heka xiwenamy reakre Moisesi bedede ywidỹnamyna.

25 Hãbuõ tai ratximyh̄re Simeaõ inire. Jerusalẽ hãwãdu wahe. Deuxu rityhynymyh̄re hãbuwi rare. Tii Kristu riraõmyh̄re Deuxu deòdỹna wahe. Ijoi aõbina bina-ribi tarasadumy Deuxu Tyytybytyhy heka tai ratximyh̄re.

26 Deuxu Tyytyby ihetxiu tamy rarybere: –Kai buruõtyhy Deuxu deòdỹnamy bobiõdi.

27 Iu Jesuisise tyby-wana rehemynyreu Deuxu Tyytybytyhy heka Simeaõ riteõnyre kowa-ò.

28 Simeaõ uladu taãxiò-ki rimyreu. Tahe Deuxu riwowydnyre:

29-31 –Kiamy heka Wanyr̄ Iòlò arybe retyhynyre timybo tarybete wahe. Ibutumy dorihe tewinyta. Tahe aõwaxinyhe arurukre. Abiuõhenamy heka rabira. Tii ibutu iny tarasadumy rarekre biu-ò hena wahidỹdu wahe.

32 Kia heka ibutumy iny-ò loosõna tewahinyta judeukõdu mahãdu-ò. Tai judeu mahãdu tahe wowydnyre tii rarekre.

33 Tai tahe Jyje Marie-wana bedede riòtiinyre aõmybo rarybereki.

34 Simeaõ tahe Deuxu deysanamy tamyreny rarybere: –Deuxu biu-ò henamy heka kia uladu rare. Sõwemy judeu mahãdu tarasadumy rarekre, tule sõwemy tasỹ ituekre. Kia heka Deuxu deõsina rare. Sõwemy heka Jesuisimy rakyrarybenykyre.

35 Ibutumy iny rayky-ribi heka ibutumy ritỹnynykyre. Bederyry sõwemy bieryke tai aõhõkỹmy botỹnykyre.

36 Tule Deuxu rybe erydỹnaõ rehemynyre. Ana inire. Hãwy rare. Tii heka Fanueli riõre rare. Asere mahãdusỹõ rare. Tii heka rasenadunymy raremyh̄. Ijadõmamy raremyh̄u heka roire hãbu-wana. Debò inatxi reurò beõralemy heka tii-wana raremyh̄ tahe tii rawytesenyre.

37 Tii 84 beòramy heka bede idi rÿire wytesemy. Tii Deuxu dohodÿÿna heto-ribi ròhònÿòhÿymyhyÿre. Tii heka rex-itòenymyhyÿre rumy txumy tabyreõ-di.

38 Tahe tii rehemynyre Deuxu dohodÿÿna heto-ò. Deuxumy realàre. Idi Jesusimy imahãdu-ò rarybere tii tarasadumy rarekremy.

39 Iu Marie, Jyje-wana ibutumy bede ywidÿÿnamy ituereu, riòòserenyre tahãwã-ò Nazare-ò.

40 Jesusi raumynymyhyÿre beòra beòramy. Iruru, ibede eryna sòwemy ijòdire Deuxu dori idi tarukimyhyÿre.

41 Pascoa worana bedehesi riòlòdÿÿnyre Jerusalẽ hãwã-ki. Jesusi tyby heka iseboho roihyymyhyÿrenyryre tamy.

42 Tule Jesusi waòinatxi reurò beòra-di ridyrenyryre tamy.

43 Worana bedehesi rexihureu kidiòkesedenykremy doide. Tahe Jesusi naride Jerusalẽkihikÿle. Tiibohe rieryrenyòhÿyryre naridemy.

44-46 Taijoirenywanale ratxirerilemy idi ròhòtynyrenyryre. Txusohojimy heka bede idi rÿidi, rierenyryre. Tai rahaòhÿyrenyryre ijesemy diòkesedenyde Jerusalẽ-ò istryby. Inataõ txu-di tahe tai nahadenyde, Deuxu dohodÿÿna hetowo-ki wahe. Tii heka bede erydÿÿdu mahãdu-wana ronyryre. Roholamyhyÿrenyryre istrybe-ò ronymyhyÿrenyryre. Tule rÿÿraximyhyÿrenyryre.

47 Tii heka ibutumy rirawyònymyhyÿre. Tii dori bede ery nihikÿ rare.

48 Iseboho tahe bede riòtiinyrenyryre tai ronyreki wahe. Ise tamy rarybere: —Waritxòre, anoherekibo kai ikykyreny-ki tanyte. Anoherekibo tuu wadekereny tewinyteri aijesereny-di watxireri.

49 Tahe Jesusi rirawyònyre: —Waijeserenykoÿmyke. Waha heto-ki watxireri, Waha aòmÿÿdÿÿnamy reywinyhyry watxireri. Kia aòbo teeryòhÿytenyryre.

50 Tiibohe rieryrenyòhÿyryre aòmÿbo Jesusi rarybereri.

51 Idi tahe dòòsedenyde Nazare-ò. Tahe Jesusi tyby rybe rityhynyhyryry raremyhÿ. Tahe Jesusise kia ibutumy riyrubunyhyryry raremyhÿ tarayky-ki.

52 Jesusi tahe raumynyryre. Bede erytyhymy relere. Ibutumy he iny iluure. Deuxu wowydyna-di ihÿre.

3

1 Tiberiò heka waiyre beòramy iòlòmÿ raremyhÿ. Poncio Pilato heka Judeia bede dinodu. Ijò heka Herodi inire. Inataõ inymy heka bede dinodumy raremy. Herodi heka Kalileia bede dinodu. Iseriòre, Filipi tahe Itureia bede, Traconite

bede-wana dinodu rare. Ijõ iny tahe Lisỹnia inire. Tii Abileni bede dinodu rare.

² Anasi, Kaifa-wana heka inatxi hãbu roire. Tiiboho wi-wana xiwena wahidỹỹdu wedu raremyhỹ. Kia bedeu heka Joaõ rehemynyre bedero-txi. Tii iny-ò Deuxu rybe tỹnydỹỹdu rare. Zacaria riõre rare.

³ Tii kia bede ibutumy rybe ritỹnyre, Jordaõ beroweramy ibutumy wahe. Kia wesemy rarybere: —Aòraru-ribi bòhònyke. Maratisebenyke. Tahe Deuxu aòraru riixãwididỹỹnykre.

⁴ Iwese Isaia ròritidỹỹre wesemy heka wiji rỹire.

Inyõ heka ryrymyhỹ bedero-ki.

Kia:

—Inynyrỹry bexiywinybenyke. Ryòbitihikỹ biwinybenyke.

Hãloo bitỹxinybenyke wimyny biijaranybenyke. Iry iòweòwena ramyhỹre heka, biòbitinybenyke.

⁵ Iratòratòkeki, wimyna biijaranybenyke.

⁶ Ibutumy iny heka Deuxu biu-ò henamy robirenykre.

⁷ Sòwemy iny nade riratisebenykremy Joaõ-ò. Tahe tii tamyreny rarybere:

—Kaiboho hemylalaweselemy toite. Deuxu ykarana-ribi bex-itabenyke, aõwiihikỹ.

⁸ Uritere kawese ryberenyõmykre: —Abraõ dori iny labiereny rare. Tai tahe ibutumy awityhy rare inydeereny.

Jiarỹ dori adeereny ararybekre: —Deuxudeewikeki, Tii kia manadile iny riwinyke. Abraõ dee ijõ riòreõmy kia manadile riwinyke.

⁹ Woma heka òwòruraruti riòròmyhỹre. Kia raratynyõkeki heka, raòròkre. Heòty-di wòmy ririradỹỹnymyhỹke.

¹⁰ Tai tahe iny rỹỹraxire Joaõ-ò: —Timybohe rakatxirenykre.

¹¹ Tai tahe rarybere: —Inyõ tõre inatximy ijòdikeki, sohoji iny ijõ-ò riwahinyke. Irỹsỹnadikeki, tule ritxuatxuaque ijõkõ mahãdu-ò.

¹² Iny witxiraõ Joaõ-ò rehemynyre. Tiiboho nieru tarasadu mahãdu rare bede dinodu-ò. Tai rỹỹraxirenyre: —Timybo aõhebo rokotỹỹnyrenykre.

¹³ Joaõ rirawyõnyre: —Uritere aõnihikỹmy itarasarenyõmykre. Bede ywidỹỹna tyyriti myna ta tuukre.

¹⁴ Tai tahe soldado tamy rỹỹraxire: —Inyboho tahe aõhebo rokotỹỹnyrenykre. Joaõ rirawyõnyre: —Inyõ biteranyõtyhy adee nieru kanakemy. Inieru dori ahõrõ aõkõ rare. Beysake, adinodu-ribi tiwesebo nieru tetamahãte-di.

¹⁵ Tahe kia iny mahãdu raraykynyre Joaõ-di. Kowa aõbo hãbu Kristu ihỹre.

¹⁶ Tai heka Joaõ rarybere: —Jiarỹ heka bedi araratisebenyleri. Ijõ wahewo-ribi kanakre tahe woratyre inihikỹ rarekre. Tii heka awityhy rare. Jiarỹ heka raixỹruwãhãre

iwataana aritake lau. Tii heka akanaratisebenykre Deuxu Tyytybytyhy-di. Heòty-di tule wahe.

¹⁷ Iti tebò-ki ratxireri. Maixõmo ruxity hitxina-di wahe. Tii heka ritakre. Maixõmo riyrubunykre ihyna-ò. Iruxityy tahe ritoonykre. Kia heòty heka tiu ruriòtyhy.

¹⁸ Aõ heka Joaõ rarybere. Sõwemy aõna aõnamy iwesele rarekemy. Dohodỹỹna wihikỹ-di tamyreny rarybera.

¹⁹ Bede dinodu Herodi heka taseriòre riòrese-wana roire. Aõbina binahakỹle riwinyre kia. Tai tahe Joaõ tamy rarybere: —Kia awi aõkõ rare. Ibina heka rare. Sõwemy aõna aõna bina tule tii riwinyre.

²⁰ Tai Herodi heka Joaõ mynomy riteranyre ròtenawo-ki roikemy.

²¹ Joaõ ixiwesehyyle rexitỹmyranomy iny riratisebenyre. Tahe tule iny wixirahe-ki Jesuisi riratisebenyre, Jesuisi rexitòenyreu, biuwetyhy rarayre.

²² Biuwetyky-ribi tahe Deuxu Tyytybytyhyle dobehemy nade bòtòerurà wesemy. Biu-ribi rybeõ-ò iny roholare: —Kai heka Wariòre tate. Aluure heka jiarỹ wadeysatyhyre.

²³ Jesuisi 30 beòramy raremy taaõmysỹdỹỹna tyhy ritelenyre, iny heka Jyje riòrelemy rõhõtinyinmyhỹre.

²⁴ Jyje heka Eli riòre rare. Matate, Levi, Maki, Janai, Jyje, ibutumy labiehekỹ Jyje rare.

²⁵ Ijõ tahe Matatias, Amos, Naum, Esli, Nagai,

²⁶ Maate, Matatias, Semei, Jyje, Joda,

²⁷ Joana, Resa, Zorobabe, Salatieli, Neri,

²⁸ Meki, Adi, Cosã, Elmadaõ, Er,

²⁹ Josue, Eliézer, Jorim, Matate, Levi,

³⁰ Simeaõ, Juda, Jyje, Jona, Eliaki,

³¹ Melea, Mena, Matata, Natã, Davi,

³² Ijese, Obede, Boasi, Sala, Nasaõ.

³³ Aminadabe, Adimim, Arini, Esraõ, Peresi, Juda.

³⁴ Ijaò, Ijai, Abraõ, Tera, Nakò,

³⁵ Serui, Raau, Faleki, Eber, Sala,

³⁶ Aina, Arfaxade, Sem, Noe, Lamei,

³⁷ Metusalẽ, Enoi, Jarete, Maleleel, Aina,

³⁸ Enosi, Sete, Adaõ. Tii tahe Deuxu juhUU riwinyre iriòre wese.

4

¹ Bero Jordaõ-ribi Deuxu Tyytybytyhy heka Jesuisi diòòsedỹỹnyde Tai heka tule bederò-ò rexiykynyra.

² Tahe Satanasi Jesuisi riurihire, 40 txu-di wahe. Aõ heka rirỹsỹòhyre Jesuisi kia itxumy txu rỹireu wahe. Idi tahe sõwemy rama risare.

³ Satanasi tamy rarybere: —Kai Deuxu Riòretyhy tate-wana heka, mana bitxienykre hinamy.

⁴ Tai Jesuisi dirawyònyde: —Deuxu Rybe tule kiamy rarybere.

—Hābu hewa byre sohojiribile aōkō irumy r̄imyh̄re.

⁵ Tai Satanasi heka Jesuisi ridyre heto ratyti tyre. Ibutumy hāwāhāk̄y riteòsinyre bedede r̄yirá.

⁶ Tahe Jesuisi-ò rarybere: —Kai biwalàhànanykeki, ibutumy aōna aōna adee ariwahinykre, ibutumy hāwāhāk̄y dinodumy tule wahe.

⁷ Wahōrō heka rare. Inyō-ò aōtxile ariwahinykre.

⁸ Idi tahe Jesuisi dirawyònyde: —Deuxu-ò sohojile walàhàna biwahinykre. Kiamy Deuxu Rybe rarybere.

⁹ Idi Satanasi Jesuisi ridyre Jerusalē hāwā-ò. Biu-txi tahe r̄yire, Deuxu dohod̄ȳna heto tyre-ki wahe. Tii narybede, kai Deuxu Riòre tyhy tate wana heka bexiwatxitxinyke inihe karibi hetoratyti-ribi.

¹⁰ Ŷju riki arayrubunykre wa. Deuxu tājuō bedede riywinyre aramykemy.

¹¹ Tule kia rarybemyh̄re Deuxu Rybe.

Awa riki manaō riwotōmonyōtyhy.

¹² Tahe Jesuisi dirawyònyde: —Tule Deuxu Rybe rarybere: —Inyō heka Deuxu uri urihixiōtyhy.

¹³ Rexihure tahe Jesuisi urihixina. Tahe Satanasi heka Jesuisi ririre.

¹⁴ Idi tahe Jesuisi ròsere Kalileia bedede-ó. Deuxu Tyytybytyhy ruru tahe tii-wana ratximyh̄re. Ibutumy heka kia hāwā-ki ibeded̄ȳnana rierymy h̄reny.

¹⁵ Jesuisi heka dohod̄ȳna heto-ki ròbedeeryd̄ȳmyh̄re. Ibutumy tuu rarybere. Tuu reàlāmy rarybemy r̄imyh̄.

¹⁶ Iribi tahe Jesuisi ròsere tai raumynyrèò, Nazare hāwā-ò. Sabado txuu tahe dohod̄ȳna heto-ò reamy raremy iwesehyyle. Tii tahe lamamy r̄yire tyriti-di rariakremy.

¹⁷ Tahe tamy Isaia tyriti riwahinyreò. Tahe Jesuisi riijemyh̄re rybeō idi rariakemy. Tai idi rariare:

¹⁸ —Wanyr̄ Tyytybytyhy waki ratxireri. Rybe T̄myra wihik̄y inyko arotod̄ȳkremy. Iny aōkō mahādu-ò rybe wihik̄y ararybekemy riwatare. Tule iny ròtena-ki r̄yira mahādu, jiar̄y ariòlòd̄ȳnykemy. Kiamy heka tamyreny ararybekre. Tule ruet̄myra ariwahinykre ruetà mahādu-ò. Iny idi rar̄ȳnymyh̄re mahādu-ribi, aritakre idi risinymyh̄reki. (Aōna aōnamy ris̄nyrenymyh̄reki wahe.)

¹⁹ Tibedeubo Inynyr̄reny taijoi ritakremy ararybekre.

²⁰ Idi tasỹ ixyby riwerasenyre. Tahe riwahinyre ixyby kia hãbu riyrubunymyhỹreò. Tii ronyre. Ibutumy kia dohodỹỹna mahãdu idi retehemy rỹimyhỹre.

²¹ Tahe Jesuisi ritelenymy rarybera: —Wiji idi rariará heka aõbo tamy ibededỹỹnanamy roire. Kia aõbo ritidỹỹna-ki roireri ihetxiu. Kaimy tahe wiji rarybereri, jiarỹ heka tii rare. Tii adeereny tyyriti rariará wahe.

²² Tai tahe bede riòtiinyrenyrene. Kia tahe aõmybo raryberakí. Tahe widee raryberenyre. Kaa heka Jyje riòrele ratxireri.

²³ Tahe Jesuisi ixityre tamyreny rarybere: —Aõu kaiboho wamy tarybetenyteri rybeõmy, myỹ manarybeke: Kai bexideytenyke, hàri, òhotibedu. Kíamy aõbohe wadee manarybebenykemy atxitenyteri:

Iwese Kafanaõ bede-ki tewinyte wese ariwinyrenykemy wadi atxitenyteri, ahãwã-ki.

²⁴ Adeereny inihe tuu ararybekre. Rybe tỹnydỹỹdu heka õmo rityhynyõtyhy ihãwãreny-ki.

²⁵⁻²⁶ Tahe iwitxiramy ararybekre. Ibedeu kia raremyhỹu, sõwemy heka rama reamy raremyhỹ judeu sỹ mahãdu. Sõwemy wytese mahãdu heka ramamy rurumyhỹre. Biu heka roaõhykyre tai inataõ beòra weeremyhỹ wahe Sareta hãwã heka Sidõ bede-ki tii rasỹnymyhỹre. Tahe Deuxu bede riywinyre Eliasi rakemy iny sohoji wytese-ò, rỹsỹna riwahinykelemy wahe.

²⁷ Eliseu bedeu heka sõwemy tyybinadu rỹimyhỹ. Sohoji inyle riteytenyrene. Naamy heka inire. Tii heka Siria bede luduõ rare.

²⁸ Kia dohodỹỹna mahãdu heka ibutumy iu tamy rakyarananyre.

²⁹ Rimyrenyrene heka Jesuisi. Idi retỹhirenyrene hãwãlò ratya-ò ridyrenyrene. Idi rehurenykemy riwisỹnyrenyrene.

³⁰ Tahe Jesuisi inysõwehekỹy-txi ralore. Idi rahenyrene.

³¹ Iribi tahe Jesuisi rare Kafanaõ-ò, Kalileia bede-ò. Sabado txuõ txuõlemy heka Jesuisi iny ribedeerynymyhỹre.

³² Sõwemy heka iny ribedeerynymyhỹre mahãdu tamy awimy rỹira, irybe dori awireki wahe.

³³ Hãbuõ raremyhỹ dohodỹỹna hetowo-ki tyytybybina-hakỹ-di tahe taumywo-ki ratximyhỹ. Tai tahe tii ryryre:

³⁴ —Jesuisi, Nazareludu, aõhebohe ijoi bisỹnykremy atxiteri? Biwahubenykre aõbo? Jiarỹ heka araeryrene mobo taté. Kai heka Deuxu deòdu atxiteri.

³⁵ Tai tahe Jesuisi tamy rarybere tyytybybina iumywo-ki riyrykemy. Iribi riòlòdỹỹnyrene. Tahe idi rehure iutyde-ò idi iribi ròhònyrene. Hãbu aõhe risỹnyõhyyrene.

³⁶ Ibutumy heka iny ribedeòtiidỹỹnyrene. Iny sohoji sohoji widee rarybere: —Aõrybemy aõwe tii rarybereri? Timybo

iny-ribi tyytybybina riteònyke.

³⁷ Ibutumy timybo Jesuisi riwinyre, ijyynamy reare.

³⁸ Tahe Jesuisi ròhònyre Simaõ heto-ò idi rare. Simaõ riòrelahi webinadumy roire rubuna-di. Tai Jesuisi-ko tuu relyyreny.

³⁹ Tai Jesuisi ibireweribi-ò rare. Tahe irubuna iribi riòlòdỹnyre. Tahe tii ritamadỹnyre. Rỹsỹnaõ tamy riwahinyre.

⁴⁰ Ibutumy iny tawebinadu mahãdu didydenyde. Ibutumy Jesuisi riteytenyre tibò iratityre rilidimyhỹre. Sòwemy iny tyytybybina-di rỹireri mahãdu riòlòdỹnyre.

⁴¹ Iu tahe ryrymy reamy rỹimyhỹ: —Kai Deuxu Riòretyhy tate. Tii Jesuisi rierymyhỹ tii Deuxu deòdu raremy, tyytybybina wahe. Tai Jesuisi tamy rarybere rybeòkemy.

⁴² Txu ijiramy Jesuisi rare bedero-txi ixisohojile. Iny sòwemy riijemyhỹ. Itxi rearenyreu, iatysy deramy rekoamyhỹreny.

⁴³ Tai Jesuisi rarybere tamyreny: —Jiarỹ heka Rybewihikỹ Tỹmyra arelyykre iwitxira hãwã Deuxu Òlòna Tỹmyramy arelyykre. Tuu Deuxu diwateònyde.

⁴⁴ Jesuisi ibutumy Judeia mahãdu bede bedemy dohodỹna rỹiraki rotohodỹmyhỹre.

5

¹ Jesuisi tahe aho ijà-ki rỹire Kenesare aho ijà-ki. Iny heka sòwemy Deuxu rybe-ò roholakemy iu rỹimyhỹ.

² Tii robire hãwòò inatximy roinyimyhỹre. Waxidumy mahãdu heka rirahure rià-di risuhòeri.

³ Idi tahe rimyre hãwòò. Simaõ hãwò heka rare. Tii tahe ixi-di ritaranyre beroro-ò. Tai tahe tii rexidelenymy relyyre. Kia iny rỹimyhỹ mahãdu heka ribedeernymy relyymyhỹre.

⁴ Rexihure rybe-ribi. Idi tahe Simaõ-ò rarybere: —Make wa bera-txi. Rià bitidike. Bimykemy utura.

⁵ Tahe Simaõ rirawyònyre: —Wanyrỹ, ruu wa wadireny aòkòhykylemy bedewadireny rareri, uturamy ho aòkò. Tarybete urenana anakre. Aritidikre heka rià.

⁶ Tahe ritidireu tahe, rià utura sòwemy rimyre, kia rautxienyre. Tule riykamyhỹ rià.

⁷ Talawò biòwa mahãdu-ò ryryre: —Bòdòibedenyke bidiwawiòhenanybenykemy. Inatxi hãwò heka rỹxire. Ritỹxinyre utura-di. Ihyy berahatxi-ò ijiramy riwisỹnymyhỹ ilawòreny.

⁸ Simaõ tuu robire. Tii Jesuisi ratximyhỹre tahe tatiowomy resere Jesusiko-txi. Simaõ Pedro rarybere: —Wanyrỹ, aribi kỹny iòhòmy arỹiòtyhy. Jiarỹ heka waòrarudimy rare.

⁹ Simaõboho bede riòtiinymy rabadewore aõma utura sòwemy tamyreny riwahinyraki wahe. Tii tuu iximy rarybere.

10 Ibutumy tiiboho mahādu ribedeòtiidỹnyrenyrene Zebedeu riòre kia Txiau, Joaõ-wana. Jesuisi rarybere Simaõ-ò: — Brebuõmyke heka ikonana-ò heka utura bimyoõkre. Wadee dori maaõmysỹdỹnykre hābu wadee bimykremy. Tamyreny biwatỹnynykre. Iwese utura temymyhỹte wese, wadee hābu wiji bimykre waerydỹna mahādumy rarekremy.

11 Tahe waxidumy mahādu ibutumy kaa tawaxi tarià iu ririra Jesuisi riheludunykremy.

12 Ròirenyre rirònyrenyrene ibutumy hāwā-ò. Idi tahe hābuõ rare ityyjyhykyle. Hābu Jesuisi robireu tahe resere iko-txi, rexitòenyre: —Wanyrỹ, adeewikeki biwateytenykre.

13 Jesuisi tamy tebò ritetemy rarybere: —Kohe, arateytenykre. Tii reytemy reare.

14 Tai Jesuisi rarybere tamy: —Inyõ-ò tahe ijyyõmykre. Xiwena wahidỹdu mahādu-ò make. Tai maxiwekre tuu Moisesi bedede riywinyre myna. Xiwenaõ heka biwinymy biwahinykre. Moisesi rarybere wese wahe. Iny mahādu-ò heka biteòsinykre. Kia riteòsinykre teytetamy.

15 Tahe ihārele Jesuisi ibutumy rieryre. Sõwemy iny heka wirotyre raholakremy. Ijõ nade aõma iwebinaduna ibina-ribi riteyteuykemy.

16 Tahe Jesuisi iribireny aõma rexitòenykremy rexitare.

17 Ijõ txuu ròbedeerydỹmyhỹu, fariseu mahādu, bedede ywina rybe bedede erydỹduõ-wana rononymhỹreny. Ibutu hāwā hāwā-ribi dotydenyde wese tahe sõwerenyre, Kalileia bedede-ribi Judeia bedede-ribi, Jerusalē hāwā-ribi. Deuxu deytana Jesuisi-ki ratximyhỹ. Jesuisi hāwālò-ribi dobehede tii-wana, taerydỹna mahādu-wana wahe. Tahe sõwemy iny iube-ki ributunymy rononymhỹre.

18 Iny mahāduõ heka hābu iumymy manadu kididydenykemy ratxireri Jesuisiko-ò ritidirenykemy. Idi tahe hābu webinadu wahe Jesuisi-ò rakemy bedede riywinyre. Inatyhyle riathyhnyre.

19 Inysõwereki tahe tamy rehemynyrenyõtyhy. Tai tahe hetoratyti-ò raòwònyre hābu webinadu-di. Iribi tahe diberesedỹnyde reroti-di.

20 Jesuisi robire, rieryre aõma rityhynymy ratxirenyreri. Hābu-ò Jesuisi rarybere: —Wy, aòraru heka raixāwidỹnyra.

21 Tahe fariseu mahādu he widee raryberenyre: —Mobo kia hābu ratxireri, timyhe tu kia irybeõna rybe-di. Deuxu-ò kia rybe ibinatyhy rare. Deuxu sohojile òraru-ribi iny rixāwididỹnymyhỹre.

22 Tahe Jesuisi rierymyhỹ timybo rexinohõtinyinmyhỹreny. Tai rarybere: —Aõherekibo kia wesemy texiraykynytenyteri.

23 Tibohe irutaõre webinadu-ò rybe: —Aòraruna reixãwididỹnyra ada myimy mariake aõbo.

24 Deuxu Riòre Hãbutyhyhykỹ jiarỹ rare. Tai waruruna wadee Deuxu Riòre òraruna ixãwididỹnyra. Katahe biery-benykre inatyhymy aõbo rarybereri: —Myike, abyre biwymy asỹ-ò ta mahe.

25 Hãbu tabyre rimymy tahe aõwesele tasỹ-ò rare. Deuxu riwowydynymy rare.

26 Sõwemy iny ribedeòtiidỹnyrenyre. Riwowydynymy rỹimyhỹ. Tiiboho raryberenyre: —Aõwitxiramy wiji inyboho robirenyra. Tiu juhoo tukõre-ribi wahe robirenyra.

27 Iribi tahe nieru bede dinodu nieru mynydumy robire, Levi heka inire. Tii heka raaõmysỹdỹnymyhỹ titxibo nieru tarasana-ki. Jesuisi tamy rarybere: —Manakehe wawana.

28 Tahe taaõna ibutumy ririre, idi ihemy rare.

29 Levi tahe taheto-ki roxinaõ riòlòdỹnyre Jesuisi dee. Tamy rehemynyre nieru arisidu mahãdu, tule fariseu mahãdu. Ibutumy iny iarixina mahãdu.

30 Kia fariseu mahãdu kia bederydỹdumy mahãdu tyyri-tirybedỹdu mahãdu kie heka aõbina binahylemy rarybereri Jesuisimy. Jesuisi terydỹna mahãdu-wana kiamy rarybereny: —Aõherekibo kaiboho teroxitenyteri, nieru arixidu-wana, iòrarudu sõwe mahãdu-wana.

31 Jesuisi rirawoyõnyre: —Iny awimy ratxireri-wana, òhotibedumy reaõmyhỹre. Webinadu mahãdule ta tuu reamyhỹre.

32 Òbiti mahãdu-ò aõkõ heka jiarỹ anade rybemy. Tiibohole heka ixi-txi tõhõti reakemy idi watxireri.

33 Tahe tiiboho Jesuisi-ò rarybere: —Joaõ heludu mahãdu roxiõmy txumy rỹire. Tule tiiboho rexitõenyrenyre. Sõwemy rexitõenymyhỹre fariseu mahãdu erydỹna tule. Tahe aijoi tahe riroximyhỹrenyre riõmyhỹrenyre.

34-35 Tahe Jesuisi tamy rarybere: —Hãwyyemy heridu tỹmyra ijoi ratxikeki heka tiu itobidỹnana mahãdu wahe. Kia heka riroximyhỹke. Kia tahe tỹmyra iribireny ratakreu, iijoi mahãdu renarehekre.

36 Tyky tỹmyraõ tiu tykytyby dòbõnamy iny ritidiõtyhy. Timyki dori wii wiòbydỹõna.

37 Vĩ tỹmyra heka tiu aõiròdu tyky watxiwe yla tyby-ò rarareõmyhỹre, tukeki ta kia raykakre idi vỹ urile rejujukre.

38 Vỹ tỹmyra heka hyna tỹmyra-ò rararemyhỹke.

39 Inyõ vỹ tybyhykỹ riõkeki, itỹmyra rexitõenyõtyhy. Kiamyki rybe. Vỹ tyby dori itỹmyra-ribi awi rare.

6

1 Judeu elehydÿÿnymyhÿreny txu kia idi rekoarenyre maixõmoho-di. Ierydÿÿna mahãdu rimyra maixõmo, maixõmo, debò-di riroxityxiwimyhÿ riymy idi rare.

2 Fariseu mahãdu tuu robire. Tamy rÿÿraxire: —Aõherekibo kia wese tewinyteri. Kiamy heka iwidÿÿõmyke bede ywina rybe rarybemyhÿre judeu elehydÿÿnymyhÿrenytxumy.

3-4 Jesuisi tamyreny rarybere: —Ihetxiu Davi tamahãdu-wany rama risareu, Deuxu dohodÿÿna hetowo-ò rirònyre. Tai Davi xiwena rÿsÿnale taijoi-wana rirÿsÿre. Xiwena wahidÿÿdule heka irÿsÿdure, inywitxira ta aõkõ.

5 Jesuisi ritÿnynyre tamy: —Hãbutyhyhykÿ jiarÿ rare, Deuxu Riòre wahe. Kiata sabado wedu jiarÿ rare, elehydÿÿnymyhÿrenytxu wedu wahe.

6 Ixityre ralore dohodÿÿna mahãdu heto-ò ròbedeerydÿÿkemy. Hãbuõ tai rare tebò rabinamy.

7 Tahe fariseu mahãdu Jesuisi-ò retehere. Riteyteynykemy kia hãbu webinadu judeu elehydÿÿnymyhÿrenytxu. Rexi-wodohonanyre. Kiatxuu tii riwinyrekeki tahe ribinanyke judeu elehydÿÿnymyhÿrenytxu, riwinykeki wahe.

8 Jesuisi rierymyhÿre aõmybo tiiboho raraykynyrenyteri. Jesuisi tamy rryre, —Aõma hãbu debòbina-ò: —Mynyike ini, ityareny-txi.

9 Tahe fariseu mahãdu-ò Jesuisi rarybere: —Arÿÿraxikre inihe adeereny, awire adee ka hãbu debò ariteytenyke sabado txuu. Aõbo adeereny awire sabadotxu widÿÿ. Aõwihikÿwidÿÿmy aõbo ada aõbina widÿÿmy. Rubu-ò wahidÿÿ aõbo ada rubu-ribi itarasa aõbo.

10 Retehere! Ibutu-ò idi hãbu-ò rarybere: —Ebò inihe biditeòsinyke. Tiu hãbu tebò riteòsinyreu tahe, reyttere.

11 Reburerenyre heka. Timybo Jesuisi risÿnyrenykeny rexi-nohõtynyrenyre.

12 Idi tahe Jesuisi heka hãwãlòratyy-ò rare ixitòedÿÿmy Deuxu-ò. Rureherehemy heka tamy rexitòeny my bede idi rÿire.

13 Txuijaramy tahe ludu mahãdu-ribi waòinatxi reurò tahe-ludutyhy mahãdu ritare. Tarybemy rybedumy rininirenyre.

14 Sohoji ijõ heka, Simaõ inire, Pedromy idi ranire, ijõ tahe Andre rare, iseriòre. Idi Txiau, Joaõ, Filipi, Bartolomeu.

15 Mateu, Tome, Tadeu Txiau, (Kia Txiau heka Afeu riòre rare.) Ijõ Simaõ Kana bedeluduõ rare, tasubedeluudure.

16 Juda Txiau riòre, ijõ Juda Isariò tahe Jesuisi tyhedÿÿdu rare.

17-18 Jesuisi dobehede bedero-ò hãwãlò-ribi. Tahe sõwemy iny iheludu mahãdu tii-wana rÿimyhÿ. Judeia bede mahãdu Jerusalè hãwã mahãdu. Tule Kalileia bede, Tiro hãwã, Sidõ

hãwã mahãdu. Tiiboho wii ributunymy hãwã mahãdu Jesu-isi-ò roholakemy idi reytekemy. Kia tai ròteytedỹỹmyhỹ.

19 Ibutumy Jesuisi tyky-ò tamy adereximy risỹnymyhỹre adeytena iribi ròhònymyhỹ.

20 Tamyreny retehere tai ibutumy rierynanyreny: — Kaiboho aõkõreny-ki, beysebenyke. Deuxu Òlõna dori ahõrõreny rare.

21 Rama arasareri-wana beysabenyke. Bihydymy dori mabekre. Tule tahinyteri wana beysakre ihewo-ribi.

22-23 Beysamy butxuenykre, inyõ umy radõnykeki tule. Kaiboho dori Deuxu Riõre tetyhynytenyete jiarỹ tiire, Hãbutyhyhykỹ Riõre wahe. Kia mahãdu eramy ijira Riõre rỹikeki beysake. Beysa tyhyki tai. Biu-ki dori aõwiihikỹ bitakre. Deuxu rybemy rybedu mahãdu tule rotỹỹnyreny iòraru-ki.

24 Kobe làhàxe kaiboho ityhy mahãdu abedesanareny dorihe rexihura.

25 Kobe làhàxe ahàdyreny mahãdu, aramasanareny dori rehemynyre. Kobe làhàxe abedesareny, ahinanareny dori abrunareny rehemynyre.

26 Kobe làhàxe atyhydỹỹ sõwereny tule dori. Ilabiereny rybemy rybedutyhy aõkõ rityhynyreny.

27 Warybe-ò taholatenyteriki inihe ararybekre. Aòludu luumy atxibenyke amykyaradureny-di, awimy idi mabeke.

28 Ibinamy aõma umy rarybekeki aõbinahakỹ riwinykeki, tamy bexitõenykre Deuxu-ò.

29 Aòsỹny-ribi anahatenykeki iyre-ribi iwyòdỹỹmy tamy bexirahõreke. Inyõ atyky riwykeki tule tamy arahana biwahinyke.

30 Iwese aõtxiu aõna inyõ adee rexitõenykeki, tamy biwahinyke ixiby iribi iwydykõkemy.

31 Aõbina inyõ adee riwinykõkemy atximahãte. Iwese tiu kia aõhõkỹmy inyõ isỹdỹỹõmykre.

32 Kai aluu mahãdu sohojile iluuõmyke; òrarudu mahãdu dori tuu rỹimyhỹre.

33 Kai aery mahãduòle tawotõmahãte, timyki Deuxu-ribi aõ atarasaõna. Iny itxỹte iehhe mahãdu dori widee rawotõemyhỹre.

34-35 Òrarudu mahãdu heka widee rihuòtemyhỹre. Iribi tahe iwesele ixiby kidiwykemy idi riwisỹnymyhỹ. Kai ta buhuòtemyhỹke idi tehuòtete ixiby iraròsòkõmyke. Tukõkeki ta Deuxu-ribi aõ atarasaõna. Aòludu luumy atximahãbenyke. Tai Deuxu-ribi aõwiihikỹ bitakre. Tai Deuxu wihikỹ riõremy mabekre. Tii dori inywi-ò inybina-ò awire.

36 Awimy kaiboho boibeke, iwese boreny awimy biu-ki ratximyhÿre wese.

37 Inyõdee kyarakõmyke tai Deuxu adee rakyarananyheny. Inyõ taõraruna biixãwididÿÿnyõkeki, Deuxu tahe aõraruna ri-ixãwididÿÿnyõkre.

38 Ainytyhyke inyõdee imyna Deuxu adee rainytyhynanyhykkre. Deuxu ibutumy aõwi adee riwahinykkre. Tiwesebo tõwahite wesemyna idi Deuxu adee ròwahikkre.

39 Aõmybo ribedeerynyre ijyyõmy relyyre: —Inyõ ruetã heka riwiõhenanyõtyhy iwitxira iny ruetã. Tukeki heka hãloo-txi wiwana resekre.

40 Ierysÿdÿÿ iõrysydÿÿdu, kia ratyre aõkõ ratximyhÿ. Kia uladu ratyrytynyre nihikÿmy tahe erysydu tiu taerysydÿÿdu ratyre ratxiõmyhÿre.

41-42 Òwòrukre nihikÿ aruety-ki roire. Aõherekibo aseriõre ruety-ribi òwòru rÿnysiõ tarasamy tewisÿnyteri. Kia heka itxenadÿÿdu tate. Juhuu òwòrukre aruowo-ribi bitakre. Idi tahe betehemy iruowo-ribi aõsõmo bitakre.

43-44 Òwòru wihikÿ tiu bederaty binaõ riwahinyõhyymyhÿre. Tule òwòru binahakÿ bederatywimy raratynyõmyhÿre. Òwòru raerymyhÿre iraty-ò itxere rÿimyhÿreu, beraty-ò retehemy awire ada ibinare aõbo beraty-ò retehemy awire ada ibinare aõbo. Figoraty uvaraty tiu iwitxira òwòru-ribi raheõmyhÿre.

45 Hãbuwi heka aõwimy rotÿÿnymyhÿre iwo-ki tuu rÿimyhÿremyna. Tule hãbu bina aõbinamy rotÿÿnymyhÿ iwomy tuu rÿimyhÿremyna aõbina bina. Inyõ dori aõmy raraykymyhÿremyna rarybemyhÿre.

46 Kai rarybere boholaõkeki aõbo biwinykeki. Uritere wanidÿÿõmy. Wanyrÿmy tiwaninimyhÿtenyete tahe warybemynamy atxõhyylemyhÿtenyete.

47 Tiwese hãbu warybe riywinyre wese adee ararybekre. Tiu heka ariteòsinykkre.

48-49 Hãbuõmy akoreny arelykkre. Tii warybe-ò roholare idi imynany rotÿÿnyre. Tii kiata taheto riwinyre manadelemy ria-di. Beõra iheto reseõhyre manatyre-ki relereki wahe. Ikõmyta warybe-ò roholakõre, kawese rotÿÿnyre. Taheto uritere sukile riwinyre. Beõrau ta, urile resere. Ikyhynakõreki wahe. Kiamyta rotÿÿnyre warybe tyhydÿÿdu-ò idi ityhydÿÿdukõ-ò.

7

1 Jesuisi tarybe rahu-di tahe Kafanaõ hãwã-ò rare.

2 Tai Roma soldado dinoduõ tai ihÿmyhÿ. Teòduõ tahe binamy irubu iõhõmy roimyhÿ.

³ Soldado dinodu Jesusini-ò roholareu tahe, iòrysomy rarybere. Taita judeu mahādu kia matuariõ rexitòenyre aõma kididykremy riteytenykremy kia webinadumy roireri.

⁴ Tahe Jesusi nade juhu be kiamy Jesusi rarybere: —Ka hābu heka awi biwiòhenanykre heka.

⁵ Ka hābu heka waijoi luu nihikỹ rare ihyymy ta dohodỹỹna hetoõ riwinyre waijoi-ò.

⁶⁻⁷ Tai tahe Jesusi rare tiiboho-wana. Tehemyny sỹ iòhòmy rare. Idi tahe ryrowetyakile Jesusi-wana wii riòbynyre. Aõma soldado dinodu kia biòwa-ò wahe. Rarybere he aõma soldado dinodu kiamy rarybereri: —Noõmy heka. Ihārele teka awimy rareòle heka bedehemy nyke. Awi tate timy heka anaixi-ranyõtyhy dori raixỹruwỹhỹre alau adee ixitòedỹỹ-ò aõma dori adee rybe rỹikekile aõweseleke wadeòdu kia reytemy reake.

⁸ Jiarỹ dori inydee radỹỹdu jiarỹ rare. Aõbo riwinykemy. Kia riwinyre warybemynale kia heka jiarỹ rare. Wadeòdu-ò rarybewāhāraki heka: —Kia biwinybenyke. Riwinymhỹreny. Kai tule marybeke, beyteke. Tahe aõwese reytemy reake. Robedeòtiidỹỹnyre, kia tuu rarybereki wahe.

⁹ Jesusi ròkesereri kia rarybemhỹò wahe: —Jiarỹ ka tiu judeu mahāduy-ki. Hābuõmy rabiõ watyhydỹỹnamy. Rabireri riwatyhynyre rabireri.

¹⁰ Soldado dinodu deòdu ròkesereri. Ixyby reytereri idi ronyre.

¹¹ Jesusi rare terydỹỹna mahādu-di ijõ hāwā-ò. Naĩ hāwā-ò heka rare. Kiemy rahyymy heka rahyire. Sõwemy iny iheki rare.

¹² Hāwā ijò-ki rehemynyre tahe kia ibutumyle rehemynyre. Sõwemy iny rubudu rareò wabede-ò. Weryrybòò rurure. Ise, wytese, heka iriòre sohojihyylere. Iny sõwemy heka riheludunyre tahi-di taibru-di.

¹³ Tai Jesusi tuu robireu, idi rexiwòtenymy kamy rarybere: —Ibrukõmyke!

¹⁴ Jesusi debò ritidire caixaõ-ò. Iu idi itxyydu ruhurenyre. Idi tahe rarybere: —Weryrybò, bexixake wahe.

¹⁵ Weryrybò rexixamy reamy ronyre. Idi rarybere. Tai tahe Jesusi ise-ò riwahinyre.

¹⁶ Ibutumy tasỹ mahādu ribedeòtiidỹỹdunyre. Tai tahe Deuxu riwowydynymhỹreny: —Ebe, aõherewe, Rybedu nihikỹ kỹnyhe wixijumy inydeereny rehemynyre.

¹⁷ Kia taheka bedede hāwāmy Jesusini reare.

¹⁸ Joaõ heludu mahādu ibutumy tuu relyyre iko.

¹⁹ Inatxinareny Joaõ riteònyre Jesusi dỹỹraximy kamy wahe: —Kaiwe nodu aõbo tate, ada txiò aõbo ini nodutyhy ariraòrenykre?

²⁰ Idi Jesuisi-ò ròirenyre tuu itỹraxidỹmy; –Kai we nodu-tyhy tate? Ta txio aõbo ini ijõ ariraðrenykre?

²¹ (Iu ta Jesuisi yla aõkõ webinadu, binanamy binana mahãdu riteytenyra, tyytybybinamy ykydu mahãdu, iruetã mahãdu sõwemy tule.)

²² Irahu-di ta Jesuisi rarybere Joaõ ijoi-ò: –Bòðsebenyke. Ibutumy kamy tabitenyta taholatenyta Joaõko-ò tuu be-lyybenyke: –Iny ruetã bina mahãdu retehererimy, Iny rutiãre mahãdu rariarerimy, tyybinamy binana mahãdu reytererimy, iny nohõtity mahãdu roholarerimy. Iny rubu mahãdu heka rubu-ribi rexixarerimy, urimynodu mahãdu heka Rybewihikỹ Tỹmyra-ò roholarerimy.

²³ Iny bedesa heka rare, warybe tyhydỹdu mahãdu.

²⁴ Joaõ heludu mahãdu iribi ròhõnyreu tahe Jesuisi rarybere Joaõ bededỹnanamy: –Aõmybo wahe Joaõ-di tõhõtinytenyte aõmy tubedi nohõtinyrenyre tamy itxerena bederahy tõitenyteki wahe. Otxirarade wese yhy-ki idi tahõtinytenyte.

²⁵ Aõma hãbu urimynodutyhy aõbo tahõtinytenyteri. Hãbu tyywihikỹdiremy tahe tahõtinytenyte. Iwese iòlò taheto wi-hikỹ-ki ratximyhỹre wesemy aõbo tahõtinytenyteri.

²⁶ Wadee manarybeke aõbo betehékemy tahõtinytenyteri. Deuxu rybeduõmy aõbo tahõtinytenyte. Inatyhy tii rare. Kia ratyre heka tii rare.

²⁷ Aõma dori tyyriti-ki rarybemyhỹre:

–Tii heka wakoki kadehemynykemy ratximyhỹre, tamy re-lyykemy, ryõ riywinymyhỹre.

²⁸ Inatyhy kaa rare. Tie heka ibutu hãbu ratyre ratximyhỹre. Ihãrele tahe inyõ Deuxu Iòlòna-ki ratxikeki heka iratyre ratx-imyhỹre.

²⁹ Tahe nieru butudỹdu mahãdu kia-ò roholare. Tule sõwemy iny kia-ò roholare. Tiiboho Deuxu bede ywina tyhydỹdu mahãdu roire. Tule Joaõ Sebedỹna mahãdu roire.

³⁰ Fariseu mahãdu tahe, bede ywina erydỹdu mahãdu tahe Deuxudeewina dera rare. Tai Joaõ-ò ratisebemy roiõtyhy.

³¹ –Mowesebo heka wijinabòdu mahãdu wesemy ratxireri.

³² Uladu mahãdu wesemy tiiboho ratxireri. Tiiboho ijõ uladu mahãdu-ò rryrymyhỹre: –Inyboho rawiunyre, tahe kaiboho teseõtyhy. Wobina wiu rawiunyre tahe kaiboho tahinyõtyhy.

³³ Joaõ Sebedỹdu renareherenyõmy rỹire, vỹ riõõre. Ihãre tahe kaiboho tarybete: –Tii tyytybybina-di ihỹre.

³⁴ Hãbutyhyhykỹ jiarỹ rare, Deuxu Riõre wahe. Jiarỹ rerox-imyhỹre tule reõmyhỹre. Tai tahe tarybemahãte jiarỹ wabyre nihikỹlemy wamomohõkỹremy. Jiarỹ riki õrarudu liinatyhy heka jiarỹ rare, nieru tarasadu liina wahe.

35 Ihāre tahe aōikōkōlemy heka taraykynymyh̄tenynte ihāre taheka òbitilemy ixi-di tahōtinymahātenynte.

36 Fariseu mahāduō heka Jesuisi ritobinyre taheto-ò roximy. Jesuisi tahe rare idi ronyre roximy.

37 Kia hāwā-ki tahe hāwyyō ras̄nyre, wydena wahe. Tii heka Fariseu heto-ki riroxirerimy roholareu, tii tule rare. Tahe hyna òwyhyk̄y rimyre. Alabastro aderònahynani rare.

38 Hāwyy tahe Jesuisi hewomy ronyre, iòhòmy. Tahe aderòna ritxiwire iwatyre. Tule iwa-ki ruworuwòmy ratximyh̄y irube-di iwa risuhòra idi irade-di rabunyre.

39 Fariseu kiamy robireu, ixideele rarybera: —Kia hābu Deuxu rybeduō aōkō rare. Tuukeki tii hāwyy rieryke aōhāwyybo tii ratxireri.

40 Jesuisi tahe fariseu-ò rarybere: —Simaō, adee ararybekemy watzireri. Simaō tahe rarybere: —Manarybeke Waeryd̄ȳdu!

41 Tahe Jesuisi rarybere: —Nieru huòteduō heka inatxi hābu-ò nieru riwahinyre. Ijō 500 rihuòtera, ijō tahe 50my rihuòtera.

42 Idi tahe hābu inatxi nieruōh̄yymy r̄yire òòsemy tanieru tamy. Tai tahe nieru huòtedu riwotòenyrenyre tahe ritusanyre, wiwana iòwy riixāwidid̄ȳnyre. Tibo huòtedu ilàhānad̄ȳdu tyhyre.

43 Simaō dirawyònyde: —Kia òsana 500my rihuòtere. Tahe Jesuisi rarybere: —Inatyhy rare.

44 Jesuisi tahe hāwyy, riijemy, tahe Simaō-ò rarybere: —Kahāwyy ini bidiijeke. Jiar̄y nadehemynydeu, tii tarube-di wawa risuhòra. Kai beeō tadiwyòte. Tii tarube-di riwawasuhòra. Iu tarade-di riwawarabunya.

45 Kai tiwawehityhynanyòte rehemynyrau, tii tahe riwaatyōh̄yymy ratxireri.

46 Kai warade-ki òl̄yre tetxiwiòta tii tahe aderòna wawatyre-ki ritxiwire.

47 Tai tahe adee ararybekre. Tii inatyhymy waluure. Taòraruna ixāwid̄ȳna-ki. Inyō iòraruna ibutemy raixāwid̄ȳnymyh̄ȳreki, tii inatyhymy aōkō taòraruna ixāwid̄ȳdu luure. Ijō tahe inatyhyhyk̄ylemy taòraruna ixāwidid̄ȳdumy reamyh̄ȳre.

48 Tai Jesuisi hāwyy-ò rarybere: —Aòraruna reixāwidid̄ȳnyre.

49 Tai roxidu mahādu widee raryberenyre: —Mohābubo kia rare? Tii òraruna riixāwidid̄ȳnyrerimy.

50 Tahe Jesuisi hāwyy-ò rarybere: —Atyhyd̄ȳnamy textitarasad̄ȳnyte aòraruna sòwe-ribi biu-ò hena tetateri. Mata h̄ny.

8

¹ Rexideleny raremyhỹ ralòralòmy hãwã hãwã ikòkòmy reamy rare kia aõma Deuxu Rybewihikỹ Tỹmyra relyymy rare. Tai ierdỹyna mahãdu waòinatxi reuròmy idi ròirenyre.

² Tule hãwyyõ tiiboho wana ròirenyre Ijõta Marie Madalena heka rare. Juhuu tahe tyytybybinahakỹ-di raremyhỹ. Idi debò inatxi reuròmy tyytybybina iribi riòlòdỹnyre.

³ Ijõta Joana Kusa hãwyy rare. Tii iòlò Herodi heka aõmysỹdỹydu heka rare. Tule ijõ hãwyyõ Susana inire. Idi tule ihona hona Jesuisi taijoi-wana ibutumy tanierureny-di riwiòhenyrenymyhỹre.

⁴ Idi iny sòwemy titxiribibo dirahude kia-ò. Kia mahãdu-ò heka Jesuisi ribedeerynyre ijyyõmy.

⁵ Alòbòròna-di dehudu heka ròhònyre taoworu-ò. Alòbòròna-di imahãdu ijõ ryro-txi resere. Tai heka iny rariamyhỹre alòbòròna tyre-ki. Nawii tule tuu riroximyhỹ.

⁶ Mana rotysu-txi ijõ rejuxunyreri mana rotysu-txi suu dori ibututere tai tahe iraruxiòlemy raumynyre.

⁷ Ijõ tahe edey-txi resere. Raumynyreu tahe edemy riòhỹtỹnyre.

⁸ Ijõ resere suwi-txi. Tai ta raumynyre idi sohoji alòbòrònaty-ribi 100my raratynyre. Jesuisi tamy rarybere: —Kaiboho òhòtirenidyeki heka inatyhymy warybe-ò boholabenyke.

⁹ Tai tahe Jesuisi-ò rỹraxyrenyrene: —Aõwe kaa tekewesenanyteri?

¹⁰ Jesuisi rirawyònyre: —Kaiboho heka teerytenyte aõbohe wasimy ijyy rare Deuxu dori adeereny ritỹnynynyre. Kia tahe rare, Deuxu Iòlòna aõmydỹynana wahe. Ijõ iny-ò tahe rarybere ijyy-di relyyre.

Tai robikre tahe, rieryòtyhyke. Roholarenkyre tahe rieryòtyhyke, tinybo juhuu Deuxu rybemy rybedu mahãdu rarybere wese.

¹¹ Aõmybo kia aõijyybo kia rare wahe. Alòbòròna heka Deuxu Rybewihikỹ wese rare.

¹² Ryro-txi resere heka ijohonadu wesemy rare. Deuxu ijyy heka resera ede sòwey-ki. Tii heka Deuxu Rybe-ò roholamyhỹre mahãdu wese rare. Idi tahe Satanasi heka ritamyhỹre iworeny-ribi. Tai rityhynyrenykòmy idi biu-ò rahenyòkremy.

¹³ Ijõ tahe manasuõ-txi resere heka, kia Deuxu Rybe-ò roholamyhỹre mahãdu wese rare. Rybe-ò juhuu roholamyhỹre deysana-di rityhynymyhỹre. Kia manatyre resera heka irarutiòhykre. Iny mahãdu wese heka rare. Idi ikyhynakòreki, iwodelòlòtòmoreki urile tatyhydỹyna riatymyhỹre.

¹⁴ Ijõ tahe edesuyky-txi resere heka, kia Deuxu rybe-ò roholamyhÿre, idi iworekena sõwemy, iaõdelòlòtòmomy, idi ityhyna wahe urile riòhòtÿnymyhÿre. Tai ròwiòhenadÿÿõhyymyhÿre Deuxu tyhydÿÿna-ki. (Kia tahe alòbòrònaõ ede yky-txi resera tahe iny umy witxira wesemy heka rare. Iny umy tyhyna idi ratxireri heka kia wesemy kia ede-txi iny reseremy. Aõma kia inytyhyna ratxireri. Tiu heka ityhydÿÿna riòlòdÿÿòtyhy. Kia alòbòròna tahe tai heka rokuõtyhy.)

¹⁵ Kia ijõ alòbòròna suu witxi-txi reserá tasÿ iwitxira inywesemy rare. Kia ijohonadu aõma rierymyhÿre. Irayky-ò ralòmymhÿre. Kia iwotyhywo-ò òbitimy ratxirerí tahe, òbitilemy aõ riwinyymyhÿre. Iwese kia alòbòròna sõwemy ratyy rawahinyre wese tahe tii rare.

¹⁶ Ijõ ijyy tahe kiamy roire. Uritere inyõ loosònaõ rideõmykre butxi rawo-txi ada herina rawoõ-txi aõbo. Loosòna bidekre bedewiõ-ò. Tai tahe ibutumy bede ritoosònanykre.

¹⁷ Aõ heka tai wasimy ratxiõhyymyhÿre. Aõutxumy dori ibutumy erynamy rarekre.

¹⁸ Tahe bexiyebenykre ijohona-ò. Kia sõwemy idi rÿirerimy ihÿre heka sõwemy rimykre. Kia urihimyò iwo-ki rÿireri heka iribi ritakre. Idi ibutumy rÿireri heka iribi ritakre. Urihimyò iribi iny ritakre. Urihimyò iwo-ki rÿireri heka hulemy iribi ratakre.

¹⁹ Jesusise, tariòreboho tamy doide. Tii ròbedeerydÿÿmyhÿki isirare tamy dehemyssÿ iny sõwe òraru-ki.

²⁰ Tai inyõ Jesuisi-ò rarybere: —Adihe wa aseriòre boho hewa ahanakile ratxireri umy robikemy ratxirenyreri. Adee rarybekemy.

²¹ Tai Jesuisi rarybere: —Waseriòre wa kia Deuxu rybe erydÿÿnaõ rare. Kia tamy roholamynyrele heka rityhynymyhÿrele heka nadi wesele rare. Tii-wana iwese waseriòre wesele rare.

²² Iribi tahe hãworo rorukurenyreu Jesuisi rarybere: —Ròkòireny kanawe-ribi ijà-ò. Idi tahe roirenyre.

²³ Jesuisi ròròmomy tòru-ki. Idi tahe yhynihikÿ òbònihikÿ-wana tamyreny reare. Ruberurenyre tiiboho rÿmyrenyke lau.

²⁴ Tai tahe wylemy riixixanyreny: —Erydÿÿdu, Erydÿÿdu rekekoarenykre berahatxi-ò. Idi Jesuisi donymy deademy tahe yhy dee rarybere: —Biyryke, Biyrykewa. Yhy ruhumy resere. Òbò tule ruhumy ibutumy riyryre, iny rurukre.

²⁵ —Kaiboho tiwexe ainatyhynareny? Tiiboho rabedeòtidÿÿmy ruberumy widee raryberenyre: —Aõhãbuwe kaa rare. Yhyhykÿ dori òbò dori irybemy reòbyreri.

²⁶ Kanawe-ribi ijà-ò rehemynyrenyre Kerase bede-ò kalileia aho weribi-ò.

27 Hābuõ heka tamyreny dobehede hāwāhākỹ-ribi tamyreny dobehede. Tiiboho riòtyròny hāwāro-ribi iu ta tyytybybina-di ratximyhỹre hābu tiu rexityynyõhyymyhỹre taty-di hyymyhỹre. Kiamy wabedekihyule ratximyhỹre.

28 Jesusimy robireu tahe bedetxile resere tairy-di ryryre: —Aõhebo biwasỹnykre Jesuisi. Kai Deuxutyhy Riõre atxiteri. Uritere aõhõkỹmy wasỹdỹõmykre.

29 Tahe Jesuisi heka tyytybybina iribi riòlòdỹnyre. Sõwemy dori riuwinyre hābu rimymyta. Riuwinyre idi rihure. Tai heka tii uritiere womati reroti-di ritaataamy riijemyhỹre. Ihāre tahe ixi-ribi riòròmehỹre. Tai bedero-txi reamyhỹre tyytybybinamy rawonymy.

30 Idi tahe Jesuisi rỹraxyre tamy: —Mobo anire? —Sõwemy wanire. Tyytybybina sõwemy dori tuu rexikykyreki.

31 Tiiboho raryberenyre: —Uritere bedebinahakỹ-ò wateòdỹrenyõmykre. Uritere sỹu-ò noõma rarekremy hālootxi-ò.

32 Iu tahe ixỹni juramy riroximyhỹ hāwālò-ki. Tai tyytybybina mahādu Jesuisi-ò rarybere: —Biwateònyõke. Kowa ixỹnijura-ò biwateònybenyke aralorenkyre. Tai Jesuisi riòtènyreny.

33 Iu kia hābu-ribi tyytybybina ròhònyrenyreu tahe ixỹniwo-ò ralòreki wahe. Raòlònyra ijò-di rejuxunyre taraò wahe. Ibutumy ahoro-txi rejuxunyre. Ibutumy rururenyre berahatximy.

34 Ixỹni-di itxeredu mahādu ibutumy rajiranyra hāwā-ò tule relyyrenyre tuu iny rasỹnymyhỹre mahādu-ò.

35 Tai iny dirahude tamy itxeremy. Idi tahe rare Jesuisi-ò. Hābu robimyhỹrenyre tatyky-di rononymhỹ ibutumy rexiywinymy Jesuisi-ribi iòhòmnyrony. Kia iny mahādu heka sõwemy ruberure rabedeòtiidỹnymyhỹre.

36 Ibutumy relyyre. Kia tyytybybina timybo aõhebo rotỹnyre.

37 Kia Kadara bedeludu kia mahādu tahe rexitòenyre Jesuisi-ò iribi ròhònykremy, ilau ruberurenkyreki wahe. Idi tahe Jesuisi ròkòsere ixỹbyle reare hāworo-ò.

38 Hābu tahe rexitòenyre Jesuisi-wana rakremy, kia tyytybybina-di iwo-ki ratximyhỹ wahe. Tamy rarybere:

39 —Aõkõre bõkese aheto-ò. Ibutumy belyyke aõbo adee Deuxu riwinyre. Tai ta ibutumy hāwā hāwā-ò relyyre aõhebo Jesuisi risỹnyre.

40 Kia iny sõwehekỹ mahādu heka teysa-di rimyre ridyrenyhỹre riraòhyymy ratximyhỹreny.

41 Kia hābu dohodỹdu hetowo erydỹdu tahe nade Jesuisi-ò. Tii heka dohodỹnana dinoduõ rare. Ijairu inire Jesuisi-ò sutxi resere: —Mynake wasỹ Jesuisi

⁴² Jiarỹ wa wariòre sohojile rare waòinatxi reuròm̃y iwyra. Tii ka rurukremy roireri. Idi ta Jesuisi rare isỹ-ò. Sõwemy iny Jesuisi riheludunyre.

⁴³ Hãwyyõ raremyhỹ heka hãwyy webinadu rare iòhò Jesuisi rexisỹny waòinatxi beòramy heka idi ròhòñyre hykyky hãlubu ratxireri. Tiu heka inyõ reteytenyõhyymyhyẽre luahidỹydu, òhotibedu mahãdu he risiranyre.

⁴⁴ Tai tahe Jesuisi tykysi-ò reare. Tai ta aõwesele reytemy reare.

⁴⁵ Jesuisi rarybere: —Mowe watxi reare? Ijõ rarybereri: —Erydỹy mahãdu aõkõre, jiarỹboho aõkõre. Pedro rarybere: —Aõheta sõwe iny kaki rỹireri. Timykibo tuu tỹyrayiteri.

⁴⁶ —Jiarỹ dori reeryre. Mobo watxi rearaule reytera.

⁴⁷ Tiihe hãwyy ratxiremyhỹ ramytatamy. Tamy ramytatamy heka tamy rehemynyre. Iòràò rexibedenyre. Ibutumy iko tuu relyyre. Aõherekibo itxi reriramy.

⁴⁸ Tai tahe Jesuisi tamy rarybere: —Lerỹ, atyhydỹy na myna teyteta. Ta bexiywinymytahỹny maa!

⁴⁹ Kie raryberemyhỹwanale tasỹ iny wixiraõle dehemynyde. Kia aõma dohodỹy na wedu heto-ribi dehemynyde. Ijairu-ò rarybere: —Ariòre wa rurura. Uritere ta òhotibedu-ò ijiraõma ixinamy tii rakre.

⁵⁰ Jesuisi kia-ò roholareu tahe Ijairu-ò rarybere: —Urile bityhybenykre. Breburenyõma tii reytekre.

⁵¹ Tii rehemynyre heto-ò. Jesuisi ralòre iny deramy reare. Tii wana rake lau. Kia uladuse, uladutyby, Pedro, Txiau, Joaõ wana kiale ralòre tamy tiibohe wana.

⁵² Ibutumy rasỹbinamyhỹ Jesuisi rarybere: —Ibryrenyõmyke hewa rurumy aõbo roire, urile rõrõmy roireri.

⁵³ Ibutumy rieryrenyneri tiibohe urile tai idi risinyrenyre rurumy roimyhỹki.

⁵⁴ Jesuisi ihãre ta hirari debò-ki rimyre. Tai tahe idi rarybere: —Hirari, bexixamy, bodonyke.

⁵⁵ Ityytyby aõwesele ixityre tamy ralore. Dexixade, donyde. Rỹsỹna hirari-ò riwahinykemy Jesuisi rarybere.

⁵⁶ Tai tahe tybyboho sõwemy rabedeòtidỹyrenyre rabedesarenyre. Jesuisi rarybereri: —Urile wamy ijyyrenyõmykre. Aõbo adeereny rewinyramy.

9

¹ Jesuisi tahe tawaòinatxi reurò taerydỹy na mahãdu ributunyre. Taruru tamy riwahinyre tyytybybina iny-ribi ritakremy. Tule iny webinadu mahãdu riteytenykremy.

² Tule rarybere tamyreny: —Kaibohe belyybenykre Deuxu kia Iòlõnamy tule webinadu biteytenybenykre.

³ Aõ awanareny wydyrenyõmykre debõna aõkõ, aõna hyna tule aõkõre. Tule rysõnake aõkõ, nieruke aõkõ. Ainatxityyke aõkõkre.

⁴ Hãwã-ki hetoõ-txi malòkeki taile bonykre. Hãwãribihyyle bòhònykreu, kia heto-ribi bexitakre.

⁵ Ibinamy aramyrenykreki, urile bixitakre. Idi òlòna-ki, awa bitòtynykre ibinamy tai tahatenytaki.

⁶ Tiiboho ròirenyre hãwã sõmo sõmo-di Rybewihikỹ Tỹmyramy relyrenykeny ròirenyre. Tule iny webinadu ibutummy iteyteynyreny hãwã hãwã-di.

⁷ Idi tahe iòlò Herodi ibutummy heka aõna aõna rierymy ratximyhỹ. Tai tii bede ryy rieryõhyymy ratximyhỹ aõbo riwinykre. Roholamyhỹre heka iny rybe rybe-ò. Joaõ heka rexixamy ratxireri.

⁸ Ijõ tahe kiamy rarybereri: —Eliasile ratxireri. Ijõ rarybere Deuxu rybemy rybeduõ ratxireri.

⁹ Tai tahe Herodi kiamy rarybereri: —Jiarỹ heka Joaõra resymy rewahinyre. Mobo ratxireri iwese Joaõ raremy wese he ratxireri. Moobo ta kiamy raholamy watzireri. Tai Herodi tuu robikemy riwisỹnymyhỹ.

¹⁰ Jesuisi eryna iko relyymyhỹreny ibutummy aõbo aõhebo rotỹnyrenyremy tabededỹnana. Jesuisi riòlònyrenyre ijõ hãwã wixira-ò, Besaida hãwã-ò wahe.

¹¹ Tai iny sõwemy hekỹ rieryõlemy idi ta rieryreu tahe sõwemy ihemy rare roirehe. Jesuisi he ributummy ikole relyyre. Deuxu Iòlòmy relyymyhỹre. Tai ròteytedỹmyhỹ webinadu mahãdu.

¹² Aõtxu tahe katxioromy Jesuisi eryna mahãdu, waõinatxi reurò mahãdu tamy raryberenyre: —Bede biywinyke ibutummy iny rỹireri hãwã-ò tarỹsõna õbradỹmy. Inyboho dori bedero-ki ratxirenryeri.

¹³ Tahe Jesuisi rarybere: —Kaibohole rỹsõna biwahinybenyke. Rirasỹnyrenykeny ierydu mahãdu diwyònydenyde: —Aõheretahaka, iruyre orotxu idi inatxi uturale heka roireri. Aroikemy aõbo wadireny atxiteri rỹsõna õbradỹmy inysõwe-ò.

¹⁴ Txibo 5000 hãbu sõwemy heka rỹimyhỹ. Jesuisi rarybere: —Bihitxinybenyke 50 iny heka iny bisỹnybisỹnybenyke.

¹⁵ Tii myna ieryna mahãdu rotỹtỹnyrenyre.

¹⁶ Idi tahe Jesuisi utura inatxi, orotxu iruyre rimyre. Biu-txi retheremy rexitòenyre. Deuxu reàlare tamy rexitòenymy riyyrenymy riwahiny taerydỹõna mahãdu-ò. Riwyrenyre tahe riwahiriwahinyrenymy idi roire.

¹⁷ Ibutummy riroxirenyre idi rihydyrenyre. Ihãre ta waõinatxi reuròmy hyna ixyby rỹximy rauhenyre. Idi ierydỹõna mahãdu ixyby ributunyre.

18 Jesuisi heka ixisohojile rare ixitòedỹỹmy. Ierydỹỹna mahādu heka irarò-ki rỹimyhỹ riijemy rỹimyhỹ. Idi tahe tamy nade tỹỹraximy: –Mobohe jiarỹ raremy wamy raryberenyneri?

19 Tai narybedenyde: –Ijõ Joaõ Sebedỹỹnamy adireri. Ijõ ta Eliasimy adireri. Ijõ ta juhuu Deuxu rybedu mahāduomy adireri.

20 Jesuisi tamy rarybere: –Adeereny tahe. Mobo jiarỹ watzireri. Idi Pedro rirawyõnyre: –Kai Kristu tate, Deuxu deòdỹỹna wahe.

21 Tahe Jesuisi tamy rarybereri: –Uritere tuu iny-ò ijyykõkremy.

22 Jiarỹ Hābutyhyhykỹ, Deuxu Riòremy, aõhõkỹmy arotỹỹnykre. Judeu wedu mahādu, xiwena wahidỹỹdu wedu mahādu, bede ywina erydỹỹdu mahādu waderamy reakre. Jiarỹ arurukre. Inataõna txu-di arexixakre.

23 Idi ibutu-ò rarybere: –Wahemy kanake mahādu urile ixi dee rexiiõnykre. Txuõ txuõlemy taitxeò rimymy kidiwahe-ludunykre.

24 Waõrary-ki rubudu heka biu-ò hedukre. Tukõkeki urile ixinany inatyhymy rurukre.

25 Aõmydỹỹnanamy iny ritakeki, tahe taumy riõnonykeki, kia heka aõmy aõkõkre.

26 Inyõ raixỹrukeki warybe lau tule jiarỹ Hābutyhyhykỹ, Deuxu Riòre wahe, tai ilau araxỹrukre. Deuxuko-ò ýjuko-ò iu adehemynysỹu Deuxu Iòlõna-ki wahe.

27 Inatyhymy heka adeereny ararybekre. Ijõ kaki rare. Deuxu Iòlõnamy robikre tarubukõtyre

28 Tahe debò inataõ txuu rỹidi, Pedro, Txiau, Joaõ-wana Jesuisi ridyre. Tiiboho sohojile bederatò-ò roire Deuxu-ò rexitòenykemy.

29 Jesuisi rexitòenyneriu tii tamyreny rexiwitziranyre iu rexitòenyreu ityy heka urile rabòtòranyre. Iurahakỹmy relere.

30-31 Tahe tamyreny dexitỹnynyde Eliasi, Moisesi-wana tahe rarybemyhỹre Jesuisi-wana. Jesuisi rubunamy Jerusalē hāwā-ki widee rarybemyhỹreny, kia Deuxu bedeywidỹỹnana myna.

32 Pedrobohe rõrõrenyneri. Idi tahe rexixarenyreu, tiiboho Jesuisi loosõnamy robirenyre. Eliasi, Moisesi-wana tiiboho tuu robirenyre.

33 Rõireriu, Pedro rarybere Jesuisi-ò: –Wawedu, awityhymy inyhe inybohe kaki ratxirenyneri tahe rikiwinyrenykre inataõ hetomy, ijõ adee, ijõ Moisesi-ò, ijõ Eliasi-ò. Pedro rieryõlemyhỹre aõmybo rarybemyhỹ.

34 Tai rarybereu Nonoe dobehede iubòròna bede ritòbònnyre. Pedro, Txiau, Joaõ-wana ruberumyhÿrennyre.

35 Tahe ròhònnyre reare rybeuni iuribi: —Kia heka Wariòre waluu rare. Kaiboho tamy boholabenyke.

36 Tiiboho reteherennyre tahe inyòmny robiòlerennyre Jesuisilemy ta robirenyre. Tahe rybeòmny rÿirenyre. Iu inyò-ò aòmny raryberenyòre tuu.

37 Tai tahe ijò txu ratò-ribi dehemynydeu iny sòwehekÿmy Jesuisi-ò ròirenyre.

38 Inyò rarybere: —Erydÿÿdu, wariòre adee redyreri. Beteheke wariòre sohoji-ò.

39 Tyytybybina rimymyhÿreu tahe riatyre bede-ò. Idi tahe urile txuu riyiyidÿÿnymyhÿre.

40 Aerydÿÿna-ò jiarÿ rarybera tyytybybina riteònykremy, tahe tiiboho riixãwidÿÿnyòhyyrennyre.

41 Jesuisi tamyrenny rarybere: —Tiwesebededÿÿnanabo wijiabòdu ityhyòlemy rÿira. Tiwesebededÿÿnanabo akynyrenny-ki ariijekemy. Wadee uladu bididyke.

42 Tahe didydenyde Jesuisi-ò. Tahe tyytybybina urile riitxÿteitxÿtenymny resere. Idi tahe urile bedeki rexiraòhòhòremny sutxi resere. Idi rarybexinymny. Rybexi irywomy ròhònnyrehÿ. Jesuisi tahe tyytybybina iribi riòlòdÿÿnyre uladu riteytennyre. Idi uladu tyby-ò riwahinnyre.

43 Ibutumny iny Deuxu aòwidÿÿna-di bede riòtiinnyre.

Jesuisi taerydÿÿ mahãdu-ò rarybere:

44 —Boholatyhyki warybe-ò, Deuxu Riòre Hãbutyhyhykÿ heka rawahidÿÿkre hãbu mahãdubinaò-ò.

45 Tiiboho rierykòlere. Kiamny dori ilaurenny riwore. Tahe ruberurennyre tÿÿraxidÿÿki.

46 Ryro-ki ierydÿÿna mahãdu widee rarybemyhÿre: —Mowexe wiratyre ityhykremny.

47 Jesuisireny rexiraykynymyhÿrenny rieryre. Idi tahe uladuò rimymny rarybere. Jesuisi uladuò wana ronyrennyre.

48 Tahe taerydÿÿna-ò rarybere: —Moò uladu ka wese wadee riwiòhenanykeki, riwawiòhenanyre. Moò riwawiòhenanykeki, tule waha riwiòhenanyre. Mobo deòdumny reakre, tii ibutu ratyrekre.

49 Joaõ tamy rarybere: —Erydÿÿdu, jiarÿboho riòlòdÿÿnyrerimny tuu rabirenyre inyò tyytybybina-di animny rehureriò. Tahe iny mahãdurenny aòkò rare. Tahe jiarÿboho tamy reijònyrennyre iny inyijoinnyre aòkòki.

50 Tahe Jesuisi rarybere: —Bijònybenyòkre. Inyò inymyrennydòdukòkeki, inyweribireny-ki tii rare.

51 Tahe Jesuisi bededÿÿnana iixihidu iòhòmny idi biu-ò rakre, tii Jerusalê hãwã-ò rakremny rexiywinyre.

52 Tahe takomy inybuta bede riywinyre. Tai itỹhinamy rutòmy Samaria hãwã-ò.

53 Tai tahe Jesuisi deramy rekoarenyre Jerusalẽ-ò ramyhỹreki.

54 Txiau Joaõ-wana kia rierymy tahe narybedenyde: —Wanyrỹhỹkỹ, adee wikeki heòty biu-ribi ityreneny kedesekemy aritxuhorenykre risòrenykre.

55 Tahe Jesuisi irybereny-ki ibinamy rahare tahe reburemy taò riòòsere iribireny.

56 Idi ta iwitxira hãwã-ò roire.

57 Tahe Jesuisi taerydỹna mahãdu-wana roirenyreu, hãbuò tamy rarybere: —Ihyomy awana arakre titxibo makreu, ahékile arakre.

58 Tahe Jesuisi tamy rarybere: —Ijòò heka ihãloo dire. Nawii tỹtỹ dire. Tahe jiarỹ, Deuxu Riòre wahetoõre, Hãbutyhyhykỹ rare hãrele.

59 Tahe ijõ hãbu-ò rarybere: —Biwaheludunye. Tahe tii dirawyònyde: —Wanyrỹ, Waha heka rurura. Tai tahe juhoo arituunye.

60 Jesuisi rarybere: —Txioinihe, rubu mahãdu wii rituunye. Kai tahe makre Deuxu Iòlònamy belyyke.

61 Ijõ rarybere: —Wanyrỹ, araheludunye. Urile juhoo wasỹ mahãdu arawehityhynanyke.

62 Tai Jesuisi dirawyònyde: —Inyõ ritelenykeki, tahe ixyby òòsemy rexinohòtinykeki, tii waheludu mahãduõmy rareòtyhy.

10

1 Jesuisi 72 hãbu heka ritare inatxi inatximy tako-ò tihãwãhãwãtxibo rakreò bede riywinyre. Kiamy tamyreny rarybere: —Waijyomy rybemy boibenyke.

2 Kiamy heka tamyreny rarybere: —Waaõmysỹdỹna heka inihikỹ-di isirare. Iwese maixõmo iny riòòmyhỹre wese heka waaõmysỹdỹna rare. Maixõmo oworu heka inihikỹre, idi aõmysỹdỹdu heka ibutere. Tai oworuwedu-ò aõmysỹdỹdumy bexitòenybenye, Deuxu-ò wahe.

3 Kiaboho heka budoeni wesemy iyreny-ki boibeke. Kia-ribi nohòti losaõmykre.

4-5 Tai heka bexiijebenykre anierureny wydyõmy. Aõna aõna renyhinykeõ aõkõ awareny wydyõmy iny-ò ryberenyõmy iny iny-ò ryberenyõmy, rywetyatyamy abededỹna nodỹmy. Inyheto-ò malokreu Deuxu deysanamy birybenybenye.

6 Tii adee awirenykre wana heka teysakre kahetoludu. Tai tahe ixibyle adee Deuxu deysana ròòsekre adee awiõhyykeki wahe.

7-9 Aõma hãwãõ-ò malò-wana uritere deuròsò deòròsòõmy matximahãke. Tai themynymy atxiterikile bexiijemahã tetxilemy. Uritere rỹsỹna òta òtaõ aubeò ritidi wana uritere rybeòlòõmy. Birỹsỹmy rybeõlemy. Awiòhedỹỹmy ruruke wana bimymyhỹ aõbo adee riwahinymyhỹre. Iny raaõmysỹdỹỹmyhỹre heka ròtamyhỹre. Kia wese heka biwinymyhỹke. Birỹsỹmahãke aõbo adee riwahinymyhỹke. Binaõ roiwana biteytenymahãbenyke. Kia wesemy tamy marybeke: –Deuxu Iòlòna heka iòhòmy ihỹre.

10-11 Hãwãõ-ò birònykeki, inyõ aradyrenyòkeki, boibenyke hãwãky-di. Myỹ marybebenyke tamyreny: –Aõbo wawa-ki hãwã-ki rỹireri. Wawa aritòtynykre bryby iribi ròhònykremy. Adeereny ariteòsinykre nohòti ijaranamy tamyreny. Nohòti losarenyõmy Deuxu Iòlòna adeereny iòhòmy dehemynyde. Tahe kaiboho teramy tekoatenyde.

12 Aõma ywisidỹỹnatxu heka tiiboho aõhòkỹmy rotỹỹnyrenykre. Jesuisi rarybere: –Tiro hãwã Sidõ hãwã heka awimy aribireny ròhònykre.

13 Kobe làhàxe kai Korasĩ hãwã, tule Besaida hãwã. Òhotibe ayreny-ki rỹire, kia heka Txiru hãwã, Sidõ hãwã tule kire-wana taõ òta òtareny-ribi rexiatyreny. Tiiboho tykysausuhukỹtyre rexisỹnyre bryby-di rexiereny.

14-15 Òhotibetxumy heka Deuxu raruxetòenykre Txiru hãwã mahãdu, Sidõ hãwã mahãdu! Kaiboho tahe aõkore. Deuxu araruxetòenyòkre. Kai Kafanaõ hãwã yludu mahãdu aõbo adeereny rotỹỹnykre. Biu-ò aõbo bòibenykre. Aõkõ heka heòtybina bedè-txi heka boibenyke.

16 Tahe Jesuisi taerydỹỹna mahãdu-ò ixyby rarybere: –Inyõ aradyrenykre wana tasỹ-ò. Iwese riwadymyhỹre wesele, aradyrenykre. Moo adeereny roholamyhỹre iyrubu wadee roholamyhỹre. Wana tahe waderalemy reamyhỹre. Waderamy reamyhỹre tahe tule Waha deramy reamyhỹre. Deuxu wateòdỹỹdu wahe.

17 Tanonanaren-y-ribi iribi tahe kia erydỹỹna mahãdu ibutumy dòòsedenyde. Tiiboho heka teysa nihikỹmy dòidenyde. Tybybinanahakỹ heka irybe-ki ròhònyhỹre irybereny-ki. Riòlòdỹỹnymyhỹreny wana Jesuisini-di heka ròhònymyhỹre kiamy Jesuisiko-ò tuu relyyreny.

18 Tii rarybere tamyreny: –Bexiijebenyke jiarỹ dori Satanasiy biu-ribi rabire, biudelaa wesemy reseremy tuu rabire.

19 Inatyhy rare waruruke nyderi rewahinyre. Tai hemylala tyre-ki mariabenykeki. Tiu inyõ ruruothyhy itytibòrò nihikỹ arawerenykeki, tiu buruothyhy. Tule kai aòludu rururatyre arururen-y-di boibekre.

²⁰ Ihārele tahe uritere deysarenykōmy atxibenyke ka ruru òraru-ki tyytybybina deòdỹna, ruru wahe. Kaiboho dori anireny raritiny my roimyhỹre biu-ki kia ta ateysanarenykre.

²¹ Iule tahe Jesuisi reysare heka Deuxu Tyytybytyhy iwomy reareu. Kiamy rexitòenyre: —Waha, kai wa biuwedu tate ibutu bede wedu tate. Umy reàlāmy watzireri tamy retòenyre. Wadeysamy watzireri ka aōma dỹnana bederaremy nihikỹ iribi tewōmy atxiteriki wahe. Tamy hete iwese iny uladu wesemy rityhynymyhỹre heka. Tai tahe tamy ritỹnynymyhỹre. Kia adeewimy tuu rare.

²² Jiarỹ heka ibutumy Waha wadee riwahinyre. Inyō rieryōhymyhỹre Waha wahe. Waòrarukile tahe iny rierymyhỹre. Mobo Waha rare wahe. Waòrarukile dori rierymyhỹre. Ijō aritỹnynekemy watzireri. Tai tahe tiki tule riery iruru. Taile rierykre.

²³ Rexitòenymy rahudi tahe wasimy iwòtemy heka rarybere taerydỹna mahādu-ò: —Kaiboho heka sōwemy aōwiwihikỹmy tabimyhỹtenyete. Tai kaiboho beysabenyke.

²⁴ Ihetxiu heka Deuxu rybedỹdu wana kia aōmysỹnanamy iòlò mahādu wana. Kaireny aōmydỹnanamy robikemy risỹnyre, tahe aōkōhyre. Wijile heka tuu robireri aòrarureny-ki. Tule tabitenyteri kaiboho ratximyhỹ inatyhymy aōbo òbitimy Jesuisi ijyy-ò roholarenykemy tahe aōkōhyre.

²⁵ Moisesi bede ywina rybe-di rāire Jesuisi lỹraxidỹmy. Iwese kai ixiluure wese, iny witxira luuke! Tii tahe Jesuisi rihixidỹmy rarybere: —Aōhebo artōỹnyke biu-ò arahenykemy.

²⁶ Jesuisi dirawyònyde: —Timybo kỹnyhe Moisesi bede ywina tyyriti-ki roimyhỹre? Timybo tuu manarybekre.

²⁷ Tii tahe diwyònyde timybo tyyriti-ki roimyhỹre myna:

—Deuxu adinodureny, ibutumy awo-ribi iluuke, ibutumy arayky-ribi aruruna-ribi, ayky-ribi heka iluuke. Tule ibutumy iny ixiwesemy idi atximahāke.

²⁸ Tai tahe Jesuisi tamy rarybere:

—Kai inatyhymy tarybeteri tai inatyhymy mahenykre biu-ò.

²⁹ Kia hābu heka rexiòbitinykemy idi ratxireri. Taita rarybere Jesuisi-ò: —Mobota waeryre?

³⁰ Tahe Jesuisi ikò relyyre ijyyemy. —Judeu mahādu hābu heka ratỹinamyhỹ Jerusalē hāwā-ribi, Ijeriò hāwā-ò. Iribi tahe kia wasidu mahādu rimyreny. Inieru ibutumy iribi ritarenyre. Ityy hỹre raòhòtere irubudỹle rasiranyre ririre. Tahe ruruōki rỹimyhỹ.

³¹ Aõma judeu xiwenawahidỹỹduõ heka idi rare. Tahe hãbumy robire. Idi hãbu-ribi irehemy rexiemy reare. Tahe tỹtxi rerikõle rare raty resere.

³² Hãbuõ rehemynyre tiie-ki dohodỹỹna wiõhedỹỹduõ rare, Levita wahe. Tule ratyresemy ririre.

³³ Tahe ijõ nade Samaria bede hãwã luduõ heka rare. Judeu mahãdu heka Samaria mahãdu luukõre. Idi tahe kia judeu mahãdu roimyhỹ. Tahe Samaria mahãdu hãbu sõwemy rirux-etõenyre.

³⁴ Idi tahe tamy rexitỹmynymy tahe iwotõmona rituahinymy ritaataamy iwotõmona. Idi tahe ka hãbu relyymy idi rare. Aõma ijumenta tyre-ò ritidimy. Idi rare rirarehu tahe heto-ò ritidikremy ririkremy ridymy heka idi rare. Rummy heka ritõenyre hykyky idi bede nade awimy risỹnykemy.

³⁵⁻³⁷ Rudile heka heto õwy-di iwedu-ò heka nieru riwahinyre riõwynyre inatxi womati nieru. Tamy rarybere: — Biwiõhenanyre idi mabekre adõõsekre rirõkre. Moma arỹnaderenykre Arỹnadebenykre heka adiõwynykre adõõsekreu wahe. Ka hãbuhe rarybere: —Hãbu bireludu ratxireri. Kia taruxetõenyre tiõsinyre waha tieka idi hãubireludu ratxireri. Wimy raõludumyhỹre hãrele taheka riwiõhenanyre. Jesuisi tamy rarybereri. —Iwesele biwinykre iweseka hãbu riwinyra weselemy biwinykre. Kai aõhebo botỹỹtyhy mahake. Iwesele wahe. Jesuisi rỹỹraxire: —Mobo hãbu aõtxino biõwa rare? Mobo ibireludu wahe? Bede ywina erydu tai rirawyõnyre: —Iwiõhedỹỹdu wahe.

³⁸ Jesuisi, ijõ mahãdu-wana rõirenyre. Hãwã-ò rirõnyrenyre. Hãwyyõ rare Marta inire. Tahe ridyre tasỹ-ò tai ratxirenykemy.

³⁹ Tahe Marta heka iseriõre dire. Marie inire. Marie urile ibire-txi ronyra aõbo tarybeke roholakelemy.

⁴⁰ Marta heka raelelemy ratxireri. Aõna aõnale rotỹỹnymyhỹle riwinymy taile rare ratximyhỹ. Tai tahe nade Jesuisi-ò rarybere: —Jikarỹ sohojile wa watxireri waseritxõre riwawikõhenanykõhykyreri. Kai anobohe kõbitimy tai tahateri. Tamy marybeke riwawikõhenykemy.

⁴¹ Tai tahe Jesuisi he tamy rarybereri: —Marta, Marta, aõherekibo kai taelelemy teamy atxiteri?

⁴² Sohoji aõmydỹỹnale heka awire. Marie awityhy aõmydỹỹnana ixidee rimyre. Kia moo iribi ritaõtyhy. Riwinymyhỹ awityhyreki wahe. Tamy rarybeõtyhyõ wadee roholareri iribi ariõlõdỹỹnyke wahe.

11

¹ Tiutxubo Jesuisi rexitõenymyhỹre, iny rieryõlemyhỹre. Jesuisi rexihudi, ijoi rarybera: —Biwaerynanybenykre iwese

textitøenyteri wese, Joaõ tahe tajoi rierynanyre.

² Tai rierynanyre. Kai bexitøenykeki, kawese marybekre: –Waha, ani ibutumy tamywimy. Wylemy mynake iny òlòdÿÿmy.

³ Rÿsÿna txuõ txuõlemy biwahinybenykre.

⁴ Inyòraruna biixãwidinykre, iny iwitxira-dori taòraruna ari-ixãwidinykre. Waatysyrenyõmy òraruna-txi.

⁵ Jesuisi heka taerydÿÿna mahãdu rierynanyre ijyy-di: –Kai arÿsÿnaõmy bonykeki, abiòwa-ò make ruetya rexitòedÿÿmy rÿsÿnaõ huòtemy bidiwykemy: –Wy, ahina inataõ wadee bidihuòteke.

⁶ Wabiòwa rehemynyreri bedetÿi-ribi. Aõ heka wawahisidÿÿkõnare.

⁷ Tii òsana myÿ adee rarybekre: –Wadee ixitòedÿÿõmyke ruetyahakÿmy. Arÿiõtyhy waherina-ribi rexiyrubunymy heka rãireri. Ibutumy iny heka rõrõmy rÿireri. Uladu, tule iumy rõrõmy rÿireri. Wadee ixitòedÿÿõmyke.

⁸ Rexitøenyhyhyhy tai hyhyhy rÿikeki tai ihãrele rÿike. Abiòwatøenamy aõkõ kÿnyhe rÿike. Texitøenyterikile rÿike.

⁹ Tai heka adeereny rarybereri. Bexitøenykeki, biwyke. Biijeke aõbo teijeteri, tai tahe mahake. Ijòtòbõna bihetenyke tahe adee riraynymy tahe malòke. Tai tahe adeereny rarybera. Ibutumy rexitøenymahãke, tamy riwahinymahãke. Ibutumy iny riijemahãke, tai rahake. Iny rihetenymahãke riraynyke.

¹⁰ Tai adeereny rarybere: –Ixitòedÿÿki iny aõ rimymyhÿre. Aõitxe-ki aõtxi ijara rÿimyhÿ. Ijò-di ròtemy ijara-ki iny ralòmyhÿre. Ijò-di ròtemy ijara-ki, iny ralòmyhÿre.

¹¹ Uladuõ tyby-ò uturamy rexitøenykeki aõbo, hemylalaõ tyby tamy riwahinyke irÿsÿnamy? Timyki tuukõna! Kaiboho kiamy aõbo botÿÿnybenykre? Timyki tuukõna!

¹² Uladuõ tyby-ò hãniesimy rexitøenykeki aõbo, itytibòrò tamy riòkre. Timyki tuukõna!

¹³ Kaiboho aõbina binahakÿdile tahõtinyinmahãtenyté, aõwihikÿ aõbohe ariòreereny-ò biwahinyke. Boreny aratyre heka bede rieryke, Deuxu wahe. Tamy bexitøenybenykeki, tii Deuxu Tyytybytyhy adeereny riwahinyke.

¹⁴ Ixityre tasÿ hãbuõ raremyhÿ irybeõmy. Jesuisi taile ratximyhÿ tahe tyytybybina riòlòdÿÿnyre iribi. Iu tyytybybina iribi rohonyreu tahe, hãbu rarybere kia rybeõmy ratximyhÿré wahe. Tahe iny sõwehekÿ mahãdu sõwemy idi rabedeòtiimy rÿire.

¹⁵ Inyõ tahe, inysõwehekÿ yluduõ tahe kiamy rarybere: –Kia diabo ruru-di, Belisibu ruru-di heka iribi riòlòdÿÿnyre. Tii tyytybybina mahãdu wedu rare.

16 Ijõ tamy rarybere: —Jesuisi, araeryrenykre inihe aõ biditeòsinykre wadeereny. Inatyhy aruru biuludu ratx-imyhÿre. Widÿÿnaõ inihe wadeereny bitÿnynyke kialemy heka rarybemyhÿre urile riurihimy tamy aõ itxerenamy ri-winykelemy.

17 Jesuisi tahe rierymyhÿ aõmybo raraykynymyhÿreny. Tai heka tamy tuu rarybere: —Kia iny mahãdu wiribi hitximy raraykywydynykeki, tii tahe rexihuke itueke, sÿ mahãdu tule wahe.

18 Timybo Satanasiboho bedee widee ribinanymyhÿrenykeki, awityhymy roirekre. Jiarÿ araeryrenyri timybo taraykynytenyteri. Aõma Satanasi ruru-di tyytybybina ariòlòdÿÿnykemy tarybetenyteri heka reeryri.

19 Kia riki ariwinykeki, kaiboho tule wawesele tewinytenyte. Timybo? Mobo awiòhedÿÿdureny rare? Satanasi aõbo? Kaiboho boibenyke ixitòedÿÿmy awiòhedÿÿdureny-ò.

20 Jiarÿ Deuxu ruru-di ariòlòdÿÿnykeki, kaiboho bexi-jebenyke, Deuxu Iòlòna tahe adeereny iòhòra.

21 Hãbu deburehekÿ tadebòna-di taheto riyrubunykeki, rex-ityhynymy ronyke. Iaõmydÿÿna ibutumy iyrubudÿÿnamy rÿike.

22 Tahe ijõ kedehemynyke iratyre teburetyhy, tahe iaõmydÿÿna ibutumy iribi riwyke.

23 Iny wawana aõkõ ratxirerimy ihÿre, tii heka waribi hitx-imy ratixmyhÿre. Iny wawana aõkõ ratxireri, tii tahe aõtxile ramyhÿre ixideòna.

24 Jesuisi ijõ ijyy relyyre: —Iny-ribi tyytybybina ròhònymyhÿreu, tii heka rake ixitawo-di rake titxibo. Rubumy rarunymy rake. Bedeõ-ki rahakeki tahe, ròhòtinyke. Aròòsekre, tikibo rarawãhãòle.

25 Ixyby kòdòòsekeu tahe, isÿ ibutumy, tytymy roike irux-eraõ.

26 Idi ixityre ijõ rimyke debò inatxi reurò tyytybybinaõ. Idi tahe tamy rasÿnyrenyke. Iratyre tyhy wahe ibina. Iu kia ixisohojimy tyytybybina-di aõmysÿdÿÿmy raremyhÿu tahe, ihewo-ribi rimyra tahe iroona-ribi tahe aõnityhymy releke. Ibinatyhymy tamy rare.

27 Iribi tahe hãwyyõ rryyre ibutu ijohonamy: —Hãwyky heka aratxurananyre, aratibienyke heka iny bedekòby rare.

28 Tahe Jesuisi rarybere: —Deuxu Rybe tyhydÿÿdumy iratyre wadee awire. Deuxu deysanamy tamy kanakemy idi watxireri.

29 Idi tahe inysòwetyhymy dehemynyde Jesuisi-ò. Jesuisi kiamy rarybere: —Iny heka kia mahãdu ibinatyhymy rÿire

aõwihikỹle heka riijemy rỹire. Itxerenaõmy robikre ratxireri tahe itxerena Jonasi-ribi nadelemy tahe robikre.

³⁰ Jonasi heka Ninive hãwã mahãdu-ò itxerenaõ heka tii rare. Tule jiarỹ heka Deuxu Riðre Hãbutyhyhykỹ rare wijin-abòdu mahãdu dee itxerenaõ jiarỹ rare.

³¹ Ibòò mahãdu bede konana-ribi iòlò hãwyy Salomaõ bede eryhykỹ-ò ijõhonamy irehe-ribi nade. Wijinabòdu mahãdu taheka naõhyamahãde wadee ijohonamy. Salomaõ ratyre heka jiarỹ watzireri. Ikonana txu tahe ibòò iòlòhãwyy rỹikre rarybekremy. Tii rarybekre: —Anoherekibo Jesuisi deramy teakamahãtenyte wahe. Timykibohe irybe bedekeryna-kò ijohokuna rỹikõmyhỹreki wahe.

³² Ninive hãwã mahãdu tule rỹikre rarybekremy iwesele. Jonasi rybe tỹnydỹỹna-ki rexirãhĩrenyre. Kaki heka Jonasi ratyre hãbuõ ratximyhỹre, jiarỹ wahe. Wadee ijohonadu aõkõ heka toite.

³³ Moheka loosõnaõ rideõhyymyhỹre herinarawo-txi toosò iwasihiikỹmy roosõmyhỹkemy. Tiiemy heka biuðhyy rade-myhỹre ibutumy bede ratỹnymyhỹkemy.

³⁴ Arue umy dori itỹnymy roimyhỹre. Arue awikeki heka ibutumy aumy awikre. Arue ibinakeki tasỹ aumy heka bedel-
lorokile rỹimyhỹkre.

³⁵ Awo toosõmy ratximyhỹre wana, bexiijemahãke. Aumy biemahãke bedeloro-ki rurunyheny.

³⁶ Bedelrohokỹ aumy-ki rỹiõmyhỹre wana, tai tahe boosokre ibutumy titxibo bede-txi mamahãkre wana.

³⁷ Jesuisi kiamy rarybereu tahe, fariseu mahãduõ tamy rarybere: —Manake wasỹ-ki rikiroxikremy. Tai tahe Jesuisi rare, ralore, ronyre roximy.

³⁸⁻³⁹ Jesuisi ronyreu, tebò risuhòðre. Tai tahe idi bede riòtiinyre. Jesuisi rarybere: —Kaiboho fariseu mahãdu, ibutumy heka txisuhòsuhòmahãtenyte. Ebò tesuhòmahãte, aumy ibutumy tesuhòmahãtenyte. Webòròsityyludu wahe. Kai-boho heka isuhukỹlemy toimyhỹte ibutu aõikõkõ-di isumy roimyhỹre aworeny-ki.

⁴⁰ Iu heka òbitimy taraykynytenyõhyymahãtenyte. Deuxu heka iwebrà ludu riwinyre, inatyhy? Tule aworeny, araykyreny wana riwinyre.

⁴¹ Iny aõkõ mahãdu-ò maruxetðemyhỹbenyke. Tai tahe byranybenykre heka. Ibutumy awo-ki, ahana-ribi tule ryranykre.

⁴² Kobe làhãxe kaiboho fariseu mahãdu. Kaiboho Deuxu dee tewahinymahãtenyke uriõno. Debòwiò aõ tetatenywana heka, sohoji tewahinymahãtenyte. Tule aõmydỹỹnareny aoworuludurenyõ tewyteny wana, tule

tewahinymahātenynte. Kia awire, biwahinymahābenyke. Urile tahe teerytenyōhyymahātenynte Deuxu luuna, Deuxu òbitina. Biwahinymahābenyke heka Deuxu dee aōmydỹnaō. Tii tahe awire. Tule nohōti losarenyōmyke, luuna, òbitina.

⁴³ Kobe làhàxe kaiboho fariseu mahādu. Dohodỹna heto luureny ikoòhòkỹle heka torokomahātenynte. Kaiboho arybedỹnareny-ki awimy tahamyhỹtenynte.

⁴⁴ Kaiboho kobe làhàxe. Wobrona wesemy toite. Iwese iny rubuhāloo tyremy iny rariamyhỹre wese ierykōnamy, kiawesele toite.

⁴⁵ Bede ywina bede erydỹduō heka tai ratximyhỹ. Tii tahe Jesuisi-ò rarybere: —Erydỹdu, kai heka aōbinahakỹlemy wamyreny tarybeteri, kia wese rybe-ki.

⁴⁶ Inatyhy rare. My tahe Jesuisi risỹnyre: —Inatyhy dori tule bironybenyke aōhòkỹmydỹnana. Iny dori adeereny rarybemyhỹre iny rybe bityhynymyhỹbenykemy tahe ihārele tetyhynyōhyymahātenynte. Bede ywina ritidỹna tewinymahātenynte, ihārele tahe tiu heka tetyhynyōhyymahātenynte.

⁴⁷ Kobe làhàxe kaiboho, alahireny, alabiereny wese toite. Iwese tiiboho Deuxu rybedu rirubunyre wese kaiboho toite.

⁴⁸ Kaiboho rubudỹdumy toite. Òbitile tewinymahātenytelemy ixidee tahōtinymahātenynte.

⁴⁹ Deuxu tahe rarybere umyrenymy wahe: —Tahe jiarỹ aditeònykre heka Deuxu rybedỹduō tule Deuxu deòdỹnaō heka aditeònykre. Imahāduō birubunybenykre ihona tahe biteònybenykre.

⁵⁰ Kaiboho heka bede òrarumy boibekre kia rubudỹ òraru erydumy wahe.

⁵¹ Abeli hālubu txiwina tahe xiwena hure rubuna. Idi tule Zacaria hālubu txiwina wahidỹna bire-ki heka Deuxu hetobire-ki. Kohe, ihure rubureny òraru-ki aōhòkỹhỹkỹmy biòwynybenykre.

⁵² Kobe làhàxe, kaiboho bede ywina erydỹdu mahādu, bedeeryna ijò rayna dinoduboho wahe. Kaiboho tahe terònyōmy bede eryny heto-ò. Tule inywitxiraō tetònytenynte iròte lau.

⁵³ Jesuisi ròhònyreu, teburemy tiiboho ritỹraksinymyhỹre aōna aōnamy.

⁵⁴ Tuu ròtỹraxidỹmyhỹre timykibo rirutaònyrenykemy.

12

¹ Sōwemy iny tahe ributunyre. Ube tahe rỹximy ratxireri. Tahe juhūu Jesuisi taerydỹdu mahādu-ò rarybere: —Fariseu mahādu, saduceu mahādu urina biebenyke. Tiiboho dori ruidu mahādu roire.

² Wasimy wiji adeeremy relyyre. Tiu ta ibutумы ijyynamy r̄yikre

³ Aõbo wasimy wiji taholate heka ibutумы biurasòmy rat̄ȳnykre.

⁴ Uritere iny lau brebuõmyke. Aumyle tii rirubunykre. Ijõ ibinamy adee aõkõ tii rot̄ȳnykre.

⁵ Iny lau sohojile breburenyõmyke. Deuxu lau ta buberukre. Tii dori atyytyby bede bina-ò rahuke ixideewikeki.

⁶ Nawiiõ kaiboho bidymyh̄benyke iõwy riõre iny heka riwymyh̄rekre. Ibutумы heka Deuxu nawii rieryre sohoji sohojimy.

⁷ Deuxu ara erymy heka aõma arati-ki tiwesebo aradeti r̄ymyh̄re rierymyh̄re. Brebuõmyke, aõma Deuxu heka anaerymyh̄re nawii sõmo ratyre heka rierymyh̄.

⁸ Kai marybeke: —Jiar̄ȳ Deuxu retyhynre dori tahe umy arelyyke Deuxu ŷjukomy rarybeke biu-ki wahe, jiar̄ȳ Deuxu Riõre Hãbutyhyk̄ȳ wahe.

⁹ Iny sõwehek̄ȳ-ki riwatxiõnykeki tule aritxiõnykre jiar̄ȳ Deuxu ŷjuko-ò.

¹⁰ Inyõ Deuxu Riõremy aõbina binamy rarybekeki, irybe-ribi nohõtilosa r̄yikre. Deuxu Tyytybytyhymy tahe inyõ ibinabinamy rarybekreki tahe, aõhõk̄ȳmy rot̄ȳnykre irybe òraru-ki.

¹¹ Aramykeu heka uritere nohõtiõmyke aõmobo marybekremy ywisid̄ȳna-ki. Bede heka ariwahinykre rybed̄ȳnanau. Rybeõmyke ikotyre.

¹² Kai ixiwanaale aõkõre marybeke. Deuxu Tyytybytyhy arãwiõhenanymyh̄reny.

¹³ Hãbuõ inysõwey-ki tahe Jesuisi-ò rarybere: —Wanyr̄ȳ, Waha rurura. Waseriõre tahe ibutумы waha aõna aõna riwyrã ixidee sohojile. Tamy marybeke wadee ritxuranykemy.

¹⁴ Jesuisi tamy rarybere: —Hãbu, kia waaõmyd̄ȳna aõkõ rare. Timybo ayreny-ki araywisid̄ȳnyke?

¹⁵ Tahe Jesuisi ibutумы iny-ò rarybere: —Warybe-ò bodoholabedenyke. Ixityhyõmy! Arutyhy heka aaõna aõna-ki aõkõ rare aõna aõna sõwerehãre.

¹⁶ Tahe Jesuisi ijyymy røkewesenad̄ȳre: —Hãbutyhy riki ioworu nihik̄ȳre. Tahe sõwemy r̄ys̄na ributunyre.

¹⁷⁻¹⁸ Iheto tahe iyjare ibutумы ributunykemy. Tahe ixidee rarybere: —Aõhebo arot̄ȳnykre? Waaõnaheto butумы aritxiwikre. Ijõ iribi inihik̄ȳmy ariwinykre. Tai ibutумы waaõwiwi. tamy aridekre.

¹⁹ Tai tahe ibutумы waõwiwi-di areysakre. Arexielehynykre, ariroxikre, ariõkre. Waruhyy areysakre.

²⁰ Deuxu tahe kia hãbu-ò rarybekre:

—Hābu itxýttere. Kai wijirulemy burukre. Tai tahe mobo aõna rimykre.

²¹ Jesuisi taijyy rihure rexirybenymy. Kia heka aõhebo rotýttynyre iny ityhy mahādu. Tiiboho dori Deuxuòle ityhymy aõkõ ihýtreny.

²² Kia heka Jesuisi taerydýttyna mahādu-ò rarybereri. Uritere nohõtìòlemy arýttyna tule atyymy, idi matykynykemy.

²³ Aumy heka rýttyna ratyre aõnityhy ratximyhýtte. Aumy heka atyky ratyre aõnityhy ratximyhýtte.

²⁴ Nawii-di betehebenyke. Tiiboho heka ioworuðreny. Tarýttyna riyrubunyðhyymyhýtteny. Deuxu heka nawii riyrubunymyhýtte, irýttyna tamy riwahinymyhýtte. Kaiboho tahe nawii ratyretyhy toite Deuxu dee.

²⁵ Sõwetyhymy maraykywydynanykeki aõbo arumy ari-rarehemy mariake? Aõkõre!

²⁶ Kia aõ iyjare tahe Deuxu-ò. Kia biwinybenyðkeki, aõherekibo ijõ aõna aõna nihikýt-di tahõtinyinmyhýtte?

²⁷ Betehemy inihe noijasa-di. Aõma tiiboho raaõmysýttyðhyymyhýtteny. Ihāre tahe iruxerareny ity wiwihikýtreny wese. Tyy ixidee riwinyðtyhy Deuxu rityyny wihikýt heka tyy wihikýt tamy riwahinyreri. Salomaõ heka ityynihikýt rare. Ihāre tahe ity heka awityhymy aõkõ noiròsò wese.

²⁸ Deuxu heka noijasa rityynymyhýtte kia wijilemy idi ihýtte. Biurasòmty tahe ixāwimy reamyhýtte. Tii heka tyy adee kidi-wahinykre. Tai tii atyreny. Tai ta ixinohõtityredýttyrenyòmty. Aõherekibo ainatyhyna ibutere?

²⁹ Tahe raykyòmty nohõtìòmty titxiribibo arýttyna adee kanakredi.

³⁰ Tyhydýttydukõdu mahādu heka tuure. Inytybyreny heka rierymyhýtte aõmybo tarumahāte. Ibutumy heka arerymyhýtte aõmybo teamyhýtte.

³¹ Tii Deuxu aõmy dýttynana sohojidile maraykynykeki heka tii ibutumy adee riwahinykre.

³² Brebuòmty ahābenyke wariðreboho. Deuxu Iòlòna adee kanakemy, Deuxudeewina wahe.

³³ Aaõna aõna-di bohonybenyke. Iòwy tahe iaõkõdu mahādu-ò biwahinyke. Anieruhyna wiwihikýt dile boibeke. Kaki ibutudýttylemy heka biu-ò bibutunyke. Tai heka judòera aõ riròðtyhy tule rararyðtyhy. Tule tai wasidu ralòðtyhy.

³⁴ Tikibo aõwirenny rýttykeki, tai heka araykyrenny ratximyhýtte.

³⁵ Ijõ tahe Jesuisi rarybere: —Kaiboho bexiywinybenyke, ibutumy aõhebo rotýttynykemy bexiywinyke. Awereysanarenny-di atyky beximykete. Aloosõna bitoonyke.

³⁶ Deõdu mahādu wesemy boibenyke. Bexiywinybenyke awedu dehemyntyna-ò, tii worana bedehesi-ribi

rehemynyremy wahe. Iu rehemynyreu, teòdu mahādu heka ijò riraynyke.

³⁷ Tiiboho riraòrenykeki, deysamy rỹikre. Iwedu dori reximykre ityky wereysana-di tahe rỹsỹna teòdu mahādu-ò riwahinykre.

³⁸ Tii ruwetyakile rehemynykeki, deòdu mahādu reysakre. Tiiboho dori rexiraòmy rỹimyhỹrenyre.

³⁹ Tai heka iny rexiywinymy rỹimyhỹkemy rybe roimyhỹre awedureny kanakreki. Aõma hābuõ kanakeki heka tiu aõma hābuõ itxeredumy ronykeki heka, tiu hābuõ iribi rawasinyõtyhy.

⁴⁰ Kaiboho tule bexiywinymybenyke wadehemynyna txu heka biijemy bonymyhỹbenyke.

⁴¹ Tahe Pedro rarybere: –Wanyrỹ, kai wadeerenyle ijyymy telyyte ada ibutumy iny-ò aõbo telyyte?

⁴²⁻⁴⁴ Tahe Jesuisi riwyònyre: –Aõtxile inyõdee, tibo deòdu taaõmysdỹỹna riywinymyhỹre, kia idinodu tai awimy rahamyhỹre tii dori rỹsỹna òbitimy riõriõmyhỹre. Idi tamy aõwiwi riwahinykre taaõna aõna-di itxeredumy tule risỹnykre.

⁴⁵ Tii iwitxiramy rexiraykynykeki tahe, ijõ teòdumy raòhòtemy urile idi risinymy kamy rexirybenymy: –Wawedu dori wiji aõkõ rarerikre.

⁴⁶ Tai ierykõna-di iwedu kedehemynykre. Tuu rierymy iaõmysdỹỹna-ribi ritamy aõhõkỹmy risỹnykre ityhydỹỹdukõdu mahādu wese.

⁴⁷ Deòdu tawedudeewi rierymyhỹre. Tai heka tuu rotỹỹnyõkeki, tii tahe sòwemy aõhõkỹmy rotỹỹnykre, òhòtemy wahe, tamy riywinyõreki.

⁴⁸ Ijõ deòdu tahe tii iwedudeewimy rieriyõkeki, tii tahe aõbinamy riwinykeki, tamy tahe urihimyo òhòte tai rỹikre. Inyõ sòwemy ityhykeki, sòwemy ijõ iny tamy rexitòenykre.

⁴⁹ Jesuisi ijõ rarybere: –Heòty-di bede ariworonykemy heka jiarỹ anade. Tii òte raworonykremy idi watxireri.

⁵⁰ Jiarỹ ratisebenaõwesemy aralokre. Arurukre dori. Ele elemy rỹikemy ixi-di watxireri.

⁵¹ Kaiboho tahõtinyte wadehemynyna-di. Ywina adiydemy wadi tahõtinyte. Aõkõrehe, bede jei jeidỹỹmy anade iribi widee rahitxihitximy rỹikremy.

⁵² Iruyre inysỹ mahādu heka widee rahitxihitximy rỹikre. Inataõ iny iuhe òludumy rỹikre.

⁵³ Hābu mahādu heka tyby òludumy rarekre. Hāwyy tule tadi òludumy rarekre. Iriokorese heka tariòrelahi òludumy rarekre.

⁵⁴ Ijõmy Jesuisi rarybere: –Iu biuwetyky biura-ribi ròhònyreu, Kaiboho kia rybemy tarybemahātenyke biu kòdòakre. Inatyhymy biu ròamyhỹre.

55 Tule tarybemahâte. Yhy ibòò-ribi rebonyreu, bede ratòteekre. Inatyhymy tuu ratòteemyhÿre.

56 Itxenadÿÿdu mahâdu! Kaiboho kia terymahâtenyte bede, biu aõmydÿÿna tule iwitxira aõmydÿÿnana teerytenykõlemahâtenyte, bededÿÿnana konana eryna wahe.

57 Ijõ Jesuisi rarybere: —Kaibohole teywinyõmyhÿtenyte, aõòbitinamy wahe.

58 Aõòrarumy heka aòludu umy rarybekeki, idi ywisidÿÿna ube-ò aradykemy ratxireri, tii-wana widee marybeke idi widi bede biòbitinykemy. Aõkõkeki, tii aradykre ywisidÿÿdu-ò idi ròtenawo-ò soldado mahâdu araròtenykre.

59 Tiu heka aòlòkõmy heka mabekre. Ibutumy iòwy biòwonyke xiery bòhònyke.

13

1 Tahe inyõ Jesuisi-ò relyyre: —Pilato rybemynamy Kalileia mahâdu rururenyre Deuxu-ò raxiwerenyre riò.

2 Kia ta Jesuisi narybede: —Kaiboho tìmybo irubureny-di texinohòtinytenyteri. Ijõ wiratyre raòrarunanyrenyrekiki aõbo?

3 Ture aõkõ, kaiboho bexiràhĩòbenykeki tule burubenykre irubureny wese.

4 Iasÿse ijõ. Iu Silòe hãwã mahâdu tyre heka heto rarie resereu 18 iny sõwe rirubunyrenyre. Arãÿÿraxikre Jerusalê hãwã mahâdu ratyre raòrarunanyrenyrekiki aõbo? Aõbo tahòtinytenyteri?

5 Kaiboho bexiràhĩòbenykeki tule burubenykre irubureny wese.

6 Tahe Jesuisi kaa ijyy-wana rikewesenanyre, Figoratyò wese heka. Tahe Jesuisi kaa ijyymy delyyde: —Hãbu oworu-ki figoòò rÿimyhÿre. Tii iraty dilawijunyde tiubo. Tahe iraty-txi reakõre.

7 Tahe hãbu taoworu-di itxeredu-ò narybede: —Inataõ wyramy relawijunyre tahe aõkõhyra. Urile ta biòròkre. Iraty ihoòreki, awi aõkõ rare.

8 Tahe oworu-di itxeredu dirawyònyde: —Wawedu, txioini kawyramy idi warukikre, isu ariwinykre.

9 Aõkõhykrekiki tahe urile raorokre ijõ wyrau.

10 Judeu mahâdu elehyna txuu Jesuisi rotohodÿÿmyhÿ judeu mahâdu dohodÿÿna heto-ki.

11 Tai ta hãwyyò ratximyhÿ. Tii 18 beòra webinadumy ratximyhÿ tyytybybina òraru-ki. Tii iumy rarabunymy rariamyhÿre. Ixitaradÿÿ risiranymyhÿre.

12 Jesuisi tuu robireu, tamy narybede: —Hãwyy, kai heka teytemy tate.

13 Tahe Jesuisi tebòmy rimyre iuleta reytere. Tai tahe hãwyy heka Deuxu riwowydinyre.

14 Dohodỹỹna heto wedu tahe ibinamy Jesuisi-ki rahare, judeu mahādu elehynatxureki wahe. Takamy inyreny-ò narybede: –Debò sohoji reurò txumy aõmysỹdỹỹnamy rỹimyhỹre iu heka adeytemy ixi-di bòdòimyhỹke, judeu mahādu elehynatxu ta aõkõre.

15 Tahe Jesuisi dirawyònyde: –Kai, itxenadỹỹdu tate uriteremy iximy rybedu. Kaiboho judeu mahādu elehynatxu dori abroneni, aawaru heto-ò toimahāte tuu teesenymahātenyte, tedymahātemy idi ibemomodỹỹmy bidybenykremy.

16 Kaa heka Abraõ riore riõreõ heka Satanasi 18 beòramy rimyre. Aõherekibo ta iribi retaraki sabadotxu ibinamy taha-teri.

17 Tahe Jesuisi òludu mahādu raixỹrurenre Jesuisi rybe òraru-ki. Tahe ixỹ mahādu awityhymy tai rahamyhỹ iòraru-ki. Ibutumy reysarenre.

18-19 Tii rarybera: –Deuxu Iòlòna wexe aõwesere. Aõ-ò wexe rikiwesenanyrenykre. Tiwexe ijyy kawesere? Deuxu Iòlòna heka alòbòròna sõmo sõmo wesemy ratximyhỹre. Raumynyreu heka òwòru rariwesele relemyhỹre. Nawiile tuu rỹtỹnymyhỹre kia òwòru-ò.

20 Ixityre tamy rarybere: –Aõ ijyy wese heka Deuxu Iòlòna rare. Aõwexe rikiwesenanyrenykre.

21 Paõ ixiòlòdỹỹna wese rare, iuri rare. Hāwyy paõ riwinymyhỹreu, inataõ urihixina-ki iuribemy riurinymyhỹre. Tai tahe raubỹtỹmyhỹre, rexiòlònymyhỹre.

22 Jesuisi tahe Jerusalē hāwā-ò rareu, hāwā hāwāmy rotohodỹỹmy.

23 Iu inyõ ritỹỹraxinyre: –Wanyrỹ, Hedu mahādu we sõwekre aõbo?

24 Jesuisi tamyreny narybede: –Bexityhynybenyke ijòyja-di birònybenykemy. Sõwemy iny tahe ròtemy reakre tahe ralòõhykre.

25 Hābuõ kie taheto ijòtòbòna ritòbònyre. Iu kaiboho uritere bydyrydenykre: –Wanyrỹ, aralòrenyke ini. Kiata tii anawyònydenykre: –Tiludubo toite, araeryrenyõre.

26 Kamy ta bidiwyònydenykre: –Inybohole riroximy roiremyhỹ. Wahāwāreny-ki tòbedeerydỹỹmyhỹ.

27 Ixityre anawyònydenykre:
–Boibenyke aõbina bina widỹỹdu.
Tiludubo toite dori reerykõre.

28 Deuxu iòlò-ki Abraõmy, Ijaimy, Ijaòmy, tule ibutumy Deuxumy rybedu mahādumy bobibenykreu, kaiboho malòbenyòtyhy. Tai hii, ibru, jumytata rỹikre.

²⁹ Iny ibutu bede bede-ribi, Ibòò-ribi, Iraru-ribi, Biura-ribi, Beà-ribi Deuxu iòlò-ò hãwãmy.

³⁰ Kiaremy ta, koludu mahãdu heka ibutuhewomy kedeakre. Ikõmyta, hewoludu mahãdu, koludumy kedeakre.

³¹ Iu ta fariseu mahãdu Jesuisi-ò narybedenyde: —Mahenyke, Herodi dori arubudỹỹmy araijereri.

³² Jesuisi dirawyònyde: —Bòòsebenyke kamy ijòrò-ò marybebenykre: —Jiarỹ tyytybybina iny-ribi retareri, tule ròteytedỹỹreri wiji biurasòmy. Ijõ txumy ta waaõmysỹdỹỹna arihukre.

³³ Kiaremy ta kia rewinyreri arihukre. Deuxumy rybedu dori Jerusalẽ hãwã-ki sohojile rurukre, iwitxira hãwã-ki ta aõkõre.

³⁴ Jerusalẽ, Jerusalẽ hãwã, amahãdu heka rirubunyunyryre Deuxu rybedu mahãdu wahe. Iwese hãnie tariòre ributunymyhỹre wese terawo-ò, kia wesele arayrubunykyre rexinohtinyre tahe kaiboho terarenyre.

³⁵ Aheto-ribi heka Deuxu rexitakre. Kaheka ararybekre adeereny: —Wamy heka bobiõtyhy ixityre. Tiutxumy kamy bexirybenykre bede-ò, myỹ:

—Deuxunimy nodu awityhy heka rare. Kiaule wamy bobikre.

14

¹ Sabadoõu Jesuisi heka fariseu mahãdu wedu mahãduõ heto-ò ralore roximy. Tahe iny idi retehemyhỹreny.

² Iu inyõ taruti, tadera-di taritari-di tamy dehemynyde.

³ Tahe Jesuisi narybede bede ywina erydỹỹdu-ò, fariseu mahãdu-ò: —Sabado txuu deytedỹỹwe awire aõbo, aõkõre aõbo.

⁴ Tiiboho rirawyònyõhyyre. Tahe Jesuisi hãbu riteytenymy bede riywinyre iribi tahe riòlòdỹỹnyre.

⁵ Ixyby narybede Jesuisi: —Txibo kaiboho ariòreõ ada abroreniõ hãloo-txi resekeki, bitabenyke Sabadotxu hãrele. Aõhe inatyhy.

⁶ Tiiboho rirawyonyõhyyre.

⁷ Tahe Jesuisi roxidu mahãdu-di retehemyhỹre. Tiiboho dori rynana wihikỹ-txi rononymyhỹreny. Tai kamy tamyreny rarybere:

⁸ —Txibo inyõ bedesanaõ araarikeki. Uritere ryanawi-ò rỹõmykre. Txibo dori inyõ aratyre ityhy kanake lau.

⁹ Tukeki bedesa dinodu inyõ aratyre-ò arynana-txi ronykemy adee kanarybekre. Tai tahe maixỹrumy rynana bina-ò bonykre.

¹⁰ Kialemyta inyõ araarikeki, rynana bina-txi bonykre. Tahe bedesa dinodu adee kanarybekre: —Wy, katxi

bodonyke ryanawihikỹ-ò. Tai tahe kai mabedesakre ibutuko-ò.

¹¹ Tahe ixityhydỹdu mahādu uritere reakre. Kōmyta uriixi dinodu mahādu rawowydykre.

¹² Tahe Jesuisi bedesa dinodu-ò rarybere: –Txibo roxina biwahinykeki, uritere asỹ mahādu, aery mahādu, ityhy mahādu aarixiōmykre. Urikō-ribi iwese teariteri wese araari-heny.

¹³ Tukōmyta roxi biwahinykeki, uriteremy rỹira mahādu, iny tiere mahādu, iny ruetà mahādu biarikre.

¹⁴ Tai adeysatyhymy mabekre. Tiiboho dori tiu ixiwesemy araariōtyhy. Deuxu tahe aōwydỹdukre iu bede awikreu.

¹⁵ Ijō roholare Jesuisi rybe tai tamy rarybere: –Deuxu Iòlòna-ki, òwòrubese rỹdu mahādu reysamy rarekre.

¹⁶ Tahe Jesuisi rarybere: –Inyō roxina nihikỹō riwinykemy ratxireri. Sōwemy iny ritobinyre.

¹⁷ Rexihumy rỹireu, teòdu mahādu bede riywinyre iny ki-didykremy.

¹⁸ Sohoji sohoji tahe tarybe tamy riwahinyre. Ijō taoworu tỹmyra-ò reteheke. Ijō kanaōtyhy heka.

¹⁹ Ijō tahe broreni debòitue riōbranyre tai riurihikreki kanaōke.

²⁰ Ijō tahe hāwyy herinamy rexihumy rỹire tai kanaōke.

²¹ Teòdu tahe ròðsera tawedu-ò tamy relyyre. Tii reburere tahe rarybere: –Wylemy makre ibutury-di hāwā-ki. Ibutumy iny witxira witxira bididyke, iaōkō mahādu, itiere mahādu, ruetà mahādu wahe.

²² Iribi tahe teòdu ròðsera rarybere: –Ibutumy rewinyre wawedu, tahe heto rỹxiōmy rỹire.

²³ Tahe iwedu ixybmy bede riywinyre hāwā-ribi ibryrary-ò iny kididykemy: –Aruru-di bididyke, waheto dori rỹximy rỹirakremy idi watxireri.

²⁴ Juhuu watobidỹna mahādu warỹsỹna riurihiōtyhy.

²⁵ Iu sōwemy iny Jesuisi heludumy roire. Tai Jesuisi tamyreny rarybere:

²⁶ –Kaiboho aōbo inatyhymy waluu mahādumy toite. Tuu tarybeta. Tahe boluu, adiluu, ahāwyyлуу, ariòreluu, aseriòreluu, ixiluu ratyre waluuōkeki, wamahādumy aōkō boibeke.

²⁷ Inyō riwaheludunyky ratxireri, tii juhuu taitxeò riwykre. Kialemy tahe riwaheludunye inatyhymy.

²⁸ Inyō heto rare riwinykemy ratxikeki, juhuu iòwy-di rōhōtinykre. Inieru rimykeki tahe riwinyke, aōkōkeki tahe riwinyōtyhy.

²⁹ Tii tuu rōhōtinyōkeki, tii ibutelemy riwinykre tahe inieru ituereu, ibutumy iny idi risinykre:

30 —Tii taheto rarei ritelenyre tahe rexihuõtyhy.

31 Iòlòõ wou riwinykeki, juhUU taaõbinadu mahãdu-di rari-amyhÿre. Idi rõhõtinyre. Ijõ iòlò wawiò mil soldadomy ijõdikeki, tahe tii debòwiò mil ijõdikeki, tahe wou riwinyõtyhy.

32 JuhUU tahe teòdu riteònyre ijõ iòlò-ò ireheribile tii-wana wou ixãwidÿÿmy rarybekemy.

33 Akireny tule iweselere. Ibutumy aaõna aõna biriõbenykeki, waheludu mahãduõmy boibeõtyhy.

34 Saa heka aõni awi rare. Tatxuberere rexihukeki tahe turibi ixãwike.

35 Tai tahe suurina-ki ahirana silÿna binakõki awiõhõtidiirenykeki boholabenyke warybe-ò. Suò awiõre, tule ahirana bitòbònykemy awiõre. Urile idi behuke. Kaiboho õhõtidiirenykeki, boholabenyke!

15

1 Idi nieru tarasadu mahãdu sõwemy tamy roholamy doide. Tule ijõ iny òrarudu mahãdu rehemynyre.

2 Fariseu mahãdu, tule bede ywina erydu mahãdu kawesemy rarybere: —Kahãbu ibinare. Tii òrarudu mahãdu-wana riroximyhÿre, iny iehehe-wana.

3 Idi Jesuisi rierynanyre ijyy-di rawesenanyre.

4 Kaibohoõ òsana 100 budoeni ijõdire. Sohoji heka iy-ribi iõre. Kai aõbo makre ijesemy? Kohe, iuhe, 99, birike bedero-ki tahe biòryhyke. Aõhe inatyhy?

5 Mahakre wana tahe eysamy atxikre. Tahe bidyke iuhe-ò.

6 Taheto-ò rehemynyreu, tasÿ mahãdu-ò tahe ritobinyre: —Wawana ini kÿny bedesabedenyke. Wabudoeni-ki rahara, iõreõ wahe.

7 Iwesetyhylemy taheka adee reerymahãre iny òrarudu mahãdumy. Iu sohoji iny rexirahikeki, biu-ki deysana sõwemy rÿikre. Iny òbiti 99my tahe urihimyo biu-ki deysana rÿikre.

8 Ijõ Jesuisi relyyre: —Hãwyyõ òsÿny womati ura nieru debòwiò dire. Sohoji iõre-wana, tii riijeke inatyhy? Loosõna ritoonyre, iube riwysynyre, sõwemy riijeke ihyymy tahe tai rahara.

9 Tii itxi reakreu, reysamy rÿira. Iu tasÿ mahãdu ritobinyre: —Wawana inihe bedesabedenykre. Wanieru-txi dokuri rahara.

10 Jesuisi tahe ritÿnynyre: —Iwesetyhyle biu-ki rare. Deuxu ÿju mahãdu reysamy roirenyre, sohoji òrarudu rexirahireu.

11 Ixyby tahe Jesuisi narybede: —Hãbuõ iriòre inatxire.

12 Tiutxumyta ihelÿÿna tyby-ò rarybere: —Waha, ibutumy aõna aõna burukreu wadee rawahikre, wijile bidiwahinykre. Tyby tahe iaõna aõna jura tamy riwahinyre.

13 Iriòre helỹỹna tahe ibutumy taaõna aõna-di rare irehe-ò, iwitxira bedehãwã-ò. Tai aõbina binale riwinymyhỹre. Ibutumy tanieru tai rahure.

14 Taaõwiwi rahu-di ta, tai rama ibede mahãdu rahumyhỹre. Tii uritere reamyhỹ wahe.

15 Tahe aõmysỹdỹỹnamy rarunyre. Hãwãduõ tahe taixỹniòwedỹỹdumy bede riywinyre taoworu-ò.

16 Tai rama risamy ta ixỹni rỹsỹna rỹsỹmy rexinohõtinyre. Tahe aõkõre.

17 Kia tahe tõhõti deade. Kamy dexinohõtinyde: —Yla aõkõ waha aõmysỹdỹỹdu mahãdu irỹsỹnadireri iwana jiarỹ kaki rama warubudỹỹmyreri.

18 Ixyby aròðsekre. Kamy Waha-ò arexirybenymy: —Waha, Deuxuko-ò ako-ò rexiitxỹtenyre jiarỹ raòrarunyre wahe.

19 Ariòre wese aõkõmy wadi mabeke, waitxỹte òraru-ki. Aaõmysỹdỹỹdu mahãdu wese ta ararekre myỹ tii rõhõtiny.

20 Tii tahe tyby heto-ò rare. Irehemy nadeò, tyby tuu do-bide. Idi rexiwobrunymy tamy rajaranyre iwehityhydỹỹmy.

21 Tahe tii narybede: —Waha, Deuxuko-ò, ako-ò rexi-itxỹtenyre jiarỹ, raòrarunyre wahe. Ariòre wese aõkõmy wadi mabeke, waitxỹte òraru-ki.

22 Iule ta tyby teòdu mahãdu-ò rarybere: —Wylemy tyywihikỹ tymyra-di bityynybenyke. Debòò tebò-ò roikre. Waõ-di rawanykre.

23 Tasỹse broreni riòre dedi birubunyenye. Idi rikiroxirenykemy rekeysarenkyre dori.

24 Wariòre dori rubu-ribi wese rexixara. Ikõ-ribi itxi ijara rỹira. Tahe rawobedesarenye.

25 Iwana ta iumydela tahetoreny-ò dehemynymy nade taaõmysỹdỹỹna-ribi. Tahe wobedesana-ò roholamy.

26 Tahe deòduõ-ò narybede: —Aõhereriwe.

27 Dirawyònyde: —Ahelỹỹna kie ròðsereri aõhe rotỹỹnyõhyylemy. Tai boo broreni rirubunya.

28 Iumydela tai reburere ròte deramy reare. Idi tyby tamy nade riròtenykemy.

29 Tahe iriòre dirawyònyde: —Aõhe òhòkõ adee raaõmysỹdỹỹnymyhỹre. Ibutumy arybe retyhynymy watximahãre. Ihãreta budoeni wadee tewahinyõhyymyhỹte, waijoi mahãdu-wana idi arexideysanykemy.

30 Katahe ariòre urile aõnawiwii rahura wedena mahãdu-wana. Ròðsemyta kai broreni riòrede tamy terubunya.

31 Tai tyby dirawyònyde: —Wariòre iny ratximyhỹre kiaremyta ibutumy waaõwiwi heka ahõrõle rare.

32 Iny bedesarenymy heka kawese rewinyre, wadee awireki. Ahelỹna dori ruruwese-ribi rexixara. Ikõ-ribi itxi ijara rỹira. Tahe rawobedesarenyre.

16

1 Jesuisi taerydỹna mahãdu-ò relyyre ijyyõ: —Hãbuõ inieru sõwere. Tamy deõduõ ibutumy inieru-di raaõmysỹdỹre ijõ nieru ributunykemy. Ijõtxu tahe inyõ rarybere: —Eõdu riki heka anieru-di õbitimy aõkõ raaõmysỹdỹmyhỹre. Anieru sõwemy rexihumyhỹre.

2 Tahe didyde ixidee taconta retehekemy. Tamy rarybere: —Inatyhymy aõbo umy iny rarybemyhỹre? Wanierumy tyyrity aretehekemy watzireri. Õbitimy aõkõkeki, waribi arateõnyke. Wanieru-di tiu maaõmysỹdỹnyõkre.

3 Tahe teõdu iximy rexiraykynyre: —Wadinodu riwateõnyke. Aõhebo arõtỹnyke? Warurukõre dori tahe aõmysỹdỹsira ariwinyõtyhy. Tule ijõ iny-ribi iixitõedỹna riwaixỹrure.

4 Reeryre tahe, aõhebo arõtỹnykremy. Aõwihikỹ wabiõwa dee ariwinykre. Riwateõnykeki tahe wabiõwasỹ-ò arakre.

5 Ibutumy nieru huõtedu mahãdu-wana rarybere, tawedu-ribi huõtedu wahe. Tamyreny rarybere: —Tiwesebo tewyta wawedu-ribi?

6 Tahe diwyõnyde: —Adỹ rehuõtera, 100 hynamy wahe. Tai tahe rarybere ijõ: —Iwekre tahe wylemy biritinyke, 50 wahe.

7 Ijõ-ò tahe rarybere: —Tiwesebo adeve? Diwyõnyde: —Trigo rehuõtera, 1000 prato wahe. Tai tamy rarybere: —Kai 800my biritinyke.

8 Iribi tahe hãbu ityhy heka teõdumy rarybere: —Tii inatyhy nieru erydu ratzireri. Tahe Jesuisi rarybere: —Kabede wijin-abõdu mahãdu heka aõmydỹnana erydutyhy rare, ityhydỹdu mahãdu ratyre wahe.

9 Tai tahe adee ararybekre. Kabede mahãdu biõwamy boibeke, anieru-di. Tahe anieru ituekeki, Deuxu taheto wi-wihikỹ-ò aradykre, biu-ò heto wiwihikỹ wahe.

10 Aõmydỹnana aõ aõkõmy kai õbitimy masỹnykeki, tule aõ nihikỹmy kai iweselemy mabeke. Inyõ heka ibutemy wasikeki, tiu tule aõ nihikỹmy rawasinykre.

11 Kaiboho heka kabede nieru-di õbitimy aõkõ atxibenykeki, tule biu-ki ararõsõna bitaõtyhy, aõ wiwihikỹ inatyhy wahe.

12 Iny witxira nieru-di heka õbitimy boibebenyõkeki, timybo anieru tyhy-di õbitimy boibeke.

13 Inyõ iny inatxi deõdumy aõkõ rarekre. Inatxinaõ dori iluukre, ijõ ta iluukõkre. Deuxu dee maaõmysỹdỹõtyhy. Tiu nierurahi inatyhymy teamyhỹteki.

14 Fariseu mahādu tamy roholareu, urile idi nierurahi risinyrenyre, tiiboho ire nieru ributunymyh̄renyre bōd̄ȳluurenyre.

15 Tahe Jesuisi tamyreny rarybere: —Kaiboho heka òbitimy inyko-ò xixi-di atximahātenyte. Ihāre tahe Deuxu timybo toimahāte rierymyh̄re aōna aōnareny bina. Aōmy hābu rexi-nohōtinymyh̄re, aōtxi-ki Deuxu-ò awiōhyyre.

16 Moisesi bede ywina rybe tahe tule Deuxu Rybedu mahādu awi rare, Joaō Sebedȳdu rehemynyre tahe ixāwire. Iu tahe Deuxu Iòlōna Rybe wihik̄y tamyra rōhōnyre. Kia tahe iny ritohod̄ȳnyre. Ibutumy iny kia-ò ralokremy idi ratxireri.

17 Biu, bede rexihuke tahe isiraōre. Deuxu rybe tahe rexihuōtyhy. Kia isiratyhy rare. Ityyriti rybe wedenaō riōnonoyōtyhy.

18 Hābuō tahāwyy-ribi ixāwikeki, idi iwitxira-wana roikeki, tii òtadu rare. Hāwyy ixedu-wana tii roikeki, òtadu rare.

19 Ityhy mahāduō riki tyy òwyhyk̄ywiwi-di rexityynymyh̄re. Tii idi rexirabedesirananyh̄re. Awimyh̄re tuu ratx-imyh̄re.

20 Tahe urimynodu tyymy binadumy iijò-ki ixibyby ixibyby ratximyh̄re. Lazaru inire.

21 Tii ityhy r̄ys̄nauhe rir̄ys̄kemy raòbirenymyh̄re. Ijòròsa dori itybinatòm̄y dirahumyh̄de.

22 Lazaru rurureu, ȳju mahādu ridyrenyre biu-ò ilabiereny rora-ò, Abraō wahe. Tule ityhy rurure idi rituunynyre.

23 Tahe rubu-ki rubu mahādu bedebina-ribi aōhōk̄ȳmy d̄ȳnana ityhy Abraōmy robire irehe-ò Lazaru tule irora-ki.

24 Tahe ityhy dyryde: —Abraō, walabie, wadi inihe bedexiwoboronyke. Lazaru ini wadee tebò-ki beruty-di kanake wadòròtò elehynamy. Jiar̄y dori raòh̄ȳt̄h̄ȳt̄ȳreri kaheòtywo-ki.

25 Tukōleta, Abraō narybede: —Dàa aōwihik̄y-di tate-myh̄y-di bexinohōtinyke. Tukōlemyta Lazaru aōbina binahak̄ȳle rimyre. Tahe kaki aōwimy Lazaru ratxireri. Tukōmyta kai ibymy atxiteri.

26 Ihāre ta hāloohuk̄y inyko-ki r̄yire. Timyki kaludu kia-ò iòhòreseōna. Tule kia ludu kaò iòhòreseōna.

27 Hebose, Abraō walabie, kamy ityhy narybede, Urile Lazaru was̄y-ò biteònykekō aōbo. Waseriòreboho deòwarisid̄ȳmy.

28 Waseriòrereny dori iruyrerenyre urikō-ribi kabedebina-ò kòdòiheny.

29 Tahe Abraō diwyònyde: —Tiiboho dori Moisesi tyyriti, Deuxu rybedu mahādu tyyriti dire. Tii tahe tamy roholarenymy rityhynynyre.

³⁰ Ityhy narybede: —Aõkõre Abraõ walabie. Kia inyõ tarubu-ribi rexixamy ròðsekeki xiery ta, taðrarunareny-ribi rexirahĩrenyke.

³¹ Tahe Abraõ dirawyònyde ixyby. —Moisesi tyyrity rybe-ò, Deuxumy rybedu mahãdu rybe-ò roholaõkeki, tii mobo rexixake tule ityhydỹõna.

17

¹ Tahe Jesuisi taerydỹõna mahãdu-ò rarybere: —Kiemy inyõ wodohonadỹõmy aradykre òraruna-ò besekemy. Kobe làhàxe tii kiawesemy rotỹõnykreki.

² Tii dori ibinatyhy rare. Wadee heka kabera-txi mana-di rataataamy sỹy-ò reakenawi rare. Tukõmy uri-ribi watyhydỹõdu tỹmyraõ riðrarudỹõnyheny.

³ Bexiijebeny ta. Aityhydỹõdu seriðre rexiðrarunanykeki, tamy marãhĩke. Tii rexirãhĩkeki, iaõna aõna bina-ribi bexinohõtilosanyke.

⁴ Txu sohojiõmy adee rexibinanykeki, kai tule ibinamy tai mahamy. Tii ìxi-di rexiwotðenymy adee nakeki, tule idi bexiwobrunymy bexinohõtilosanyke iaõna aõna-di.

⁵ Jesuisi erydỹõna mahãdu dexitðenydenyde: —Wanyrỹreny, wainatyhynareny ini bisõwedỹõnyke.

⁶ Jesuisi dirawyònyde: —Ainatyhynareny heka sunysisõmo wesekeki, kamy bederarade-ò marybebennyke: —Bexitake inihe idi bera-txi myike. Tahe tii aratyhynykre.

⁷ Titxibo kaibohoõ eòdudirenykeki aoworu-di itxeredu ada budoeni-di itxeredu wahe. Tii taaõmysỹdỹõna-ribi kanalokreu, kawesemy aõbo tamy manarybekre? Wy, wylemy rikiroxikre dori.

⁸ Timyki kawese tamy arybeõna. Tukõmyta tamy marybeke: —Warỹsỹna biywinyke idi wadee, idi manakre. Ariroxikre dori. Wabyre arihu-di ta bexiðenykre.

⁹ Teòdu deòdumy rearahu-di aõbo, txiòtòetuukemy tamy rarybere aõbo. Timyki tukõna. Kiemy dori taaõmysỹdỹõnale riwinyre.

¹⁰ Iu aõmysỹdỹõnareny bihudi, iwese heka atximahãbenyke kamy bexirybenymyhỹbenyke: Inyboho deòdule roire, aõtyhy aõkõ mynodu, iny aõmysỹdỹõnarenyle heka inyboho riwinyrenyke.

¹¹ Jesuisi Jerusalẽ hãwã-ò ramyhỹreu, Samaria bedede, Kalileia bedede wotyadi rare.

¹² Iu hãwãõ-txi raloreu, debo ituemy sõwereny tyymy binamy mahãdu iry-ò doide, tahe irehemy rexierenyke.

¹³ Iribi tamy dyrydenyde: —Jesuisi, Erydỹõdu, wadireny ini bexiwobrunyke.

14 Tureny robireu, narybede Jesuisi-ò: —Xiwena wahidỹỹna mahãdu-ò ixi-di itxerenamy bòike. Kia-ò rariamy roirenyreu, tahe reyterenyre.

15-16 Ijõreny Samaria ludu mahãduõ reytemy iximy ro-bireu, Deuxu riwowydỹỹnyny tamy dòõsede, rawiunyny. Tatiowomy Jesuisiko-ò resere. Tahe rarybere: —Txiòtòdetuuke.

17 Tahe Jesuisi ritỹỹraxinyre: —Debò itue wese, asõwerenyre? Titxibo ta debò inaubiòwaboho roire?

18 Aõherekiwe kaa iny wixira sohojile Deuxu wowydỹỹny dòõsede, Samaria luduõ wahe?

19 Tahe Jesuisi tamy rarybere: —Mynyike, idi makre. Aty-hydỹỹna òraru-ki dori teyteta.

20 Idi fariseu mahãdu Jesuisi-ò rỹỹraxirenyre: —Tiubo Deuxu Iòlõna kanakre? Tii diwyònyde: —Tĩmyki Deuxu Iòlõna dehe-mynysỹnyny inyõ robiõtyhy.

21 Tule inyõ kiau rarybeõtyhy: —Betehebeny inihe ka-ò: —Tukõmy aõbo: —Kowaki heka rare? Deuxu Iòlõna dori aworeny-ki rare.

22 Tahe taerydỹỹna mahãdu-ò rarybere: —Tiutxumy heka Deuxu Riòre Hãbutyhyhykỹ txumy bobibenykemy tahe bo-bibenyõtyhy.

23 Tahe ijõ adeereny kanarybekre: —Bedetehebeny inihe kaò ada kowa-ò. Tahe iitxerenyõmykre.

24 Iwese tiribi tiò biu relaanymyhỹre wese heka Deuxu Riòre Hãbutyhyhykỹ txu kỹnyikre.

25 Delemy tahe tii aõhõkỹmy rotỹỹnykre. Wijinabòdu mahãdu teramy reakre.

26 Noe bededỹỹnana wesemy heka rỹimyhỹkre. Iu beòra rariareu. Tahe Deuxu Riòre Hãbutyhyhykỹ kedehemynykre iu.

27 Ibutumy heka worana bedehesi rỹire. Lisisò tahe rỹire. Hãwyy herina lisina rỹire iu. Iu tahe beòra rariare. Ibutumy ituere.

28 Lòò bededỹỹnana tule iwesere. Tiiboho worana bedehesidile rỹire. Tiiboho rityhynyõtyhy. Urile hetomy riwinymyhỹre, oworumy riwinymyhỹre, aõna-di rohonymyhỹre.

29 Iu tahe Lòò ihãwã-ribi ròhònyreu, Deuxu heòty ityre riteònyre. Biu-ribi heòty ityre resere enxofre-wana.

30 Iwesele txu tii heka rarekre heka, Wadehemynyna Deuxu Riòre Hãbutyhyhykỹ wahe.

31 Kiau tahe inyõ ihetotyre heka rỹire. Malòkekõ heka ahetowo-ò aõnamynyny. Inyõ tule oworu-ki rỹire, taheto-ò aõkõ ròõseke.

32 Lòò hãwyy-di mohõtinyke.

33 Inyõ taumy riyrubunykeki, tii ruruke. Ijõ tahe wadewimy rurukeki, tii taumy rayrubukre.

³⁴ Adee rarybere: —Bede rurureu heka inatxi hābu rōrōreri. Ijō heka rakre dynamy reakre. Ijō tahe rarikre.

³⁵ Inatxi hāwyy heka r̄ys̄yna-di raaōmys̄d̄ȳnyny heto-ki ratxikre. Ijō heka dynamy reakre, ijō heka rarikre.

³⁶ Inatxi hābu heka oworu-ki raaōmys̄d̄ȳkre. Ijō heka rakre dynamy reakre, Ijō tahe ririkre.

³⁷ Ieryd̄ȳna mahādu r̄ȳraxire. Titxibo r̄ȳikre, Wanyr̄y? Tii rirawyōnyre: —Titxibo iumy rubu roire-wana, rara tai wii ributunyre.

18

¹ Jesuisi heka ròkewesenanyre ribedeerynyreu. Kia wese heka tii ijyymy relyyre. Rexitōenyhykemy tii ribedeerynyre tule ixitōed̄ȳ-ò ixirarenyōmy.

² Hāwāō-ki tahe hābu matuariō rare, tii tahe ibinare. Juizimy heka ratximyh̄re ywisid̄ȳdu wahe. Tii iny rity-hynyōtyhy, Deuxu lau ruberuōmyh̄re.

³ Tule heka hāwyy wyteseō tai ras̄ynymyh̄re. Kia tamy ramyh̄re sōwemy. Tamy rarybera: —Biwawikōhenakykre wahe. Wakòludu tahe riwahureri. Kywisid̄ȳk̄du kai atxiteri. Anoherekibo tiwawokutōenykōteri.

⁴⁻⁵ Aōhòkōmy hābu iaōna aōna òbitid̄ȳ deramy reamyh̄re. Tahe Hābu ixidee rarybehyra. Inatyhymy jiar̄ȳ inyō rety-hynyōtyhy. Tahe hāwyy wytese sōwemy wadee rarybereki, jiar̄ȳ ariòbitinykre iaōna aōna ibutumy iòludu-wana. Aōkōkeki tiemy kidiwarulòlòenyke.

⁶ Tahe Jesuisi rit̄nynyre: —Juizi bina rybe-ò kaiboho bohohabenyke. My wahe.

⁷ Deuxu heka taijoi mahādu-ò roholake. Òbitimy iòludu-di riywisinykre. Taijoi mahādu dori tamy rexitōenyre. Tii wymy riwiòhenanyke.

⁸ Tii inatyhymy taijoi mahādu riwiòhenanykre. Jiar̄ȳ, Deuxu Riòre Hābutyhyhyk̄ wymy adehemynykreu, watyhyd̄ȳdu-txi aōbo areakre.

⁹ Tule Jesuisi kia ijyy relyyre, iny ixityhymy ixi-di ratxityhymy kia ijō inymy kiale rad̄onymyh̄re. Kia tahe rikewesenanyre.

¹⁰ —Iny inatxi hābumy heka templo-ò ròirenyre rexitōenykemy. Ijō fariseu rare, ijō tahe nieru arisidu rare.

¹¹ Fariseu tahe r̄imy rexitōenykemy ixidee. My wahe: —Deuxu, jiar̄ȳ aōhābubina aōkō rare. Tai tahe umy reàlāmy wahāre. Jiar̄ȳ aōwasidu aōkō, aōòrarudu aōkō, aōòtadu aōkō. Iwese kowa nieru arisidu wese aōkō jiar̄ȳ rare. Txiòtòetuuke tai.

12 Semana sohoji heka wabyreõ-di inatxixumy rewymyhÿre. Tule waaõna aõna ibutumy ijura adee rewahinyre. Debõwiõna-ribi sohoji rewahinymyhÿre wahe.

13 Nieru arisidu tahe irehemy rÿire. Biu-ò aõkõ retehere, tahe rexihetenyre rexitõenyrimy Deuxu-ò. My wahe: —Deuxu, biwawotõenyke. Jiarÿ õrarudu rare.

14 Jesuisi ijyy ritÿnynyre: —Adee ararybekre. Mobo teysamy taheto-ò nade? Ixityhydÿÿdu aõbo ada ijõ aõbo. Kohe ijõ tuure, ixityhydÿÿdukõ wahe.

15 Tiiboho heka uladu tamy didydenyde. Iu Jesuisi tebõ iratityre ritidimy ritxuhore awimy roirekemy. Tahe ierydÿÿna mahãdu tamy idyrenyõkremy raryberenyre.

16 Jesuisi rarybere: —Txìò, kididyke uladu wadee. Uladu wese dori Deuxu Iòlõna rare.

17 Inatyhymy ararybekre: —Moõ heka uladu wesemy Deuxu Iòlõna rityhynyõkeki kia heka Deuxu Iòlõna-ò ralòõtyhy.

18 Idi tahe iweduõ rarybere: —Erydÿÿdu wihikÿ, aõwexe ariwinykre idi biu-ò arahenykemy.

19 Jesuisi tamy rarybere: —Aõbo wa wihikÿmy wadee tary-beta. Hãbuõ tiu awiõre. Deuxu sohojile tahe awira.

20 Bede ywina tyryiti kai teeryte:

—Rubudÿÿõmykemy, tule òta òtaõmykemy, wasiõmykemy, tule ruiõmykemy, iny wii itxenadÿÿõmykemy, adi biywinykemy, boo tule.

21 Hãbu tamy rarybere. —Kia bede ywina rybe retyhynyhyllere, uladudihyyle wahe.

22 Jesuisi rarybere: —Kai sohoji aõmydÿÿnale aki nasir-anyde. Kai makre, ibutumy aõna aõna-di bohonykre, idi tahe kia nieru biwahinykre iny aõkõdu mahãdu-ò. Kia tahe aõmydÿÿnadikre biu-ki. Tahe manakre biwaheludunykre.

23 Kia rybe-ki heka hãbu rabadewore. Rexitare ibedewomy iaõna aõna sõwetyhyreki.

24 Jesuisi retehemy ibederyry-di tahe rarybera taerydÿÿna-ò: —Kia iny iaõna aõna sõwemy rÿireri, Deuxu Iòlõna-ò ralòke isirare.

25 Kamelo tyyrorenawo-di ralòkemy isirakeki, kia-ribi isiratyhyre iny iaõna aõnadikeki ralòke Deuxu Iòlõna-ò.

26 Ijohonadu tahe widee rarybere: —Mobo tai biu-ò hedukre.

27 Jesuisi rarybera: —Inatyhymy kõaõboka hãbu-ò isiratyhyre. Deuxu-ò tahe ibutumy aõna aõna isiraõre.

28 Pedro rarybere: —Boholake, jiarÿboho ibutumy rerirenyra araheludunykremy.

29 Jesuisi rarybere tamy: —Inatyhymy adeeremy ararybekre. Moõ waluukeki, rybewihikÿ luukeki, kia heka ririkre:

heto, taseriòre, tyby tadi-wana, tariòre, tabede, ibutumy waòraru-ki, Deuxu Iòlòna òraru-ki, ririkre.

³⁰ Ka bedekile ritakre sòwetyhymy ibutumy aõna aõna. Ihãreta biu-ò rahenykre Deuxu-wana rasỹnykemy.

³¹ Jesuisi taerydỹỹna mahãdu ridyre inysòwe-ribi tamyreny rarybekemy: —Boholabenyke wajoi! Jerusalẽ-ò rokoirenykre. Tai iny riwarubunykre jiarỹ Hãbutyhy rarehãre, Deuxu Riòre rarehãre wahe. Iwese Deuxu Rybemy rybedu mahãdu rarybere wese.

³² Tiiboho riwawahinykre judeukõdu mahãdu-ò. Tiiboho riwabinabinadỹỹnykre, riwalahikre, watyre rarybexinykre.

³³ Riwahetenykre òhòte-di, idi riwarubunykre. Ihãre tahe inataõ txu-di tahe adexixakre rubu-ribi.

³⁴ Jesuisi erydỹỹna mahãdu urile bede riòtiinyreny. Aõmybo tii rarybere rierytyhyõreny. Irybe tamyreny dori ierynatyhykõreri.

³⁵ Iu Ijeriò hãwã-ribi iòhòmý roirenyreu, inatxi iny ruetàmý heka ronymyhỹ Jesuisi ibire-di rareu. Tiiboho nierumy rex-itòenymyhỹreny.

³⁶ Inysòwe-ò roholarenyreu tahe, tii rỹỹraxirenyre: —Aõhereriwe.

³⁷ Tahe tamy rarybere: —Jesuisi wa rareri Nazare hãwã ludu wahe.

³⁸ Tahe ruetàõ rryre: —Jesuisi, Davi riokore! Biwatòenyke hewa! Wadi làhà inihe bexiruxetòenyke.

³⁹ Iny sòwemy tamy rarybere: —Iryõmyke! Ihãre ta tii rryrymyhỹre: —Davi riokore, wadi mawotòeke!

⁴⁰ Jesuisi riyryre tahe rarybere: —Tamy byryke wadee kanakemy.

⁴¹ Jesuisi tamy rarybere: —Aõmybo kai taruteri adee arutỹỹnykemy. Tahe hãbu ruetàhàkỹ tamy rarybere: —Wawedu, ixityre arobikemy.

⁴² Jesuisi tahe tamy rarybere: —Makre, atyhydỹỹna kai arateytenyra. Kialehe rare.

⁴³ Aõwesele ixityrele tii robire. Tahe Jesuisihemy rare rry-di. Taihe ibutumy iny heka Deuxu riwowydynymyhỹ.

19

¹ Ijeriò hãwã-ki Jesuisi rehemynyre. Idi rariareri.

² Tahe hãbuõ tahe Jesuisi riere. Zaqueu inire. Inieru sòwere. Tii nieru tarasadu weduõ rare. Inieru sòwere. Tii heka iyjare tahe Jesuisimý robiõtyhy. Raòwònyre tahe òwòru-txi.

³ Tii Jesuisimý robikemy risỹnymyhỹ, tiu tuu robiõhyymyhỹreki. Iyjare-ki tahe rexisiranyre. Kiemy dori iny rarie rarie iko-ki rỹimyhỹ.

4 Tahe ijoiko-ò rexiraòre tai òwòruò-ò raòwònyre Jesusimy robikemy iribi idi kanakreò.

5 Iu Jesuisi tamy rehemynyreu, biu-txi retehemy Zaquieu-ò. Narybede: –Wylemy bedeseke Zaquieu. Wiji dori aheto-ki bede wadi r̃yike.

6 Tahe rabedesamy wymy resere. Awimy Jesuisi rybe-ki rahare.

7 Tahe inyõ mahādu iòraru-ki kamy rexirybenyrenyre: –Aòhewe Jesuisi iheto-ò rara? Tii iny òbikõmy nodu hārele wahe.

8 Zaquieu tahe Jesuisi rarybere: –Bodoholake ini, Wanyr̃y. Tahe waaõna aõna iwekre iaõkõdu mahādu-ò ariwahinyemy ararekre. Tule txibo inyõ-ribi rowasire inaubiòwa wawasi ratyre tamy ariwahinykre.

9 Tai Jesuisi narybede: –Wijityhyle kahābu s̃mahādu-ò henana rehemynyra. Kahābu tule Abraõ riore riòrele rare.

10 Deuxu Riòre Hābutyhyk̃y dori iny òraranamy resere mahādu òrysomy itarasamy nade. Jiar̃y tiire.

11 Jesuisi tamyreny rawesenanyre timybo Deuxu Iòlõna raremy. Jerusalē hāwā-ò iòhõmy ratximyh̃yre. Tai tahe Deuxu Iòlõna iòhõmy ratximyh̃yremy roholare.

12 Tahe Jesuisi rarybere iny ityhyõ heka: –Inyõ nihik̃y heka rakemy ratximyh̃yre ijõ bede-ò rat̃inykemy. Tai iòlõmy ronykremy rare. Iribi tahe ròðsere.

13 Tii tahe taaõmyd̃ỹnana ririre teòdu mahādu-ki. Teòdu mahādu debòwiõmy heka womati t̃yr̃r̃ỹh̃k̃y nieruõ sohoji sohoji tamyreny riwahinyre. Tamyreny rarybere: –Nieru bitakre, idi bibutunybenykremy adireny watxireri adooskrey.

14 Tahe kia bede ludu mahādu iòlò deramy ratximyh̃yre tai tahe tamy rybemy iny mahāduõ riteònyre: –Kahābu aõkõ iny iòlòreny ronykre.

15 Ihāre tahe iòlõmy ronyre. Idi tahe tanieru wedu mahādu-ò rarariòwyre. Tiwesebo teòdu mahādu nieru ritare rierykemy.

16 Juhuludu tahe rehemynyre: –Wawedu, betehe inihe ijõ debòwiò anieru ratyre rebutunyre.

17 Tahe iòlò s̃owemy riwowydnyre: –Awityhymyhe taaõmys̃d̃ỹta. Kai heka deòdu wihik̃y tate. Kai ibutedile s̃owemy tewinyte tahe debòwiò hāwā adee ariwahinykre.

18 Ijõ tahe rehemynyre: –Wawedu, betehẽ iny iruyre anieru tyre rebutunyre.

19 Tahe iòlò tamy rarybere: –Kai s̃y iruyre hāwāmy dinodu mabekre.

20 Ijõ deòdu rehemynyre: –Wawedu, ahāxe anieru. Jiar̃y tyky-di reraserasenymerarenyre.

21 Jiarỹ alau raberure. Kai dori hãbu nieru tarasaery heka tate. Aõ taaõmysỹdỹỹteri-ribi aõkõ heka nieru tetamahãte.

22 –Kai heka deòdu awi aõkõ heka tate. Arybe xiery waribi arateònykre. Kai tiwaeryte jiarỹ nieru tarasaery heka watxireri. Aõ raaõmysỹdỹỹre-ribi aõkõ nieru retamahãre.

23 Aõherekibo. Kia nieru yrubuna heto-ki terikõte. Tai iximyna ratyre ini iribi ratare.

24 Iòlò teòdu inatxi-ò rarybere: –Wanieru iribi bitabenyke. Ijõ hãbu sõwemy ròtareò rawahikre.

25 Ijõ raryberenyre: –Tii heka debòwiò nieru ijõdire.

26 Adee ararybekre: –Inyõ òbitimy raaõmysỹdỹỹkeki, tii sõwetyhymy ritakre. Tule inyõ òbitimy raaõmysỹdỹỹõkeki, tii ibutumy ròõnodỹỹkre.

27 Iwedu rarybekre: –Waòludu mahãdu tahe wadee bididybedenyke. Wadera mahãdu wahe. Wako-ki birubunybenyke.

28 Tarybe rahudi tahe Jesuisi rare Jerusalẽ hãwã-ò.

29 Jerusalẽ iòhòmy ritehemynyrenyreu, tahe inatxi taerydỹỹna bede riywinyra hãwã-ò roikemy. Inatxi hãwã iòhòmy roire, Betabaji, Betỹnia-wana. Kia-ò Oliveira hãwãlò roire.

30 Jesuisi rarybere: –Kaiboho boikre kowa hãwã-ò. Kowa-ò birònykreu jumenta riòre mahabenykre. Moheka ityre rariaõlemy ratximyhỹre. Biesemy, wadee bididybedenyke.

31 Inyõ adeeremy rarybekeki: –Aõhekremybo idi atxitenyteri. Tahe tamy marybebenykre: –Wanyrỹ tuu rurureri. Ixityre kaò kidiòkesedỹỹnykre.

32 Tahe hãbu roire. Iwese Jesuisi rarybere wese ibutumy rỹire. Jumenta riòre ryro hetoijò-ki ritisanyemy rỹimyhỹ.

33 Tai riesereu, iwedu rarybere: –Aõherekibo teeseteri.

34 Tai tiiboho Jesuisi rybe myna tamy raryberenyre: –Inynyrỹ tuu rurureri.

35 Tahe ridyrenyreu jumenta riòre Jesuisi-ò. Tiiboho tatyreny ritidirenyreu jumenta riòre tyremy. Tiiboho risỹnyrenyreu Jesuisi ityre-ò.

36 Jesuisi rehemynyreu, ijõboho tahe tauwòhi ryromy ritidire ityre rariakemy.

37 Jerusalẽ iòhòmy rehemynyreu, Oliveira hãwãlò-ribi, ierydỹỹna mahãdu rawyhyrarònyreri, tule ryreri.

38 Tii heka wowydyna rare. Tii heka Wanyrỹ niwesekemy naderi. Wowydyna rare Deuxu Iòlòna. Kai Iòlòna kanakre. Wyhyrarò biu-txi kodoholakre.

39 Ijõ fariseu mahãdu rarybere Jesuisi-ò: –Marybeke aerydỹỹna mahãdu-ò tiiboho riirykemy.

40 Jesuisi tamy rirawyònyre: –Tiiboho riirykeki, manale wowydynamy riryke.

41 Jesuisi Jerusalē hāwā-ò iòhòmy rehemynyreu, rahinyre.

42 Tii rarybere: —Kaiboho ywinatyhy teeryòte. Inatyhymy teeryte wana wadee awire, tahe aòkòre.

43 Ijò txu kanakre. Ahāwā ibutumy rirurawonykre aòbina mahādu, aòludu.

44 Ibutumy hāwā ituekre. Iny iwo-ki tule rurukre. Mana ibutumy kedesekre. Rierykòre dori tiubo jiarỹ ahedỹỹrenymy nanade.

45 Tahe Jesuisi dohodỹỹna hetowo-ò ralore. Tahe kia-ribi aòna aòna-di rohonymyhỹre mahādu, òbradu mahādu diteònyde.

46 Rierynanymyhỹre tahe tamy rarybere:

—Raridỹỹòlemy aòbo rỹireri: —Waheto kōaòboka inatyhymy ixitòedỹỹna hetomy rỹirakre. Idi kaiboho tewinytenyete wasidu hetowesele.

47 Txu ibutumy Jesuisi dohodỹỹna heto-ki ròbedeerydỹỹmyhỹ. Xiwe wedu mahādu, Deuxu aòmysỹdỹỹdu wedu mahādu roholarenyre, rōhòtinyrenyre: —Tĩmybo inyboho Jesuisi rubudỹỹmy rikiwisỹnyrenykre.

48 Tiiboho tahe aòkòhykyre iny sòwemy dori bede riòtiinymyhỹ ibedeerynadỹỹna-ki.

20

1 Ijò txu tahe Jesuisi ròbedeerydỹỹmy, Ijyy Tỹmyra Wihikỹ wahe. Ririranymyhỹrenyre dohodỹỹna hetowo-ki, bede ywina erydỹỹna mahādu, Deuxu xiwena wahidỹỹdu mahādu wedu, tule matuari mahādu tamy doide.

2 Tiiboho tamy rỹỹraxirenyre: —Mowe ateòdỹỹdure kia aòna aònamy tatỹỹnymyhỹtemy.

3 Jesuisi dirawyònyde: —Adeereny tule araỹraxikre. Kai-boho bidiwawyònykeki, tahe jiarỹ akoreny ỹraxina ariwyòkre aòrurudibo aòna aòna rewinymyhỹre.

4 Tahe Jesuisi rityỹraxinyre: —Mobo Joaò ratisebedỹỹmy riteranyre? Deuxu aòbo ada iny aòbo?

5 Tiiboho widee rarybera: —Deuxu riteranyremy inyboho rakaryberenykeki, tai tii rarybekre: —Aòherekibo tahe tii tetyhynytenyòte.

6 Inyò riteranyremy rakaryberenykeki, iny aru-beruwỹhỹrenykre. Ibutumy iny dori Joaò rityhynyre tii Deuxu rybe-di rybedumy. Ijò ijoi mahādu urile inyreny kidihetenykre.

7 Tai tahe tiiboho raryberenyre: —Jiarỹboho reeryòrenyre. Tai tahe Jesuisi rarybere:

8 —Hebo, jiarỹ adeereny iximy ararybeòtyhy modeòdỹỹnamy jiarỹ tuu watzirerimy.

⁹ Iribi tahe Jesuisi tamyreny ijyy-di rierynanymyhÿre: — Hãbu uva oworuõ wese rôbròre. Tahe riòtitynyre. Tahe hãloo riare oworu ubetya-ki, ruÿdÿÿnymy. Tahe utò riwinyre. Idi tahe rityhere hãbu mahãdu-ò. Tahe rexitare tasÿ-ribi ijõ bede-ò.

¹⁰ Tahe bederaty siredey bededÿÿnana rehemynyreu, iwedu teòdu riteònyre bederaty ritakemy. Tahe oworu-di itxeredu oworu wedu deòdu rimyreny, rihetenynyre idi riteònyreny ixihyylemy.

¹¹ Ixityre oworu wedu teòduõ riteònyre. Kia heka irati rihetenyre ta tamy rawobinarybenyre.

¹² Ijõ riteònyre. Kia heka rirubunynyrenyre.

¹³ Iwedu ixi dee rarybere: —Aõhebo arotÿÿnykre. Tahe oworu wedu iriòre sohojilere, wariòre kie kie sohojile ariteònykre. Tai tiiboho rityhynyrenykre.

¹⁴ Kia oworu-di itxeredu mahãdu widee raryberenyre: — Kia heka wedu aõna aõna tarasadu rare. Rurukre, idi tahe iaõna aõna inydeerenykre.

¹⁵ Tahe rimyrenyre idi rirubunynyrenyre tahe idi rehurenyre oworu-ribi. Jesuisi ritÿÿraxinyre: —Aõhebo tahe oworu wedu rotÿÿnykre. Tai Jesuisi ixityre narybede:

¹⁶ —Tii kanakre oworu-di itxeredu mahãdu hudumy, tai tahe oworu rityhekre iny witxiraõ-ò. Kia-ò tiiboho roholareu, tahe raryberenyre. Timyki tukõna.

¹⁷ Jesuisi idi reny retehemy tahe rarybere: —Ritina-di aõbo tariaõletenyte kia ryberiti:

—Mana-di hetowidÿÿdu rehura. Kia mana heka hetohàtxi-ki heridu rare.

¹⁸ Inyõ kia manatyre resekeki, kia urile raoroorokre. Mana tahe inytyre resekeki, kia urile risyrisynykre.

¹⁹ Bede ywina erydÿÿna mahãdu, tule xiwena wahidÿÿna mahãdu wedu rimykeny riwisÿnyre kiaule. Brebumy ta turenkyõre.

²⁰ Tiiboho hãbubinaõ riòwynyrene tamy imynamy irybe-ki. Tai tahe Dinodu-ò riwahinykremy aõsirakõmy timykibo irutaõmy rirybewitxiranyrenykemy.

²¹ Tiiboho rarybere Jesuisi-ò: —Erydÿÿdu, jiarÿboho araerymy adi watximahãrenyre kai inatyhy hãbu tate. Iny ibutumy adee wiwese wiweselere. Inatyhymy iny-ò Deuxurymy teerynanymahãte. Tahe tiiboho ritÿÿraxirenyre:

²² —Awire aõbo ada ibinare aõbo nieru rawahinymyhÿre bede dinodu-ò. Timybo tahe, imposto raòwymy aõbo ada aõkõre aõbo.

²³ Jesuisi rierymyhÿre tõhõtinanareny, tahe ritÿÿraxinyra: — Aõherekibo kaiboho tiwaurihitenyteri.

24 Wadee womati nieruõ bidiwy waitxerenamy. —Kawe moõ tyytarasana rare, katahe moõ tyyritina rare. Tiiboho dirawyõnyde: —Kiahe bede dinodu hõrõ rare.

25 Jesuisi rarybere: —Hỹdebo, bede dinodu hõrõ tahe tamy biwahinybeny, tule tahe Deuxu aõna aõnahõrõ Deuxu-ò biwahinybeny.

26 Tiiboho aõkõre. Irybe-ki rimynamy aõkõ. Urile ribedeòtiinyre.

27 Saduseu mahãdu tamy nade. Kia heka iny rubu-ribi rexixamy aõkõre-riki rierynanyhỹre. Tiiboho ritỹraxyre Jesuisi:

28 —Erydỹdu, Moisesi raritinyre bede ywina-ò, kaimy:

—Hãbuõ rurukeki, tahãwyy iriõre ijõdiõkeki, tahe kia hãwyy tahãbu seriõre-wana roike. Iriõredikre taseriõre rubuõwomy roikre.

29 Seriõre debòinatxi reurõmy raremyhỹ. Juhuu ijõ roire hãwyy-wana. Tahe tii rurure iriõreõlemy.

30 Tahe ihewoludu iseriõre wytese-wana roire. Tii rurure iriõreõlemy.

31 Ihewoludutyhy tule ibutumy roire wytese-wana, tahe ituerenyre iriõreõlemy.

32 Iròòbomy tahe hãwyy tule rurure.

33 Ixixanau tahe mohãbubo tii-wana rarekre. Ibutumy dori wytese-wana roire.

34 Jesuisi rirawyõnyre: —Kabede-ki hãwyyiny roimyhỹre.

35 Ixixanabedeu heka moõ roiõtyhy, inyõ dori bede kia riòbynykreu.

36 Ibutumy iny ýju wese rarekre biu bede-txi.

37 Moisesi tatyryiti itỹnyhỹkỹlemy rarybere: —Iny rubu-ribi kedexixakremy. Tai ta heòty òwòru sõmo riworonymyhỹki ixybylesỹ rarybera:

—Deuxu heka Abraõ, Ijai, Ijaò kia Deuxu rare.

38 Tai Deuxu inyru mahãdu Deuxu dori rare. Iny rubu mahãdu ta aõkõre.

39 Inyõ rarybere: —Arawyònakyhyna, Wanyrỹ Tate. Bede ywina tabohe teerytyhyte!

40 Tai tahe ixyby rỹraxyõhyreny.

41 Jesuisi rarybere: —Timybo bede ywina erydỹdu mahãdu rarybemyhỹre Kristu Davi riõre raremy.

42 Davi rarybere aõmybo Deuxu Tyytybytyhy tamy narybedemy iwiuna-ki:

—Wanyrỹ rarybere Wanyrỹ-ò:

—Bodony warurunawe-ribi.

43 Txiohe inihe, aòludu awarawo-txi aritidikre.

44 Tahe Davile tanyrỹmy rininire. Timyki tahe Davi ity-bymykre.

45 Tii taerydỹỹna mahãdu rierynamyhỹreu.

46 Tii rarybera: —Bexiemyhỹbeny bede ywina erydỹỹdu mahãdu lau. Tiiboho heka tyrehetyhywidihikỹle rexi-tyynymyhỹrenyre. Tiiboho heka ixi rybedỹỹluurenyre hãwã riraki. Dohodỹỹna heto-ki ryananawi luurenyre. Tule ta anarỹỹ rỹi-wana, tyhytyrekile ryanana tamyreny awire.

47 Tiiboho tule wytese aõ aõkõ mahãdu aõna aõna rita-myhỹrenyre. Ixitedỹỹna rehehekỹ rexitõdenymyhỹrenyre. Tiiboho heka aõnihikỹmy aõhõkỹmy dỹỹnanamy rotỹỹnyrenykre.

21

1 Jesuisi retehemy rỹimyhỹ dohodỹỹna heto nieruhyna-txi. Tii retehere tibo iny tanieru-di rehumyhỹdi. Tai inieru sõwe mahãdu nieru sõwemy ritidimyhỹ.

2 Tule tahe nade wytese aõ aõkõ mahãduõ. Tii inatxi nieru sõmo-di rehure.

3 Tai Jesuisi rarybere: —Kowa heka wytese nieru-di rehure ibutumy iny wixira ratyre.

4 Ijõ mahãdu tanieru uhedile rehumyhỹ. Tahe wytese idi rehure ibutumy tanieru-di rexihumy taumy-ribi idi rehure.

5 Dohodỹỹna hetomy ierydỹỹna tamy rarybere: —Erydỹỹdu, beteheke mana wihikỹ ruxera ruxera-di eryna heto riruxer-anyreridi.

6 Jesuisi rirawyõnyre: —Kaiboho betehebennykre hetonihikỹ-õ. Kia heka mana ijõ wityre-ki rỹiõtyhy, ibutumy heka kedexunykre.

7 Tiiboho ritỹỹraxinyre. Tiubohe ibutumy kidiix-ixãwididỹỹnykre. Tiiboho ibutumy bede konanadỹỹnamy reakre. Timybohe arieryrenykre, aõma bede ibutumy rexihukre.

8 Jesuisi tamyreny rarybere: —Kaiboho anaitxenanydenyheny lau bexiebennyke. Sõwemy dori rỹikre wanimy rarybemy rarekre: —Jiarỹ dori Kristu rare. Tahe iny sõwemy itxenadỹỹmy reakre.

9 Kaiboho wounarybe-õ, aõbina rybe-õ, boholakreu, breburenyõmykre. Kia heka kanakremy ratximyhỹre. Urile bededỹỹnana ikonanatyhy aõkõ rare.

10 Tii tamyreny rarybere: —Uritere iny lahinareny, ijõ lahinareny widee kanaaõbinanykre. Tule iõlõna mahãdu, ijõ iõlõna mahãdu-wana widee kanaaõbinanykre.

11 Bede bedesu ijõ hãwã-ki kanamytatakre. Tahe aõkõre rama kedekre. Kia heka juhu aõhõkỹmydỹỹnana rarekre. Aõbrebuna brebuna kỹnyikre. Idi biu-ki aõwixira kỹnyikre.

12 Tiiboho arawahinyrenykre aòludu wedu-ò, iòlò-ò. Kai-boho heka aòhòkỹmy iu botỹnybenykre, watyhydỹ òraru-ki. Tiiboho arahatenyrenykre dohodỹna hetowo-ki. Kiabohoko-txi wadee kaiboho kedelyykre inatyhymy aõna aõna rỹiremy.

13 Rybewihikỹmy ibutumy bede bede hãwã hãwã-ò belyybenykre.

14 Tiubo aradyrenykeu, urile nohòtiõmy aõmybo kaiboho marybebenykre.

15 Kiautyhyle aõmybo marybebenykre bierykre. Kia tahe marybekre. Kai aòkõ dori marybekre, Deuxu Tyytybytyhy tahe rybedukre.

16 Asỹreny dori ròtenawo-ò araròtenyrenykre. Seriòre seriòrele wii kidirubunykre. Tyby heka tariòre kidirubunykre. Uladule tadi, tyby kidirubunykre.

17 Ibutumy heka iny iy kedeakre wani òraru-ki adeereny.

18 Ibedeu araderenytiõ reseõtyhy.

19 Bexityhymy ta tai ixiery dori biu-ò mahenybenykre.

20 Ijõ tahe Jesuisi rarybere: –Woudu mahãdu Jerusalê rirurawonykreu heka bierybenykre aõhuluhudunamy bede rỹirerimy.

21 Judeia hãwã hãwã-ki ratxikeki, mahenybenykre bederatòhòkỹ-ò. Inyõ Judeia hãwãkikeki, iribi òlò rỹikre. Idi inyõ bederokeki ixyby Jerusalê-ò ròteõmykre.

22 Kia txuu heka òwynatxumy rare. Ibutumy rybe tyriti myna heka bede rỹikre.

23 Kobexe heny hãwyy bõtòmym rỹira, tule hãwyy tariòre ritònymy rỹira. Aòhòkỹmydỹnana kanakre tiu heka tuuõre. Debure nihikỹ heka kanake kia iny tyre-ki. Tiu heka kiamy bede roiõtyhy aòhòkỹmydỹnanamy.

24 Sõwemy iny rurukre mayrehe-di. Iny sõwemy radykre ijõ bede-ò aòhòkỹmy tai rotỹnykre. Ityhydỹdukõdu mahãdu rasỹnykre Jerusalê hãwã-ki iu.

25 Ixityre tahe Jesuisi rarybere: –Idi webòhòna rỹira txuu, aòhòkỹmydỹnana itue-di, txuu heka rurunykre. Ahãdu tule rurunykre, tule taina. Beòbò lau iwodỹ lau ibutumy iny ruberukre inihikỹ òraru-ki.

26 Iu bede bede iny mahãdu aõhebo rotỹnymy, tatòhõtibre-di tiiboho reserenyre sutyre-ki tai.

27 Iny retehekre

Deuxu Riòre, Hãbutyhyhykỹ dehemyryna-di. Biurawetyky-ribi kodobehekre tatyhy-di.

28 Tahe kia aõmydỹnana rỹikre, ywinamy bõibenykeu, iòhòlereri.

29-30 Tai tahe Jesuisi figueiraò-wana tahe bede ròkewesenyre: –Figueiraò-di ini bexinohõtinybenyke. Tii heka tairu-txi, tanoiròsò ritÿmyranymyhÿreu, tai tahe bierybenykre wyra iòhòreri.

31 Tule kia aõna aõnamy bobibenykre, tii iòhòlereri. Ijò-ki iòhòwesele rÿire.

32 Inatyhymy adee ararybekre, kia wijinabòdu itueõtyhy aõna aõna rÿikre hãrele.

33 Biu, bede-wana ituekre, tahe warybe itueõtyhy.

34 Tahe Jesuisi tarybe rihumy rarybere: –Kaiboho bexiebenyke, betehebennykre ixinohõtidiÿÿrenythykõmy. Roxina worana bedehesi-di timybo kaiboho atximyhÿtenytedi. Mona juberere biõbenykemy mohõtinyõke. Kaiboho dori teeryõtenyete tiubedemybo adòòsekre.

35 Kiatxu kanakre tahe iwese nawii mynyna wese aõwesele rimykre ibutumy bede iny mahãdu rimykre.

36 Biebenyke tahe, Deuxu-ò bexitõenybenyke. Kia tahe aõhebo rotÿÿnykre-ribi mahenyke. Bityhynyke Deuxu Riòre, Hãbutyhyhykÿ, jiarÿ wahe.

37 Txuõ txuõlemy tii Dohodÿÿna heto-ki ribedeerynyre ihãre tahe rummy Oliveira hãwãlò-ò rara.

38 Rudile tahe sõwemy iny dohodÿÿna heto-ò rehemynymyhÿre Jesuisi rybe-ò ijohomy.

22

1 Iòhòmymy ratxireri Pascoa worana bedehesi kodohònykremy. Kia anarÿÿ wehityhynamy heka iny ratya-di reare. Tule orotxu anarÿÿ kia ròhònyre.

2 Deuxu aõmysÿdÿÿdu wedu mahãdu, tule bede erydÿÿdu mahãdu Jesuisi rimykeny ratxireri idi rirubunykeny.

3 Satanasi heka Judasi Isariòwo-ki ralore, tii Jesuisi erydÿÿnaõ ihÿre.

4 Juda Isariò heka Deuxu aõmysÿdÿÿdu-ò rara Jesuisi riwahinykeny.

5 Tiiboho tamy roholarenyre, reysare. Tahe tamy nieru riwahinykeny riurenanyre.

6 Tahe Juda riijemyhÿre aõu aõu bedewihikÿ tamyreny riwahinykeny. Wasimy riwahinykeny tii roholare.

7 Juhu orotxu anarÿÿtxure budoeni xiweloo rirubuny rahudi tahe Jesuisi erydÿÿna mahãdu tamy rarybere: –Titxibo anarÿÿ rÿsÿnamy biroxykeny atxiteri.

8 Tahe Jesuisi heka Pedro, Joaõ-wana riteònyre: –Kaiboho boike iny rÿsÿnareny ywidÿÿmy.

9 Tiiboho rÿÿraxire. Titxibo ariywinynyrenykre?

10 Jesuisi tamy rarybere: —Kaiboho boikre hāwāhākỹ-ò. Tahe hābu-wana wii biòbinykre butxi-di retyyrieriò. Tahe tii biheludunybeny. Titxibo heto-txi ralokreò, kaiboho tule bironybenymy bitỹĩraxybenykre heto wedu:

11 —Wawedureny rarybera: —Titxiwexe anarỹĩ rỹsỹna arirỹsỹkre waerydỹĩna mahādu-wana.

12 Tii heka adee kiditeòsinykre hetowoò-txi biu-ki. Ibutumy rexihumy rỹire inydeereny. Tai rỹsỹna inydeereny biywinybenykre.

13 Tahe ierydỹĩna rexitare. Roire hāwāhākỹ-ò. Tahe rotỹĩnyrenyre Jesuisi rybe myna. Tahe ibutumy rexihurennyre anarỹĩ-ò.

14 Kia txu rimyreu tahe Jesuisi nade taerydỹĩna waòinatxi reurò-wana byremy ronyrennykre.

15 Tii tamyrenny rarybere: —Jiarỹ awanarenny ariroxikemy watxiwāhāre. Karibi dori warubuna-ò arakre.

16 Inatyhymy ararybekre: —Jiarỹ konanamy ayrenny-ki ariroxikre. Ixyby ta Deuxu Iòlònakile tahe rikiroxirennykre.

17 Tahe vīi mona hyna rimyre, rexitòenyre, tahe tamyrenny riwahinyre. Ibutumy ibute bute iribi tuu riòrennyre.

18 Inatyhymy ararybekre: —Tiu ixyby tuu ariòòtyhy Deuxu Iòlòna-ki kotyre.

19 Tiiboho riroxireriu, Jesuisi orotxu rimyreu, raorore, rexitòenyre, tahe tamyrenny riwahinyre. Rarybere: —Ahāxe, kia heka waumy wese rare. Iu biroxikey, warubuna-di mohòtinybenykemy.

20 Biòbenyke! Kaa dori wahālubu wesemy ratxireri. Tahe tamy riwahinyre riòrennykemy. Tai sōwemy iny ròhònyke biu-ò hena-ò ibutumy òraruna ixāwididỹĩmy. Tuu ròhònyra. Kia heka wadeewimy iny Deuxu-wana ratxiinyhỹre, wahālubu òraru-ki.

21 Boholabenny inihe watyhedỹĩdu inykyrennykile ronyre.

22 Iwese tyyriti-ki roire wese heka arurukremy, Deuxu Riòre, Hābutyhyhykỹ, jiarỹ wahe. Kobe làhāxe watyhedỹĩdu.

23 Tiiboho tahe widee rarybere: —Mobo tahe rare? Mobo Jesuisi riwahinykre.

24 Iribi tahe widee raryberenyre, mobo wiratyreremy?

25 Tahe Jesuisi tamyrenny rarybere: —Kabede iòlò mahāduy-ki iruru dire. Bede dinodu tahe iny rininire: Iny biòwa.

26 Tahe ayrenny-ki kawese aòkò ihỹre. Inihikỹtyhy inyò ratxikeki, tii inyuhe deòdumy ratxikre.

27 Tibo inytyhy rare? Roxidu mahādu ada deòdu mahādu? Roxidu mahādu, aòhe inatyhy? Jiarỹ tahe ayrenny-ki deòdu wesemy jiarỹ rare.

28 Kaiboho heka wawanahyy atxitenyete aõhõkõmy ratõõnyemyhõre.

29 Tai tahe adee ruruna ariwahinykre. Iwese Waha wadee riwahinyre wese, adee ariwahinykre.

30 Waiõlõna-ki kaiboho wawana biroxybenykre, biõbenykre. Tule rynana wiwihikõ tyre-ki rõdu mahãdumy bonybenyke. Israeli iny mahãdu heka kaiboho biõbitinybenykre, ibutumy judeu mahãdu wahe.

31 Jesuisi ijõ rarybere: —Simaõ, Simaõ, wadee bohohatyhyke. Satanasi araurihirenykemy wadee rexitõenyre. Tahe adeeremy kanake araurihidõõmy.

32 Dori rexitõenymyõre, Simaõ, kai bityhynyhykemy. Wadee bõdõõsekeu, abiõwa mahãdu biwiõhenanyke.

33 Tahe Pedro diwyõnyde: —Awanahyy arakre, wanyrõ, arurukre hãre, rõtenawo-õ arakre hãre.

34 Jesuisi tamy rarybere: —Pedro, kai biwatxiõnyke, hãnie hãbu ryrykõule biwatxiõnyke inataõmy.

35 Jesuisi tamyreny rõõraxyre: —Juhu arateõnyrenyreu anieruhynakõmy, asaurenkõmy, awarenyõmy, adeeremy aõbo aõ rasiranyre? Tiiboho dirawyõmy: —Aõkõ, aõ rasiranyõhyre.

36 Tahe Jesuisi narybere: —Wiji tahe txibo inyõ inieruhynadikeki, saudikeki, biwykre. Txibo inyõ imayrehedikõkeki tayhytxena-di rohonykre iõwy-di tahe tii riõbranykemy.

37 Kamy dori Deuxu rybe tyryti-ki roire:

—Õbitikõmy nodu mahãdu-wana tii rõre.

Ibutumy tummy tyryti wamy rarybere heka rõkre.

38 Tamy ierydõõna mahãdu rarybere: —Wanyrõ, kaa inatxi mayrehe rõre. Tahe Jesuisi rõre rarybere: —Awire kia.

39 Tahe Oliveira hãwãlõ-õ roirenyre, taerydõõna mahãdu-wana.

40 Tiiboho kowa-õ rehemynyreu, Jesuisi rarybere: Bexitõenyke! Tai tahe õraruna-txi beseõke.

41 Tahe iko-txi urihimyõ rareu, taowotimy resemu. Rexitõenyre:

42 —Waha, adee arexitõenykre. Adee awikeki, aõhõkõmy dõõnana waribi biixãwidõõnyke. Tahe adeewikomykre, wadeewi ta aõkõre.

43 Yõõ tamy nade biu-ribi tamy ruru riwahinyre.

44 Sõwemy tahe rexitõenyre, iõsana-ribi resere bee wahe. Hãlubu wese heka ihõre resereri bede-õ.

45 Tii rehemynyre tai rahare rõrõrenymy roireriõ. Tiiboho ele risarenyre sõwemy rabadeworenreki.

46 Tamyreny rarybere: —Aõherekibo tarõtenyteri? Bi-ijebenykre, bexitõenykre.

47 Tii rarybereriu, aõwesele Judasi nade. Tii-wana doide hãbu mahãdu.

48 Jesuisi rarybere Judasi-ò: —Judasi, Deuxu Riðre bity-henykre aõbo, jiarỹ hãbutyhyhykỹ wahe? Waòbuò-di aõbo biwatyhenykre?

49 Jesuisi erydỹỹna mahãdu tuu robireu, tamy rarybere: —Iny mayrehe-di araaõbinanyrenykre, Wanyrỹ.

50 Kia ijoio mayrehe ritare tahe Deuxu aõmysỹdỹỹdu wedu deòdu nohõti riorore.

51 Tahe Jesuisi rarybere: —Ixãwike. Tahe hãbu nohõti riteytenyre.

52 Tahe Jesuisi dirawyònyde tamyreny, Xiwe wahidỹỹdu mahãdu-ò, dohodỹỹna heto itxedu wedu-ò, matuari mahãdu-ò: —Kaiboho mayrehe-di, òhòte-di tiwaòrytenyteri jiarỹ wasiduòrysy wese.

53 Jiarỹ tahe dohodỹỹna heto-ki watximyhỹ txuõ txuõlemy adeereny anaerynanymahãdenyde. Kowa-ki heka tiwamyõlemyhỹtenyte. Kia heka bededỹỹnana rexihure. Bede luru ruru roirerimy. Tahe aõbo iritina-ki rỹireri, kia heka kỹnyikremy.

54 Xiwena wahidỹỹdu mahãdu dinodutyhy-ò wedu-ò tii-boho Jesuisi ridyrenyre. Pedro riheludunyre ireheriðremy.

55 Rehemynyreu tai Pedro ixitòteenymy heòtywera-ò ronyre heto itxeredu mahãdu-wana.

56 Pedro ratximyhỹ-ò tahe deòduõ rehemynyre, ijadòma wahe. Pedro-di ijadòma retehemy ta rarybere: —Tii tule Jesuisi Nazareludu-wana ratximyhỹre.

57 Tahe tii rexitxiõnyre: —Jiarỹ reeryõre aõmyboho kai tarybeteri.

58 Ixybyle kowa ijoio Pedro-ò rarybera: —Inatyhymy kai ijõ mahãduleõ tate. Tii inatyhytyhyrybemy rarybera: —Jiarỹ reerykõre hãbumy tarybetenyteri.

59 Ijõ òrau tahe ijõ rarybere: —Inatyhy rare kai Jesuisi-wana ahãte, Kalileia mahãduõreki.

60 Tahe Pedro rarybere: —Hãbu, reeryõre aõmybo tarybeteri! Tahe hãnie hãbu robura.

61 Jesuisi heka Pedro-ò retehere. Tahe Jesuisi rybe-txi Pedro tõhõti reare. Iwese Jesuisi rarybere: —Hãnie inataõmy robukre myna, kai waheludumy bedexitxiõnykre.

62 Pedro tahe iribi rexitareu, ixidee icy reamy rahinyre.

63 Tahe hãbu mahãdu Jesuisi rihetenymy, rilahirenymyhỹre.

64-65 Tiibohe riruehetynymy rihetenymy idi ritỹỹraxinymyhỹre: —Mowe arahãtenyra. Idi tahe sõwemy idi risinymyhỹreny.

66 Rudile tahe judeu wedu mahādu ributunyre xiwena wahidỹỹna mahādu-wana. Jesuisi ridyrenykemy raryberenyre dohodỹỹna mahādu-ò.

67 Tamy ritỹỹraxinyre: —Kai aõbo Kristu tate, Deuxu Riòretyhy. Jesuisi rarybera: —Jiarỹ heka kohemy ararybekeki, kaiboho biwatyhynyõtyhy.

68 Adeereny arỹỹraxikeki, kaiboho biwawyònybenyõtyhy.

69 Kaiboho bierybenykre
Deuxu Riòre heka jiarỹ rare. Idi Waha rurunaweribi-ò aronykremy.

70 Ibutumy tahe tamy rarybere: —Kai aõbo Deuxu Riòre tate? Tii rirawyònyre: —Iwese kaiboho tarybetenyteri wese jiarỹ inatyhy rare.

71 Tahe tiiboho raryberenyre: —Inyõ irybe-ò ijohoke heka aõkõre, inybohole dori tuu roholarenyre.

23

1 Kia iny ka ibutumy Jesuisi ridyrenyre Pilato-ò, bede dinodu-ò wahe.

2 Idi tahe aõbina binahakỹmy tuu raryberenyre: —Kahābu heka bede rijeijeinyreri iòlòmý ijoi radònykemy. Iribi iòlò-ò òwydỹỹ rỹiòmýhỹkemy rarybere. Ihāreta Deuxu Deòdỹỹnamy raremy idi iòlòmý rexininimyhỹre.

3 Tahe Pilato rỹỹraxire Jesuisi-ò: —Inatyhywe kai Deuxu mahādu iòlòtyhy tate? Tai tahe Jesuisi riwyònyre: —Kai tuu tarybeteri, Wanyrỹ.

4 Tai tahe Pilato rarybere xiwe wahidỹỹdu mahādu dinodu-ò, tule inysõwe mahādu-ò: —Timyki kahābu aõhõkỹmy wasỹdỹỹõna, aõõ bina dori riwinyõlere.

5 Tai ixbyby idi risỹnyrenyre: —Kahābu heka Kalileia bede-ribi bede rijeijeinymy rareri, idi Judeia bede-di tule katahe kakile tuu rotỹỹnyre.

6 Taita Pilato rỹỹraxire: —Tii aõbohe Kalileia mahāduõ ratxireri?

7 —Tii Kalileia mahādu rare. Kia Pilato rieryreu, Herodi-ò riteònykemy rexinohõtinyre. Tii kia dinodureki. Ihāreta Herodi Jerusalē hāwā-ki iu ratximyhỹ.

8 Herodi Jesuisi robireu heka reysare. Jesusimy robikemy riwisỹnymyhỹre sõwemy. Idi tahe tuu robireke, reòsare. Tai tahe reysare. Ini-ò roholahyymyhỹre. Tule aõwihikỹ witzira riwinykemy idi riwisỹnymyhỹre.

9 Idi tahe Herodi sõwemy rỹỹraximyhỹre. Jesuisi tahe rirawyònyõhyre.

10 Aõbo xiwena wahidỹỹdu mahādu wedu, tule bede ywina erỹdỹỹdu mahādu sõwemy aõna aõna binamy tuu raryberenyre.

11 Herodi tasoldado-wana tuu raðhòtemy idi risinymyhyreny. Tyywihikỹ-di rirahananyreny. Iribi riòkesedỹnyre Pilato-ò.

12 Juhuu heka Herodi Pilato òludumy widi raremyhỹ. Kia txule tahe widee rowoixirenyre.

13 Idi tahe Pilato tahe ibutumy xiwena wahidỹỹdu wedu, tule matuari mahãdu tule ijõ iny mahãdu ributunynyreny.

14 Tamyreny rarybere: —Kaiboho heka wadee tedytenyteri bede jei jeiwidỹỹdumy tuu tarybetenyte tebutenyteri heka. Jiarỹ akoreny-ò retỹỹraxinyre idi aõhe tai ibinamy rahaõhyyre.

15 Tule iòlò Herodi tai ibinamy rahaõhyyre. Tai diòkesedỹỹnyde. Tai iurenana ta aõhereki timyki irubuõna.

16 Urile raðhòtedỹỹkemy bede reywinnyre idi ta ixinamy rakre.

17 Kiemy dori worana bedehesiu, ròtena-ribi inyõ heka ròhònymyhyke.

18-19 Sõwemy iny heka rirajuare: —Aõkõre uritere ta Baraba biteònyke. Kia hãbu urile ruruke. (Baraba inyrubudỹỹdure. Bede jei jeidỹỹ-ki heka ròtena-ò ralore.)

20 Tai Pilato Jesuisi òlòdỹỹmy riwisỹnymyhy tai ixyby rarybere: —Aõkõre Jesuisile ariteònykre.

21 Sõwemy iny ixyby rryre: —Aõkõre, itxeò-ki bitamadỹỹnyke!

22 Tahe Pilato tainatãõnamy narybede: —Aõherewe, aõwe tii ibinamy riwinyre. Aõheka tai ibinaõhyyreri rubu-ò rawahikemy. Òhòteòle ta arawahinykre idi ariteònykre.

23 Ihãre ta iny sõwe mahãdu ire rirajuamyhyreny itxeò nihikỹ-ò rurukemy. Ixierya iryreny-ò roholare idi tukremy.

24 Iu Pilato heka Jesuisi riwahinyre rubu-ò tumyna rex-itòenymyhyreny.

25 Ijõ hãbuõ ta ròtenawo-ribi riòlòdỹỹnyre, iixitòedỹỹreny myna wahe. Tii hãbu aleerydu rare, tahe bede jei jeidỹỹdu tule. Iwana ta Jesuisi rawahire irybemynarenymy aõhebo rotỹỹnykremy.

26 Tahe Jesuisi ridyreny. Ryki tahe hãbuõ iutedereny-ò nade, Simaõ inire, Sireni hãwã ludu wahe. Nohõtiòlemy ta ityre itxeò nihikỹ ritidirenyre, iherenymy idi kanakremy.

27 Sõwemy ihemy nodu sõwe. Iy-ki hãwyy mahãdu Jesuisi-di robumyhyreny.

28 Tii tahe tamyreny rexiòkesemy narybede: —Jerusalẽ hãwã ludu hãwyy mahãdu! Ixirahi bobubenyke ariõre rahi tule warahi ta aõkõre.

29 Tiutxumybo bexirybenybenykre: —Hãwyky bedekòby heka raritxòrenykõre mahãdu rare, tohokuã ritònykõre mahãdu tiku kuladu-di tarukikõre mahãdu.

30 Tiutxumybo

bexirybenybenykre hãwãlò-ò: —Watyreneny bedeseke tule hãwãlò riòre-ò bexirybenybenykre: —Biwawòbenykre.

31 Wiji kawesemyhÿre hee itukure hãre. Timykrebo tahe hee irubukreu.

32 Ihãre tasÿse iny inatxi hãbu òbitimy nodu aòkõ ridyrenyrene Jesuisi-wana rururenykremy.

33 Tahe hãwãlò riòre-ò ratitybymy ninadu-ò ritehemynyrenyrene. Tahe tii-wana inatxi wasidu itxeò nihikÿ-ò rilamadÿÿnyrenyrene. Ijõ ruruweribi-ò ijõ hyweweribi-ò.

34 —Waha, idireny bexiruxetòenyke rieryòhyrenyneri dori aõmybo rotodÿÿnyneri.

Tai tahe ityy wimy ritxuatxuakremy dado-di rehumyhÿreny tibo iwydydukremy.

35 Iny retehemy rÿimyhÿ taile wahe. Judeu wedu mahãdu tule Jesuisimy rarybere: —Tii iny sõwemy rihedÿÿnyrene, kia aõherekibo tii rexitaõreri rubu-ribi, tii Deuxu deòdÿÿna rarehãre.

36 Tule soldado mahãdu rarybere aõbina binahakÿlemy. Diwyde tii aõna ta iny kremy rirahòreny tamy idi reare rijeny:

37 —Kai inatyhymy judeu mahãdu iòlòmý atxiteri wana heka kaa bexitakre iribi.

38 Itxeò ratya-ki tahe aõma timy roire tyyritidÿÿna.

—Kaa Heka judeu Mahãdu Iòlò Rare.

39 Ijõ heka rarybereri Jesuisibire-ki roireriòle tamy rarybereri: —Deuxu deòdÿÿna tateki, bexitake tule biwatabenyke.

40 —Wy, Deuxu lau taberuòlemahãte aõbo tule dori iny aõhòkÿmy rokotÿÿnykrelemy iny roireri.

41 Lõwudu tamy rarybereri: —Iny heka rurureri, aõbina binahakÿ iny riwinyre òraru-ki. Iny rurureri. Kaa hãbu rÿire tiu aõbina riwinyòhykyre.

42 Jesuisi-ò rarybere: —Jesuisi, watxi òhòti beakre Iòlòmý bonykreu.

43 Jesuisi tamy rarybere: —Wijile heka biu-ò heka rakakre.

44-45 Txutyemy bedede roronyrene idi txioro txu rehehekÿ-ò bedede tuu rÿire. Inataõ òramy bedede rybinyrene, rÿire. Heto-ki rahanaheridu urile raykare templo-ki wahe.

46 Tahe Jesuisi rirajuare: —Waha, watyytyby adee rawahinyneri. Iu irybe rexihureu rurure.

47 Soldado mahãdu wedu tuu robire kia aõhebo rotÿÿnara tuu rarybere: —Kia inatyhymy hãbu òbitityhy rare.

48 Ibutumy iny kia robire Jesuisi rubu-ò rahinymy ròsere rexihetenyrenymy tabreti-ò.

49 Ibutumy tii mahãdumy ratximyhÿre iribi ireheriòremy rexijemyhÿ.

50-51 Tii judeu bede mahãduõ rare. Jyjemy inire. Tahe Kristu rubuna-ki awimy rahaõhỹỹre taijoi mahãdu-ribi. Tii dori Deuxu Iòlòna riraòmyhỹre. Ihãwã Arimatea inire.

52 Tai ta rare ixitòedỹỹmy Pilato-ò, Jesuisi umy kidiwahinykremy.

53-54 Tai tahe ritare itxeò-ribi tyy ura nihikỹ-di tyy-di ritỹtetỹtenyre. Manawabedewo-ò ritidire. Tai tiu iny rahãloonaòmyhỹre. Aõma judeu mahãdu elehyna txu wahe ixiywidỹỹnatxumy txu rỹireu heka aõma worana bedehesi txu.

55 Hãwyy mahãdu Kalileia-ribi Jesuisi-wana. Tiiboho doide Jyje-wana Jesuisi hãloo-ò itxeremy.

56 Tahe timybo roimyhỹ riòtudunyre. Dòòsedenyde iribi aderòna lỹnyre ywidỹỹmy iumy tỹnyrenamy.

Kia rexielehynyrenyre sabado txu bede ywidỹỹna myna-di.

24

1 Juhu txu semana bededỹỹnanau txuu deadeu hãwyy roire wabede-ò. Tiiboho riwyyre lỹnyrena.

2-3 Rehemynyrenyre, mana nihikỹ tahe ijò-ribi ratamy rỹire. Tahe ralòrenyre, Jesuisiumy ihoõhyyre.

4 Wabede-ò rirònyrenyre, robirenyre inatxi hãbu. Ityy urahakỹmy rononymhỹre tai.

5 Tahe tiiboho bede riòtiinyrenyre idi tabrebu-di suò reserenyre. Yjyõ tamyreny rarybere:

6 —Iny irumy kaiboho teijeteri kaki wabede-ki aõbo? Tii kaki ratxireri. Tii rexixara rubu-ribi adeereny rarybere wese Kalileia bedeki:

7 —Inyõ riwawahinykre inybina-ò Deuxu Riòre Hãbutyhyhykỹ. Itxeòtyre-ki arỹikre tai arurukre. Inataõ txu-di tahe rubu-ribi arexixakre.

8 Tahe hãwyy irybe-di ròhòtiinyrenyre.

9 Wabede-ribi raijaranyrenyre Jesuisi erydỹỹna mahãdu-ò ijyymy.

10 Kia tiibohore: —Marie Madalena, Joana, Marie Txiause. Ijõ hãwyy tule tii-wana roirenyre.

11 Iu tamy relyyreu, rityhynyòlerenyre.

12 Pedro tahe rỹimy reare idi raijaranyre wabede-ò. Urile tykylemy robire tahe dòòsede, rexiòtiinyre.

13 Itxuleu ta iny inatxi hãbu Jesuisi tyhydỹỹdu mahãdu tahe roirenyre Emau hãwã-ò. Jerusalẽ hãwã-ribi txibo 10 km wese irehere.

14 Ibutumy aõhebo rotỹỹnyramy wiko relyymy ròimyhỹre.

15 Iuleta Jesuisi tamyreny dehemynyde idi tiiboho-wana roire.

16 Tiiboho tuu robirehãre timykibo rierykõhykyrenyre.

17 Tahe Jesuisi ròtỹỹraxire: —Aõmywe widee tarybetenyteri.

18 Iijõreny Klopamy nidu narybede: —Kai sohojilewe Jerusalê-ki aõhebo bede rỹira teerykõte.

19 Tii dotỹỹraxide: —Aõherabo ta. Tiiboho tuu relyyre: —Jesuisi Nazare ludu kie. Tii Deuxumy rybedu nihikỹ heka rare, Deuxu-ò dori ibutu iny-ò heka rybe-ki aõni heka aõmywidỹỹ-ki heka ihỹỹna rare.

20 Waxiwenareny wahidỹỹdu wedu tahe wadinodureny itxeò nihikỹ-ò rurukremy riwahinyreny.

21 Tule judeu mahãdu tarasadukresỹna raholareny. Ihãreta tukõlemyta inataõ txumy rubu-ki bede idi rỹira.

22 Bederarasò-di waijoireny hãwyyõ ihãloo-ò roire.

23 Tai itxi rekoaõhyyre. Dòòsedenydeki tahe Yỹjummy riki ro-birenyremy delyydenyde. Tii Jesuisi rubu-rìbi rexixamy tamyreny rarybere riki.

24 Waijoirenyõ tule ihãloo-ò roirenyre. Inatyhy rikihe rare. Urileta riki Jesuisimy robiõreny.

25 Tahe Jesuisi tyhy Klopaboho-ò narybede: —Aõherewexe Deuxu Rybedu mahãdu rybe awo-ki teximtyntyteri tety-hynykõtenyteriki wahe.

26 Kialemy dori Kristu dori aõna aõnamy rotỹỹnykremy tai Deuxu riwowydynykremy.

27 Tahe Jesuisi rexidelenyre aõbo rybe ritina roiremy. Moisesi ryberiti juhuumy ritỹnynynyre. Timybo Deuxu rybe ritidỹỹdu raremy. Tiiemy heka iximyhyyre rarybere.

28 Ibutumy tamy relyyhyyre ramyhỹrehy tahe ritehemyny Emau hãwã-ò, tai inatxi hãbu rarikreò wahe. Tahe Jesuisi rarybere: —Aõkõ arexinoranykre.

29 Tai ta tamy ihãrele rarybemyhỹre: —Txioinihe bodonyke kakile. Aõma bede ratxinyra ratxioronytyhyra. Taile tii-boho-wana rare ihetoreny-ò.

30 Rorukurenyre riroxirenykremy. Tahe Jesuisi orotxu rimyre rexitõenyre Deuxu-ò. Tahe orotxu riororiorore imynareny.

31 Iu tahe aõwesele rierymy reare Jesuisi. Tai iruereny raraymy rieryreny. Tahe aõwesele iõmy iribi reny reare.

32 Tai widee raryberenyre kiamy. Iu tii Ryberitimy iny-deereny rydi relyyreu, urile wawo ratooteemy. Kai tahe. Ijõ diwyònyde: —Kohe jiarỹ tulere.

33 Iribi tahe ritamanyreny. Diòòsedenyde ixiby Jerusalê hãwã-ò. Tiu waõsohoji reurò erydỹỹna itxi rekoarenyre. Tai tiiboho narybedenyde:

34 Inynyrỹrenyhe rexixara. Pedro heka tuu robira:

35 —Jiarỹboho tulerenyra wawanale ròirenyra rydi. Tule wadeereny orotxu riyreyreny. Taile reeryreny.

36 Iu kiamy relyymyhÿrele, Jesuisi dehemynomy deade it-yareny-txi. Riryberenyre ibutумы: –Ywina heka akirenyke!

37 Ibutумы ruberurenyre ilau. Urile raresÿny tamy rahol-arenyre.

38 Jesuisi rarybere: –Aõhebo taberutenyteri. Brebu-renyõmyke hewa biwatyhynybenyke.

39 Jiarÿle ratxireri. Wadebò-di bedetehebedenyke, wawa-ò tule. Jiarÿ karare wadee inihe bideribedeny. Jiarÿ uni aõkõ watxireri. Uni dori idedire aõkõ wawese aõkõre bedetehebedeny inihe.

40 Tai tahe tebò wotõ mona, tawa wotõmona, riteòsinyre tamyreny.

41 Ihãrele tahe rityhynyrenyõre, ibedesamy bede riòtiinymyhÿreny. Jesuisi tahe rexitòenyre tamyreny aõ rirÿsÿkemy.

42 Tamy riwahinyrenyre utura wòsi deyreõ.

43 Rirasÿre ikorenyòle.

44 Idi tamyreny rarybere: –Aõma wawanale ratximahãre, õhõtireny itxi reara. Aõma wawana atximahãtenyete juhuu. Ibutумы heka adeereny retÿnynomy rarybere aõmybo wamy rybe roimyhÿremy. Ibutумы heka Moisesi rybedu ritidyÿnaki iritina-ki roimyhÿre. Wiuna tule wamy riritinyre.

45 Tai tahe ritÿnynyre òbitimy irakyreny riraynyre.

46 Ihetxiu rybe wãhã aõma Deuxu Deòdÿÿna rurukre heka aõhòkÿmy rotÿÿnykremy. Ruru-ribi inataõ txu-di rexixakremy bede roire.

47 Kaa rybe wihikÿ ritidyÿna heka kaa Jerusalẽ bede-ki robÿtÿkre ihãreta ibutумы iny iny kòkõmy bede bedemy robÿtÿkre. Kiamy heka ibutумы inydee marybebenyke. Iny riwatyhynomy rÿirakre heka ibutумы iòraru-ribi ari-xãwididyÿnyke.

48 Tule terytenyteri ibutумы aõhebo rotÿÿnykremy.

49 Tahe adee ariwahinykre iwese Deuxu rarybere wesemy heka adee ariwahinykre. Kaki hewa matxibenykre hãwã-ki. Tahe kanakre heka adee ruruõ biu-ribi. Iribi tahe bòhònykre karibi.

50 Iribi tahe Jesuisi ridyrenyre Betÿniary-ò. Tai tahe rilãhãnanyrenyre tuu tamy rexitòenyrenyre ibutумы tamyreny. Tamy rexitòenyreu heka ilãhãnamy tamy rexitòenyre biutxile ire rexidymy ramyhÿre ryanamy ramyhÿre.

51 Iu rilãhãnanymyhÿrenyu, biu-ò rare.

52 Tamy rexitòenyra aõma lãhãnamy, wowodynamy rexitòenymyhÿre Deuxu-ò. Tai riwowodynamymyhÿreny. Teysa-di diòkesedenyde Jerusalẽ-ò ixyby.

53 Tai tahe Deuxu dohodÿÿna heto-ki ixyby ixyby rowowy-dynanymyhÿreny.

Joaõ

Deuxu Rybe Wihikỹ Tỹmyra, Joaõ Tyyritidỹỹdu

1-2 Ibutu aõna aõnakõu, Jesuisi rarehyymy raremyhỹ. Tii rybehyyemy raninira. Tii Deuxu-wana ihỹre. Ihãre tahe tii Deuxule rare.

³ Tii ibutuhukỹlemy riwinyre. Tiiõhyyekeki tahe, aõ releõtyhy.

⁴ Umytuedeõna wahidỹỹdu tii ihỹre kia-di iny mahãdu rayky ritoosõnymyhỹre ritỹnynymyhỹre wahe. Kia loosõna heka bedede luru ludu loosõna rare.

⁵ Bede luru tỹnyna loosõna rare. Loosõna ròtamyhỹre, bede luru tahe ròanodỹỹmyhỹre.

⁶ Deuxu teòduõ diteõnyde, Joaõ inire.

⁷ Tii loosõnamy rarybekremy nade. Kia rybe-di roholamyhỹreki, ibutumy iny rityhynyrenykremy.

⁸ Joaõ loosõna aõkõ rare. Urile tuu rarybekemy nade.

⁹ Jesuisile loosõnatyhy rare. Tii bede-ò nadeu, ibutumy iny rayky ritoosõnyre.

¹⁰ Tii bede-ki raremyhỹ, bede widỹỹdu rare, ihãre tahe iny rieryõhyyre mobo tii ihỹre.

¹¹ Tasỹ mahãdu-ò dehemynyde, judeu mahãdu-ò wahe. Ihãre tahe ridyõhyyre, rityhynyõhyyre urile teramy reare.

¹² Iu inyõ Jesuisi rityhynymy ridyreu. Deuxu riõreõlemy risỹdỹỹnyre inimy rityhynyreki. Kia-ò tahe ruru tamy riwahinyre.

¹³ Kia ityhydỹỹdu tahe Deuxudeewilemy tule iriõreõmy roirekemy. Hãlubu-ribi aõkõ ratybienyde, uraribike aõkõ, hãbudeewike aõkõ. Deuxudeewilemy iny ihỹmyhỹrenyde.

¹⁴ Rybe tahe umyõ rimyde, demy rexiijenyde, inyyreny-ki rasỹnymyhỹre. Tii tỹxihikỹlemy Deuxu loosõna-di ratximyhỹre, ruxetõena-di inatyhyna-di nade. Inyboho tuu robirenyre. Deuxu Riõre delamy ratximyhỹre, sohojihyyre.

¹⁵ Joaõ Jesuisimy rarybere kia wese: –Kiamy heka adeeremy rarybere. Tii wahewomy kanakre heka waratyre awityhyre. Tii dori wako-ki rarehyymyhỹ waribi juhuutyhy wahe.

¹⁶ Inyboho dori sõwemy ruxetõena iribi ritarenyde. Luuna sõwetyhymy tawo-ribi Jesuisi inydeeremy diwahinyde.

¹⁷ Deuxu bede ywina tahe Moisesi òraru-ki nade inydeeremy. Ruxetõenamy tahe inatyhyna Jesuisi Kristu òraru-ki nade.

18 Inyõ heka tiu Deuxumy robiõtyhy. Deuxuriõre delale heka itỹnydỹỹdu rare. Tuunatyhy-di taãxiõti-ki rimyre. Tiile iny-ò Deuxu ditỹnynyde.

19 Judeu mahãdu Jerusalẽ-ribi xiwena wahidỹỹdu mahãduõ diteõnyde Joaõ dỹỹraxidỹỹmy. Levita mahãduõ tule diteõnyde. Tahe roirenyre ritỹỹraxinykemy mobo tii raremy.

20 Tahe Joaõ-ò rỹỹraxirenyre aõhereriwe mobo atxiteri. Joaõ dirawyõnyde inatyhymy rexitxiõnyreri: —Jiarỹ Kristu Deuxu deõdỹỹna aõkõ jiarỹ rare.

21 Tai tahe ixityre tamy rarybere: —Mobo tahe atxiteri, Elia aõbo. Aõkõre, Joaõ rarybere. Tahe Deuxu dee rybedu atxiteri inyboho riraõrenyleriõ wahe? Joaõ rarybere aõkõremy.

22 Tamy tahe ixityre raryberenyre: —Wakoreny bedelyyke mobo atxiterimy. Tai iny deõdỹỹdu mahãdu-ò arelyyrenykre. Aõmybo iximy manarybeke?

23 Tahe Joaõ rarybere: —Jiarỹ Isaia Deuxumy rybedu we-sele adeereny ararybekre. Jiarỹ rybeterenaduõ jiarỹ rare. Jiarỹ bederahy-ki iny-ò rarywãhã.

Inynyrỹ-ò ryõ biõbitinyke.

24 Fariseu mahãdu-ribi kia mahãdu roirenyre.

25 Tai tamy rarybere: —Kai Kristu aõbo tate? —Aõkõre. Elia aõbo? —Aõkõre. Deuxu dee rybedu aõbo? —Aõkõre. —Aõhereki tahaka iny teratysebenyteri?

26 Joaõ dirawyõnyde: —Jiarỹ bedi iny reratysebenyleri. Inyõ tahe ayrenykiratxireri. Tii tahe teeryõmahãtenyde.

27 Tii wahewo-ribi kanakre. Jiarỹ raixỹrumy watxireri iwataana ese-ki, tii waratyrekeri.

28 Kia ibutumy aõhebo rotỹỹnyre Betỹnia hãwã bede-ki. Jordaõ bero kowa weribi ijã-ki ihỹre. Tai iule Joaõ iny riratysy-benymyhỹre.

29 Txubiõwau tahe Jesuisi Joaõ-ò kedehemynykemy nade. Tahe rarybere: —Beteheke, kowa Deuxu budoeni naderi. Tii õraru-ribi iny ritakremynade.

30 Tuu jiarỹ rarybereu, inyõ wahewomy kanakre. Tii waratyre awityhy rare. Tii dori wako-ki rarehyymyhỹ waribi juhuure. Kia rarybereu tule jiarỹ tuurarybemahã.

31 Reeryõre heka tii, ihãre tahe anade tii aritỹnykemy judeu mahãdu-ò. Tai tahe anade iny bedi reratysebenymahãremy.

32 Tahe Joaõ tamyreny relyyre: —Jiarỹ Deuxu Tyytybytyhymy rabire tamy dobehede-ò. Bõtõe wesemy ityre-ò desede.

33 Deuxu riwateõnyre bedi iny ariratysybenynykemy. Tahe riwateõnyreu tahe wadee rarybere: —Aõmy kai bobikre? Deuxu Tyytybytyhy ronymy resekele inyõtyre-ò. Tii sohojile tahe Deuxu Tyytybytyhy-di iny riratysybenynykre.

34 Jiarỹ tuu rabire, tai tahe reeryre, tule taheka re-lyywãhãre, tii inatyhymy Deuxu Riõre raremy.

35 Itxubiòwau tahe Joaõ taerydỹỹna inatxiõ-wana raremyhỹ.

36 Tahe Jesuisi nadeò tuu robire. Tahe tamahãdu-ò rary-berere: —Kowa tahe Deuxu Budoeni naderi.

37 Kia rybe-ò tiiboho roholareu, tahe ròirenyre Jesuisi rihe-ludunynyrenykremy.

38 Jesuisi tahe tuu robire ihemy roirerimy. Tahe tamyreny raryberere: —Aõbo teijetenyteri. Tahe dirawyònyde: —Rabi (kia rybe tahe irybereny-ki, erydỹỹdu rare), titxibo kai tasỹnymahãte.

39 Jesuisi rirawyònyre: —Bòdòibedenyke betehebennykemy. Tahe tii-wana roirenyre, tamy reteherenyre. Tahe txioromy tii-wana ihỹmyhỹ.

40 Joaõ rybe-ò ijohonaduõ, Jesuisi helududỹỹduõ, Andre rare. Tii Simaõ Pedro seriõre rare.

41 Andre tahe taseriõre Simaõ aõwesele rioryre. Tahe tamy raryberere: —Mesia-ki inyboho rahamy ratximyhỹreny. (Ka rybe, Mesia, heka. Kristumy rare, Deuxu deòdỹỹna rare.)

42 Tahe Andre Jesuisi-ò Simaõ didyde. Jesuisi Simaõ-ò retehere urihimyò idi tamy raryberere: —Kai Simaõ tate, Joaõ riõrere. Iribi tahe ani Sefamy rarekre (Kani heka Pedro rare.)

43 Itxubiòwau Jesuisi Kalileia-ò rakremy ixi-di rõhõtynyre. Tahe Filipi riijere. Tamy raryberere: —Wahemy manakekò aõbo.

44 (Filipi tahe Besaida hãwã luduõ rare Pedro, Andre-wana ihãwãluduõle rare.)

45 Filipi tahe Natanaeli witxi reare. Tamy raryberere: —Moisesi bede ywina tyyriti-ki inyõmy raryberere: —Tule Deuxu dee rybedu tyyriti-ki raryberere. Taile rahare. Jesuisi ihỹre. Nazare hãwã luduõ rare. Jyje riõre rare.

46 Tahe Natanaeli ritỹỹraxinyre: —Aõwihikỹ aõkãbo Nazare hãwã-ribi kadòhònykre. Filipi rirawyònyre: —Manake betehekemy.

47 Jesuisi Natanaelimy robire naderimy tahe tuu raryberere: —Kowa judeu mahãduõ inatyhy rare. Tii hãbu òbiti rare.

48 Tahe Natanaeli raryberere: —Timykibo tiwaeryteri. Jesuisi rirawyònyre: —Figueira òra-ki tanyteò, umy rabire. Filipi aòrysomy raõreule, umy rabire.

49 Natanaeli rimasajuamy rirawyònyre: —Kai Deuxu Riõre tate Inyerydỹỹdu tate. Kai judeu mahãdu Iòlò tate.

50 Jiarỹ adee rarybera: —Figueiraòra-ki umy rabireki. Ki-akile aõbo, tiwatyhynyteri. Iratyre aõna aõna wiwihikỹ adee ariteòsinykre.

⁵¹ Inatyhytyhymy adee araybekre: —Biuwetyy riranykre. Jiarỹ biuloosõna hãbu jiarỹ rare. Ýjuboho Deuxu-ribi wadee doideò kai bobikre. Idi waribi roireò bobikre.

2

¹ Inataõ txu-di tỹmyra herina txumy reare. Kana hãwã-ki Kalileia bedeki. Jesuisise tai ratximyhỹre.

² Jesuisi tule ritobinyre tamy rakremy taerydỹỹna mahãdu-wana.

³ Lisinaube tya-ki vỹĩ mona ituere. Tai Jesuisise Jesuisi-ò rarybere: —Vỹĩ mona ituere, imona kõre.

⁴ Jesuisi rarybere: —Nadi, aõhebo arotỹỹnykre. Aõka waw-idỹỹkõna wabededỹỹnanamy aõkõka bedeki rỹreri.

⁵ Tahe Jesuisise deòdu mahãdu-ò rarybere: —Anowidỹỹkỹmy adekereny tiki rarybekeki, ibutumy biwinybenyke.

⁶ Debõsohoji reurò mana butxi nihikỹ tai rỹimyhỹ judeu mahãdu ibe-di brebu òraru-ki aõna aõna risuhòmehỹre worana bedehesinau. Mana butxi sohoji sohoji 80 urihixina ratyre rimyre.

⁷ Jesuisi tamyreny rarybere: —Ibutumy bedi bitỹxinybenyke. Tahe ibutumy ijà ratyre ritỹxinyrenyre.

⁸ Katahe iribi bitake. Worana bedehesi wedu-ò biwybenyke imona. Tahe riwyrenyre.

⁹ Kia bee heka Jesuisi riwixiranyre vỹĩ monamy. Tahe iwedu riurihire, rieryõre tiribibo nade. Deòdu tahe rieryre juhuu bee rare. Tahe iwedu rarybere weryrybò heridu-ò:

¹⁰ —Katahe awityhyre. Kai ijõ-ribi iwixiratyhymy tewinyteri. Ijõ iny heka awityhy iko-ò ritxiwimyhỹ. Ihewomy tahe awiriõre ritxiwimyhỹre. Kai tahe awityhy ikonana-ò teyrubunyta.

¹¹ Katahe aõna aõna wiwihikỹ iny itxerenamy juhu ludu rare. Kana hãwã-ki Kalileia bedeki ihỹre. Tii tarurutere riteòsinymyhỹre taerydỹỹna mahãdu-ò. Tai ierydỹỹna mahãdu rityhynyre.

¹² Iribi tahe Kafanaõ hãwã-ò Jesuisi dobehede tadi, taseriõre, taerydỹỹna mahãdu tii-wana roirenyre. Ijõtxumy tahe tai bedeki tỹnyna rỹira.

¹³ Pascoa worana bedehesi iòhòmỹ rỹireu, Jerusalẽ rotuore kia tahe judeu mahãdu worana bedehesina rare.

¹⁴ Tai Jesuisi Deuxu dohodỹỹna hetowo-ò ralore. Tahe iwo-ki itxi reare sõwemy aõna aõna-di rohonyreriò, broreni-di ijohodu-txi, budoeni-di ijohodu-txi, bòtòe-di ijohodu-txi, tule nieru wixira wixira wibydyỹdu mahãdu-txi reare tai ronimyhỹki.

¹⁵ Jesuisi reroti awaru hãtena wesemy riwinyre. Idi tahe dohodỹỹna hetowo-ribi ibutumy riòlòdỹỹre,

budoeni, broreni-wana, tahe nieru wibydÿÿdu mahãdu oworubesedÿÿ-di Jesuisi rehure, tai nieru rejuxunyre.

¹⁶ Tahe rare bòtòe-di ijohodu-ò. Tamy rarybere: — Biòlòdÿÿnyke wa. Waha heto dori aõ-di ijohona aõkõ rare.

¹⁷ Tahe Jesuisi erydÿÿna mahãdu tõhõti-txi reare aõbo Deuxu Tyyriti-ki roiretxi:

—Waha heto yrubudÿÿna-ki dori riwasamyhÿre. Ariyrubunykemy dori watxireri, tai riwasareri.

¹⁸ Judeu mahãdu Jesuisi-ò rÿÿraxire: —Aõherekibo kai teòlòdÿÿnyteri. Mobo he arateranyreri tuu biwinykemy.

¹⁹ Tahe Jesuisi rirawyònyre: —Deuxusÿ-di behuke tahe inataõ txu-di aditamadÿÿnykre.

²⁰ Tahe judeu mahãdu rarybere: —Ka heto 46 beòra-di relere, timykibo kai inatãõ txu-di biwinykemy.

²¹ Jesuisi tahe Deuxusÿmy taumylemy rarybere.

²² Iribi tahe iu rubu-ribi iixixana-txi tõhõtireny reare, kia tuu rarybere-txi. Tai heka iritina rityhynyre, tule Jesuisi rybe rityhynyre.

²³ Jerusalẽ-ki Jesuisi Pascoa worana bedehesidÿÿna riwyre. Aõna aõna wiwihikÿ inyy-ki ritxienyre riwinyre. Tai sõwemy iny inityhy rityhynyre.

²⁴ Jesuisi tahe urihimyòle iny rityhynyre.

²⁵ Tii dori ibutumy iny rayky rierymyhÿre. Inyõ timy iny raremy tiu tamy aõna relyyõtyhy tii ibutumy aõerydu rareki.

3

¹ Nikodema fariseu mahãduõ rare. Tii judeu mahãdu we-duõ rare.

² Tii rudimy Jesuisi roramy rara. Tahe tamy rarybere: —Wanyrÿ, reeryrenyre kai Deuxu-ribi erydÿÿdu tate. Inyõ Deuxu-diõkeki tii aõ wiwihikÿ riwinyõtyhy. Iwese aõ wiwihikÿ kai tewinyte wese.

³ Tahe Jesuisi rirawyònyre: —Inatyhytyhymy adee ararybekre: —Inyõ ixityre reakõkeki, tiu Deuxu Òlõnasÿmy ro-biõtyhy.

⁴ Nikodema rÿÿraxire: —Timykibo matuari ixityre reakemy. Timyrabo, ixyby tadiwo-ò iny ralòkeki aõbo ixyby iny raumynyke.

⁵ Tahe Jesuisi rirawyònyre. Inatyhytyhymy rarybere. Inyõ bera-ribi ratybienyõkeki Deuxu Tyytybytyhy-ribi ratybienyõkeki, tiu ralòõtyhy Deuxu Òlõna-ò.

⁶ Deribi tybie heka dee rare. Deuxu Tyytybytyhy-ribi tybie tasÿ tyytyby rare.

⁷ Idi wanaõtaõmy aõmybo rarybereridi ixityre ijiranamy.

⁸ Tiò tiò yhy ribonymyhÿre: —Iwodÿÿ taholate, tahe tiribibo namyhÿde teeryõmahâte tiõhe ramyhÿre teeryõte, kia wesele iny Deuxu Tyytybytyhy-ribi tybie iny rÿire.

⁹ Tahe Nikodema rÿÿraxire: —Timyrebohe kia ratxike.

¹⁰ Jesuisi dirawyõnyde: —Kai judeu bedede erysydÿÿdu tate ihãrele teeryõte aõbo.

¹¹ Inatyhytyhymy adee rarybere aõmybo reeryre, aõmybo rabire. Ihãrele tahe kia tetyhynyõte.

¹² Bede aõmydÿÿnanamy rarybere tahe tetyhynyõte. Timybo bityhynyke biu aõmydÿÿnanamy ararybekeki.

¹³ Iny sohojile biu-ò raõwõnyre, Deuxu Riõre Hãbutyhyhykÿ rare. Tiile iribi juhu dobehede. (Tiile isÿre. Taile isÿ roire.)

¹⁴ Iwese Moisesi bederahy-ki womati hemylala ritamadÿÿnyre wese, Kiawesele jiarÿ, Deuxu Riõre Hãbutyhyhykÿ, wadi kidiwatamadÿÿnykre.

¹⁵ Tahe inyõ wadi rityhynykeki, umytuedeõna tuu ritamy rÿihyy rakre.

¹⁶ Deuxu Riõre sohojihyyle rare. Deuxu bedede ludu mahãdu ibutumy iluutyhyre. Tai tahe tariõre diteõnyde iny rityhynykre. Inyõ tii rityhynyre-wana, umytueõnahakÿ ritakre. Tii ruruõtyhy rubu bina bede-ò.

¹⁷ Deuxu taRiõre bede-ò diteõnyde bedede iny mahãdu tarasadumy rarekemy. Aõ iny ywisidÿÿna-ò rirutykemy aõkõ.

¹⁸ Inyõ rityhynymyhÿreki, tii ywisidÿÿdu idi rehuõtyhy. Iny rityhynyõmyhÿreki tiihe aõhõkÿmy dÿÿnana-txi riteõnykre Deuxu idi ratximyhÿre, tii dori Jesuisi rityhynyõhyymyhÿre, Deuxu Riõre dela wahe.

¹⁹ Ibinatyhymy iny aõmydÿÿnana bedede bedemy rÿira, tai bedede luru-ki rira tamy awira. Tuu loosõna nadeu, tamy ibinare. Tai tahe Deuxu riteõnykemy idi ratximyhÿre.

²⁰ Inyõ aõbinahakÿ rotÿÿnymyhÿre, loosõna dera heka tuu rÿira; loosõna-ò rehemynyõtyhy, rehemynyre-wana, iny taaõbina bina rierymyhÿre.

²¹ Iny tahe awiwihikÿle rotÿÿnymyhÿre-wana tii tahe loosõna-ò rehemynykre rÿira, taaõmydÿÿnana dori Deuxudeewimy ririmyhÿre, ibutu iny rierykre ririre.

²² Iribi tahe Jesuisi taerydÿÿna mahãdu-wana Judeia bedede-ò ròirenyre. Tai heka bededÿÿnanaõ riwyre. Tiiboho iny ityhydÿÿdu mahãduõ tai riratysebenyrenyrene.

²³ Joaõ iribi iõhõmy ratxireri. Iny riratysebenymyhÿre. Tii Eno hãwã-ki Salí hãwã-ribi iõhõmy roire. Tai riratysebenyrene sõwemy bee tai roimyhÿreki. Sõwemy iny tamy ratysebenymy rare.

²⁴ (Joaõ iu rotenamy ralõõlemy ratximyhÿ.)

²⁵ Judeu mahãduõ, Joaõ erydÿÿna mahãdu-wana rybetere txiõdÿÿna ròhònyra, bede ywina òbiti aõmydÿÿnanamy wahe.

²⁶ Tahe Joaõ erydÿÿna Joaõ-ò doidenyde rarybekremy: — Waerydÿÿdurenny. Kai hãbumy telymy tatemahã, kia Jordaõ kanawe-ribi ijà-ki umy-wana raremyhÿ, tii ròratysebenyleri. Sõwemy iny tamy wirotyre.

²⁷ Tahe Joaõ tamy rarybere: —Kia wadee awire aõ aõkõ iny ritamyhÿre, biu-ribi kanakékile tahe iny aõ ritake.

²⁸ Jiarÿ heka Jesuisi nonanamy ijyymy diwateònyde wahewo-ribi kanakremy. Jiarÿ tii aõkõ rare. Tii tahe Kristu tyhy rare. Jiarÿ kiamy juhUU rarybewãhãre: —Kia tahe teerytenyte.

²⁹ Inatyhymy tahe hãbumy heridu wesemy Jesuisi rare. Ibutumy iny tuu robikemy tamy wirotyre. Ibiòwa weselemy jiarÿ rare. Tahe irybe-ò raholareu, reysamy rarewãhã.

³⁰ Tai wadee awire iny tii rieryreki, waribi tahe nohõti rosakemy idi watxiwãhãre.

³¹ Tii biujuxahakÿ-ribi nadeki ibutu ratyremy ratximyhÿre. Bede-ribi jiarÿ anadeki, tahe bede ludu jiarÿ rare, bede aõmydÿÿnanamy rarybewãhãre.

³² Tii rarybere aõmybo roholare, robire, tahe ijõ iny rityhynyòhyre irybe.

³³ Inyõ tahe rityhynykeki, tii tule ijõ-ò rarybere, Deuxu inatyhy rare wahe.

³⁴ Deuxu deòdÿÿna heka irybelemy rarybere Deuxu dori Tatytybytyhy ibutumy tamy diwahinyde.

³⁵ Tyby taRiòre luure, tai tahe ibutu aõmydÿÿnana ywisidÿÿmy tamy diwahinydemy diteònyde.

³⁶ Iny Jesuisi rityhynymyhÿreki, umytuedeònahakÿ-di iny rÿira. Inyõ tamy ratxiòkeki, tiu umytuedeòna robiòtyhy, Deuxu ykarana dori tii-wana ratximyhÿre.

4

¹⁻⁴ Inyõ fariseu mahãdu-ò rarybere: —Jesuisi Joaõ-ribi iny sõwemy diratysebenymyhÿde. Sõwemy iny ritamyhÿre ierydÿÿmy. Tahe Jesuisi aõkõ ròratysebedÿÿmyhÿre, ierydÿÿnale tahe riratysebenymyhÿre. Iu Jesuisi kiamy rieryreu tahe, Judeia-ribi rexitare. Roirenyre Kalileia bede-ò ritehemynykemy. Roirenyreu tahe Samaria bededihyyle riòhòrenyde.

⁵ Samaria bede hãwãõ-ò tahe ritehemynyre. Sika inire. Ijaò riòresu-ribi iòhòmy ròira, tariòre Jyje-ò riwahinyre wahe. Ijaò behãloo tai rÿimyhÿ.

⁶ Txutyeyu tahe Jesuisi elerihynymy ronymyhÿ tatilemy nadeki berysyna werora-ki.

⁷ Tahe Samaria mahãdu hãwyyõ dobehede beitzemy. Jesuisi tamy rarybere: —Beõ inihe wadee bidiõke.

⁸ Jesuisi erydỹỹna mahãdu tahe juhUU roirenyre hãwã-ò rỹsỹna itxemy. Tai Jesuisi riraòmY rononymhỹ.

⁹ Tahe hãwyy rarybere: —Kai judeu mahãdu tate, jikarỹ samaria mahãdu rare. Anoherekibo wadeke textitõenyteri bemomomy. (Judeu mahãdu Samaria mahãdu-wana wiwmy reaõhyymyhỹre. Widi òludu wesemy rare.)

¹⁰ Tahe Jesuisi rirawyyõnyre: —Kai heka teeryõhyyteri mobo jiarỹ rare wahe. Tule, Deuxu wahisidỹỹna teeryõte. Ti-waeryteriwana kai bedexitõenyke, tahe bee irumy ihỹre adee ariwahinyke.

¹¹ Hãwyy rarybere: —Wahĩ, timybo bee irumy ihỹre wadeke kanakre. Kai ahynakõre, hãloko heka behekyre bee irehere. Timybo bee iru kumy-wana ratxireri.

¹² Kai anobohe inytyby Ijaò ratyrere. Tiki heka behãloko wedu juhuku rare; idi riwahinyre inydekereny. Iribile ir-itxiòre riõmyhỹre tiki-wana, ibroneni riõmyhỹre.

¹³ Jesuisi tahe tarybetyhy-di rarybere: —Inyõ kahãloobemy riõkeki, ixityre bemomomy ruruke.

¹⁴ Jiarỹ bee ariwahinyke. Inyõ tahe kiabemy riõke-wana, tiu bemy tamy umytuedeõnahakỹ riwahinyhyymyhỹre.

¹⁵ Tahe hãwyy rarybere: —Wahĩ bee tuedekõdu ikuny tuu kariõke. Tai kakò kanakõtyhy berysomy.

¹⁶ Tahe Jesuisi rarybere: —Maa hỹny, ahãbu biõryke, tahe manake.

¹⁷ Hãwyy dirawyyõnyde: —Anokõre, wahãbukõre. Jesuisi rarybere: —Inatyhymy tarybeteri ahãbuõremy.

¹⁸ Kai heka iruyre ahãbu tate. Wijina tahe ahãbu aõkõ rare atỹhibiòwale wahe. Kia tahe inatyhymy tarybeteri.

¹⁹ Wahĩ, wiji tahe arakeryra, kai Deuxu rybeduõ tate.

²⁰ Wahareny Deuxumy reàlãmhyhỹre kahãwãlò-ki. Amahãdu anokõ, tamy tahe Jerusalẽ Deuxu deàlãna rare.

²¹ Tahe Jesuisi rarybere: —Lerỹ, warybe bityhynyke. Kanakre itxu kahãwãlò-ki aõkõ, Jerusalẽ-ki aõkõ Waha Deuxu deàlãna rarekre.

²² Kaiboho aõmybo tealàte teeryõtenynte. Jiarỹboho tahe aõmybo reàlãre, reeryrenyrene, tarasana dori judeu mahãdu-ribi nade.

²³ Kia bededỹỹnanamy reara. Inyõ Waha Deuxu àlãnamy ratximyhỹreki Deuxu Tyytybytyhy-di, inatyhyna-di reàlãmhyhỹke. Tuu deàlãna mahãdu Deuxu riijemyhỹre.

²⁴ Deuxu Tyytyby rare: —Tai tahe tudeàlãnadu tattytyby-ki inatyhyna-ki tuu reàlãmhyhỹre.

²⁵ Kia tahe jikarỹ rekeryre, Mesia kanakre, Deuxu

dekòdÿkÿnami wahe, Kristu inire. Tiki kanakreku wahe, ibutumy inydekereny anona anonamy relykykre.

²⁶ Jesuisi rarybere: —Jiarÿ tahe tiire, umy-wana wiji rarybereri wahe.

²⁷ Tahe Jesuisi erydÿÿna mahãdu rehemynyre. Hãwyy-wana rarybereriki tahe ribedeòtiidÿÿnyrenyrene. Tahe inyõ tamy rÿÿraxiõhyyre. Aõmybo tamy rÿÿraxire, ada aõherekibo tamy rarybereriki.

²⁸ Iu tahe hãwyy tabutxi ririre, hãwã-ò rara. Tahe tahãwã mahãdu-ò rarybere:

²⁹ —Bodoibedenyke wahemy. Betehebenykemy hãbu-kò. Tiki wakoku relykyre ibutumy anohebo ratÿkÿnymahãremy. Tiki kòsana Kristu ratxireri. Deuxu dekòdÿkÿna rare.

³⁰ Hãwã-ribi roirenyre Jesuisi-ò.

³¹ Iu hãwyy hãwã-ki rareamyhÿreu, tahe ierydÿÿna Jesuisi-ò rarybere: —Iny erydÿÿdureny rÿsÿnaõ birÿsÿke.

³² Tahe Jesuisi rarybere: —Warÿsÿnadire wahe. Kaiboho heka kia rÿsÿna teeryòtenyete.

³³ Tahe widee raryberenyre: —Inyõ kòaõboka tamy rÿsÿnaõ riwyreri.

³⁴ Jesuisi rarybere: —Wadeòdÿÿdu deewimy ariwinykemy idi watxireri. Kia tahe warÿsÿnare, iaõmysÿdÿÿna arihukemy wahe.

³⁵ Maixõmo butuna inaubiòwa ahãdu-di bidiòrarunybenykremy kaiboho tahòtinytenyteri. Tahe aõkõre adeeremy ararybekre. Betehebenyke bedero-ò. Maixõmo redenamy rÿire.

³⁶ Kia maixõmo butudÿÿdu iòwy ritake, tahe umytuedeõnahakÿ-ò iny ributunyre. Tahe wiwanale riwodeysanymy hÿre ibròdÿÿdu ibutudÿÿdu-wana.

³⁷ Iwese inyõ rarybere wese, inatyhy rare. Ijõ tahe ibòròdÿÿdu rare. Iwitxira tahe ibutudÿÿna rare.

³⁸ Jiarÿ kaiboho arateònymahãre. Aõbo tebòrònyòtenyete tahe bibutunyke. Juhuu inyõ raaõmysÿdÿÿre: —Kaiboho tahe iraty temytenyete.

³⁹ Tahe hãwyy òraru-ki sòwemy Samaria hãwã mahãdu rityhynyre. Hãwyy rarybere juhoo: —Tiki wakoku relykyre ibutumy anohebo ratÿkÿnymahãre walananonanamy relykyre. Kia rybe òraru-ki tahe rityhynyrenyrene.

⁴⁰ Samaria hãwã mahãdu tahe Jesuisi-ò rexitòenyre tii-wana roirekemy. Tahe Jesuisi tii-wana inatxi txumy riwyyre.

⁴¹ Sòwemy tahe rityhynyre Jesuisi Rybe òraru-ki.

⁴² Tahe hãwyy-ò rarybere. Wiji tahe arybe òraru-ki aõkò retyhynyreneri. Tamy tyhy-ò jiarÿle raholare, tahe reeryre tii bede iny tarasadu tyhymy raremy.

⁴³ Inatxitxu-di tahe Samaria-ribi rare Kalileia bedè-ò.

44 Jesusile dori rarybere: —Deuxu rybeduõ uladumy ijirana bedeki iny rityhynyõhyymyhỹ. Tiu tamy wowydynaõ riwahinyõtyhy.

45 Kalileia mahãdu juhuru Jerusale-ò tule roirenyre, worana bedehesi rỹimyhỹraò. Ibutumy aõbo Jesusi riwinyra heka tiiboho reteherenyre. Tai Jesusi tasubede-ò rehemynyre tiiboho awimyrityre.

46 Tahe ixityre Jesusi rehemynyre Kana hãwã-ò. Juhuru tai bee riwitxiranyre vỹ monamy wahe. Bede dinodu aõmysỹdỹdu Kafana-ki rasỹnyre.

47 Jesusi Kana hãwã-ki ratxirerimy hãbu roholareu, tamy rara. Tariõre dori ibinamy roire taheto-ki. Jesusi-ò hãbu rarybere: —Manakekõ aõbo waheto-ò wariõre biteytekemy.

48 Jesusi rirawyõnyre: —Kaiboho bede aõmydỹnana wiwihikỹ tetehetenyteule tetyhynytenyte.

49 Hãbu heka Jesusi-ò rarybere: —Wanyrỹ, wylemy manake wariõre rurukreko-txi.

50 Jesusi rarybere: —Bõõseke, ariõre dori awimyrilera.

51 Tahe tii Jesusi rybe rityhynyra tai ròõsere taheto-ò rakemy. Ijõ txu tahe ryro-ki teòdu-wana witxi reare. Tii rarybere: —Ariõre reytera aheto-kile.

52 Hãbu ritỹraxyre tiubo reytera. Tahe relyre. Kaule, txutyeyu reytera.

53 Jesusi rarybereu, kiaule iriõre reytera. Hãbu rieryre. Tai tahe idi ibutumy hãbu sỹmahãdu Jesusi rityhynyre.

54 Kia tahe Jesusi inatxina aõna aõna wiwihikỹ iny itxer-anamy riwinyre Kalileia bedeki.

5

1 Iribi tahe judeu mahãdu worana bedehesimy rỹimyhỹ. Tai tahe Jesusi rare Jerusale-ò.

2 Hãwã-ki tahe hãloo ibedỹ roimyhỹ budoeni ryijò iòhò-ki rỹimyhỹ. Beteta inire, hebraika rybe ini rare, judeu rybe wahe. Iruyre iwòtena ube iwerora-ki rỹire.

3 Sõwemy webinadu ube-ò wii rotyre, iny ruetà ijõre, iny tiere ijõre, inyitibina ijõre.

4 Tiiboho yjuõ riraõmyhỹre. Yju beò rerireu tahe raukỹre. Moberu ihu itxi resekeki tahe, tii reytemyhỹre.

5 Hãbuõ 38 beòramy ibinamy roimy raremyhỹ.

6 Jesusi tamy retehereu, rieryre tiwesebeòrabo ibinamy roimy rare myhỹ. Tahe tamy rarybere: —Kai aõbohe beytekekõ.

7 Hãbu dirawyõnyde: —Aõkõre Wanyrỹ, wawihedỹduõre. Bee rexiukỹnyrau, ijõ wako-ò ralõmyhỹre.

⁸ Jesuisi tamy rarybere: —Myikewa, abyre bimyke, mari-ake.

⁹ Aõwesele hãbu rỹimy reare, awimy. Tabyre rimyre tahe rariare. Kia txu tahe sabado txu rare. Kia txu tahe judeu aõmysỹdỹỹna txu aõkõ rare.

¹⁰ Tai tahe judeu mahãduõ tamy rarybere: —Abyre-di ri-raõmy, sabado txu dori òbiti aõkõ rareki.

¹¹ Tahe dirawyònyde: —Wadeytedỹỹdu wadee rarybere wabyre arimykeny.

¹² Tahe tamy rỹỹraxire: —Mobo adee rarybere abyre bimykeny idi mariakemy.

¹³ Tahe hãbu deytedu rieryõre mobo rare. Jesuisi dori dexitade iribi. Sõwemy iny tai rỹimyhỹ.

¹⁴ Deuxu dohodỹỹna heto-ki Jesuisi idi hãbu-ki rahara. Tamy rarybere: —Kai teyteta, inatyhy. Tai tahe aõraruna biixãwidinyke, aõbinatyhy aõhe adee rotỹỹnyheny.

¹⁵ Hãbu tahe rare. Judeu mahãdu-ò rarybere, mobo teytedỹỹdu raremy, Jesuisi wahe.

¹⁶ Tai tahe judeu mahãdu Jesuisi ibinamy rexideleny rarybere, sabado txuu kia riwinyreki.

¹⁷ Jesuisi tahe rarybere tamyreny: —Waha, Deuxu aõu raaõmysỹdỹỹre, jiarỹ tulere.

¹⁸ Tai tahe sõwemy irubudỹỹmy rurumyhỹre. Sabado txu bede ywina-ribi tii riwinyõre. Tule Jesuisi Deuxu wesemy rexioire, Wahamy dori rarybemyhỹreki.

¹⁹ Tai tahe Jesuisi tamyreny rarybere: —Jiarỹ ixi-di aõkõ aõmydỹỹnanamy ratỹỹnymahãre aõbo Waha riwinymyhỹre, jiarỹ tule rewinywãhãre iweselemy.

²⁰ Waha Deuxu dori waluure. Aõbo riwinyre wadee riteòsinyre, tai tahe aõruxerahakỹtyhymybo bobibenykre, idi bede biòtiinybenykre.

²¹ Waha Deuxu dori rubu-ribi iny riixixanymyhỹre. Tai tule jiarỹ iny areixixanyke ixideewikeki.

²²⁻²³ Ibutumy iny hitxidỹỹna Waha wadee tuu rarybera, tii dori iny rihitxidỹỹnyòtyhy. Jiarỹle tahe iny ywisidỹỹdumy aròhònykre, tai iwese Deuxu iny riwowydynymyhỹre wesele iny riwawowydynymyhỹkre. Adeereny Deuxu diwateònyde. Tai inyò riwawowydynyòkeki, tii Deuxu riwowydynyòreri.

²⁴ Inatyhytyhymy adeereny ararybekre. Inyò warybe roholakeki, wateòdỹỹdu rityhynykeki, tii wijityhyle umytedeõna ritake, ywisidỹỹduko-ò ròhònyòtyhy, rubu ryribi ròhònyre umy irumy ihỹre ryò iny ralòmehỹre.

²⁵ Inatyhytyhymy adee arelyykre: —Bedeỹỹnana-ki kòhòra, bede dỹỹnanamy reara. Tahe rubu mahãdu Deuxu Riòre rybe-ò roholakre. Roholamy rỹikeu tahe irumy rỹike.

26 Tyby dori iumyõnanaõhyyre wese tule iRiõre rare. Umytuedeõna wedu rare.

27 IRiõre heka hitxidỹỹna wedumy relere. Tii dori Deuxu Riõre Hãbutyhyhykỹ tii rare, jiarỹ wahe.

28 Bedeõtidiỹỹõmy tahe bededỹỹnanamy he reare. Rubu mahãdu wabedey-ki warybe-ò roholakre, tai iribi rõhõnykre.

29 Ibutumy aõwibo riwinyre mahãdu kedexixakre umytuedeõnahakỹ-di. Kia ibinamy riwinymyhỹre mahãdu ywisidỹỹdu-ò rexixakre.

30 Jiarỹ ixi-di aõkõ aõmydỹỹnanamy ratỹỹnywãhãre. Iwese Waha-ò raholare wese iny ywisidỹỹmy arõhõnykre. Waywisidỹỹna heka õbiti rare. Wadee wimy aõkõ dori tuu watxiwãhãre. Waha wadeõdudeewimy tuu watxiwãhãre.

31 Iximy ararybekeki, inyõ riwatyhynyõtyhy.

32 Iwitxira heka tuu rarybereri wamy wahe. Reeryre inatyhy raremy.

33 Kaiboho inywitxira teteõnytenynte. Joaõ ratysebedỹỹdu-ò rỹỹraxikemy ibutumy kia wamy rarybere inatyhy rare jiarỹ inatyhy rare.

34 Iny wamy rarybemyhỹre, tahe jiarỹle kia reijeõhyymahãre inyle rieryõre wamy rybe, wahe. Tahe kiamy adee relywãhãre kaiboho ritamy rỹikemy.

35 Joaõ tahe loosõna wesemy raremyhỹ. Tii urihimyò bededỹỹnana ritoosõnymy raremyhỹwesemy tahe kaiboho atximahãtenynte. Idi urihimy-ò teysatenynte iloosõna-di, idi iribi kaiboho terarenyre.

36 Jiarỹ Waha òraru-ki aõmydỹỹnana wiwihikỹ, rewinyamahãre. Kaheka inatyhymy urihixina rare. Joaõ wamy rarybere ratyre heka kaa roire, Deuxu Waha inatyhymy wadeõdu raremy riteõsinyre.

37 Waha wadeõdu wamy tule relyyre. Kaiboho irybe-ò taholaõtenynte tule tii tabiõtenyta.

38 Kaiboho tamy taholaõhyymahãtenynte, tiwatyhynyõteki, jiarỹ dori iteõdỹỹna rare.

39 Tyyriti-ò tetehetenynte iwo-ki dori umytuedeõna-ki mahakemy tahõtinytenynte. Ritidỹỹnakile wamy relyymyhỹre.

40 Ihãrele tahe wadee taõmahãte adeereny umytuedeõna ariwahinykemy.

41-42 Aõmybo wamy iny rarybemahãkeki, aõ aõkõ rare wadee, jiarỹ dori reeryre Deuxu luuna-di aõkõ atxitenyteri.

43 Jiarỹ Wahani-di anade, tahe kaiboho tiwatyhynyõmy wadi ahãte. Inyõ ixideewilemy kanakeki, kaiboho bityhyny-benykre.

44 Tai heka tetyhynyõmahãtenynte. Widee dori kaiboho tewowydynymahãtenynte, tahe Deuxu-ribi wowydyna

ritakemy terarenyre, sohojihyyre heka Deuxu.

⁴⁵ Kiamy tahe Waha-ò arelyyòkre, Moisesi tahe relyykre. Moisesi bede ywina dori, araròsònyreny rare.

⁴⁶ Inatyhymy Moisesi tetyhynmahâte-wana tule jiarỹ bi-watyhynmahâke, wamy dori Moisesi ròratidỹyre.

⁴⁷ Irybe bityhynyòkeki, timybo warybe bityhynyke.

6

¹ Iribi tahe Jesuisi Kalileia aho-ki ixyby reurore, Teberiadé ahoniòre.

² Tahe sòwemy iny riheludunyre tuu robireki, aõna aõna wiwihikỹ, deytedỹyna wiwihikỹ robireki.

³ Tahe hãwãlòratyy-ò Jesuisi raòwònyre taerydỹyna mahãdu-wana –rorukurenyre tai.

⁴ Judeu mahãdu worana bedehesi rexidelenykemy iòhòre.

⁵⁻⁶ Tahe Jesuisi retehere inysòwehekỹ-ò, tamy rehemynyreio. Tai Filipi-ò riurihimy rarybere: –Tikibo orotxu tamyreny rikiòbranyke riyrenykemy. Jesuisi rierymyhỹre aõbo riwinykremy ratxireri ihãrele tahe Filipi-ò kia rarybere.

⁷ Filipi tahe dirawyònyde: –Inyò sohoji sohoji orotxu yre sohoji riykeki, 200 prata womati nieru rakahurenyke ihãre rimoõtyhy.

⁸ Andre Jesuisi erydỹyna-ò rare, Simaõ Pedro seriòre rare. Tii tahe Jesuisi-ò rarybere:

⁹ –Weryryboõ kaki ihỹmyhỹ. Iruyre cevada orotxu idi ratximyhỹ, utura inatxi. Kia tahe aõ aõkõ rare inysòwe-ò.

¹⁰ Tahe Jesuisi taerydỹyna-ò rarybere: –Tamy mary-bebenyke ranyrenykemy asityrekile. Tahe rorukurenyre ibutumy. Hãbu 5000 ronyre ijõ inyò tahe sòwetyhymy rorukure.

¹¹ Jesuisi orotxu rimyre. Deuxumy reàlàre, idi tahe tamyreny riwahinyre. Tule utura-wana wiwesele risỹnmy. Tuu rotỹnyre. Ibutumy heka ixideewina rirỹsỹrenyke.

¹² Rihydyrenyreu, Jesuisi rarybere taerydỹyna mahãdu-ò: –Bibutunybenyke rauhenyra uritere ixinamy itxiwixirenyòkemy idi watxireri. Uritere idi dehurenyòmy.

¹³ Tahe ributunyrenyke iuhe waòinatxi reuròmý weriri ritỹxinyre orotxu yrere-di.

¹⁴ Jesuisi aõwiwihikỹ widỹynamy robirenyreu kiamy tahe raryberenyre. Tii inatyhymy Deuxu Rybedutyhy rare. Juhuu dori tuu rarybere kabede-ò kanakemy. Inyboho tii ri-raòmyhỹre.

¹⁵ Ròhòtinyrenyke: –Jesuisi inyiòlòrenmy rikimyrenyke. Tamy ròkòirenyke. Iu Jesuisi kia rieryre, ixisohojilemy rexitare ixyby, hãwãlò-ò.

16-17 Ibedesou aho ijà-ò ierydỹna mahãdu riberenyre ri-raòkemy. Bede rurunyre tahe Jesusi rehemynyõhyyre. Tai hãwòõ rimyrenyre idi reuròkemy ijõwe-ribi ijà-ò, Kafanaõ hãwã-ò.

18 Tahe yhy deborehekỹ tiribi tiribi rebonymyhỹ. Òbò tahe resemyhỹ.

19 Sohoji urihixina iòhòmý ròireny tahe Jesusimy ro-birenyre. Tii betyredile tamyreny nariamý nade. Tiiboho ruberunihikỹreny.

20 Jesusi tamyreny rarybere: —Jiarỹle wa rare, breburenyõmyke.

21 Tai tahe hãworo-ò Jesusi ronykemy tiiboho disỹnydenyde. Aõ wesele tahe rehemynyrenyre tiòbo ròirenyraò.

22 Itxubiòwamy sòwemy iny wii ributunyre aho kanawe-ribi ijà-ki. Hãwò sohojile tahe tai roire aho-ki. Jesusi erydỹna mahãdu roirenyremý rieryreny. Tahe Jesusi aõkõ idi rare.

23 Tahe hãwòõ dehemynydenyde. Teberiaade hãwã-ribi Jesusi tai ratximyhỹ iòhò-ò. Tai juhu Jesusi rexitòenymý rỹimyhỹ tahe orotxu tamy riwahinyre.

24 Jesusi iõre tai, ierydỹna mahãdu iõre. Kia tahe iny sòwemy robirau, hãwò-ò rimyreny. Iòrysomy roirenyre, Kafanaõ-ò.

25 Kanawe-ribi ijà-ò rehemynyreu, tii-wana witxi reare. Tahe tamy rỹraxire. Waerydỹdureny, tiubo kaò tadehemynyte.

26 Aõwiihikỹ rewinyremý aõkõ tiwaijetenyteri, rỹsỹna adeereny rewahinyrakile, tehydymý terỹsỹtenytakile.

27 Rỹsỹna tyhy ituemyhỹre kiaòle aõkõ maaõmysdỹdỹbenyke, tahe iwitxira rỹsỹnaõ-ò maaõmysdỹdỹbenyke, kia ituedeõna-di aõkõ rare. Deuxu Riòre Habutyhyhykỹ dori adee riwahinykre. Kia rỹsỹna umytuedeõnahakỹ wesemy rare. Taile tahe Deuxu Waha riwateònyreri.

28 Tahe Jesusi-ò rỹraxire: —Timybo iny Deuxudeewimý arotỹnyrenykeny.

29 Jesusi dirawyònyde: —Kialemý, biватыhybenyke: — Deuxu dori wateòdỹdumý rare.

30 Tahe raryberenyre tamy: —Aõwiihikỹbo inyko-ò biitxeredỹnyke. Aõhebo botỹnykre, iny aratyhynykeny.

31 Inytybyreny orotxu riyrenyre bederahy-ki. Kia wese Tyyriti-ki roire:

—Moisesi tamy orotxu riwahinyre biu-ribi.

32 Jesusi rirawyònyre: —Inatyhy tyhymý Moisesi aõkõ tamy riwahinyre. Waha dori biu-ribi orotxu tyhy adee riwahinyre.

33 Deuxu orotxu tahe irutyhymý inydee riwahinymyhỹre, biu-ribi diwahinymyhỹde.

34 Tahe raryberenyre: —Wanyrỹ, tiu kia orotxu bidiwahinymahãkre.

35 Jesuisi iximy rarybere: —Jiarỹ orotxu irutyhymy rare. Inyõ wadee kanakeki, tiu rama risaõtyhy. Inyõ riwatyhynykeki, tiu bee risaõtyhy.

36 Adeereny heka rarybere: —Wamy tabitenynte, ihãrele ti-watyhynyõtenynte.

37 Ibutumy iny Waha wadee riwahinymyhỹre wadee kanakre. Tiu ixi-ribi ariteõnyõtyhy.

38 Adobehede dori aõ ixideewimy aõma arotỹnykemy aõkõ. Wadeõdỹdudeewimy arotỹnykemy watxiwãhãre.

39 Tiu ariõnonyõtyhy wadee diwahinydeõ kiaboho ibutumy ikonana txuu rubu-ribi ariixixanykre. Kia tahe wadeõdỹdudeewimy rare.

40 Inatyhymy Waha deewimy kia rare. Iny iRiõremy ro-bireu, rityhynykeu, umy tuedeõna ritake. Ikonana txuu tahe rubu-ribi ariixixanykre.

41 Jesuisi rarybere: —Jiarỹ biu ludu orotxu rare. Tai tahe judeu mahãdu aõbina binahakỹlemy rarybemyhỹre.

42 Kia wese rarybemyhỹre: —Kaa Jesusile rare. Jyje riõre rare. Tyby he ijoi eryna rare ise tule. Aõherekibo tii rarybereri biu-rubu nademy.

43 Tahe Jesuisi dirawyõnyde: —Tuu wamy ryberenyõmyke ayludurenymy.

44 Wadeõdỹdudeewimy iny wadee rayky-õ rarybemyhỹre namyhỹde. Kia wesele iny wadee kedehemynykre, ikonana txuu tiiboho rubu-ribi ariixixanykre.

45 Deuxu rybedu Tyyriti-ki kia rybe rỹre:

—Deuxu ibutumy iny ribedeerydỹnykre.

Tai tahe Waha-ribi iny rierymy roholamyhỹre, tii tahe wadee rehemynykre.

46 Inyõ Wahamy robiõhyymyhỹre jiarỹle tahe tuu rabimahãre, iribi anadeki.

47 Inatyhytyhymy adee rarybemahãre. Inyõ riwatyhynykeki, umy tuedeõnahakỹ tiivanale ratxireri.

48 Jiarỹ orotxu wesemy jiarỹ rare. Umytuedeõna wahidỹdudeewimy jiarỹ rare.

49 Boreny dori biu-ribi orotxu riyre bederahy-ki. Irabihiy ibutumy tiiboho ituerenyre.

50-51 Jiarỹ tahe biu ludu orotxu wese rare, inyõ tahe kia orotxu riykeki, tiu ruruõtyhy. Waumy ariwahinykre rubu-õ ibutumy iny õraruna õwydỹnykemy. Tamyreny umy tuedeõna riwahinykre rubu-õ ibutumy iny õraruna õwydỹnykemy. Tamyreny umy tuedeõna riwahinykre.

52 Judeu mahãdu tahe txiõdÿÿna rybemy widee raryberenyre: –Timybo tadelemy inyboho riõwenyrenykemy wahe.

53 Jesuisi rirawyõnyre: –Inatyhytyhymy adee ararybekre. Kaiboho Deuxu Riõre Hãbutyhyhykÿde birõõbenykeki, umytuedeõna bitabenyõtyhy. Ihãlubu biõbenykeki, umytuedeõna-di aõkõ atxitenyteri.

54 Inyõ waderõdu wahãlubumy momodu tii umytuedeõna-di ratxireri. Tii tahe ikonana txuu rubu-ribi adiixixanykre.

55 Wade heka juhu irõnatyhy rare, wahãlubu tu monatyhy rare.

56 Inyõ wade rirokeki, wahãlubu riõkeki, wawana tiuhyy ratxireri. Jiarÿ tule tii-wana watxihyreri.

57 Waha irumy ratxireri. Tii wadeõdÿÿdu rare iõraru-ki warumy watxireri. Tule waderõdu irumy ratxike waõraru-ki.

58 Jiarÿ biu ludu orotxu inatyhy jiarÿ rare. Iwese bederahy orotxu heka boreny riyrewesemy aõkõ jiarÿ rare. Ihãrele tahe ituerenyre. Inyõ riwaykeki, rexixahyymy rarekre.

59 Kia ibutumy Jesuisi rarybere Kafanaõ judeu dohodÿÿna-ki, rierynanymyhÿreu.

60 Iribi tahe Jesuisi-õ ijohona mahãdu rarybere: –Kia isira tyhyre iny rieryeke. Inyõ heka kia rityhynyõtyhy.

61 Jesusile heka rexierymyhÿre tiiboho tuu rarybemyhÿreki, tahe tamy rÿÿraxire:

–Kaa aõbohe arabinadÿÿnyrenyke.

62 Tahe jiarÿ Deuxu Riõre Hãbutyhyhykÿ, ixby biu-õ arõõsekeki, timybo marybebenyke, kaiboho wamy bobibenykeki.

63 Deuxu Tyytybytyhyle umytuedeõna riwahinymyhÿre. Umydetyhy umytuedeõna-di aõkõ rare. Urile adee rarybemahãre Deuxu Tyytybytyhymy rybena rare, adeereny umytuedeõna rare.

64 Tahe inyõ ayreny ludu riwatyhynyõreri. Jesuisi tahe juhoo-ribi rierymyhÿre mobo rityhynyõmyhÿre, tule mobo tatxiõdÿÿdumy rarekremy.

65 Jesuisi raryberehyymy tii-wana: –Jiarÿ juhoo rarybewãhãre. Inyõ Waha wadee riteõnyõkeki tiu wadee kanaõtyhy. Tai heka tuu adee jiarÿ rarybere.

66 Kia rybe õraru-ki sõwemy taerydÿÿna mahãdu ririrenyre. Tahe roirenyre.

67 Tahe Jesuisi rÿÿraxire taerydÿÿna waõinatxi reurõ mahãdu-õ. Ka bexe boibenyõkre aõbo biwaribenyõkre aõbohe.

68 Tahe Simaõ Pedro rirawyõnyre. Wanyrÿ moobo arõirenykre. Kaile heka umytuedeõna rybe-di atxiteri.

69 Jiarÿboho ka aratyhynymahãreny. Araeryrenyre ka, kai Deuxu-ribi hãbu õbitityhymy atximahãte.

⁷⁰ Jiarỹ aratarenyre waðinatxi reurò inymy erydỹỹna mahãdumy. Ihãre tahe inyõ ratximyhỹre diaboõ heka tii rare.

⁷¹ Jesuisi tahe Judasi Isariõmy rarybereri. Iwò inatxinamy wahe. Simaõ-Isariõ riõre tii rare. Judasi dori Jesuisi riwahinykremy ratxireri iòludu mahãdu-ò.

7

¹ Judeu mahãdu Jesuisi rubudỹỹmy rurumyhỹre. Tai tahe Judeia bedede ludu hãwã-ò ralòõmyhỹre. Kalileia bedede hãwãdile rariamyhỹre.

² Tahe judeu mahãdu worana bedehesi iòhòmy rỹimyhỹ. Kiani tahe heto riõre worana bedehesi rare.

³ Tahe Jesuisi seriõreboho tamy rarybere: —Make wa karibi Judeia mahãdu bedede-ò aerydỹỹna mahãdu dori aõwiihikỹ kai tewinyteò tuu robikemy.

⁴ Aõwiihikỹmy tewinyteri, tai tahe ixinamy iny tuu ibutumy robikre. Ibutumy iny ixierysymy tahõtinyteri-wana urile iny lau iwòteõmy aõna aõna wiwiihikỹ.

⁵ Jesuisi seriõre mahãdu tule rityhynyõre.

⁶ Jesuisi tahe dirawyõnyde: —Wiji araõkre wabededyỹnanamy dori tuu reaõmy ratxireri. Kaiboho tahe adohotalem y bõike.

⁷ Bede ludu mahãdu iny dori aluurenyre, tahe waderamy rekoarenyre. Iõrarunamy dori jiarỹ tamy rarybemahãre, ibinatyhyremy.

⁸ Kaiboho boibenyke worana bedehesi-ò. Jiarỹ tahe wiji araõkre, wabededỹỹnanamy reaõmy doimyhỹde.

⁹ Kia tahe Jesuisi tamyreny rarybere. Tahe Kalileia-ribi Jesuisi ròhònyõmy rỹimyhỹre.

¹⁰ Tahe iseriõre roirenyre worana bedehesi-ò. Idi tahe tule tii rare iherenymy itỹnymy aõkõ wahe, wasimy inyõ tuu robiheny.

¹¹ Judeu mahãdu tahe Jesuisi riijemyhỹre worana bedehesi òrake-ò. Rarybemyhỹre: —Titxibo tahe tii ratximyhỹre.

¹² Jesusim y rybe ixitxiõdỹỹna ròhònyre inysõwehekỹy-ki. Inyõ heka awim y tuu rarybemyhỹre. Ijõ tahe ibinamy tuu rarybemyhỹre, tii iny itxenadỹỹdu raremy.

¹³ Inyõ tuu rarybeõhyymyhỹre ibutumy ijohonamy judeu mahãdu lau ruberureki.

¹⁴ Worana bedehesi tya-ki Jesuisi Deuxu dohodỹỹna heto-ò ralore ribedeerynykemy.

¹⁵ Ribedeerynyreu tahe judeu mahãduõ ijõ-ò rarybere: —Timykibo he kia ritidỹỹna rierymy tuu rarybemyhỹre. Rierykõ ihãrele iny rierynanyhỹre.

16 Tahe Jesuisi dirawyònyde: Waerydÿÿna-di aõkõ rebe-deeryre, Deuxu wateòdÿÿdu rybe-di wahe.

17 Inyõ Deuxudeewimy ratxikeki, tii rierykre aõerydÿÿnabo òbitimy ratxireri. Tii rieryke Deuxu-ribi aõbo rarybereri ada ixi-ribi rarybereri.

18 Iny ixi-ribi rarybekeki, tiile rexiloosònanyke. Tahe iny iteòdÿÿdumy rarybekeki, tii tahe inatyhy rare. Tii inatyhymy òbiti rare.

19 Moisesi adee bede ywina riwahinyre: —Tahe kaibohoõ tetyhynyòhyymahãtenyte. Tai tahe aõherekibo biwarubunykemy atxitenyteri.

20 Tamy inyõ dirawyònyde. Kaita itxÿteteri. Inyõ ka ararubunykemy aõkõ ratxireri.

21 Jiarÿ inyõ reteytenyre sabado txuu tahe kaiboho wadi bede teòtiinytenyte.

22 Boholake, Moisesi bede ywina arateònyke ariòre ritõtyky aròkemy resynanykemy. (Boboho tahe kia tuu ritelenyre Moisesi aõkõ.) Tahe notyky resyna txu rÿikeki, tuu tewinyte sabado txu hãrele.

23 Kia sabado txu biwinybenykeki Moisesi bede ywina riywinykemy, tahe aõherekibo wadee taykarananyteri hãbu sabado txu reteytenyrekì.

24 Aõ òbitimy aõkõ rare, òbitimy tahõtinyterikile. Òbitinale-di maraykynybenyke.

25 Ijõ Jerusalê hãwã ludu mahãduõ rarybere:

26 —Kia rarybemy rÿirerile, tii irubudÿÿmy rexinohõtinyreri. Beteheke. Butumy ijohonanamy kia rarybemyhÿre. Ihãrele taheka inyõ tamy rarybeòhyymhÿre. Wedu mahãdu röhõtinymyhÿre: —Ina aõkãbo Kristumy inatyhymy tii rare.

27 Inyboho tahe rierymyhÿre titxiribibo tiò namyhÿde. Kristu Deuxu deòdÿÿna tahe kanakeu, inyõ tahe rieryòtyhy titxiribibo kanake.

28 Jesuisi tahe Deuxu dohodÿÿna heto-ki ribideerynymyhÿreu rarybere: —Kaiboho tiwaerytenyte, titxiribibo anade tule teerytenyte. Tahe wateòdÿÿdu teeryòtenyte. Teròwumy heka jiarÿ anade. Tule tii inatyhytyhymy rare.

29 Iribi jiarÿ anade Tii riwateònyre, tai jiarÿ tii reeryre.

30 Inyõ riijemyhÿ riròtenykemy. Tahe rimyòhyyre rubberureki, ibededÿÿnanamy aõkõ bede rÿireki.

31 Iny sòwehekÿ-ribi sòwemy iny rityhynyre. Tahe inyõ rarybere: —Kristu Deuxu deòdÿÿna iratyre aõna aõna wiwihikÿ riwinykemy tahõtinyteri. Aõkõre, tii dori inatyhymy Kristu rare.

32 Fariseu mahãdu kia-ò roholareu, tahe wii ributunyre xiwe wahidÿÿdu wedu mahãdu-wana. Tahe tiiboho soldadu

mahãduõ riteõnyrenyre Jesuisi rimykyemy.

³³ Jesuisi tahe tamyreny rarybere: –Urihimyò umyreny-wana watzikre, idi ta aròðsekre wateòdÿÿdu-ò ixyby.

³⁴ Kiaboho biwaijebenykre, waki mahabenyõtyhy. Titxibo watzireri kia-ò heka bitehemynyõtyhy.

³⁵ Judeu mahãdu tahe widee rarybere: –Titxiwexe tii rakremy ihÿre, tuu rokobirenyõtyhy tai rakaharenyõtyhy, myÿ rarybemyhÿre wahe: judeukõdu mahãdu bede-ò aõbo rakremy ixi-di ratxireri. Tai ribedeerynykemy, judeu mahãdu-wana rasÿnykremy.

³⁶ Timybohe rarybere: –Waki mahabenyõtyhy, titxibo watzireri-ò behemyhyõtyhy, myÿ rarybereri.

³⁷ Ihewotxu worana bedehesi aõnihikÿtyhy rare. Jesuisi iu rexiukÿnyre rarybekemy: –Inyõ bemomy risakeki, wadee kanake, riõke.

³⁸ Inyõ riwatyhynykeki, Tyyritina-ki kia wese rybe rÿire: –Iwo-ribi benihikÿ iru ròhònyke.

³⁹ Iu Jesuisi kia rarybereu, Deuxu Tyytybytyhy aõmy dÿÿnanamy rarybere. Iny dori rityhynykeki, iwo-ò Deuxu Tyytybytyhy ralòke. Urile tahe Deuxu Tyytybytyhy riwahinyõmy rÿire. Jesuisi dori ròðseõre biu-ò.

⁴⁰ Tahe roholare mahãdu tahe rarybere: –Ka heka hãbu Deuxu Rybedutyhy rare.

⁴¹ Ijõ tahe rarybere: –Tii Kristu rare. Ijõ tahe rarybere: –Kristu aõkõ Kalileia bede-ribi dori tii rareri.

⁴² Tyyritina rybe-ki roire: –Kristu, Davi sÿ-mahãdu ribi kanakremy. Belẽ hãwã-ribi; titxibo Davi rasÿnyre-ribi.

⁴³ Tai tahe wiwese wese aõkõ røhõtynyrenyre Jesuisi-di.

⁴⁴ Inyõ riròtenykemy ixi-di ratximyhÿ, ihãrele tahe inyõ rimyõhyre.

⁴⁵ Tahe soldado mahãdu ròðsemy rare rinyõhyylemy fariseu mahãdu-ò xiwewahidÿÿdu mahãdu wedu-ò. Tahe soldado-ò rÿÿraxirenyre: –Aõherekibo tedyõteri.

⁴⁶ Tahe dirawyõnyde: –Timybo inyõ kowa hãbu wesemy rarybeõhyre rybe iwitxira wihikÿmy tii rarybere.

⁴⁷ Tahe fariseu mahãdu rarybere: –Kaiboho aõbo tule araitxenanyrenyra.

⁴⁸ Inyboho mahãdu reny-ribi moõ rityhynyõhyymyhÿre, fariseu mahãdu wahe, wedu mahãdu wahe.

⁴⁹ Inyõ rityhynyre, tahe tiiboho Moisesi bede ywina rieryõre tai Deuxu aõhõkÿmydÿÿnana-txi idi rehukre. Aõhõkÿmydÿÿnana-ò ritamadÿÿnykre.

⁵⁰ Nikodema iyreny-ki ratximyhÿ. Fariseu mahãduõ tii rare, juhuu Jesuisi raraò rare wahe. Tii heka rarybere imahãdu-ò.

⁵¹ Juhuu roholamyhÿre aõhebo rotÿÿnyraò wahe idi tahe ibinakeki riròtenykremy riijemyhÿre. Kia tahe iny bedewinarenny rare.

⁵²⁻⁵³ Tahe rirawyònyrennyre: —Kai wa tule Kalileia mahãduò atxiteri. Tyyriti-ò beteheke timybo rarybereriò: —Kalileia-ribi rybeduò röhònyòtyhy wahe.

8

¹ [Tahe ibutumy he tasÿ-ò reareare. Iu tahe Jesuisi rare Oliveira hãwãlò-ò.

² Biura-di tahe dòòsede Deuxu dohodÿÿna heto-ò ixbyby. Sõwemy iny tamy rare; Jesuisi ronyre; ribedeerynyre.

³ Hãwyyò ratximyhÿ hãbu wixiraò-wana wasimy ratximyhÿ. Tahe inywixiraò itxireny reare. Tai tahe Deuxu rybe erydÿÿdu mahãdu fariseu mahãdu-wana hãwyy didyde Jesuisi-ò. Tahe hãwyy-ò rarybere rÿikemy iny sõwehekÿy-ki.

⁴ Tahe raryberenyre Jesuisi-ò: —Bede erydu: —Kahãwyy tÿwe rare inyò itxi reara.

⁵ Iny bedewina Moisesi riwawahinyré tahe rarybere mana-di rurumyhÿkemy. Tahe aõmybo kai mynarybeke.

⁶ Tiiboho kiamy rarybere Jesuisi riurihire timybo rarybekemy. Tai tahe ibinamy tamy rarybekemy idi ratxireri. Jesuisi tahe suò resera ròritidÿÿkremy tebò-di suki riritinyra.

⁷ Tahe ritÿÿraxinyhyh ihÿmyhÿ. Tahe Jesuisi rÿire; rarybere: —Inyò òrarukõmy ratxirerile, tii mana-di juhUU tamy rehukre.

⁸ Ixityrele sÿ Jesuisi ròritidÿÿre suò.

⁹ Kia rybe-ò roholarennyre, tahe rexitarennyre sohoji sohojilemy, tarayky dori ribinadÿÿnyrennyra. Matuari mahãdu tahe juhUU rexitare. Ikonanatyhy dori rare, tahe Jesuisi hãwyywanale tai rÿire.

¹⁰ Jesuisi retere: —Hãwyy sohojilemy robire rÿÿraxire tamy: —Hãwyy, titxibo mana-di arubudÿÿmy rybedu mahãdu rirahura. Inyò aõhe arasÿnyòhyra.

¹¹ Tahe dirawyònyde: —Anokõre, Wahĩ. Tahe Jesuisi rarybere: —Jiarÿ tulere! Mahe, òraruna-txi tahe ixbyby ixekemy.]

¹² Ixityre Jesuisi rarybere tamy: —Jiarÿ wabede loosõna rare. Inyò wahemy kanakeki, bedewuru-ki rariaòtyhy. Tii heka loosõna-di tarayky-ki rarekre.

¹³ Tahe fariseu mahãdu tamy rarybere: —Aõkõre, kai wa iximy tarybeteri tai tahe arybe inatyhymy aõkõ rare.

¹⁴ Jesuisi dirawyònyde: —Inatyhymy iximy rarybereri jiarÿ, tahe warybe inatyhy rare, jiarÿ dori reeryre titxiribibo anade, tule tiobo arakre reeryre. Kaiboho tahe kia teeryòtenyte.

15 Kaiboho waywisidỹỹmy tadiòlònyte, ihãre tahe òbitimy tiwaywinytenyõte tiwaerytenykõteki. Tahe jiarỹ inyõ rey-winyõreri.

16 Jiarỹ inyõ ariywinykeki, waywisidỹỹna tahe òbiti rare. Jiarỹ dori ixiwanale aõkõ rare. Waha, wadeòdỹỹdu wawana raremyhỹ.

17 Abede ywina-ki kia rybe riritinymy rỹimyhỹre: —Inatxi hãbumy wiwesehyylemy rarybekeki kia tahe inatyhy rare.

18 Jiarỹ iximy rarybemahãre tule Waha wadeòdỹỹdu wamy adeeremy rarybemyhỹre.

19 Tahe tiiboho Jesuisi-ò rỹỹraxirenyre: —Titxibo boo ratx-imyhỹre. Jesuisi rarybere: —Kaiboho tiwaerykõmahãtenyete, Waha tule teeryõmahãtenyete. Kai biwaerybenyõkeki, tule Waha bierybenyõtyhy.

20 Kia Jesuisi rarybere Deuxu dohodỹỹna hetowo-ki, iube-weri yrubudỹỹna ube-ki. Tahe inyõ rimyõhyyre, ibed-edỹỹnanamy aõkõ bede rỹireki.

21 Iribi tahe ixityre tamy rarybere: —Jiarỹ he arakre karibi. Kaiboho biwaijebenykre tahe aõrarurenydile burubenykre. Boiõtyhy titxibo arakre-ò.

22 Tai tahe judeu mahãdu widee raryberenyre: —Inatyhymy aõbo tii rexirubunykre. Tii raryberaki: —Titxibo arakremy boiõtyhy, myki tuu idi rõhõtinyrenyrene.

23 Tahe Jesuisi rarybere: —Kaiboho kaludu toite; jiarỹ aõkõre, biu ludu rare. Kaiboho bede ludu toite, jiarỹ tahe kabede ludu aõkõ jiarỹ rare.

24 Tai heka adeeremy rarybereri aõrarureny-di burubenykremy. Inatyhymy jiarỹ tii rare: —Iwese rarybere wesemy. Tahe kia warybe bityhynyõbenykeki, aõrarureny-di burubenykre.

25 Tahe tiiboho rỹỹraxirenyre Jesuisi-ò: —Mobo he tate. Jesuisi dirawyõnyde: —Timybo adeeremy rarybewãhãre, juhuu wahe.

26 Jiarỹ sõwemy rỹire aõna aõnamy umyreny ararybeke umyreny ariywinyke ta ararybekre Waha tuu wadee rary-belemy. Tii diwateõnyte tii inatyhymy rare. Irybelemy bede iny-ò ararybekre.

27 Rieryõhyyre tamyreny rarybere, tybymy.

28 Kaiboho heka biwatamadỹỹnybenykreu, bierybeny-benykre mobo jiarỹ rare. Tule xixi-ribi aõkõ aõna aõna rewinywãhãre bierybenykre; tule iwese Waha riwaerynanymyhỹre wese, rarybemahãre. Kia tule bierybenykre.

29 Wateòdỹỹdu wawana raremyhỹ. Iximy riwariõtyhy, jiarỹ tamy wimy rewinyhyymahãreki.

³⁰ Kiamy tarybe rahudi tahe, sōwemy iny rityhynyre.

³¹ Judeu ityhydỹ̃du mahãdu-ò Jesuisi rarybere: —Kaiboho warybe tyhy-di mohõtinybenyhyykeki, inatyhymy watyhydỹ̃du waheludumy boibekre.

³² Inatyhyna tahe bierybenykre. Kia dori aratarenyke, deòdumy aõkõ boibekre.

³³ Dirawyònydenyde aõkõre inyboho Abraõ riòkòre roire, tiu heka modeòdumy roirekõmahãre. Timybo tarybeta: —Deòdu-ribi riwatakemy.

³⁴ Tahe Jesuisi tamy rarybere inyõ òraru-di hyy rexiòrarunykeki, tii òraruna deòdu wese hyyle rare.

³⁵ Deòdu heka heto wedu ijoihyymy aõkõ rarekre. Iwedu ixinamy rakre. Riòre tahe ijoihyymy rare.

³⁶ Tahe Deuxu Riòre heka ixinamy arateònykeki, tiu òraruna deòdu wesemy ixiby bonybenyõt̃yhy.

³⁷ Abraõ riòkòre inatyhymy toite. Kia tahe reeryre. Ihãrele tahe biwarubunybenykemy atxitenyteri warybe dori araykywo-di aõkõ ratxireri.

³⁸ Waha-wana ranymahãu, aõmybo rabire, wiji tuu rarybereri. Kaiboho tule boo-ribi tabitenyete tuu tewinytenyteri.

³⁹ Rirawyònyrenyre: —Wahareny heka Abraõ rare. Jesuisi rarybere: —Abraõ riòremy inatyhymy toite-wana, Abraõ aõmydỹ̃nana iwesemy biwinybenyke.

⁴⁰ Katahe warubudỹ̃my wadi atxitenyteri. Inatyhyna Deuxu-ribi raholaremy, adeereny rarybemahãre, tai tahe warubudỹ̃my atxitenyteri. Abraõ tahe tiu tahe tuu rotỹ̃nyõt̃yhy.

⁴¹ Kaiboho heka borenytyhy wesele tatỹ̃nymahãtenyete. Dirawyònyde: —Aõkõre, jiarỹboho waxiriòre aõkõ roire. Deuxuhyyle iny tybyreny rare.

⁴² Tahe Jesuisi rerawyònyre: —Deuxu boo inatyhymy rare-wana inihe kaiboho waluurenyre. Jiarỹ dori Deuxu-ribi anade. Ixidee wimy aõkõ anade tii diwateònyde.

⁴³ Aõherekibo teerytenyõte warybe. Isiratyhyre aõbo ijohona. Aõkõre, ityhydỹ̃ isirare adeereny.

⁴⁴ Kaiboho Diabo riòre toite tamywimy biwinykemy atxitenyteri. Tii juhuu rubudỹ̃du hyy rare. Tii heka raruireri inatyhywesehekỹle wahe. Tii ruidu rare. Ruiwedu tii rare.

⁴⁵ Kaiboho heka tiwatyhynyõhyymahãtenyete inatyhyna dori jiarỹ rarybemahãre.

⁴⁶ Inyõ inihe wamy rarybeõt̃yhy jiarỹ òrarudu raremy. Adeereny inatyhynamy rarybereri. Aõherekibo tiwatyhynyõteri.

⁴⁷ Iny Deuxu-ribi ratxireri, Deuxu rybe roholamyhỹre. Kaiboho Deuxuhõrõ aõkõ toite. Teòdu aõkõ toite. Taita warybe-ò

taholaõteri.

⁴⁸ Jesuisi-ò tiiboho dirawyònydenyde: —Inatyhymy rarybewâhãrenyre. Kai Samaria mahãdu tate. Kaludu mahãdu aõkõ tate. Kai tyytybybina dire.

⁴⁹ Jesuisi rirawyònyre: —Aõkõre, tyytybybina-di aõkõ watxireri. Waha tahe rewowydynywãhãre. Kaibohole tiwabinadỹỹnymahãtenyte.

⁵⁰ Wowydyna ixi-di aõkõ reijereri. Waha tahe kia aõmydỹỹnanamy riywinykre, tii rierymyhỹre.

⁵¹ Inatyhytyhymy adee ararybekre: —Inyõ warybemy reõbykeki, tiu rubumy tii robiõtyhy.

⁵² Tai judeu mahãdu rarybere: —Katahe inatyhymyhe inydeereny aerysydỹỹna rỹira tyytybybina-di tate wahe. Abraõ tahe rurure; Deuxu rybedu tule. Tahe timybo kai tarybeta: —Inyõ warybemy reõbykeki tiu rubu urihixinamy roiõtyhy tamy.

⁵³ Kai aõbo inytybyreny Abraõ ratyre awikemy aõbo ixi-di tahõtynmahãte. Abraõ rurure Deuxu rybemy rybenadu amahãdu tule rurure. Mobo raremy he tahõtynmahãte.

⁵⁴ Tahe Jesuisi rirawyònyre: —Jiarỹ ixi-di wowydyna ari-ijekeki, tahe wawowydyna aõ aõkõmy rareke. Waha tahe riwawowodynymhỹke aDeuxumy raremy tu tarybeteri.

⁵⁵ Tahe aõkõ teeryõtenyte. Jiarỹ tate reerymahãre. Jiarỹ reeryõmahãremy ararybekeki, tai ruidumy rareki, iwese kai-boho toite wesele wahe. Tahe reerywãhãre, tule irybemy reõbymahãre.

⁵⁶ Boreny Abraõ, wamy dobide, wabededỹỹnana kanakremy tuu dobide, wabededỹỹnana kanakremy tuu dobide tai tahe reysatyhymy rare.

⁵⁷ Tahe judeu wedu mahãdu rarybere: —Kai 50 beòramy aõkõ atxiteri timyrekibo tarybeta Abraõ tabitemy.

⁵⁸ Jesuisi dirawyònyde: —Abraõ reaõule, Jiarỹ rarehyyamahã.

⁵⁹ Tahe manadile rimymy reserenyre idile rirabunykemy. Jesuisi tahe rexiwòm y iribi ròhònymy rare, dohodỹỹna heto-ribi.

9

¹ Jesuisi rariamy rareu, tii robimy rare hãbu ruetàm y. Tii iruetãhãkỹmy ratohouãm y herinanyre.

² Ierydỹỹna mahãdu rỹỹraxire tamy. Erydỹỹdu, aõherekibo hãbu ratohouãnyra iruetymy, ise tyby iòrarudireki aõbo ada taòrarumy aõbo.

³ Tahe Jesuisi rirawyònyre: —Tahe aõkõre tyby ise-ke aõkõ tiike aõkõ. Deuxu ruru wiji riteòsinykremy tahe tii kiawesemy rohonyre.

4 Wateòdÿÿdu aõmydÿÿnanamy arotÿÿnyrenykemy watxiwãhãrenyre. Inyboho rikiwinyrenyke ibededÿÿnanamy rÿikreu, iwese txumy rÿikre wese tahe runy heka kanakre tai raaõmysÿdÿÿõmyhÿre.

5 Kabede-ki watxiwãhãreòle tahe jiarÿ bede ludu mahãdu loosõnatyhymy jiarÿ rare.

6 Tarybe rahudi tahe rarybexinyre suò idi tahe subororomy ritxienyre. Idi ta hãbu rueyre-ò subororo ritidire.

7 Tahe hãbu ruetà-ò rarybere: —Make wa bexisuhòke Silòe ahobe-di. Silòemy ninadu heka iny rybe-ki deòdÿÿna wesemy rare. Hãbu tahe rare, risuhore, dòsede robimy.

8 Tahe ierydu mahãdu, tuu robire idi itxeredu mahãdu raryberenyre widee: —Kabe hãbu ixitòedÿÿdu rare, nierumy kowa-ki rexitòenymy rononymhÿrele rare.

9 Ijõ rarybere tule rare. Ijõ rarybere: —Aõkõre, iwesele tahe iwitxirari.

10 Rÿÿraxirenyre tamy: —Timykibo arue reytera.

11 Rirawyònyre: —Hãbuõ Jesuisi inire. Tii tahe suboro borole riwinyra warue-ò ritidire. Tahe wadee rarybera: —Make Silòe ahobe-ò aõ bisuhòke. Tahe rare, resuhore, tai rabimy watxireri.

12 Rÿÿraxirenyre titxibo tahe tii rara. Rirawyònyra: —Reeryõre.

13-14 Kia ruedeytena Jesuisi riwinyre sabado txuu, judeu aõmysÿdÿÿna txu aõkõ. Tahe tiiboho hãbu ridyrenyre fariseu mahãdu-ò.

15 Ixityre hãbu-ò rÿÿraxirenyre: —Timykibo riteytenyra. Tahe rirawyònyre: —Subororole waruetyre-ò ritidira, idi re-suhòra, iule tahe retehera.

16 Tai tahe fariseu mahãdu-ò narybede: —Ka hãbu Deuxu-ribi aõkõ nade. Kakÿny sabadotxu bede ywina riywinyõhyre. Tahe ijõ imahãduõ rarybere: —Hãbu òraruduõ tiu deytanawiwihikÿõ kia wesemy riwinyõtyhy. Tai tahe wiribi hitximy raraykynyrenyre.

17 Tahe ixityre hãbu-ò rÿÿraxire: —Tii arue arue riteytenyra: —Tai tahe timybo tuu marybekre. Hãbu rarybere: —Tii Deuxu rybemy rybeduõ rare.

18 Tahe judeu mahãduõ rarybere: —Ise-wana tybywana widee ararybekekile, arityhynykre. Tai riteònyre tybybo-hoòrysomy.

19 Rehemynyreu, tahe tamy rarybere: —Kaa aõbo ariòre rare. Inatyhymy aõbo iruetãmy reare. Timykibo tahe wiji robira.

20 Tahe tybyboho rirawyònyre. Inatyhymy wariòrenyre rare. Iruetãlemy ka reare.

²¹ Reerykõrenyre timykibo retehera. Irue riraynyre dori, reeryõhyyre. Tamy marybebenyke. Ibeõra dire ka, iximy relyyleke.

²²⁻²³ Tybyboho ruberumyhÿrenyre judeu mahãdu lau. Judeu mahãdu dori, rarybemyhÿre: —Inyõ Jesusimy rarybekeki, tii Kristu Deuxu deõdÿÿna raremy rarybekeki, tahe dohodÿÿnawo-ribi riteõnykemy idi rÿira. Tai tahe hãbutybyboho kia wesemy raryberenyre. Tii ibeõra dire: —Tamy marybebenyke.

²⁴ Juhuu iruetàmý raremyhÿò ixityre ròtedÿÿmy rarybere. Òbiti rybe-di marybeke. Inydeereny tahe ka dori òrarudu rare. Tai tahe Deuxu biwowydynyke. Tahe tii rarybere:

²⁵ —Tii òrarudu rare, reerykõre. Sohoji aõmydÿÿnana reeryre. Juhuu waruetàle heka reeryre, wiji tahe retehereri.

²⁶ Tahe ixityre tamy rÿÿraxire: —Aõbo tii riwinyre. Timybo arue roire.

²⁷ Hãbu rarybere: —Adeereny tuu rarybere tahe taholaõhyytenyta. Aõherekibo ixityre ijohonamy tarybetenyteri. Ierydÿÿnamy boibekemy aõbo atxitenyteri.

²⁸ Tuu raryberenyre aõbina binalemy. Kai heka iijoiõ atxiteri. Jiarÿboho Moisesi erydÿÿna jiarÿboho roire.

²⁹ Deuxu Moisesi-ò rarybemyhÿre. Kiamy reeryrenyre. Ka hãbumy tahe aõmy raholaõmahãreny, tiludubo rare.

³⁰ Kia wa riwateytenyra bedetiidÿÿna urenana tii rare. Ihãrele tahe kaiboho teeryõmy tuu tarybetenyteri. Wadee kia ajuedena rare.

³¹ Deuxu wa òrarudu ixitõedÿÿna-ò roholaõtyhy. Kia reeryrenyre. Tahe inyõ Deuxu rityhynykeki tamywimy rÿirakeki, kia-ò Deuxu roholakre.

³² Bede rexidelenyre, inyõ roholatyhy iruetàmý raumynyre heka reyttere. Inyõ tiu riwinyõre, wiji tahe diwinyde.

³³ Kia hãbu Deuxu-ribi nokõduõ aõkõkeki tiu aõ riwinyõtyhy.

³⁴ Tahe fariseu mahãdu aõbinahakÿlemy tuu rarybere: —Kai uladumy teateu, òrarudutyhymy tate. Kai aõmybo biwabedeerynybenykremy aõbo wadireny tahõtinyteri. Tahe riteõnyre dohodÿÿna heto-ribi. Ihyymy riteõnyre.

³⁵ Kia-ò Jesusi roholareu hãbu riijere tahe rÿÿraxire tuu: —Kai Deuxu Riõre Hãbutyhyhykÿ aõbo tetyhynyte.

³⁶ Hãbu rarybere: —Mobo tii rare, Wanyrÿ, arityhynykemy watzireri.

³⁷ Wamy wa tabita, jiarÿleheka watzireri. Adee rarybererile watzireri.

³⁸ Tahe rarybere: —Wanyrÿ aratyhynyra he. Tahe hãbu Jesusi riwowydynyre.

³⁹ Jesuisi rarybehyyra: —Jiarỹ anade kabede-ò iny ruetà aritobixidỹnykemy; tule robimyhỹre mahãdu ariruetådỹnykre. Iny òwydỹnyamy anade.

⁴⁰ Fariseu iòhòmy iribi rỹimyhỹ roholare irybe-ò. Tahe tamy rỹraxyre. Inatyhykõ aõbo ka jiarỹboho tule waruetàrenyre.

⁴¹ Jesuisi rarybere: —Aruetàmy ahãtenyteki, aòraruna-di aõkõ toite. Tahe tarybetenye reerywãhã, rabiwãhãre. Tai aòraruhyy-di toite.

10

¹ Inatyhytyhymy adeereny ararybekre: —Inyõ budoeni yrubudỹna ijõtòbòna-di, ralòòkeki, tii tahe wasidu ixiwatx-idỹdumy rare, raòwònymy heka ralòmehỹre.

² Ijõtòbòna-di ròtedu, tii budoeni-di itxeredutyhy rare.

³ Iu ijõtòbòna-ò rehemynymyhỹreu, ijõtòbòna ludu tamy riraynymyhỹre. Tule budoeni irybe rierymyhỹre. Sohoji sohoji-ò ininimy tamy rryrymyhỹre, tahe idi ròhònymy ridymyhỹre.

⁴ Ihòrõ ahana-ò ridyreu, tii iko-ò rỹimy idi ramyhỹre. Rihe-ludunymy idi raremyhỹ rierymyhỹreki irybe.

⁵ Budoeni ieryõdu riheludunyòtyhy, irybe rieryõreki. Iny ieryõdu-ribi rahenykre.

⁶ Jesuisi tamy kia bede eryna ijyymy relyyre. Tiibocho tahe rieryõhyrenyre timybo ibede erydỹnyamy rororerimy.

⁷ Tahe Jesuisi ritỹnynyre tamyreny: —Jiarỹ budoeni ijõtòbòna wesemy rãimahãre.

⁸ Ibutumy iny wakõule rehemynyre wasidu ixiwatx-idỹdumy rỹiramyhỹ. Wabudoeni ityhydỹdu wesemy rỹirerimy ihỹre. Tiibocho wasidurybe-ò roholaõhyymyhỹrenyre.

⁹ Jiarỹ ijõtòbòna wesemy rãiwãhãre. Inyõ wamy ralòkeki, tii heka tarasanaõmy rarekre. Iwese wabudoeni ralòmehỹre idi ròhònymyhỹre asi wiwihikỹmy riroximyhỹre wesemy, tule ityhydỹdu mahãdu rỹirakre, bedeòbyna wiwihikỹ ritakremy.

¹⁰ Wasidu heka rubudỹmy nade, bedehudumy wasimy, jiarỹ tahe anade inyõ umytuedeòna ariwahinykremy, irutyhytyhy wihikỹmy wiji rỹirakremy.

¹¹ Jiarỹ budoeni-di itxeredu wihikỹ rare. Ihyy ta waumy ariwahinykre teròwyrenymy.

¹² Inyõ budoeni-di itxeredumy deòdumy risỹnykeki, tii ri-wisinanyòtyhy, tii dori budoeni wedu aõkõ rare, deòdule rareki. Tahe iròdu brebunaõ tamy kanakeki tahe rahenyke iribi, tai ijõ rimyke, ihona tahe raòrunyke.

¹³ Deòdu heka rahenyke tii iwedu aõkõ rareki, tii aõmy aõkõ idi ròhòtinymyhỹre, iòwydimy aõkõ.

14-15 Jiarỹ heka itxeredu wihikỹ rare wabudoeni riwaerymyhỹre. Jiarỹ tule tii mahãdu reerywãhãre. Waha riwaeryre, tule tii reeryre. Iwesetyhyle wabudoeni-wana wii reerynyre. Iòraru-ki tahe waumy ariwahinykemy idi wãhãre.

16 Jiarỹ wabudoeniõ-di watziwãhãre. Aõ kabede-ki aõkõ. Ibutumy aributunykemy idi watzireri. Tai tahe sohoji ijoi-hyylemy heka roikre. Ibutu-di itxeredumy ararekre.

17 Tai heka Waha waluure, waumy ariwahinykreki wahe. Ihãrele tahe ixiby idi arexiumydỹnykre.

18 Inyõ heka ixideewiõkeki riwarubunyõtyhy. Arexiwahinykre tamyreny riwarubunyrenykemy. Ixideewikreu, arexiwahinykre, tule waumy arimymy arexiixixanykre. Waha dori wadee rarybere tii ariwinykemy.

19 Kia rybe òraru-ki judeu mahãdu rybe rexijeijeinyre.

20 Sõwemy iny ritxiõnymy rarybere: —Tii tyytybybina-di ratximyhỹre ada raitxỹtemy aõbo ihỹre. Aõherekibo tamy taholahãtenyete.

21 Ijõ tahe rarybere: —Aõ tyytybybina-di aõkõ rarybemyhỹre. Tyytybybina aõbo hãbu ruetà riruedỹnyõtyhy.

22 Jerusalé hãwã-ki heka beòrahyy rare. Worana bedehesi hetxina Tỹmyradỹna rỹire.

23 Salomaõ Ube-ki, Deuxu dohodỹna heto ubeõ-ki.

24 Jesuisi rariamy ihỹmyhỹ. Tahe judeu mahãdu rirurawonyre itỹraxidỹmy. Tiwese bededỹnananybo nohõtidihiyy bede ariwrenykre. Kai inatyhymy Kristumy tate-wana, tahe manarybeke itỹnymy.

25 Jesuisi dirawyõnyde: —Rarybere wahe, tahe kaiboho tiwatyhynyõhyyte. Inatyhymy ierysomy mohõtinybenykeki, waaõmydỹnana wiwihikỹ rewinymahãre-di betehbenyke. Wahani-di kia rewinymahãre.

26 Kaiboho tahe tiwatyhynyõlemahãtenyete, wabudoeni wese my aõkõ toite.

27 Wabudoeni warybe rierymyhỹre, riwaheludunymyhỹre; jiarỹ heka ibutumy wabudoeni reerymahãre.

28 Tamy umytuedeõna rewahinywãhãre tiu heka ruruõtyhy. Inyõ waribi ridyõtyhy.

29 Waha wadee riwahinyre. Tii heka ibaturatyre rare. Inyõ iribi ritaõtyhy.

30 Jiarỹ Waha-wana sohojihyye watziwãhãre.

31 Ixityre tahe judeu mahãdu mana-di rirubunykemy idi rỹire.

32 Tahe Jesuisi tamyreny rarybere: —Jiarỹ sõwemy be-deõbyna inydee rewinywãhãre Waha ruru-di. Aõòrarukibo biwarubunybenykre.

33 Tahe judeu mahãdu rirawyõnyre: —Kai aõmydỹnana wiwihikỹle tewinyte. Kia òraru-ki aõkõ ijoi adi rỹireri mana-di

arubudỹmy Deuxumy binatyhymy tarybeteriki. Kai dori hãbu tate, ihãrele Deuxumy texininiteri.

³⁴⁻³⁵ Jesuisi rarybere: —Abede ywina-ki ryberiti rỹire. Deuxu Rybe òbitihyummy raritinyummy rỹire. Kiamy: —Jiarỹ rarybere: —Kaiboho Deuxu toite. Deuxu Rybe heka inyõ-ò diteònyde. Kia mahãdu tahe Deuxulemy rininire.

³⁶ Deuxumy tiiboho rininirenyre-wana, aõherekibo wadee takyarananyteri jiarỹ tule Deuxu Riòrelemy rexininireki. Waha dori, riwatamy diwateònyde. Timykibo kaiboho tarybetenyteri Deuxumy ibinamy jiarỹ rarybererimy

³⁷⁻³⁸ Waha-ribi bededòbina ariwinyõkeki, biwatyhynybenyõtyhy. Tahe ariwinykeki, aõbo rewinyre-wana bityhynybenyke, biwatyhynybenyõke hãrele. Tai tahe bityhynybenymy boibeke jiarỹ Waha-wana wãhãre tule Waha wawana ratximyhỹre.

³⁹ Kabedeu ixityre riijere Jesuisi rimykyemy tii rexitamy rexihedỹnyre.

⁴⁰ Jesuisi ixityre Jordaõ bero kowa weribi-ò reurore. Joaõ juhuu ròsebedỹmyhỹò rare. Taile tahe tii raremyhỹ.

⁴¹ Tahe sõwemy iny tamy roirenyre. Tamy rarybere: —Inatyhymy Joaõ bededòby iny itxerenamy riwinyõre. Tahe ibutumy tii Jesuisimy rarybemyhỹre, inatyhy rare.

⁴² Sõwemy heka taile Jesuisimy rityhynymyhỹre.

11

¹⁻² Lazaru ibinamy roimyhỹ Betỹnia hãwã-ki. Marie, Marta-wana iseriòreneny rare. Juhuu Marie Jesuisi-wana raremyhỹu, tii Jesuisiwa tyre-ò tarinalỹnyrehekỹõ ritxiwire, idi tahe tarade-di rirubudỹnyre.

³ Lazaru ibinamy roimyhỹki tahe tiiboho riteònyre Jesuisi-ò rarybekremy: —Wahĩ, abiòwa tyhy binanihikỹmy roireri.

⁴ Jesuisi kiamy roholareu rarybere: —Kabinana hãwã Deuxu wowodynamy tamy nade. Tule riwawowydynkemy jiarỹ dori Deuxu Riòre rare. Kabinina tahe rubuhyummy aõkõ tamy rỹike.

⁵ Jesuisi heka ibutumy iluurenyre, Marta, Marie, Lazaru-wana.

⁶ Iu Jesuisi rieryreu Lazaru webinaduna, tahe taile ratximyhỹre, rerihãrele inatxitxumy.

⁷ Iribi tahe rarybere taerydỹna mahãdu-ò: —Ròkòirenyke ixyby Judeia beded-ò.

⁸ Tahe ierydỹna mahãdu tamy rarybere: —Erydỹdu aõherekibo ixybynomy tamy tarybeteri judeu mahãdu adi heka riwisỹnymy rỹimyhỹ mana-di arubudỹmy.

9 Jesuisi dirawyònyde: —Txu heka waðinatxi òra bededỹnanamy rare. Aõhe inatyhy. Inyõ txumy rariakeki, tiu aõ òraru-ki reseòtyhy loosònamy dori ibutumy robimyhỹre.

10 Bede lurumy rariakeki tahe, aõ òraru-ki reseke, loosòna dori ihoõreki wahe.

11 Tahe ijõmy Jesuisi tamyreny rarybere: —Iny biòwareny rõrõmy roireri. Tamy arakre ariixixanykremy.

12 Tahe imahãdu rarybere: —Wanyrỹ tii rõrõmy roireri-wana bohe, reytekre.

13 Jesuisi heka rarybemyhỹ Lazaru rubumy roirerimy. Tii-boho tahe rõhõninyrenyure urile rõrõmy roirerimy.

14 Tahe Jesuisi ritỹnynytyhyra tamyreny: —Lazaru rurure.

15 Jiarỹ wa aòrarureny-ki wadeysamy watxireri tai watxiòraki. Ka tahe biwatyhynybenykre. Ròkòirenykre tamy.

16 Tome ierydỹna mahãduõ rare. Didimomy iniõre. Tamahãduõ rarybere: —Ròkòirenyke, tule tii-wana ruku-rurenykremy.

17 Jesuisi rehemynyreu, Lazaru inaubiòwatxumy hãloo iwòdỹwo-ki roimyhỹ.

18 Betỹnia Jerusalẽ hãwã-ribi sohoji urihixinamy roire.

19 Judeu mahãduy-ribi sòwemy doidenyde Marta Marieboho wotòenamy, iseriòrereny rurureki.

20 Marta Jesuisi kanakre rieryreu, tahe ròhònnyre tii-wana witxi reakemy. Marie tahe tahetokile rononymhỹ.

21 Tahe Jesuisi-ò Marta rarybere: —Wahĩ, kakile atxiberi-wana waseritxòre rurukõhykyra ikuny.

22 Ihãrele tahe rekeryre ibutumy Deuxu-kò bexitòenykeki, tiki adeke kidiwahinykre.

23 Jesuisi tahe tamy rarybere: —Aseriòre wa rubu-ribi kedexiakre.

24 Tahe Marta rarybere: —Rekeryre jikarỹ ikokunanatxu-ku rubu-ribi rexixakre, ibutumy ixixanatxu-ku.

25 Jesuisi rarybere: —Jiarỹ waixixanadỹdu rare, umytuedeõna wahidỹdu rare. Inyõ riwatyhynykeki, tii rubu-ki roire hãrele, kedexiakre.

26 Ibutumy irumy roirekeki, tiu rururenyòtyhy, tii dori riwatyhynyreki. Kai aõbohe kia tetyhynyteri.

27 Tii dirawyònyde: —Kohe, Wahĩ, aratyhynywãhãre. Kai Kristu tate, Deuxu ritxòretyhy. Deuxu tuu rarybereki, bedekò kanatekònyde wahe.

28 Tahe Marta ròsere Marie taseriòre-ò rarybere: —Inyhĩ rehemynyreki, kai makremy rarybereri.

29 Kiamy roholareu, tahe, wylemy rỹimy reare tamy rare.

30 Jesuisi dori hãwã-ò ralòõlemy raremyhỹ Marta tamy raryberekile raremyhỹ.

31 Tii r̃ĩmy ròhònyreu, judeu mahãdu tuu robire. Tahe riheludunyre, wabede-ò robukremy raresỹny tamy roholare.

32 Marie rehemynyre Jesuisi-ò. Tahe tii tuu robireu, re-sere iko-ò, tahe rarybere: —Wahĩ, kaki atxiberi-wana ikuny waseritxòre rurukõhykya.

33 Jesuisi Marta ibru-di tule judeu mahãduhi-di retehereu tule tii rabadewonihikỹre.

34 Iule Jesuisi rỹĩraxire: —Titxiwexe tii tetiditenyte. Tiiboho rirawyònyre: —Wanyrỹ, manake itxeremy.

35 Jesuisi tahe rahinyre.

36 Tai tahe judeu mahãduõ rarybere: —Betehebenyke sõwemy heka tii Lazaru luure.

37 Ijõ tahe rarybere: —Tii iny ruetà riteytenyre. Aõherekibo Lazaru irumy ratxireriule riteytenyõra.

38 Jesuisi ixyby tawo-ki bederiòtiinyre. Tahe rariamy rare wabede-ò Lazaru suiwodỹwo-ò roire. Mana-di tahe ritx-iotòbònyre.

39 Tahe Jesuisi rarybere: —Mana bitake Marta tahe iseriòre rarybere: —Wahĩ, rarònyreri wahe inakubikòwa txumy dokuri txuu idi rỹira.

40 Tahe Jesuisi rarybere: —Rarybere taheka, bityhynykeki, Deuxu rurumy bobike.

41 Tahe mana iribi ritarenyre. Jesuisi retehere biu-ò rex-itònyre: —Umy reàlãmy wahe watxireri kai wadee taholataki.

42 Wadee taholahyy atxiteri mahãte: —Kia reeryre, kata inysõwehekỹ òraru-ki kiamy rarybera adee, tai tiiboho rity-hynyrenykemy wahe, kai tiwateònyteki.

43 Kia rexihureu tahe ryyre: —Lazaru, bodohonyke wa ahana-ò.

44 Kia rurumy roimyhỹ-ribi tahe dòhònyde. Iwa heka tebò-wana widee ritỹtenylemy roimyhỹ. Irati tahe tybese-di ritỹtenymy ihỹmyhỹ. Jesuisi rarybere: —Biesebenyke wa ixinamy rake.

45 Tahe judeu mahãduy-ribi, Marie Martaboho roraludu mahãdu, aõbo Jesuisi riwinyremy robireu tahe, rityhynyre.

46 Ijõ tahe fariseu mahãdu-ò roirenyre tamy relyykemy aõbo Jesuisi riwinyremy.

47 Iribi tahe xiwe wahidỹdu wedu, fariseu wedu mahãdu-wana heka ywisidỹna mahãdu ributunyre. Dohodỹna mahãdu wedu heka imahãduni rare. Tahe inyõ rarybere: —Ka hãbu heka aõwiwihikỹ sõwemy diwinymyhỹde. Aõhebo he rokotỹnyrenykre.

48 Tiihyyle riwinymy rarekeki, heka ibutumy rityhynykre. Idi tahe Roma hãwã mahãdu soldadu kanakre iny riòlòdỹnyke inysỹ rahurenykre.

49-50 Kaifa imahãduõ rare. Kabeòrau tahe tii ibutu xiwena wahidÿÿdu wedu rare. Tahe tii rarybere: —Kaiboho aõ teeryõhyytenyte. Hãbuõ tahe rurukre ibutu inydee. Tai tahe ibutu iny itueõtyhy.

51 Kia heka irayky-ribi aõkõ ròhònyre. Deuxu irayky-ò ritidire, tii dori xiwena wedu tyhy rare kabeòrau.

52 Kiamy rarybereu, tahe Jesuisi rubunamy rarybereri. Jesuisi dori ibutumy judeu mahãdu dee rurukre. Tamy sohojile aõkõ rurukre. Tahe sohoji mahãduòle rabutukre Deuxu riòre bede bedemy rÿira mahãdu wahe.

53 Itxuule tahe Jesuisi rubudÿÿmy ròhòtinyrenyre.

54 Tai tahe ihãwãy-ki rariaõre, Judeia mahãduy-ki. Tahe iribi rexitare bederahy-ò iòhòmy. Hãwãõ-ò heka rare, Efraï heka inire. Taile taery mahãdu-wana ihÿmyhÿ.

55 Judeu mahãdu worana bedehesi iòhòmy rÿimyhÿ Pascoa heka inire. Ritelenykòule heka sòwemy roirenyre Jerusalë hãwã-ò, tai rexiywinyrenykemy iwese bede ywina rarybere wese Pascoakomy wahe.

56 Sòwemy iny Jesuisimy robikemy rÿimyhÿ. Tahe Deuxu dohodÿÿna hetowo-ki widee rarybemyhÿre tahe rarybere: —Kanakre aõbo Jesuisi worana bedehesi-ò.

57 Xiwena wedu fariseu-wana juhoo inyõ rarybemahãre: —Inyõ Jesuisimy robikeki, tuu wadeereny kanarybekre, tii ramykremy wahe.

12

1 Jesuisi rare Betÿnia hãwã-ò Pascoa worana bedehesi rÿikrekoki. Debòsohoji txumy rauhenymy rÿimyhÿ tamy. Tai heka Lazaru rasÿnymyhÿre rubu-ribi rexixare-ribi wahe.

2 Martaboho tahe rÿsÿna wiutàdàna riwinyrenyre Jesu-isiideewina. Lazaru Jesuisi-wana riroxikremy rononymhÿ. Tahe Marta tamyreny rÿsÿna riwymyhÿ.

3 Marie tahe sòwemy aderòna lÿnyre-di ratximyhÿ, iòwyhykÿre heka. Tahe tii Jesuisiwatyre ritxiwire idi tahe taradedile risuhore. Heto tahe tÿnyrehekÿlemy roire.

4 Judasi Isariò tule Jesuisi erydÿÿnaõ rare tii tai ratximyhÿ. Tii Jesuisi rityhenykremy tii raremyhÿ ihewo-ribi. Tii tahe rarybere:

5 —Kaa aderòna heka iòwyhykÿ rare. Aõherekibo idi taho-nyõte nieru idi bitakemy iny aõkõ mahãdu-ò nieru bi-wahinykemy.

6 (Judasi heka iny aõkõ mahãdu luu aõkõ rare. Erydÿÿna mahãdu nieru rubudÿÿdu tii rare. Kia nieruõ tahe ixideele ritosinynehÿre. Tai tahe aderòna òwy ixidee ributunykemy idi ratximyhÿ).

⁷ Tahe Jesuisi rarybere: —Ixinamy wawatyre ritxiwike, wahãloo-ò waherina heka riryrymy tuu ritxiwireri.

⁸ Kaiboho heka aõu biwiòhenanymy ahãbenyke iny aõkõ mahãdu awanareny dori rarehyymy rarekre. Jiarỹ tahe kaki aratxihyyke aõkõ rare.

⁹ Judeu mahãdu Jesuisi rehemynyneriò roholare. Tahe sõwemy iny tamyreny nade itxeremy. Tule Lazaru-ò itxeremy nade rubu-ribi rexixareki.

¹⁰ Tai tahe xiwewahidỹỹdu mahãdu wedu tule Lazaru rubudỹỹmy rarybere.

¹¹ Lazaru òraru-ki dori sõwemy judeu wedu Jesuisi rityhynyre.

¹² Itxubiòwau tahe Jesuisi nade Jerusalẽ-ò kia-ò tahe roholare ibutumy worana bedehesi ludu mahãdu.

¹³ Tai tahe roirenyre tii-wana witxi reakemy horeru riwyre ityre-di kanakre. Ryryrenyre Jesuisi-ò: —Waiòlòreny, kai arawowydynyneri, kai bededỹỹdu tateki! Kai Deuxuni-di tateri. Kai judeu Iòlòtyhy tate.

¹⁴ Jesuisi nade jumenta riòre tyre-ki, tuu dori ihetxina tyyriti-ki roire wesemy.

¹⁵ Kiamy wahe roire:

—Judeu riòre mahãdu uritere brebuõmy atximahãbeny aiòlòreny dori kanakre jumenta riòre tyre-ki.

¹⁶ Iery mahãdu kia rieryõhyre juhuhu.

¹⁷ Iribi tahe tõhõti itxi reare ritidỹỹna hetxina-ki roiremy, Jesuisi biu-txi ròõsemy rareu wahe tõhõtireny itxi reare. Tule sõwemy iaõmydỹỹnana rybe hetxina-ki riritinymy rỹimyhỹre. Kia-di tahe idi tõhõtireny reare.

¹⁸ Inyõ itxeredu heka Lazaru ixixanamy relyyre. Tai tule iny sõwemy doidenyde. Kia Jesuisi riwinyreò heka roholarennyre.

¹⁹ Tai tahe fariseu mahãdu widee raryberenyre: —Ibutumy ihemy roirenyre. Timyõre, aõhe heka rikisỹnyrenyõtyhy.

²⁰ Inyõ worana bedehesi-ki grego rybedu mahãduõ ratximyhỹ. Tii tai Deuxu reàlækemy ratximyhỹ. Tii Besaida hãwã ludu-ò Kalileia bede luduõ ratximyhỹ.

²¹ Tahe grego rybe mahãdu tamy rarybere: —Wanyrỹ, jiarỹboho, Jesuisimy arobikemy watxirenryeri.

²² Filipi tahe Andre-ko relyyre. Ta wiwana roirenyre Jesuisi-ò.

²³ Jesuisi rarybere: —Aõkõra, Wabededỹỹnana iòhòra Deuxu Riòre Hãbutyhyhykỹ rubuna-ò, wahe.

²⁴ Inatyhymy adeereny ararybekre: —Jiarỹ alòbòròna rijuxunymyhỹre wesemy aresekre suò, arurukremy. Aruruõkeki ixiwanahyyle ararekre. Arurukre-wana sõwemy araratynykre.

25 Inyõ ixiluukeki heka, ruruke. Kabede-ki tahe ixiluuõkeki, tii rexiywiny my umytedeõna-ò ratxike.

26 Inyõ wadeòdumy ratximyhỹkeki, tii riwaheludunye. Tai titxibo aratxikeò tii wawana ratximyhỹke. Inyõ wadeòdumy rareke-wana, tii Waha riwowydynkre.

27 Katahe wabedewonihikỹmy watzireri. Timybo ararybekre, Waha, kia rubu aõmydỹỹnana-ribi biwatake. My õsana arexitòenykre. Aõkõre, kiaòle heka kabede-ò anade.

28 Waha, anityhy-ò iny riwowydynkemy watzireri. Iule tahe rybeõ-ò roholarenyre: —Kia rotỹỹnyre ihãre ta ixityre tuu rotỹỹnykre.

29 Tahe iny sõwehekỹ kia rybe-ò roholare. Tahe rarybere: —Biumytxyle rare. Tahe ijõ rarybere. Aõkõre ýju rare.

30 Tahe Jesuisi rarybere: —Waõraru-ki aõkõ kia rybe rỹireri, aõrarureny-ki, tamy bohlabenykemy.

31 Wiji tahe ywisidỹỹna kỹnyikre, bedemy iny rỹira mahãdu-ò. Kia mahãdu iòlò, Satanasi, kanahitxidỹỹkre.

32 Iu jiarỹ itxeò-ki riwaukokreu, ibutumy iny heka ixidee adiwiutàðanykre riwatyhynykremy.

33 Iu tii kia rarybereu, tarubuna ritỹnynyre timybo rurukre.

34 Iny sõwehekỹ dirawyònyde: —Jiarỹboho raholarenyre bede ywina-ò. Tii rarybere: —Tiiemy Kristu rarehyymy rarekre. Timybo kai tarybeteri: —Biwaukokremy. Mobo tahe Deuxu Riòre Hãbutyhyhykỹmy tuu tarybeteri.

35 Tahe Jesuisi dirawyònyde: —Urihimyòle loosòna awana rariamy ratxireri. Idi atxiteriule idi mariake, bede luru atxi kanakelau. Inyõ bede luruki rariakeki, tiobo rake rieryõhyre.

36 Waloosòna atxiteriule, biwatyhynyke waloosònamy, taile waloosòna mahãduõmy boibeke. Kiarybe rahu-di tahe Jesuisi iribi rexitamy rexiwore.

37 Tii sõwemy bedetiidỹỹna ikoreny-txi riwinyre. Ihãrele tahe sõwemy rityhynyõre.

38 Kia tahe Isaia tyryiti-ki roire, tahe iwesele tuu rarybere wese wiji rỹira rotỹỹnyre:

—Wanyrỹ, Iny rybe tỹnydỹỹnareny tiibohe rityhynyõhyre, Deuxu taruru tamy riteòsinyrehãrele rityhynyõre.

39 Tai rityhynyõhyre. Isaia, Deuxu rybedu ijõmy ròritidỹỹre:

40 —Deuxu riruetànyre, irayky riteredỹỹnyre. Tai rieryõhyymy robiõhyymyhỹre. Tiu heka Deuxu rityhynyõhyre. Tiu riteytenyõhyre.

41 Isaia Jesuisi loosònamy robire. Tai tahe tuu ròritidỹỹre.

42 Ihãrele tahe dohodỹỹna mahãdu wedule sõwemy rityhynyre. Urile fariseu mahãdu õrarukile, ijõ-ò tuu rarybeõre, dohodỹỹna mahãduy-ribi riòlòdỹỹnyheny.

43 Tiiboho dori Deuxu wowydyna luurenyõre inywowydynale luurenyre.

44 –Iny riwatyhynymyhỹkeki, wadeòdỹỹdule rityhynymyhỹre.

45 Inyõ wamy robikeki, iule wadeòdỹỹdumy robike.

46 Jiarỹ loosõna wesemy anade bede-ò. Tai tahe iny riwatyhynyekeki, bede luru ribi rõhõnyke. Tai heka anade.

47 Inyõ warybe-ò roholake hãrele riywinyõkeki, tahe jiarỹ tii wiji ariywidỹỹnyõke. Jiarỹ dori tarasaduhyylemy anade.

48 Inyõ riwatyhynyõkeki, warybe-ò roholaõkeki, ikonana txuu tahe ywisidỹỹna-ò ralõke, warybe-ò rityhynyõmyhyreki aõhõkỹmy dỹỹnana-ò heka kia ralokre.

49 Jiarỹ ixi rayky-ribi aõkõ rarybemahãre. Wahale rybe wadee riwahinymyhỹre. Kia wesele relyymahãre.

50 Deuxu rybe bede ywina-di diwateõnyde umytuedeõna wahidỹỹna kia rare. Kiale heka reeryre.

13

1-3 Pascoa worana bedehesi txumy txuu rỹire. Tahe Jesuisi rexieryre ixyby tyby-ò rõdõsekremy ihỹre, ibededỹỹnana iõhõmy roireki. Tule rexieryre tyby ibutumy tamy riwahinyremy. Tii tyby-ribi nade tule ixybyle tamy rakemy. Txioro roxinau Jesuisi taerydỹỹna mahãdu-wana riroximyhỹreny. Judasi Isariõ (Simaõ riõre) taile ratximyhỹ. Juhuu diabo tamy rarybere iruule Jesuisi rityhenykemy.

4 Jesuisi sõwemy taerydỹỹna mahãdu luure. Tai tahe rỹire, tatytyre ludu ritare õsurõna rimyre, idi rexiwetyataare.

5 Hynaro-ò bee ritxiwire taerydỹỹna mahãduwaa risuhokremy tahe õsurõna-di tawetya-ki ihỹmyhỹ-di iwa rirubudỹỹnyre.

6 Tahe Jesuisi rehemynyre Simaõ Pedro-ò, Pedro rarybere: –Aõkõre kai wawareny suròdõõmyke.

7 Jesuisi rirawyõnyre: –Kai heka teeryõte aõherekibo re-suhõreri. Ihewo-ribi tahe bierykre.

8 Pedro rarybere: –Aõkõre, wawasuròdõdỹỹõmy. Jesuisi rirawyõnyre: –Arisuhòõkeki wawanahyy aõkõ mabeke.

9 Pedro rarybere: –Wawasohojile aõkõ bisuhokre, wadebõ warati-wana tule wahe.

10 Tahe ritỹnyre Jesuisi; inyõ rõhõre-wana iwale rasuhòke. Iuhe ibutumy tyralemy rỹimyhỹre. Kaiboho yralemy toite. Sohoji tahe aõkõre.

11 Jesuisi tatyhedỹỹdu rayky rierymyhỹre. Tai tahe rarybera, ibutumy aõkõ tyraremy.

¹² Jesuisi iwasuròdò rexihureu, tatytyre ludu retyynyra roxina-ò ròdserè. Tamyreny rỹraxe: —Kaiboho teertyentye. Aõhebo jiarỹ kia ratỹnyra.

¹³ Adeereny aritỹnykyre. Kaiboho tiwaninitentye anyrỹmy, aõhe inatyhy? Aerydỹdumy, inatyhy heka jiarỹ rare tahe òbitimy tarybetentye.

¹⁴ Jiarỹ aerydỹdureny anyrỹreny heka awareny resuhore. Tai tahe kaiboho wiwa bisuhòbenykyre.

¹⁵ Iwese jiarỹ rexideòsinyre wese kaiboho biwinybenyke.

¹⁶ Inatyhymy adeereny ararybekre. Deòdu dori tawedu ratyre aõkõ rare. Rybe-ò ijohonadu dori rybedutyhy ratyre aõkõ rare.

¹⁷ Kia warybe teertyentye. Tahe biwinybenykeki be-deòbynatyhy adeereny kanakre.

¹⁸ Ibutumy umyreny aõkõ rarybereri jiarỹ araeryreny, aratarenyeki, wahe. Rybe tyyriti-ki roire kiamy:

—Kia wawana riroximyhỹre heka riwatyhenykyre. Ele elemy tuu rotỹnykyre.

¹⁹ Wiji rarybereri heka wylemy kia tuu rotỹnykyre. Tuu rotỹnykyreule, kaiboho bierybenykyre òbitimy raryberé wahe; jiarỹ biwatyhynybenykemy wahe.

²⁰ Inatyhytyhymy ararybekre: —Inyõ adee aditeònykyre. Inyõ tii rityhynymy kididykeki, tii riwadymyhỹre. Inyõ kidiwadykeki wadeòdỹdu ridymyhỹre, Deuxu rityhynymyhỹre wahe.

²¹ Tahe Jesuisi rabadewonihikỹmy rononymhỹ. Tahe rarybera: —Iny sohojiõ ayreny-ribi riwatyhenykyre.

²² Tahe wii riijerijereny. Mokobo rarekremy rõhõtynyreny.

²³ Jiarỹ, Joaõ Jesuisi weribi ranywỹhỹ, tii dori sõwemy walure.

²⁴ Tahe Pedro wadee narybewasidi: —Tamy inihe myraxe mo bo raremy.

²⁵ Tahe jiarỹ retorunyre: —Wanyrỹ, mowexe ratxireri.

²⁶ Jesuisi rarybere wadee: —Kia orotxu ituudỹ tamy ariwahinykrele tiikre. Tahe Jesuisi orotxu yre rituunyre idi tahe Judasi Isariò-ò riwahinyre. Tii Simaõ riòre rare.

²⁷ Tahe Judasi riyre. Iribi tahe Satanasi aõwesele tamy ralore. Jesuisi heka Judasi-ò rarybere: —Aõhebo botỹnykyre wylemy makre biwinykremy.

²⁸ Tahe riroximy rỹimyhỹ mahãdu rieryõre aõmybo Jesuisi rarybemyhỹ.

²⁹ Judasi Isariò dori nieru hyna yrubudỹdu heka rare. Tai tahe rõhõtynyreny Jesuisi worana bedehesi aõna aõna riwykemy riteònyre, ada iny aokõdu mahãdu-ò nieruõ riwahinykemy.

³⁰ Judasi orotxu yre riymy rahudi tahe ròhònymy rare bede luru-txi.

³¹ Judasi ròhònymy rahudi tahe Jesuisi rarybere: –Wiji tahe Deuxu Riòre Hãbutyhyhykỹ loosònamy iny robimyhỹre taraykywo-ki. Tii heka jiarỹ rare. Deuxu-ò waòraru-ki wowy-dyna riwahinykre.

³² Deuxu loosònamy tahe waki iny robikeki, Deuxu riwa-toosònyreri aõwesele ibutumy iny tuu robike.

³³ Waluudu mahãdu wariòre wesemy atximahãtenyete, umywanareny urihimyoìle ararekre, idi tahe arakre. Tahe biwai-jebenyhãrele waki mahabenyòtyhy. Iwese judeu mahãdu-ò rarybere wesele adeeremy ararybekre: –Titxibo arakre-ò kaiboho boibenyòke.

³⁴ Bede ywina tỹmyra wese adeeremy ariwahinykre kiamy wahe: –Wiluurenykemy wahe: –Iwese jiarỹ aluurenyre wese tule kaiboho wiluurenyke.

³⁵ Wiluurenykeki ibutumy iny rieryrenykre kai waery-dỹỹna mahãdumy tate.

³⁶ Tahe Simaõ Pedro ritỹỹraxinyre: –Wanyrỹ, titxibo kai makre. Jesuisi dirawyònyde: –Titxibo arakre-ò wiji kaiboho boibenyòke, iribi tahe wahemy bodoikre.

³⁷ Tahe Pedro rarybere: –Wanyrỹ aõherekibo araõkre wiji ahemy waumy kie aõraru-ki ariwahinykemy watzireri.

³⁸ Inatyhymy aõbo aumy biwahinykre waòraru-ki. Inatyhytyhymy ararybekre: –Hãnie hãbu robukòule kai biwatxiònykre inataõmy.

14

¹ Kaiboho bededòtidỹỹrenyõmyke bedewona-ki. Kaiboho Deuxu tetyhynytenyete, tai tahe biwatyhynykre.

² Wahasỹ-ki sòwemy sỹỹ rỹimyhỹre kialemyre heka tai. Kaweseòkeki adee inatyhymy rarybemahãre. Jiarỹ tahe arakre sỹỹ adeeremy ariwinykemy.

³ Ariwinymy arahudi tahe ixybyle aòrysmy adòòsekre. Tahe aradyrenykre titxibo-txi aratzireriò kaiboho tule matx-ibenykre.

⁴ Kaiboho dori teerytenyete titxibo wasỹry roire.

⁵ Tahe Tome rarybere tamy: –Wanyrỹ, titxibo makreò reerykòrenyete. Tai tahe timykibo asỹry reeryrenykeny.

⁶ Jesuisi dirawyònyde: –Jiarỹ wa ryy rare. Deuxu inatyhyna jiarỹ rare. Umytuedeõna wahidỹỹdu jiarỹ rare. Inyò waòrarukile Waha dee rakre.

⁷ Kaiboho tiwaerytenyete-wana tule Waha teerytenyete. Wiji tyhyule Deuxu teerytenyete, tuu tabitenyete.

⁸ Idi Filipi rarybere: –Wanyrỹ, boo inydee biteòsinyke, tai tahe awike.

9 Tahe Jesuisi rarybere: —Filipi, sōwemy bededỹnana umy-wana rewyre. Ihārele tahe tiwaeryōte. Inyō wadee kanakeki, Wahamy robike. Aōherekibo wadee tarybeta boo wadee biteòsinykemy.

10 Jiarỹ Waha-ki watxiwāhāre tule Waha waki ihỹre. Kia aōbohe tetyhynyōte rarybewāhāre, kia iximy aōkō rarybewāhāre. Waha waki ratximyhy tii taōmydỹnanamy rotỹnyre waumy-ribi.

11 Waha-ki watxiwāhāre, tule tii waki ihỹre, kia bityhynybenyke. Aōwiihikỹ rewinywāhāre òraru-ki biwatyhynybenyke.

12 Inatyhytyhymy adee ararybekre: —Inyō riwatyhynykeki, wawesele aōwiihikỹ riwinykre. Tahe watyreleaō riwinykre. Jiarỹ dori Waha-ò arakre.

13 Tai wanimy aōmy bexitòenybenykeki, tii tahe ariwinykre. Iny Waha-ò wowydyna riwahinykemy idi watxireri, iRiòre wahe jiarỹ rare.

14 Tai aōma wani-ò bexitòenybenykeki, tii tahe riwinykreadeereny.

15 Inyō waluukeki tii wabede ywina riywinytyhyke.

16 Waha-ò arexitòenykre ijō wiòhedỹỹdu adeereny kiditeònykremy waderòwmy. Tii aōu aōu adeereny hyyle rarekre.

17 Tii Deuxu Tyytybytyhy rare. Tii inatyhynamy riereryreny, iny bede bede mahādu wahe. Deuxu Tyytybytyhy ixidee ridykemy. Tuu dori robiōtyhy rieryōtyhy. Kaiboho tahe teeryteny. Tii dori umywanareny ratximyhỹre, aworeny-ki ratxikremy.

18 Jiarỹ heka ixisohojimy ararisidỹnyōtyhy. Jiarỹle adee adoosekre.

19 Wijile arurumy arakre bede-ribi. Bede bede mahādu tiu wamy robiōtyhy. Kaiboho tahe wamy bobilebenykre, jiarỹ dori ixityre rubu-ribi adexixamy ararekre. Tai tahe tule kaiboho rubu-ribi bexixamy boibekre.

20 Kia txuu kaiboho bierybenykre jiarỹ heka Waha-ki watxiwāhāremy. Kaiboho tasỹ waki ahāteny. Jiarỹ tule akireny watxiwāhāre.

21 Inyō wabede ywinareny dikeki tahe, riywinykeki, waludu rare. Waha tule iluukre. Jiarỹ tule iluutyhyre. Tamy tule arexideòsinykre.

22 Judasi tamy rarybere: (aō Isariò aōkō kỹny, iwitxiraō.) —Wanyrỹ, aōhekremybo wadeereny bedexideòsinykre tahe bede bede ludu mahādu-ò aōkō wahe.

23 Jesuisi rarybere: —Inyō waluukeki, wabede ywina riywinytyhyke. Waha, heka iluutyhykre. Jiarỹboho tamy adoidenykre tamysỹmy.

²⁴ Iny waluuõkeki, warybe tiu rityhynyõtyhy. Aõ warybe-di aõkõ heka rarybereri. Waha wadee riwahinyredi heka rarybereri.

²⁵ Tai arakrekoki tuu rarybereri adeereny.

²⁶ Tahe Deuxu Tyytybytyhy, awiõhedÿÿdu, tii araerynanykre ibutumy aõna aõnamy. Timybo jiarÿ adeereny raryberemy akananohõtiijaranydenykre.

²⁷ Ywina adeereny adiwahinykre waywina wahe. Iwese bedede bede ludu mahãdu riwahinymyhÿre wese aõkõ ariwahinykre. Uritere nohõtiyreõmy brebuõmy.

²⁸ Rarybere dori arakremy tule adoosekremy. Waha waratyre rare. Tamy he arakre. Kaiboho waluukeki, beysabenykre tamy arakreu.

²⁹ Kaa bedede reakoki tuu rarybereri. Tuu reakreu tahe, kaiboho biwatyhynybenykre.

³⁰ Sõwemy heka adeereny ararybeõkre, bedede dinodu dori tehemyrysÿ iõhõmy ihÿre, Satanasi wahe. Tii heka wadee iruruõhyre, riwateõnyõtyhy.

³¹ Jiarÿ Waha luure. Rewinywãhãre aõbo Waha ariwinykemy riwateranymyhÿre. Botamanyke: —Rõkõirenyke.

15

¹ Hãjutò òwõna wese wihikÿ jiarÿ rare. Waha tahe bedede rade wysydÿÿdu wese rare. Bede õbebure iratyõkeki iò riòròke. Iratydikeki iõsõmo iribi risihere. Tai tahe sõwetyhymy nihikÿmy raratynyke.

² Kaiboho bedede rade-ò wesemy toite. Warybe-di aõsõmoreny aribireny resihemahãre. Katahe õbitimy toite bederatymy raratynkemy.

³⁻⁴ Kaiboho biwamymy wadi myikre. Iwese bedede radeõ raòròõmyhÿkeki irulemy rÿikre raratynyke. Aõkõkeki ruruke. Kaiboho iwesele toite. Waki beàrenyõbenymyhÿkeki, tiu Deuxudeewimy atxibenyõtyhy.

⁵ Jiarÿ hãjutò òwõna wese rare. Kaiboho ibede radeò wese toite. Waki beerenybenykeki, jiarÿ aki ararike, tai bederaty wese sõwemy maratynyke. Wahoõkeki tiu aõ biwinybenyõtyhy.

⁶ Inyõ waki rariõkeki, iwese iny bedede rade rubu-di rahuleke, tii iwesele inyõ rahukre. Juhuu rimyre, idi heòty-ò rehure, tai roomyhÿre.

⁷ Kaiboho waribi boibenyõkeki, warybe õhõti-ribi rosaõtyhykeki, aõtaxina wadee bexitõenybenykre, tai ibutumy adee ariwahinykre.

⁸ Iwese bedede rade sõwemy raratynymyhÿre wese, kaiboho, aõna aõna wiwihikÿ biwinybenyke Deuxu dee. Kiakeki tahe Deuxu dealãna sõwemy ritakre.

⁹ Iwese Waha waluure wese jiarỹ aluurenyre waluuna-ribi boibenyõke.

¹⁰ Wabede ywina inyõ riywinykeki, tii waluuna-ribi raõtyhy. Iwese Waha bede ywina reywinymyhỹre wese tahe Waha luuna-ribi jiarỹ tiu rahõnyõhyyre.

¹¹ Wadeysana awo-ki ratxikemy jiarỹ adi watzireri. Eysana sõwemy mabekemy adi watziwãhã. Tai tahe warybe adee rarybere.

¹² Wabede ywina heka kaa rare: –Wiluukemy. Iwese jiarỹ aluure wese wiluurenykemy.

¹³ Inyõ taery dee rurukeki taluunadireki, tii luunatyhy ijõdire.

¹⁴ Kaiboho wadeewi biwinybenykewana tai inatyhymy wabiõwa toite.

¹⁵ Tahe aõ wadeõdumy aõkõhe araninirenykre. Kaiboho wabiõwa toite jiarỹ dori Waha-ribi raholare adee tuu re-lyywãhãre.

¹⁶ Kaiboho tahe tiwatatenyõhyyte, jiarỹ tahe aratarenyre kaiboho boibenykemy. Sõwemy aõna aõna wiwihikỹ botỹỹnybenyke. Tule kia aõna aõnamy tule roihyykemy. Tai tahe aõmy Waha-ribi wani-di bexitõenybenykeki, adee riwahinyhy rareke.

¹⁷ Wiluubenyke: –Kia tahe wabede ywina adeereny adiwahinyde.

¹⁸ Bede ludu iny mahãdu eramy reakeki myỹ uritere nohõtiõmy juhoo dori waderamy waluuõre.

¹⁹ Kai bede ludu iny tate-wana iny aluuke, tahe aõkõre. Tai tahe iny eramy reamyhỹre. Bede ludu mahãdu ribi jiarỹ aratara. Bede ludu mahãdu aõkõ tate urenana.

²⁰ Adee heka rarybere aõmybo. Uritere iribi nohõti lusaõmy kia wahe: –Deõdu tawedu ratyre aõkõ rare. Tai wadee aõbina binamy iny rotỹỹnymyhỹre. Adeereny tule aõmy rotỹỹnykremy wahe. Tiiboho warybe riywinyrenykeki, arybe tule tiiboho riywinyrenykre.

²¹ Kia tahe adee ratỹỹnymyhỹre wanimy rybe õraru-ki, tiiboho dori wadeõdỹỹna rieryõreki.

²² Tuu ararybeõre wana inihe tiiboho õrarudiõhyrenyre. Katahe rarybere tai tahe tiiboho rarybeõtyhy rieryõremy.

²³ Inyõ waluuõkeki, tule Waha luuõtyhy.

²⁴ Jiarỹ heka ibutuko-õ wowydyna iitxerenarenymy rewinyõrewana, tiiboho iõrarudiõhyre inihe. Tahe rewinyamahãre, tuu robimyhỹrenyre, ihãrele tahe waluuõre tule Waha luuõre.

²⁵ Kiamy heka rotỹỹnyre bede ywina ritidỹỹna-ki roireki. Tai heka tuu rotỹỹnymyhỹre. Kiamy wahe ritidỹỹna-ki roire: –Tii heka bede õraru aõkõ rare, ihãrele tahe iluuõrenyre.

26 Deuxu Tyytybytyhy adee ariteònykre. Tii, wiòhedÿÿdu rarekre inatyhynamy rierynanykre. Tahe, tii kedehe-mynykreu wamy rarybekre.

27 Tule kaiboho wamy marybebenykre, wawana hyy ahâtenyteki.

16

¹ Kiamy adee rarybemahãre òraruna-txi ixekoemy.

² Tiiboho heka anatakre tohodÿÿna hetowo-ribi. Kobe, bedede dÿÿnana iòhòmy kadeakreu inyò anarubunykeki, kia Deuxudeewimy tuu konohòtinykre. Tii Deuxu wiòhedÿÿdu raremy ixi-di kònohòtinykre.

³ Tiiboho Waha rieryòhyymhÿrenyrene tule riwaeryòmyhÿre. Tai tahe kiamy adeeremy rotÿÿnymhÿrenyrene.

⁴ Iu adeeremy aòmydÿÿnana kedehemynykre, òhòtiren timeri reake timybo adeeremy relyyretxi. Tiu heka tuu rarybeòhyyre, umywanarenhyhy dori wãhãre.

⁵ Katahe arakre wadeòdÿÿdu-ò. Kaiboho bÿÿraxibenykekò aòbo tiobo arakre-ò.

⁶ Kaiboho heka tabedewomy toite kamy rarybereriki.

⁷ Ihãrele tahe inatyhymy adeeremy ararybekre: —Adeeremy awikre arakreki wahe. Jiarÿ araòkeki awiòhedÿÿdu, Deuxu Tyytybytyhy kanaòkre. Arakeki tahe tii aditeònykre adeeremy.

⁸ Iu kanakreu, tii inydee kiditeòsinykre irayky binadiremy, iòbitina-di aòkòremy, iòrarunadiremy. Deuxu dori òrarudu riy-wisidÿÿnykre.

⁹ Taòraruna ixidee kiditeòsinykre tiiboho riwatyhynyòrenyriki.

¹⁰ Tahe ixidee kiditeòsinykre. Jiarÿ iratyre waòbitina direki. Waha-ò dori arakre, wamy bobibenyòtyhykemy.

¹¹ Deuxu ixiywisidÿÿna ixidee kiditeòsinykre kabede dinodu dee rarybere tii rexihukremy.

¹² Jiarÿ heka sòwemy adee ararybekemy watxireri, ibutumy tahe isiramy ixidee boholabenyke.

¹³ Txiòhe rare. Deuxu Tyytybytyhy kanakreu, inatyhymy adeeremy rarybekre inatyhyna-di ibutumy. Tarybe-di tahe rarybeòkre. Deuxu-ribi aòmybo roholaremy tahe rarybekre. Tule timybo aòna aòna rarekremy kanarybekre.

¹⁴ Tii waaòmydÿÿnana adeeremy ritÿÿnynykre. Tai kidiwa-toosònanykre.

¹⁵ Ibutumy Wahahòrò heka wahòrò rare. Tai heka tuu adeeremy rarybereri waaòmydÿÿnana adeeremy kiditynynykremy.

¹⁶ Urihimyò riòre heka waòkre, idi tahe ixityre wamy bobibenykre.

17 Tahe ijõ ierydÿÿna mahãduõ widee rarybere: –Timybo tii rarybere: –Urhimyò iõkremy tii rarybereri, tule ixiryre wamy bobibenykremy. Tule Waha-ò arakre. Timybo heka rieryrenyõhyre aõmybo rarybera.

18-19 Tiiboho Jesuisi-ò rÿÿraxirenykremy ratxirenyreri. Tahe Jesuisi rierymyhÿre tuu rÿÿraxikre. Tahe Jesuisi tamyreny rÿÿraxire: –Kaimy ixidee tÿÿraxitenyteri. Wananamy waõkesenalemy.

20 Inatyhymy adeeremy ararybekre: –Iny bede mahãdu urile reysakre, kaiboho tahe araeryrenyra urile mahinybenykre, birajuabenykre, mabedewobenykre. Idi tahe kaiboho beysabenykre.

21 Iwese hãwyy ijera iõhõreki, rabedewomyhÿre, taaõhõkÿmydÿÿnana-di rõhõtinyinmyhÿre. Idi tahe reamyhÿre. Iu tahe tõhõti rosamyhÿre tohouã tÿmyradile reysamyhÿre.

22 Iwesele kaiboho mabedewobenykre, ixityre wamy bobebenykreu tahe, kaiboho beysabenykre. Inyõ heka deysana aribireny ritaõtyhy.

23 Kiatxu tahe uritere watÿÿraxidÿÿõmykre inatyhymy adeeremy rarybereri. Waha-ribi aõmy bexitõenybenykeki. Tii adeeremy kidiwahinykre wani õraru-ki.

24 Tiu heka aõmy texitõenytenyõmahãte wani-di. Bexitõenybenyke, tai bitabenykre. Tai tahe kaiboho beysabenykre.

25 Ibutumy rybewõtemy adeeremy rarybewãhãre wahe. Idi tahe tuu adeeremy ararybeõkre. Idi tahe itÿnytyhymy Waha aritÿnynykre adeeremy.

26 Kiatxu tahe bexitõenybenykre wani-di jiarÿ ararybeõkre umyreny Waha-ò.

27 Waha dori aluurenyre, kaiboho waluurenyreki, Deuxu-ribi anade tetyhynytenyteki.

28 Waha-ribi anade, bede-ò adehemynyde ihãrele bede-ribi arakremy Waha-ò.

29 Jesuisi ierydÿÿna mahãdu rarybere: –Wiji tahe itÿnytyhymy tarybeteri. Rybewõte-di aõkõ tarybeteri.

30 Kai ibutumy teeryte. Inyõ dÿÿraxiõmy adee. Kai inatyhymy Deuxu-di tanate. Kia jiarÿboho retyhynyrenyre.

31 Tahe Jesuisi tamy rÿÿraxire. Inatyhymy wijityhyle tetyhynytenyta.

32 Wabededÿÿnanamy heka reara. Kaibohoõ sohoji sohojimy tasÿ tasÿ-ò rakre. Biwaribenykre ixi sohojilemy arÿikre. Tahe ixi-wana aõkõ watzikre, Wahawanale arÿikre.

33 Kaheka aõna aõnamy adeeremy rarybere ywina-di araykyreny-ki boibekre. Bede-ki kaiboho aõhõkÿmy

botỹnybenykre. Ihãrele beysabenyke, Jiarỹ heka Deuxu òludu mahãdu-di ròtara.

17

1 Jesuisi rarybemy rahudi tahe retehere biu-ò rarybere: –Waha, wabededỹnanamyhe reara. Ariòre watxiwãhãre. Wowydyna wadee biwahinyke tai tahe adee wowydyna adee ariwahinykre.

2 Kai, Waha, ibutumy wadee ruruna tewahinyta iny deòdỹnyamy. Tai umytuedeõna ariwahinykre biu-ò hedu mahãdu-ò.

3 Kia heka umytuedeõna rare: –Deuxu inatyhy tate sohojihyy tate. Tii araeryrenykeki tahe eòdỹna Jesuisi Kristu rieryrenykeki. Kia umytuedeõna rare tamyreny.

4 Aõ aõmysỹdỹnabo wadee tewahinyte, ibutumy adee rewinyre. Tai heka arawowydynyra kabede-ki.

5 Iu bede rexidelenyreu umywanahyy rarewãhã. Sõwemy loosõna nihiky-di rawãhãre. Tahe wiji, Waha, kia loosõnale ixityre bidiwahinykre umywanahyy ararekre.

6 Kai iny mahãduõ wadee tewahinyte bede mahãdu-ribi. Tamyreny umy rarybemahãre. Juhu tiiboho ahõrõ roire. Idi wadee tewahinyte. Tiiboho arybe riywinymyhỹre.

7 Ibutumy waaõmydỹna aribi retamahãre. Kia heka wiji tiiboho rieryrenyra ibutumy aribi nade.

8 Aõrybebo wadee tewahinytamy tamy rarybemahãre. Tii-boho rityhynyreny, rieryreny aribi jiarỹ anade, kai wa-teòdỹdu tate.

9 Iõraru-ki adee rexitõenyre. Tiiboho amahãdu roire. Wadee tewahinyte, bede mahãdu-ò raru-ki aõkõ adee rexitõenyre.

10 Ibutumy wahõrõ, ahõrõ rare. Tule ahõrõ, wahõrõ rare. Tai heka iny mahãdu riwatoosõnanymyhỹre.

11 Jiarỹ adee arakre tai kaki arareõkre. Tiiboho heka kaki rarirenykre. Tiiboho biyrubunykre, Waha, ani òbiti-di biyrubunyke, wadee tewahinyteki. Tai tahe iraykyreny wiwesehyymy roirekre.

12 Tiiboho-wana rarewãhãu ani òraru-ki reyrubunymahãre, wadee tewahinyteki. Timy heka reõnonyõhyyre ijõ, sohojile tahe reõnonyre. Juhuu dori Ritidỹna roire ijõ sohojiõ ariõnonykremy. Ihyy tahe reõnonyre, Judasi Isariõ õnodỹduhyymy rarekre.

13 Ka tahe arakre arora-ò. Tii heka inyõ rarybemahãre ibutumy wadeysana iworeny-ò ralòmhyhỹkemy.

14 Jiarỹ arybe tamyreny rewahinymahãre. Bede mahãdu iny dori terarenyre, tiiboho bede mahãdu iny aõkõ roireki. Iwese jiarỹ bede ludu hãbu aõkõ rare wese.

15 Bede-ribi tarasamy aõkõ heka adee rexitòenyneri. Urile ibina bina widỹỹ-ribi biyrubunykemy.

16 Tiiboho tahe wiji ijõ bede wixira ludu roire, iwese jiarỹ rare wese, wahe.

17 Arybe-di tiiboho biòbitinyke, tai ahõrõ mahådumy rarekre. Arybe dori òbitityhy rare.

18 Iwese bede iny-ò tadiwateònyte wesemy, Jiarỹ tiiboho reteònyre bede ludu mahãdu-ò rarybekremy.

19 Tamyreny xiwena wesemy adee arexiwahinykre. Òbitihyymy ararekre, tai tiiboho òbitihyymy roirekremy inatyhyna-di.

20 Aõ tamy sohojile aõkõ heka rexitòenyneri. Ibutumy kia rityhynymy rỹirakre-ò dori rexitòenyneri.

21 Tai tahe ibutumy wiwese wesemy rõhõtinyrenykre. Iwese, Waha, kai waki atxiteri wesemy tule aki watzireri wesemy tiiboho iny-ki roirekre. Tai bede iny mahãdu rityhynykre ateòdỹỹna watzireri urenana.

22 Kai loosõna wadee tadiwahinynte, tahe tamyreny re-wahinyre. Tiiboho sohojihyy weselemy roirekremy, iwese iny sohojihyy rare wesemy.

23 Jiarỹ taireny wãhãre, kai waki ahãte. Tai tahe inyboho butuhyymy rokoirekre. Wii riòbitinymyhỹrenykre. Tai bede mahãdu rierykre tadiwateònyteki. Tule wamahãdu luu tate urenana Waha, iwese waluure wese.

24 Waha, titxibo ararekre, tiiboho wawanahyymy roirekre, wamahådumy wadee tewahinyteki. Tai tiiboho waloosõnamy robikre. Kai dori bede ihokõule waluure, tahe loosõna wadee tewahinynte.

25 Waha òbiti, bede mahãdu araeryõre Jesuisi tahe araeryre. Wamahãdu tule rieryre tadiwateònyte.

26 Jiarỹ tiiboho reerynanyre ani-di. Ihãre ta arierynanykre. Tai aluuna iwese waki ratxireri wesemy taireny rarekre, tule jiarỹ taireny ararekre.

18

1 Jesuisi rexitòenymy rahudi tahe roirenyre taerydỹỹna mahãdu-wana Cedrõ beàwe-ribi kowa ijà-ò heka reuròrenyrene, tahe bederaty oworuro-ò rirònyrenyrene.

2 Judasi heka Jesuisi tyhedỹỹdu heka ibede rieryre, Jesuisi dori taerydỹỹna mahãdu-di tamy rahyymyhỹre.

3 Tahe Judasi, soldado mahãduõ tadinodu-wana ributunyre. Fariseu mahãdu-ribi xiwena wedu wahidỹỹdu-ribi Judasi soldado yrubudỹỹdu mahãdu rihitxinyre tule xiwena deòdu mahãduõ rihitxinyre tii-wana rakremy roirenyre. Tahe tamy ritehemynyrenyrene tòbõra heòty-wana.

4 Jesuisi rexieryre ibutumy aõmybo tamy kodotỹnykre. Tahe iny mahãdu-ò rexidorunyre. Tahe rỹrãxire tamy: — Mowe teijetenyteri.

5 Tahe dirawyõnyde: —Jesuisi Nazare hãwã ludu reijereri. Tahe Jesuisi rarybere: —Jiarỹ wa tiile rare. Tahe Judasi ityhedỹỹdu tii mahãdu wanale nade.

6 Jesuisi tamyreny rarybereu, tahe rexilõhõrarienyre iribi, tahe suõle reserenyre.

7 Ixityre Jesuisi tamy rỹrãxire: —Mowe teijeteri.

8 —Jesuisi Nazare hãwã ludu, tiiboho dirawyõnyde. — Rarybera tahe jiarỹ raremy wahe. Tiwaijeteri-wana tahe biwadyke urile ixinamy waijoi rirahuke.

9 Kawesemy wahe irybe hitxina wadee tewahinyteõ heka tiu reõnonyõhywãhãre. Jesuisi, kiamy rarybere tamyreny irybe hitxina wesemy ibutumy tuu rotỹnykremy.

10 Tahe Pedro tamaydese ritamy reare tahe xiwena wedu deõdu riwotõmonyre. Malòò heka inire. Pedro Malòò nohõti riorore ruruwe-ribi ludu wahe.

11 Jesuisi rarybere Pedro-ò: —Amaydese birutyke. Jiarỹ Waha deewimy aõhebo arotỹnykrekõ aõbo wadi tahõtinyteri. Aõhõkỹmy arotỹnyõkemy aõbo wadi tahõtinyteri.

12 Tahe soldadu, tadinodu-wana, judeu yrubudỹỹdu-wana Jesuisi rimyre ritaataamy ridyre.

13 Kia beõra Kaifa xiwena wedu tyhy rare. Anasi iriõre labie rare. Tai tahe juhoo Ana-ò ridyre.

14 Kaifa tahe juhoo judeu mahãdu-ò rarybere: —Wiji beõramy hãbuõ iny mahãdu õraru-ki rurukremy rahõtinyteri.

15 Simaõ Pedro inyõ-wana rare Jesuisi hewomy. Kia Pedro-wana rare, kia xiwena wedutyhy eryna rare. Tai tahe ralore õtity ijõrore-di.

16 Pedro tahe ahanakile rỹire. Kia Pedro-wana rare. Rohonyre hetowo-ribi hetoijõ-di itxeredu-ò rarybere, tahe Pedro ridyre hetowo-ò.

17 Kia ijadõma, heto ijõ-di itxeredu rarybere Pedro-ò: — Kai Jesuisi erydỹkỹna mahãdunokõ anobo tate. Tahe Pedro dirawyõnyde: —Aõkõre.

18 Tahe soldado yrubudỹỹdu tai rahetõmy rỹimyhỹ, heto ludu deõdu mahãdu-wana txutàtà riki. Pedro iyreny kile rỹimyhỹ rahetõmy.

19 Tahe xiwena wedu tahe Jesuisi-ò rỹrãxire. Aõhebohe aerydỹỹna mahãdu-wana tadotỹỹnymahãte. Timybohe tebederynymahãte.

20 Tahe Jesuisi ritỹnynyre: —Ibutumy inyko relyymahãre iwasi my aõkõ heka relyymahãre. Judeu dohodỹỹna hetokile

relyymahãre Deuxu dohodỹyna heto-wana. Titxibo judeu mahãdu ributunymyhỹremy relyywãhãre.

²¹ Tai aõherekibo wadeele tỹyraxiteri. Myỹraxike wadee ijohonadu-ò. Tiiboho ka rieryrenyre aõmybo rarybere.

²² Jesuisi kia rarybereu, soldadu itxereduõ rihetenyre. Tahe rarybere: —Tu heka rybeõmyke xiwena wedutyhy-ò.

²³ Jesuisi dirawyõnyde: —Jiarỹ ibinamy aõmybo rarybera-wana, manarybeke tuu. Aõkõkeki, awimy rarybera-wana aõherekibo tiwahetenyte.

²⁴ Anasi tahe Jesuisi ridykemy riteõnyre tataanadihyyle Kaifa-ò, xiwena wedutyhy wahe.

²⁵ Kowa tahe Simaõ Pedro ratximyhỹre rahetõmy rỹimyhỹ. Inyõ rỹyraxire: —Kai aõbo ierydỹyna mahãduõ tate. Tahe rexitxiõnyre. Jiarỹ ijõ aõkõ rare.

²⁶ Xiwena wedu deõduõ Pedro-ò rỹyraxire: —Tii heka Pedro ritõhõtiorore ijoiõ rare. Tahe tamy rarybere: —Umy taheka rabire tii-wana bederaty oworuro-ki atximahã-ò.

²⁷ Pedro ixityre rexitxiõnyre. Aõwesele tahe hãnie hãbu robure.

²⁸ Idi tahe Kaifa heto-ribi Jesuisi ridyrenyre ywisidỹyna-ò bede dinodu heto-ò rudiulere. Tiiboho rirõnyõhyre brebuna-di rexisunynrenyheny. Rirõnyrenykeki, tahe Pascoa worana bedehesi rỹsỹnaõ rirỹsỹõtyhy. Tiiboho dori rõhõtinyre rirõnykeki, brebuna raremy.

²⁹ Tahe Pilato rõhõnyre tamy rarybekremy: —Tahe Jesuisimy tamy rỹyraxire kia hãbumy terajuatenyteri aõhebohe rotỹỹnyra.

³⁰ Tahe dirawyõnyde: —Aõbibina binamy rotỹỹnykõhyra wana inihe aridyrenyõhyreri.

³¹ Tahe Pilato rirawyõnyre: —Bidyke abede ywina rybe-di biywinyke. Tahe judeu mahãdu rarybere: —Wabede ywina rybe warubudỹỹmy rybe aõkõ rare. Inyõ heka arirubunynrenyõtyhy.

³² Kia rybe tahe Jesuisi rybe wesemy rare. Tii dori iximy rarybere timybo rurukremy. Tai timybo irybe hitxina wesemy raryberemy ibutumy rarekre.

³³ Ixityre Pilato ralore ywisidỹyna-ò Jesuisi-ò rỹyraxire: —Kai aõbo judeu mahãdu Iòlò tate.

³⁴ Jesuisi ritỹyraxinyre: —Yraxina aõbo ahõrõ rare ada ijõ aõbo wamy kia rarybere.

³⁵ Tahe Pilato rarybere: —Jiarỹ wa judeu mahãdu aõkõ wãhãre. Aõbinatyhymy aõbo he tewinyte. Judeu mahãdu wadee tiwadyte.

³⁶ Jesuisi dirawyõnyde: —Waiòlõna hãwã bede ludu aõkõ rare. Waiòlõna kaki ratxikeki wamahãdu wadee

raaõbinanyke. Tai tahe judeu mahãdu-ò riwawahinykemy aõkõ watziwãhãre. Tahe aõkõre kabede ludu aõkõ Waiòlòna rare.

³⁷ Pilato tahe rarybere: —Kai aõbo inatyhy iòlòmý tate. Tahe Jesuisi dirawyònyde: —Kai ka wamy tarybeta. Kia-ò uludumy anade. Kia-ò anade, inatyhynamy arelyykemy. Inyõ inatyhynamy luukeki warybe-ò roholamyhÿre.

³⁸ Tahe Pilato rÿÿraxire: —Aõbo inatyhyna rare. Ta rybe rahudi tahe judeu mahãdu-ò rarybekemy rare. Tiu kÿny kahãbu-ki aõ ibinamy tai rahaõhyyra.

³⁹ Inyõ ariteònykemy watzireri kaiboho wadi tõhõtinyhytynteri ka woranabedehesi-ki. Tahe judeu Iòlò aõbohe ka ribi ariteònykre ywihyyle.

⁴⁰ Tahe ixityre ibutumy rryryrenyre: —Kia hãbu aõkõre, Baraba biteònyke (Baraba heka hãbu debore wasidu rare.)

19

¹ Idi tahe Pilato Jesusimý rerotiyhyta-di raòhòtekremy soldado mahãdu riteranyre.

² Soldado mahãdu edehékÿ rataanadile ira-ò ritidire, iumy tahe tylÿrehekÿ-di rityynyre iòlòtyywesekemy.

³ Tamy rehemynymyhyÿre: —Aõherebo iòlòtyhy wesena, tahe rihetenyrenyre.

⁴ Pilato tahe ixityre ròhònymy iny-ò rarybekemy: —Ixityresÿ adeereny redyreri. Bierybenyke. Aõ heka tai ibinaõhyymy idi retehewãhãre.

⁵ Tahe Jesuisi ròhònyre ede rataana-di tylÿrehekÿ-di. Tahe Pilato tamy rarybere: —Kakÿnyhe tiire.

⁶ Tahe xiwena wedu mahãdu, yrubudÿÿdu mahãdu tuu ro-bireu, rryryrenyre birubunybenyke, itxeò dee bitamadÿÿnyke. Pilato rarybere: —Kaibohole itxeò-di bitamadÿÿnybenyke. Jiarÿ tahe tai ibinamy aõki rahaõhymahãre.

⁷ Tahe judeu mahãdu rarybere: —Jiarÿboho kÿny wabede ywina renydire. Rurukemy heka tuu bede ywina roireri, tii dori Deuxu Riòremy rexininimyhÿre.

⁸ Pilato kia-ò roholareu tahe, ruberutyhyre.

⁹ Ixityre ralore ywysidÿÿna heto-ò: —Rarybere Jesuisi-ò, tiribi wexe tanate. Jesuisi rirawyònyõhyyre.

¹⁰ Tahe Pilato rarybere: —Bidiwarawyònyõkre aõbo. Jiarÿ warurudire anarubunyke aõbo ada arateònyke aõbo.

¹¹ Jesuisi rirawyònyre: —Aruru-di aõkõ tate. Deuxu kidi-wahinykekile tahe biwateònyke ada biwarubunyke. Tai tahe adee wawahidÿÿdu aratyre iòraru dire.

¹² Tai tahe Pilato iteòdÿÿmy rurure. Tahe judeu mahãdu tamy rryryre: —Kai biteònykeki tahe, Iòlò Cesar biòwa aõkõ tate.

13 Kiarybe-ò Pilato roholareu tahe, Jesuisi diòlòdỹnyde ahana-ò. Pilato tahe ywisidỹna ryna-ò rexisỹnyre. Kia ubeni heka Rirana Ijāti inire. Tahe judeu rybe-ki heka Kabata inire.

14 Pascoa worana bedehesitxu sexta feira rỹire. Txutye iòhòmy tahe bede rỹire. Tahe Pilato rarybere judeu mahādu-ò: —Betehebenyke aiòlòreny-ò.

15 Tahe tiiboho rryreny. Bidybenyke! Itxeònihikỹ-ò birubunybenyke. Pilato tahe tamy rarybere: —Aiòlò aõbo, birubunybeny. Tahe xiwena wedu rirawyònyre: —Iny iòlòreny sohojile wa rare: —Cesar heka inire.

16 Tahe Pilato Jesuisi tamyreny riwahinyre rirubun-ryrenkemy.

17 Tiiboho heka Jesuisi ridyreny. Iitxeò tamy riwahinyre idi retyykremy. Tahe Kalvariu-ò idi ridymy rare. Kalvariu heka Kòkòta inire judeu rybe-ki.

18 Tai itxeò nihikỹ dee ritamadỹnyre ijõ hābu inatxiò-wana Jesuisi itxeònihikỹ itya-ki rỹire. Hābu wiò wiòmy idi rỹire.

19 Pilato riritinyre ritidỹna-ò Jesuisi tyre-ò ritidire. Kawesemy ritidỹna roire: —JESUISI, NAZARE HĀWĀ LUDU, JUDEU MAHĀDU IÒLÒ.

20 Hāwā-ribi ireheriòremy roire. Tai tahe sòwemy judeu mahādu tuu robire iritidỹnamy. Inataõ rybemy witxira riti heka inataõmy roire. Judeu rybe ijõre, latim rybe ijõre, grego rybe ijõre.

21 Judeu xiwena wedu mahādu Pilato-ò rarybere: —Judeu mahādu Iòlò rarybere: —Iritidỹõmyke wa. Kawesemy bir-itinyke: —Tii rarybere judeu mahādu Iòlò raremy.

22 Tahe Pilato dirawyònyde: —Iwese reritinyre wesemy rarehykrye.

23 Soldado Jesuisi itxeònihikỹ-ò ritamadỹnyra rahudi tahe, ityy ritxuatxuakremy diwyde. Inaubiòwa heka riywinyra. Wirarea riwykremy soldado mahādu idi rỹireri. Iyhyitxena tahe iretydyna-di aõkõ rare.

24 Tahe ijõ widee rarybere: —Iyreyredỹrenyõmyke wa urile ta idi rikihurenkyre mobo ritakremy. Kia ryberiti-ki tuhy roire:

—Watyy ritxuatxuaru ijõ yre wimy riywinyreny. Tule wayhyitxena tyre-ki rehurenkyre mobo ritakremy. Tahe iwese Tyyriti rarybere wese, soldadu mahādu ibutumy aõhebo risỹnyre.

25 Inaubiòwa hāwyy retehemy rỹimyhỹ Jesuisi itxeònihikỹ iòhòmy. Jesuisise taseriòre-wana, Marie Madalena ijõre, Klopa hāwyy ijõre.

26 Jesuisi tadimy robireu, Joaõ, taerydỹna luunadu bire-ki, tahe rarybere: —Nadi beteke wa kowa ariòre rare.

27 Tahe Joaõ-ò rarybere: —Kaa adi rare. Ierydỹyna Joaõ tahe ridyre taheto-ò tai rasỹnykemy.

28 Jesuisi tahe rieryre ibutumy rexihuramy tahe rarybere: —Ariõkemy watzireri. Kaimy heka rarybere aõbo Ritidỹyna-ki roire riwinykemy.

29 Tai tahe vỹi mona silỹnyhỹkỹ-ki raharenyre. Tahe Jesuisi-ò iwereheni wese-ò rituunymy idi riteònyre iry-ò teòdimy.

30 Jesuisi tuu riõre idi tahe rarybere: —Ibutumy Waha aõmysỹdỹyna rexihumy roire. Tahe ròtiòromy resere iule ta rurure.

31 Kia sabadotxu heka worana bedehesitxu nihikỹõ rare, brebuna rare. Tai tahe hãbu rubu itxeò-ki ririkõkemy tuu rarybemyhỹre. Tai Pilato-ò judeu mahãdu rexitòenyre hãbuti riòròmý riteònykemy, itxeò-ribi ritakemy.

32 Tahe soldado mahãdu hãbuti wiòle riorore.

33 Jesuisi tahe rurumy roireki iti riòrõre.

34 Soldadoõ tahe Jesuisi-ki rojyre iweki tahe hãlubule roho-nyre bewana.

35 Kia tuu rabire tahe òbitimy tuu jiarỹ rarybere, Joaõ wahe. Waritidỹyna inatyhy raremy, reeryre. Kaiboho bityhyny-benykemy, adireny watzireri.

36 Kaheka ibutumy iritina hetxina tuu rarybere heka ibutumy tuu rotỹyre. Kia wesemy roire: —Iti riòròõkre, sohoji aõkõ.

37 Ijõ iritinaõ kawesemy roire:

—Rirorenykre tõnori-di idi reteherenykre tamy.

38 Jyje heka Arimatea hãwã luduõ rare. Idi tahe tii Pilato-ò rexitòenyre Jesuisi umymy rituunykremy. Tii heka Jesuisi heluduõ rare. Judeu mahãdu lau ruberumyhỹ tai Pilato-ò rare wasimy.

39 Pilato tahe awiremy rarybere. Tahe Jesuisi umy riwyre. Nikodema tule rare Jyje-wana. Tii juhule rumy Jesuisi-wana widee raryberele rare. Tii òwòrutyby òwòruòbru-wana aderòna wesemy diwyde sõwemy, 45 urihixinamy riutxienanyre.

40 Tahe Jesuisi umy tyky jurarehe-wana ritỹtenyre aderòna wanahyyle. Kawesemy dori judeu mahãdu iny rituunymyhỹre.

41 Itxeòalamana-ribi bederaty oworu iòhòmý roire. Ityi-ki tahe wabede tamyra roire. Mana hãloo rỹire tai heka moo rawabedenyõhyre.

42 Tai tahe rawabedenyre iòhòreki, tule judeu worana bedehesina txumy roireki.

20

¹ Semana juhu ludu txu Marie Madalena rehemynyre wabede-ò, rudile wahe. Mana ijòtòbòna iraylemy rỹiremy idi retehere.

² Tahe raijaranyre Simaõ Pedro-ò, ijõ Jesuisi luunaduõ wahe, Joaõ-ò, jiarỹle wahe. Tahe wadeereny rarybere: —Wahĩ tahe hãlokowoku-ribi ritakarenrya. Titxibo ritidira, rekerykõre.

³ Pedro tahe ròhònyre, Joaõ-wana wabede-ò roire.

⁴ Wiwana raijaranyre tahe jiarỹ Pedro ratyre raijaranyre tamy. Jiarỹle heka juhu tamy rehemynyre.

⁵ Tahe rawebesere iwo-ò itxeremy. Irahanalemy rabire. Ta ralòõhyyre tamy.

⁶ Idi Pedro rehemynyre ralore tamy. Tule irahanamy robire.

⁷ Jesuisi rati rasirahana rihitxinymy roire ixiwanale.

⁸ Tahe jiarỹ juhu rehemynyre tahe Pedro hewomy ralore. Tuu robire, retyhynyre.

⁹ Tiiboho dori ritina rieryrenyre ihãre tahe rierytyhykõlerenyre. Jesuisi rubu-ribi rexiixixanykemy ritina roire. Tii tahe rierytyhykõlerenyre. Tahe wiji rieryrenrya.

¹⁰ Tahe ixbyby raðkeserenyre inyhetoreny-ò.

¹¹⁻¹² Marie tahe robummy wabede-ribi iòhòmy rỹire. Rawebesere tahe wabedewo-ò itxeremy. Inatxi ýjummy robire iwo-ki itykyuramy roimyhỹ. Ijõ heka rỹmy rononymhỹ Jesuisi ratiherina tyre-ki. Ijõ tahe iwaherina-ki rononymhỹ. Jesuisi umy tahe iõre.

¹³ Tahe ýju Marie-ò rỹýraxire: —Hãwyy, aõherekibo tabureri. Rirawyònyre: —Wahĩ kumy dokuri riwummy ramyhỹre. Rekerykõre titxibo ritidira.

¹⁴ Iu rarybereu tahe tahewoòle roosere. Jesusimyy robire rỹimyhỹò. Tii heka rieryòhyyumyhỹ tii Jesuisi raremy.

¹⁵ Tahe Jesuisi rỹýraxire: —Hãwyy aõmybo tabuteri, mobo teijeteri. Bederaty oworu ywidỹýdu raremy heka tii ròhòtinyre: —Tahe dirawyònyde: —Wahĩ, kai anobo karibi tetakata-wana wakoku tuu belykyke. Tahe jikarỹ karikorykremy.

¹⁶ Tahe Jesuisi tamy rryryre: —Marie! Marie rokesemy reare riijemy: —Wahĩ, erydỹkỹdu! (Tii hebraika rybe tuu rarybere: —Raboni, wahe.)

¹⁷ Jesuisi rarybere tamy: —Waroorehedỹýõmyke wa. Waha-ò dori raõlemy wãhãre tahe arakre. Kai tyhydỹýdu seriòre-ò makre tamy rybemy. Jesuisi rarybere kawesemy: —Arakre inytybyreny-ò, iny Deuxurenny-ò.

¹⁸ Idi tahe rarybere erydỹýna mahãdu-ò Wanyrỹmy rabira. Marie Madalena relyyre timybo raryberamy.

¹⁹ Semana juhu ludu txuu, txioromy heka Jesuisi erydÿÿna mahãdu wii ributunymy rÿimyhÿ hetowoõ-ki. Ibutumy ijò ritòbòtòbònnyra judeu mahãdu lau brebumy. Jesuisi tahe nade iyreny-ò rexitÿnnyre. Rarybere: —Ywina araykywo-ki atxikemy idi watzireri.

²⁰ Kia rarybereu tahe tebò rurena riteòsinyre, tawerurena tule riteòsinyre tamy. Iule tahe reysarennyre Jesusimy ro-bireki wahe.

²¹ Ixyby tamy Jesuisi rarybere: —Ywina araykywo-ki rarekemy idi watzireri. Iwese Waha diwateònyde wese tule arateònykre.

²² Iu tahe ribunymy rarybere: —Deuxu Tyytybytyhy teta-teri.

²³ Inyòrarunaõ biixãwididÿÿnykeki tule kia òraruna ariixãwidinyke. Tule aõkòkeki, ijò òraruna biixãwididÿÿnyòkeki, kia tule ariixãwididÿÿnyòke.

²⁴ Tome (Inatxina iniõre) tii waòinatxi reurò mahãduõ rare, tahe tairenyõre heka Jesuisi nadeu.

²⁵ Jesuisi erydÿÿnaõ rarybere: —Wanyrÿmy rabirenyra. Tahe Tome tamyrenny rarybere: —Retyhynyõre kÿnyhe.

²⁶ Semana sohoji bededÿÿnanamy idi rÿire, ixyby wii ributunnyre Jesuisi erydÿÿna mahãdu. Iu tahe Tome tii mahãdu-wana ratximyhÿ. Ijò ritòbòtòbònnyrÿimyhÿ. Tahe Jesuisi nade iyreny-ò. Tamyrenny rarybere: —Ywina-di araykywo-ki atxikemy idi watzireri.

²⁷ Tahe Jesuisi Tome-ò rarybere: —Betehe inihe wadèbòrurena-ò ebò inihe tamy biditidike. Tule wawerurena-ò ebò biditidike. Itxiòdÿÿõmyke wa, bityhynyke.

²⁸ Tome tai dirawyònyde: —Wanyrÿ, waDeuxu.

²⁹ Tahe Jesuisi rarybere: —Tome, kai aõbo biwatyhynykre wamy tabiterikile. Sõwemy deysana inyõ kanakemy wãhãre tiiboho dori wamy robiõre hãrele riwatyhynyrennyre.

³⁰ Jesuisi heka sõwemy aõwiihikÿbo riwinyre. Ierydÿÿna mahãdu heka kia aõmybo robire. Kia aõmydÿÿnana heka ihoõre kaki iritina-ki.

³¹ Kaa ritidÿÿna reritinyre Jesuisi Kristumy rare. Deuxu deòdÿÿna rare. Kia bityhynybenykemy wahe, Deuxu Riòre wahe tetyhynyteri-wana tahe umytuedeõna bitakre, ini òraru-ki wahe.

21

¹ Iribi tahe Jesuisi rexitÿnnyre Tiberiade ahohokÿ ijà-ki. Kia wesemyre heka.

² Ibutumy heka juhu rÿimyhÿ: —Simaõ Pedro, Tome Didimo iniõre, Natanaeli. Tii Kana hãwã ludu rare, Kalileia

bede-ki. Zebedeu riòreboho ijõre, inatxi Jesuisi ierydÿÿnaõ ijõre. Rarekie.

³ Tahe Simaõ Pedro rarybere tamyreny: —Rià teredÿÿmy arakre. Imahãdu rarybere: —Jiarÿboho aroirenykre ahemy. Tahe roirenyre hãwõ-di. Aõhomy aõkõ ruu idireny nade.

⁴ Tahe bede ratÿnyrau heki Jesuisi ÿnyrakile ratximyhÿ. Ierydÿÿna mahãdu tahe rieryõhyymyhÿre.

⁵ Jesuisi ryryre tamyreny rÿÿraxire: —Ijoi moõ rokoreny. Utura aõbo temytenyta? Rirawyõnyre: —Aõkõre wa.

⁶ Kaiboho biterebenyke rurunawe-ribi taita bimybennykre. Tahe riterenyre sõwemy rautxienyre irià heka ritusinyõhyymyhÿrenyre utura sõwerekì.

⁷ Kia ierydÿÿnaõ Jesuisi luunaduõ rare jiarÿ, Joaõ wahe. Jiarÿ tahe Pedro-ò rarybere: —Inynyrÿle wa rare. Pedro Jesuisi raramy roholareu, tatyky tawetyamy ritaamy tamy resere, tade hekÿlemy rareki. Tahe resere bera-txi tamy rakremy.

⁸ Ijoi mahãdu rià-di narurunymy nade utura sõwerekì. Tahe 100 urihixinamy ÿnyra-ribi ratximyhÿreny.

⁹ ÿnyra-ò rejuxunyreu tahe, robirenyre heõtymy obiurawo-ki. Orotxu tule tai rÿire.

¹⁰ Jesuisi tamy rarybere: —Uturaõ bidiwybedenyke wiji temytenytaõ. Simaõ Pedro hãwororable rià-di rarurunyre. Sõwemy heka tai utura nihikÿ rÿimyhÿ, 153 wahe. Ihãre tahe rià raòròõhyyre.

¹¹ Tahe Jesuisi rarybere: —Manake hewa biroxibenyke.

¹² Ibutumy ierydÿÿna mahãdu rieryre tii inynyrÿreny raremy. Tai tahe inyõ rÿÿraxiõhyyre: —Mobo tii raremy.

¹³ Tahe Jesuisi orotxu rimyre. Tamy riwahinyre. Ixiyrubule utura tamy riwahinyre.

¹⁴ Kia tahe ihewotyhy my Jesuisi rexideòsinyre taerydÿÿna mahãdu-ò, rubu-ribi dexixade hewomy wahe.

¹⁵ Riroximy rahudi tahe Jesuisi Pedro-ò rÿÿraxire: —Simaõ, Joaõ riòre, kahãbu mahãdu waluure. Kai tahe iratyre aõbo waluure. Tii rirawyõnyre: —Kai tiwaeryte, aluure. Tahe Jesuisi rarybere: —Wabudoeni riòre bidiòwenyke.

¹⁶ Ixityre rÿÿraxire: —Simaõ, Joaõ riòre, kai aõbo waluure. Tahe Pedro rirawyõnyre: —Kohe, Wanyrÿ aluure jiarÿ, tiwaeryta. Tahe Jesuisi rarybere: —Bidyke wabudoeni biòwenykemy.

¹⁷ Ihewotyhy my tahe Jesuisi rÿÿraxire: —Simaõ, Joaõ riòre, kai aõbo waluure. Iu tahe Pedro rabadewomy ronyre, ixityremy rÿÿraxireki. Tahe dirawyõnyde: —Wanyrÿ, ibutumy teeryte aõna aõna. Aluure heka, tiwaeryta. Tahe Jesuisi rarybere: Wabudoeni biòwenyke.

18 Inatyhymy adee ararybekre. Iu ijoi morõkõmy tatemahãu, ixivanale textityynmahãte ixidee wimy titxibo tamahãte. Iu tahe mamatuarinykre inywitxira aratyynykre, Ebò biteòsinykre iny arataataanykre tahe inyõ aradykre titxibo noderamý beakreò.

19 Kiamy heka Jesuisi rarybere ritỹnynykremy timybo Pedro rubu-ò rỹikremy. Tai Deuxu riwowydynykre. Idi tahe Jesuisi rarybere: –Biwaheludunyke wa.

20 Tahe Pedro retehere Joaõ Jesuisi hemy rareriò, Joaõ Jesuisi luumy raremyhỹ. Joaõ ihetxiu Jesuisi-ò iòhòmy rỹỹraxire jiarỹ wahe: –Mobo iwahisidỹỹdukremy, ihewo ludu roxina rỹireu.

21 Tahe Pedro Joaõmy robireu, rỹỹraxire Jesuisi-ò Joaõmy. Aõbo he tamy rotỹỹnykre.

22 Tahe Jesuisi rirawyònyre: –Tii rurukõlemy adòòsekemy idi watxikeki, timybo tahõtinyte. Adee tahe biwaheludunyekile awike.

23 Ierydỹỹna mahãdu rarybemy raremyhỹ: –Kiamy wahe Joaõ rurukõlemy Jesuisi rarybere. Tahe kiamy aõkõ Jesuisi rarybere. Jesuisi juhuu rarybere: –Tii rurukõle adoosekre-wana, timybo tahõtinytenyteri.

24 Jiarỹ tahe kia aõmydỹỹnanamy relyymahãre, Joaõ wahe, reritinyamahãre. Inatyhymy kia tuu rare, jiarỹ tuu relyymahãre.

25 Sõwemy aõmydỹỹnanamy tahe Jesuisi riwinyre. Inyõ ibutumy riritinykeki, iritina heka bedede ritỹxinykre tyyriti sõwekre-wana.

Aõhebo Rotÿÿnyre

Aõhebo Rotÿÿnyre Jesuisi Erydÿÿna Mahãdu

1 Juhuu adee ratyyritinyreu, Teòfilo, relyyre ibutumy Jesuisi aõbo riwinyré, aõmybo bede riernanyrémy.

2 Deuxu Tyytybytyhy bede erydÿÿnamy taerydÿÿna woludu mahãdu riernanyre. Tahe taerydÿÿna mahãdu-ò bede ywina riwahinyre. Iribi tahe Jesuisi ròsere biu-ò. Kia ibutumy juhUU adee relyyre.

3 Iribi itxeònihikÿ-ki rurureu, taerydÿÿna woludu mahãdu-ò rexitÿnyre hãbu irudilemy. Tamyreny rexideòsinyre sòwetxu-dí rulemy ratximyhÿmy. Inatyhy wa warybetyhy rare, tamyreny rarybere. Rexitÿnyre, tamyreny riernanyre Deuxu Iòlònamy. Txuõ txuõlemy iny inatxiwaitue txumy riernanymyhÿre.

4 Tiiboho-wana riroximy raremyhÿu, Jesuisi tamyreny rarybere: –Uritere Jerusalë-ribi ixtarasarenyõmy. Urile Deuxu Tyytybytyhy awo-ò kanakre xiery, Jerusalë-ribi boibenyke. Deuxu rarybere Tattytybytyhy kiditeònykremy. Tule juhUU Jesuisi kia rarybere.

5 Deuxu Tyytybytyhy aworeny-ò kanalokre. Kia ratisebenaõ wesele rare, Deuxu Tyytybytyhy ratisebena. Iwese Joaõ juhUU bero-ki iny risebenyrene wese, kia rare. Kia-txu tahe, iòhòmy roire.

6 Tahe, juhUU ibutumy wirotynyreu, Jesuisi dee rÿÿraxirenyre: –Wanyrÿ, kai aõbo wiji iny Iòlòreny bediwahinyleke inywedureny wesemy ixyby ronykemy.

7 Tahe Jesuisi dirawyònyde: –Waha-ki ywisidÿÿnatxu doimyhÿde. Tiile rierymyhÿre. Kai aõkõhykrye.

8 Tahe Deuxu Tyytybytyhy aworeny-ò kanalokrey, runatyhy arayky-ò bitabenyke. Kia tahe warubu-ribi waixixanamy belykrye ibutumy Jerusalë hãwã mahãdu-ò, Judeia hãwã bede mahãdu-ò, Samaria hãwã bede mahãdu-ò, iribi tahe ibutumy bedekonana bede iny-ò.

9 Tarybe rahudi tahe Jesuisi ixihyy rexidymy raòwònyre biu-txi. Iõre biuwetyky-txi. Tiiboho rarirenyre bede-ribi idi reteherenyre.

10 Idi retehemyhÿ iòtududÿÿtyhymy. Inatxi hãbumy itty uramy aõwesele rÿimy reamyhÿre hãbu mahãduko-txi.

11 Tahe tiiboho raryberenyre: –Hãbu, Kalileia bede mahãdu, itxereõmahãbenyke. Jesuisi ka ramyramyhÿre biu-ò, Deuxu sÿ-ò. Iwese rarawesele ka ixyby kòdòòsekre.

12 Jesuisi erydÿÿna mahãdu ratximyhÿrenyre Oliveira òwòruraty hãwãlò-ki. Tahe dòòsedenyde Jerusalẽ hãwã-ò. Jerusalẽ rehe iribi doide sohoji urihixina rehemý rimyòlemy.

13 Tahe wii rotyrenyre rorukure ixitòedÿÿmy het-oratyawo-ki. Kahekani-di rirana rarekre tai rÿimyhÿrenyre: Pedro, Joaõ, Txiau, Andre, Filipi, Tome, Bartolomeu, Mateu, ijõ Txiau (tii Afeu riòre rare), Simaõ Zelòte, Judasi (ijõ Txiau iwitxira, kia riòre rare).

14 Ijõ iny tule tai rononymhÿ, Jesusise, hãwyy ijõ rononymhÿ, Jesuisi seriòre mahãdu tule rorukumyhÿrenyre. Ibutumy rex-itòenymyhÿrenyre wiwese wiweselemy ròhòtinymyhÿrenyre.

15-16 Ijõ txubiòwamy 120 inymy wii ributunyre ixybyle. Tahe Pedro rÿire kiamy tamyreny rarybere: –Waityhydÿÿdu seriòre mahãdu, iwese Judasi aõhebo rotÿÿnyre wesemy Davi tyyritinamy roimyhÿre. Kiamy wahe: –Jesuisi taòluduboho-ò ròhònyreu, Judasi tiìboho riwiòhenanyre. Iwese ka tyyritina-ki roire wesele, inatyhymy ibutumy rotÿÿnyre.

17 Judasi inybohoõmy raremyhÿ. Tii nieruõ ritare Jesuisi òludu-ribi tamyreny ridyrekì. Tahe kia nieru-di subutebedeò riwyre.

18 Tahe idi Judasi rexibòtòtaara. Idi tahe tasubute bedero-txi taratytihiikÿle-ribi resere. Tahe iumy ruare iwona rejuxunyre.

19 Iribi ijyy heka ibutumy Jerusalẽ mahãdu-ò tuu ijyy rÿire. Tahe kia subutebede rininirenyre hãlubu bederomy.

20 Iòlò Davi kia wese riritinyre tawiunatyriti-ki:

–Ixinamy iheto rÿike, inyõ taisÿõmy.

Ijõ:

–Inywitxiraõ teròwmy tai rarekre iaõmysÿdÿÿna rimykremy.

21-22 Inyõ tahe teròwmy iaõmysÿdÿÿna rimykremy. Tule rikimyrenyke Jesuisi ixixanamy ijyyduò inywanahyy rybe ritÿÿnykemy. Inyõ Jesuisi sebedÿÿna-di itxereduò rikimyrenykre, inyõ tuu robire Jesuisi nonanamy tule rikimyrenyke.

23 Tahe inatxi hãbumy ritarenyre: Jyje (Basaba inire) Justu iniòrysna rare, ijõ hãbu tahe Matxia rare.

24 Iribi tahe rexitòenyre: –Kiamy heka Deuxu dee raryberenyre:

Kai Wanynyrÿreny, ibutumy inyrayky teeryte, Deuxu.

Biteòsinyke tibo rikitarenkemy.

25 Tii ritÿÿxinykre ixihyymy ratximyhÿre mahãdu. Judasi deròwmy rarekemy, Judasi dori iny-ribi ròhònyre taòrarunaòwydÿÿnamy rare aõhòkÿmy rotÿÿnykemy. Tahe rare tiobo rareò.

26 Wyhy raheto lisina wesemy idi rehure. Kiamy heka riwinyre tibo rôtakemy. Matxia tahe iribi rôtare. Tii tahe ralore waòsohoji reurò erydÿÿnaky-txi.

2

1 Pentecostemy ninadu lisina kia txumy txuu rÿireu, ibutumy iny rorukurenyre tarynanakile.

2 Aõwesele biu-ribi wodÿÿò nade yhynihikÿwesele ibutumy heto-ò ralore tai rorukumyhyÿrenyrewo-ò.

3 Heòty helÿÿresi wesemy nade. Iny sohoji sohoji tyre resere.

4 Ibutumy iny tykumy heka Deuxu Tyytybytyhy ralòmy rÿire. Ta raryberenyre iwitxira rybemy. Deuxu Tyytybytyhy tamy rybe riwahinyre wese tahe raryberenyre.

5 Deuxu dee òbitumy hãbu mahãdu noduõ rasÿnymy raremyhÿ Jerusalë hãwã-ki. Judeu mahãduõ ihÿre. Ibutumy bede bede hãwã hãwã-ribi nade.

6 Kia-ò roholareu, wii ributunyre ijohonamy. Tahe rexeryõhykyre aõmybo röhõtunyrè tahe widi bede riòtiinyre iny sohoji sohoji tarybe tarybeòlemy roholareki.

7 Urile bede riòtiinytyhyrenyre. Tahe raryberenyre deysana-di:

—Betehebeny iny, kowa rybedu Kalileia bede ludu mahãdu ratxireri.

8 Timykibo iny ryberenymy rarybereri. Iny sohoji sohoji tarybeòle raholareri.

9-10 Kaheka inyboho bede bede ludu roire: Partia mahãdu, Media mahãdu, Elaõ mahãdu, tule ka bede ludu mahãdu: Mesopotamia, Judeia, Kapadosia, Ponto, Asia, Frigia, Panfilia, Egito, Libia Sireni-wana iòhòre, Roma hãwã luduõ tule kaki ihÿre.

11 Timybo inyrybereny witxira witxira-ò iny roholarenyreri. Deuxu rybemy rarybereri ibutumy inyryberenymy. Ibutumy inyboho: Judeu, Judeuerydÿÿna ityhydÿÿdu, tule Kreta mahãdu, Arabia mahãdu, Deuxu aõmydÿÿnana wihikÿ-ò raholarenyreri.

12 Tahe bede riòtiinyrenyre. Rieryõrenyre aõbo rare. Tahe widee rÿÿraxirenyre iny sohoji sohoji-ò aõbo raremy.

13 Ijõ tahe tawobinarybe rarybere:

—Tiiboho rururenyreri, itxÿtemonamy riõreri.

14 Tahe Pedro rÿire waòsohoji erydÿÿna-di, tahe tii rexideleenyre rarybekemy:

—Boholake inihe, ibutumy kaiboho, Judeia mahãdu, Jerusalë sÿludu-wana —kia bierybenykemy.

15 Inyõ rarybereri itxÿtemonamy riõrerimy. Tahe inatyhymy aõkõ rare. Txuu rati rariarerile heka rudiletymyhyre.

16 Joel juhú Deuxu rybeduõ rare. Tii narybede wijitxumy. Tahe iwese tii rarybere wesele, wiji ratximyhÿre. Tii rarybere:

17 –Kiamy Deuxu rarybere:

–Ikonanatxuu watyytybytyhyhykÿ aditeõnykre ibutumy inydee. Ariõreney, hãwyy hãbu-wana, warybe rierynanykre. Weryrybõ tahe matuari-wana rarasinytyhykre.

18 Ibutumy wadeòdu-ò, lerÿ, hãbu, ibutuwo-ò Deuxu Tytytybytyhy kanalokre. Tuu raryberenykre, ritÿnynyrenykre.

19 Aõ tÿmyra ariteõsinykre biu-ki, bede-ki. Hãlubu, heòty, worona-wana rõhõnykre.

20 Txuu heka ilybyhykÿlemy relekre. Ahãdu isòhòkÿlemy relekre. Iribi tahe Inynyrÿtxu-ò rehemynykre. Kia txu awimy roikre. Inynyrÿ kòdòhõnykre.

21 Kia bedeu, inyõ Inynyrÿnimy rexitòenykeki, tii jiarÿ aritakre iòraru-ribi. Kia Deuxu rybe rare.

22 Judeu mahãdu, Israeli mahãdu, boholabenyke warybe-ò: Deuxu sówemy aõna aõna wixira wixira-di, bedeòby-di riwahinyre. Inatyhymy Jesuisi Nazare hãwã ludu mahãduõ riteõsinyre. Inatyhymy rare. Kaiboho heka teertyentye.

23 Kaiboho Jesuisi temyteu, Deuxu juhú rimykremy rierymyhÿre. Rexierymy rõhõtinyre kawesemy bede roimy rarekre. Kaiboho Jesuisi terubunytenyete. Kaiboho itxeò nihikÿ-ki tetamadÿÿnytenyete hãubina debòreny-di.

24 Tahe Deuxu ritare rubu-ribi riixixadÿÿnyre. Wabede Deuxu ribòhõnyre. Iribi Jesuisi riòlòdÿÿnyre. Rubu heto tii rimyòtyhy.

25 Davi juhú rarybere iwese Jesuisi rarybekremy:

–Wanyrÿ wawana ratxireri, brebu-di watxiòkre. Tii riwawiòhenanymyhÿre. Tai wawo deysana-di ritÿxinymyhÿre.

26 Wadòròtò wowydyna tamy rewahinymyhÿre. Reeryre ibutumy rubuhetowo-ki awityhymy wãhãré, iribi dori aròhõnykre.

27 Kai watyytyby teriõte rubuheto-ki. Jiarÿ ariõre òbitityhy rare, tai waumyde rasunyòtyhy.

28 Kai tiwaeryte ibutumy umytÿmyra aõmydÿÿnana awana aratxikreu, deysana-di tÿximy biwasÿnykre.

[Kia ibutumy Jesuisi rarybekremy Davi rarybere.]

29 Pedro ijõ rarybemyhÿre: –Tahe kiamy heka mohõtinybenyke, Waseriõreboho. Davi heka aõ iximy aõkõ rarybereri. Tii tahe hãloowo-ò roire. Itityby heka kakile iny-wana ihÿre.

³⁰ Tahe Davi Inynyrÿ deròwymy rybeduõ raremyhÿ. Deuxu inatyhyna rybe-di Davi-ò narybede. Kia tahe: Iriòre riòreõ bede dinodumy kodonykremy taiòlò ryna-ki. Kia iòlò Davi rieryre.

³¹ Davi tahe Kristu ixixanamy juhoo narybede. Kristu umy dori rubu-ki rariõhyre. Iumyde rarònyõre.

³² Jesuisi Kristu, Deuxu riixixanyre. Ibutumy inyboho tuu robirenyre.

³³ Jesuisi ronymyhÿre Deuxu rurunawe-ribi. Iwese rarybere wese Deuxu Tatytybytyhy tamy diteònyde. Tii adee diwyde. Kiamy tahe wiji tabitenyteri, taholatenyteri.

³⁴ Davi raòwònyõre biu-ò. Tahe kiamy rarybere:

Deuxu rarybere Inynyrÿ-ò:

—Bodonyke katxi warurunawe-ribi.

³⁵ Aòludu awarawo-ki arisÿnykre. Aòludu-di arehukre.

Kiamy tahe Deuxu Jesuisi-ò rarybere.

³⁶ Boholake judeu mahãdu. Kaa inatyhy hyy rare. Itxeònihikÿ-ki Jesuisi terubunyenye. Deuxu tahe Jesuisi ritidire ibutu-ò wedumy, ibutu-ò Kristumy, aõma, Deuxu deòdÿÿna.

³⁷ Tahe Pedro rybe-ki urile ròhòtinyrenyrene. Tai tahe Pedro-ò ijõ erydÿÿna-ò rÿÿraxirenyre:

—Waseriòreboho, aõhebo rokotÿÿnyrenykre.

³⁸ Tahe Pedro dirawyònyde: —Bòòsebenyke aòrarureny-ribi ixyby Deuxu-ò. Idi tahe Jesusini-di maratysebekemy aòraru ritakemy. Tai bimykre Deuxu Tyytybytyhy wahidÿÿna wese awo-ki rarekremy.

³⁹ Kristu juhoo rarybere:

—Ibutumy heka Deuxu Tyytybytyhy bimybennykre, ariòre rimykre, iny hãwã wixira ludu rimyke. Ibutumy Deuxu dee wimy tahe rimykre.

⁴⁰ Pedro relyymy raremyhÿ. Tamyreny rarybere tarasamy roikemy:

—Iny bina binahakÿ-ribi bexitabennykre.

⁴¹ Kia rityhynyré heka tahe ratisebedumy roiremyhÿ. Ralore kiatxuu 3000 iny iòhòmy Jesuisi tyhydÿÿdu mahãdu-ò.

⁴² Tahe Jesuisi erydÿÿna mahãdu rierynanymyhÿre, wii ributunymy roiremyhÿ, paõ rioroororenyre wideereny: rexitòenymy roiremyhÿ.

⁴³ Iny sohoji sohoji bede riòtiinymy rabrebunymy hitxinymyhÿre. Jesuisi erydÿÿna mahãdu bedeòby sòwemy riwinymyhÿre. Aõna aõna wiwihikÿmy riwinymyhÿre.

⁴⁴ Ibutumy rityhynymyhÿre mahãdu, sòwemy wii riwiutyre. Ibutumy aõna aõna wimy riwinyre.

45 Taaõmydÿÿna, tasu-wana idi rohonyre. Wimy tahe ritxuatxware. Ibutumy ityhydÿÿdu iaõkõ mahãdu dee riwahiriwahinyre. Inyõ aõna aõna rauhennykeki, tamy riwahinyre.

46 Deuxu dohodÿÿna heto-ki txuõ txuõlemy wii ributunyre. Tahe tota hetomy paõ riyeriyrenyre. Riroxirenyre ibutumy teysarenymy wii wese rõhõtinyrenyre.

47 Tuu reâlãrenyre Deuxumy. Ibutumy iny hãwãhãkÿ mahãdu awimy tai raharenyre. Deuxu rimyre txuõ txuõ lemy ralore mahãdu kia ritakemy.

3

1 Pedro, Joaõ-wana rare Deuxu dohodÿÿna heto-ò rex-itòenykemy, inataõ òra bedeu.

2 Deuxu dohodÿÿna heto ijò inyõ rininire, ijò ruxerahakÿ. Txuõ txuõlemy hãbu tibina ridyhyhyymy iny tamy reamyhÿre. Tamy iny ralòmÿhÿkeò tamy nierumy rex-itòenykemy. Tii tuu hyy uladumy reareu ihyy itibinare.

3 Pedroboho rirònyrenyre, hãbu tibina tuureny robire. Nierumy tahe tamyreny rexitòenyre.

4 Pedro juhu tamy retehere idi rarybere:

—Bedeteheke wadireny.

5 Tai hãbu retehemy ronyre, nieruõ iribi riwykemy rõhõtinyre.

6 Pedro rarybere:

—Aõ ijõkõre, womati tÿrÿrÿhÿkÿ ijõkõ, pratakõ. Tahe aõbo idi watxirerile ta adee ariwahinykre. Jesuisi Nazare hãwãludunimy adee ararybekremy idi mariakremy. Kia deytana adee ariwahinykre.

7 Pedro, hãbu debò rimymy ritamadÿÿnyre. Aõwesele iruru iti-ò ralore.

8 Hãbu rexiwatxinymy tahe, ririradÿÿnyre. Ihyy ralore dohodÿÿna heto-ò. Deuxu dee deysamy rexiwatxinymy ralore.

9 Ibutumy iny idi retehere rariarerimy, Deuxumy reâlãrerimy.

10 Inyõ rarybere: —Tii ijò ruxerahakÿ-ki nierumy rex-itòenymÿhÿremy, inyboho tii reeryrenyre. Tai tahe idi bederitòtiinyreri timykibo aõna aõnamy rotÿÿnyramy.

11 Hãbu ta Pedro, Joaõboho werora-ki xiery. Idi tahe ibutumy ributunyre Salomaõ heto ijò ahanawo-ò.

12 Pedro kia robireu tahe, tamy rarybere: —Judeu mahãdu, wadireny itxereõmy, bedetiidÿÿõmy. Jiarÿboho inyruru-di aõkõ ka hãbu reteytenyrenyra, Deuxu rurudile wahe.

13 Abraõ, Ijai, Ijaò kiaboho Deuxu heka hãbu riteytenyra. Tybyreny Deuxu kia heka riwinyra. Deuxu, Kristunimy riwowydynyre, rubu-ribi riixixanyraki. Kaiboho tahe Jesuisi Kristu tedytenyte Pilato-ò. Pilato tii riteònykemy ratxireriu,

kaiboho tamy rarybere: –Aõkõre, tii deòdÿÿõmy. Ijõ biteònyke. Tai tahe rubudÿÿduõ riteònyre.

¹⁴ Jesusi òraru widÿÿdu aõkõ rarehyymy raremyhÿ, ityhydÿÿdu ihÿre, òbiti widÿÿdu ihÿre. Kaiboho tii tetxiònytenyte, tewahinytenyte.

¹⁵ Umytuedeõna wahidÿÿdu tii rare. Kaiboho tahe terubunyte. Deuxu tahe tii riixixanyre rubu-ribi. Inyboho ierydu, iitxeredu ratximyhÿrenyre.

¹⁶ Rityhynrekile hãbu tibina reytemyhÿre. Kia hãbu teerytenyte. Jesusini tyhyna kia riwinyre. Hãbu ibuturu-ò reytera, tai òbitimy raramy ratximyhÿre.

¹⁷ Jiarÿ reeryre kaiboho teeryõte aõbo tewinytemy. Tule adinodu rierykõlemy kia riwinyre.

¹⁸ Tahe Deuxu tarybe riwahinyre ihetxiu rybedu mahãdu-ò kia wahe tii rarybere Jesusi rurukremy. Idi tahe irybe uludumy Jesusi rurure. Iwese Deuxu rarybere wesemy heka irybe uludumy ròhònyre.

¹⁹ Kaiboho ixì-txi õhõti reakemy Deuxu-ò biòòsekemy. Tai tahe aòraru aribi tii ritakre. Inynyrÿ adeeremy kiditeònyke aõwihikÿmy Deuxu-ribi, biu-ribi.

²⁰ Jesusi Kristu wijityhyle kanaõkre. Aõna aõna juhu rÿimy rareke rexihudi, tahe kanakre.

²¹ Tii biukile rarekre wiji. Ijõ bede tÿmyra wihikÿkre iòhòmy rahudi tahe kanakre. Kia bededÿÿnanau tahe rarybere ihetxiu rybedu mahãdu.

²² Tahe Moisesi ijõmy rarybere: –Deuxu rybeduõ kedelekre asÿ, aijoi-ribi tii rarekre. Iwese Deuxu riwatare wese rybeduõmy ararekremy, iwesele tii Inynyrÿ kiditakre. Tamy boholabenykre irybe aõmybo kanarybekremy.

²³ Kia, Deuxu rybedu rybe-ò inyõ roholakõkre-wana, Deuxu tii kanahukre. Kia Moisesi rybe rare, Pedro rarybere.

²⁴ Deuxu rybedu sòwemy kia bededÿÿnanamy rarybere. Samueli juhoo rarybere. Idi sòwemy ijõ kiamy rarybere. Ihyymy ta wiji kabededÿÿnana roimyhÿre.

²⁵ Kaiboho Deuxu ihetxiu rybedu roire atximahãtenyteri Deuxu juhoo rarybere Abraõ-ò. Ariòre-ribi iny sòwemy ruaruakre. Kia ibutumy ariòre hãwã hãwã-ki rasÿnykre. Kia iny-ribi inyõ ròhònykre ibutumy iny wiòhedÿÿdumy rarekre.

²⁶ Deuxu tariòre Jesusi adeeremy riteònyre aòraru-ribi arahitxinykemy, arawiòhenanykemy. Kia tahe Pedro tamyreny rarybere.

4

¹ Pedroboho tamyreny rarybereu, tamyreny reheminyre Deuxu heto dohodÿÿna mahãduõ, ijõ tahe kia heto itxeredu

dinoduõ, ijõ, saduseu mahãduõ. Inataõ ijoi tamy rehemynyre.

² Pedro, Joaõ-wana iny-ò relyymy raremyhÿ: –Inyõ Jesusimy rityhynykeki, tii tule rubu-ribi riixixanykre. Jesusi dori riixixanyre. Tahe Jesusi ixixanamy tiiboho relyymyhÿreki, kia hãbu mahãdu riykaranyrenyre.

³ Taita rimyre, Pedro, Joaõ-wana. Rõtena-ò ridyre. Wijile tahe tamy ixidee roholaõrenyra, txiorotyhyreki. Biurasou tahe roholakremy riòlòdÿÿnykre.

⁴ Iny sõwemy Deuxu rybe-ò kia txuu roholare. 5000 hãbumy, ijõ iny tule. Tiiboho Pedroboho-ò roholare. Tahe sõwemy rityhynyrenyre.

⁵ Itxu biòwamy tahe Jerusalẽ-ò rehemynyre dinodu mahãdu, matuari mahãdu, judeu bedede ywina erydÿÿna mahãdu. Kia ijoi mahãdu ibutumy rehemynyre.

⁶ Anasi tule rehemynyre. Deuxu-ò xiwena wahidÿÿdu mahãdu wedu tii ratximyhÿre. Tule Kaifa ijõ, Joaõ ijõ, Alexÿdre ijõre. Anasi sÿ mahãdu tule ijõre.

⁷ Tahe dinodu mahãduõ Pedroboho ritamadÿÿnyre ibutu kia mahãdu koò. Tahe ritÿÿraxinyre: –Aõrurudibo iny teteytedÿÿnymahãte. Monidibo kia tewinytenyte.

⁸ Ta Pedro tykymy heka Deuxu Tyytybytyhy ralore. Idi tamyreny rarybere: –Iny dinodu mahãdu, matuari mahãdu, adeereny ararybekre.

⁹ Hãbu tibina aõmydÿÿnanamy tiwatÿÿraxinyte-wana, adeereny kiamy arirawyònykre.

¹⁰ Jesusi Kristu Nazare hãwã luduni-di kia rybe ruru-di rewinyrenyre. Kia tahe bierybenyke. Kaiboho dorikÿhe Jesusi itxeò nihikÿ-ò teukotenyte. Deuxu tahe riixixanyre rubu-ribi. Tai tahe ka hãbu reytemy rÿimyhÿre.

¹¹ Jesusi manaõ wesemy ratxireri. Kia-di rehure heto widÿÿduõ. Wiji tahe heto idile rÿimyhÿre. Kaiboho Jesusi-di tehete heto widÿÿdu mana-di rehure wese. Wiji tahe Jesusi Deuxu heto dinodu rarekre.

¹² Tamy inyõ rityhynyõkeki, òraru-ribi ritaõtyhy. Ijõni aõkõ iny rityhynyke, Jesusi nile iny rityhynymy rÿikrele, òraru-ribi ritamy rÿirakre.

¹³ Pedro, Joaõ-wana brebuõ-di kia rybe ritÿnyrenyre. Tai iny bedede riòtiinyrenyre, tiiboho dori tyyriti erydu aõkõ roire. Urile Jesusi-wana roiremyhÿ, kiale iny rieryrenyre.

¹⁴ Hãbumy inyboho robirenyra juhUU itibinamy. Tai tahe inyõ aõbinamy tamyreny rybedu aõkõ rare, hãbu tibina riteytenyrenyraki.

¹⁵ Tahe ibutumy iny dohodÿÿna heto wo-ribi riteònyre. Tahe wimy rarybere:

16 —Aõhebo rokotÏÏnyrenykre kia hãbu-di. Inatyhymy tii-boho aõwiihikÏ riwinyreny. Kia rikitxiõnyrenyõtyhy. Ibutumy Jerusalê hãwã mahãdu kia rierye.

17 Tai kiamy rokotÏÏnykre. Tamy rakarybekre tiu Jesusimy ixyby rybeõmykremy. Tai Jesusimy rybe-di riki-ixãwãdidÏÏnykemy. Inyõ-ò kiamy rarybeõtyhy. Kiawese raryberenyre rybe ywidÏÏdu mahãdu.

18 Idi tahe rarariõwyre Pedro Joaõ-wana tamyreny rarybere: —Jesusi nimy rybeõmy, bibedeerynyõtyhy irybemy.

19 Tahe Pedro, Joaõ-wana tamyreny dirawyõnyde: —Aõbo awityhyre. Inyboho arybe arityhynykre aõbo ada Deuxu rybe aõbo arityhynykre.

20 Aõbo jiarÏboho rabirenyré, raholarenyré, kialemy araryberenykre. Inyõ riwarybebinanyõtyhy.

21 Idi ta ixityre tamyreny raryberenyre, rybedÏÏõkemy. Tahe riteõnyreny. Tamy aõwidÏÏõmy rÏimyhÏ hãwã mahãdu dee ruberurenyreki. Hãwã mahãdu dori Deuxu reàlàmyhÏre hãbu riteytenyraki.

22 Kia hãbu dori 40 beòra ratyremy tabeòra-di ratximyhÏre riteytenyrau.

23 Pedroboho rexitamy roirenyreu, ityhydÏÏdu seriòre òrysmy roirenyre. Tahe tiibohe tamyreny relyyrenyre iwese dohodÏÏna heto wedu matuari mahãdu-wana tamy rarybere wesemy.

24 Tahe wiwese wesele rõhõtinyreri wese, Deuxu-ò rexitõnyreny: —Kai, Waha, inyIòlòreny atximahãte.

25 Kai, ibutuwidÏÏdu tarybete: Davi, inytybyreny-di tarybete Atytybytyhy tamy ritÏnyreny, iwese tii rarybekemy. Davi eòdumy raremyhÏ. Irybe tyryiti-ki roimyhÏre kiamy: —Judeukõdu mahãdu raykarananyreri. Kia awimy aõkõ ihÏre.

Waijoi aõ õbitinadibo aõkõ rõhõtinyreri.

26 Dinodu mahãdu wiributunyre Deuxuòludumy rÏikremy. Tule Kristu, kia Deuxu deòdÏÏna òludumy rÏikremy.

27 Arybe-ki, Waha, kia ritidÏÏna roire. Tule Waha, inatyhy rare. Ka hãwã-ki, Herodi, Poncio Pilato, Judeu mahãdu, Judeukõdu mahãdu, kia ibutumy ributunyre ariòre Jesusi òludu rÏirakremy.

28 Tiibohe riwinyre iwese kai tarybete wese, Waha, kia aõmydÏÏnanamy rÏirakremy.

29 Kai, Waha, teeryte iwese tiibohe raryberemy, aõma, rybeõmykemy. Tahe eòdu biwiòhenanykre arybe-di ihãrele rarybekemy brebuõ-di.

30 Biwiòhenanykre, Waha, eòdu mahãdu, webinadu mahãdu riteytenykemy. Tule aõna aõna wiwihikÏ riwinykremy, Jesusi, Ariòreni òraru-ki kia riwinykremy.

31 Tahe ixitòedÿÿna rexihureu, heto ramytatamy. Deuxu Tyytybytyhy ibutumy iny tykumy ralore. Tai tahe Deuxu rybe rarybemyhÿre. Brebumy aõkõ tiiboho relyymyhÿrenyre.

32 Ityhydÿÿdu mahãdu iaõna aõna-di wii riwiòhenanyre. Inyõ rarybeõhyyra: —Kaa wahõrõ sohojile rare. Ibutu aõna aõna ibutu hõrõmy rÿimy raremyhÿ.

33 Deuxu Jesuisi erydÿÿna mahãdu riwiòhenanytyhyre irybemy relyrenyre, kia Jesuisi rubu-ribi ixixana rybemy. Deuxu teysana tamy riwahinyre tule iny sõwemy iluurenyre.

34-35 Tai tahe ityhydÿÿdu mahãdu aõna aõnamy rasiranyõhyyra. Ityhydÿÿduõ ityhymy rÿirakeki, taheto, tasubede rohonyre tahe nieru Jesuisi erydÿÿna mahãdu-ò diwyde. Idi tahe tii ritxuatxumy riwahinyre ibutu-ò timybo iny sohoji sohoji tuu rurumy rÿiramy.

36-37 Jyje tule kiawesele riwinyre. Tasubedeõ-di rohonyre, idi iõwy nieru diwyde Jesuisi erydÿÿna mahãdu-ò. Jesuisi erydÿÿna mahãdu Jyje rininire, Banabemy. Kiani inyrybe-ò riwiurònanyre, rybe-di wiòhedÿÿdu kiani rare. Tii Levi mahãduõ rare, Xibri bedebutesÿdu tii raremyhÿ.

5

1 Idi tahe tule ijõ hãbu, Anania ninadu, tahãwyy Safira-wana tasubederenyõ-di rohonyrenyre.

2 Iõwy tahe txuralem y diwyde Jesuisi erydÿÿna mahãdu-ò tasubede õwyyreny ibutumy risÿnyrenyreri.

3 Tahe Pedro tamy rarybere: —Aõherekibo Satanasi-ò taholamy araykywo-ki atxiteri Deuxu Tyytybytyhy-ò taruiteri. Aõherekibo iõwyjura-di atxiteri.

4 Juhuu asubede tahonyõteu, ahõrõ rare. Aõhe, inatyhy? Inyõ adee rarybeõre idi bohonykemy. Idi tahonyteu, tahe, nieru ahõrõ rare, aõhe inatyhy. Aõherekibo aõbinahãkÿmy tahõtinyteri. Hãbu-ò aõkõ heka taruiteri Deuxu dee.

5 Kia-ò Anania roholareu, rurulemy resere. Tai ibutumy iny ruberutyhyre.

6 Weryrybò tahe iumy rihetynyre. Tahe ritamadÿÿnymy riwyre rihãloonykremy.

7 Inataõ òra bededÿÿnanamy reare tahe Safira, Anania hãwyy rehemynyre. Aõ heka rieryõhyyre tahãbu rubuna rieryõhyyre.

8 Pedro tamy rÿÿraxire: —Tiwesemybo asu teòwynyta — ahãbu rarybere wesele aõbo. Tahe tii dirawyònyde: —Kõhe, iwesele rakòwònyre.

9 Ixityre Pedro rarybere: —Aõherekibo ahãbu-wana kai taruiteri. Tii teurihite aõbo riwinykeò. Beteheke, weryrybò ahãbu loodÿÿ-ribi rehemynyrenyri. Tule tii aradykre rubumy.

10 Tule tii aõwesele rurulemy resere. Weryrybò mahãdu ralore. Tai riwyre ritoonykre tahãbu biremy roikremy.

11 Tai tahe ibutumy ityhydÿÿdu mahãdu ruberure. Ibutumy kia-ò roholareu, tule ruberumyhÿre.

12 Jesuisi erydÿÿna mahãdu sõwemy wowydyna aõmydÿÿnana riwinyrenyre. Tule deytanawiwihikÿtyhy sõwemy riwinyrenyre. Ityhydÿÿdu mahãdu wii ributunymyhÿre Deuxu dohodÿÿna heto ube-ò. Salomaõ ubetyhy inire.

13 Kaa hãwã mahãdu dori sõwemy ruberumyhÿre Jesuisi erydÿÿna mahãdu-ò wiuatàa lau. Tamy rabutuõhyyre ijohonamy. Ihãrele tahe ijõ rityhynymyhÿre, ityhydÿÿdu mahãdumy ralokemy. Aõbinatyhymy heka inyõ ityhydÿÿdu mahãdu dee raryberenyõhyyre.

14 Ityhydÿÿdu mahãdu rasõwerenymyhÿre. Hãbu, hãwyy tule ralòmymhÿre Inynyrÿtyhy-ò.

15 Webinadu mahãdu iny ridymyhÿre ryò, hãwã hãwã-ribi. Tai Pedro nonana-ki riraõmy roimyhÿ byretyre-ki, herina tyre-ki. Pedro ubòro webinadu-txi reakemy tai riteytenykemy rexinohõtinyre.

16 Ibutumy Jerusalẽ-ribi iòhòmny rÿira mahãdu nade webinadu-di, tule iny tyytybybina-di didyde. Tai tahe ibutumy reytere.

17 Xiwenawidÿÿdu wedu mahãdu, Jesuisi erydÿÿna mahãdu-ò rexinaanymyhÿre. Tule kiawedu eryna mahãdu riwiòhenanyre. Saduseu imahãdu ni rare.

18-20 Tai tahe xiwe wedu mahãdu, Jesuisi erydÿÿna mahãdu rimyrenyre idi rehurenre hãwã ròtenawo-ki. Rummy tahe Inynyrÿ ÿjuõ riraynyre ijò, tahe ridyre ahana-ò. Tamyreny rarybere: —Boibenyke Deuxu àlàna heto-ò. Bexideòsinybenyke iny sõwehekÿ-ò. Tamyreny bitÿnynybenyke timybo Jesuisi umytÿmyra inydee riwahinymyhÿre.

21 Iwese ÿju rarybere wese, txuu ratÿnyreu, dohodÿÿna heto-ò ralomyhÿre. Tai rierynarenymyhÿre. Tahe xiwena mahãdu wedu dehemynyde, tii-wana ratximyhÿ-wana. Israeli nohõtijuradÿÿdu mahãdu ributudÿÿnyre. Ibutumy judeu mahãdu, matuari mahãdu bedeerytyhy mahãduõ rare. Tahe soldado itxeredu-ò riteõnyre ròtena-ò iòrysrenymy.

22-23 Tahe roirenre. Ròtena-ki tai rahaõre. Ròsere tamy relyyre: —Ròtena-ò rehemynyra. Txiòtòbòhòkÿlemy rÿire. Tahe reraynyreu, aõho aõkõ rare.

24 Dohodÿÿna wedu xiwena wedu-wana kia roholareu, tiibohe rexieryrenyõhyyre aõbo riwinyrenykemy, aõhebo rotÿÿnyrenykremy.

25 Iwesemy rōhōtinyrerikōnalemy, inyō dehemynyde. Tai rarybere: –Rōtena-ki tetidite mahāduō, dohodōyña heto-ki ratxireri. Iny kowa ritohonyreri.

26 Tai tahe soldado dinodu, soldado itxeredu-wana riōryre ta didydenyde ywilemy. Tamy heka aōhe risyñyōhyre mana hunadi tamyreny kedehukemy heka soldado rōhōtinyre.

27-28 Tahe dehemynyde ritamadōyñy inysōwe weduko-txi. Tahe wedutyhy rybe ritelenyde: –Jiarōboho heka juhu adeereny rarybere uritere Jesuisi nimy bede erydōyñyrenyōmykremy. Ihārele tahe tuu tebedeerynytenyta ibutummy Jerusalē hāwā iny-ō. Ibutu-ō aeryna-di tariate. Wamy tarybetenyteri jiarōboho Jesuisi rerubunyrenyramy.

29 Tahe Pedro tajoi-wana rarybere: –Iwese Deuxu wadeereny rarybere wese, arityhynyrenykre. Hābuō iwitxiramy wadeereny rarybekeki, tiu arityhynyōtyhy.

30 Kaiboho inatyhymy Jesuisi terubunytenyde. Ōwōru nihikō itxeō-ō tetamadōyñytenyde. Inytyby Deuxu tahe rubu-ribi riixixadōyñy.

31 Deuxu tarurunawe-ribi debō-di biu-ō ritamadōyñy ibutu iōlōmy rarekemy, ibutu tarasadummy rarekemy. Tai ibutu Israeli ijoi mahādu-ō ōraru bedewona ixāwina riwahinykemy.

32 Inyboho heka kia aōmydōyñyamy robimyhōyrenyde, tai heka reerymahārenyde inatyhy raremy. Inyō Deuxu rityhykeki, tii Tatytybytyhy tamy kidiwahinyke. Tii tule kia aōmydōyñyamy rarybemyhōy.

33 Xiwena wahidōyñydu mahādu wedu tamy roholarenyde, rakyarananyrenyde, irubudōyñydu idi ratximyhy.

34 Tahe fariseu mahāduō lamamy rōyire. Ōnosōna erydōyñyduō tii ihōy. Ibutummy iny tii riijemyhōy rityhynymyhyreki. Kamalie heka inire. Tahe tii rarybere: –Jesuisi erydōyñy mahādu-di biōlōnyke urihimyo ahana-ō.

35 Idi tahe tajoi-ō rarybere: –Hābu, Israeli mahādu, bexi-ijebynyke kia hābu-ō, aōhebo botōyñybenykre.

36 Kaiboho dori ōhōtirenny beabenyke Teudani-txi. Juhuu dori dinoduōmy tii raremyhōy. Tii ixiōlōdōyñynihikōmy iximyy rarybere. Sōwemy heka iny tii-wana raremyhōy tahe 400 hābumy ihemy rare. Inyō tahe rirubunyde rityhynymyhyre mahādu tahe iribi raubōtyre. Tahe aō heka rimoōhyre, ibutummy iōre.

37 Iwitxirau ijō-txi ōhōtirenny rearennyke. Judasi inire. Tii Kalileia mahāduō rare. Iu bede dinodu iny-di rariareu tahe, tii rexiōlōdōyñyde. Sōwemy iny riheludunyde. Tii tule rurure. Taityhydōyñydu mahādu tule raubōtyre.

38 Tule wahe kahãbu mahãdu rare ixinamy biteònyke. Hãbu kia aõmydÏÏnana dinodukeki, aõmy aõkõ relekre.

39 Deuxu tahe idinodukeki, tiu heka idi behuõtyhy. Deuxu òludu wesemy heka kai tesumahãte. Tai tahe Kamalie rybe-ò ibutumy rityhynyrenyre.

40 Didyde he Jesuisi erydÏÏna. Rihetenyre. Idi tamyreny rarybere: —Rybeõmyke Jesuisi nimy. Tahe ixinamy riteònyre.

41 Tiiboho iribi rexitarenyre, reysatyhymy ratximyhÏ, Jesuisini òraru-ki dorikÏhe tiiboho aõhõkÏmy rotÏÏnyrenyraki.

42 Txuõ txuõlemy RybewihikÏ ritÏÏnymyhÏrenyre dohodÏÏna hetomy dori, heto hetomy tiiboho rarybehymy rÏimyhÏre: —Jesuisi inatyhymy Kristu rare, Deuxu deòdÏÏnamy nade.

6

1 Tahe ityhydÏÏdu rasõwetyhynymy rÏiramyhÏ. Iu ityhydÏÏdu wytese mahãdu-ò rÏsÏna riwahinymyhÏreu, grego rybedu rexinaanymyhÏre rÏsÏna wahidÏÏdu mahãdu dee. Judeu mahãdu wytese sõwemy rÏsÏna ritamyhÏrenyre waratyrenyre. Kia wesemy heka judeukõdu mahãdu rarybere.

2 Jesuisi erydÏÏna waò inatxi reurò mahãdu, ibutumy ityhydÏÏdu didydenyde kia aõmydÏÏnana-ò roholakemy. Tahe raryberenyre: —Deuxu rybe erydÏÏ rikiixãwidinyrenykeki, wytese rÏsÏna ariwahinyrenykemy, kia heka òbiti aõkõ rare.

3 Tai tahe kaiboho hãbu mahãduò bitabenyke ayreny-ribi debò inatxi reurò hãbumy bitabenyke. Hãbu tyhydÏÏnale, Deuxu Tyytybytyhy-di tÏximy rÏiralemy, iny bedeeryhykÏle, kiaweselemy hãbu bitake. Tiiboho dori aõna aõna ywisidÏÏdumy roirekre, kiawesemy iaõmysÏdÏÏnarenykemy.

4 Tai jiarÏboho arexitòenywãhãrenykemy watxiwãhãrenyre. Deuxu rybemy arierynanymahãrenyke. Kiawese Jesuisi erydÏÏna mahãdu rarybere.

5 Ibutumy heka tuu raryberé, tamyreny awire. Tai tahe hãbu mahãdu ritarenyre. Estevaõ ijõre, tii Deuxu Tyytybytyhy-di tÏximy rÏira, tatyhyna-ki tÏximy rÏira. Filipi ijõre, Prokoro ijõre, Nikanu ijõre, Timaõ ijõre, Parmena ijõre, Niolau ijõre, Niolau tahe Atxiòkia mahãdu juhoo rare. Judeu bede erydÏÏna tyhydÏÏdu juhoo tii rare.

6 ItyhydÏÏdu mahãdu tiiboho didydenyde Jesuisi erydÏÏna mahãdu-ò. Deuxu-ò rexitòenyrenyre tahe Jesuisi erydÏÏna ityre tebò ritidirenyre.

7 Deuxu rybe heka ibutu ijohonanamy rÏire. ItyhydÏÏdu mahãdu-ò sõwetyhymy tamy ralõmyhÏre Jerusalë hãwã-ki. Xi-wena widÏÏdu tule sõwemy Jesuisi rityhynyre.

⁸ Estevaõ heka Deuxu luuna sõwemy ratximyhÿre. Sõwemy Deuxu ruru-di ratximyhÿre. Deuxu urihixina nihikÿmy in-yko-ò riwinymy raremyhÿ. Aõdeytenawiwihikÿ wesemy tule riwinyre.

⁹ Kowa hãwã-ki tahe judeu dohodÿÿna heto iwitxira rÿimyhÿre. Libertu mahãdumy rexininire taijoi. Imahãduõ Sireneu ludu rare, ijõ Alexÿdria hãwã luduõ rare. Tiiboho doidenyde Estevaõ-wana rybe ritxiõnykemy. Silisia bedede luduõ-ribi, Afia bedede luduõ-ribi tii-wana doidenyde.

¹⁰ Estevaõ rarybere bedeerynihikÿ-di. Kia mahãdu tahe irybe weseõre. Estevaõ dori, Deuxu Tyytybytyhy-di ihÿre.

¹¹ Tai tahe hãbuõ-ò raryberenyre: —Kaiboho heka Estevaõ dee maruibenykre. Jiarÿboho dori araõwynyrenykre. Kawesemy maruibenykre, my: —Jiarÿboho Estevaõ rybe-ò raholamy rãiwãhãrenyre. Tii Deuxumy aõbinahakÿlemy rarybemyhÿre, Moisesimy tule.

¹² Kia-ki heka Estevaõ dee iny raykarananyre, judeu matuari mahãdu tule tamy raykarananyre. Ibutumy Estevaõ õrysymy roirenyre tahe rymyrenyre, ridyrenyre rybe ywisidÿÿna-ò.

¹³⁻¹⁴ Tahe ruidu mahãdu didydenyde. Tahe tiiboho raryberenyre, my: —Ka hãbu heka Deuxu dohodÿÿna hetomy ibinamy narybede. Tii rarybere Jesuisi Nazare ludu iny dohodÿÿna heto kidibõhõnykre. Jesuisi iny aõmydÿÿnana kidiwitxiranykre, ibutumy Moisesi inydeereny rierynanyre.

¹⁵ Ibutumy iny ywisidÿÿna mahãdu Estevaõ-ò retehere. Iõsana, ÿju õsÿnÿwesehekÿlemy tamy rõhõtinyrenyre.

7

¹ Tahe xiwe wedu Estevaõ-ò rÿÿraxire: —Kia aõbohe inatyhy rare.

² Estevaõ tahe dirawyõnyde. Wanyrÿboho, Wahaboho, Ijyymy adeereny arelyykre. Warybe-ò boholabenyke. Mesopotamia bedeki Deuxu biu-ribi rexitÿnynyre Abraõ-ò, inytybyreny-ò, Harã hãwã-ki rasÿnyõreu.

³ Tamy Deuxu rarybere: —Abede-ribi boibenykre. Alahi riõkõre mahãduy-ribi makre. Manakre ijõ bedede-ò adee dori asÿbede ariurihikre.

⁴ Iribi tahe Abraõ Kadeu mahãdu bede-ribi roirenyre Harã hãwã-ò tai rasÿnykemy. Iribi tahe tyby rurureu, Deuxu kaõ didyde ka bedede-ò titxibo kaiboho wiji tasÿnymahãtemy.

⁵ Abraõ-ò sÿõ riwahinyõre timy urihimyoõhÿy. Tahe idi tamy riwahinykemy, iriõre-ò riwahinykemy Deuxu tamy rarybere. Abraõ iriõreõre, ihãrele Deuxu tusÿmy tamy rarybere.

6 Tule Deuxu tamy rarybere: –Ariòkòre ijõ bede-ki rasÿnykre 400 beòramy. Kowa ariòkòre heka deòdu wesemy raaõmysÿdÿÿkre. Iwedu mahãdu heka ibinamy idi rarekre.

7 Jiarÿ tahe iny ariòwinykre, Deuxu rarybere, ibinamy widi rÿira mahãdu. Iribi ka bede-ò kòdòhònykre wamy kaki reàlàmyhÿkemy.

8 Idi urihixinaõ Abraõ-ò Deuxu riwahinyre, tòhòti itxi reakemy. Uladu notyyresyna aõmydÿÿnana tamy riwahinyre. Idi tahe Ijai reareu, Abraõ Ijai notyy riorore debò inataõ reurò txu-di. Iribi tahe Ijai tariòre Ijaò ritòtykyorore. Iribi tahe Ijaò tariòre notyky riorore. Tiiboho waò inatximy riòrenaduõ roire. Inatyhymy tiiboho inytybyreny rare.

9 Idi waòsohoji inytybyreny mahãdu Jyje dee rexiwobinanymyhÿre. Idi rohonyre Egito-ò ramyhÿre mahãdu-ò. Tahe Deuxu tii-wana raremyhÿ.

10 Iaõhòkÿmy dÿÿnana-ribi Deuxu ritamyhÿre. Egito iòlò, Faraòmy ninadu rare. Deuxu heka Jyje luomy Faraò risÿnyre. Faraò rue-ò heka Jyje bedeerydÿÿna sòwemy ratximyhÿre. Faraò ibutu dinodumy Jyje risÿnyre. Tule Iòlòheto-di itxeredu tyhymy Jyje ronyre.

11 Ramamy rubu nihikÿ dehemynyde ibutusu-ò, Egito-ki, Kanaã bede-ki. Sòwemy iny aõhòkÿmy rotÿÿnyre. Inytybyreny rÿsÿnaõ-ki rahaõhyre.

12 Egito maixòmo rÿimyhÿreò, Ijaò roholare. Tahe inytybyreny riteònyre iòrysmy.

13 Idi tahe ixityre iòrysmy riteònyreu, Jyje tamyreny reideòsinyre. Tai tahe Faraò Jyje sÿmahãdu rieryre.

14 Tahe tyby-ò Jyje tarybe riwahinyre tamy sÿmy kanakemy ibutu imahãdureny-wana. Tiiboho 75 inymy rimyre ibutumy.

15 Tai tahe Egito bede-ò Ijaòboho roirenyre. Iribi tahe Ijaò rurure. Idi tahe ibutumy inytybyreny rurure.

16 Tahe iumyreny diwyde ritoonyre wabede-ò, Sikenì hãwã-ò. Abraõ kia wabede juhoo riwyre nieru-di, Emo riòre-ribi.

17 Deuxusÿ-õ wahidÿÿna juhoo rarybere Abraõ-ò. Ibededÿÿnana iòhòre Deuxu tamy riwahinykemy. Inyboho Egito-ki rasòwemyhÿreny.

18 Ikonanau tahe iòlò iwitxiramy ròhònyre Egito bede iòlòmy. Tii Jyje rieryõre.

19 Tii iny ijoi riitxenanymyhÿre. Tii heka ibinatyhyre inytybyreny-ò. Uladu-di heto-ribi rehukemy riteònyre. Tai iny riòrereny ituerenyre.

20-21 Iu tahe Moisesi reare. Tii uladu ruxeratyhyre. Tii tahetotyhykile raumynyre inataõ ahãdumy idi rÿire. Heto-ribi dòhònydeu, Faraò riòre rimyre itibiedÿÿmy tariòre wesemy.

22 Ibutumy Egito bedeerydÿÿnana tamy rierynanyre. Tii heka rexiòlònyre rybedunihikÿmy aõmydÿÿna widÿÿdu nihikÿmy.

23 Moisesi iny inatxiwa itue beòra-di rÿireu, tamahãdu, Israeli mahãdu roramy nade.

24-25 Egito mahãduõ Israeli mahãduõ rihetenyre, Moisesi tuu robire. Tahe Moisesi tii rirubunyre, Israeli mahãduõ riwìohenanykemy, Egito mahãduõ rexiòwynymy. Deuxu Moisesi debò-di iny ritakre. Kiamy tahe Moisesi mahãdu rierykremy Moisesi røhõtinyre. Tahe aõkõre rieryõhyyre.

26 Ijõ txu biòwamy tahe Israeli hãbu inatximy wiwana ròrenymyhÿ. Moisesi ronyre iyreny-txi riixãwididÿÿnykemy. Rarybere: —Kaiboho seriòre toite, aõherekibo wii tehetenytyteri.

27 Kia òhòtedu Moisesi ritorunyre rarybere: —Mobo he wawedurenymy arasÿnyra, awaywisidÿÿdu renymy.

28 Kai biwarubunykekõ aõbo, iwese kau Egito mahãduõ terubunyte wesemy.

29 Kiarybe-ò roholareu, Moisesi rahenyre Midiã bedè-ò rasÿnykemy. Idi tahe inatxi Moisesi riòremy kowa reare.

30 Iny inatxiwaituemy beòra-di bededÿÿnana riwyre. Tahe Sinai hãwãlò bederahy-ki raremyhÿu, ÿjuõ tamy rexitÿnynyre bedè rade tòbòhòkÿy-ki tamy roomyhÿre.

31 Moisesi kiamy dobideu, bedè riòtiinyre. Tamy itxeremy rehemynyre. Tahe Deuxu rybe-ò roholare.

32 Jiarÿ boreny Deuxu watxireri, Abraõ Deuxu, Ijai Deuxu, Ijaò Deuxu. Tahe Moisesi ruberutyhyre, timy heka tamy reteheõhyyre.

33 Tahe Deuxu tamy rarybere: —Awa bitake, suu awarawo ludu dori, brebuna rare. Jiarÿ heka Deuxu watxireriki, biwatyhynyke.

34 Wiji tahe waijoimy rabireri Egito-ki. Tiiboho aõhòkÿmy rotÿÿnyrenyre. Ibru-ò raholareri, iohitxi-ò raholareri. Jiarÿ heka aditadenykre iribi. Manake, Egito-ò arateònykre. Kia heka Deuxu rarybere Moisesi-ò.

35 Ka Moisesi heka Israeli mahãdu juhoo teramy reare. Tamy rarybere juhoo mobo wawedurenymy arasÿnyra, waywisidÿÿdurenymy. Tiile heka Deuxu riteònyre idinodumy rarekemy, tarasadumy rarekemy. Bederade tòbòhòkÿ ÿju, heòtywoludu, iwiòhedÿÿdure.

36 Tahe Moisesi Egito-ribi iny ritamyhÿre. Egito bedè-ki bedeeryna aõna aõna wiwihikÿ-wana. Iwese ahohokÿbesò-ki tule bederahy-ki iny inatxiwaitue beòramy aõmydÿÿnana wiwihikÿ riwinyre.

37 Kaa Moisesi heka rarybere Israeli mahãdu-ò: — Ayreny-ribi, amahãdu-ribi rybedu nihikÿmy Deuxu kiditamadÿÿnykre iwese riwamatadÿÿnyre wese.

38 Kaa Moisesi tajoi-di wii ributunyreu, bederahy-ki ihÿmyhÿ inytybyreny-wana heka ratximyhÿ. ÿju-wana tii ratximyhÿ Sinai hãwãlò-ki iu tamy rarybere. Deuxu rybe tyhy iru-di ratximyhÿ. Tahe rybe bede ywina heka Moisesi-ò Deuxu riwahinyre inydeereny kidiwahinykemy.

39 Tahe inytybyreny ityhydÿÿ deramy rare. Reòbyõrenyre. Ixybyle Egito-ò ròòsekemy röhõtinyre.

40 Tahe iny Araõ-ò rarybere: —Ritxoo deuxuõ inydeereny biwinyke inykorenymy rakemy. Moisesi, Egito-ribi iny ritarenyre, tahe titxibo ihÿre reeryrenyõre.

41 Kiatxu tahe broreni riòreõ riwinyre. Tahe xiwemy ritoonyrenyre iko-ò, ritxooko-ò. Rexideysanyrenyre aõbo tebò-di riwinyrenyeki.

42 Tai tahe Deuxu rexitare iribi, taina rityhynykemy. Iwese rybeduõ iu tyyriti-ki riritinyre wese:

—Israeli mahãdu, kaiboho xiwena tetoonytenyete, iròdu xiwena tetoonytenyta. Wadee aõkõ tahe kia tetoonytenyta 40 beòramy bederahy-ki.

43 Kaiboho tewytenyta ritxooheho riòre. Mòlòki inire, ar-itxoo deuxuni. Tule Renifa taina ijõ aritxoonire. Kia tewinytenyete, tetyhynytenyete wahe. Tai tahe arateònyrenykre Babilonia weribihikÿ-ò wahe.

44 Inytybyreny heka Deuxu rybe bede ywina tyky heto riwinymyhÿre bederahy-ki. Iwese Moisesi-ò Deuxu riteònyre wesemy kia riwinymyhÿrenyre.

45 Iribi tahe inytybyreny tatyby-ribi tyky heto ritare, tii-wana riwymyhÿre kabede-ò, Josue tadinodu-wana. Iu Deuxu iko-ribi riteònyre, ibutumy tai sÿ mahãdu tii-wana riwymyhÿre, ihyy tahe Davi reare.

46 Deuxu heka sõwemy Davi luure. Davi heka rexitòenyre Ijaò Deuxu dee heto riwinykemy.

47 Tahe tii aõkõ riwinyre, Salomaõ iwidÿÿdure.

48-49 Deuxu biukisÿdu tahe hãbu widÿÿna heto-ki rasÿnyõmyhÿre. Iwese Deuxu rybeduõ rarybere wese:

—Biu tahe warynana rare, bede tahe wawa elehyna rare. Timybo inyõ wadee heto riwinyke, Inynyrÿ rarybere. Iwo-ki tahe waelehyna arihynyõkre.

50 Deuxu rarybere:

—Ibutumy aõna aõna jiarÿ rewinyre.

⁵¹ Tahe Estevaõ rakonananyre he tamyreny rybena heka rõhõnyre: —Kaiboho araykyterereny. Deuxu Tyytybytyhy rybe-ò taholaõhyymahãteny. Iwese iny tybyreny riwinyreny wesemy.

⁵² Ibutumy Deuxu rybedu mahãdu-ò ibinamy iny tybyreny riwinymyhÿreny. Tiu ihetxiu Deuxu òbiti hãbu kanakeõ, tiiboho raryberenyreu, rirubunyre irybedu. Kaiboho tahe Deuxu òbiti hãbu-di ijõ-ò tewahinyteny, terubunyteny.

⁵³ Deuxu bede ywina ÿju mahãduõ adeereny diwahinydenyde, kia bede ywina kaiboho tetateny, tahe tetyhynyõhyymahãteny.

⁵⁴ Tahe kiamy Estevaõ rarybereu, tiiboho heka rebure nihikÿre. Urile txyde-ki ruruamyhÿre tamy.

⁵⁵ Estevaõ tahe Deuxu Tyytybytyhy-di iwoki ratximyhÿre. Tahe biu-ò retehere: Deuxu loosõnamy robire. Jesusimy robire lamamy rÿire Deuxu rurunawe-ribi.

⁵⁶ Tahe Estevaõ rarybere: —Jiarÿ wa rabireri biu juxahakÿmy. Jesusimy rabireri Deuxu deòdÿÿna. Lamamy heka rare Deuxu rurunawe-ribi.

⁵⁷ Tahe ryrymyhÿre, tõhõti ritòbõnymyhÿreny, rajjeranyre tamy.

⁵⁸ Ridyre hãwã-ribi, mana-di tahe tamy rehumyhÿre, rirubunyreny. Erydÿÿna ijyydu tahe taderamy ririrenny Saluko-txi tamy riyrubunyky.

⁵⁹ Iu mana-di rehureu, Estevaõ rexitõenyre: —Wanyrÿ, Jesusi, watyytyby kai bimyleke awana ararekremy.

⁶⁰ Tahe tatiowotimy resere, ryryre: —Wanyrÿ, kia òraruna iòwydÿÿomyke. Idi tahe rurure.

8

¹ Salu tahe kia òbitimy raremyhÿ rõhõtynyre, Estevaõ rurureu.

² Iribi tahe ityhydÿÿdu mahãdu aõhõkÿmy rotÿÿnymyhÿre. Judeia wedu mahãdu dori, iòludumy rÿimyhÿre. Tai tahe ityhydÿÿdu sohoji sohoji Jerusalẽ hãwã-ribi rõhõnyre. Urile Jesusi erydÿÿna mahãdu sohojile rÿire. Judeia bede hãwã mynamyna robÿtÿre, Samaria bede-ò tule. Tahe hãbu ityhydÿÿduõ Estevaõ umy riwyreny rihãloonykremy. Tahe rahinymyhÿreny, rirajuamyhÿreny.

³ Salu tahe ityhydÿÿdu mahãdu hudumy. Wii risÿnymyhÿre. Ihetorenywo-ò ralòmymhÿre tahe ridymyhÿre hãwyy, hãbu, ròtenawo-ò riròtenyky.

⁴ Iu tahe ityhydÿÿdu mahãdu ijõ bede-ò roire mahãdu Deuxu rybemy relyymyhÿre ibutu hãwã-ki.

⁵ Filipi ijõ raremyhÿ. Tii Samaria hãwã-ò rehemyreny. Tahe Kristumy tamyreny relyy.

6 Iny sõwemy rityhynyrenyre aõmybo Filipi rarybemyhÿremy. Tahe deytedyÿna wiwihikÿmy iny robimyhÿrenyre, tyytybybina deòdÿÿnamy tule robirenyre.

7 Tahe riteònyreu, tyytybybina iny-ribi ròhònyre, rirajuamyhÿre. Tule iny webinadu raraserasemy roimyhÿre, tule inytiere-wana. Tahe ibutumy riteytenymyhÿre.

8 Tai tahe ka hãwã-ki deysana nihikÿ rÿire.

9 Samaria hãwã-ki tahe hãbuõ raremyhÿ. Simaõ inire. Tii wodohonana widÿÿdu ihÿre. Iny riitxenanymyhÿre. Tahe riòtiinyrenyre. Tii iximy rarybemyhÿre moõ wiwihikÿmy raremyhÿmy.

10 Ibutumy iny tii rityhynyrenyre, hãbu wedu mahãdu tule, hãbu aõtxile mahãdu tule. Tiiboho raryberenyre: –Simaõ Deuxu ruruna rare. Ruruna nihikÿ inire.

11 Tiu bedeu aõkõ iny riitxenanymy raremyhÿ, riòtiinyrenyre. Tai tahe rityhynymyhÿrenyre.

12 Iu tahe Filipi Jesuisi Kristunimy, Deuxu òlònamy tamy relyymyhÿre. Tai tahe rityhynymyhÿre, raratysebemyhÿrenyre.

13 Iribi tahe Simaõ itxenadÿÿdu tule Jesusimy reòbyre, raratysebenyre. Tahe Filipi-wana ihyy ròirenyre bede òtiidÿÿna-di retehemyhÿre aõbo Filipi riwinyremy.

14 Samaria hãwã mahãdu tahe Deuxu rityhynyre. Kia-ò Jesuisi erydÿÿna mahãdu roholare Jerusalẽ-ki. Tai tahe Pedro Joaõ-wana riteònyrenyre kowa-ò.

15 Rehemynyrenyre, Deuxu-ò rexitòenyrenyre Deuxu Tyytybytyhy tamy kanakemy.

16 Inyõ dori Deuxu Tyytybytyhy-di rÿiõmyhÿ. Urile Jesuisi Inynyrÿni-di raratisebedÿÿmy rÿiramyhÿ.

17 Tahe Pedro Juaõ-wana tebòreny ityrereny ritidire. Tahe Deuxu Tyytybytyhy tamy nade.

18 Kiamy Simaõ robire, aõma, debòtidina-di Deuxu Tyytybytyhy nade.

19 Tai tahe tamy rexitòenyre: –Ka heka wanieru rare. Bidiwahinyke kia ruruna. Tahe inyõ tyre wadebò aritidikeki, tamy Deuxu Tyytybytyhy kanakemy.

20 Tahe Pedro tamy dirawyònyde: –Aõkõre, anieru rakemy watzireri awanale rububede-ò. Deuxu ruruna dori anieru-di biwykemy mohòtinyke.

21 Kia heka aõmysÿdÿÿnakõre wayreny-ki. Arayky, awo, òbitimy aõkõ ratximyhÿre Deuxu dee.

22 Mabedewomy atximahãke aòraruna-ki, aõbo tahòtinyte. Bexitòenyke Inynyrÿ-ò tii òsana aòraruna-ribi araxãwididÿÿnykre.

23 Kai dori texiwaritinymahãte. Aòraruna adi nararotinymyhÿde.

24 Tahe Simaõ tamy rarybere: –Wadee bexitòenybenyke Inynyrÿ-ò, kia aõkõ waki kÿnyikemy, aõmybo tarybetenyteki aõbo.

25 Iribi tahe, Pedro Juaõ-wana Inynyrÿ rybemy rarybemyhÿrenyrene, relyymyhÿrenyrene tai. Sõwemy Samaria bedede hãwã hãwã-ki Rybewihikÿ relyymyhÿre, Jerusalẽ-ò ròòserenyreu.

26 Filipi Samaria hãwã-ki raremyhÿ. Tahe Inynyrÿ ÿjuõ tamy rarybere: –Bexiywinyke, make ibòò-ò. Kasa hãwã ryhykÿ bimyyke. Jerusalẽ-ribi ryy rare, bederahy-ki rare. Tahe Filipi rare.

27-28 Tahe inyõ-wana wibymy reare. Tii Etiopia bedede luduõ rare. Etiopia bedede iòlò hãwyyõ rare. Kanasi inire. Inieru-di itxeredu kahãbu rare. Tii enuku rare. Tii ròòsereri Jerusalẽ-ribi. Kowa Deuxu reâlãmy rare, tahe tasÿ-ò ròòsere iawarutewedile. Isaia Deuxu rybedu tyriti-di rariamy tii ronymyhÿre.

29 Deuxu Tyytybytyhy Filipi-ò rarybere: –Make, awarutewe-ò, mariake ibire-di.

30 Tahe Filipi tamy rajaranyra. Roholare tyriti-di rariareriò. Tahe Filipi rÿÿraxire: –Kai aõbo teeryte aõbo rare, aõdibo tariateri.

31 Tahe dirawyònyde: –Aõkõre, inyõ dori wadee ritÿnynyõre. Timybo arierykemy. Manaòwònyke wabire-ò bodonyke. Tahe Filipi raòwònyre.

32 Tii kia-di rariareri tyriti-ki: –Iwese iny budoeni rubudÿÿdu-ò riwyre wese, tii iwesele ridyrenyrene. Budoeni-ribi iny isira riororeu, rirajuaõlere. Iwesetyhyle Tii rarybeõlere.

33 Iehehenamy tamy raryberenyrene wese hãbu ehehe wesenã, òbitimy aõkõ idi riywinyrenyrene. Inyõ rarybeõtyhy iriòkòremy, iumy dori bede-ribi ituera.

34 Tahe tii Filipi-ò rarybere: –Wadee manarybeke momybo rybedÿÿdu rarybereri, iximy aõbo ada ijõmy aõbo.

35 Tahe Filipi kia Tyyritidile rexidelenymy relyyre. Jesusimy Rybewihikÿ Tÿmyramy tamy relyyre.

36 Rydi rariamyhÿre idi rehemynyrenyrene beõ-ò. Tahe tii Filipi-ò rarybere: –Kowa bera rare. Biwaratisebenykekõ aõbo, adee awikeki.

37-38 Tahe Filipi dirawyònyde: –Awire wadee. Inatyhymy arayky-ki tetyhynyte-wana, aratisebenykre. Tahe rarybere: –Retyhynyrene, inatyhymy Jesuisi Kristu Deuxu Riòre raremy. Tahe tewe irira riixãwidinykemy riteònyrene. Tahe itewe-ribi ròhònyra, bera-ò riberenyrene. Tahe riratisebenyre.

39 Bera-ribi rotuoreu, Filipi aõwesele iõmy reare. Inynyrÿ Deuxu Tyytybytyhy ridyre. Hãbu ixiby Filipimy robiõhyyre. Tahe tary-di rariamy rare. Teysanatyhy-di tÿximy rare.

40 Idi tahe Filipi rexieryreu, Asoto hãwã-ki rehemynomy raremyhÿ. Iribi tahe Rybewihikÿ-di relyyre ibutumy hãwã hãwã-ki. Ikonana tahe Sesaria hãwã-ò rehemynyre.

9

1 Salu rarybemy raremyhÿ, Inynyrÿ Jesuisi ityhydÿÿdu mahãdu rubudÿÿmy. Tii rarybemy raremyhÿ Deuxu dohodÿÿna heto wedu-ò.

2 Tamy rexitønyre: —Arybe tyriti ariwykremy watzireri Damasu hãwã dohodÿÿna heto wedu-ò. Tai tahe kowa-ki ityhydÿÿdu-ø-txi areakeki, aøtxile hãbu hãwyy aøbo, aridykemy Jerusalë hãwã-ò, arirøtenykemy.

3 Tahe iøhømy Salu rare Damasu hãwã irøte iøhø-di, idi tahe loosønahakÿ Salu tyre resere.

4 Tahe bede-txi resere, tahe rybeø roholare: —Salu, Salu, aøherekibo aøna aønamy ibinamy wadee tatÿÿnymahãte.

5 Tahe tamy rarybere: —Mowexe, Wanyrÿ atxiteri. Tahe rirawyønyre. —Jiarÿ Jesuisi watzireri, aøna aønabina binamy wadee tadotÿÿnymahãte wahe.

6 Myike, mariamy tahe hãwãhãkÿ-ò malokre. Taita inyø adee rarybekre aøhebo botÿÿnykremy.

7 Tahe Salu ijoi riøryre rybeøhyy rÿimyhÿ. Rybe-ò roholare, tahe tuu robiøhyyre.

8 Salu suribi rÿireu, iruetà wesele heka ratximyhÿ. Tahe hãbu tii-wana ihÿmyhÿ heka iaxiø-ki idi rimymy idi rare Damasu hãwã-ò.

9 Tahe hãwãhãkÿ-ki txu inataø txu idi rÿire aømy robiøhyyre, riroxiøhyyre, bemy riøøhyyre.

10 Damasu hãwã-ki ityhydÿÿdu wihikÿ rasÿnyre. Anania inire. Wanyrÿ Jesuisi tamy rarybere rasi weselemy: —Anania. Tahe rirawyønyre: —Aøbo rare, Wanyrÿ, kakile watzireri.

11 Tahe Jesuisi riteønomy rarybere: —Myike, make øbitiry-ò, Judasisÿ heto-ò. Tai bitÿÿraxinyke titxibo Salu ratxirerimy. Tarso hãwãludu tule rininire. Tii wiji wadee rexitønyreri.

12 Tii umy robireri tarasi-ki. Kai tehemyntyteri wese, irue-ò ebø bitidikemy, biteytenykemy.

13 Anania Jesuisi-ò rirawyønyra: —Wanyrÿ, søwemy kia hãbumy rybe-ò raholara. Aøbina binamy ityhydÿÿdu-ò risÿnymy raremyhÿ Jerusalë-ki.

14 Deuxu dohodÿÿna heto wedu tyriti diwyde kaki ityhydÿÿdu rutysÿny rirutekemy.

15 Tahe Inynyrÿ tamy rarybere: —Aøwaxina tamy makre, Jiarÿ dori, kia retara wadee aømysÿdÿÿdu nihikÿmy rarekemy, judeukødu mahãduko, iølørenyko, tule Israeli mahãduko wanimy rarybekre, aøma, warybetÿmyra wihikÿmy.

16 Tamy aritÿnynykre tiwesebo aõhõkÿmy rotÿÿnykre wan-
imy rybeòraru-ki. Kia ibutumy Jesuisi rarybere Anania-ò.

17 Idi ta Anania rare tamy Judasi heto-ki. Ralòmÿ rahudi,
tahe, tebò ityre ritidira. Tahe rarybera: —Salu, waseriòre,
Inynyrÿ adee riwateònyra. Tiile, Jesusile heka ryro-ki adee
rexitÿnynyre. Tiile heka riwateònyra arue ritxuakemy, tule
Deuxu Tyytybytyhy atykmy ralòkemy.

18 Tahe aõwesele irue-ribi rejujura aõ yÿÿ wesele. Tahe
ixityre robira. Idi rÿimy rahudi tahe, Anania riratÿsebenyre.

19 Idi riroximy rahudi tahe, inatyhymy raruruterenyre.
Tahe Damasus hãwã-ki tiwese txubo idi rÿire kia erydÿÿna
mahãduy-ki.

20 Idi dohodÿÿna heto-ki rybe ritÿnynyre. Rarybere: —Jesuisi
heka Deuxu Riòrele rare. Kiawesele rybe-di ritynynymyhyre.

21 Tahe uri ijohonadu mahãdu urile bede riòtiinymy
rÿimyhÿ. Tahe inyõ rarybere: —Kia aõ heka ityhydÿÿdu
rubudÿÿdule ratxireri, Jerusalẽ-ki. Kiale heka kaò nade
ityhydÿÿdu ritaataamy ridykemy dohodÿÿna heto wedu-ò.

22 Salu tahe ire riixiòlòdÿÿnymyhyhyre. Judeu Damasus
hãwã ludu rieryòhyymyhÿ aõmybo rarybemy. Tii rarybere: —
Jesuisi Kristule rare, Deuxu deòdÿÿna rare.

23 Tiwese txubo txu idi rÿidi tahe judeu mahãdu rarybere
irubudÿÿmy.

24 Tahe Salu rierymy rÿimyhÿ tahe inonana-ò rexiywinymy
rÿimyhÿ. Rummy tahe, txumy hãwã ijò-ki rirubunykemy rete-
hemy rÿimyhÿ.

25 Tahe ijõ erydÿÿna mahãdu weriri nihikÿ riwinyre.
Rummy tahe Salu riòlòdÿÿnyre òtity nihikÿ kanaweribi-ò, hãwã
ahanaube-ò.

26 Salu Jerusalẽ-ò rehemynyreu, ityhydÿÿduky-ò ralòkemy
ratxireri, tahe urile ilau ruberumy rÿimyhÿ. Erydÿÿna
mahãdu rõhõtinyre: —Tii ityhydÿÿdu inatyhy aõkõ ratx-
imyhÿremy.

27 Banabe tahe rityhynymy ridyre Jesuisi erydÿÿna
mahãdu-ò. Tahe relyyre iwese Jesuisi Salu-ò ryki
rexitÿnynyremy tamy raryberemy. Tule relyyre iwese
Jesuisinimy Salu rybe ritÿnydÿÿnymyhyremy, Damasus
hãwã-ki.

28 Tahe taihy Salu ratximyhÿre. Tiò tiòle reamy ratx-
imyhÿre rybe ritÿnydÿÿnyrerimy ihÿre, ruberumy aõkõ.

29 Salu rarybera grego rybe heka erydÿÿna mahãdu-ò.
Widee rarybehymyhyrenyre. Idi tahe kia mahãdu Salu
rubudÿÿmy roromyhyre.

30 Ityhydÿÿdu seriòre kia rieryreu, tahe Salu ridyrenyre
Sesaria hãwã-ò. Iribi tahe Tarso hãwã-ò riteònyre.

³¹ Idi tahe ywina reare ityhydÿÿdu mahãduy-ki. Ibutumy hãwã bedemy, Judeia, Kalileia, Samaria, ityhydÿÿdu mahãdu iruruteremy relere. Ibutumy Inynyrÿ dee òbitina-ki rariamyhÿre, rityhynymyhÿre. Deuxu Tyytybytyhy teysatyhymy tamy riwahinyre. Sõwemy tahe ralore iheki ityhydÿÿmy.

³² Ibutumy hãwã hãwãmy Pedro rariamyhÿre. Tule robehere Lida hãwã-ò ijõ ityhydÿÿdu mahãdusÿ-ò.

³³ Tai Eniamy ninadu-txi Pedro reare heka rare. Iumy heka imyremyrehekÿ heka rare. Debò inataõ reurò beòramy heka herina-ki bede idi rÿire

³⁴ Pedro rarybere tamy: –Enia, Jesuisi Kristu arateytenykre. Myike, aherina biyrubunyke. Aõwesele hãbu rÿira.

³⁵ Ibutumy Lida hãwã mahãdu Sarena hãwã mahãdu tuu robire, tai Inynyrÿ rityhynyrenyre.

³⁶ Jõpe hãwã-ki hãwyy ityhydÿÿdu rasÿnyre. Tabita inire. Kiani riwiurõnyre, watxi wese heka rare. Kia heka aõwiihikÿ widÿÿdu heka rare. Aõna aõna sõwemy iny-ò riwahinymyhÿre.

³⁷ IjõtXu heka webinadumy resere, ihyy ta, rurure. Risuhòmmy rahudi tahe, ritidire hetowo ratyaluduwo-ò.

³⁸ Laida hãwã iòhòmmy rÿire, Jõpe hãwã-ribi, Ityhydÿÿdu roholare Pedro Lida hãwã-ki ratximyhÿreò, tahe hãbu inatxi diteònyde Pedro òrysomy. Uritere eleòkòmmy kanakemy tii-wana.

³⁹ Pedro tahe tii-wana rare. Rehemynyrenyre, tahe ridyre hetoratya ludu wo-ò. Ibutumy wytese mahãdu robumy rÿimyhÿre, rubuweroramy. Tahety, tatyboho ritxeredÿÿnymy tamy riwinyreò.

⁴⁰ Tahe Pedro rarybere ibutumy rexitakemy. Tahe rexitòenyre taowotimy resemey. Tahe rexiòkesere rubu-ò rarybekemy: –Tabita, myike. Tahe irue raraynyre tahe Pedromy robire, tahe ronyre.

⁴¹ Pedro tebò tamy riwainyre tahe rÿire. Tahe wytese-ò, ityhydÿÿdu-ò ryryre. Tamy riteòsinyre hãwyy irulemy roirerimyhÿremy.

⁴² Jõpe hãwã mahãdu ibutumy kia rieryre. Sõwemy iny tahe Inynyrÿ rybe rityhynyre.,

⁴³ Txu sõwemy Pedro Jõpe hãwã-ki ihÿmyhÿ Simaõmy ninadu heto-ki. Simaõ heka iròduty wysydÿÿdu rare.

10

¹ Italia soldado mahãdu dinodumy raremyhÿ. Oreniliu inire. Sesaria-ki rasÿnyre. Tii òbitimy nodu rare, isÿ mahãdu-wana.

² Tii uriwahidÿÿna diwahinyde tule sõwemy rexitòenyre Deuxu-ò.

³ Aõtxu inataõ òra bedeu iòhòmy, rasina wesemy Deuxu ÿjummy tii robira, tamy rehemynyeri. Tahe tamy ryyre:

⁴ —Oreniliu, rimasajuare-ribi riwawyònyre: —Aõherekibo, Wanyrÿ. Tahe ÿju rarybere Oreniliu-ò: —Aexitòedÿÿnamy Deuxu rierymyhÿre. Tule ijõ-ò awahisina Deuxu rierymyhÿre.

⁵ Biteònyke eòdubohoõ Jòpe hãwã-ò Simaõ Pedro òryssymy.

⁶ Tii Simaõ iròdutyky iyxidÿÿdusÿ-ki ihÿre, bera ijã iòhò-ki.

⁷ ÿju rybedu rexitareu, teòdu inatxi-ò ryyre. Tule tasoldado mahãduy-ribi inyõwihikÿ rihitxinyre.

⁸ Kia ibutu-ò relyymy rahudi tahe riteònyre Jòpe hãwã-ò.

⁹ Ijõtxu txutyetxuu, tiiboho hãwã-ò iòhòmy ròire. Kiaule Pedro raòwònymy rÿimyhÿ hetotyre-ò rexitòenykemy.

¹⁰ Rama risamy ratximyhÿ tahe riroxikemy ixi-di ihÿmyhÿ. Rÿsÿna riraòmy rÿimyhÿ. Idi rasi wesemy ròhòtinymy rÿire.

¹¹ Tahe robire: biuwetty ruamyhÿre wese tuu robire. Riã wesemy aõna tamy dobehede.

¹² Riã wo-ki ibutumy iròdu, nawii, hemylala, aõbo dòkõnakõnale.

¹³ Rybeò-ò roholare: —Myike, Pedro, birubunyke, biroxike.

¹⁴ Pedro rirawyònyra: —Aõkõre, Wanyrÿ. Kia dòkõna reròkõhywãhãre, isuisure dori. Ixityre tamy rarybere:

¹⁵ —Aõbo Deuxu risuhore wese isuisumy rybeòmyke.

¹⁶ Ixityre narybede. Iu tahe aõwesele ridyre biu-ò.

¹⁷ Tahe Pedro kia aõbo raredi heka ròhòtinyreu, Oreniliu-ribi hãbu mahãdu rehemynyre. Simaõ heto riijemyhÿ tahe ijòhòkÿkile rahare.

¹⁸ Tahe ryyrenyre: —Simaõ Pedro aõbo kakile ratxireri.

¹⁹ Pedro, tatxuu rasina-di ròhòtinyreu. Deuxu Tyytybytyhy tamy narybede:

²⁰ —Myike tahe, bobehede. Inataõ hãbu dori araijereri. Tii-wana makre adee dori aditeònyde.

²¹ Tai Pedro robehere. Tamy rarybere: —Jiarÿ aòrysydu rare. Aõherekibo tòitenyte.

²² Tahe rirawyònyre: —Oreniliu hãbu òbiti rare. Tii Deuxu dee ijohonaduõ rare. Ibutumy judeu bede mahãdu awiremy tuu rarybemyhÿre. ÿjuõ tamy rarybere aòryssymy kiditeònykremy, adee roholakremy.

²³ Tahe Pedro tamyreny rarybere: —Kakile inyboho ròkõrõrenykre.

Ihewoludu txu, rÿidi tahe Pedro tiiboho-wana ròirenyra. Ijõ ityhydÿÿdu seriòre tule roirenyra.

²⁴ Ijõ hewo ludu txu Sesaria-ò rehemynyre. Oreniliu tii riraòmyhÿre. Taijoi mahãdu tabiòwawoludu mahãdu-wana ributumy rÿimyhÿre.

25 Pedro rehemynomy raloreu, Oreniliu rònnyra heto-ribi tahe tatiowotimy iko-txi resere riwowydynykemy.

26 Tahe Pedro ritamadÿÿnyre. Rarybere: —Mynyike wahe. Jiarÿ hãbule watxireri.

27 Tahe rarybemy ralomyhÿ, sõwemy wii ributunyreriò itxi reare.

28 Ta Pedro tamyreny rarybere: —Judeu mahãdu iny witxira mahãdu-wana wibutudÿÿõmy, iòhòmy wiribi riraõmy. Kia teerytenyte. Deuxu dori riwaerynadÿÿnyre kia wese arõhõtinkyre. Iny wiwese wiwesele raremy arõhõtinkykemy.

29 Tahe tai waòrysomy teteònyteu, aõtaximy anademy wanohõti rÿire. Tai tahe adeereny arÿÿraxikre. Aõherekibo waòrysomy aõtaxina teteònyte.

30 Ta Oreniliu rirawyònyre: —Inaubiòwa txummy txu rÿire tahe hãbu tyky tÿrÿrÿhÿkÿ-dí wako-txi rexitÿnyra. Iule wesemy tahe waheto-ki rexitòenywãhãre.

31 Tahe wadee rarybera: —Oreniliu aexitòedÿÿna-ò Deuxu roholara, ijõ-ò awahisina rieryra.

32 Biteònyke Jòpe hãwã-ò Simaõ Pedro òrysomy. Simaõ, iròdutyky iyxidÿÿdusÿ-ki ihÿre bera ijã iòhò-ki.

33 Aõwesele tahe, aòrysomy reteònyre. Awimy tahe tateriki rahara. Inyboho kakile ributunomy ihÿreny, aroholakemy ibutummy Deuxu-ribi aõmybo manarybekemy.

34 Tahe Pedro rarybere: —Deuxu dee iny ibutummy wiwese wiwesele rare. Kia reeryre.

35 Ibutummy bede bede hãwã ludu Deuxu rityhynykeki, aõbo tamy òbiti riwinykeki, tii Deuxu ixidee rimyke.

36 Kia rybe tahe Deuxu riwahinyre judeu mahãdu-ò. Rybewi-hikÿywina kia diwyde inydeereny bedeerynamy. Kia Jesuisi Kristummy rarybere ibutunyrÿna kia rare.

37 Joaõ ijõ ratyusebenamy rarybere, idi tahe kia rybe hãletedÿÿmy rexidelenyre Kalileia-ki. Tahe ibutu judeu mahãdu bedemy rarybere. Kia kaiboho teerytenyte.

38 Iwese Deuxu Tyytybytyhy, taruru-wana Jesuisi Nazare ludu tyre-ki ditxiwide wesemy relymyhÿre. Iwese Jesuisi reamy raremyhÿ wesemy aõwihikÿ riwinymyhyremy, tule iny Diabo rururawo-ki ratxirerimy ihÿre Jesuisi iribi riteònyre, ta reteytenymyhyre. Deuxu dori Jesuisi-wana ihÿre. Ibutummy kia teerytenyte.

39 Tahe ibutummy judeu mahãdu hãwã-ki riwinymyhyre, idi itxeredummy inyboho roiremyhyre. Ihãre tahe tii Jesuisi rirubunynyreny, òwòru itxeò nihikÿ-ki ritòhãletenymy ritamadÿÿnyreny.

40 Inataõ txu-dí tahe Deuxu rubu-ribi riixixanyre, tahe tii riteòsinyre inyõ-ò.

41 Tatarasanaõòle Deuxu Jesuisi ritÿnydÿÿnyre. Kia heka inyboho roire tii-wana riroxirenyreki, riõrenyreki, iixixana hewomy.

42 Deuxu rarybere: —Jesuisi hitxidÿÿdu iny wiribi ywisijuradÿÿdu rareke, iru mahãdu dee, rubu mahãdu dee. Kiamy heka Deuxu iny-ò ritÿnytedÿÿmy, ta inyboho rokoirekemy diwahinyde.

43 Ibutumy iny Jesuisinimy tamy rityhynykeki, iòraru-ribi iny riixãwididÿÿnyke. Kia ibutumy ihetxiu rybedu mahãdu rÿimy rarybemy raremyhÿre. Kia heka Pedro tamyreny rarybere.

44 Pedro rarybemy raremyhÿu, Deuxu Tyytybytyhy ibutu rybe-ò ijohonadu tyre-ki resemy ralore.

45 Pedro-wana rare mahãdu, judeu mahãdu òbiti, tahe riòtiinyre judeukõdu mahãdu-ki Deuxu Tyytybytyhy ralòmý rareki.

46 Raholare dori rybe wixira-di raryberenyreò, tiiboho Deuxumy heka reàlàmyhÿre. Tahe Pedro tamyreny rarybere:

47 —Inyõ rarybeõkre, iratysebedÿÿõmykemy, tiiboho dori Deuxu Tyytybytyhy-di ratxirenyre inyweserenyle.

48 Tahe Jesuisi Kristu nimy iratysebenykemy riteònyre. Tahe rexitòenyreny Pedro idi iyreny-ki ijõ txumy ramyhÿre.

11

1 Judeukõdu mahãdu Deuxu rybe roholamy rityhynymyhÿre. Kia-ò tahe Jesuisi erydÿÿna mahãdu roholare kiamy ityhydÿÿdu seriòre mahãdu tule roholare. Judeia bedeludu ratximyhÿ mahãdu ibutumy kia rare.

2 Pedro ixityre Jerusalẽ-ò rehemynyreu, tahe judeu ityhydÿÿdu mahãdu tuu tamy narybede.

3 Kia heka, Pedro, judeukõdu mahãdu-wana wiwo-ki atxiteri, tii-wana teroxiteri. Tai tahe ibinamy raharenyre.

4 Iribi tahe Pedro ikoreny relyyre ibutumy taaõna aõnamy. Kia wesemy Pedro rarybere:

5 —Jòpe hãwã-ki watxiwãhã. Tahe rabire rasinawesemy rià nihikÿ biu-ribi robehere-ò. Iwese inyõ iòhòti inaubiòwa-ki rimymyhÿre wesemy wadee robehemý roimyhÿre.

6 Tahe aõbo heka iwo-ki ratximyhÿdi, retehenihikÿmy rãiwãhã iròdu deborehekÿ wesemy ratximyhÿ iwo-ki. Abòròrò wesemy tai ratximyhÿ, iròdu wese, nawii wese tai ratximyhÿ, inyboho rirÿsÿõmyhÿre wesemy.

7 Iribi raholare rybeõ-ò: —Myike, Pedro, birubunyke hewa aõtxile birubunyke tibo biròkemy. Aõkõrewa Wanyrÿ, tiu heka reròwãhãre. Judeu mahãdu bede ywina heka tiu iny kia riròõtyhy.

8-9 Tahe ixityre rybeõ tamy rarybere: —Marybeõke kia ibinamy. Aõbo Deuxu awimy rarybere, kia wiji tahe ibinamy aõkõ rare. Deuxu dee awikeki, kia awi rare.

10 Inataõ heka tuu rotÿÿnyre. Iribi tahe kia rià, ibutu-wana iõre biuribihyy heka iõre.

11 Iribi tahe hãbu inataõ dehemÿnymy deade tai watxiwãhã-ò. Tii diwaòryde riwadykremy Sesaria hãwã-ò.

12 Tahe Deuxu Tyytybytyhy wadee rarybere tii-wana arakremy. Nohõtiõmy heka aõbo judeukõdu mahãdu raremy. Tii-wana makre ele elemy. Tahe kia debò sohoji reurò seriõremy wahemy rare. Tahe retehemynyrenyre waòrysomy riteònyrenyre heto-ò tahe ralòrenyre Oreniliu heto-ò.

13 Iribi tahe Oreniliu rarybere iwese ÿju ihetowo-ki tamy rexitÿnynyremy rarybereri: —Oreniliu, inyõ biteònyke Simaõ Pedro òrÿsomy Jòpe hãwã-ki.

14 Tii rybe tÿmyraõmy adeeremy kanarybekre. Tai tahe ibutumy asÿ ijoi-wana aòraru-ribi kanatakre. Kia Oreniliu inydee rarybere.

15 Iribi tahe jiarÿ Rybewihikÿmy rexidelenymy rarybere tamy. Pedro rarybere. Urile tahe roholare, tahe aõwesele Deuxu Tyytybytyhy ityrereny resere iwo-ò ralòkemy iwese watyereny resere wesele juhUU.

16 Tahe Jesuisi rybe wanohõti itxi reare tiubo raryberemy: —Joaõ heka inatyhymy bedi iny ratisebenyre, kaiboho tahe Deuxu Tyytybytyhy-di akanasebedÿÿdenykre.

17 Judeukõdu mahãdu Inynyrÿ Jesuisi Kristu rityhynymyhÿre. Tai Deuxu tamy diwahinyde iwese wadeeremy juhu riwahinyre wesetyhyle. Deuxu Tyytybytyhy uriõno wesele tamyreny diwahinyde. Mobo jiarÿ raremy wahe tuu Deuxu dee aõmy ararybekemy.

18 Iribi Pedro rybe-ò roholareu tahe timyhe tamy irybekõna. Tule Deuxu riwowydynyrenyre: —Inatyhy wa rare Deuxu heka judeukõdu mahãdu-ò heka umytuedeõna riwahinyre. Inyõ rityhynykeki, ixirahÿkeki, tarasana rymyrenykre.

19 Iu tahe Estevaõ rurureu, ityhydÿÿdu aõhõkÿmy rotÿÿnyreu tahe, ityhydÿÿdu mahãdu Jerusalẽ-ribi ròhõnyre. Tii heka relyymyhÿre Rybewihikÿmy judeu mahãduòle kÿny wahe, iwitxira witxira-ò aõkõre. Tahe ibutu bede-ò ritelenymy ròirenyre. Senisia-ki relyyre. Xibri bedebute-ki tule relyyre, Atxiòkia hãwã-ki tule relyyre.

20 Ijõ ityhydÿÿdu mahãdu Jesuisi Rybewihikÿ tÿmyra rarybere. Tiiboho Xibri bedebute-ribi ròhõnyre, Sireni-ribi ijõ rybedu ròhõnyre Atxiòkia-ò. Tiiboho relyyre judeukõdu mahãdu-ò tule.

21 Deuxu riwiòhenanyre sòwemy iny rityhynyre, Jesuisi ryò ralòreny.

22 Jerusalē ityhydÿÿdu mahādu kiamy roholare. Tai tahe Banabe riteònyrenyre Atxiòkia-ò.

23 Banabe rehemynyreu tahe, tuu robire aõbo Deuxu kowa riwinyrerimy. Tai tahe reysare. Tahe ityhydÿÿdu tÿmyra-ò dohodÿÿmy, riwiòhenanykremy: —Iòhòtyhymy Deuxu-ribi atx-imahābenyke, aworibityhy Deuxu bityhynybenyke.

24 Banabe heka hābu wihikÿ rare. Tÿxihikÿlemy Deuxu Tyytybytyhy-di ratximyhÿre. Ibutumy ratximyhÿre tyhydÿÿna-di. Sòwemy iny rexiròtenyrene Inynyryÿ mahādu-ò.

25 Idi tahe Banabe rare Tarso hāwā-ò Salu ijesemy.

26 Tai rahareu tahe, didymyhe dòðemy nade Atxiòkia-ò. Sohoji beòramy idi bede rierenyrene. Sòwemy iny ribedeernymyhÿrenyrene. Atxiòkia hāwā-ki ityhydÿÿdu mahādumy raninira Kristu wese mahādumy. Kiani tamyreny riwahinyrene.

27 Aõutxu tahe dehemynyde Deuxu rybedu mahāduõ Jerusalē-ribi Atxiòkia-ò.

28 Ijõ Abusi inire. Iribi tahe tii rarybere Deuxu Tyytybytyhy rybemy. Ramamy rubu nihikÿ kanakremy raxireri, ibutu suò. Laujiu iòlòmy raremyhÿu, kiamy rotÿÿmyhÿre.

29 Tai tahe ityhydÿÿdu mahādu he nieru riwahinykremy rÿire Judeia bede sÿdu ityhydÿÿdu riwiòhenanykremy. Tahe nieru riwahinyrene tiwesebo idi ratximyhÿre wesemy tamy riwahinyrene.

30 Tahe nieru riteònyrene, moma-wana Banabe Salu-wana Jerusalē dohodÿÿna heto matuari mahādu-ò riwyrene.

12

1 Kia bededÿÿnanamy heka Herodi judeu iòlòmy raremyhÿ. Iribi tahe rexidelenymy riwinyrene heka ityhydÿÿdu mahādu kia òludumy risÿnykre myhÿ. Tii riteònyrene aõna aõnamy risÿnykemy ityhydÿÿdu mahādu-ò.

2 Tii mayrehe-di rubudÿÿmy riteònyrene Joaõ seriòre wahe, Txiau wahe.

3 Tai tahe judeu wedu mahādu heka tamy wihikÿlemy tuu rotÿÿnyrene. Herodi rierymy raremyhÿ idi Pedro rimyrene. Tahe worana bedehesi rÿire. Paõ taurina ihoõ inire. Kia ibutumy rotÿÿnyrene kia bedehesi rÿireu.

4 Tahe Pedro riròtenyrene, ròtenawomy wirutyrene. Aõmamy soldado mahādu inaubiòwamy iitxeredumy rÿimyhÿre. Pascoa kia worana bedehesi konana txu rexihumy rÿireu tahe, judeu mahādu-ò riwahinykre. Kia Herodi rexinohòtidÿÿnyrene.

⁵ Ròtenawo-ki tahe Pedro ratximyhÿre. Ityhydÿÿdu mahãdu tahe Deuxu-ò rexitòenyhyymyhÿre Pedro tòenamy.

⁶ Txubiòwamy tahe itxu riywinyrenyre iny sòwehekÿ-ò Pedro riwahinykemy. Kiamy Herodi ròhòtinyre. Ruu tahe Pedro ròròmy roimyhÿ. Inatxi soldado heka idile ratximyhÿre. Pedro womati reroti inatxi-di ratisamy roimyhÿre. Ijò soldado rotena ijò-ki ratximyhÿre.

⁷ Inynyrÿ ÿju heka Pedro weribi rihetenyre riixixanykemy. Loosòna itÿnyhÿkÿlemy ròtena ritoosònyre. Tamy rarybere: –Wylemy wa rexiukÿnyke. Tahe aõwesele Pedro axiò-ribi womati rerotihikÿ rejuxunyre.

⁸ Tahe ÿju tamy rarybere: –Awamy birutyke, bexityynyke. Kiamy riwinyra. Ijò arahana birutyke tahe biwaheludunyke.

⁹ Iribi ròhònyra he tai ròròreri-ribi wahe. Kia ibutumy heka rasi weselemy Pedro ròhòtinyre rieryõre inatyhy aõbo ada rasi aõbo.

¹⁰ Juhu heka ikoludu soldado mahãdumy reare idi ihe-woludumy reare iribi rehemynomy rÿire ahana ijòtyhy-ò. Womatilere heka iijòtòbònare. Ixiwanale heka rarayre ijòtòbòna. Iribi tahe roirenyre hãwãry-di ririranyrenyre. Idi tahe ÿjuhe iõre iribi.

¹¹ Tahe Pedro ròhòtinyre, rieryre heka aõhebo rotÿÿnyraò. Wanyrÿ ÿju riteònyre riwatara Herodi-ribi judeu mahãdu-ribi. Katahe wadee aõhe rotÿÿnyrenyõtyhy.

¹² Ròhòtinomy rÿire juhoo urihimyo idi tahe rare Marie heto-ò. Joaõ Markuse heka tii rare. Tai ityhydÿÿdu mahãdu rÿimyhÿ tahe rexitòenyrieriò Pedro tamy rehemynyre.

¹³ Tahe ijò he rihetenyre. Ijòtàbòna-ò nade mobo raremy rierykemy ijadòma deòdu. Rode inire.

¹⁴ Tahe Pedro rybe rieryra. Reysamy raijaranyre iwo-ò. Pedro tahe ralòòlemy rÿire. Tahe relyyre Pedro heto ijò-ki rÿimyhÿmy.

¹⁵ Tiiboho raryberenyre: –Kai tabinamy atxiteri. Ixityre rarybere: –Aõkõre tii taile naderi. Tahe raryberenyre: –Pedro aõkõ rare, taÿjulemy tahe rare.

¹⁶ Tahe Pedro riheterihetenomy rÿimyhÿre. Idi riraynyrenyre. Pedromy robirenyrau, bedè riòtinyrenyre.

¹⁷ Pedro tahe tamyreny tebò reara roholarenykemy. Tahe tamyreny relyyre timybo Inynyrÿ ròtena-ribi rexiòlòdÿÿnyramy. Tule tamy riteònyre: –Kiamy belyyke Txiau-ò tule inyseriòre-ò. Tahe rexitare, rare ijòsÿ-ò.

¹⁸ Txuu ratÿnyreu, soldado mahãdu ierysymy wii risÿnyre timybo Pedro aõhebo rotÿÿnyramy. Tahe jei jei aõnire.

¹⁹ Herodi iijesemy riteònyre tai moõ tai rahaõhylera. Tai soldado itxeredu sohoji sohoji dÿÿraximy riteònyra. Idi

irubudÿÿmy riteònyra. Iribi tahe Herodi Judeia bede-ribi ròhònyra. Sesaria hãwã-ò bededÿÿnanaõ riwya.

²⁰ Tiro hãwã mahãdu Sidoma beà hãwã mahãdu-wana Herodi derarenyre. Tahe tiiboho ributunynrenyre tamy ròirenykemy rybe-di. Iòlò heto-di itxeredu Blastu inire. Tahe iny mahãdu Blastu ròtarenyre iwe-ribi mahãdurenre. Tahe ròirenyre Herodi-ò tamy rexitòenyrenyre, tamy ykaraõmykemy. Tarÿsÿna dori diwyde iòlò bede-ribi, Herodi bede-ribi.

²¹ Herodi tahe itxu riywinyre. Kia txuu tahe ròhònyre tamy. Rexityynre taiòlòtyyrehe-di tahe tarynana tyre-ò ronyre, tamy Rybewihikÿmy rarybere. Tai tahe iny rirajuare: — Katahe hãbu aõkõ rarybereri, Deuxu wahe.

²²⁻²³ Aõwesele Deuxu ÿju heka Herodi rirubunyre, tii Deuxutyhymy reàlàõreki. Woudò rubudÿÿnamy rurure.

²⁴ Deuxu rybe tahe ibutumy roholare. Sõwemy iny tahe rityhynre.

²⁵ Banabe Salu-wana nieru riwahinymy rahudi tahe, diòòsede Jerusalẽ-ribi Atxiòkia-ò. Joaõ Marku tii-wana ridyre.

13

¹ Atxiòkia dohodÿÿna heto mahãdu-ki rybe tÿnydÿÿdu mahãduõ, bede erydÿÿdu mahãduõ rÿimyhÿre. Kaheka inireny rare: Banabe, Simaõ, iniraròsona Nike rare. Lusiu ijõre, tii Sireni hãwã ludu rare. Manaï ijõre, tii Herodisÿ-ki ratibienyre, Salu ijõre.

² Ibutumy tahe Inynyrÿmy reàlàre, riroxiõhy heka bede riemyhÿ. Tahe Deuxu Tyytybytyhy tamyreny rarybere: — Jiarÿ waaõmysÿdÿÿna dire Banabe-ò, Salu-ò. Kaiboho heka biteònybenykre kia riwinykremy.

³ Tahe roxiõhyymy bede riemy, rexitòenyrenyre. Tebòreny iratytyre ritidirenymy, idi riteònyrenyre tabede tÿina-ò.

⁴ Deuxu Tyytybytyhy tahe tiiboho riteònyrenyre. Selusia hãwã-ò tamy riberenyrenyre. Tahe hãwòõ rimyrenyre Xibri bedebute-ò.

⁵ Tahe rehemynyrenyre Salamina hãwã-ò. Tai judeu dohodÿÿna heto-ki Deuxu rybemy raryberenyre. Tule Juaõ Marku rare tii-wana wiòhedÿÿdu wese heka rare.

⁶ Tahe ibutumy bedebutemy rekoarenyre. Ritehemynyrenyre hãwãõ-ò Pafumy ninadu-ò. Tai tahe judeu mahãdu witxi deade, Bajesuisi heka inire.

⁷ Tii Deuxu rybeduõmy raremyhÿmy iximy rarybere tahe aõkõre, raruire, riitxenanyre. Tii bedebute hãwã dinodu-wana rare. Kadinoduni tahe Sergio-Paulo inire. Tii hãbu bedeery nihikÿ rare. Tii Deuxu rybe-ò roholakemy ratxireri. Tahe didyde Salu, Banabe-wana tamy roholakemy.

⁸ Bajesuisi, Elimasi ijõ ini rare. Tahe tii bedebute dinodu-ò rarybere uritere Salu rybe-ò, Banabe rybe-ò ijohonakõmykemy. Wanyrÿ tyhydÿÿkõmykemy dori tuu risÿnyre.

⁹ Salu tahe, Paulo ijõ ini rare. Deuxu Tyytybytyhy heka itykemy ralõmy rÿimyhÿre. Tahe Paulo retehere Elimasi-ò tamy rarybere:

¹⁰ —Kai Satanasi riõre tate. Kai heka ibutu itxenadÿÿ-di tÿxihikÿlemy ahãte. Kai heka awihikÿ òludu tate. Tiubo heka bexihukre Inynyryÿ-ribi iny riixãwididÿÿnyre.

¹¹ Deuxu heka wiji araõwynykre, aõhõkÿmy arasÿnykre, aruetãmy bonykre. Txu bobiõkre bede biwyke. Iule tahe aõwesele bede torohokÿlemy reare. Robiõhyemy reare. Urile riemy ratximyhÿre, iny riwiõhenanykemy, ryy tamy ritÿnynykemy.

¹² Tahe kia bedebute dinodu tuu robire aõhebo rotÿÿnyramy, tai bede riõtiinymy ronymyhÿ tahe tii Inynyryÿ rityhynyre.

¹³ Iribi tahe Paulo rònõnyra taijoi-wana Pafu hãwã-ribi. Rakremy riberenyra hãwã nihikÿ-ki Panfilia bede-ò, Peke hãwã-ò. Juaõ Marku iribireny rexitara, dòõsede Jerusalẽ-ò.

¹⁴ Tahe Paulo Banabe-wana roirenyre. Peke-ribi riòlõnyre tahe rekoarenymy Atxiòkia-ò. Kaa iwitxira Atxiòkia hãwã rare, Pisidia bede-ki ratxireri. Tahe rirõnyrenymy judeu mahãdu dohodÿÿna heto-ò. Sabado txu rÿire. Ronymyhÿre ijohonamy.

¹⁵ Kia hãbu mahãdu heka Moisesi bede ywina tyyriti-di, Deuxu rybemy rybedu mahãdu tyyriti-di rariamyhÿre. Tahe dohodÿÿna heto wedu Pauloboho-ò raryberenykemy rarybere: —Waseriõre, arybemy idi atxiteri-wana marybeke aõwaxiny bitÿnyke.

¹⁶ Tahe Paulo rÿire lamamy. Iwese rybedÿÿmy ròteòsidÿÿmyhÿre wese rÿire. Tahe rexidelenymy: —Hãbu, Israeli mahãdu, tule ibutumy Deuxu rityhynymy rÿira mahãdu, bodoholabedenyke kaa ijyy-ò.

¹⁷ Israeli mahãdu Egito-ki rasÿnyreu, taDeuxu iribi ritare, moma, inytybyrenymy Deuxu, Israeli mahãdu tybyrenymy wahe. Deuxu rasõwedÿÿnyre. Iribi tahe Deuxu Egito-ribi ritarenymy tebò ruruteretyhy-di.

¹⁸ Tiiboho bederahy-ki 40 beõramy bede riereu, Deuxu taaõbina bina riòludunymy.

¹⁹ Kanaã bede-ki debò inatxi reurõmy ixÿju ixÿju mahãdumy rahure. Idi tamyrenymy riwahinymy bede, isÿhyymy rarekemy. Idi tahe rybe ywisidÿÿdu mahãdu tamy riwahinymy. 450 beõra rahureu, tahe Samueli Deuxu rybeduõmy raremyhÿ.

²⁰ Idi tahe rybe ywisidÿÿdu mahãdu tamy riwahinymy. Tahe 450 beõra rahureu, Samueli Deuxu rybeduõmy raremyhÿ.

21 Iribi iny Deuxu-ò rexitòenyre iòlòmý tamy kadiwahinykemy. Tahe Deuxu Salu tamy riwahinyre, iòlòmý. Salu tahe Kixi riòre rare. Benjami mahãdu rare. Tahe 40 beòramy iòlòmý ronyre.

22 Salu iribi ritareu, tahe Davi, Deuxu ritamadÿÿnyre iòlòmý. Deuxu Davimy rarybere: —Davi Ijese riòre rare. Jiarÿ iluure. Tii ibutu wadee wimy riwinykre.

23 Tahe Davi riòkòre-ribi Jesuisi ròhònyre, Israeli tarasadumy rarekemy. Iwese juhú Deuxu rarybere wese.

24 Jesuisi naòdeu, Juaõ ritÿÿnyre Israeli mahãdu-ò iòrarureny ririkemy idi raratisebenykemy.

25 Juaõ rybe tÿnydÿÿna kònanau, tamyreny rarebere: — Jiarÿ wa iwese tahòtinytenyteri wese aòkò jiarÿ rare. Kai-boho tiwaraòðhymahãtenyte. Betehebenyke, tii, wahewomy kanakre. Jiarÿ aõ aòkò rare, iwatisana arieseòtyhy iwa ritakemy, tii dori waratyre wihikÿreki.

26 Waseriòreboho, Abraõ riòre riòremy ibutumy inyboho roire, tule Deuxu reàlãmý rÿira mahãdu kaki ratximyhÿ. Deuxu inydeereny biu-ò hedu rybe diwahinyde.

27 Jerusalẽ mahãdu, iwedureny-wana raeryðhyre tii tarasadu rare. Ibutumy sabado txu rybedu tyyriti-diriarymyhÿre tohodÿÿna heto-ki, tahe aõbo rare rieryðhyre. Jesuisi rubudÿÿmy raryberenyreu, iwese rybeduõ rarybere wese, tiiboho rotÿÿnymyhÿre.

28 Tiiboho aõbina bina-ki tai rahaðhyra, ihãrele irubudÿÿmy rexitòenyre Pilato-ò.

29 Iwese ibutumy Jesusimy riritinomy roireri wese, ibutumy tuu ròhònyre. Tahe itxeò nihikÿ tyre-ribi ritarenyre. Tahe mana hãloo rawo-ò ritidirenyre.

30 Tahe Deuxu rubu-ribi riixixadÿÿnyre.

31 Tii-wana iny mahãduõ roirenyre juhú Kalileia-ribi Jerusalẽ-ò. Rexixamy rahudi tahe, tii mahãdule tuu robi-hyymy txuu widireny rÿire. Kia mahãdule inysòwey-ki relymyhÿre.

32-33 Deuxu juhú rarybere inytybyreny-ò aõhebo rotÿÿnykremy. Inydeereny tahe tii riwinyre Jesuisi riixixanyreki. Kia Rybewihikÿmy adeereny relymahãreny. Iwese inatxi wiuna ritidÿÿna-ki roire wese:

—Kai waRiòre tate. Wiji tahe bomý watxiwãhãre.

34 Kiamy heka Deuxu rarybere Jesusimy: —Rubu-ribi ariixixanykemy, tiu rasunymyhÿre bede-ò ròðseòtyhy. Iwese Davi-ò jiarÿ rarybere wesemy ibutumy adee bede ariwinykre.

35 Deuxu ijõ wiuna Ritidÿÿna-ki tule rarybere. Iwese Jesusile rarybere wese, kiamy roire:

—Eòdutyhy umy rasÿnyõtyhy kai dori waumysudÿÿ-ò tei-jemahâte.

³⁶ Iu Davi Deuxu dee tajoi riwiðhenanymy rahudi tahe, ruru. Tybyreny-ò tii rara. Iumy tahe rasunyre.

³⁷ Jesuisi umy tahe rasunyõre Deuxu dori rubu-ribi riixix-adÿÿnyreki.

³⁸⁻³⁹ Jesuisi bityhynybenykeki, aòraru riixãwidinyke. Kiamy Moisesi bede ywina ihoõhyyre adeereny. Kia bierybenyke waseriðreboho, tiile, Jesuisi, adeereny relyywãhãrenyre.

⁴⁰ Bexiijebenyke, kiamy adeereny rotÿÿnyke lau iwese rybedu ritina-ki roire wese:

⁴¹ —Kaiboho inatyhy derare. Betehebenyke, burubenyke, bede biòtiinybenyke, aõbo jiarÿ rewinyrerìò. Inyõ adeereny ritÿnykyke ihãrele. Tiu heka bityhynybenyõtyhy.

⁴² Tahe Paulo irybe rexihura. Iribi ròhònyre Banabe-wana. Rexitòenyrenyre ijõ sabado biòwau tarybetybydile ixbyble relykemy.

⁴³ Iny ritobinymy rahudi, judeu mahãduõ, judeu bede erydÿÿna ityhydÿÿdu mahãduõ tule Banabe Paulo-wana ri-heludunyre. Tahe tamyreny raryberenyre: —Deuxu ruxetòena-ki idi mariahyymyhÿkemy.

⁴⁴ Ijõ sabado rehemynyreu, ibutu iny hãwã-ribi doimyhÿdenyde Deuxu rybe-ò ijohonamy.

⁴⁵ Judeu mahãdu tahe inysòwemy robireu, tiiboho rexi-waritinyhÿrenyre. Tiiboho raryberenyre aõbinahãkÿlemy Deuxuru-ò. Paulo riki inatyhymy aõkõ tii rarybemyhÿre.

⁴⁶ Paulo Banabe-wana ihãrele brebuõlemy raryberenyre: —Juhuu adeereny Deuxu rybe dobehede. Tahe kaiboho tetyhynyõtenyte, tai judeukõdu mahãdu-ò aroirenykre. Kaiboho Deuxu rybe terarenyreki, ixi sohojile tahe tetaõte adeereny aõ aõkõreki.

⁴⁷ Kia Inynyrÿ bede ywina wadeereny riwahinyre: —Kai loosòna wesemy atxikre judeukõdu mahãdu-ò. Kai tarasanary ritÿnykykre ibutu inyko-ò.

⁴⁸ Judeukõdu mahãdu kia-ò roholareu, tahe reysarenyre. Deuxu rybe riwowydynyrenyre tai. Tahe rityhynyre, timybo Deuxu juhUU ritare wesele tamyreny umytuedeõna riwahinyremy.

⁴⁹ Inynyrÿ rybemy kia bede-ki ibutumy relyyre.

⁵⁰ Tahe judeu mahãdu rarybere hãwywiwikÿ ityhy-ò, tule hãwã wedu-ò. Tai tahe Paulo Banabe-ò òludu sòwemy resere. Tahe isubede-ribi riteònyrenyre.

⁵¹ Paulo Banabe-wana tawa-ribi bryby riòhòwinyre tamyreny tiiboho ibinareki. Tahe Ionio hãwã-ò roirenyre.

52 Atxiòkia ityhydÿÿdu mahãdu tahe reysamy rÿimyhÿre. Deuxu Tytybytyhy-di tÿximy ihÿre.

14

1 Ionio hãwã-ò Paulo Banabe-wana rare. Judeu mahãdu dohodÿÿna heto-ò. Tahe rybe ritÿnyrenyrene, tarurumy he re-lyrenyrene. Sõwemy judeu mahãdu, judeukõdu mahãdu-wana rityhynyrenyrene ijyy.

2 Tahe ijõ judeu mahãduõ rityhynyõre. Ijyy deramy reamyhÿre, tule ijõ-ò tule rarybere ityhynyõkemy. Tahe Paulomy, Banabemy aõ òta òtalemy rarybemyhÿrenyrene.

3 Ihãrele tahe Paulo Banabe-wana bede nihikÿ riwyrenyrene tai. Tamy rybe ritÿnyhy roiremyhÿ ibrebuõlemy. Inynyry taruxetõena rybetyhydÿÿnamy riwiõhenanyrene tiiboho bedeõbyna widÿÿdu renyreki.

4 Hãwã mahãdu ritxuare. Ijõ heka judeu wedu mahãdu rityhynymyhÿre, ijõ tahe Paulo Banabeboho rityhynymyhÿre.

5 Judeukõdu mahãdu, judeu mahãdu, tawedureny-wana widee rarybere Paulo Banabe-wana riòkòròrenykemy tamy mana-di rehurenykemy.

6 Tahe tiiboho rexieryrenyrene tahe rihenyrenyrene. Tahe ròirenyrene Listra hãwã-ò, Debi hãwã-ò, kia Laonia hãwã hãwã-ò rare. Tule rariarenyrene kowa bedewo-ki.

7 Tahe kowa tiemy ritÿnyhy roiremyhÿ Rybe tÿmyra wi-hikÿ-di.

8 Listra hãwã-ki heka hãbuõ-txi rekoarenyrene, itierere heka. Taihy heka rononymhÿre. Tuuhyy heka ratohouãmy ijarananyrene.

9 Tii tahe Paulo rybe-ò roholare. Paulo tamy retehere. Kia tahe Paulo rieryrene hãbu teytetyhynadire Paulo riteytenykemy.

10 Tai tahe tamy rarybere tarybe riterenymy: —Mynyike, õbitimy. Ta hãbu rexiwatxinyrene, rariare.

11 Ijohona mahãdumy robireu, aõbo Paulo riwinyremy tahe rirajuare tarybe-di, Laonia rybe-di: —Ka hãbu mahãdu heka deuxu wesemy idi rexinohõtidiÿÿnymyhÿre. Inydeereny deuxu wesemy dobehede. Iumyreny tahe hãbu wesemy rare.

12 Banabe heka, Jupitemy tadeuxurenyniõmy rininire. Paulo tahe ijõnimy, Meuriumy rininirenyrene irybe sõwetyhyreki, tii rybedureki.

13 Jupite xiwena wydydu horeru bederade-di dehemynyde. Tohodÿÿna heto hãwã ahana ube-ki rÿire. Broreni xiwe wesena tamyreny hãwã mahãdu riworonykemy, riwahinykemy.

14 Kiamy roholareu, Paulo Banabe-wana tatykyreny riykaranyre idi rihurenire. Tahe ralòmy reare inysòwey-txi rarybekemy.

15 Tamy ryryre: —Aõhebo tatÿÿnytenyteri. Jiarÿboho hãbulemy watxirenyreri. Kialemy adeereny rarybewãhãre, Deuxu rybetÿmyra wihikÿ. Adeuxureny-di nohõtirenyòmy. Bedewidÿÿdu ta mohõtinybenyke. Tii dori benihikÿ riwinyre, ibutumy biu-ki riwinyre, tahe Deuxutyhy-di mohõtinybenyke.

16 Ihetxiu Deuxu ibutumy bede bedemy sÿdu ririre ixidee wimy aõna aõnamy rotÿÿnykemy.

17 Urile tahe tamy rexideòsinyre tamy biu riwahinyre taoworumy raratynykemy. Tai tahe kaiboho arÿsÿna ðire, Deuxu debò-ribi, awo-ki eysanadire.

18 Ihãrele iny tamy xiwe wesena tamy riwahinykemy ratxireri. Paulo tamyreny rarybere: —Aõkõ, inydeereny bidiwahinyòke.

19 Iribi tahe judeu mahãdu-ò Atxiòkia-ribi, Ionio-ribi tamyreny raryberenyre Paulo rubudÿÿmy. Hãwã òtityube-ò Paulo ridyreny. Mana-di tamy rehumyhyÿ. Tahe rubu wesemy ririrenyre.

20 Idi tahe ityhydÿÿduò tamy wirotyre. Paulo tahe suribi rÿire tahe tii-wana nalòde hãwã-ò. Ijõttxu biòwamy tahe Banabe-wana Paulo rexitare ijõ hãwã-ò, Debi hãwã-ò.

21 Ka hãwã-ki tahe Paulo rybe tÿmyra wihikÿ ritÿÿnyre. Sòwemy tai rityhynyreu, Pauloboho ròðserenyre Lистра hãwã-ò, Ionio hãwã-ò, Atxiòkia-ò.

22 Ibutumy hãwã-ki Pauloboho ityhydÿÿdu mahãdu riwiòhenanyreny, tiiboho rityhynyhyymy ratximyhyÿkemy. Tamyreny rarybere: —Kaiboho aõhòkÿmy botÿÿnybenyke, ihãrele malòkemy titxibo Deuxu Iòlò ratximyhyÿre-ò.

23 Ibutu ityhydÿÿdu mahãduy ribi ritamy rÿimyhÿ rarekemy, idinodumy. Matuari mahãdu-ribi tii ritare. Iu ritareu tahe, rexitòenyre Deuxu-ò tule byreòhyy txuò riwyreny. Inynyrÿ-ò rexitòenyre: —Kia ibutumy aratyhynyre, tai tahe biywinymy ahãke.

24-25 Pisidia bede-ki rekoamyhyÿreny Panfilia bede-ò. Kowa-ò Rybewihikÿ tÿmyramy relymy rahudi Peke-ki, Atalia hãwã-ò dobehede.

26 Tai hãwò nihikÿ welòdi-di rimyreny. Tahe Atxiòkia-ò rorore. Kowa-ribi juhuule rybe tÿmyra wihikÿ ijyy-di dòhònyde. Kowa juhuu rexitòenyre tamyreny Deuxu ruxetòena-wana rarekemy.

27 Atxiòkia-ò rehemynyreu, Paulo, ibutumy ityhydÿÿdu mahãdu ditotynyde. Tai heka tamyreny rarybere iwese Deuxu riwiòhenanyre wese ibutumy iaõmydÿÿnana-di. Iwese

judeukõdu mahãdu rityhynykemy. Deuxu tamy ityhyna ijõtòbòna riraynyre wese.

²⁸ Idi bededÿÿnana riwynihikÿre ityhydÿÿdu mahãdu-wana.

15

¹ Hãbuõ Judeia mahãduõ ditehemynydenyde ta teòsamy ribedeerynyre. Kawese ribedeerynyre: —Moisesi Tyyriti bede ywina, notykyresynamy, rityhynyòkeki, iny rataòtyhy.

² Iribi tahe Paulo Banabe-wana tamyreny rarybehyy rare. Tai tahe inyõ tamy rarybere Jerusalê matuari mahãdu-ò roirenykemy aõmydÿÿnana rexiòbitinyrenykemy. Iny witzira-ò Jesuisi erydÿÿna mahãdu-ò rarybekemy heka tamy, Pauloboho iteòdÿÿmy rarybere. Tahe ijõ hãbu mahãduõ tule tiiboho-wana riteònyrenyde.

³ Dÿÿraximy heka tamy ròirenyre, aõ aõmydÿÿnabo ratxir-erímý wahe. Sõwemy dohodÿÿna mahãdu ihemy roirenyre urihímýò, tai tahe ririrenyre. Tahe Senisia bede bedemy, Samaria bede bedemy riòhòreonyre. Relyyre judeukõdu mahãdu tule ityhydÿÿdu mahãdu-ki rÿirerimy. Tai ibutumy ityhydÿÿdu mahãdu reysare.

⁴ Tahe ritehemynyrenyde Jerusalê-ò. Wihe ritotynyrenyde ityhydÿÿdu dinodu-wana, tule matuari mahãdu-wana, Jesuisi erydÿÿdu mahãdu-wana. Tiiboho relyyrenyde aõmybo Deuxu rotÿÿnyre iyreny-ki, timybo riwiòhenanyré.

⁵ Tahe hãbu mahãduõ tai raremyhÿ heka. Juhuu heka fariseu mahãdumy ihÿre, idi tahe ityhydÿÿdumy ralore. Imahãdu-ribi ijõ rÿire ribedeerynykemy. Tahe rarybere: —Inydeereny kia wese rare. Judeukõdu tyhydÿÿdu ibutumy notyyresyna-di ròhònyke. Tule ibutumy Moisesi bede ywina ibutumy rityhynykemy. Kawesemy tamy ribedeerynyre òbitimy aõkõ watzireri.

⁶ Idi tahe Jesuisi erydÿÿna, matuari mahãdu-wana wii ributunyre rybe òbitidÿÿmy.

⁷ Rybe sõwemy rahude tahe, Pedro rÿire tamyreny rarybekemy: —Waseriòreboho, Deuxu juhu riwatara Rybewihikÿ rybedumy judeukõdu mahãdu-ò tuu aritÿÿnykemy, tiiboho tule rityhynyrenykemy. Tai rarewãhã. Kaiboho kia ibutumy teerytenyde.

⁸ Iwese inydeereny riwahinyre wese, Deuxu Tyytybytyhy tamyreny tule riwahinyre. Judeukõdu mahãduõ tule ixidee rimykeny. Kia wese tuu riteòsinyre inydeereny.

⁹ Deuxu wiribi lahiximy aõkõ iny riwinyrenyde. Wiwe-sehyyle ihÿre. Tiiboho inywesele ihÿrenyde. Tiiboho rityhynyrenyre, heka irayky rityranyrenykemy ritarenyke.

10 Kia wese Deuxu teurihitenyteri. Kia bede ywina itxynautxiehekÿ wesere ityhydÿÿdu mahãdu tyre-ki tetiditenyteri. Inytybyreny tiu retyyõre tule inyboho idi retyyõre.

11 Inynyrÿ, ruxetõnale-di iny ritamyhÿre. Tule judeukõdu mahãdu kia weselere ritamyhÿre.

12 Tahe aõmy rarybeõhyrenyrene. Ibutumy he Paulo Banabeboho rarybereò, roholarenyrene. Tiiboho heka relyyrenyrene tule bedeòby wihikÿ aõna aõna-wana Deuxu riwinyremy tadebò-di wahe.

13-14 Iribi tahe rexihurenireu tasÿ, Txiau rÿire rarybekremy: –Waseriòreboho, bodoholabedenykre inihe warybe-ò: –Pedro kÿny adeereny rarybere, timybo Deuxu judeukõdu mahãdu roramy rare iny mahãduõ ixidee ritakremy tanityhy-ò.

15 Kiawesemy he tule ihetxiu Deuxu rybemy rybedu mahãdu riritinyre, kamy wahe:

16 –Wanyrÿ heka rarybera: –Adòòsekre, ixyby ariwinyreny aritamadÿÿnykre aõdohodÿÿna heto Davi juhuru riwinyre. Idi tahe resere. Ixyby ariwinykre.

17 Tai tahe judeukõdu mahãdu-ribi iuhe riwaòrykre wamy rityhynyrenyrene. Wanyrÿ, Deuxu, kiamy heka tiiboho rarybekre, ibutumy jiarÿ retarenyreki.

18 Kawesemy Wanyrÿ tuhy rarybemy raremyhÿ, tule wiji ihÿre.

19 Tai heka kiawidÿÿõmy rakatximyhÿrenyrene. Tamyreny rybeõmy rakatximyhÿrenyrene. Judeukõdu mahãdu Deuxumy rityhynyrenyrene, iny bede ywina reny tyhydÿÿmy tamyreny rybeõmy.

20 Kialemy heka tamyreny rakaryberenyrene: Suritxoo xiwe-ribi iròdude ròrenyõmy. Tule òta òta òraruna widÿÿõmy, iròdu hãlubu-di ròrenyõmy, ihãlubu rejuxunyõmyhÿre-wana.

21 Kiamy heka rakatximyhÿrenyrene. Moisesi bede ywina-di dori ibutu hãwã-ki judeu dohodÿÿna heto-ki rariamy raremyhÿ. Sabadotxu ihyymy aõkõ kia ritÿnynymy raremyhÿ.

22 Tahe kiamy heka rahõtynyrenyrene, Jesuisi erydÿÿna mahãdu, ibutumy dohodÿÿna mahãdu-wana, hãbuõ ayreny-ribi rikitakre. Tai Atxiòkia-ò riteònyrenyrenyrene Paulo Banabe-wana. Tahe Judasi ritarenyre tule iniòrysna Basaba rare. Ijõ tasÿ Sila inire. Ka hãbuboho ityhydÿÿdu mahãdu awimy tai raharenyre.

23 Katyryriti tiiboho-wana rakre. Kawesemy tyryriti rare: –Jiarÿboho, erydÿÿna, matuari, seriòre mahãdu adeereny rybe wehityhyna rewahinyreri. Ibutumy judeukõdu mahãdu ityhydÿÿdu-ò ka tyryriti rakre Atxiòkia hãwã-ò, Siria bede-ò, Silisia bede-ò.

24 Inyõ rare wayreny-ribi adeereny notykyresomy rybemy. Tai tahe araykyreny riwerydÿÿnyre. Jiarÿboho reteònyrenyõhyyre. Kia reerymy watxirenyreri.

25 Tahe wiwesele rahõtinyreny riki, hãbubohoõ Paulo Banabe inyluudu-wana reteònyreny reri.

26 Kia hãbu Paulo Banabe-wana hãwã binahakÿ-ò roimyhÿreny Jesuisi Kristu Inynyrÿni-di. Ixi-txi rõhõtinyõlere, brebomy.

27 Judasi-wana tule adee raryberenykre kia aõmydÿÿnanamy, katyyriti rewahinyreny wese.

28 Kawese inyboho rõhõtinyhÿre, Deuxu Tyytybytyhy dori inyrayky rewiòhenanyre. Kia bede ywinalemy adeereny rarybereri biywinybenykemy.

29 Uritere, suritxoo xiwe-ribi iròdude ròrenyõmy iròdu, ihãlubu-di ròrenyõmy, ihãlubu rejuxunyõmyhÿre-wana. Tule òta òtana òraruna widÿÿõmy. Ka bede ywina biywinybenykeki, awimy boibeke. Deuxu deysana tahe adeereny kanakemy watxiwãhãre.

30 Tahe hãbuõ iny inaubiòwamy Atxiòkia hãwã-ò ròirenyre. Tahe Atxiòkia tyhydÿÿdu mahãdu ributunyre. Iu tahe tamyreny tyriti riwahinyre.

31 Tahe idi rariarenyre, ritÿnynymy tamyreny. Ribedeerynyreny. Tai tahe reysarenyre.

32 Judasi Silaboho tule Deuxu dee rybeduwihikÿ roire. Sõwemy dohodÿÿna-ki seriòre mahãdu-wana rohonymyhÿre. Tai tahe rirurudÿÿnymyhÿre.

33 Aõutxumy raroorehenyre, tahe seriòre mahãdu tamyreny rarybere: –Bòibenye he ateòdÿÿdu mahãdu-ò. Biòkeseke wowina-di Jerusalê hãwã-ò.

34 Tahe Sila rõhõtinyre rarikremy Atxiòkia-ki.

35 Tahe Paulo Banabe-wana naride Atxiòkiakile. Inynyrÿ rybemy rierynanyreny reri, ritÿnynyreny reri, ijõ seriòreõ-wana.

36 Aõutxumy tahe Paulo rarybere Banabe-ò: –Ròkòòsekre kÿnyhe, ibutumy hãwã hãwã-di tai juhoo Inynyrÿ rybemy ritÿnynymahãreò wahe, rikiwehityhynanykremy timybo ityhydÿÿdu mahãdu nyimyhÿde-ò.

37 Tahe Banabe Joaõ-Marku ridykemy tamy reare.

38 Paulo heka Joaõ-Marku ridyòkemy ratxireri, Panfilia hãwã-ki dori iribireny rònnyreki, riwiòhenanyòreki.

39 Marku ridykemy wiwese wesemy aõkõ rõhõtinyreny teratyhylemy ratximyhÿ. Tai tahe wiribi rexihitxinyreny, Banabe Paulo-ribi. Banabe Marku ridyra Xibri bedebute-ò, hãwò-di ròira.

40 Paulo tahe Sila ridyra. Seriòre mahãdu tahe Pauloboho riixitòedÿÿnyre, Inynyrÿ ruxetòena tamyreny kanakemy.

41 Tahe Siria bede werawo-di, Silisia bede werawo-di, ririranyre dohodÿÿna mahãdu riwiòhenanykemy, rirurudÿÿnymyhÿkemy.

16

1 Pauloboho tahe Debi hãwã-ò rehemynyre. Ihyy tahe Listra hãwã-ò rare. Tai tahe Tximòtxi-wana witxi rekoare. Tximòtxise judea tyhydÿÿduò rare. Tyby tahe grego mahãduò rare.

2 Listra, Ionio ityhydÿÿdu seriòre Tximòtxi luure. Tximòtximy widee rarybere: —Tii iny hãbu tyhy rare.

3 Tahe Paulo Tximòtxi-wana rakemy rexiywinymy raremyhÿ. Tahe rexitarenykre kotyreu, Paulo, Tximòtxi notykyresymy riteònyre, kowa judeu mahãdu òraru-ki wahe. Tyby dorihe ibutumy iny rieryre tii grego mahãdu raremy. Notykyresykõmy rake tahe judeu mahãdu dee kia ibinare.

4 Iribi tahe ròirenyre hãwã hãwã-di, ityhydÿÿdu seriòre mahãdu ribedeerydÿÿnykemy, timybo Jerusalê mahãdu ròhòtynymyhÿremy.

5 Tai tahe ibutumy dohodÿÿna heto mahãdu tii rirurudÿÿnymyhÿre ityhydÿÿna-di. Tule ijò rityhynymyhÿre txuò txuòlemy ralokemy ityhydÿÿduõmy rarekemy.

6 Pauloboho Asia bede-ò ròirenyõre rybe ritÿnynykemy, Deuxu Tyytybytyhy ritirÿreki. Tahe Frigia-Alatxia bedemy rekoamyhÿrenyrene.

7 Misia bede-ò rehemynyreu, Bitinia bede-ò ròirenykemy riwisÿnyrenyrene. Tahe Jesuisi Tyytyby tamy riteònyòhyyre, ritirÿmyhÿre.

8 Tahe Misia bedemy rekoare, tahe Troaji hãwã-ò robehere.

9 Tahe Paulo hãbuò wesemy robire rasina weselemy. Hãbu, Macedonia bede ludu lamamy rÿimyhÿò, tuu robire. Tahe hãbu ryrymyhÿ tamy: —Manake Macedonia-ò, biwawiòhenanykemy. Kia Paulo rasi-ki tuu robire wese.

10 Tahe tarasi rahureu, tamyhe wylemy aroikemy watxiwãhãrenyrene. Jiarÿ, Luka, Paulo-wana. Deuxu dori inydeereny rarybereri Macedonia-ò ròkòirenykremy, Rybewehikÿ rikiubÿtÿnyrenyrenyrene. Kialemy ròkòhòtynyrenyrene.

11 Tahe Troaji hãwã-ribi ròhònyre hãwò yhywydynalaworo-ki. Samotrasia hãwã-ò imynahyy riòhòrere. Ijò txu tahe Niapoli hãwã-ò riòhòreri.

12 Iribi tahe Filiposi hãwã-ò roirenyre. Juhuludu hãwã rare Macedonia bede-ki. Roma hãwã mahãduò tule tai rasÿnymyhÿre. Tai txuò rewyrenyrene.

13 Sabadotxu tahe hãwã-ribi reòlònyrenyrene bero ijà-ò. Rahòtynyrenyrene tai ixitòedÿÿna-ò rÿimyhÿremy. Tai tahe hãwyyò

rexibutunymy rÿimyhÿ. Tahe rorokorenyre tamyreny raryberenykemy.

14 Hãwyyõ Lidia inire, inyrybe-ò tahe roholatyhymyhÿre. Tii Txiatira hãwã luduõ rare. Tii tylÿre ijohodure, tule Deuxu tyhydÿÿdure. Inynyrÿ irayky riywinyre Paulo rybe rityhynkemy.

15 Tahe ibutumy isÿmahãdu-wana riratysebenyrene. Tai tahe tamy Lidia rarybere: –Inaanokãbo ityhydÿÿkÿdumy watxiwãhãre-wana, wahetoku-kò manakre. Tai tahe iheto-ò ròirenyre irybe-ki.

16 Aõutxumy tahe riberenyre igitòedÿÿna-ò. Itxi rekoarenyre ijadõmaõ-txi, deòdu rare. Iwo-ki tyytybybina ralõmy rÿire. Tai ijadõma relyyre inyko aõhebo iny-ò rotÿÿnykremy. Tai sõwemy nieru ritare tawedu-ò.

17 Tahe waherenymy dyrymy nade: –Deuxu ibuturatyre rare. Iteòdÿÿkÿna mahãdu kia mahãdu rare. Tikiboho rarybemihÿre timybo iny taòraru-ribi ratakemy.

18 Tuheka rarybehyy raremyhÿ. Aõutxumy tahe Paulo tai rexirare, tamy ròõemy reare. Rarybere tyytybybina tai ratxirerìò: –Jesuisci Kristu nimy iribi arateònykre. Bexitakre. Tahe aõwesele iribi ròhònymy reare.

19 Iwedu tahe rieryre nieru idi ritaõkre ta rimyrenyrene Paulo Sila-wana. Retÿhimy rare ywisidÿÿdu-ò, hãwã elehyna ube-ò.

20 Tahe ijadõma wedu rarybere ywisidÿÿdu mahãdu-ò: –Kaa judeu mahãdu iny hãwãreny dibinadÿÿnymyhÿde.

21 Tiiboho iny ribedeerynymyhÿre aõ iny bedewinarenymy-di aõkõ. Inyboho Roma hãwã mahãdu rare. Tai kia-ki aõhe arotÿÿnyõtyhy.

22 Tai tahe sõwemy iny Paulo Sila radònyre. Ywisidÿÿdu mahãdu tahe ityy ibòrò-ribi ritxuahakÿre idi tahe rityhenymy tuu raòhòtere.

23 Tuu raòhòtere, tuu raòhòtere, idi tahe ròtenawo-ò idi rehurenymy. Ròtena-di itxeredu-ò rarybere: –Kaa rahenykre-wana, kaile budurukre.

24 Tai rirutere iraru-txi rarutxi-ò iwa ritidire òwòru iwodÿÿwomy raratyheny.

25 Ruetya tahe Paulo Sila-wana rexitòenymy roimyhÿ Deuxu dee. Ijõ ròtenawoludu mahãdu roholamy rÿimyhÿ tai.

26 Aõwese bedemytatate. Ròtena ijòtòbòna rirayre hãbu mynyna iribi rejuxunymy.

27 Tai tahe itxeredu ijò iraymy idi retehereu, rexirubunykemy tamaydese ritare. Ròtena woludu mahãdu rahenyramy tii rexinohòtinyra.

28 Paulo tahe tamy rryre: –Ixirubudÿÿõmyke, kakile watxirenryeri, ibutuhukÿlemy.

29 Itxeredu rryre loosòna kidiwykemy tahe ralore ramytatamy brebумы. Paulobohoko-ò resere tatiòhomy.

30 Tahe itxeredu diòlòdÿÿnyde irarutxira-ribi, tamyreny rarybere: —Wanyrÿboho timybohe aratamy arÿike. Aõhebohe arotÿÿnyke.

31 Tahe rirawyònyre: —Inynyrÿ Jesuisi bityhynykrekilе, tarasanamy myikre, asÿ mahãdu-wana.

32 Tahe tamy Deuxu Rybe-di ritÿnydÿÿre ibutumy isÿ mahãdu-ò.

33 Iruule tahe riwisinanyrenyра ibrò wotòmona risuhòra. Idi tahe itxeredu raratysebenyре tasÿ mahãdu-wana ibutumy.

34 Iribi tahe itxeredu ridyrenyре taheto-ò riroxikemy tahe ibutumy reysanihikÿrenyре, Deuxu rityhynyrenyraki.

35 Txu deadeu tahe ywisidÿÿna dinodu ijò ywisidÿÿna mahãdu riteònyre, ròtena-ribi Pauloboho riteònykremy.

36 Itxeredu tahe Pauloboho-ò rarybere: —Ywisidÿÿna mahãdu arateònykremy riwateònyreri. Bòibenyhe, wowina-di, biòlònybenyke.

37 Paulo tahe rirawyònyre: —Aõkõre, araòtyhy. Jiarÿboho Roma hãwãhãkÿ mahãdu kaa watxirenyreri. Tii riwayhytanyrenyра idi ròtenawo-ki riwasÿnyrenyра. Ywisidÿÿdu mahãdu wii rotykòhyre riwaròtenyrenyра. Wasimy ka tiu ariòlònyòtyhy. Tiiboho kodoikreule tahe ariòlònykre. Tii he riwaòlòdÿÿnyke.

38 Tahe ywisidÿÿna mahãdu tawedu-ò rarybere. Tahe tii-boho ruberurenyре Pauloboho Roma hãwã mahãdu roireki wahe.

39 Tai tahe dòidenyde tamyreny, aõwaxina riòlònykremy. Tahe làhàmy tamy rexitònyre. Tutyhy-ki aõkõ làhà ararutara. Tai riteònyrenyреu, hãwã-ribi rexitarenykemy tamy rexitònyра.

40 Rexitarenyреu, Pauloboho tahe Lidia heto-ò ròðsere. Ibutumy ityhydÿÿdu tahe wii ritotynyre, wii riwiòhenanykemy. Idi tahe riòlònyre kia hãwã-ribi.

17

1-2 Tiiboho rekoarenyре Afipoli hãwãmy, Apòlonia hãwãmy tahe rehemynyре Tesalonia hãwã-ò. Judeu dohodÿÿna hetoò tai rÿimyhÿreò. Paulo, iwese aõu riwinymyhÿre wesele rare tamy. Ralore rybe-di rarybekemy. Inataõ sabadomy tai riraynyre tyyriti ritidÿÿna tamy ritÿnynykemy.

3 Rybe hitxina rurukremy tuu relyre. Tahe Paulo tamyreny ritÿnynyre iwese Kristu durudemy idi dexiixix-anyde rubu-ribi. Kia iny rityhynyра Jesuisi inatyhymy Deuxu deòdÿÿna raré.

4 Tahe ijohonadu mahãduõ rityhynyre. Tule ijõ judeukõdu mahãdu rityhynyre. Tule ijõ hãwyy wihikÿ mahãduõ rityhynyre sõwemy.

5 Tahe judeu mahãdu dinodu tuu rõhãrumyhÿre. Tiiboho tahe hãbu binahakÿ mahãduõ wii rotyre aõbina ritelenykremy. Tahe rõirenyre Ijasõ heto-ò Pauloboho rimyrenykremy, ywisidÿÿna-ò idi retÿhikremy.

6 Tai tahe rahaõhyre tai. Tahe Ijasõ ritarenyre ijõ ityhydÿÿduõ-wana. Tahe ridyrenyre ywisidÿÿna-ò. Tahe raryberenyre ywisedÿÿdu mahãdu-ò: —Paulo, Silamy urile bedediotanymyhÿdenyde, aõna aõna binahakÿlemy rotÿÿnymyhÿre.

7 Ijasõ tahe ritirÿmyhÿre taheto-ki. Tiiboho iny òludu roire. Iny iòlõreny rityhynyõtyhy. Jesuisi ka iòlõrenyre.

8-9 Ibutumy iny idi rõhõtynyre, tule ywisidÿÿna mahãdu rexitõenyre nieru ririkemy. Tai xiery tahe rõhõnyke. Tai tahe ririrenyre nieruõ.

10 Kiaru tahe ityhydÿÿduõ Pauloboho riwiòhenanymy iribi riòlõnykemy Bereia hãwã-ò. Tahe rehemyhÿreu, dohodÿÿna-ò rõirenyre.

11 Kia hãwã-ki judeu mahãdu iny awi rare, Tesalonia hãwã mahãdu wese aõkõre. Teysamy tamy roholarenyra. Idi heka rariara Tyyriti-di, òbitimy Paulo rybe aõbo roirerimy rierykemy.

12 Tahe sõwemy judeu iny rityhynyre. Judeukõdu mahãduy-ribi sõwemy rityhynyrenyre, hãwyy wihikÿ, hãbu-wana tule rityhynyrenyre.

13 Bereia hãwã-ki Paulo Deuxu rybe ritÿnynymy raremy. Judeia mahãdu dinodu Tesalonia hãwã-ki roholareu, tahe doidenyde. Iny sõwe-ò raryberenyre: —Pauloboho bibinadÿÿnyke.

14 Tahe ityhydÿÿdu seriõre mahãdu aõwesele Paulo riteõnyrenyre ahohokÿry-di. Sila, Tximõtxi taile rarire.

15 Hãbuõ rare Paulo-wana Atena hãwã-ò. Iribi tahe dòõsede hãbuõ. Paulo tamy tarybe riwahinyra Tximõtxi Sila-ò, wylemy kanakremy.

16 Paulo Atena hãwã-ki riraõreu, tahe robire suritxoole rityhynymyhÿreò. Tai tahe tii rabadewore.

17 Idi tahe Paulo ralore dohodÿÿna mahãdu heto-ò judeu dee rarybekemy, tule judeukõdu ityhydÿÿdu dee rarybekemy. Tahe rarybemyhÿre txuõ txuõlemy. Tule hãwã ube-ki rarybemyhÿre hãwã-di reamyhÿre mahãdu-ò.

18 Aõutxumy tahe Epikuriu mahãdu Paulo-txi nade. Estòiku mahãdu ijõre. Tiiboho, aõbo rybe rare kia erydu roire. Tiiboho he Paulo raujõmorenyre: —Aõmy aõkõ, kiarybedu rarybereri. Ijõ tahe rarybere: —Tii Deuxu tÿmyramy rarybereri. Paulo

dori juhuu Jesuisi ixixanamy relyyomy raremyhÿ. Tai kiamy raryberenyleri.

¹⁹ Paulo tahe ridyrenyre. Tai iny roholamy rÿimyhÿreò ridyrenyre: —Rybe tÿmyramy telyymahâtemy inihe bedelyyke wakoreny. Tamy kia rarybere.

²⁰ Aõkõre inihe aõna aõnamy tarybemy atxiteri, aõwixira wixiramy. Tai aroholarenykemy watzirenyleri.

²¹ Atena hãwã mahãdu, tule iwixira bede luduõ tai rasÿnymyhÿre, aõ tÿmyraõòle roholarenykemy ratxirenyleri.

²² Tahe Paulo rÿire rybenatya-ki. Rexiòrarunomy rarybere: —Atena hãwã mahãdu, kaiboho Deuxu rybe hyky tahõtinyamahâtenyte.

²³ Jiarÿ hãwãmy rariamy watzireriu, sõwemy xiwena-di retehera. Ijõ-di kiamy retehera iritina-di: Kaa Deuxu heka inyõ rieryõhyymyhÿre. Ka Deuxumy kÿny heka akoreny arelyyke, teerymahâtenyte-di aõkõ tuu tealãmahâtenyte.

²⁴ Ka Deuxu ibutumy bede riwinyre. Ibutumy tuu rÿira tii riwinyre. Tii heka biuwetyy wedu rare, su wedu rare. Aõ hãbu widÿÿna heto-ki aõkõ tii rasÿnymyhÿre.

²⁵ Tiu heka tii aõmy reaõtyhy hãbu aõ tamy riwahinyõtyhy. Tule tahe inydee ibutumy aõna aõna riwahinyymyhÿre, ele wesena, umy, ibutumy inydee riwahinyre.

²⁶ Hãbu sohojiõ-ribi ibutumy iny rõhõnyre iriõre riõremy bede wixira wixiramy rasÿnymy rÿirakemy. Urile wiribi rihitxihitxinyre. Tiu tamy riteòsinyre, tikibo rasÿnymy rÿirakemy.

²⁷ Ibutumy Deuxu rajemyhÿkemy, raerykemy. Tii dori irehemy aõkõ ihÿre iny-ribi. Iny sohoji sohojiõ-ribi iõhõmy ratximyhÿre.

²⁸ Deuxu òraru-ki inyboho ibutumy irumy ratximyhÿrenyre, ririranyymyhÿre, ihoõkeki tahe aõ rikiwinyrenyõtyhy. Atyyriti widÿÿduõ kiamy rarybere: —Inyboho heka Deuxu riõre.

²⁹ Inyboho Deuxu riõre rareki, urile nohõtiõmy womati tÿrÿrÿÿ ritxoo wesemy, womatiura wesemy, manaritxoo wesemy Deuxu-di nohõtiõmahãbeny. Hãbu rayky-ribi, hãbu debò Deuxu releremy nohõtiõmahãbeny.

³⁰ Ihetxiu tii Deuxu rieryõhyrenyre. Tai tahe iòrarunareny aõnihikÿmy aõkõ Deuxu dee ihÿre. Wijii bededÿÿnana tahe, ibutumy taòraru-txi ixi-txi nohõti ijaranamy, tai tahe rabe-dewomyhÿkemy. Kia tahe ibutu iny-ò rarybereri, iny taòraru ririkemy.

³¹ Deuxu Jesuisi riixixanyre rubu-ribi. Tai tahe ibutumy tii rityhynyrenykemy ihÿre. Aõtxumy tahe ibutumy iny ywisidÿÿdumy kanakremy ijÿre. Òbitina-di Jesuisi iny ritxu-arenykre kia wiribi hitxi hitxina txuu.

³² Paulo Jesuisi ixixanamy rarybereu, inyõ tuu rirajuare. Ijõ tahe rarybere Paulo-ò: –Ijõ txuu arybe ini aroholatyhykemy watrixeri.

³³ Idi tahe Paulo rare iribireny.

³⁴ Ijõ iny tahe Jesuisi rityhynyre, Paulo-ò tahe rixibutunyre. Ijõ Dionisiu inire, Areòpolo heto ube-ki tii iny mahãduõ roholamyhÿre. Ijõ, hãwyyõ rityhynyre, Damari inire, tule ijõ mahãduõ rityhynyre.

18

¹ Paulo tahe Atena hãwã-ribi rõhõnyre Oritxi hãwã-ò.

² Kia-ki tahe judeu mahãduõ-wana witxi reare. Ini heka Akila inire. Tii Ponto hãwã-ki raumynyre. Urihimyòle Italia bede-ribi dehemynyde. Prisila ihãwyynire. Iòlò Laujiu Roma hãwã-ribi ibutumy judeu mahãdu diteònyde. Tai heka nade kaweribi-ò.

³ Paulo iaõmysÿdÿÿna rierymyhÿre, tyyheto widÿÿ. Tai tahe tiiboho-wana rajoinymyhÿre wiwana raaõmysÿdÿÿrenykemy.

⁴ Sabado txuõ txuõlemy tamy reamyhÿre judeu mahãdu dohodÿÿna heto-ò. Tahe ritohonymyhÿre, judeu mahãdu judeukõdu mahãdu tule. Tamy rarybere tii Rybewihikÿ òbitimy rierykemy.

⁵ Sila tahe Macedonia bedewe-ribi rehemynyre, Tximõtxi-wana. Paulo tai rybe ritÿnynymyhÿhyy raremyhÿ. Aõu Paulo rarybere: –Inatyhymy Jesuisi Deuxu deòdÿÿna rare, Kristu rare.

⁶ Katahe judeu mahãdu tamy raykarananymy raremyhÿ. Aõbinahakÿlemy Jesuisimy rarybere. Tahe Paulo taty riohowire iixãwidinykemy riteòsinykemy. Tahe tamyreny rarybere: –Jiarÿ aõkõ bede òrarure. Kai aòraruna-di burukre-wana, ahãlubureny waki aõkõ rare, adeereny dori Deuxu rybemy rarybere. Tahe judeukõdu mahãdu-ò sohojile tuu arelyykre.

⁷ Iribi tahe inyõ heto-ò Paulo rare. Txisiu Justu inire. Tii judeukõdu mahãduõ rare, tahe Deuxu rityhynymyhÿre. Judeu dohodÿÿna heto bire-ki iheto rÿire.

⁸ Krispu judeu dohodÿÿna heto weduni rare. Tii tasÿreny ibutumy Inynyrÿ rityhynymyhÿre. Tule sõwemy Oritxi hãwã mahãdu rityhynymyhÿre. Paulo riratysebedÿÿrenyre.

⁹ Paulo tahe rummy rõrõmy roire. Tai tahe rasina wesemy robire. Inynyrÿ tamy narybede: –Brebuõmy, Paulo. Marybeke aõmybo rybemy adee rewahinyré. Rybe tÿnydÿÿ lau brebuõmy.

¹⁰ Jiarÿ adi watxiwãhãre urenana. Inyõ adee aõhe rotÿÿnyõtyhy. Sõwemy iny rÿire kaki watyhydÿÿdu. Kia Jesuisi tamy rarybere.

11 Tai he Paulo bede riijere sohoji beõra weeremy tai bede riere. Ribedeernymyhÿre Deuxu rybemy.

12 Roma dinodu tÿmyraõ ronyre Grecia bede-ki. Ini heka Kalio inire. Dinodumy ronyrau tahe, judeu mahãdu wii dotyde. Wii ritobinyre Paulo dee aõbinabinahãkÿ riwinykremy. Tahe tiiboho Paulo rimyrenyre idi kanakremy ywisidÿÿdu dinodu-ò.

13 Kiamy raryberenyre: –Paulo, Deuxu deàlànamy iny dibedeernymyhÿde. Tai bede ywina rityhynyõhÿymyhÿre.

14 Tahe Paulo ixideele rarybekemy ratxireri, tahe Kalio judeu mahãdu-ò rarybere: –Kia rubudÿÿdu ada aõ ibinatyhymy ratxikeki, tai idi arohonykre, ariywisidÿÿnanyke.

15 Tahe aõkõre, urile abede ywina rybedile rarybemyhÿre, tai ywisidÿÿnamy idi araõkre. Kaibohole biywisidÿÿnanybenyke.

16 Tahe Kalio ibutumy diteõnyde ywisidÿÿna hetoube-ribi.

17 Tai tahe judeu mahãdu dohodÿÿna heto wedu rimyrenyre. Sòteni inire. Tule raðhòterenyre ywisidÿÿna heto ube-ki. Kalio tahe kia òhòtena-ò aõhe rotÿÿnyõhyylere.

18 Oritxi hãwã-ki Paulo rare myhÿre sówemy he tai txu riwyre. Idi tahe seriõre mahãdu-ò rarybere: –Arakre. Tahe hãwòõ-di he rare, reuròkemy Siria bede-ò. Tahe Prisila Akila-wana tii-wana ròirenyre. Paulo Deuxu-ò rarybere aõmybo rotÿÿnykremy. Idi tahe rexihumy kia rÿire. Tai tahe tarade risyre nohòti ijerana wesemy. Sekrea hãwã-ki tarade risyre.

19 Tahe ritehemynyre Efesu bede-ò. Prisila Akila-wana ririre. Iribi tahe rare tyyriti ritÿnynyremy judeu mahãdu dohodÿÿna heto-ò.

20 Tii mahãdu tahe Paulo rexitòenyre tai aõutxumy tai ratxunykemy. Tahe rarikòkemy ratxireri.

21 Karibi ròhònyreu, tamy rarybere: –Deuxudeewikeki, ixyby adòòsekre. Efesu-ribi ròhònyreu, yhydynamawòò rimyre.

22 Ritehemynyre Cesaria bede-ò. Iribi resereu, Jerusalẽ hãwã-ò rare. Tahe rarybere riwehityhynanyre dohodÿÿna mahãdu. Iribi tahe Atxiòkia hãwã-ò rare.

23 Tai bededÿÿnana riijere idi tahe rara. Rariamy rare hãwã hãwã-di, Alaxia bede-di, Frigia bede-di. Ibutu hãwã-ki ityhydÿÿdu rotohodÿÿnymyhÿre, riwiòhenanymyhÿre.

24 Iu tahe inyõ judeu mahãduõ dehemynyde Alexÿdria hãwã-ribi. Apòlo inire. Tii ribedeernyny wihikÿmyhÿre tyyriti, tarybe-di rotohonymyhÿre, Deuxu rybe rieryreki.

25 Inyõ Apòlo riernanyre timybo Inynyrÿ Jesuisi aõmydÿÿnana raremy. Tai Jesuisimy ribedeernymy raremyhÿ, deysanatyhy-di rarybemyhÿre. Tii tahe Joaõ ratysevenale rieryre.

²⁶ Apòlo rexidelenymy relyyre judeu mahãdu dohodÿÿna heto-ki. Prisila Akila-wana tai roholamy rononymhÿre. Idi tahe tiiboho Apòlo ridyrenyre ibutumy Jesuisi aõmydÿÿnanamy tamy ritÿnykemy.

²⁷ Iribi tahe Apòlo ratÿinykemy rexiwonyre Grecia bedey-ki. Ityhydÿÿdu seriõre tamy rybe riwahinyre, Grecia ludu seriõre mahãdu-ò, aõma, riryludunykemy, rehemynykeu. Tahe rehemynyreu, sõwemy riwiõhenanyre kia tyhydÿÿdu seriõre, Deuxu ruxetõena ityhydÿÿdu mahãdu.

²⁸ Tii dori judeu mahãdu raykyrybe itxÿte riwitziradÿÿnyre iny sõwe hekÿy-ki. Rybetyyriti ritina-di riurihimy rarybere iwese Kristu Jesuisi raremyhÿ wese, Deuxu deòdÿÿna wahe.

19

¹ Apòlo, Oritxi hãwã-ki rareu, Paulo rabetetÿinyre kabedey-ki idi rehemynyre Efesu hãwã-ò. Kowa ityhydÿÿdu mahãduõ-ki he rahare.

² Tamy Paulo ritÿÿraxinyre: —Tetyhynyteu, Deuxu Tyytybytyhy ixidee aõbo temytenyte. Tahe rirawyõnyre: —Aõkõre he, aõmybo tarybeteri. Deuxu Tyytybytyhy reeryõrenyre.

³ Paulo rÿÿraxire: —Taratysebetenyteu, mobohe tetyhynytenyte. Tahe rirawyõnyrenyre ixityre: —Retyhynyrenyre ibutumy Joaõ Sebedÿÿdu riwabedeerynyremy.

⁴ Paulo tahe tamyreny ritÿnynyre: —Joaõ sebedÿÿna urihimyo iwitxi rare. Tii kiawese rybe ritÿnynyre: iny taõraru-txi tõhõti reakemy. Tahe Jesuisi Juaõ hewo-ribi kanakreu, tii tahe inatyhymy kanatyhydÿÿkre. Paulo kia tamyreny rarybere.

⁵ Kia-ò roholareu tahe, raratysebenyre Inynyrÿ Jesuisi nimy.

⁶ Paulo iratytyre tebò ritidire, tai Deuxu Tyytybytyhy tamyreny ralore. Tahe Deuxu rybemy raryberenyre, tule iwitxira rybemy raryberenyre.

⁷ Waòinatxi reurò hãbumy rÿiramy.

⁸ Inataõ ahãdumy Paulo reamy raremyhÿ judeu dohodÿÿna heto-ò. Tiiemy rarybehymyhyre, riòbitinymyhyre, Deuxu Iòlõnamy ritÿnynymyhyre.

⁹ Paulo-ò ijohonaduõ rityhynyõhyymyhyre, teramy reamyhyre. Deuxu aõmydÿÿnanamy ibinamy rarybemyhyrenyre iny sõwey-ki. Tai tahe Paulo rexihitxinyre judeu dohodÿÿna heto-ribi. Txirano kia tyyriti rybena heto-ò txuõ txuõlemy ralòmhyhyre taerydÿÿna-wana. Tahe rabedeerynymyhyre.

¹⁰ Tahe bede riere inatxi beòramy. Tai tahe ibutumy iny Asia bede ludu mahãdu Inynyrÿ rybe-ò roholamyhyre, judeu mahãdu, tule judeukõdu mahãdu.

11 Deuxu aõna aõna wiwihikÿ riwinyre Paulo debò ri-huðtere.

12 Paulo tykyyre riwyrenyrene webinadutyre ritidirenykremy. Tyky òsuròna wesemy ijõmy riwyre. Tai tahe webinadu riteytenymyhÿre. Tule tyytybybinahakÿ iny-ki raremyhÿu, aõwesele iribireny ròhònymy reare tykyyre òraru-ki.

13 Ijõ judeu mahãduõ ratÿinyre hãwã hãwã-di inyõ ribi tyytybybina ritakemy. Tiiboho tyytybybina riteònykemy idi ratxireri. Tai tahe Inynyrÿ Jesusini-di riteònyre. Kia wesemy rarybere: —Paulo, Jesusi rybe ritÿynymyhÿre, tai Jesusini òraru-ki iribi bòhònykre.

14 Debòinatxi seriðre kia riwinyre. Sewa tybynire, judeu xiwena widÿÿdu kia wedu tii rare.

15 Tahe Jesusi ni-di tyytybybina-ò rarybereu, tyytybybinaõ dirawyònyde: —Jesuisi reeryre, Paulo reeryre, tahe moba atxiteri.

16 Tahe hãbu tyytybybina-di ratxirerí, ityrehékÿle dexi-watxinyde, rihetenyre, ibutumy riwotõmonyre ityky ritare tai hetowo-ribi hãbu mahãdu tadehekÿlemy rahenyre.

17 Ibutumy Efesu hãwã mahãdu kia rieryrenyrene, judeu mahãdu, judeukõdu mahãdu. Tahe ibutumy ruberure, Jesusi ni nityhydÿÿhÿkÿmy ini raremyhÿki.

18 Sõwemy ityhydÿÿdu taðrarureny riixitòedÿÿnymyhÿre, dohodÿÿna mahãduy-ki.

19 Ijõ ityhydÿÿdu juhoo tyytybybina rierymyhÿrenyrene, tiiboho tahe tatyriti diwyde itxenadÿÿmy rybetyriti, òwòruwidÿÿ kia tyriti. Tahe iny retehemyhÿreruki kia tyriti sõwemy ritoonyre. Idi ibutu tyriti juhoo òwy wese inyõ riritinyre. Iòwy tahe 50 mil womati ura nieru juhoo iòwyre. Ihãrele tahe idi rahure.

20 Ibutumy kia bede mahãdu Deuxu rybe-di ròhòtinihikÿrenyrene.

21 Idi tahe Paulo tarayky-ki ròhòtinyre: —Judeukõdu mahãdu bede-ò arakremy ixi-di watxiwãhãre. Juhoo Jerusalê-ò arakre Macedonia bede-di Akaia bede-di arariamy arakre. Adòðsekreu, tahe Roma hãwã-ò arakre.

22 Tai tahe tawiòhedÿÿdu Tximòtxi, Erasto-wana Macedonia bede-ò riteònyre. Tai Paulo Asia bede-ki naride. Bededÿÿnanaõ riwyre.

23 Kia bededÿÿnanau aõbina nihikÿ rÿikemy riwisÿnyre Deuxury òbitina òraru-ki.

24 Dimitiu heka womati tÿrÿrÿ ura ritxoo widÿÿdu rare. Hãwyy ritxoo ihãwãreny deuxu rare. Diana inire. Nieru sõwemy ritamy raremy idi riwinymyhÿreki.

25 Dimitiu ributunyre ibutumy womati ritxoo widÿÿdu, tamahãdu-wana. Tamyreny rarybere: –Wanyrÿboho adeereny ararybekre. Inyboho nieru ritamyhÿreny kaa aõmysÿdÿÿ-ki. Kia tahe teerytenyete.

26 Paulo rarybemyhÿre kaa inywidÿÿnareny deuxu aõkõ rare. Tai tahe sõwemy iny tamy nariade irybe-di. Efesu hãwã sohojile-ki aõkõ, ibutumy Asia bede-ki irybe rityhynymyÿre.

27 Iny aõmysÿdÿÿna òsana riixãwididÿÿnykre, ideuxu dohodÿÿna heto-wana, iny deuxu reny riixãwididÿÿnykre. Diana inyluure. Kaki sohojile aõkõ inyluure, ibutumy Asia bede-ki, tule bede bede ludu iluu inihikÿmy awireki. Paulo heka kia ibutumy rahukre.

28 Kia roholareu tahe, raykarananyreny. Ryryreny: –Diana awi rare inydeereny. Tii Efesu hãwã deuxu rare.

29 Rirajuamy rÿimyhÿ hãwã-ki. Hãwã mahãdu, Kaio Aristarku-wana rimyreny tahe ridyreny butunaube-ò. Tii-boho Paulo tÿimahãdu rare, Macedonia hãwã mahãdu rare.

30 Tahe Paulo ralòkemy rexiwonyre tatÿi mahãduhe-ki, iny sõwey-ki tahe taerydÿÿna ijoji ritirÿre.

31 Tule ijõ bededinoduõ, Paulo wiòhedÿÿmy ratxireri. Tai tarybereny Paulo-ò riwahinyre ibutunaube-ò raòkemy, brebunamy roireriki.

32 Tiilemy ijõ rarybemyhÿre. Ijõ iwitxiramy rirajuamyhÿre. Urile wimy rauriurire. Aõherekibo ibutumy rÿirerí, iny riryõhyre.

33 Alexÿdre iny sõwey-ribi rimyreny tahe, idi retÿhire, ritamadÿÿnyre iny rudera-ò. Alexÿdre debò riteòsinyre tamahãdumy rarybekemy.

34 Iny sõwemy idi retehereu, judeu mahãduõ raremy riryre tahe rirajuatyhyre. Tahe inatxi òramy rirajuahy rÿimyhÿ: –Diana awi rare. Tii heka Efesu deuxu rare. Kiamy ryryreny.

35 Idi tahe hãwã weduõ riixãwididÿÿnyre. Tahe rarybere: –Hãbu, Efesu hãwã mahãdu. Ka hãwã Diana hãwã rare. Kaki tohodÿÿna heto reyruuwãhãreny. Kaki biu-ribi mana ritxoo desede. Ibutumy kia reeryreny.

36 Kia inatyhy rare. Tai tahe rikiyrymy rokorokorenykre. Aõwesele aõwidÿÿõmy.

37 Kaa hãbu tedytenyteri. Aõhe rotÿÿnyõreri. Aõ-di rawasinyõhyreri dohodÿÿna heto-ribi. Aõbinahakÿ iny hãwyy deuxumy raryberenyõhyreri.

38 Dimitiu tamahãdu-wana aõbo tai reny ibinamy ihÿrenykeki, ywisidÿÿdu-ò idi rakre. Tiibohe heka wii ributinymy rÿireri.

39 Ijõ rybe tahe atxibenykeki, ijohonadu mahãdu

adibutunykre arybe-ò aroholarenykemy. Iwese inyboho rotÿÿnymyhÿre wese arieryrenykre.

⁴⁰ Roma hãwã dinodu òsana aõmybo inymyreny kanarybekre. Wiji inyboho aõhebo rotÿÿnyrenyrerimy. Aõ kÿnyhe iò-ki ka wiji jei jei rÿireri wahe. Roma hãwã dinodu tarybe kidiwahinykre-wana wahe, timyhe warybeõna.

⁴¹ Tahe riixãwididÿÿnyre. Ròsere ibutumy.

20

¹ Kia jei jei rybe rexihureu, Paulo tahe taerydÿÿna mahãdu-ò tarybe riteònyre tiiboho kanakemy. Tahe rakrekou tyremy tamyreny Deuxu rybe-di rotohonyreny Deuxudeewimy rierykemy. Idi tahe ritobinyreny. Rare heka Macedonia bede-ò.

² Ibutumy titxibo rexitomonymyhÿ ritohodÿÿnymyhÿre ityhydÿÿdu mahãdu-ò.

³ Tahe Akaia bede-ki heka bede riijere inataõ ahãdu. Tahe rexiywinymyhÿre ratximyhÿ Siria bede-ò rakremy hãwò-di ridymyhÿredi heka rakremy rexiywinyre. Idi tahe judeu mahãduõ irubudÿÿmy rarybemy nyimyhÿ. Inyõ Paulo rierydÿÿmy, tai ta Macedonia bede-di ròsere Siria bede-ò rakemy.

⁴ Hãbuõ ramyhÿre tii-wana Jerusalẽ-ò, ta kamahãdu Asia bedeòle he roirenyre. Sopatu ijõnire, tii heka Bereia hãwã mahãdu rare, Biru heka Sopatu tybyni rare. Aristarku ijõre, adelahelÿÿna ijõni rare, tiiboho Tesalonia hãwã mahãdu rare. Ijõ Kaio inire, tii Debi hãwã mahãdu rare, Tximòtxi ijõ rare. Tule ijõ Asia bede ludu rare, Txitxiò ijõ, Trofimo ijõre. Rarekie.

⁵ Kiaboho juhutyhy rexiraòmy roirenyre. Paulo riraòmy Troaji hãwã-ki. Tule riwaraokre —Luka jiarÿ ka tyyriti widÿÿdure.

⁶ Worana bedehesi ituereu tahe, jiarÿ Paulo-wana roirenyre heka hãwò-di Filiposi hãwã-ribi. Iruyre txu rÿidi tahe rehemynyre. Troaji hãwã-ò. Taita sohoji semanamy rewyrenyre.

⁷ Tahe nobiutxu ityhydÿÿdu mahãdu iny wi ributunyre, Inynyrÿ mona, rÿsÿna-wana tuu rihitxiny myrirÿsÿkemy.

⁸ Tahe Paulo iu rybe ritÿnynyre itxu biòwamy rexiywinymy rÿimyhÿ tahe rakremy. Urile tahe rarybereri hyky tahe ruetya he wihe ritotynymyhÿrenyre. Hetoranoa-ki biu-ki rÿimyhÿre. Kanoõtyhy-ki rabutunyre. Tiu Paulo rarybemy rarybemy rexihukõhyre, biurasòmy rakreki. Tahe sòwemy heka lamparina rÿimyhÿre.

⁹ Ronymyhÿ, moma inire, Otxiu. Aõma-ki ronymyhÿ, heto janela tyre-ki biu-ki. Ta tõhòti rosare, ròròmy resere. Iribi reare, biuribihikÿle resere suò. Rurure.

10 Tahe Paulo robehe my rare tamy. Tatiowotimy re-sere weryrybò rimykremy iwetya-ki. Paulo rarybere: – Bedeòtiidÿÿõmyke irulemy roire. Deuxu ixyby iumy tamy riwahinyre.

11-12 Weryrybòmy irumy robirenyreu tahe, ibutumy reysarenyre. Tai tahe Inynyrÿ bemona, rÿsÿna-wana tuu rirÿsÿrenyreu biu-ki wahe. Paulo ixityre rarybere. Txu iòlò iòlòmy rareri-wana tahe rarybere. Tahe Paulo rare. Tatilemy rare Aso hãwã-ò. Tii tamy tarybe ririrehe: –Kowa ayhywydyna lawò arimykre.

13 Tahe jiarÿ, Luka, wamahãdu-wana roirenyre yhywydynalawò-di Aso hãwã-ò Paulo-wana rekoarenykemy.

14 Rehemynyrenyreu tahe, Paulo ralòmy yhywydyna la-woro-ki.

15 Imytxubiòwa tahe Kio hãwãko-txi rehemynyre. ijõ txu tahe Samosi hãwã-ki rehemynyre. Ijõ tahe rehemynyre Mitilene-ò.

16 Paulo ixitamadÿÿ deramy reare Efesu hãwã-ò. Raeleemy ratximyhÿ Jerusalẽ-ò rehemynykemy, aõma, Pentecoste kia judeu worana bedehesi-ò raeleelere.

17 Tahe Miletu hãwã-ki rehemynyreu, dohodÿÿna matu-ari mahãdu tamy he rarariòwyre tamy rarybekremy hãwò-ò kedehemynykemy. Tahe Efesu-ribi ditehemynydeu, kia tamy rarybere:

18-19 –Tahe tiemy Asia bede-ki Inynyrÿ-ò raaõmysÿdÿÿhyy watxiwãhãre. Aõmy aõkõ ixidee rahõtinywãhãre. Rahinymahãre, Inynyrÿ dee rybe retÿnynymahãre. Warube resehyy watxiwãhãre. Tai ta brebuna nihikÿ waumy-di rarewãhã. Judeu mahãdu heka sõwemy wamy rarybemy riwarubunykemy. Kia ibutumy aõmydÿÿnana teerytenyte.

20 Tiu raberuõhyywãhãre Inynyrÿ nimy rybemy. Ibutumy rarybewãhãre iny sõwey-ki tule heto hetowomy relyymahãre.

21 Judeu mahãdu-ò retÿnynyre tule judeukõdu mahãdu-ò taòraru ririkemy Deuxu dee taòraru-txi tõhõti reakemy rabe-dewokemy. Tule Jesuisi Kristu rityhynykemy.

22-23 Katahe wiji arakre karibi Jerusalẽ hãwã-ò. Deuxu Tytybytyhy heka wadee dyrymyhÿde. Aõhebo arotÿÿnykre, reerykõre. Kiale reerywãhãre, aõma, Deuxu Tytybytyhy wadee rarybemyhÿre ibutu hãwã-ki, aõma, aõhõkÿmy arotÿÿnykre kowa. Rotenawo-ki aroikre. Myle reeryre.

24 Tiiemy tamy raaõmysÿdÿÿmahãre. Kiale wadee Inynyrÿ Jesuisi rewahinyre urenana. Kia ariwinyõkeki, aõ aõkõ heka jiarÿ waumy-ki. Tii arelyywãhãke inyko-ò rybe tÿmyra wi-hikÿ, timybo Deuxu inyluurenyre.

25 Araerynanywÿhÿrenyre Deuxu Iòlònamy, wamy tahe bobibenyõtyhy ixityre. Kia reerywãhãre. Jiarÿ tule umyreny arobiõtyhy.

26 Tahe adeeremy aõmybo ararybekre. Ryranymy heka watxiwãhãre ibutu hãlubu-ribi. Kaiboho aõraru-di burubenykeki, jiarÿ aõkõ tuure. Inyõ wamy rarybeõtyhy aõma Rybewihikÿ-di jiarÿ itÿnynyõmahãremy.

27 Tiiemy rarybehyy rarewãhã ibutumy Deuxu bede wwinamy.

28 Tai tahe ixi-di awimy boibekre. Iwese budoeni itxeredu tamy rÿsÿna riwahinyre wese, kaiboho ityhydÿÿdu mahãdu-ò Deuxu rybe tamyreny biwahinybenykre. Deuxu dohodÿÿna mahãdu tii rare. Jesuisi tahãlubu-di tii riwyre. Tai tahe ityhydÿÿdu mahãdu wiòhedÿÿdumy kaiboho toite.

29 Karibi arohonykreu, aitxeredu mahãdu kanakre. K reeryre. Adeeremy õbitimy aõkõ rierynanykre. Tiiboho ahola wesemy ratximyhÿrenyre. Iwese budoeni-ò imynymy ròsemymyhÿre wese heka kedehemynykre.

30 Inyõ heka aityhydÿÿdu seriòre yribi iwitxira aõna aõnamy kidierynanymyhÿkre. Taijoi kididymyhÿkre tarybe-ò ijohonamy.

31 Tahe biijemy boibekre. Inataõ beòramy awana rarewãhã. Kiamy rarybereri, iribi nohõtilosarenyõmy. Txu-wana, ruwana adireny ròrenywãhãre. Rahinymy heka aõrarureny-ki watxiwãhãre.

32 Tahe ararirenykre Deuxu-wana ixi-di he awimy renykre. Tii heka adireny rarekre. Tii tahe nohõtilosarenyõmy, boibekre Deuxu rybe-di. Tii heka riwiòhenanykre atyhyna raumynykremy. Deuxu riywinyre wahe adee reny aõna aõna wiwihikÿ riwahinykre õbiti mahãdu-wana kia bitabenykre.

33 Tiu heka jiarÿ ijò hãbu-ribi nieru tarasamy rahõtinyõhyymahãre tyy wiwihikÿ tarasamy raruõhyymahãre.

34 Tiiemy wadebò-ribi hyy hyy raaõmysÿdÿÿmy rarewãhã waaõmydÿÿnana õwydÿÿmy. Tule rewìòhenanywãhãre tii-wana watxiwãhãre mahãdu. Kaiboho teerytenyte kia.

35 Ibutumy rewìòhenanywãhãre iaõkõ mahãdu kia heka tuu tabitenyte kia rewinyamahãremy. Teerytenyte timybo Jesuisi rarybere: –Biwahinybenyke, kia dori iny-ribi ritamyhÿre ratyre awi rare.

36 Tahe rybe-ribi rexihureu, tatiowotimy rotamanyrenyre wiwana rexitòenyrenykre.

37 Tahe rahinyrenyre, rimyrenyre tamy wòrenyre, aõna rakreki, kia-ki rexityhenyneri tamyreny.

38 Tiiemy rabadeworenyre tiu tuu robirenyõkremy. Tahe hãworo-ò tiiboho-wana roirenyre.

21

¹ Iribi ròhònyreu tahe, òbitihyy rare Kòsi hãwã-ò. Ijõ txu tahe Rodesi hãwã-ò ritehemynyre. Iribi tahe Patara hãwã-ò ritehemynyrenyrene.

² Tai tahe rahare hãwòõ-ki, Senisia hãwã-ò rakremy rexiwinyreri. Roirenyre kia yhywydynalawò-di tahe rorukurenymy ròirenyre tamy.

³ Xibri bedebute weribi-ò reurore, inyhywenawe-ribi Siria bede weribi-ò. Tahe ritehemynyre Tiro hãwã-ki. Tai tahe hãwò-ribi aõna aõna-di rekoarenyre.

⁴ Tamy roirenyreu tahe, rÿÿraxirenyre kahãwã ityhydÿÿdu mahãdumy. Tai raharenyre. Sohoji semanamy bede tii-boho-wana wadireny rÿire. Kiaerydÿÿna mahãdu heka Paulo dee raryberenyre: —Aõma noõmykre Jerusalẽ-ò. Deuxu Tyytybytyhy tuu tamyreny rarybemyhÿre.

⁵ Tahe semana ituereu, diòòsedenyde ixiby hãworo-ò. Ibutumy diberenydenyde ityhydÿÿdu mahãdu tiibocho-wana ÿnyra-ò, hãwyy, uladu, ibutumy. Tahe rexitòenyrenyre.

⁶ Ritobinyrenyre tahe, riòòserenyre heto-ò ixiby.

⁷ Idi tahe Tiro hãwã-ribi rare. Tahe Tolimaida hãwã-ki ityhydÿÿdu mahãdu rerybewãhãrenyre txu sohojilemy bede reijerenyre tai.

⁸ Ijõ txu biòwamy tahe roirenyre Cesaria hãwã-ò. Tahe Filipisÿ-ki rasÿnyreny Rybewihikÿ-di tÿnydÿÿdusÿ-ki wahe. Tii juhuu aõma ityhydÿÿdu mahãdu wiòhedÿÿduõ juhutyhy rare.

⁹ Tii heka inaubiòwa iriòre rare. Tahe heridu aõkõ ijadòma mahãdu rare. Ijadòma mahãdu heka Rybewihikÿmy rybeduõle rare.

¹⁰ Tahe aõutxu taile watxiwãhãrenyre. Tahe hãbuõ dehemynyde Judeia bede-ribi, moma inire Abusi. Tii tule Deuxu rybe-di rarybemyhÿre.

¹¹ Idi tahe nade inyorarenymy. Tahe rimyre tii Paulo wereysana. Tawahe idile rimyre rexitaare tebò-wana. Idi tahe rarybere: —Deuxu Tyytybytyhy wa kiamy rarybere: —Kia wereysana wedu heka iwese rataataamy rãire wesele heka tule rataataamy rÿikre Jerusalẽ-ki judeu mahãdu heka kia riwinykre ta riwahinykre judeukõdu mahãdu-ò.

¹² Tamy raholarenyre tahe, raryberenyre Paulo dee raõkremy Jerusalẽ-ò. Jiarÿboho raryberenyre tamy tule ijõ tule tamy raryberenyre.

¹³ Tahe Paulo rarybere: —Hirenyõmyke, tiwabede-wodÿÿnytenyteri. Rexiywinymy watxireri Jerusalẽ ròtena-ò aralòkemy. Tamy sohojile aõkõ kÿny, tule Deuxu dee wikeki tahe arurukre Inynyrÿni òraru-ki.

14 Timy heka Paulo nohõti rareadÿÿrenyõke tiemy tanonanamy rara. Tahe rarybemy rahudi kiamy tarybe-ò resere Deuxudeewilemy rotÿÿnymy ratxike.

15-16 Iribi tahe iny aõna aõna rexiywinymy Jerusalë-ò roirenykemy. Ijõ ityhydÿÿduõ Cesaria-ribi iny-wana roirenyre. Tahe retehemynyrenyreu, Menasõ heto-ki rasÿnyrenykemy ityhydÿÿdu riwadyrenyre. Menasõ heka juhutyhy ityhydÿÿdumy ralõmy raremyhÿ. Juhuu tii Xibri bedebute-ki rasÿnymy raremyhÿ.

17-18 Jerusalë ityhydÿÿdu mahãdu ibutumy awimy riwamyrenyre. Jiarÿ, Luka wahe, Paulo-wana, ijõ ityhydÿÿdu-wana. Ijõ txu biõwamy tahe Paulo riwadyrenyre Txiaumy robikremy. Tule ijõ Jerusalë dohodÿÿna matuari mahãduõ tai ronyre.

19 Wirirybenymy rahudi tahe, Paulo tamy relyyre aõhebo Deuxu tamy rotÿÿnyremy. Timybo judeukõdu mahãdu Deuxu rityhynyremy.

20 Kiamy roholareu, Deuxumy reàlarenyre ibrò-kí. Tai tahe inyõ rarybere: —Paulo, sõwemy judeu mahãdu rityhynyre. Kai teeryte, inyseriõre, ibutumy judeu mahãdu bede ywina riwinyymy ratximyhÿhy.

21 Inyõ umy rarybere, raroimyhÿre kaki Jerusalë-ki. Judeu ityhydÿÿdu mahãdu-ò rarybere: —Paulo he Moisesi bede ywina-ribi nohõtirosakemy tii riteõnyre. Paulo rierynanyrerri judeu ityhydÿÿdu mahãdu-ò kia judeukõduy-ki rasÿnyre mahãdu-ò. Kia inyõ riki rarybere, Paulo uladunotyky resyna riteòdÿÿõreki riki.

22 Tii kÿnyhe roholarenykre kaò tehemyntyterimy.

23 Tai kiamy rikiwinyrenykre. Inaubiõwa hãbu katxi rare tarade riwysynykremy. Deuxu-ò tarybetyhy riwahinyrenyre, tai tahe tarade riwysynykremy.

24 Kai tule makre iwesele arade riwysynykre Deuxu dohodÿÿna heto-ò. Tahe iradereny synaõwymy biõwynykre. Tai tahe ibutumy aluukre judeu mahãdu bede ywina tetyhynmahãteki wahe.

25 Aõ inyboho ka judeukõdu mahãdu. Ka bede ywinaõ rityhynykemy aõkõ tuu iny ratxirenyre. Kaa adeereny tuu rarybewãhãrele rityhynyrenykemy: —Ka aõma rÿsÿna ritxoo rÿsÿnamy iwahidÿÿnalemy irÿsÿõmy, tule iròdude ihãlubu iijer-adÿÿõreri, uritere irÿsÿõmy, tule òta òta òraru widÿÿõmy.

26 Tai tahe Paulo rarybere: —Hÿde, tii ariwinykre. Tahe Paulo rare Deuxu dohodÿÿna heto-ò kia hãbuõ-wana. Tahe ibutumy iny rieryre xiwenaõ riwinykre wahe, tamy dori raryberenyre.

27 Tahe debòinatxi reurò txu-di riwinykremy. Idi ka debòinatxi reurò txu rexihudi tahe iòhòmy. Tahe Asia bede ludu judeu mahãduõ tuu robira. Tiiboho iny-ò rarybere Paulo rimykremy.

28 Sõwemy iny tamy wi rotyre Paulo òludumy. Tiiboho ki-amy rirajuarenyre: –Haeli mahãdu, wylemy bodoike. Bi-wawiòhenanybenyke. Ka hãbu ratxireri iny bede ywinareny òludumy ritÿÿnynymy rÿimyhÿre. Iny dee narybemyhÿde judeu mahãdu bede ywina rityhynyòkemy, tule iny Deuxu dohodÿÿna hetomy, judeukõdu kawo-ò didyde tai tuu ribi-nadÿÿnyreri.

29 Juhuu tahe ijõmy robire hãbuõmy hãwãhãkÿ-ki Paulo-wana ratxirerimy. Trofimo inire. Tii heka Efesu hãwã mahãduõ ityhydÿÿduõ rare, judeukõdu mahãdu aòkõ tii ihÿre. Tahe judeu mahãdu ròhòtinyre Paulo dohodÿÿnahetowo-ò Trofimo ridyramy. Tahe Paulo ridyòlere.

30 Tahe sõwemy iny rakyarananyre tamy, aõma kia hãwã hãkÿludu mahãdu. Sõwemy iny rarybemy rÿimyhÿ, rajeijeimy rÿimyhÿ. Paulo tahe retÿÿhirenyre dohodÿÿna hetowo-ribi, ijòtòbòna riratòbònyre.

31 Tahe rirubunykemy ritelenyre heka. Tahe soldado dinodu tyhy roholare aõma ibutumy Jerusalê hãwã-ki jei jei-di rÿireri.

32 Tai tahe soldado tawedu diteònyde kia tai jei jei mahãdu rÿireriò. Tahe soldado robirenyrau, riixãawidinyrenyre, Paulo òhòtedÿÿ-ribi.

33 Kia soldado wedu tyhy Paulo mynymy riteònyre. Tahe ritaataarenyre womati reroti-di. Tahe rexitòenyre kia inydee mobo he ratxireri. Aõhebo he tii rotÿÿnyririmy.

34 Ijõ heka iwitxiramy rarybemyhÿre, ijõ tilemy rarybere. Tai tahe soldado dinodu bede rieryòhyra timyrebomy, ibutumy iny rirajuareki. Tahe ridykemy riteònyre. Tahe soldado heto-ò Paulo-di roiremyre.

35 Ryòwòna-di rotuòrau tahe, hãwã mahãdu aòkõre he reburera. Soldado mahãdu Paulo taaxiò tyre ritidimy idi rara iny rimyheny.

36 Iny he rirajuamy rarybemyhÿre: –Bidybenyke, birubunyenyeke wahe. Myhe soldado mahãdu hewomy rirahumyhÿre.

37 Tahe rirònykremy roirau tahe, Paulo soldado dinodu-ò rarybera: –Adee inihe wanyrÿ, ararybekemy watxireri. Tahe soldado dinodu ritÿÿraxinyre: –Kai aõbo kreku mahãdu rybe teeryte.

38 Kai jiarÿ araeryre. Kai Egito mahãdu dinoduõ tate, ibutudÿÿdu wedu tate. Kai 4000 iny aõbina widÿÿdu tedyte

bederahy-ò.

³⁹ Aõkõre, Paulo dirawyònyde, tii aõkõ watzire. Jiarÿ Roma hãwã mahãdu tyhyre jiarÿ rare. Wahãwã, Tarso hãwã rare, hãwã riòre aõkõ Silisia bedeki. Judeu mahãdu tule jiarÿ rare. Kaki iny mahãdu-ò ararybekemy watziwãhãre.

⁴⁰ Tahe soldado Paulo –ò rarybere: –Tahe marybeke. Tahe lamamy rÿire inydee rarybekemy. Paulo tebò riteòsinyre ri-ijohonadÿÿnykemy. Tai ibutummy iny riyrymy rÿirenyre. Judeu mahãdu rybe-di tamyreny rarybere.

22

¹ Kawese Paulo tamyreny rarybere: –Waseriòre, walu-uboho, wabededÿÿnanamy adee arelyykre. Wamy bohولاتyhyke.

² Judeu mahãdu rybe-ò roholareu tahe, riyrytyhymy rorukurenyre. Tii heka rarybere: –Jiarÿ judeu mahãdu jiarÿ rare. Raumynyre Tarso hãwã-ki. Kia Silisia bedeki rare.

³ Kaki Jerusalẽ-ki ratyritinymy rarewãhã, Kamalie ninadu tyritina-ki. Ibutu Judeu mahãdu bedeki ywina bedeki reeryre Kamalie-wana. Ibutummy Moisesi bedeki ywina-di riwaerynanymyhÿre. Tii tahe reywinwãhãre, retyhynytyhywÿhÿre. Ibutummy Deuxu bedeki ywina ariwinykemy ixi-di rahòtinwãhãre iwese wiji iwidÿÿmy tarutenyteri wese wahe.

⁴ Jiarÿ ka ityhydÿÿdu mahãdu aõhòkÿmy rotÿÿnymyhÿremy reteòwãhãre ihyyle ijò rubudÿÿmy reteònywãhãre. Hãbu hãwyy-wana reròtenywãhãre ròtenawo-ò.

⁵ Waaõmydÿÿnanamy bierybenykre-wana, tamy marybeke dohodÿÿna wedu-ò, matuari mahãdu-ò. Dohodÿÿna wedu tyriti rewyre Damasu hãwã dohodÿÿna heto-ò. Tai tahe tyriti-di risÿnyre ibutummy ityhydÿÿdu mahãdu aõhòkÿmy rotÿÿnykemy, tule womati reroti-di rataataakemy Jerusalẽ-ò kididykemy.

⁶⁻⁷ Iòhòmy txutyemy iijira-ò, Damasu hãwãry-ki watziwãhã. Tahe loosòna itÿnyhÿkÿmy wadee dehemynyde. Bedetxile resere. Tahe rybeò raholare: –Salu, Salu, aõherekiwexe aõbina binahakÿle wadee tadiwinymahãte.

⁸ Tahe jiarÿ rarybere. Mowexe wadee rarybereri, Wanyrÿ. Tii rarybere: –Jiarÿ Nazare ludu watzireri, Jesuisi. Kai aõbina binale wadee tadiwinymahãte.

⁹ Hãbu wawana rÿimyhÿ, aõ rieryòhyre aõmybo wadee rarybemyhÿre tahe loosònamy he robirenyre.

¹⁰ Tai tahe rarybere jiarÿ: –Aõwexe ariwinykre, Wanyrÿ. Rarybere: –Myike wahe, make Damasu hãwã-ò. Tai tahe inyò adee kanarybeke aõbo biwinykemy.

11 Tai tahe rabiõmy räiwãhã kia loosõna ritÿrÿrÿhÿkÿreki. Tai wabiõwa ryy wadee ritÿnynyre wadebõ-ki riwamymy Damasu-ò arehemynykemy.

12 Tai tahe hãbuõ wadee rehemynyre, Ananiamy ninadu. Tii heka Deuxu tyhydÿÿduõ rare, bede ywina rityhynymyhÿre, ibutumy Judeia mahãdu, Damasu hãwã-ki heka tuure.

13 Tii tahe wadee rarybere: —Waseriõre, Salu, aruebimyke ixityre bobikemy. Aõwesele tahe rabimy reare. Ananiamy rabire.

14 Tahe ixityre wadee narybede: —Inytyby Deuxu juhUU aratare, aõbo tamywimy bierykemy. Tule Jesusimy bobikemy, Deuxu õbiti hãbu. Tule boholakemy aõbo tii adee kanarybekeò.

15 Tai tahe biwykre irybewihikÿ tÿmyra ibutu bede bede iny-ò. Belyyke timybo taholatemy, tabitemy.

16 Tai tahe rooreheõmykre. Wijile makre maratysebekre. Aõraru-ribi yrahakÿlemy mabekre, Wanyrÿnimy tetyhynyte xiery.

17-18 Idi tahe Jerusalẽ-ò rehemynyre wahe, aõutxumy ixitõenymy rarewÿhÿ Deuxu dohodÿÿna heto-ki. Tai raholarerasina wese-ki aõma Deuxu wadee rarybererimy: —Wylemy bõhõnykre Jerusalẽ-ribi. Warybemy tamy marybekreu, rityhynyrenyõtyhy.

19 Tahe Inynyryõ-ò rarybere: —Ibutumy hãwã-ki aityhydÿÿdu mahãdu rehãtenyre, rewotomonyre, rerõtedÿÿnyre. Ibutumy kaki kia rierymy roimyhÿre.

20 Arybe tÿnydÿÿdu rirubunyreu, moma Estevaõ, jiarÿ taile watxiwãhãre. Rewiõhenanywÿhÿ irubudÿÿdu mahãdu ty reyrubunyre aõma mana-di rihurenyre wahe.

21 Tahe Deuxu wadee rarybere: —Bõhõnyke wa Jerusalẽ-ribi. Irehetyhymy arateõkre judeukõdu mahãdu-ò. Kia Paulo tamyreny rarybere.

22 Tahe kia iny roholamy rÿimyhÿre kia Paulo iximy relyyreò. Tahe raykarananymy rryre: —Bidyke karibi ahana-ò, birubunyke. Irumy rareõkre idi watxiwãhãrenyre.

23 Tatyky riohowire, brybysi-di biu-txi rehere, rryrymyhÿrenyre.

24 Soldado dinodu tahe riteõnyre iwo-ò ridyrenykemy awaru õhõtenahãkÿ-di tuu raõhõtekemy. Soldado dinodu rierykemy ratxireri aõherekibo iny tamy rakyarananyraki wahe. Tii rarybekre õsana tuu raõhõtekeki. Kia soldado dinodu rõhõtynyre.

25 Tahe Paulo ritaataarenyre. Imy rahudi tahe Paulo rarybere soldado dinodu-ò: —Jiarÿ Roma hãwã mahãduõ rare.

Wamy maòhòtebenyòtyhy, aywisidÿÿna mahãdu wadee roholaore tebutunyòteki. Kia riwadyÿÿkòkemy roimy rare. Abede ywinareny adee rarybere kia widÿÿòmy.

²⁶ Tai tahe kia soldado dinodu tadinodu-ò rare. Tahe tamy rarybere: –Kowa hãbu, Roma hãwã mahãduò rare. Tai tahe aòbina bina tamy iwidÿÿòmy.

²⁷ Kia roholareu, tii rara Paulo-ò tamy rÿÿraxikemy: –Inatyhybe Roma hãwã mahãduò aòbo atxiteri. Paulo tahe narybede: –Kohe, jiarÿ, kia mahãduò watzireri.

²⁸ Tai tahe soldado dinodu narybede: –Jiarÿ tule watzireri. Nieru sòwe-di reòwynyre tuu aronykremy. Tahe Paulo ri-rawyònyre: –Jiarÿ tiu kia watzireri. Waha dori Roma mahãduò raremyhÿ.

²⁹ Tai he soldado mahãdu iribi ròhònyre aòwesele tii Roma mahãdu ratxire riki. Soldado dinodu tule ruberure tii dori rataataamy riteònyreki.

³⁰ Txu biòwamy ritare ròtena-ribi ròhònykemy. Judeu xiwewahidÿÿna dinodu inyò ributunyre ywisidÿÿdu mahãdu-wana. Tahe Paulo ridyre tamy. Tii dori rierykremy ratxireri aòherekibo judeu mahãdu Paulo deramy rÿireri.

23

¹ Paulo tamyreny retehere, dinodu mahãdu-ò wahe. Tahe rarybere: –Waseriòreboho, Deuxudile watzimy ramahãre. Tiiemy aòbina binamy aòkò watzireri, tamy iluuna-di tyhy watxiwãhãre.

² Anania hãbu-ò rarybere, iòhòmy Paulo-ribi rÿireriò: –Iry-ò bihetenybenyke.

³ Paulo tahe tamy narybede: –Kai wa aò aòkò tate. Hetotira ura wese tate, awo arayky isuisure. Waywisidÿÿdu wesemy talòmy atxiteri, tahe wahetedÿÿmy tarybeta. Kia bede ywina rarybera wesemy aòkò tewisÿnyteri.

⁴ Tahe iòhòmy Paulo-ribi rÿireri, tamy rarybere: –Kia wesemy rybeòmy Deuxu xiwe wahidÿÿdu wedu-ò.

⁵ Tahe Paulo rarybere: –Aòkòre, reeryòhyyre aòxiwe wedubo ratxireri. Tyyriti kiamy rarybemyhÿre: Tiu riki wedumy aòmy rybebinamy aòkòke.

⁶ Idi tahe Paulo rexierymy resere. Tahe ixidee ròhòtinyre. Ka iny sòweyre fariseu mahãdu heka rare. Iyrejura tasÿ saduseu mahãdu rare. Tai tahe Paulo ryryre: –Waseriòre mahãdu, jiarÿ fariseu mahãduò rare. Waha, wylabieboho ibutumy fariseu roire. Rubu-ribi ixixana retyhynywãhãre. Tai tyhy tahe kia-ò, ywisidÿÿdu-ò wiji diwadyde.

⁷ Imy rahudi tahe fariseu mahãdu saduseu mahãdu-wana wiribi rihitxinyre.

⁸ Saduseu dori rubu-ribi ixixana rityhynyõhyymyhÿrenyre, tule ÿju, tyytyby-wana rityhynyõre. Fariseu mahãdu tahe, kia ibutumy rityhynymyhÿre.

⁹ Tai tahe sõwemy rajei jeimy rÿimyhÿ. Tahe fariseuõ rarybere Paulo õbitimy ratximyhÿ. Aõ teõsamy tai tuu arobirenyke kÿnyhe aõkõre. ÿjuõ õsana tamy rarybera ada tyytyby aõbo.

¹⁰ Tai ta tarurutyhymy ryryrenyre. Tai tahe soldado dinodu ruberure aõma Paulo riykaykaketxi roholare. Tai rarybere tamy: –Iribi bitake, idi boibenyke ixbyby soldado heto-ò.

¹¹ Rummy tahe Paulo weribi Inynyrÿ tamy narybede: –Brebuõmy aõ-di nohõtiõmyke ixi-di. Iwese kaki Jerusalẽ hãwã-ki wamy tarybete wesele heka Roma hãwã-ki wamy marybekre.

¹²⁻¹³ Tahe biurasõtxu he judeu mahãduõ wi dotyde Paulo rubudÿÿmy. Iny inatxiwa ituemy hãbu kia wese raryberenyre: Rikiroxirenyõtyhy bemy rikiõrenyõtyhy. Paulo rurukeki xiery ta rikiroxirenykre.

¹⁴ Tahe xiwe wedu mahãdu-ò tiiboho roirenyre. Judeu matuari mahãdu-ò tule kia ibutumy relyyrenyre iwese Paulo rubudÿÿmy ratxireri wese.

¹⁵ Tule tamyreny rarybere: –Kaiboho ixityre marybebenyke soldado dinodu-ò manakremy Paulo-di ywisidÿÿdu-ò. Tamy dÿÿraximy idi ratxireri tiiboho rõhõtinkyre. Tai tahe ry kana-ò rearaki tahe iji rikirubunykre. Kia judeu mahãdu xiwe wedu-ò rarybere.

¹⁶ Tahe Paulo seriõre woludu, ilana rubudÿÿmy rarybereõ roholare. Tahe ralore soldado heto-ò tahe tuu Pauloko relyykemy. Tahe relyyre.

¹⁷ Kia roholamy rahudi ta Paulo rariõwyre soldado dinodu tamy kanalokremy. Kiamy rarybere: –Ka weryry bidykre adinodutyhy-ò, aõma, ijyy-di ratxirerimy tamy relyykremy.

¹⁸ Tahe ridyre soldado dinodu tyhy-ò tahe rarybere: –Paulo kÿny ka weryry-di riwateõnyreri aõmybo ako relyykremy.

¹⁹ Tahe dinodu weryry axiõ iyre ribi rimyre, tahe iny-ribi rirenhyre rarybekemy: –Aõbo wexe wako belyykre, weryry. Tahe relyyre:

²⁰ –Wylana Paulo ridykremy judeu mahãdu adee rexitõenykremy ratxirenyre. Tiiboho adee raryberenykre: –Rikitÿÿraxinykre ijõ aõmydÿÿnana.

²¹ Uritere tamy boholaõkre, weryry rarybere, idyõmykre tamy. Hãwã mahãdu sõwere rexiwõmy rÿikre, iny inatxi wa itue hãbumy, wylana rubudÿÿmy. Tii ruruõkeki, riroxiõtyhy, bemy riõõtyhy. Kiawese ka hãbu mahãdu rarybemy ramyhÿre.

Ahana òsana inyõ rÿireri wylana ridykremy adee kedex-itòenykremy. Wylana òludu tahe ryijàti-ki rexiwòmny rÿireri.

²² Tai soldado dinodutyhy weryry-ò rarybere: —Uritere inyõ ierysyõmykre wadee tuu telyyteri.

²³ Tahe inatxi soldado dinodu rarariòwyre, tahe tamy rarybere soldado dinodu tyhy: —Aõma, 200 soldado widotykre inataõ òra txu dòhòny-ribi, ijõ 70 soldado awarutyre-ki, ijõ 200 soldado tõnori-di.

²⁴ Kia ibutu-wana Paulo bidybenykre awarutyre-ki Cesaria hãwã-ò. Biyrubunymy boibenyke Feli, kia bededinodu-ò.

²⁵ Tahe tyyriti riwinyre kia wese:

²⁶ —Jiarÿ Laujiu Lucio, warybe reritinyreri. Warybe wehityhyna rewahinyreri Feli-ò, Wanyrÿtyhy, bede dinodu-ò rewahinyre.

²⁷ Hãbuõ adee reteònyreri. Tii judeu mahãdu rimyre tahe rirubudÿÿmy riwisÿnyre. Tahe soldado reteònyre ritakremy rubu-ribi, tii Roma hãwã mahãdumy rareki.

²⁸ Redyra heka ywisidÿÿna mahãdu-ò. Aõherekibo rimyrenyremy arierykemy.

²⁹ Tabede ywina òrarukile teramy tamy reare, kia reerymy rawãhãre. Iny bede ywina òraru-ki aõ aõkõ tii riwinyre. Tai rurukemy aõkõ idi rewisÿnyre.

³⁰ Judeu mahãdu rarybemy ramyhÿre irubudÿÿmy. Kiamy raholareu tahe, adee reteònykemy resere. Tule irubudÿÿmy rõhõtynyra mahãdu adee rarybekemy reteònyre. Tiibohe aõbo raremy rarybekre. My kie warybe rewahinyre.

³¹ Idi tahe soldado mahãdu Paulo ridyre, iwese idinodu riteònyre wese. Rudile ridyre Atxipatxi hãwã-ò.

³² Tahe biurasòtxumy tahe tatilemy rare mahãdu ròsere soldado heto-ò. Ijõ soldado awarutyre ludu Paulo iridyre Sesaria-ò.

³³ Tahe rehemynyre Cesaria hãwã-ki. Rare he bede dinodu-ò. Paulo tamy riwahinyre tyyriti-wana.

³⁴ Kia tyyriti-di tii rariareu tahe, tamy ritÿÿraxinyre: —Tiribibo tate Paulo. Tahe Paulo dirawyònyde: —Jiarÿ, Silisia hãwã mahãdu rare.

³⁵ Tahe bede dinodu narybede: —Kaa hãbu mahãdu wii kodotykreu, kedehemynykreu, aroholakre inihe arybe-ò. Tahe iyubudÿÿ idi risÿnyre Herodi ywisidÿÿna heto-ò, Pretòriu ninadu-ò.

24

¹ Iruyre txu reare rexihudì tahe, Anania, xiwena wedu tyhy, judeu mahãdu matuari-wana rehemynyre, ywisidÿÿna mahãduõ-wana rehemynyre, moma, Tertuliu inire. Paulomy aõbinabinahãkÿ rybemy rareri bede dinodu-ò.

² Tahe Paulo didyde. Tertuliu rarybere Paulomy. Awiõmy rybe tahe ròhõnyre. Juhuu Feli-ò rarybere: –Kai Wanyrÿ tyhy, awihyymy heka atximahãte wadeereny. Tiiemy bede ywina inydee tewahinymahãte. Ibutumy iny bede hãwã hãwã-ki iny tewiõhenanymahãte.

³ Tai tahe omy reâlãtyhymy he watxiwãhãre. Urihimyõle adee Paulo aõmydÿÿnanamy ararybekre.

⁴ Txioi inihe làhà, boholabeny.

⁵ Tiiemy jei jeihyy ratximyhÿre Paulo òraru-ki. Tiiemy judeu mahãdu, my heka rarybehyy ratximyhÿre. Tii Nazare hãwã dohodÿÿna mahãduõ rare, kia weduõ rare. Tii Jesuisi rityhynyre.

⁶⁻⁷ Aõkõre, iny Deuxu dohodÿÿna heto ribinadÿÿnyre, brebuna rÿirerimy ihÿre Paulo òraru-ki. Remyrenyre tahe, ywisidÿÿmy watxiwãhãre iny bede ywinareny rarybere wesemy. Tahe aõkõre, Lisiu soldado dinodu tyhy ritare iny-ribi wotõmona-di.

⁸ Tahe inydee rarybere: –Boibenykre Feli-ò. Tii adee roholakre. Kia tahe Lisiu rarybere. Tahe jiarÿ tule rarybere. Boibenyke Paulo dÿÿraximy kia inatyhy aõbo ada aõkõre aõbo. Tertuliu kia ibutumy rarybere.

⁹ Ijõ judeu mahãduõ rarybere: –Kia inatyhy ibutumy inatyhyle ratxireri, aõmybo Tertuliu raryberemy.

¹⁰⁻¹¹ Tahe bede dinodu Paulo-ò riteòsinyre rÿikemy, rarybekemy. Paulo tahe tamy rarybere: –Wanyrÿ bede dinodu tyhy, sõwe beõra aõmydÿÿnana-di ywisidÿÿna-di atximahãte. Jiarÿ kia reeryre. Tai reysawãhãre adee ararybekremy. Waõ inatxi reurõtsumy heka Jerusalẽ-ò adehemynyde. Iny-ò bitÿÿraxinykeki, wylemy ka bieryke inatyhy raremy. Jiarÿ Deuxu dohodÿÿna heto-ò rehemynyre Deuxu reâlãkemy.

¹² Tiu heka jei jei rewinyõhywãhãre dohodÿÿnaõ-ki aõkõ, hãwã-ki aõkõ.

¹³ Aõmybo wamy rarybemy rÿireri heka, aõ inatyhy aõkõ.

¹⁴ Sohoji aõmydÿÿnanamy tahe akoreny arelyykre, inatyhy rare. Retyhynywãhãre heka aõbo Jesuisi rierynanymyhÿremy. Tiiboho watyhydÿÿna rininirenyre dohodÿÿna mahãdu iwitxira. Kia hãbu rityhynymyhÿre wesele jiarÿ tule Deuxu inytyby retyhynymyhÿre. Ibutumy bede ywina tyyriti-ki riritinymy rÿimyhÿremy retyhynywãhãre.

¹⁵ Iny, òrarudu mahãdu, ityhydÿÿdu mahãdu kedeixixakremy rubu-ribi. Kia retyhynywãhãre.

¹⁶ Tiu ibutumy òbiti widÿÿmy raruwãhãre. Deuxu-txi tule ibutu hãbu rue-ki.

¹⁷ Jerusalẽ-ribi rarewãhãu, tiwese beõra rewyre tahe ixyby dòòsede Jerusalẽ-ò aõkõ mahãdu wahidÿÿna wesemy ari-

wahinykremy xiwena wese Deuxu-ò.

¹⁸ Deuxu dohodÿÿna heto-ki watxiwãhã, òbitimy rãire, ibutu bede ywina reywinymy rawãhãre. Tahe waxiwenadi waòludu wamy robire. Iny sòwemy weroramy watxiwãhã. Rybe jei jei rarybeòhyyre. Tahe Asia bede judeu mahãdu tai rÿimyhÿ. Tiibohole rybe jei jei riwinymyhÿrenyre.

¹⁹ Wamy aõmydÿÿnana rarybekremy ijòdikeki, rokoholakre. Kaki aõkò ratximyhÿrenyre.

²⁰ Aõbo waki teòsamy rahare ywisidÿÿna mahãdu-ko rãireu, tamy rokoholakre.

²¹ Sohoji aõmydÿÿnanalemy rarybere teòsamy. Kiamy rarybere: –Retyhynyre rubu ixby kedexixakre. Tai ywisidÿÿna mahãduko-ki watxiwãhã.

²² Feli bede dinodu rierymy ratxireri aõmybo ityhydÿÿdu mahãdu rityhynyre. Tai rarybere judeu mahãdu-ò: –Lisiu, aõma, soldado dinodu tyhy rehemynyreu, bede rikierydÿÿnanykre.

²³ Tahe Paulo ròtena heto wese-ò ratximyhÿreki, riòsedÿÿnyre. Ta rarybere he soldado dinoduò-ò: –Ywimy idi ratximyhÿkemy. Tule rarybere: –Iò ixinamy terina mahãdu iroramy kanakre. Ixinamy uriònomy tamy kidiwahinykre awityhy roimyhÿkemy.

²⁴ Iribi nade Feli tahãwyy-wana Drusila. Ihãwyy heka judeu mahãduò rare. Riteònyre Paulo-ò tamy kanakremy, tamy kanarybekremy. Paulo rarybere tamy: –Jesuisi Kristu kia tyhydÿÿnamy. Tii òbiti-di iny ròhòtinkyemy tule ywisidÿÿna txumy Deuxu kanakremy ritÿÿnyre.

²⁵ Tahe Feli ruberure. Makre, tamy rarybere, aõwaxiny tiubo wabededÿÿnana-di my kÿnyikreu, ixby adee ararãriòwykre.

²⁶ Tule Feli ijò nieru Paulo-ribi ritakemy ratxireri, tai rarariòwyre ijòtxu ijòtxu tii-wana rarybekremy.

²⁷ Inatxi beòramy bede idi rÿire. Iwixira bede dinodu ralore Feli deròwy. Porsiu Festu inire. Feli tahe judeu mahãdu tuure tamyreny aõò riwinykemy ratxireri tahe Paulo ririre ròtenawo-ki.

25

¹ Cesaria hãwã-ki bede dinodu tÿmyraò ronyre. Festu inire. Inataò txu-di tahe iribi ròhònyre Jerusalẽ-ò rakemy.

² Tahe xiwe dinoduò, judeu mahãdu dinoduò tamy rarybere Paulo aõmydÿÿnanamy.

³ Tamy rexitòenyre Paulo-di wylemy kanakremy. Kiamy heka rexinohòtidÿÿnyre ryrowetya-ki rirubunyrenykremy.

⁴ Aõkõre, Paulo ratxirekre Sesaria-ki, Festu rarybere, jiarÿ tahe aròðekre ele elemy kowa-ò. Kaiboho adinodu mahãdu wadi roikre kowa-ò. Rokoholarenykremy ywisidÿÿna-ò.

⁵ Tule kaiboho aõrybedikeki, Paulomy, kowa-ò rarybekremy.

⁶ Iribi tahe debòwiò txu òsÿny txu idi rÿidi tahe ixby Festu dòðsede Cesaria-ò. Irootxu tahe Paulo ywisidÿÿna ròhònyre. Tahe Paulo ridykemy riteònyre ywisidÿÿna butuna-ò.

⁷ Tahe judeu ywisidÿÿna mahãdu heka sòwemy tuu aõbina binahakÿmy Paulomy rarybemyhÿre, Jerusalẽ-ribi rehemynyreu. Aõ inatyhymy aõkõ.

⁸ Paulo tahe rexitxiònyre: —Jiarÿ kÿny kia-di aõkõ watxiwãhãre. Tii rarybere: —Tiu heka judeu mahãdu bedede ywina ratyre aõna aõnamy ratÿÿkõre. Tiu heka Deuxu dohodÿÿna hetomy rewinyòwãhãre, tiu Roma dinodu bedede ywina ratyre aõhe ratÿÿnyòwãhãre.

⁹ Idi tahe Festu rÿÿraxire Paulo-ò: —Kawexe texiywinymy atxiteri Jerusalẽ-ò makremy. Kowa ywisidÿÿna ariwinykemy adee roholakremy. Kiamy Festu rarybere aõwiihikÿmy riwinykemy ratxireri judeu mahãdu dee.

¹⁰ Tahe Paulo rirawyònyre: —Aõkõre, arakre he Iòlò tyhyòhòkÿle arehemynykre. Tii wadee roholakre. —Jiarÿ dori ixiywinyhytamy arakre. Kai teeryte jiarÿ aõkõ tudÿÿduramy.

¹¹ Aõma aõbo waki binamy relera-wana heka arurukre. Aõkõkeki tahe aõbo awihykyle rewinyre-wana heka timy inihe warubudÿÿòmy. Iòlò tyhyle wadee roholakemy he ixide rahòtinyreri.

¹² Festu tawiòhedÿÿdu-ò rarybere. Idi ta dirawyònyde: —Awire, iòlò tyhy-ò atxiteri urenana kÿnyhe aõwaxiny makre.

¹³ Iribi tahe aõutxumy tahe iòlò Agripa dehemynyde, Benise tariòrese-wana. Festu roramy rareri.

¹⁴ Tahe tii-wana rarybemyhÿre aõutxu, Festu-wana. Idi tahe Paulo aõmydÿÿnanamy iòlò-ò rarybere: —Ròtenawoluduò roireri ròtenawo-ki. Tai he Feli ririre jiarÿ iaõmydÿÿnana arierykremy.

¹⁵ Aõma Jerusalẽ-ki watxiwãhãu, dohodÿÿna wedu mahãduò wadee heka rarybere: —Tii arirubunyky heka wadee rityhenymyhÿre. Judeu mahãdu matuariò tule kia rarybere.

¹⁶ Tahe tamy jiarÿ rarybere: —Aõkõre, aõma Roma mahãdu kia bedede ywina dori tuu aõkõ roimyhÿre. Juhu heka rakre ywisidÿÿna-ò tahe relyykre heka iximy, taòludu mahãduko-ki.

¹⁷ Kaò juhu ditehemynydenyde, tamy rarybere. Ijò txu he reyruubunyre ywisidÿÿna-ò roholakremy tahe Paulo ridykemy aditeònyde.

¹⁸ Tahe aõmybo tamy rarybere heka, iwese rahòtinyre wese aõkõ tii riwinyre.

19 Aõbo ityhynareki heka tuheka rÿire. Inyõ heka tii rarybemyhÿre Jesuisi rurulemy. Tahe Paulo rarybemyhÿre irulemy ihÿre. Tai kÿnyhe rimymy ramyhÿre. Rirõtenymyhÿre.

20 Tai tahe tiiemy rahõtinyre: Timy taheka aõhe arotÿÿnykre ka aõmydÿÿnana-di. Paulo-õ retÿÿraxire aõma Jerusalẽ-õ aõbo rakemy ywisidÿÿna-õ.

21 Tahe Paulo rarybere: —Iòlòòle rakremy aõbo. Tii wamy roholakeki, teòdu waòrysomy ariraokre. Tai tahe ròtena-õ ixybyle rerutyre.

22 Tahe iòlò Agripa rarybere: —Jiarÿ aroholakre inihe kia hãbumy. Tahe Festu dirawyònyde: —Biurasòmymy tamy bodoholakre.

23 Idi tahe itxu biòwamy dehemynyde, iòlò, Benise-wana, ywisidÿÿna heto-ò. Ibutumy he iny ralore, soldado wedu mahãdu, iny ityhymy rÿira mahãdu, ibutumy raloralore. Tai tahe Festu Paulo didyde. Tahe rarybere:

24 —Iòlò Agripa, ibutumy ka wadee ijohonadu-wana, ka hãbu heka ibutumy iny he irubudÿÿmy he idi rÿireri, judeu mahãdu kaki tule Jerusalẽ mahãdu.

25 Jiarÿ rahõtinyreri aõ heka riwinyõhyre tai rurukre wahe. Tai iòlòtyhy-ò rakremy heka ratxireri. Ariteònykre nomy dori tii ratxireri.

26 Aõbo tamy ariritinykre. Aõ heka waritidÿÿkõnare. Aõ dori riwinykõre. Tai redyreri adee iòlò Agripa. Tamy juhu boholakre. Iribi tahe wadee manarybekre aõbo ariritinykremy.

27 Timy kÿny wateòdÿÿkõna uritere òhynaòhòkÿle Iòlòtyhy-ò ariteònyòtyhy.

26

1 Tahe Agripa Paulo-ò rarybere: —Aõwaxiny belyykre ai-jyymy. Paulo he tebò riukore he rarybekremy.

2 Wadeysamy he watxireri, Iòlò Agripa. Jiarÿ dori iximy arelyykre ako.

3 Tule kai dori ibutu judeu bede ywina teeryte. Ibutu lahi rybe teeryte. Bodoholakre inihe wadee, ywina-di.

4 Tiiemy uladule aratyyritinyde aõma judeu òbitina-di.

5 Judeu mahãdu kia rieryre. Txu rexidelenyre juhu judeu mahãduy-ki, idi tahe Jerusalẽ-ki ratyyritinyre. Jiarÿ fariseu mahãduõ òbiti jiarÿ rare.

6 Kia rybe òraru-ki wiji ywisidÿÿna-ki rãire. Jiarÿ dori retyhynywãhãre aõbo Deuxu inytyby-ò rarybere.

7 Jiarÿ Deuxu rybe òlòna reraòwãhãre. Tule judeu ijoji riraòmyhÿre, waòinatxi reurò ijoji mahãdu. Tiibocho Deuxumy reallãmy raremyhÿ, rummy, txummy. Iòlò Agripa, kia raròsòna òraru-ki judeu mahãdu wadee aõbina binamy rarybemyhÿre.

⁸ Rubu-ribi ixixana jiarÿ retyhynymyhÿre. Araÿraxikre iòlò. Kia aõbohe wadeòsana raremy kaiboho tahòtinytenytere. Deuxu heka ixyby iny kidiòkesedÿÿnykre taumy tuedeòna-ò.

⁹ Jiarÿ heka juhoo awimy heka aõbina binahakÿ widÿÿ dee rahòtinyre, Jesuisi Nazare hãwã ludu dee.

¹⁰ Sõwemy ityhydÿÿdu mahãdu reròtenyre ròtenawo-ò Jerusalê-ki. Dohodÿÿna heto wedu rewawidòhenanyre tyyriti riwahinyreki. Kia irubudÿÿmy wi risÿnyrenyreu, jiarÿ rarybere: —Awire heka birubunybenyke.

¹¹ Jiarÿ heka ityhydÿÿdu mahãdu aõhòkÿmy rotÿÿnykemy wi resÿnyre bede bede-ki. Aõbinabinahãkÿlemy ityhydÿÿdu rerybedÿÿnywãhãre. Jiarÿ aõnime reburemy rawãhãre. Resÿbinanyre tahe tii rahenyre irehetyhytyhy-ò iwitxira hãwã-ò.

¹² Rare heka Damasu hãwã-ò ityhydÿÿdu òrysomy. Jiarÿ tyyritidi rare, dohodÿÿna wedu ritina-di. Tule ibede ywina-di rare.

¹³ Tahe Damasu iòhòmy rareu, loosònaõ diwatoosònyde, txu loosòna ratyre ihÿre.

¹⁴ Jiarÿboho rejuxunyrenyre tahe raholare rybeò-ò judeu mahãdu rybe-di rarybereri: —Salu, Salu, aõhereki wexe aõbina binahakÿ tadiwinymahãte wadee wimy aõkõ. Aõbina binahakÿle ixidee tadiwinymyhÿte.

¹⁵ Jiarÿ rarybere: —Mowe, Wanyrÿ tate. Tahe dirawyònyde: —Jiarÿ wa, Jesuisi rare. Wadi aõbina bina tewisÿnyte.

¹⁶ Katahe myikre. Adee rehemynyreri, aratara ixidee, wadeòdumy mabekremy. Warybeduõ mabekre. Ibutumy wamy belymy mabekre aõhebo adee wiji rotÿÿnyreri. Iribi tasÿ ixityre adee adehemynykre. Tule kia-di marybekre.

¹⁷ Ibutumy asÿ-wana arayrubunykre. Tai ta judeu mahãdu-ò arateònykremy watxireri, judeu mahãdu-ò tule.

¹⁸ Iwese iny rueta-di rÿira wese tii ihÿre. Kai tamy bitÿnynykre Deuxu aõmydÿÿnana. Tai biruejuakre, rierykremy. Biòbitinykre tamyreny òrarudu roire aõma ixi-txi tòhòti reakremy loosòna-ki rariakremy, Satanasi bedelorohokÿ-ki aõkõ, kia ryki aõkõ rariakremy. Deuxu uri bede ywina rimymyhÿkre ixidee. Ibutu bede bedemy rÿira waijoimykre. Tyramy taòraru-ribi rÿira, ritamy rÿira, riwatyhynymy rÿira.

¹⁹⁻²⁰ Tai, Iòlò Agripa, iwese warasina-ki riwateònyre wese, retyhynyhyre. Juhoo Damasu hãwã-ki jiarÿ ròhãletere, iribi Jerusalê-ò, tule Judeia bede-ki, ibutu judeukòdu mahãdu-ò ròhãletere. Tamy rarybere taòraru ririkemy Deuxu dee kòdòòsekemy. Ixi-txi tòhòti reakremy inatyhymy aõna aõna wiwihikÿ riwinykemy Deuxu dee.

21 Tai judeu mahãdu riwamyre Deuxu dohodÿÿna heto-ki, warubudÿÿmy rõhõtinyre.

22 Deuxu tahe wawiõhedÿÿdu ratximyhÿre. Tai he rãire wiji ibutu-ò ararybekemy watxiwãhãre, aõma aõbo Deuxu rybedu mahãdu iwese Moisesi rarybere wese tamyreny rarybewãhãre kia ibutumy kanakremy. Kia sohojilemy rarybewãhãre.

23 Juhutyhy rarybere: —Kristu, rurukremy iribi tahe kedexiakremy rybe loosõna kidiwykremy judeu mahãdu-ò, tule judeukõdu mahãdu-ò.

24 Tahe Paulo iximy rarybereu, Festu ryryre: —Paulo, kai wa itxÿtere. Aõnityhymy tatyritinymahãte. Tai arayky tebinanyta.

25 Tahe Paulo rirawyõnyre: —Aõkõre wa, wanyrÿ Festu, bededinodu tyhy. Jiarÿ itxÿte aõkõre. Inatyhyrybemy rarybewãhãre. Warybe awi heka rare.

26 Tule Iòlò Agripa rieryre ibutumy tuu tamy rarybere. Aõ wasina aõkõ rarybere. Iòlò Agripa.

27 Aõbo Deuxu rybedu mahãdu riritinyre aõbo, kai tetyhynymahãte. Reeryre jiarÿ, kai tetyhynymahãte.

28 Tahe Agripa riixãwididÿÿnyre rybe-ribi: —Kai, aõbo, Paulo, aõwesele ityhydÿÿdumy aronykemy wadi tahõtinyte, wadee tarybeteki.

29 Paulo rirawyõnyre: —Kohe, wadee awire, kai tulekemy. Ibutumy kaki wawesekemy adi rahõtinyre. Kai tule warybe sõwemy aõbo ada aõkõre aõbo Deuxu bityhynybenykemy watxiwãhãre tule wajihonana-wana. Aõna sohojidile taanamy aõkõ watxireri, wawomati reroti-di taanamy atxiteri.

30 Idi tahe bede dinodu, iòlò, Benise, ibutumy he rÿire ròirenyre.

31 Widee reny wiwesele rõhõtinyreny. Ka hãbu timyhe rubudÿÿona he ròtena-ki irutysyõna he, tii dori aõhe rotÿÿnyõtyhy aõna aõnamy.

32 Tahe Agripa Festu-ò rarybere: —Rikiteõnyrenyke idi watxireri, tahe tii inihe iòlòtyhyle rarybekemy ixidi ratxireri. Tai kÿnyhe, txiõnihe, aõkõre.

27

1 Tahe rexiywinymy rexihurenyre Italia bede-ò, Roma hãwã-ò aroirenykremy hãwò-di. Tahe ròtenayrubudÿÿduõ tii-wana rakre, irubudÿÿdu renymy. Julio inire. Tii iòlò yrubudÿÿdu mahãdu dinoduõ rare. Ridyreny Paulo ròtena woludu mahãdu-wana. Jiarÿ, Luka tule ihemy rare.

2 Tahe rerõnyre yhywydyna lawò-ò. Adrÿmitxiludu tahe kia lawò rare. Tule hãbuõ wawana rare. Aristarku inire. Tii

Macedonia bede luduõ rare. Tesalonia ihãwã rare. Tahe hãwò rexiyhynyrenyre adòikemy Asia bede-ò. Tahe ròirenyre. Ijõtxu biòwa Sidoma beàbeà-ò rehemynyre.

³ Paulo taery mahãdu roramy rakemy ratximyhÿre. Tahe Julio Paulo-di itxeredu ririra. Tai tahe Julio awi heka rare Paulo dee. Julio Paulo riywiywinymy idi ratxirerimy ihÿre. Julio Paulo riteònyre titxibo rakelemy. Paulo ery mahãdu aõna aõna tamy riwahynyre.

⁴⁻⁵ Tahe iribi ròhònyrenyre. Xibri bedebute roosibymy ralore yhy dori tiribi tiribi reamyhÿreki. Tahe iribi riòlònyre. Tahe Silisia bede-ribi riòlònyre, tule Panfilia bede-ribi ijõ bede-ò reronyre. Tahe Miha hãwã-ò ritehemynyre Lisia bede-ki.

⁶ Tai soldado dinodu hãwò nihikÿ riijemyhÿu, ihe-ki roikemy, tahe ijõ-ki rahare Alexÿdria luduõ-ò. Hãwò tahe rexiywinymyhÿre rakremy Italia bede-ò. Tahe wadeereny rarybere: –Borukubenyke yhywydyna lawòro-ò. Tahe ixityre roirenyre.

⁷ Sõwemy heka txuu wadireny rÿire. Urihimyòle rexihewiãhãrenyre. Isirare heka Kinidu hãwã-ò dehemynysÿ. Ihãrele tahe retehemynyre Samona hãwã mynatyhyle raròrenyre. Iribi Kreta bedebute roosibymy ralore yhydori tiribi tiribi reamyhÿreki.

⁸ Tahe ywimy suò iòlò iòlò adoiwãhãdenyde ihyy tahe retehemynyre Rywihikÿmy ninadu-ò. Kia heka Laseia hãwã-ribi iòhòre.

⁹ Sõwetyhymy txuu wadireny rÿire yhynihikÿ bina òraru-ki. Inarehe lisina txu-ribi ròhònyre. Tai tahe bededÿÿnana ibutumy roimyhÿre. Tai brebunamy bede roimyhÿre.

¹⁰ Paulo tahe tamyreny rarybere: –Wanyrÿboho, ka tÿina isiratyhykre inydeereny. Inynonanareny iòhãrure aõna aõna ibutumy inyribireny ituekre, hãwò rabohokre ada ijõ aõbo rikururenkyre.

¹¹ Tahe soldado dinodu Paulo rybe rityhynyòhyyre. Yhylawò wedu tòruludu-wana tii rityhynyre.

¹² Yhylawò wedu, tòruludu-wana iwitxiramy ròhòtinymyhÿre, beòra tai riekòkemy beà dori ibinareki. Ijõ tule tahe roirenykemy ixide ihÿrenyre rehemynykemy Fenisia beà-ò. Kia heka Kreta bedebute beàõ rare. Biuweribitya-txi ròròmehÿre, tai awire kia beà, beòra bede riwykemy.

¹³ Ijõ rarybere: –Rikoirenyke, yhy dori rebonyreri, tamy rekehemynyrenykemy. Tahe womatisana riukore. Roirenyre yhy-di. Tahe iòhòmÿ Kreta bedebute rotÿÿnyra.

¹⁴ Aõwesele heka yhy nihikÿ dehemynyde bedebrò-ribi. Kia yhy nihikÿ iraro bedebrò ludu inire.

15 Ka yhy nihikÿ taruru-di riwyre hãwò nihikÿ. Juhu yhynonana weribi-ò riwisÿnyre. Idi iwo rexieryre ixinamy riwyre yhyòkesena-ò.

16 Tahe rehemyhÿre Lauda bedebute-ò iroosibymy tahe ralore. Tai hãwò nihikÿwo-ki hãwòriòre riwyre.

17 Idi tahe røhøtinyre hãwò nihikÿ rabøhøke-txi roholarenyre, tai tahe ritaarenyre iwetya-txi. Tahe ruberurenyre, Libiamy ninadu beølau, tahe weløhøkÿ ritare iribi rexitarenykemy.

18 Ijøtxu roirenyre yhynihikÿ tamy realemy iu, tai tahe aõna aõna-di rehure ibutemy rawetarikemy.

19 Tasÿ txuø idireny reare. Idi rehurenyre aõmybo rekoakømyhÿrenyredi rawetarityhykemy.

20 Txu søwemy rewyrenyre txumy, tainamy ribi renyøhyyre. Yhynihikÿ reamyhÿ. Tai søwemy ruberumy rÿimyhÿ rubu lau.

21 Søwemy heka bededÿÿnana riwyre roxiøhy. Tahe Paulo iyreny-ki rÿire, tahe tamyreny rarybere: –Wanyrÿboho, warybe-ò taholaøhytentyte Kreta-ribi røhønyrenyreu. Arato-honyrenyre iribi inyboho kodoikøkemy. Boholabenybe-wana ta inihe aõna itueøhyyre.

22 Ihãrele tahe deysana-di adeereny ararybekre. Inyø ru-ruøtyhy, hãwò nihikÿ sohojile rabohokre.

23 Jiarÿ dori Deuxu deødu rare. Kaurumy dori Deuxu ÿju wadee nade.

24 Tahe rarybere: –Paulo, brebuømy. Kai iøløko-ò makre. Deuxu dori ruxetøena kidiwahinykre. Tiu heka aruburenyøna aijoi-wana.

25 Tahe wanyrÿboho, brebuømyreny. Jiarÿ dori Deuxu retyhynyre, iwese wadee rarybere wese, rarekre.

26 Urile tahe inyboho kiditehemynydenykre bedebuteø-ò. Kia tahe Paulo rarybere.

27 Waøinaubiøwa rummy beronihikÿ tya-ki bede riijemy roiremyhÿ. Adria beronihikÿ-ki roirenyreu, tahe rutya-txi hãwò nihikÿ aõna hydÿÿdu su iøhømy roholarenyre.

28 Tahe beø urihixina-di riurihire, wawiø dera urihixinamy beø riurihire. Idi iko-txi ixityre riurihire tai waiyre dera urihixinamy rimyre.

29 Tahe rahøtinyrenyre manale tai roimyhÿremy. Tai tahe manatisana-di inaubiøwa løru ludu-ribi rehurenyre. Iribi rexitøenyre wylemy txuu kanatÿnykemy.

30 Hãwò aõna hydÿÿdu mahãdu hãwò riøre riwesere bera-ò. Idi risÿnyre ijø manatisana ritidikremy hãwò jura-ribi. Urile tahe rahenykremy røhøtinyre.

31 Paulo tahe rierymyhÿ tahe soldado wedu-ò rarybere: –Soldado mahãdu tule roholare:

32 —Hãwò aõnahydÿÿdu mahãdu hãwò nihikÿkÿro-ki rariõrenykeki, kaiboho atuerenyke. Tai tahe soldado hãwò riõre reroti riàrore tahe resere bera-txi rahenyre.

33 Txuu iòhòmy natÿnyde, tahe Paulo tamy rarybere: —Wiji waò inaubiòwa txumy kaiboho teraòtenyde tabyretenyõhy.

34 Ijõ birÿsÿbenyke, arurureny rexiòlònykemy, kaibohoõ dori burubenyòtyhy. Aradeti sohojiõ tiu iõõtyhy.

35 Rarybemy rahudi tahe, paõ sohoji Paulo rimyre. Ibutura-ò Deuxumy reàlàre. Idi tahe paõ riorore, riyre.

36 Ijõ reny reysarenyre, taita tule riyrenyre.

37 Tahe 276 iny hãworo-ki roirenyre.

38 Tahe ibutumy iwo rihyrenyre tahe maixõmo wesena-di rehurenyre hãwò nihikÿ rawetarinykemy.

39 Bede ratÿnyreu, inyõ rieryõhyre titxiribibo nade. Tuu robirenyre iworywo-ki ÿnyra tai roimyhÿremy tahe inyõ rieryõlemyhÿre. Widee raryberenyre: —Rikirònyrenyke hãwò-di iwo-txi.

40-41 Tahe manatisana riukòrenyre tahe welò riderenyra hãwojura-ò iraròsòna riesere. Tahe ritelenyre ralòkemy. Urile esetere tiò tiòle hãwò ridymhÿ beõ òhòkÿle idi rehure ro-rokòðhòkÿle, rimyre taile òbò hãwòlòru ribohonyre.

42 Soldado mahãdu rõhõtinyre ròtena mahãdu rahenyketxi. Tai rirubunykemy rõhõtinyre bede-ò robunykemy lau.

43 Soldado wedu tahe Paulo ritòenyre rubu lau, tai tahe riteònyre rirubunyõhyre: —Tibo alobuerye, juhUU suò rakemy, soldado wedu kia rarybere.

44 Tibo alobueryõke tahe òwòru àre hãwò-ribi rimymy idi rakre. Kiamy heka ibutumy retehemynyre su-ò, inyõ ruruõhyre.

28

1 Tai tahe taisÿdu mahãdu-txi rekoare. Tii bedebutenimy inydee relyyre. Malta heka inire.

2 Biu riwasebenyrenyre yhyjutyty riwasarenyre. Tai tahe tiiboho heòty riworneyrenyre wahetònarenymy. Tiiboho riwawisinanyrenyre awimy wadireny roiremyhÿ.

3 Paulo hee ributunyre heòtyworonamy. Idi rehureu, hemy-lala he wo-ribi heòty lau ròhònyre, tai ruruare Paulo debò-ki.

4 Tusÿdu mahãdu tuu robire tahe rarybere: —Ka hãbu rubudÿÿdu òsÿny rare. Tii heka ruruõre bera-ò, ka tahe kidiòwynykre inyõ òsÿny rirubunyreki wahe, rurukre heka.

5 Paulo tahe hemylala tebò-ribi riatyre heòtyru-txi. Ta aõhòkÿmy rotÿÿnyõhyre.

6 Tahe imahãdu idi retehemy rÿimyhÿ tarubulemy resekeò, ada tebò ratarinybohokeò aõbo. Sõwemy riraòre, aõhebo

rotÿÿnyke, tahe aõkõhyre. Tai tahe iwitxiramy rõhõtynyrenyre: —Tii deuxuõle õsÿny ratxireri. Tiiboho raryberenyre kia.

7-8 Hetoõ tai iòhòmÿ rÿire, Publio iwedure. Tii heka ityhy rare iwedu rare kabedebute-ki, tii bededòtidÿÿna rare. Tai taheto-ò riwadyrenyre. Awihyyle wadireny raremyhÿ. Publio tyby tahe rubunamy rurumyhy. Busu-di ratximyhy. Tai tahe Paulo iroramy rare. Tebò ityre ritidire, rexitòenyre, tahe riteytenyre.

9 Tai tahe ibutumy bedebute ludu webinadu Paulo dee wii rotyre. Ibutumy reyterenyre.

10 Tai tahe uriiõno inydeereny riwahinyre aõna aõna. Sõwemy rÿsÿna hãworo-ò rahyre inydeereny. Kia hãwò beõra bede kia beà-ki riwyre.

11 Txuòkuro hãwò ni rare. Kia ni ihiju rare. Ideuxu ritxoo inatxi rare. Hãwò Alexÿdria hãwã ludu rare. Tahe rahònyrenyre. Inataõ ahãdumy bede wadireny rÿidi.

12 Sirausa hãwã-ò retehemynyre. Tai tahe inataõ txumy wadireny rÿire.

13 Iribi tahe Rejio hãwãmy rekoarenyre. Ijõtÿu tahe Pozuli-ò reolònyre. Inatxi txu-di retehemynyre yhy ibòò-ribi debonydeki.

14 Tai seriðreõ ratximyhy. Tiiboho rexitòenyrenyre tii-wana ratxikemy debòinatxi reurò txumy. Kiamy heka Roma hãwã-ò roirenyre.

15 Roma ityhydÿÿdu mahãdu roholare jiarÿboho retehemynyrimy. Tai tahe doidenyde Apio hãwã ube-ò. Tule aõ-di ijohona Heto Inataõ hãwã-ò doidenyde. Paulo tiiboho robireu, Deuxu reàlãmhyhy, reysamyhyre.

16 Tahe Roma hãwã-ki Paulo ixideewimy rasÿnyre. Urile soldadoõ aõu aõu tii-wana ratximyhy.

17 Inataõ txumy bede idi rÿidi, Paulo ributunyre judeu mahãdu dinodu. Wii ributunyreu, tamyreny rarybere: —Wanyrÿboho, waseriðreboho, jiarÿ aõ rewinykõre waijoi Judeu mahãdu dee. Tule lahirybe õnosõna ratyre aõ rewinyõhyre. Ihãre judeu dinodu riwamyre. Tahe diwahinyde Roma dinodu mahãdu-ò.

18 Tiiboho heka riwatÿÿraxinyre ibutumy. aõ heka waki ibinamy rahaõhyre. Tai tahe riwateònyrenykemy ratxirenyreri.

19 Waijoi tahe Judeu ijoi heka waòludureri. Tai tahe Iolò-ò jiarÿ rarybere arakemy. Aõ dori waijoi dee waòraruõre.

20 Tai heka arabutunynyrenyre, warybe-ò boholabenykemy, wadi retehekemy womati reroti-di riwataataara. Judeu mahãdu raròsõna õraru-ki kawesemy watxireri.

21 Tahe judeu dinodu mahãdu rirawyònyre: –Aðkõre, inyõ rehemynyõre Judeia bede-ribi. Ijybinamy umy relyyõre. Inyseriõre mahãduõ kaò dehemynyõde.

22 Aroholarenykemy timybo tahõtynmahãte-ò. Ityhydÿÿdu mahãdumy dori ibutumy aõbinahakÿlemy rarybereri. Kia judeu mahãdu dinodu raryberenyre.

23 Tahe riywinyre itxu Paulo rybe-ò ijohonamy. Idi tahe Paulo heto-ò sõwemy iny doidenyde tamy roholakemy. Tii Deuxu ijy ritÿnynyre ruidu rexidelenyde, txioromy rexihure Moisesi Tyyriti ritÿnynyre tule ijõ rybedu Tyyriti-di ritÿnynyre, iwese Jesuisi Iòlòtyhy kanatxikre wese kabede-ki. Kia Jesuisi aõmydÿÿnanamy ritÿnynyre.

24 Ijõ roholare aõmybo Paulo rarybereò, Jesuisi rityhynyrenyde. Ijõ tahe aðkõre, rityhynyõre.

25 Ijõ teramy reare. Rÿire, ròhònykremy. Tahe Paulo tamyreny rarybere: –Deuxu Tyytybytyhy booreny dee rarybere Isaia tyyriti-ki. Awimy rare. Kawese roire:

26-27 –Makre tamy marybekre: –Boholabenyke, ta tiu aerysyrenyõna. Betehekre arue-dí, ihãre tahe aerysyrenyõna. Iruereny, iraykyreny, tõiõtirenny ritòbònymahãrenyde. Tai tiu tiiboho robirenyõtyhy, rieryrenyõtyhy, roholarenyõtyhy. Tai diwatyhynyõhyymhÿde. Tai heka iòraru-ribi ariteytenyõkre.

28 Bierymy boibeke Deuxu tarasana judeukõdu mahãdu-ò rare. Tiiboho dori roholarenykre.

29 Paulo tarybe rahudi tahe, judeu mahãdu ròhònyrenny sõwemy widee rarybemyhÿrenyde.

30 Roma hãwã-ki Paulo rasÿnyre inatxi beòramy tahetohuòtenawo-ki. Ibutumy heka dÿÿraximy iheto-ò rehemynyrenyde, Paulo ridyre tamy rarybekremy.

31 Deuxu Iòlònamy Paulo iruru-di relyhyymhÿre. Inynyry Jesuisi Kristu aõna aõnamy rierynanymhÿre. Tiu inyõ aõhòkÿmy risÿnyõmyhÿre Paulo rybe xãwikemy.

Roma Paulo Ryberiti Roma mahãdu-ò

¹ Paulo jiarỹ rare, tyyritiwidỹĩdure wahe. Jiarỹ heka Jesuisi Kristu deòdu rare. Tii riwatare rybe tỹnydỹĩdumy ararekremy. Deuxu Rybewihikỹ wahidỹĩdumy ararekremy.

² Juhuu dori Deuxu rarybere Rybewihikỹ riwahinykemy. Deuxu rybedu mahãdu kia rybe riritinyre, Ritidỹĩnatyhy-ki.

³ Kiamy heka Deuxu Riòre rybe tyhydỹĩnamy rarybere, Davi riòre riòkòreõ wahe.

⁴ Deuxu Jesuisi Kristu rubu-ribi riixixadỹĩnyreu, tariòremy tahe riteòsinyre rurunatyhy-di. Jesuisi tahe inatyhymy Inynyryĩ ihỹre.

⁵ Tii ruxetòena inydeereny riwahinyre. Irybe òraru-ki, jiarỹboho aròirenykemy watzireri. Ityhyna aritỹnynykemy judeukòdu mahãdu-ò, tai tiiboho rityhynyrenykre.

⁶ Kaiboho tule judeukòdu mahãdu atxitenyteri. Tahe Deuxu ityhydỹĩna mahãdu atxitenyteri, Jesuisi Kristu ijoimy rỹirakemy adeereny rarybereki.

⁷ Ibutumy adeereny warybe rewahinyre, Kia Deuxu tai-joimy remyremy mahãdu wahe. Ruxetòena, ywina-wana adeereny-ò kanakemy watzireri, Deuxu inytyby-ribi tule Jesuisi Kristu iny wedu-ribi. Tii dori adeereny irybe riwahinyreki.

⁸ Umyreny Deuxu-ò reàlamahãre, atyhynareny-ò iny ibutumy roholamyhỹreki.

⁹ Deuxu-ò rexitòenymahãreu, anirenymy rarybehyymy watxiwãhãre. Kia heka Deuxu rieryre, waworibityhy tahe jiarỹ Deuxu deòdumy rare. Iriòre Rybewihikỹ-di wahe.

¹⁰ Jiarỹ rexitòenyhyy watxiwãhãre arorarenymy arakemy Deuxudeewikeki.

¹¹ Umyreny arobikemy watzireri, tai adeereny arelyykemy aõmydỹĩ wihikỹõ Deuxu Tyytybytyhy. Tule kaiboho wadee tuu belyybenykre. Tai tahe atyhynareny-ki ityhymy relekre.

¹² Jiarỹ arawiòhenanykemy watzireri, tule kai biwawiòhenanykemy watzireri. Tai rikexideysanytyhykemy inatyhyna-ò.

¹³ Sõwemy heka arahyykemy watxiwãhãre arorarenymy. Iribi nohõti losaõmy tahe wadi rarurunymyhỹre aõbo, riwateònyõhyymyhỹre heka. Jiarỹ Deuxu dee waaõmysỹdỹĩna awikemy watzireri ayreny-ki. Tai kaiboho ako-ò boikemy wadee awire, iwese ijõ judeukòdu mahãduko-ò ararybekremy watzireri wese.

14-15 Tuheka ibutu iny-ò ararybekremy watxireri, hãwã wixira wixira mahãdu-ò, tule. Iny mahãdu-ò aõkõre mahãdu-ò tule. Tuu ariwinykre ibutumy iny-ò, iny be-deeryrenyõ mahãdu-ò tule. Adeereny tule Rybewihikỹmy arelykemy watxireri Roma hãwã ludu mahãdu-ò.

16 Jiarỹ dori Kristu Rybewihikỹ-ki araixỹruõtyhy. Irybe dori Deuxu ruru rare. Ibutumy iny rityhynykeki ritakemy ratxikre. Judeu mahãdu-ò juhuhu nade tai tahe iuhe-ò judeukõdu mahãdu-ò.

17 Deuxu òbitina ratỹnynomy namyhỹde Rybewihikỹwo-ribi. Tyhyna-di ritelenyre tule tyhyna-di ihỹmyhỹre. Inyõ tyhyna-di òbitimy rỹikeki, tii ruruõtyhy, idi awimyy rareki.

18 Deuxu yarana biu-ribi namyhỹde ibutu òraruna hudunamy. Iwidỹỹdu hudunamy. Bina widỹỹdu dori inatyhyna ribinanymyhỹre, raruinymyhỹre Deuxu rybe ribynymyhỹre?

19 Deuxu eryna ibutumy iny-ò riwahinyre. Deuxule tamy riwahinyre. Tai timybo Deuxu raremy tahe tiiboho rieryhyymyhỹre. Tai Deuxu aõhõkỹmy risỹnymyhỹrenyre.

20 Juhuhukỹle heka Deuxu aõmydỹỹnanamy iny robimyhỹre idi tii tyhynamy tule rierymyhỹre itỹnyhỹkỹlemy, irurunahyy wahe. Aõu aõu kia ibutumy iny rierymyhỹre, Deuxu widỹỹnamy iny robireki wahe. Tai tiu iny ixitxiõdỹỹna.

21 Rieryrenyre tii Deuxumy raremy. Tahe rexiwowydynyõhyre timybo iny Deuxu dee rexiwowydynymyhỹkemy wahe. Tamy àlànatyhy riwahinyõhyymyhỹre. Idi rõhõtinyinymyhỹrenyre Deuxu irayky rõhõtinyinymyhỹre wesemy idi rõhõtinyinymyhỹre. Irayky tahe reòsamy ratximahãre.

22 Tiibohole bedeerytyhymy ixidi rõhõtinyrenyra. Tahe itxỹtele roire.

23 Deuxu rubutere rityhynykenawi tahe tiiboho heka ritxoo deuxuõ ireije riwinymyhỹrenyre tatyhydỹỹnamy. Ibinamy heka mywese riwinymyhỹre, nawii wesemy, iròdu wesemy, iròdu bedemy riradu-wesemy. Rexiòkamy riramy riradu wesemy tahe rityhynymyhỹrenyre.

24 Deuxu heka òraruna-ò riwahinyrenyre, itxỹtenareny òraru-ki. Iny òta òtadu mahãdu heka wiwanale aõõta ixỹruna riwinymyhỹrenyre.

25 Deuxu inatyhyna dori tiiboho riwiurònyra ruina-ò. Ritxoo dee rexitòdenyrenyre, aõbo Deuxu riwinyre, kia. Deuxule iny reàlàkõmyta ratximyhỹrenyre.

26 Deuxutyhy tahe rityhynyõhyre, Deuxu ibutu widỹỹdu tiu riteàlànymy rakonananyõtyhy. Kia òraru-ki òtaõtana nade. Hãwyy, hãbu-wana aõkõ roimyhỹre wideele heka aõhebo rotỹỹnymyhỹre. Kia heka òbiti aõkõ rare.

27 Tule hãbu, hãwyy-wana aõkõ rõimyhÿre, wiwanale aõhebo rotÿÿnymyhÿre. Òbiti aõkõ heka kia rare. Riwyrenykre kia òraru òwydÿÿna, aõhõkÿmy dÿÿnana wahe. Iny sohoji sohoji taaõbina ixÿruna òraru-ki ixidee rimykre.

28 Tõhõti heka Deuxu-txi reaõhyymyhÿre. Tai tahe timybo ixideewimy riwinyrenykemy roirenyre Deuxu-ribi. Tahe riwinyrenyre ibutumy aõbina binahakÿle.

29 Aõimy aõko ratximyhÿre aõbina bina-di roiremyhÿ: òtaõtana-di, aõbina binahakÿ-di, aõikõkõ-di, rarekemy ixidee ririmyhÿre, teramy heka rÿira. Ihãru-di rÿira iny rubudÿÿmy dori rõhõtinyinmyhÿre, rarybehymy ratxirerimy ihÿre, ruidu nihikÿ ihÿre, ujõmo-di rÿira.

30 Aõbinamy inymy rarybemyhÿre, Deuxu derare, ixilulerenyre, rexityhynymyhÿre, òraru tÿmyra riwinyrenyre, tyby tadi-wana rityhynyõhyre.

31 Irybe sohoji aõkõ heka rare. Iluunaõre, ibinatyhyre, inydee iruxetõõre.

32 Deuxu rarybere: inyõ kia riwinykeki heka ruruke. Ti-iboho kia rieryrenyre. Ihãre tahe aõhebo rotÿÿnyre. Kia sohojile aõkõ. Reysarenymyhÿre iny witxira iherenyki aõhe rutÿÿnykreki.

2

1 Tutyhy-ki aõkõramy rybeõmy. Kai dori tutyhyle òraru tewinymahãõte. Inyõ rybemy ywisidÿÿna ijõmy rarybeke-wana ixilemy ywisidÿÿna-ò rexityhenyke. Tii dori kia ibutumy tule riwinymyhÿre ibinamy wahe.

2 Inyõ kia aõbina binahakÿ riwinymyhÿkeki, Deuxu ywisidÿÿna-ò inatyhynalemymy tamy kòdõhõnykre.

3 Kai tuleke –kiamy biwinykeki, Deuxu ywisidÿÿna-ribi mahenyõtyhy. Kai dori ywisidÿÿdumy texideòsinyte ihãre tahe iòraru wesele tewinymahãte.

4 Deuxu ruxetõena sõwemy adi rexiruxetõenanymyhÿre. Kia-di bexirãhikemy adi ratxireri, tiemy ywimy aõna aõna bina riemyhÿre ratximyhÿre, awi heka adee rare. Kai aõbohe iribi õhõti rosakre kia heka arabedeõtiidÿÿnymyhÿre. Arabedewodÿÿnymyhÿre iòraru-ki. Kai aõbohe kia teeryõte?

5 Kai arybedÿÿsaeryõre rybe ijohona teeryõte õhõtiõre. Tai tahe Deuxu yarana ixideele tebutunymahãte. IjõtXu Deuxu yarana txumykreu. Tai Deuxu ywisidÿÿdu òbiti rexitÿnynymy rÿykre.

6 Iny sohoji sohoji taaõna aõna myna aõmy rotÿÿnykre, aõhebo rotÿÿnymyhÿreki wahe.

7 Inyõ aõwidÿÿlemy ratximyhÿre. Tiiboho heka Deuxu wowydyna, Deuxu wohyna, Deuxu loosõna

widỹỹmy rarutaamyhỹreny. Tule iny rarehykykrena-di rarutaamyhỹreny. Imyna Deuxu tamyreny riõkre.

⁸ Kia ixidile rõhõtinyhỹre mahãdu tahe, Deuxu woxi-brunale, yaranale ritakre. Tiiboho dori inatyhyna rityhynyõhymyhỹreny, aõ òbitile aõkõ riwinymyhỹreny.

⁹ Aõhõkỹmydỹỹnana, bedewona kanakre ibutumy aõbina bina widỹỹdu mahãdu-ò, judeu mahãdu-ò juhuhu idi judeukõdu mahãdu-ò.

¹⁰ Wowydyna, àlana, ywina tahe kanakre aõwiihikỹ widỹỹdu mahãdu-ò judeu mahãdu-ò juhu delemy idi judeukõdu mahãdu-ò.

¹¹ Deuxu-ò heka ibutumy iny wiwese rare.

¹²⁻¹⁶ Tii heka aõhõkỹmy risỹnykre ibutumy iny òrarudu mahãdu. Moisesi bede ywina ihoõrehãrele tii rurukre. Judeukõdu mahãdu heka Moisesi bede ywina rybe ijõkõre. Tahe bede ywina iny rierykeki, idile Deuxu iõraruna riywinykre. Inyõ Deuxu bede ywina rybe roholare tahe rityhynyõre, kia tahe Deuxu dee ibinatyhyre. Ibutumy kia iny rurukre, òtỹỹ iraykywokile aõbo ibinare, aõbo òbitire rierymyhỹreki. Deuxu bede ywina wesemy heka iraykywo-ki ratximyhỹre. Iraykywydyna rexinohõtinyhỹre ada dexiòbitidỹỹnymyhỹde, Rybe wimy rarybemyhỹre Jesuisi Kristu heka hãbu aõmydỹỹna ritỹnynykre imyna timy rarekremy. Deuxu dori iteradỹỹdure.

¹⁷ Kaiboho, judeu mahãdu, texinohõtinytenyta ibutumy awiremy aDeuxureny-wana. Tii adeeremy bede ywina rybe riwahinyreki, tii abiòwatyhy rareki.

¹⁸ Kai heka aõbo Deuxu-ò awire teeryte. Aõbo ibinare, teeryte. Uladuule ibede ywina rybe teeryte, tai òbitityhyle adeeremy awire.

¹⁹ Kai Deuxu-ò nonana bitỹnynyke iny ruetà mahãdu-ò dori, kia teerytyhytenyteki. Ixi-di tahõtinytenyteki. Iwese, kaiboho loosõna wesemy toitemahã ixi-di tahõtinytenyte.

²⁰ Tule kia ixi-di tahõtinyamahãte. Kai bede erydỹỹdukõdu mahãdu erydỹỹdumy atxiterimy ixidi tahõtinyamahãte. Uladu erydỹỹdumy atxiterimy ixi-di tahõtinyamahãte. Kai bede ywina rybe tyyritiõ dire. Kia adee ibutumy inatyhyna rare bedeerydỹỹna.

²¹ Kai iny erydỹỹdumy atximahãte. Timyrekibo kai texierynanyõmahãte. Kai wasimy aõkõ tòerydỹỹnanymyhỹte. Timyrekibo tawasinyamahãte.

²² Kai hãwyy òta aõkõ tetỹnynymahãte. Timyrekibo kai tuu tatỹỹnymahãte. Suritxoo dee àlana deramy iximy tarybemaahãte. Aõherekibo erydỹỹ-ribi aõmydỹỹnana tewinymahãte.

²³ Kai bede ywina rybe luumy iximy tarybemaahãte. Kai

Deuxu-di texixiwedenymyhÿte. Ihãre tahe bede ywina rybe tetyhynyõte. Kiawese Deuxu texirudÿÿnymyhÿte.

²⁴ Iwese juhuu riritinyre wese wiji roimyhÿre: —Aòraru-ki tahe bedemy iny rÿira Deuxumy aõna aõnabinamy rarybemyhÿre.

²⁵ Kai bede ywina rybe bityhynykeki, õtyky resynadike, awire judeu mahãdu dori rare. Tahe bede ywina rybe bityhynyõkeki, õtykyresyna adee aõ aõkõre.

²⁶⁻²⁷ Iwesetyhylemy iny rare tõtyky resynaõ mahãdu. Tii-boho bede ywina rybe rityhynykeki, tõtyky resyna-di mahãdu wesemy roirekre. Judeukõdu mahãdu heka bede ywina rybe rityhynykeki, kia adee ixÿruna rare. Kaiboho dori Deuxu bede ywina rybe tetyhynyõte õtyky resyna dire hãrele. Bede ywina rybe dire hãrele.

²⁸⁻²⁹ Inyõ judeu mahãdu wesemy ihÿre. Ihãre tahe judeu mahãdu inatyhy aõkõ rare. Tõtyky resyna-di judeu mahãdu inatyhy aõkõ rÿira. Judeu mahãdu inatyhy tawokihyyle kia idi rÿira. Iwesele notyky resynadÿÿna kia rÿira. Inywokihyyle rare. Aõ bede ywina rybekile aõkõ tuu rÿire inyrayky wydynamile kiawesemy inyõ rÿira. Hãbu-ribi wowydynamy ritaõtyky. Deuxu ribile ritake.

3

¹ Tibohe judeu mahãdu deewinare. Notyy resynale tamywina. Kia aõbo ibuturatyre awire judeu mahãdumy rareki?

² Inatyhy rare, sõwemy, Deuxu dori tamy juhu Ritidÿÿna riwahinyre.

³ Inyõ rityhynyõre-wana kia riwiurõnyõhyymyhÿre Deuxu heka õbiti rare.

⁴ Inatyhy urenanamy Deuxu raremyhÿ. Iny mahãdu tahe roidumy rÿiramyhÿ. Iwese ritina-ki roire wese Deuxumy rarybereri: —Kai arybe õbitina-di atximahãte urenana wahe. Inyõ araurihikeki, kai inatyhyna-di biòlòdÿÿnykre.

⁵ Inyboho õbiti aõkõ roire. Kia tahe Deuxu õbitina riteòsinyre. Timykibo Deuxu inydee aõhõkÿmydÿÿnana riwahinykre. Mobo heka kia õbitimy aõkõ rarybekre. Jiarÿ hãbu rayky-di wese rarybereri.

⁶ Kia õbiti rare. Kiaweseõkeki timybo Deuxu bede aõhõkÿmy dÿÿnana riwahinykre.

⁷⁻⁸ Kai tarybete: —Jiarÿ raruira. Urile kia Deuxu inatyhyna reteòsinyre. Aõherekibo Deuxu aõhõkÿmy riwasinyre. Kiarybe iwitxira rybewesemy rare: —Ibinamy rakatximyhÿkeki, awihikÿ kia-ribi røhõnykre. Aõkõre, kiamy rybedu mahãdu aõhõkÿmy dÿÿnana ritamyhÿkre. Kia riki wamy rarybere, ruimy wahe.

⁹ Aõhe aõbohe, inyboho aõbo inywitzira-ribi awityhyrenyre. Aõkõre. Jiarỹ reteòsinymahãre ibutumy judeu mahãdu, judeukõdu mahãdu ibutumy òrarudu roire.

¹⁰ Kiamy Tyyriti-ki roire: –Tiu heka inyõ òbitiõre.

¹¹ Inyõ heka Deuxu rieryõhyymyhỹre. Timy heka riõryõhyymyhỹre.

¹² Ibutumy iny rexiõnonymyhỹre Deuxu-ribi wahe. Aõmy aõkõ tiiboho rexiwinyrenyre. Iny riuheõhyymyhỹre aõbo awiré. Sohoji aõkõ aõhebo rotỹỹnyre aõbo awiré.

¹³ Ibõtòjò heka rubuwabede iraymy roimyhỹre ròwese rare. Tiiboho iny itxenadỹỹdu rare. Irybe heka hemylalatyhyju wese rare.

¹⁴ Aõbina binahakỹlemy heka inymy rarybemyhỹre.

¹⁵ Iti heka teyrewé rare hãlubu txiwimy iny rubudỹỹmy tule.

¹⁶ Titxibo ramyhỹre-wana heka aõbina binanale riwahinymyhỹre, aõhõkỹle ririmyhỹre.

¹⁷ Tiiboho dori ywimyno rieryõmyhỹrenyre.

¹⁸ Deuxu lau heka ruberuõtyhymyhỹrenyre, Deuxu rityhynyõtyhy.

¹⁹ Bede ywina rybe heka tatyhydỹỹna mahãdu-ò diõde. Kia tahe inyboho rieryrenyre. Tai heka iny rexitxiõnyõtyhy Deuxu-ò. Tai heka ibutu dee aõhõkỹmy dỹỹnana-ò riywinymy rỹikre.

²⁰ Bede ywina rybe-ribi iny ibutumy rieryre ibinamy ratxireri. Inyõ heka bede ywina rybe heka rityhynyõhyyre. Tai tahe inyõ kia-di rexitaõtyhy iywina òraru-ki.

²¹ Wiji tahe Deuxu òbitina ratỹnynymy ihỹre bede ywina rybe-ribi lahiximy. Ihetxiu rybedu-di kia ritỹnynymy ihỹre bede ywina rybe ritina-di.

²² Deuxu riòbitidỹỹnyra. Ibutumy Jesuisi Kristu tyhydỹỹdu kanakre. Deuxu dee dori ibutumy bede bede ludu wiwesele.

²³ Ibutumy raòrarunymyhỹre. Deuxu òbitina tamy rauhenymyhỹre.

²⁴ Deuxu taruxetòena-di ibutumy riòbitidỹỹnyre Jesuisi Kristu tarasadureki. Tii iny-ribi iòwydimy aõ rexitòenyõhyyre.

²⁵ Deuxu Jesuisi-di rubuna iny òraru riixãwididỹỹnyre iòwy tii riòwynara, iny kamy rityhynykemy. Kawese-ki Deuxu òbitina ritỹnyryra. Juhuu Deuxu iny òraruna-ò reteheõmyhỹre aõnityhymy iywisidỹỹna direki.

²⁶ Tahe wiji inyòraru-ò retehemyhỹre riixãwididỹỹnykemy. Tai tahe tii òbitire tule Jesuisi Kristu tyhydỹỹdu òbitidỹỹdure.

²⁷ Mobo Deuxu-ò rarybekre jiarỹ awiremy? Aõkõre, inyõ rarybeõtyhy. Bede ywina rybe tetyhynyõte. Deuxu iny òbiti

widỹỹdure, ibede ywina ywidỹỹ aõkõre. Inatyhynadile awityhymy iny rare.

²⁸ Kiamy tahe raraykynyre iny ityhynadile riòbitidỹỹnyke bede ywina rybe ywidỹỹ aõbo? Aõkõre!

²⁹ Deuxu aõbo, judeu mahãdu Deuxu sohojile rare? Aõkõre, judeukõdu mahãdu-ò tule Deuxu ihỹre.

³⁰ Deuxu sohojile rare. Iny wiwanale riòbitidỹỹnykre judeu mahãdu judeukõdu mahãdu-wana. Ibutumy ityhyna òraru-ki riòbitidỹỹnyke.

³¹ Ityhyna aõbo bede ywina rybe riixãwididỹỹnyra? Aõkõre, bede ywina ihãre rỹire.

4

¹ Timybo ararybekre inytybyreny Abraõmy.

² Aõbo riwinyre aõkõ idi rexiòbitidỹỹnyre. Tai tahe rexyhynyke inyko-ò. Tahe Deuxuko-ò aõkõ.

³ Kamy heka Ritidỹỹna-ki roire: —Abraõ heka Deuxu rityhynyre taile tahe rexiòbitidỹỹnyre. Deuxu dee tii òbitityhy rare tii rityhynyrekile.

⁴ Iny aõmysỹdỹỹdu raòwymyhỹke iaõmysỹdỹỹna myna. Urimy aõkõ dori raòwymyhỹre taaõmysỹdỹỹnaòwyle dori ritamyhỹre.

⁵ Inyõ rityhynymyhỹkeki, tii òbitina ritamyhỹre Deuxu-ribi. Deuxu dori òrarudu mahãdu òbitina widỹỹdu rare. Kia uriõno rare.

⁶ Davi heka juhoo riritinyre iwese teysatyhymy iny rarekremy wahe. Deuxu dori òbiti mahãdu dee riraykydỹỹnyre òbitimy roirekemy. Tii ixidee aõ riwinyõre. Davi kiawese riritinyre:

⁷ —Teysatyhymy iny rỹirakemy Deuxu iòraru riixãwididỹỹnyreu tõhõti-ribi iòraru rosakeu.

⁸ Teysatyhymy iny rỹirakemy iòraru-txi Inynyrỹ nohõti ijeraõmy ihỹkre.

⁹ Deysana aõbo judeu mahãdu sohojile riteysanymyhỹre ida judeukõdu mahãdu tule. Tulere! Inyboho dori rarybere: —Abraõ tyhynale tamy òbitina diwahinymyhỹde.

¹⁰ Tiubo tahe Abraõ òbitina ritare notyky resynako-ki ada ihewo-ki aõbo, ikoure.

¹¹ Juhoo dori rityhynyre idi ta notyky resyna tamy nade kia tyhyna Deuxu-ò riteòsinyreki. Tai tule òbitina Deuxu tamy riwahinyre. Kia butu tyhydỹỹdu tyby wese rare, Judeukõ mahãdu wahe.

¹² Notyky resynako-ki òbitina ritare. Tõtyky resyna-di mahãdu tyby wesemy riki Abraõ ratximyhỹre. Tiile tõtyky resynakõ-ki Deuxu rityhynytyhymyhỹre.

13 Deuxu Abraõ-ò rarybere tii ibutu bede bede wedu wesemy ratximyhÿre iriòre iribi rinykemy. Tahe bede ywina rybe òraru-ki aõkõ tuu ihÿre, ityhyna òbitina òrarukile wahe.

14 Bede ywina rybe-ribi tybie tahe itarasadumy ratxikre, tai tahe inatyhyna aõ aõkõ rare. Aõbo Deuxu rarybere aõmy aõkõ rare. Tahe roirekre.

15 Bede ywina rybe dori Deuxu aõhõkÿmy dÿÿnana diõde iny ribedeerynykemy. Teysana aõkõ wahe. Bede ywina rybekõki, timyki iny aõ ityhynyõna. Bede ywina rybe ijõõre-wana òraruna ijõõre.

16 Tahe inatyhyna-di sohojile iny aõna aõna wiwihikÿ ritamyhÿke. Tai iruxetõena-ribi nade. Tahe aõmybo Deuxu rarybere ibutu riòrerìdremy tuu rÿikre. Bede ywina rybe mahãdu tule bede ywina rybekõdu mahãdu-wana wiwana Deuxu rityhynyre. Abraõ riòre wesemy ibutumy tai inyboho roire.

17 Iwese Ritina-ki roire wese: –Jiarÿ aratare ibutu inytyby wesemy mabekemy. Ibutumy iny rityhynyre-wana, iwese Abraõ rityhynyre wese, iwese-ki Deuxu ritake. Deuxu tahe rubu mahãdu riixixanymyhÿre rubu-ribi. Tii rarybekeu aõ aõkõ aõwesele tii aõ heka rare. Tii rarybere tule riwinyre. Abraõ heka Deuxu rybe rityhynyre.

18 Timy heka rariòrenykemy ixidee rõhõtinyõhyymyhÿre. Deuxu dori tamy rarybere: –Kai heka ariòkòrereny sõwemy atximyhÿkre. Kai hãwã hãwã tybymy mabekre.

19 Abraõ tatyhyna ritxiõnyõhyyre. Timy heka 100 beòramy idi ratximyhÿre, ixãwire uladu-ribi ramatuarinyreki. Tule ihãwyy Sara iuladu herina-di kòremy rõhõtinyre.

20 Timy heka ritxiõnyõhyyre Deuxu Rybe. Rityhynymyhÿre Deuxu deàlàna riwowydynyre.

21 Tii heka rierymyhÿre Deuxu irurudire irybe wesemy aõ rÿikemy.

22 Tai tahe Deuxu tamy òbitina tamy diwahinyde.

23 Aõ iòraruki aõkõ kia ryberitina awimy raeryre, tamy sohojile aõkõ dori rarybere.

24 Iny òraru-ki tule kia tuu roire. Iny tule inatyhyna-di òbitina ritakre. Inyboho dori rityhynymyhÿre, Inynyrÿ Jesuisi rubu-ribi ixixana widÿÿdu Deuxu raremy.

25 Jesuisi iòludu-ò iwahidÿÿmy rara inyòrarureny-ki tai rure. Tahe iny òbitina wahidÿÿna-ò diixixandyde rubu-ribi.

5

1 Jesuisi tyhydÿÿ òraru-ki Deuxu inyboho rimyrenyre. Idi awimy rokoirekremy tii-wana, Jesuisi Kristu-wana wahe.

2 Deuxu ruxetõenawo-ki inyboho rotamanymyhÿrenyre. Jesuisi Kristu tyhydÿÿna òraru-ki tamy rotamanymyhÿre.

Deuxu loosòna worojuxanaõ-di rokoirekre. Tai inyboho reysamy ihÿre.

³ Inyboho bedewona-di hyy ihÿrenyre. Ihãrele tahe inyboho teysarenyre. Kia dori iny riwiòhenynymyhÿre raròsòna ijòdikemy ruru inydeereny riwahinykemy.

⁴ Inyboho rikiijerenyhyykeki, Deuxudeewimy rikiwinyrenyke. Deuxudeewina rikiwinyrenykeki, raròsòna rikitarenkre.

⁵ Iny raròsòna tarasana aõkõkeki, uritere rakabedewoõtyhy, Deuxuluuna dori inywo-ki ratxireri. Deuxu Tyytybytyhymy inydeereny wahidÿÿna rare. Tii dori inyworeny-ki Deuxuluuna ritidire.

⁶ Iruruõmy inyboho roiremyhÿre awimy riwinykemy. Tai tahe Kristu inydeereny, inyboho ibinare hãre rurure, Deuxudeewireu.

⁷ Isirare inyõ hãbu òbiti dee ruruke. Tahe hãbu wiwihikÿ dee òsana iny rurukre, kia heka irutaõre.

⁸ Deuxu tahe luunatyhy inydeereny diteònyde. Iny òrarudurenyre hãre, Kristu inykireny rurure. Juhuu heka inyboho òrarudu roire. Ihãrele Deuxu taluuna nihikÿ inydeereny diteòsinyde. Tai heka Kristu inyòraruren-ki rurure.

⁹ Irubuna òraru-ki heka Deuxuru-ò inyboho òbitimy ihÿrenyre. Irubuna tahe kia riwinyreki irumy inonana tahe iratyre rarekre inydeereny wahe. Deuxu ykarana-ribi Kristu dori iny ritamyhÿre.

¹⁰ Juhuu Deuxu òludu inyboho roire. Tahe wiji ibiòwamy inyboho roire, iriòre iny òraruren-ki rurureki, wahe. Wiji tahe rybe òludu mahãdu-ribi wiutàdànamy rÿire. Ibutu kia heka Kristu òraru-ki sohojile ture. Tai iny teysamy roire Deuxu rityhinyreki.

¹¹ Inyboho heka iwitxira Deuxu-wana ratximyhÿrenyre. Tai tahe reysamy ratximyhÿre. Inyboho Deuxu biòwamy ratximyhÿrenyre. Jesuisi Kristu Inynyrÿ òraru-ki heka ture.

¹² Hãbu sohoji òraru-ki òraruna bedeki ralore juhUU, Adaõ òraru-ki wahe. Taile tahe rubu nade bedeki. Idi ibutumy iny raòrarunyre. Adaõ òraruna-txi resereu, rubu ibutumy iny-ò resere.

¹³⁻¹⁴ Juhuu Adaõ rurure. Iribi tahe ibutumy iny rurure. Moisesi tule rurure. Tahe bede ywina òraru-ki aõkõ tiiboho rurure. Bede ywina dori Adaõ rubu hewo-ò Deuxu riwahinyre Moisesi-ò. Deuxu heka iny òrarunamy aõkõ ròhòtinyre, tabede ywina dori kiau riwahinyõre. Adaõ heka Deuxu rybe rityhinyõre, tai tahe rurure iwese Deuxu rarybere wese. Tule iòraruna òraru-ki ibutumy iny raòrarunymyhÿrenyre. Adaõ heka Jesuisi-ò rakewesenanykre.

15 Tiiboho wiwanale aõ kabede-ò aõ diwymyhÿdenyde. Adaõ heka rubu diwyde. Jesuisi heka runa diwyde. Adaõ heka sõwemy iny-ò rubu riwahinyre. Jesuisi tahe sõwetyhy-ò Deuxu ruxetòena riwahinyre, tarasana tamyreny riwahinyre. Òraruna sohoji-di heka Adaõ rubu riwahinyre ibutu iny-ò. Jesuisi tahe ibutumy iny-ò biu-ò hena riwahinykemy ratxireri iòraruna sõwere hãrele. Umytuedeõna wahidÿÿdu tii ratxireri. Kia awityhyre.

16-17 Inatyhymy Adaõ widÿÿna ibinare. Jesuisi widÿÿna heka awityhymy rare inydeereny. Inyboho dori Jesuisi-wana irumy ratxirenyre aõu aõu kowa bede wihikÿ-ki, Deuxu òraru-ki.

18 Aõhõkÿmy dÿÿnana heka Adaõ widÿÿna diwyde ibutumy iny-ò. Jesuisi tahe òbitina diwyde ibutumy inydeereny.

19 Adaõ heka Deuxu rybe rityhynyõre. Tai iny sõwemy òraruna-txi resere. Jesuisi tahe Deuxu rybe rityhynyre. Tai iny sõwemy heka òraruna-ribi ritare.

20 Deuxu tabede ywina rybe riwahinyre. Tai tahe iny aõbina rierymyhÿre. Òraruna-di sõwemy ihÿreki, tai Deuxu ruxetòena sõwetyhymy ihÿre.

21 Juhuu òraruna ratximyhÿre iny umyreny-ki. Inydeereny rubule riwahinyreny. Wijile tahe Deuxu ruxetòena riwahinyre inyummyreny-ò, inyraykyreny-ò. Òbitina inydeereny riwahinyre Deuxuko-txi. Jesuisi Kristu Inynyrÿ òraru-ki heka, umytuedeõna inyboho ijõdire.

6

1 Timykibo Deuxu inydireny rexiruxetòenykeu watxireri Deuxu ire inydireny raruxetòenykemy ire rexiòrarunanymyhÿre hãrele. Timyki tuuõna.

2 Aõkõhyre. Inyboho heka òraruna dee rubumy ihÿreny. Timykibo iny ihyymy òraruna-txi rekeseke? Aõkõhyre.

3 Jesuisi Kristuni-ki inyboho raratisebenyreu, Tule Jesuisi rubu-my ratisebe-ò rururennyre. Kia teerytenyete.

4 Tiu inyboho risebenyre Jesuisi òraru-ki, tii-wana inyboho rurure. Tai iru tÿmyra-di inyboho ihyre. Iwese Deuxu taruru-di Jesuisi riixiadÿÿnyre wese tule inyboho iru tymyra-di rokoireke.

5 Iwese tii rurure wese, inyboho tule rukurennykre òraruna dee. Iwese Kristu rexixadÿÿnyhe wese inyboho tule òraru-ribi ixãwira tii-wana rarehykremy.

6 Iny umy tyby tule rurure Kristu itxeò-ki. Tai inyboho heka òraruna deòdumy aõkõ ihÿreny.

7 Inyõ rurukreu, tii òraruna-ribi ixãwimy ihÿre.

⁸ Inyboho Kristu-wana rurukeki, tii Kristu-wana irumy ratxikre.

⁹ Kristu rexixare tii ixyby ruruõtyhy. Rubu ixyby tamy reaõtyhy. Kia tahe inyboho rieryrenyre.

¹⁰ Jesuisi rurureu, iny òraruna ixãwina rubulemy rurure. Wiji tahe irumy ihÿre Deuxudeehyy.

¹¹ Tule kai arumy atximahãte Deuxu dee iny aõbina bina-ò taruteki rubuwesemy arumy tahe Deuxu-ò. Inynyrÿreny Jesuisi Kristu tyhydÿÿki. Kiawesele mohõtinyke Deuxu dee, Jesuisi Kristu dee wahe.

¹² Kaiboho dori Jesuisi Kristu-wana atximahãtenyte. Òraruna-txi ixyby besekeõtyhy. Ixideewimy aõkõ rikiwinyrenyke, aõ ibina wahe.

¹³ Aumyreny biwahinybenyke Deuxu-ò iwese iny iru tÿmyra-di ihÿrenyre. Tai tahe òbitile biwinybenyke, òraruna-txi beseõtyhy aõ iyja aõkõ.

¹⁴ Òraruna rybe-ò ijohorenyõmy. Tii dori awedu aõkõ rare. Deuxu ruxetòena-ò bexiweloromahãbenyke.

¹⁵ Aõbo tahe awityhyre. Ruxetòena òraru-ki aõbo rekexiòrarunymyhÿke. Aõkõhyyre.

¹⁶ Òraruna rybe-ò heka bityhynybenykeki, òraruna deòdumy atxibenyke, rubu iòwy rare wahe. Deuxu rybe-ò tahe bityhynybenykeki, òbitimy boibenyke. Bexideòdunybenyõtyhyke òraruna bityhynybenykemy.

¹⁷ Wowydyna Deuxu-ò kanakemy watzireri. Juhuu kaiboho òraruna deòdumy ahãtenyte. Tahe wiji inatyhyna erydÿÿna tetyhynytyhytenyte.

¹⁸ Wiji tahe kaiboho òbitina deòdumy atxitenyte. Tahe Deuxu deòdumy wiji toite, tii ixideewimy timybo adirenykre.

¹⁹ Iwese juhuu òrarunawidÿÿna-ò texiwahinymahãte wese, wiji bexiwahinybenyke Deuxu-ò, òbitiwidÿÿna-ò wahe. Òbitimy rarybemahãre, itÿnytyhy kaiboho dori òhõtitymy toite aiximynatyhyrenyõ òraru-ki.

²⁰ Òraruna deòdumy atxitenyteu, Deuxu tetyhynyõtenyte.

²¹ Kia aõmydÿÿnana wiji ixãruna adeereny rare. Aõbo tahe awimy juhuu tewinytenyte. Kia heka rubule riwahinymyhÿre.

²² Òraruna-ribi ixinamy atxitenyte. Kaiboho Deuxu-ò ibutumy texiwahinyte. Tai umytuedeõna tetatenyte.

²³ Òraruna òwy heka rubu rare. Inyõ òraruna riwinykeki, tii ruruke, kia òraruna òwy rare. Deuxu wahidÿÿna tahe umytuedeõna rare, Jesuisi Inynyrÿ rurureki wahe. Idi tile-wana tukre.

7

1 Waityhydÿÿdu seriòre, kaiboho bede ywinamy teery-tenyte. Tai bieryke aõmybo ararybekre. Inyõ irulemy rari-akekile, bede ywina tamy aõ rare.

2 Arawesenanykre. Hãwyy heka ihãbu-wana ihyymy ihÿre bede ywina myna. Hãbu rurukeki, tahe ixinamy ihÿre ijõ-wana roikremy. Hãbu ruruõkeki tahe, ixinamy aõkõ ihÿre, ijõ-wana roikremy.

3 Inyõ-wana roikeki, hãwyy wedenamy raninikre. Ihãbu rurukeki, tii ixinamy rarekre. Ijõ-wana roi-ke.

4 Kia wese rare, waseriòreboho, ayreny-ki. Kaiboho bede ywina dee tarutenyte. Kaiboho dori ityhydÿÿdu mahãdu atx-imahãtenyte. Kaiboho Deuxu hõrõ mahãdu atximahãtenyte. Rubu-ribi ixixadu mahãdu atximahãtenyte, Deuxudeewina biwinybenykemy.

5 Juhuu ixideewile aõ tewiny-myhÿtenyte, rubu aõmydÿÿnana wahe.

6 Wijile tahe bede ywina-ribi ixinamy inyboho roimyhÿrenyre. Iwese ihetxiu tyyrity bede ywina rityhynymy aõkõ ihÿreny, wiji Deuxu Tyytybytyhy aõmydÿÿnana inyboho rityhynrenyre.

7 Timybo? Bede ywina aõbo ibinamy rare. Aõkõre. Ihoõkeki tahe òraruna jiarÿ arieryõtyhy. Bede ywina rarybere wasiõmy. Kiale reeryre aõbo wasimy rare, inyõ aõ arimykemy watzireriu, kia òraruna wasiweselemy rare.

8 Timyki, jiarÿ òraruna waerysyõna bede ywina tuu rary-bekõkeki. Bede ywina dori aõbina binamy riwabedeerynyre.

9 Jiarÿ juhuu bede ywina reeryõre. Reeryre tahe aõmydÿÿnana binale wadee rarerenyre.

10 Deuxu heka bede ywina riwahinyre juhuu. Tamy ruru riwahinyre bede ywina wahe.

11 Tahe bede ywina òraru-ki heka òraruna riwahinymy. Tai tahe õnosõna riwarubunyre.

12 Kia bede ywina tahe awi rare, òbiti rare. Õnosõna awi rare.

13 Timybo rare. Òbitina aõbohe riwarubunyre. Aõkõre. Òraruna tiire. Tii tahe ibinatyhy rare. Bede ywina òraru-ki iny kia òraruna ibinatyhy reeryrenyre.

14 Bede ywina heka Deuxu Tyytybytyhy aõmydÿÿnana rare. Jiarÿ heka inyle rare, òraruna heka wawedu rare.

15 Aõbo warayky dee ibinarele, kiale rewinywãhãre. Aõbo awimy warayky dee rare, kia rewinyõhyyre. Aõherekibo? Reeryõre.

16 Rexierymyhÿre aõbo rewiny-myhÿre. Reeryre kaa bede ywina awi rare. Tai heka rabadewomy watziwãhãre. Jiarÿ

dori bede ywina bede ywina riti reerymy watxiwãhãre.

17 Retxiõnomy watxiwãhãre. Waruruõhyy heka watxiwãhãre. Aõwi ariwinykeò. Òraru heka iòhòmy waribi ratximyhÿre waruru ratyre ratximyhÿre waribi. Tai heka òraru rewinymahãre.

18 Waumy ehetsina tahe ibinatyhy rare. Aõbo awi rare heka ariwinykemy rewisÿnywãhãre ta heka rewinyõhyywãhãre. Aõwi rewinyõhyyamahãre!

19 Jiarÿ rarurunymahãre heka aõbina ariwinykõkemy. Tahe ihãrele heka rewinyamahãre.

20 Reeryrehe aõhebo ratÿÿnymyhÿre. Jiarÿ ixiòrarudÿÿ waòraruna wadi raitxÿteitxÿtenymyhÿre.

21 Deuxudeewimy heka ariwinykemy watxiwãhãre. Tahe araòrarunyhymahãre.

22 Waumytÿmyra rarurunytyhymahãre Deuxudeewi widÿÿna ariwinyke. Awityhy rare wadee.

23 Ijõ tahe waumywo-ki, waraykywo-ki, ratximyhÿre, waumyehetsina waki ratximyhÿre. Wadi rarurunymyhÿre riwamymy ratximyhÿre. Aõbina widÿÿmy heka wadi rimymy ratximyhÿre. Reòludunyõhyyymyhÿre waraykemy heka rahaÿnanymyhÿre. Aõwesele heka tuu rahaÿnanymyhÿre, riòludunyõmyhÿreki wahe. Raraykynymahãre warayky-ki, Deuxudeewimy watxikemy. Tule tahe reerymahãre òraruna deòduõ jiarÿ rare wahe. Waumytÿmyra tahe wadee rarybemyhÿre òbitimy aõmydÿÿnana ariwinykemy. Waumyehetsina tahe kialemy wadee rarybemyhÿre —òraru ariwinykelemy.

24-25 Tai heka urile warayky raleileinymyhÿ. Mobo riwatake waumyehetsina bina bina aõmydÿÿnana-ribi? Deuxudeewina-ki, Jesuisi Kristu Inynyrÿ heka iximynamy riwatakre. Tii riwateònymy wadi rarekre. Wowydyna tamy ariwahinykre.

8

1 Tai heka Jesuisi Kristu tyhydÿÿdu mahãdu rubutyhy-ò heka raòtyhy. Deuxu heka tii ritarenyke tii-wana rarehyyke.

2 Deuxu-ò Tyytybytyhy dori warurutymyra-di riwarurudÿÿnytyhyre. Rubu-ribi dori Jesuisi Kristu riwatare ixinamy ararekemy.

3 Inyboho heka Deuxu Bede Ywina rieryrenyre, Moisesi tyyritina wahe. Tii heka iny òraruna-ribi iny ixinamy ririradÿÿnymyhÿre. Jesuisi Kristule, aõbo, òraruna ruru rahumyhÿre. Aõma rakahurenyõtyhy heka iny rururenydi aõma òraruna igitawo-di. Rikityhynyrenyõtyhy heka aõma igitawo-di aõbo bede ywina Tahe Deuxu tariòre diteònyde iny

umyrenywesemy wahe. Tiu heka iòrarunaòhyyre. Tai heka rexiwahinyre iny òrarureny-ki.

4 Tai rikityhynyrenyke aõma Deuxu bede ywina. Iny nohõtireny rosake aõbo umy ehetsinareny inydeereny rarybemyhÿré. Ijohonarenyõmy ta, irybe-ò, Deuxu Tyytybytyhy rybeòle rokoholamyhÿreny.

5 Aõbo Deuxudeewimy biwinybenykeki, tai Deuxu Tyytybytyhy rybeòle heka iny roholamyhÿke. Ixideewimy widÿÿmy burubenykeki tahe, aõwaxina boholabenyke umyehetxina rybe-ò.

6 Deuxu Tyytybytyhy rybe-ò ijohona heka iny umytÿmyra-ò ridymyhÿre, umytuedeõna-ò, ywina-ò. Umy ehetsina rybe-ò iny rohola wana, tahe rubu-ò iny ridymyhÿre.

7 Umy ehetsina dori aõma rare, Deuxu òludu. Deuxudeewimy aõkõ heka riwinymy ihÿre tiu riwinyõtyhy.

8 Inyõ ibutumy òraruna ixideewimy riwinykeki, tiu heka Deuxudeewina riwinyõtyhy.

9-11 Kaiboho tahe kiawesemy aõkõ heka toite. Deuxu Tyytybytyhy heka aworeny-ki rasÿnymyhÿre. Tai heka umytÿmyraõ heka kaiboho ijõdirenyre. Deuxu Tyytybytyhy heka kaiboho ijõdirenyke. Inyõ Deuxu Tyytybytyhy ihoõkeki, tiu tii ityhydÿÿdu aõkõ rare. Aumytyhy heka rurukre aòrarunaõ direki wahe. Atytyby tahe iruhyymy ratxikre, Kristu dori aòraruna riixãwididÿÿnyreki wahe, Deuxu araòbitidÿÿnyre wahe.

12 Tai waityhydÿÿdu seriòrebobo. Umy ehetsina rybe-ò uritere ijohonarenyõmy.

13 Irybe deradÿÿna-ò beòbybenykeki, kaiboho heka burubenyke. Aõkõkeki arurenymy mariabenykre, Deuxu Tyytybytyhy-di wahe.

14 Ibutumy Deuxu Tyytybytyhy rybe-ò roholamyhÿre mahãdu, tiiboho tahe Deuxu riòre roire.

15 Deuxu rybemy bityhynybenyke. Deuxu Riòre wesemy tahe bityhynybenyke, òbitimy atxibenyke, deòdu wesemy aõkõ wahe, buberubenyõtyhy. Waha-my tahe marybemyhÿbenykre heka. Deuxu Tyytybytyhydile wahe.

16 Ijoiarenymy rakatxirenykre. Aõmybo Deuxu Tyytybytyhy-di inydeereny roimyhÿreki heka, tuu inatyhymy rakatximyhÿrenykre inyboho iriòre roiremy wahe.

17 Ibutumy aõbo Jesuisi Kristu inydeereny riwahinymyhÿke heka, tule inyhõrõ reny heka rare. Iwese tii wowydyna iribi rikitarenykeki, tii-wana heka aõhõkÿmy rokotÿÿnyrenykre.

18 Aõhõkÿmy rokotÿÿnyrenykre tahe aõnihikÿmy aõkõ rare, urihimyòle wahe. Inydeereny dori wowydynaõ kidiwahinykre, sòwetyhymy.

19 Ibutu bede bede aõna aõna riraòmy roimyhÿre, aõma-ò, Deuxu Riòre mahãdu ibutumy rubu-ribi ixixana kiditynynykreu, rexixamy ibutumy rÿirakre idi biu-ò rirahukre wahe.

20 Kiatxu tahe ibutumy bede bede raaõbinanyke. Iwese Deuxu juhUU riwinyre-ribi resere iny òraruna òraru-ki. Deuxu dori tuu bede riywinyre txioinyhe tahe, raròsòna rÿire, ri-witxiranyke.

21 Rekeysarenykre heka Deuxu riòremy heka rakatxirenykre. Tii ibutumy bede bede-ribi iny ritarenykre ibutumy òraruna-ribi, rubu-ribi. Ibutumy òraruna aõbina bina deòdu heka rexihukre. Deuxu ibutumy aõna aõna ritÿmyranykre iwese tariòre itÿmyrare wese.

22 Kaa wiji tahe ibutu aõna aõna aõhõkÿmy rotÿÿnymy rÿira iròdu alòbòròna, ibutumy heka uladu ijira dese wese heka riijemy aõna aõna rÿira. Aõma, ixixanatxu dehemyNykòlemy roimyhÿreki wahe.

23 Tiibohole sohojile aõkò, tule inyboho Deuxu Tyytybytyhyre hãre, kia delemy inydeereny rawahinyre hãre, aõhõkÿmy rotÿÿnymyhÿrenyre idi tiu Deuxu tariòremy risÿnyrenykeny riraòmyhÿre. Kia tahe inyboho riraòmyhÿrenyre.

24 Inyboho dori tararòsòna-ki kawese awirenyre. Inyò iraròsòna itÿnykeki, aõbo tahe riraòmyhÿke.

25 Tai tahe Deuxu rikityhynyrenyke rikiraòrenymy aõma, inydeereny tuu raryberé, rikitarenykré. Rikiyrymy rikiraòmy rokorokomyhÿrenykre.

26 Iwesele tahe Deuxu Tyytybytyhy heka iny riwiòhenanyrenykre. Inyummy aõmydÿÿnanareny heka aõhebo rotÿÿnymyhÿre txuò txuòlemy iny riwiòhenanymyhÿrenykre. Inyboho riwiòhenanyrenykre aõma inyboho rierykòreki ixitòedÿÿ. Deuxu Tyytybytyhy inydeereny dori rexitòenymyhÿre tii inyboho heka aõmy rybe inyboho rierykòmyhÿrenyre inydee risÿnynymy rarybemyhÿre tuu.

27 Inytybyreny heka ibutumy inyraykyreny, inyworeny, rierymyhÿre. Tii heka rexitòenymyhÿre inydeereny iny òbitinarenymy-di, iny ywinarenymy-di iny riixitòedÿÿnymyhÿrenyre.

28 Ibutumy aõbo inydeereny rabadedÿÿnananymyhÿré heka inydeereny awire. Deuxudeewina heka rikiwinyrenyke inydireny ratximyhÿre Deuxu dori inyluurenymy. Tii dori iny ridyre tariòre wesemy. Tii dori kiamy juhUU rõhõtinyre.

29 Juhudihikÿle Deuxu rõhõtinyre mobo tamy rakemy. Tahe tiu rierymyhÿre mobo aõma inyboho tamy kanakré. Tiu heka rierymyhÿre timybo widi rarekré, tariòre wesemy idi rarekré. Iriòre heka sòwemy iseriòre relekre. Iriòre tahe juhuule ityhydÿÿdumy iuhe rÿire, iseriòre wesemy wahe.

30 Tii heka inyboho rihitxinyrenyrene. Tii heka ryrymyhÿre tamy, kanakemy. Tii inyboho tamy ritehemynyreu, heka inyboho tamy ritehemynyrenyrene. Iny òraruna-ribi inyboho riixãwididÿÿnyny Deuxu, Jesuisi, Deuxu Tyytybytyhy ywina heka inydeereny riwahinyre.

31 Ywimy rakatxirenykemy heka inydeereny rōhōtinymy ihÿre. Wowydyna heka inydeereny riwahinykre. Timybo rakaryberenykre. Awire heka ibutumy. Nihikÿre. Deuxu heka inyworeny-ki ratximyhÿre. Tii heka inydinodurenyre. Inyòludurenyōhyyre ratxirenyke, sohojiō.

32 Ibutumy inydeereny riwahinykre –inydeereny dori taRiōretyhy dori diwahinyde. Diwahinyde heka inydeereny rurukremy. Deuxu heka iny riixãwididÿÿnyrenyrene.

33 Inyboho heka òbitimy ratximyhÿrenyrene tamy rakatxirenykemy. Tii dori iny riwinyrenyrene òbitimy. Inyō rarybeōtyhy iny òbitimy aōkō ihÿre.

34 Inyō heka inymyreny rarybeōtyhy rukururenykremy. Jesuisi Kristu dori inydeereny rurure, iny òrarureny-ki. Tii ixityre rubu-ribi rexixare inydeereny. Katahe rononymhÿre Jesuisi heka rexitōdenymy rononymhÿre inykireny. Deuxu-ò heka iny riixitōedÿÿnyremy inydireny rononymhÿre.

35 Tiu heka rihitxinyōtyhy, aōma Jesuisi Kristu luureki wahe. Aōhōkÿmydÿÿnana dori rakatxireny. Tii heka iny rirubunyrenyke. Iny rama rirubunyrenyke inieruōmy. Bede brebuwo-ki rakatxirenyke. Inymyreny rarybemyhÿkre. iny rirubunyrenykre. Ta Deuxu inywanarenyhy ratximy ihÿre. Tiu heka Deuxu-ribi aō iny rihitxinyrenyōtyhy.

36 Inyboho heka rubu riraōhyky ratximyhÿrenyrene, rexiwinyhykyle. Kia rikiwinyrenykre aōma Deuxu luuna-di xiery –iwese budoeni tarubuna riraōmy rÿimyhÿre wese. Deuxu rybe inykoreny tuu relyymyhÿre.

37 Taiki heka imahādüy-ribi rokotarenykre. Kia òlōna inyhōrōreny rare. Kristu dori inydeereny rurure. Aō heka iny rihitxinyrenyōtyhy Deuxuluuna-ribi. Rubu dori iny rihitxinyrenyōtyhy. Umy tiu iny-ribi rihitxinyōtyhy. Ÿju dori tiu iny rihitxinyōtyhy. Aōbinahakÿ heōty, rubu bina heōty dori tiu Deuxu luuna-ribi rihitxinyōtyhy.

38 Aō heka iny rihitxinyōtyhy Deuxuluu-ribi. Biu wenonana dori, beheÿ ratyrene, tiu Deuxu luuna-ribi iny rihitxinyōtyhy. Wiji aōna aōna itōmo rahudi aōna aōna, aōtxi aōna aōna tiu iluuna-ribi rihitxinyōtyhy.

39 Kia ibutumy wadee inatyhy rare. Jesuisi heka Deuxu inydeereny ritÿmynymyhÿre ibutumy iluuna iny òrarureny-ki rurureu.

9

¹ Kaiboho waijoiireny, waityhydÿÿdu seriòre mahädu. Kristu hõrõ jiarÿ rare, inytyhy rare. Deuxu Tyytybytyhy, Jesuisi Kristu-wanale rierymyhÿre kia inatyhy rare.

² Rabedewomy heka watzireri waijoi rityhynyõreki. Deuxu Tyytybytyhy kia rieryre. Txuõ txuõlemy, ruõ ruõlemy rabe-dewomy watzihäre. Txiole txiole aõmydÿÿnanamy adeeremy ararybeke kaiboho tarasanaõ boibekemy.

³ Deuxu riwatzuhoke Kristu-ribi waijoi deròwmy, iwiòhedÿÿkeki. Jiarÿ heka ihyy arurukemy waijoi ityhydÿÿdukõdu mahädu wahe xixi-di tamyreny rahõtinymy watzireri. Kia biu-ò hena ritarenykemy wahe. Tahe aõkõre heka.

⁴ Deuxu heka tamyreny sòwemy diwahinyde. Ihärele tiiboho ijohona deramy rekoamahäreny. Aõma, rihitxinyreny heka taijoiireny. Ridyreny heka bederahy-ò loosõna-ki biuwetykywo-ki. Tahe tamyreny rarybere tii iluurenymy. Tamyreny heka sòwemy aõ kidiwahinykemy idireny ratximyhÿre. Tule tabede ywina rybe tamy diwahinyde. Tai tahe Deuxudeewina reeryreny.

⁵ Tamy heka Deuxu wowydynaõ riwahinyreny Deuxu teòduõ kanake tii tamy rarybere. Tybyreny dori ilahiboho dori rityhynyreny, tii Deuxu sòwemy rityhynyreny. Kristu tahe tule judeu mahäduõ ratximyhÿre, waijoi wahe.

⁶ Deuxu rybe inatyhytyhy rare. Sòwemy iny judeu mahädu wese roire. Ibutumy tahe judeu mahädutyhy aõkõ roire.

⁷ Ibutumy judeu Abraõ riòre riòre rÿira mahädu aõkõ heka Deuxu riòremy rarekre. Deuxu heka Abraõ-ò rarybere: —Ijai riòrele ariòkõre rarekremy ijõ aõkõ. Ibutumy Abraõ riòre, Ijai riòre aõma ityhydÿÿdu aõkõ roire.

⁸ Ijõ iriòrekõna mahädu tahe ityhydÿÿdu heka roire. Kia Deuxu rybe rityhynymyhÿrele heka ityhydÿÿdu mahädumy rÿira —judeu mahädu tyhy wahe.

⁹ Juhuu tahe Abraõ-ò Deuxu rarybere: —Ahäwyy Sara, iriòredikre ijõ beõrau wahe.

¹⁰⁻¹¹ Iu tahe Ijai iriòre häwyy-wana herinanyreu, Rebeka-wana roire tahe inatxi uladumy heka Rebeka tamy kidiwahinykremy riywinyra. Ijau juhutyhy iriòredelamy reakre riywinyra. Ijõ tahe Ijaò ini rarekre. Kawese Deuxu rarybere uladu reakõule: —Jiarÿ heka Ijaòmy retamy rarybere Ijau aõkõ. Jiarÿ aõna aõna sòwemy tamy adiwahinykre. Deuxu kiamy rarybere Ijau reakõule. Tiu aõwiwihikÿ aõbina bina riwinyke aõkõ. Myle roireri. Deuxu riteòsinyre ijõ tarasanamy reake-ribi tahe ijõle tuu reare. Aõ uladu tuu riwinyreriki aõkõ Deuxudeewimy tuu riwinyre.

¹² Juhuutyhy Rebeka-ò rarybere: —Idela taseriòre deòdumy rarekre.

¹³ Iwese tyyriti-ki roire wese: —Ijaò iluure tahe Ijau aõkõre.

¹⁴ Aõmybo tahõtinyteri? Deuxu aõbo adee ibinare kia riwinyreki? Aõkõre heka.

¹⁵ Deuxu rarybere Moisesi-ò: —Jiarỹ heka awimy inyõdee ariwinykre, tahe tuu ariwinykre. Inyõdee ruxetòena ariwahinykeki, tamy ariwahinykre iixideewimy.

¹⁶ Deuxu ruxetòenale heka rare, iny aõmysỹdỹỹ sõwehekỹmyreki aõkõ inydee tarasana riwahinykre.

¹⁷ Kaheka iny rieryre Faraò (Egito bede iòlò) ijyy dori inydee kia riteòsinyre iwese Deuxu rare wese wahe reteherenyké. Deuxu kiamy rarybere Faraò dee: —Adee kỹny ariwahinyre ruruõ kai bonyke iòlòmy. Tai tahe ibutumy iny wani wihikỹ-ò roholakre.

¹⁸ Ibutumy Deuxu ixideewimy tuu riwinymy rỹirakre. Ruxetòena riwahinyke tamywi tahe riwahinyra.

¹⁹ Inyõ tahe wadee timy rarybeõtyhy: —Aõherekibo kawesemy Deuxu inyõ aõhe risỹnykre ada amobohe Deuxu aõwidỹỹna deramy reakre.

²⁰⁻²¹ Tiu moõ rarybeõtyhy Deuxumy ibinamy. Iu inyõ butxi riwinykreu, aõma sudeõ rimykreu, riwinykre heka butxiwihikỹõ tamywikeki. Ibinaõ riwinykeki tasỹ iwesele riwinyke ibinamy tuutyhymy. Bedenamy riwinyke noijaka tamy ride-myhỹkemy. Ijõ butxi tamy wikeki.

²² Iwesele heka Deuxu rare. Rebureke heka inyõdee raykarananyke. Ijõ-ò tahe awike ta ruxetòena-di riwiòhenanyke iaõna aõna riijemy.

²³ Idi tahe rõkõhõtinyreny timybo Deuxu wina, Deuxu loosõna awiremy iruxetòena inydeereny riwahinyhyymyhỹre.

²⁴ Judeukõdu mahãdu Deuxu ritare. Judeu mahãdu yribi sohoji aõkõ. Inyboho.

²⁵ Osea tyyriti-ki rybeõ kiamy tai roire Deuxu rarybere wahe: —Ijõ mahãdumy sỹ aronykre wariòremy. Tahe waijoiy-ribi aõkõ waijoiõ mahãdu aõkõ waijoimy arininikre idi aritakre. Tuumy ararekre. Tiu heka luuna juhoo inyõ rewahinyõhyyre.

²⁶ Deuxu rarybere tiu: —Kaiboho juhoo waijoi aõkõ toite, tuuõmyta kowa-ki wariòrerenny boibekre.

²⁷ Isaia tule rarybemyhỹre aõma judeu mahãdumy wahe. Sõwemy, sõwemy imahãduõ hãre tahe, ibutumy tarasanamy reakre.

²⁸ Deuxu ele elemy rotỹỹnykre timybo rarybere myna.

Ijõ-ò ruxetòena riwahinykre ijõ-ò adehuna riwahinykre ri-ixãwidinyrenykre.

²⁹ Ijõ Ritidỹna-ki Isaia rarybere: —Deuxu ibutu dinodu heka ruxetòena riwahinyðeki, ibutumy judeu mahãdu ri-ixãwididỹnykre iwese Sodoma hãwã Komora hãwã-wana ri-ixãwidinyre wesemy wahe.

³⁰⁻³¹ Timybo rakaryberenykre kia aõmydỹnanamy? Kialemy: —Judeukõdu mahãdu-ò Deuxu tarasana riwahinyre tiu Deuxu riijeõhyymhỹre hãrele. Judeu mahãdu heka rityhynkemy idi ratximyhỹre ibede ywidỹna-di tahe tiu heka ritaõhyymhỹrenyre tarasana.

³² Bede ywina rybe riyrubunyekhãre awikehãre tiu tarasana ritaõtyhy. Rityhynytyhykekile heka tuuke. Tai tahe ritaõre tarasana, rityhynytyhyõrenyre. Tai tahe iwere mana iny riatymyhỹre were rydỹnarenyre.

³³ Ijòti nihikỹ heka roimyhỹre. Tiu heka riòhòreõtyhy iweribi-ò. Deuxu rybe-ki kia wesemy roire: —Judeu mahãdury-ki mana nihikỹ wese retidimy doimyhỹde. Sõwemy heka iny rỹira tiu heka ityre-di rariaõtyhy biu-ò hena-ò dehemynydeki wahe. Kia iny rityhynymy Jesuisi Kristu rỹirale tahe ritakre tarasanaõ heka inatyhymy.

10

¹ Waityhydỹdu seriòre, rexitòenymy wãhãre heka Deuxu-ò ibutumy judeu mahãdu biu-ò henamy rỹikemy. Kiamy tuu rarumahãre.

² Reerymahãre tiiboho ibutumy rityhynymahãrenyremy Deuxu. Tiiboho ityhydỹnarenyre tahe òbitihyky aõkõre.

³ Tiiboho kiamy rõhõtinyamahãrenyre aõma judeu mahãdu heka bede ywina rybe rityhynyrenykekile rexiòbitinykemy heka rõhõtinyamahãrenyre Kristu-ò ta rexiwelòròkõlemy Kristu bede-ò rexihumyhỹre, tai Deuxu iny-di awimy rarekemy.

⁴ Bede ywina heka Deuxu aõmydỹna tarasana aõkõ heka rare. Kristu rityhynymahãrenyke. Kia weseleke heka tii rimyrenyre rexiòbitinyre.

⁵ Moisesi dori ròritidỹre tuu: —Inyõ tiu òraruna-txi reseõhy rarekeki, taile iny tarasanamy ratxike.

⁶ Kiamy heka ityhydỹna namyhỹde. Uritere inyõ Kristu biu-ribi kòdidykemy ixinohõtiddyõna Kristu kidiwykredi uritere nohõtirenymy, isiratyhyre wahe. Tuu aõkõ iny òbitidỹna-ki rahamyhỹre.

⁷ Uritere Kristu ixixana-di mohõtinyinymyke isiratyhyre dori kia-ribi òbitidỹna kiditakremy.

⁸ Tii heka inyboho ribedeerynanymyhỹre. Iòhòlemy heka iny-ribi ihỹre warybereny wahe.

⁹ Iny taykyreny kile rityhynymyhÿre iny kile. Tai tahe rarybere inywitxira-ò aõma Kristu iny wedureny ihÿremy wahe. Inyworeny-ribi rikityhynymyhÿreny keki. Aõma Kristu heka Deuxu riixixanyre rubu-ribi.

¹⁰ Taiki tahe biu-ò hena rakatareny kre. Aworibityhy rikityhynymahãke. Kiamy heka iny õbitimy rekelereny ke Deuxu dee wahe. Rarybeke iny-ò rityhynymy ratximyhÿremy tai tahe tuu relemy ratxike.

¹¹ Kiamy heka Ritina-ki roimyhÿre: —Inyõ rityhynityhyhyke heka teysamy ratxike. Tiu heka anabedewoõtyhy tatyhyna-ki.

¹² Judeu mahãdu dori judeukõdu mahãdu-wana wiwe-sele rare. Ibutumy heka sohojihyyle iwedure, Inynyrÿ wahe. Ibutu heka inydee riwahinymyhÿre aõmybo iny rexitõenymyhÿre wahe.

¹³ Iny rexitõeny-wana Inynyrÿni-di tarasanamy, tai iny-ò riwahinymyhÿre.

¹⁴ Teerykõte heka timybo idi ratximyhÿre rexitõenymy. Timybo bieryke inyõ tuu relyyõkõhare heka rityhynyke. Tamy heka roholaõtyhy inyõ tuu relyyõkeki tiu ityhydÿÿõna.

¹⁵ Inyõ heka raõtyhy, inyõ biteõnyõkeki wahe. Kiamy tahe Tyyriti rarybereri: —Kia Rybewihikÿmy rybedu heka awi heka rare, dehemynyna heka awire, deysana rybe dori diwymyhÿde. Deuxu rybena ywina wihikÿ heka diwymyhÿde. Tai tahe iny reysamy heka aõma Deuxu Rybewihikÿ tamy riwymyhÿreki wahe.

¹⁶ Ibutumy aõkõ tahe rityhynymyhÿre. Iwese Isaia Deuxu rybedu rarybere wese: —Inynyrÿ, Rybewihikÿmy tamyreny heka rarybemyhÿreny. Ihãrele tahe rityhynyõhyymyhÿreny.

¹⁷ Ityhyna heka Rybewihikÿ-ò iny roholamyhÿreu, rityhydÿÿmyhÿre. Kristu ityhyna tamy kedehemynykre, rybe wihikÿ õraru-ki wahe.

¹⁸ Dÿÿraxinaõ ariwinykre. Taholatenyõte aõbo Deuxu rybe-ò? Kohe, ibutumy heka roholamyhÿre. Tyyritina-ki roire: —Deuxu rybe tÿmyra wihikÿ ibutumy riteõnymyhÿre hãwã hãwãmy.

¹⁹ Ijõ arÿÿraxikre: —Judeu mahãdu aõbo kia rieryõmyhÿre? Moisesi tyyriti-ki roire: —Deuxu biu-ò hena judeukõ mahãdu-ò ariwahinykre. Waijoi mahãdu ariwoxibronykemy.

²⁰ Isaia tahe idi tuu rarybere: —Iny wiwana mahãduõ heka Deuxu riijemyhÿre. Tii rexitÿnynyre taõrysydu mahãdu-ò. Itxi reare.

²¹ Isaia rarybere Judeu mahãdumy kia: —Ihãrele Deuxu iny ritobinyrerimy ihÿre iny, iny nohõtibinaki wahe.

11

¹ Kaiboho heka timybo tahõtinyinmahätenyte Deuxumy? Tii aõbo taijoi-ribi nohõti rosaremy –judeu mahãdu-ribi? Aõkõre. Jiarÿle, Paulo, judeu mahãduõ rare. Jiarÿ heka Abraõ riokoreõ rare. Benjami ijoiõ heka jiarÿ rare.

² Deuxu taijoi-ribe nohõti rosaõtyhy. Tii juhuvu ritare. Elia juhuvu Deuxu-ò taijoimy rarybere. Ryberiti-ki kia roire:

³ Tiiboho heka rybedu mahãdu rirubunyre. Tule axiwena wahidÿÿna ribòhònnyre. Jiarÿ sohojile aluure Deuxu. Tule ròrubudÿÿmy wadi ratxirenyreri.

⁴ Timybo Deuxu heka Elia-ò dirawyònyde: –Aõkõre, kai ihewoludutyhy waluunadu aõkõ tate. Waluunadu 7000 inymy rÿire aribihitximy wahe. Tule Bali suritxoo tiu rityhynyrenyõhyymyhÿre.

⁵ Katahe wijile iwesele rare. Iny ibutemy Deuxu hõrõ mahãdu rÿire. Tii taruxetòenadile ritarenyre.

⁶ Deuxu ruxetòena heka aõ iòwy-di aõkõ riòwynymyhÿre Deuxu riwahinymyhÿre. Aõwiwihikÿ diwinymyhÿdenydeki aõkõ heka tuu heka ratximyhÿrenyre iòwydikeki tahe aõ ruxetòe aõkõ rare.

⁷ Deuxu heka judeu mahãduõ rihitxinyre tarasanamy reakré. Ijõ tahe iwety mahãdu wesemy ijõ rÿira. Deuxu tamy tarasana-ò rryreri tiiboho roholaõre.

⁸ Tyyritina-ki rarybemyhÿre rõrõmy ratximyhÿrenyremy. Deuxu heka riruberenyre ihãre ta tõhõtireny ratòbònnyrenyre. Taita rieryõhyrenyre heka Deuxu Tyytybytyhymy rarybemyhÿrenyrekki wahe. Iwesele heka wijina roimyhÿre.

⁹ Ihetxiu Iòlò Davi iwesele rarybere: –Kia heka taworana bedehesina-ki, ramyrenykre, raborenykre, tabonahemy reserenykre idi aõhòkÿmy rotÿÿnykre.

¹⁰ Irue idymy releke tiu robiòkemy. Tiumy rarabunykre iaõbinabina-ki.

¹¹ Adeereny arÿÿraxikre kiamy: judeu mahãdu resereu ixãwire aõbo? Aõkõre. Urile tarasana nade judeukõdu mahãdu-ò tai. Judeu mahãdu ibinamy tai rõhõtinkykemy.

¹² Judeu mahãdu òraruna òraru-ki heka sòwemy iny-ò aõwiwihikÿ nade, judeukõdu mahãdu-ò wahe. Tahe awityhymy rarekre ibutemy judeu mahãdu ralokremy.

¹³ Jiarÿ, Paulo wahe, rybe wahidÿÿdu heka jiarÿ rare. Judeukõdu mahãdu-ò tii heka jiarÿ rare. Uritere nohõti losarenyõmy kia waaõmysÿdÿÿna rare. Kia awi heka wadee rare.

¹⁴ Deuxu heka adeereny aõ nihikÿ adeereny riwinyre, kaiboho judeukõdu mahãdu rare. Judeu mahãdu robikre. Tai heka tiiboho biu-ò hena mahãdu-wana ratxikemy riwisÿnykre. Kia wese òsana ijõ tarasanamy rimykykemy.

¹⁵ Judeu mahādu wiji rityhynyōreri. Tai Deuxu ijō mahādu-ò biu-ò hena riwahinyre, judeukōdu mahādu-ò wahe. Iny sōwemy tai ritamy rīimyhỹre òraruna-ribi. Iwese inyō rubu-ribi riixixanyre wese kia rare iu judeu mahādu ralòkru wahe.

¹⁶ Juhuu paō ere awimy Deuxu-ò biwahinykeki, ibutumy paō ihōrō rare. Òwòru rutysōmo Deuxu-ò biwahinykeki, ibutumy òwòru ihōrō rare.

¹⁷ Òwòru ere judeu mahādu wese rare. Tiiboho òwòru-ribi raòròmy raremyhỹ. Kaiboho judeukōdu mahādu teròwomy atximahātenyete. Kia òwòruru wesemy òwòru-ò ralòmy atximahātenyete, tai tahe arumy atximahātenyete.

¹⁸ Ixityhymy nohōtirenymy. Kaiboho dori iratyre awimy aōkō atximahātenyete. Òwòru rutysōmo aramyre judeu mahādu tyby wese wahe. Aōkōkeki, kai bedesekre òwòru desede wese.

¹⁹ Kaiboho òsana marybebennykre: Tiiboho òwòru-ribi ritamy raremyhỹ inyboho rikibynyrenykremy.

²⁰ Inatyhy rare. Urile òhōti-ribi losarenymy tiiboho iribi ritamy raremyhỹ rityhynyōrenyeki. Tule kaiboho talòmy tatemyhỹ tetyhynymyhỹtenyeki. Tai ixiwededỹōrenyere urile bexityhynymy.

²¹ Judeu mahādu heka òwòru rutyhy wese raremyhỹ. Ihārele tahe Deuxu òwòru-ribi ritare. Timybo tahōtinytenyeteri — Deuxu aratarenyōtyhy. Tule aratarenyke timykeki.

²² Deuxu dori ywimy rare ijō-ò. Tule tii isirare ijō-ò: — òraruna-txi besebennykeki, tii aratarenyke.

²³ Judeu mahādu ixiby rityhynyrenykeki, ixiby Deuxu ritidikre iherina-ò. Deuxu irurudirare ixiby ritidikremy — isiraōre Deuxu-ò.

²⁴ Kaiboho heka òwòru bederahy ludu wesemy atxitenyete. Iwese òwòru ludu-ò tii aratidirenyre wese. Judeu mahādu dori òwòru ludu wesele rare.

²⁵ Waityhydỹdu seriòre, inatyhynaōmy adeereny arelyykre. Deuxu rieryre tiwesemybo judeukōdu mahādu rityhynykre. Ikonana kaiboho bityhynybenykreu, judeu mahādu ixybyle kanalokre.

²⁶ Tai tahe ibutumy judeu mahādu ritakremy. Tyyritina-ki heka kiaweselemy roire: — Siaō-ribi tarasaduō kanakre. Ibutumy heka judeu mahādu òraruna-ribi kòdòòsekre.

²⁷ Kia bedeu heka aritakre iòrarureny wahe iwese tuu rarybere wese juhuuhukỹle.

²⁸ Katahe rasōwemy roira aōma judeu mahādu wahe. Tiiboho Rybewihikỹ òludu roire. Tamyreny heka awi aōkō Rybewihikỹ. Kia heka adeereny awimy ròhònyre. Tetatenyta dori

Deuxu-ribi aõma iwahidỹỹna aõna aõnawidỹỹnamy. Deuxu juhuu taluunamy walabiereny-ò rarybere.

²⁹ Deuxu heka tiu riwitxiranyõhyymyhỹre. Releke wana heka riwinymyhỹre tahõrõ mahãdu dee.

³⁰ Judeu mahãdu heka Deuxu rityhynyõmy roimyhỹre wahe. Tai heka Deuxu ruxetõena adeeremy diwahinyde.

³¹ Katahe judeu mahãdu heka wiji roire ityhydỹỹmy aõkõ. Aõutxu tahe Deuxu ruxetõena ixybyle rimykremy rỹira. Deuxu heka iximymy iny riteõnyrerimy ihỹre.

³² Deuxu ibutumy õraruro-ò rityhere idi taruxetõena ritỹnynekemy.

³³ Iny Deuxureny aõwi dinodu heka rare. Ibedeerytyhytyhy rare. Inyõ ibedeywidỹỹna rieryõhyymyhỹre.

³⁴ Tiu rikiereryenyõtyhy irayky, tiu rikibedeeryenyõtyhy.

³⁵ Inyõ tiu Deuxu tadiwidỹỹdumy isỹnyõna.

³⁶ Ibutumy dori Deuxu-ribi hikỹle nade ixidee. Ibutumy iruru namyhỹde. Tai tahe ibutumy wowydyna tamy riki-wahinyrenykemy inyboho ratximyhỹreny.

12

¹ Tahe waityhydỹỹdu seriõreboho, aumyreny heka biwahinybenyke Deuxu-ò. Aramyrenykemy õbitihyylemy. Kia wowydynatyhy Deuxu-ò. Tii dori ibutumy aõma inydeereny riwinyre. Kia ibutele rarekre tamy. Tii dori sõwemy riwinyre inydeereny.

² Uritere riraõmy bede ludu mahãdu wesemy. Iwitxiramy boibeke. Tai Deuxu dee awimy kia rarekre. Aumy tỹmyramy ibutumy biwinymahãke. Tai tahe Deuxu ribedeerynanykre aõbo awire.

³ Jiarỹ heka Deuxumy rybeduõmy rare adeeremy. Tai adeeremy ararybekre bexiijebenyke. Õbitimy marybemy aumy-ribi. Deuxu-ribi ityhyna adeeremy diwahinydeki heka aõhe botỹỹnykemy mohõtinyinmahãbenyke.

⁴ Umy heka sõwemy txura txura roire, umy hitxi hitxinamy rỹire. Kristu ityhydỹỹdu mahãdu kia wese rare, Kristu woludu mahãdu wahe.

⁵ Tule Kristu mahãdu sõwemy aõmysỹdỹỹna witxira rỹire. Sõwemy iny wiribi hitxi rỹire. Iwese umy sohoji wese Kristu wo mahãdu rỹire. Ibutumy wiribi hitximy raaõmysỹdỹỹmy iwidỹỹmy rỹimyhỹke. Inyboho heka ibutumy iaõmysỹdỹỹna Deuxu-ò rikiwinymyhỹrenyke.

⁶ Deuxu heka aõwidỹỹna widỹỹna witxira iny sohoji sohoji-ò riwahinymyhỹre. Kai heka tỹnydỹỹna abrysikeki, awimy bexityhinyke awimy biwinykemy.

⁷ Awimy wiòhedỹỹmy atximahãte wana, bòwiòhenanyke awimy. Rybedỹỹdumy atxiteri-wana awimy òbitimy bibedeery-dỹỹmy.

⁸ Deuxu rybemy rybedu atxiteri-wana marybeke inydee bexityhynomy. Deuxu sòwemy adee nieru riwahinyre-wana, bòwiòhenanyke inywitxira. Inydinodumy atxiteri-wana, òbitimy maaõmysỹdỹỹ ibutu dee. Kia dohodỹỹdukeki botohodỹỹkre inyõ aõ biwahinykeki awowi-di bowahike.

⁹ Wiribi ihitxidỹỹõmy. Tuu luu-di tahe inywitxira hitximy. Uritere rybeõmy urirybele. Uritere rybe òbitikõmy rỹireõ nõõmy.

¹⁰ Kaibohe ityhydỹỹdu seriõre atximahãtenyete. Tai wiluomy atxibenyke. Widee biwowydynybenyke, ixidee aõkõ.

¹¹ Aõmysỹdỹỹna-di boibenyke. Ibutumy Inynyrỹ-õ biwinybenyke eysareny-di.

¹² Beysamy atxibenyke ywina-di aõkõkỹmy dỹỹnana-ki. Bexitõenyhyymahãbenyke.

¹³ Aityhydỹỹdu seriõrey-ki inyõ aõ ihoõkeki, tamy biwahinyke ahõrõ-ribi. Inyõ ihetoõkeki, bidybenyke aheto-ò.

¹⁴ Inyõ ibinamy adeeremy riwinykeki, tahe ibinamy aõkõ biòwonyke. Bexitõenyke Deuxu-ò tamy.

¹⁵ Inyõ reysakeki, tii-wana beysake. Inyõ rahinykeki, robukeki, tii-wana mahinyke, bobuke.

¹⁶ Ywimy ibutumy iny-wana boibebenyke. Ixityhy aõkõ nohõtiõmy. Kai dori ibutumy aõkõ teeryte, tule aaõmysỹdỹỹ bina awimy biminybenyke.

¹⁷ Inyõ adeeremy ibinamy riwinykeki, ibina-di aõkõ biòwonybenyke aõma uritere ywihyylemy boike.

¹⁸ Wiwesehyyle ywimy rỹimyhỹre.

¹⁹ Inyõ umy aõma rarybekeki, uritere ixìòwydỹỹmy nohõtiõmy. Deuxu-wana birimy. Tii heka riòwonykre iaõhõkỹmydỹỹnana-di. Kia tahe roire Tyyritina-ki.

²⁰ Aõma aòludu ramamy ruru wana, tamy rỹsỹna biwahiny, bemy tii ruru wana, tamy bee biwahiny. Tai tahe tii raixỹrure aõbo adee riwinyre lau.

²¹ Aõbinahakỹ rỹira-wana, uritere iijiradỹỹõmy. Ibutumy aõwiwihikỹle aõ biwinymyhỹke. Tai tahe rexihuke aõbina bina.

13

¹ Bityhynyke bedede dinodu. Deuxu dori risỹnyre bedede dinodumy. Ibutumy dinodu heka Deuxule inydeeremy riwahinyre.

² Inyõ bededinodu rityhynyõkeki, tii heka Deuxu rityhynyõmyhỹre. Iny òbitimy ratxikeki, tiu bedede dinodu rimyõtyhy ròtena-ki aõhõkỹmy dỹỹnana rotỹỹnyõtyhy.

3 Inyõ òbitimy ratxikeki heka tiu bede dinodu lau ruberuõtyhy aõhe risõnyõtyhy. Urile iny aõòtaòtalemy rotõõnyreureu tahe, tiile ruberumyhyre bede dinodu lau.

4 Bityhnybenyke ibutumy bede ywina aõbo dinodu mahãdu raryberé. Brebuõlemy botõõnybenyke. Deuxu diteõnyde heka bede dinodu iny riwiòhenanykemy. Kai aõhõkõmy botõõnymyhyke aõòtaòtamy tatõõnymahãte-wana. Bede dinodu dori tuu nade.

5 Ibutumy bede dinodu bityhnyke. Tii heka biwinybenyke Deuxu dee kia awire. Tai heka aõhõkõmy botõõnybenyõtyhy.

6 Tule iõwy biòwynymahãbenyke. Ibutumy heka biòwynymahãbenyke aõma tuu dinodu rarybemahãre wesemy. Tai dori riòwynymyhyre iaõmysõdõõdu. Tii heka anawiòhenanymyhyde.

7 Biòwynymahãbenyke aõbo òbitire, ibutumy wahe. Aõma dinodu iòwydõõmy rariòwymahãre-wana biòwynyke ibutumy awedu mahãdu wahe. Bityhnyke ibutumy.

8 Inydee tanadevenymahãte-wana, biòwynyke òbitihyylemy. Inywitxira luumy atximahãke ibutumy iny wahe. Tii dori Deuxu bedeywina-ki bede òtiidõõna xiery ratximyhyre.

9 Ibutumy Deuxudeewire heka kaa rare. Aeryna luumy iwese ixiluure wese, tahe tamy ibinaõre. Kai rubudõõõmy aõbo, ada wasimy iribi texiwonyte ada ihãwyy-wana maòtakemy aõbo, texinohõtidiõõnyte. Uritere aõbina-di ixinohõtidiõõõmy aeryna-ò. Uritere aõbina widõõõmy. Aerynaluumy mabeke iwese kai ixiluure wese wahe.

10 Luuna inyõ-di rarekeki ibina inyõdee riwinyõtyhy rare. Ibutumy Deuxudeewina heka riwinymyhyre. Tii sohojile heka bede ywina-ki awityhyre.

11 Tule heka òbitimy matximahãke. Bededõõnana dori iòhõmy resera. Bede ityre reakremy namyhyde. Bexix-abenyke wa, Inynyrõ heka iòhõmy ratximyhyre inonana-ò. Iòhõtymy relera juhu rityhnyrenyre-ribi.

12 Ruu heka ròhõnymy rare. Txuu tule iòhõmy wahe. Uritere aõbinahakõ bedeluruhukõ aõmydõõnana widõõõmy. Diabo ijesu bitake aõwihikõ widõõõmy wahe.

13 Òbitimy biwinymahãke iwese txu rojuxana iny ratximyhyre wese. Tai ibutumy iny rarybemahãke kai iluumy atximahãtemy. Uritere abededõõnana huduõmy –itxõteõmy, òtaõmy, adeburemy ijiraõmy, ihãruõmy.

14 Bexitõenymyhyke Inynyrõ Jesuisi Kristu-ò wahe anawiòhenanykemy. Tai tahe ibutumy òbitimy biwinymahãke. Uritere arayky aõmydõõnabinabina nohõtõõmy.

14

1 Ijoiõ ityhydÿÿdu mahãduõ amahãdudÿÿmy rurukeki, ròtena ixinamy ralòke iityhyna ibuterehãre tii-wana aõna aõnamy widee rybetyhymy rybeõmyke. Aribi hitximy raraykynyke hãre, bidyke. Ihãrele biròtenybenyke.

2 Ityhyna irurukõmy ratximyhÿre hãre biròtenybenyke. Tii òsana kiamy raraykynymyhÿre: Iny rexiòwynyke iròdude riròmyhÿrenyremy ijõ ròhòtinyke. Kai tahe òsana mohòtinyke kiamy. Tuu ibinaõre. Ityhynareny urihimyoìle rare. Brebunale sÿny roholamyhÿre.

3 Inyõ tahe ibutumy riròmyhÿre. Awimy idi tahòtynmahãte-wana, wiribi hitximy aõkõ. Uritere iòhòresedÿÿrenyõmy. Deuxu dori ridymyhÿre iwesemy iweselemy.

4 Deuxu deòdumy tii rare. Eòdumy aõkõ. Deuxu-ò tii ri-rawyònyre aõhebo rotÿÿnymyhÿremy. Deuxu rarybeke aõbo òbitire, aõbo teòsare. Deuxu heka tii ritamadÿÿnymyhÿre.

5 Kiamy rakaraykywesenenyrenykre. Txuõ aõworana be-dehesi heka judeu mahãdu riywinymy roimyhÿre. Kia txu-ule Deuxu-ò reàlananyimyhÿre rexinohòtidÿÿnymyhÿre. Tahe aõkõre. Ijõ ityhydÿÿdu mahãdu tahe aõkõre. Tii iwitxira rexinohòtinymyhÿre. Ibutu txuu tamy awire Deuxu àlàna riwahinymyhÿre. Ixideewimy iny sohoji sohoji raraykywydynanyimyhÿre. Ixitawimy Deuxu riwowydynyke. Ibutumy iny òbitimy ixidee raraykynyke.

6 Kaiboho atxu biywinymyhÿbenykeki, kia tahe awire. Xi-wenade riròkeki, tii tule Deuxudeewire riwinyre. Inyõ aõkõ riwinyre. Tii tule awimy riwinymyhÿre Deuxudeewina wahe.

7 Ixideewimy rikiywinyrenyòtyhy inynyrÿ-ò dori inyboho roire.

8 Inynyrÿdeewimy rikiwinyrenyke. Ihòrõ rare, aruruhãrele, aõkõhãrele.

9 Jesuisi Kristu rubu-ribi rexixare tai butu wedumy.

10 Inyboho heka ihòrõ mahãdu roire. Tai uritere inyseriòre rybeõmy ixiradÿÿõmy. Inyboho dori sohoji sohoji Deuxuru-ò rexideòsinyrenykre. Iu tii ibutumy iny riywisinykre.

11 Kiamy heka Ritidÿÿna-ki roimyhÿre. Inynyrÿ heka rarybere: –Inatyhymy, Ibutumy warue-ò tatiowotimy resekre. Rarybekre heka wamy Jiarÿ Deuxu raremy.

12 Iny sohoji sohoji iximy relyykre Deuxuko-ò.

13 Uritere inywitxira-ò ryberenyõmy tii ibinamy rare uritere aõwidÿÿõmy, iòraru-ki ixhydÿÿdu òraruna-txi resehemy.

14 Jiarÿ tahe kiamy rahòtinyre. Kia aõmydÿÿnana aõ aõkõ rare Deuxu-ò. Xiwena rÿsÿna rirÿsÿkeki aõ aõkõ rare. Uritere

kia nohõtidu dee ibinare. Tiibohe riròòke. Xiwena rÿsÿnarÿsÿ òraru-ki aijoiò bibedewonyhenylau irÿsÿòmykre.

15 Aityhydÿÿdu seriòreò òbitiòmy ratxikeki tahe iru-ki arawidÿÿòmy atximahã. Tamy dorihe òbitimy aòkò heka idi ròhõtinyke. Tii heka tule riwinykelemy ixidi ròhõtinyke. Timy aòki teòsamy rahaòhyymyhÿre aòma, xiwena rÿsÿna-ki. Kai aòki awimy aòma awityhy irÿsÿòmyke Deuxu Riòreò dibinadÿÿnyke lau wahe, Kristu dori iòraru-ki rurure.

16 Kaki awimy òbitimy mahakeki. Biwinykeki inywitxiraru-ki atxikeki, kia tai uritere rieryòmy aki rahake.

17 Riroximyhÿrenyre, riòmyhÿrenyre —kia Deuxu Iòlòna dee aò aòkò rare. Aòmale tahe ròkòhõtintyhyymyhÿreny: wiòhedÿÿna, ywina eysana. Deuxu Tyytybytyhy inydeereny wahidÿÿna wahe.

18 Kia wese iny rÿikeki heka Deuxu dee wina rare, inydee tule.

19 Wii rikiwiòhenanymyhÿrenyke ibutumy wiwesehyyle ywina-di. Tai iny tyhynareny rikikyhynanyrenykemy.

20 Rÿsÿna òraru-ki aòhe wisÿdÿÿ renyòmy, butumy dori Deuxu riwinyre. Kia inyò iòraru-ki aòwitxiramy ròhõtinykeki tahe ibinare.

21 Aò dee rÿsÿ vÿi momo heka ibinare, tai tii rexiòrarunyekeki aòraru-ki urile bexiijònybenyke.

22 Kaa biwinykeki timybo Deuxu dee òbiti relemyhÿre, urile ibutu-ò tuu rybeòmy iny bedeòby, kia ira-ki aò ibinakòre.

23 Ijò urihimyò tatyhynymy ratximyhÿre heka iximy ri-atyke. Adee tahe òbiti heka rare. Aòbo riwinyre heka òraruna rare. Tai iwidÿÿòmy.

15

1-2 Iny ixira-di heka ròkòhõtinyrenyke ibutumy aòbo iny riwinymyhÿredi. Idi ròkòhõtinyymyhÿrenyke inywitxira aòlaubo ruberumyhÿré. Iny òbiti erykò mahãdu-di.

3 Kristu dori kaki raremyhÿu ixideewimy aòkò tuu riwinymy raremyhÿ. Wiwana ritidÿÿdu wesemy riki riritinymyhÿre: nade aòhòkÿmydÿÿnana-ò tai heka bede-ò nade. Riòludunyre heka aòbo iòludu aòbinabinahãkÿ rarybere heka riwaòludunymy raremy.

4 Tuheka roimyhÿre ihetxi Tyyritina-ki inywiòhedÿÿna reny. Iny heka ribedeerydymyhÿrenyre ywina-di rakatxirenykemy rikiraòrenyke heka Deuxu aòmy bede dÿÿnana wahe. Rahykyu òraru rahykyu wahe rubu.

5 Tii heka wadee awire wii biwiòhenanyke. Deuxu anawiòhenanykemy adireny watxireri. Iwese Jesuisi Kristu riwinyre wese.

6-7 Iлуу raxirenykemy irumy wiluomy matxibenykemy. Iny sohoji sohoji raraykynyke Jesuisi Kristu rayky wese-di. Ityby Deuxu rayky wese-di rŷike òbitimy. Tai tahe inyboho ywinale rekealàmhyhŷre Deuxu-ò, tii Jesuisi Kristu tybyreki wahe.

8 Deuxu ihetxi mahādu òraru-ki Jesuisi Kristu heka judeu mahādu deòdurenymy ioxisŷnyre.

9 Iwese rybetyyritityhy rarybere wese: —Idi judeukõdu mahādu Deuxu riwowydynykemy. Tai adee ariwiunykre judeukõdu mahāduy-ki. Jesuisi Kristu heka nade inatyhy riteòsinykemy. Judeu mahādu riwiòhenanykremy Jesuisi Kristu nade.

10 Kiamy heka roire wiuna Ritidŷŷ-ki kia rarybere. Àlàna adee ariwahinykre wiuna-ki judeukõdu mahāduy-ki ani-di arawiuunykre. Ijõ-ki tulekre: —Tuheka wiuna-ki raritidŷŷ roimyhŷre judeukõdu mahādu beysake wa judeu mahādu-wana.

11 Ijõ-ki kiamy roire: —Àlàna heka biwahinykemy Inyryrŷ-ò idi waxireri, kaiboho tule judeukõdu mahādu.

12 Deuxu dee rybeduõ, Isaia tuu rarybere: —Rexiriòkòremy heka irybe roimyhŷre. Ijese riòkòre wahe. Tii judeukõdu mahādu iòlòm yronykre. Tiile heka riraòm yroimyhŷkre.

13 Jiarŷ rexitòenyre, Paulo, kaiboho, Deuxu heka arateysanyrenykre sòwemy ywina-di, tyhydŷŷna-di. Kiamy heka adireny heka waxireri, waseriòreboho. Jiarŷ heka rexitòenyhy waxyimyhŷré Deuxu arawìòhenanykemy adeeremy rexiterenymy waxyiwāhāre. Deuxu Tyytybytyhy ruruna-di raròsòna-di adeeremy kidiwahinykemy waxyireri.

14 Kaiboho òbitimy ahātenyete waityhydŷŷdu seriòreboho. Sòwemy aõna aõna wixira teerytenyete. Inywitzira bibedeerynybenyke dori teerytenyete.

15 Ihārele taheka atxireny wanohõti reare inatyhymy tai warybe rewahiny Deuxu riwatyhynymy kawese riwasŷnyreki.

16 Biwateònyke taheka judeukõdu mahādu-ò. Jesuisi Kristu dori riwatare tadeòdumy idi judeukõ mahādudikemy. Iu Deuxu rybe wihikŷmy rarybemyhŷreu, xiwena wahidŷŷdu wese rare. Kia tahe judeukõdu mahādu Deuxu-ò awike.

17 Tai tahe Jesuisi Kristu-wana rexibedesanymyhŷre Deuxu-ki waaõmysŷdŷŷna òraru-ki.

18 Jesuisi Kristu Rybewihikŷ tŷmyra-di rareri. Rexitòenymy rare adeeremy. Tai kaiboho òbitimy teletenyete Deuxu Tyytybytyhy òraru-ki wahe. Wadeysamy heka waxyiwāhāre. Jesuisi Kristu adeeremy riwinyreki wahe. Jiarŷ reerykõre iwixira mahādu-di. Tahe aõma waaõmydŷŷnana reeryre. Tiu

dori biwawiòhenanyke judeukõdu mahãdu aritakemy. Deuxu mahãdu judeukõdu rarekemy. Òbitimy ikoreny-ki raremyhỹ.

¹⁹ Rybe wihikỹmy rybe-di rarewãhã tamyreny. Aõna aõna wiwihikỹ irureny-ò rewinywãhãre. Deuxu Tyytybytyhy-di Jerusalẽ hãwã-ribe heka rybe-di rare. Iliri bede-ò wahe. Ibutumy bede bedemy rarybere. Jesuisi Rybewihikỹmy. Ibutumy waaõmysỹdỹỹna rewinyre, Deuxu wadee riwahinyre wahe.

²⁰ Ihãre tahe ararybekemy watzireri tiu iny roholakõmyhỹre mahãdu-ò. Ijõõ dohodỹỹna iny ritohodỹỹnymyhỹre. Tai ikomy ararybekemy ixidi watzireri.

²¹ Isaia dori kia Tyyriti roire: –Tiu iny tamy roholakõmyhỹre tamy ijohonaõmy rarybere. Tai rierymyhỹre. Tai tahe roholakre tahe rityhynykre.

²² Tai heka raraõlemy watziwãhãre –adeereny.

²³ Katahe kaki rexihumy waaõmysỹdỹỹ ratzireri. Katahe arorarenymy arake watzireri beòrakõle arakemy ixidi watzireri.

²⁴ Espanha bede-ò arakemy watzireri. Arakreu dori Roma-ò aroramy heka arakre. Iribi inyboho ibutumy rakatzimyhỹre tahe tako-ò biwaixidỹỹnybenykre.

²⁵ Ikoki taheka wahidỹỹõ ariwykre Jerusalẽ-ò. Jerusalẽ hãwã mahãdu dori aõhõkỹmy rotỹỹnymy rỹiramyhỹ.

²⁶ Macedonia bede-ki Akaia bede-ki tamy nieruõ riwahinykremy ratzireri dohodỹỹna mahãduõ kia rama rahureri mahãdu wahe.

²⁷ Tiibohe riwiòhenanyre deysana-di. Kia òbiti rare. Iribi tahe Deuxu rybe aõmydỹỹnana, Judeu mahãdu-ribe nade. Tai tahe judeukõdu mahãdu, tule judeu mahãdu riwòhenanymyhỹke taaõwiwi-di.

²⁸ Kaa nieru-di arakreu, tahe aroramy arehemynykre. Iribi Espanha-ò arakre.

²⁹ Tuu awana watzikreu, tahe teysamy Inynyryĩ-di rakatzikre.

³⁰ Bexitòenyke wadee waõmysỹdỹỹna sõwemy watzireri ariwinykremy. Deuxu Tyytybytyhy heka sõwemy wadee nade adeereny ariwahinykremy, luuna sõwemy adeereny ariwahinykre.

³¹ Tule ityhydỹỹdukõdu mahãdu Judeia wadee aõbinahãkỹ wadi ratximyhỹre. Wadi bexitòenybenyke jiarỹ iribi arahenykre. Tule kaa nieru rewyreri waribi teysamy rimyrenykre.

³² Tai tahe awanareny tahe wadeysamy arehemynykre Deuxudeewikeki.

³³ Deuxudeewikeki wii riki Deuxu ywina adeereny watzireri. Kie.

16

1-2 Fibi hāwyy ityhydỹỹdu seriòreõ adee rakre. Tii heka Sekrea hāwã ludu dohodỹỹna mahãduõ rare. Tii heka dohodỹỹdu mahãdu riwiòhenanymyhỹre aõu aõu aityhydỹỹdu seriòre wesemy. Tii kaiboho biwiòhenanykre, tii dori sōwemy riwawiòhenanyre.

3 Birybedỹỹnyke Prisila Akila-wana. Tii wawiòhenadỹỹdureny.

4 Tii wadee sōwemy riwinyre rubu lau ruberuõtyhy. Tai jiarỹ reālāwāhāre tamy, tule tuu ibutuma Judeukõdu dohodỹỹna mahãdu. Iheto dohodỹỹna mahãduõ warybe wehityhyna biwahenyre.

5 Epenetu-ò biwehityhyny. Tii ibutumy ityhydỹỹdu-ribi juhuule rityhynyre Asia bede-ki. Tii wabiòwa rare.

6 Marie adeereny raaõmysỹdỹỹtyhyre. Biwehityhyna wan-imy.

7 Adroniko, Junia wana biwehityhynanykre. Tiiboho judeu mahãduõ roire. Ròtenawo-ki wawana roiremyhỹ. Dohodỹỹna mahãdu rierytyhyre. Deuxu deòdỹỹna mahãdu heka wakomy rityhynyre.

8 Ijõ waityhydỹỹdu biòwa Ampliato inire. Tamy kanary-bekre tule.

9 Urbano, Estaki-wana tule Kristu dee wawiòhedỹỹdu tule rybe wehityhyna tamy biwahinyke.

10 Apele heka ityhydỹỹdu tyhy rare. Biwehityhynanyke. Aristabulo-wana heto woludu mahãdu biwehityhynanykre warybe tamy.

11 Tule biwehityhynanykre Herodiaõ —wajioiõ tii rare judeu mahãduõ wahe. Kristu dee dori kia iny òbiti rare. Narciso heto ludu ityhydỹỹduõ heka tule biwehityhynanykre warybe tamy.

12 Tule Trifena, Trifosa, Peside-wana raaõmysỹdỹỹmy In-nyrỹreny-ò biwehityhynanykre wary tamy.

13 Rufu tule Deuxu dee aõmysỹdỹỹdu rare ise tule. Tii dori nadi wesemy riwawisinanyre.

14 Asincrito, Flegonte, Hermes, Paroba, Hermas, tule biwehityhynanykre ityhydỹỹdu mahãdu.

15 Filologo, Julia-wana, Nereu taseriòre-wana, Olimpa, ityhydỹỹdu mahãdu tii-wana ratxireri ibutu-ò warybe wehityhyna.

16 Ibutumy aseriòre debò bimyyke biwehityhynanybenykre ibutumy. Ibutumy Kristu tydỹỹdu mahãdu-ò arawawehityhynanykre. Tule kaki dohodỹỹna irybe wehityhynanyre adeereny riwahinyreri.

17 Rybeõ roire kaa rybe tyyriti ixiydynako-ki. Ijõ aõhe dÿÿnana doimyhÿde kia hetowo hitxina-ki. Iwixiramy heka taerydÿÿna mahãdu –iwese inydeereny erydÿÿnamyhÿre wesemy aõkõ kia lau tahe bexiebenyke.

18 Aõ Jesuisi dee aõkõ raaõmysÿdÿÿnyre. Ixidee tule heka raaõmysÿdÿÿmyhÿre aõ ixidee ritarenykemy rõhõtinyhÿrenyre. Tiiboho heka rarybewihikÿmyhÿrenyre, aõma, ruikedÿÿmy timy bede erykõ tuu ratximyhÿrenyre.

19 Jiarÿ wadeysamy watzireri kaiboho òbitimy ibutumy toiteki. Araerywãhã jiarÿboho aõbo òbitire uritere aõbina widyyõmy.

20 Deuxu ywisidÿÿna wahidyyna dori Satanasi riixãwididÿÿnyke. Jesuisi Kristu Inynyrÿ wiõhedÿÿna adeereny riwahinykemy idi watzireri.

21 Tximòtxi dori wawiõhedÿÿdu rare. Lucio, Ijasõ, Sospatu, wajudeuijoi-wana tule adeereny irybe wehityhyna riwahinyre.

22 Jiarÿ, heka Tercio, reritinyreri aõbo Paulo rarybere adeereny. Jiarÿ adeereny warybe wehityhyna rewahinyreri.

23 Jiarÿ heka Kaio heto-ki watzireri, dohodÿÿna rabutunyreki watzireri. Kaio irybe wehityhyna adee riwahinyre. Tule Erasto hãwã nieru rubudÿÿdu rare. Tule Quarto inyseriòrereny rare. Ibutumy heka kaa irybe weityhyna adeereny rewahinyrenyri.

24 Inynyrÿ Jesuisi Kristu ruxetõena ibutumy adeereny kanakemy idi watzireri. Kie.

25 Deuxu irurutyhy-di rare. Tii heka adi riyrubunykemy adi watzireri. Iwese rybeweityhyna rarybere wesemy, ruru adee riwahinykre.

26 Kaheka Deuxu tarasana rare. Ibutumy iny mahãdu kaa tarasana rare. Katahe wiji ibutumy Deuxu rybemy rybena reamyhÿre. Iwese Deuxu rybedu mahãdu juhoo rarybere wesemy. Deuxu heka ibutu-ò tuu rarybere. Tai tahe ibutumy iny Deuxu Tyytybytyhy rierykre tule rityhynykre.

27 Deuxu-ò àlana biwahinykeki tii dori bedeeryna ratximyhÿre Jesuisi Kristu òraru-ki wowydyna tamy biwahinybenykre aõu aõu. Kie, Paulo.

1 Oritxi Mahãdu-ò **1 Oritxi Hãwã Dohodỹỹna Mahãdu-ò**

1 Paulo jiarỹ Deuxudeewimy deòdumy wãhãre, Jesuisi Kristu deòdỹỹna-ki wahe. Jiarỹ waityhydỹỹdu seriòre Sòteni-wana adee warybereny adiwahinyde.

2 Oritxi hãwã dohodỹỹna mahãdu-ò heka watyryiti adiwahinyde, Jesuisi Kristu òbitidỹỹna mahãdu-ò, Deuxu hõrõ mahãdu-ò, hãwyy, hãbu-wana, ibutumy Jesuisi Kristu ityhydỹỹdu mahãdu-ò. Tii iny Iòlòrenymy heka ratximyhỹre.

3 Ruxetòena, ywina-wana adeeren kanakemyidi watzireri, Deuxu iny tyby-ribi, Jesuisi Kristu iny Iòlò-ribi.

4 Deuxumy reàlàmy watxiwãhãre, Jesuisi Kristu adeereny ruxetòena diwahinydeki.

5 Ibutumy dori iribi tòerymy ahãte arybena-di, erysydỹỹna-di.

6 Kristu dee rybena akireny roimyhỹre.

7 Iribi awahidỹỹna rauhenyõreri, kaiboho dori Kristu deòsidỹỹnany teraòmahãte.

8 Jesuisi arawiòhenanyhy rarekre bededỹỹnana konana-ò, tatxuu òbitimy ixiko-ò, rexilamadỹỹnykemy.

9 Deuxu òbitihyyra. Tii aratobinyra Tariòre Jesuisi Kristu-wana rarekremy, iny Iòlòrenymy.

10 Jiarỹ adeereny rexitòenyneri Jesuisi Kristunimy iny Iòlòrenynimy wiwese wimy wimy bityhynymy marybebenykemy. Wade awiõre wiribi hitxi hitxidỹỹ. Wii bitotynytyhymy boibekemy adireny watxiwãhãre, araykyreny-ki, aerysynareny-ki.

11 Kaiboho waseriòre mahãdu, wimy taujõmotenyteri. Lòe hetowoludu mahãdu kia wako relyyra.

12 Inyõ wadee rarybemyhỹre. Ijõ mahãdu heka Paulo rityhynymyhỹre ihõrõ mahãdu wahe, ijõ heka Apòlo rityhynymyhỹre ijõ tasỹ Pedro rityhynymyhỹre, ijõ tahe Kristu rityhynymyhỹre.

13 Aõherewe, Kristu be iny rihitxihitxinymyhỹre. Paulo be itxeò nihikỹ tyre-ki rurure adeereny. Pauloni-di be rasebere.

14 Inyõ he ròratisebenyõre. Krispu, Kaiowanale tahe re-sebenyre. Tai tahe wabedesamy watzireri.

15 Kiamy ta heka inyõ rarybeke lau reijõnymahãre: —Jiarỹ Pauloni-di rexisebenyre.

16 Tefana hetowoludu mahãdu adiratisebenyde. Inyõ rera-tisebenykeki wanohõti reaõhyyre.

17 Kristu dori aõsebedyõmy aõkõ diwateõnyde Rybewihikõmy rybemy. Bede erydõõna nihikõmy rybemy aõkõ diwateõnyde, Jesuisi itxeò-ki lamana ariwòkemy aõkõ, kia inydeereny rurureki wahe.

18 Kristu itxeò rubумы ijyy heka ityhydõõdukõdu dee itxõtena rare. Biu-ò hedu mahãdu dee tahe, Deuxu ruru kia rare.

19 Kiamy tahe iritidõõna roire: ierysydu mahãdu erysyna-di ariixãwidõõnyke. Bede erydu rayky-di adiiõnykre.

20 Titxibo tahe bede erydu rare. Tyyritimy erydu heka titxibo rare. Titxibo tahe wiji dõõraxidu rare. Kabede ludu bede erysyna heka Deuxu-ò itxõtedõõna rare.

21 Bede bede ludu mahãdu rõhõtinyre bedeerytyhymy. Tai tahe Deuxu iximy rierynanyõhyre. Kia tahe Deuxudeewire. Iny rybewihikõmy rybe heka iny witxira-ò itxõtere. Kia-di tahe Deuxu iny ritareri iny rityhynyreki.

22 Judeu mahãdu aõwiwi rõikemy aõbo raremy ratxireri. Judeukõdu mahãdu bede erysydõõna-di rarekemy riijemyhõre.

23 Kristu itxeò-ki lamanamy iny rarybemyhõrenyre. Kia tahe judeu mahãdu riojinyre, judeukõdu mahãdu dee itxõtena kia rare.

24 Tahe Deuxu rariròwysyna judeu tule judeukõ mahãdu-ò heka Kristu erydõõna tule ruruna rare ihedõõnarenymy.

25 Deuxu itxõtedõõnamy rybe hãbu bedeery ratyre rare. Deuxu iruruõkeki, tii hãbu ruru ratyre iruru rare.

26 Waseriõre mahãdu arariròwysyna-di mohõtinybenybeke. Betehemy iny erysyna mahãdu-ribi sõweõre, Deuxu rariròwysyna mahãdu. Dinodu mahãdu sõweõre, iny Iòlõtityh mahãdu-ribi sõweõre.

27-28 Deuxu heka aõna aõna itxõtena ritare bedeeryhykõ mahãdu riixõrudõõnykre. Aõna aõna ruruõ Deuxu ritare aõna aõna ruru-di riixõrudõõnykre aõna aõna derare, aõ aõkõ rare Deuxu ritare aõ-di aõ aõkõ-ò riyjanykre.

29 Tai dorihe inyõ rexyhynykõkemy Deuxuko-txi.

30 Kaiboho dori Jesuisi Kristu hõrõ toite. Tii heka inydee ibutumy rare: erysynamy õbitinamy, tamanamy, tarasanamy rare biu-ò hena wahe. Deuxu kia ibutumy diwahinyde inydeereny.

31 Kia dori ritina rybe-ki roire: –Inyõ rexiwowydynykeki, Deuxu-ki rexiwowydynyke.

2

1 Waseriõreboho aõ hãbu bede erynihikõ wese aõkõ adeereny anade. Deuxu rybetyhydõõnanamy ararybekremy. Rybenihikõmy heka rarybeõre.

² Tii sohojile reeryre akireny rarewâhâu, Kristu itxeò-ki lamanale wahe.

³ Akireny rarewâhâu waruruõmy rarewâhâ, ixÿru brebu tahe riwamytatadÿÿnyre.

⁴ Wabedeerydÿÿna erytyhy rybesirahakÿ-di aõkõ rarybereri iny rityhynkemy. Urile tahe Deuxu Tyytyby ruru-di rarybewâhâre.

⁵ Hâbu erytyhydÿÿna aõkõ bityhynkemy adi wâhâre Deuxu ruruna tahe atyhynarenymy heka idi toite.

⁶ Ityhydÿÿdu umy-ò bedede erydÿÿna-di rarybemahâre. Kabede aõmydÿÿnana bedede ery aõkõ rare.

⁷ Kia tahe Deuxu erydÿÿna tyhyre. Kia heka hâbu mahâdu lau riwõmyhÿre. Juhu inydeereny riywinyre.

⁸ Kia bedede erydÿÿna inyõ wiji Iòlòtyhy mahâdu rieryõre. Kia rierymyhÿkeki, Wanyrÿ wowydyna-ribi itxeò-ki ritamadÿÿnyõhyre inihe.

⁹ Iwese Ritidÿÿna roireri wese rare: —Rue lobixiõhyymyhyre, nohõti heka roholaõhyymyhyre, inywo rieryõhyymyhyre, aõbo Deuxu riwinyre taluuna mahâdu dee, tamy riwahinykremy.

¹⁰ Deuxu Tyytybytyhymy kia inyboho riteõwarixinyrenyryre. Ityytyby ibutumy rieryre. Deuxu raykywo-ribi aõ ritÿnynymyhyre.

¹¹ Inyle heka iny ixirayky rierykre, kawese tule Deuxu tyytybydile aõna aõna rierykre.

¹² Bedede aõmydÿÿnana aõkõ inydeereny wahisidÿÿdu rare. Deuxu Tyytyby tahe inydeereny wahisidÿÿdure.

¹³ Kiadile Deuxu wahisidÿÿna iny reeryrenyryre. Kia iny reerydÿÿnanyamahârenyryre hâbu bedede erydÿÿna-di aõkõ, Deuxu Tyytyby rybe-di tahe reerydÿÿnanywâhâre. Kia iny retÿnynymahâre iny Deuxu Tyytybytyhy-di mahâdu-ò.

¹⁴ Iny Deuxu Tyytybytyhy-di rÿiõra mahâdu dee Deuxu Tyytybytyhy aõmydÿÿna dera. Tamy itxÿte rare. Rierykõre. Deuxu Tyytybytyhdile iny rierymyhÿre.

¹⁵ Iny heka Deuxu Tyytybytyhydikeki ibutumy rierymyhÿre. Inyõ tahe tuu aõmy tuu irybeõna.

¹⁶ Ryberiti-ki roire: —Mobo tahe rieryre Wanyrÿ rayky, mobo tamy aõ ritÿnynykre inyõ aõbo? Inyboho Kristu rayky ijõdire, iwesele raraykynymyhyre.

3

¹ Waseriõreboho adeereny rarybeõhyre hâbu Deuxu Tyytybytyhy-di rÿira wesemy. Hâbu õrarudu wesemy rÿirawesemy adeereny ararybeke. Uladu wesemy Kristutyhydÿÿ-ki rÿira wesemy adeereny rarybere.

² Huỹsy-di òedỹỹ araerynadỹỹnyrenyreu rỹsỹnatere wesemy aõkõ erydỹỹnasiramy aõkõ rybe. Kia rỹsỹna rỹsỹmy texiy-winyõtenyete. Wiji tule texihumy aõkõ toitenyete.

³ Òrarudu wesemy dori ahãtenyete. Ihãrumy, ijãmy atx-imyhỹtenyete. Tai tahe òrarudu mahãdu wesemy ahãte ityhy-dỹỹdukõdu mahãdu wesemy ahãtenyete.

⁴ Inyõ rarybekeki: —Jiarỹ Paulo erydỹỹnay-ki rare. Ijõ rarybekeki: —Jiarỹ Apòlo erydỹỹnay-ki rare. Tiiboho ityhy-dỹỹdukõdu mahãdu wesemy ihỹrenyete.

⁵ Aõbohe Apòlo, aõbohe Paulo. Deuxu deòdu heka iny-boho roire. Inyribireny tetyhynymy teerymahãtenyete. Iwese Deuxu iny sohoji sohoji-ò aõmydỹỹna riwahinyete wese, tai tetyhynyete.

⁶ Ta jiarỹle rybemy rarybere iny aõty ribòrònymyhỹre wese, Apòlo rybe ritỹnynyete iny alòbòròna ribenymyhỹre wese rit-uunye. Deuxule tahe idimyhỹre iwese alòbòròna riumpy-dỹỹnymyhỹre wese.

⁷ Tai tahe tòbòròdỹỹdu aõ aõkõ rare; ituudỹỹdu tule aõ aõkõ rare. Deuxule aõwedu wedu heka rare. Tiile ityhydỹỹdu widỹỹdu nihikỹ rarekre.

⁸ Tòbròdỹỹdu ituudỹỹdu-wana sohoji wesemy ihỹrenyete. Sohoji sohoji tauri wahisidỹỹ ritakremy, iwese sohoji sohoji raaõmysỹdỹỹmyhỹre wese. Wiwana dori Deuxu dee iny raaõmysỹdỹỹmyhỹre.

⁹ Inyboho heka Deuxu wiòhedỹỹdu mahãdu roire. Kaiboho tahe Deuxu oworu wese toite. Iwese tahe Deuxu heto wese kaiboho toite.

¹⁰ Heto widỹỹdu deyrewete wese retelenyete. Ibutumy Deuxu ruxetòenamy kia rewinyete. Juhumana retidire idi tahe itira ityete reòdònyra. Ywimy biwinybenyete. Awimy bitamadỹỹnykemy.

¹¹ Jesuisi Kristu juhumana wese heka rare, inyõ tiile tarasadu wahe ijõ manaõ teròwomy ritidiõtyhy.

¹² Ibutumy juhumanatyete-ki relererì. Ijõ womati tỹrỹrỹhỹkỹ, ijõ prata-di ijõ manatỹny-di, ijõ òwòru-di, ijõ òteti-di, ijõ horeru-di.

¹³ Kia txuu Kristu txu wahe riteòsinyete aõdibo sohoji sohoji raaõmysỹdỹỹmyhỹre heòty dori riurihixinanyete. Aõhebo iny rotỹỹnymyhỹreki.

¹⁴ Juhumanatyete-ki iny aõmydỹỹna rỹikeki, tii uri iwahisidỹỹnana ritakre.

¹⁵ Iny aõmydỹỹna rasõkeki tii ròònodỹỹkre. Ihãre tahe tarasana ritakre heòtyroobymy wahe.

¹⁶ Kaiboho Deuxu heto wesemy toitemahã. Teeryõte aõbo. Deuxu Tyytybytyhy heka aworeny-ki rasỹnymyhỹre.

17 Inyõ Deuxu heto wesemy rahukeki, Deuxu tii rihukre, Deuxuheto dori rare. Kia tahe kaiboho toite Deuxu heto lytytyhy rare, ihõrõtyhy wahe.

18 Ixi itxenadỹỹõmy, inyõ bedeerymy ixi-di rõhõtinykeki, raitxỹteke tai tahe bedeery inatyhy-ki rareke.

19 Kabede bede eryna tahe Deuxu dee itxỹtena rare. Kia Ritidỹỹna-ki tahe roire: —Bede erynadu tyhy tabedeerydỹỹna-ki Deuxu-ò ròõnodỹỹre.

20 Ijõ Ritidỹỹna-ki roire: —Wanyrỹ, bede erydu rayky rieryre. Kia raykywi aõ aõkõ rare, rybetyhy aõkõ.

21 Iny aõmydỹỹnana-di ixiwowydỹỹõmy, ibutu dori ahõrõ rare.

22 Paulo, Apòlo, Pedro, bede, umy, rubu, aõmydỹỹna wijina, aõmydỹỹna bede kanakre, ibutummy ahõrõ rare.

23 Kaiboho Kristu hõrõ toite. Kristu Deuxu hõrõ rare.

4

1 Inyboho Deuxu deòdu roire, ibutummy idi mohõtinybenyke tii inykireny ihỹre. Inyboho dori Deuxu aõmydỹỹnana erykõdu tỹnydỹỹdu roire.

2 Deuxu tỹnydỹỹdu òbitihyky rarekemy.

3 Wadi rõhõtinykeki awimy aõbo ibinamy aõbo kia tahe wadee aõ aõkõ rare. Aõbo dohodỹỹ tỹnydỹỹdu mahãdu wadi rohõtinyke kia wadee aõkõhykyre. Jiarỹ tahe ixi-di dehummy rahõtinyõhyamahãre.

4 Jiarỹ reeryõre inyõ aõbinamy wadee rexiwonyke warayky wadee òbiti rare. Tahe ihãrele òbitimy iko-ki rare. Wanyrỹ tahe wadi timy rõhõtinyke.

5 Kia tahe wiji idi timy nohõtĩõmy. Jesuisi nonanako-ki. Tii tahe kanakreu, ibutummy wasimy aõ rỹira ritỹnynykre, ibutummy iny raykymy rỹira ritỹnynykre. Kia txule ibutummy iny tabe-
deòbu ritakre Deuxu-ribi.

6 Kia aõna aõna wawese riwawesenanyreri. Apòlo wese tule rewesenanyreri. Kaiboho dori bierybenykemy kia: ierys-
dỹỹrenyõmy aõbo iritidỹỹnawo-ki ihoõre. Kia wese keki, ijõ tỹnydỹỹdu ijõ ratyre ryiõtyhy.

7 Mobo iny wiribi iwitxiramy ihỹre. Aõbohe akire Deuxule aõwiwi adee riõre. Ibutummy iribi tetateki tahe aõherekibo axiwedere.

8 Kaiboho ibutummy aõ ijõdire. Tatyhytenyete, iòlò wesemy taditehemynyete iny arawìõhenanyrenyõre. Wadee awire kai-
boho iòlòmỹ ahãtenyete. Tai jiarỹboho awana ariòlònykre.

9 Kiamyre òsana. Deuxu dee heka inyboho deòdỹỹna mahãdu rurukrerke mahãdu roire ibutuko-txi, yjuko-txi, hãbukò-txi.

¹⁰ Kristu òraru-ki itxýtewesemy jiarỹboho roire. Kaiboho Kristu erydure riki. Jiarỹboho warurukõreny. Kaiboho orarudirenyre jiarỹboho inyõ waluurenyõre. Kaiboho tahe ibutu luuna toite.

¹¹ Ihãre tahe wiji ramamy, bemomomy, tykyõmy rekoamyhõre. Tule sýywisidýõna rýiõre. Tule jiarỹboho wahãwã òbiti ihokõre.

¹² Ihãre inyboho naaõmysýdýõmyhõde iny debò-di irukemy. Inyõ inydeereny aõbinamy rarybekeki, awilemy inyboho ri-rawyõnymyhõre. Inyõ aõsirahakýle inydee riwinykeki, aõmy rybeõmyke.

¹³ Rybebinamy inyboho dee reakeki, ihãrele Deuxumy tamy rarybemyhõre. Rýnysityby wese inydireny tiiboho retehemyhõre, ijese ijese wesemy.

¹⁴ Kia ròritidýõreri aixýrudýõrenemy aõkõ, tahe wiõhedýõdumy retirýreri binadýõna lau, iwese inytybyõ tariõre rierynanyre wese.

¹⁵ Tahe sõwemy Kristu-ki bede erydýõdu rýire. Sõwemy aõkõ bobohomy rýirenyre. Kristumy heka jiarỹ sohojile borenymy rare. Rybewihiký erysyna-di dori borenymy rãire.

¹⁶ Kia dori kaiboho wawesemy boibekemy adireny watxireri.

¹⁷ Tai Tximòtxi reteõnyre adeereny. Tii wariõre luu wesemy ratxire. Tii òbiti rare Wanyrý-ò. Tai watxi õhõtireny reake iwese Jesuisi Kristury wese rariamyhõreki, tule iwese reerynanyre wese ibutu dohodýõna hetowo-ki.

¹⁸ Inyõ ixiwowydymy ixidi rõhõtinyinmyhõ iwese arura-ò araõreki.

¹⁹ Wanyrýdeewikeki arakre wylemy arorareny-ò. Tai arierykre ixiwowydymy nohõtidu irybe sohojile aõkõ arierykre, aõhebo rotýõnyre tule arierykre.

²⁰ Deuxu òlõna heka rybe sohojile aõkõ rare, rurutyhy heka rare.

²¹ Aõbo tahe awityhyre òhòte-di adehemyny aõbo, ada luuna-di ywina-di adehemyny aõbo?

5

¹ Dohodýõna mahãduy-ki òrarutyhy-di riki toite kia tahe rare: hãbuõ heka tybyhãwytyby-wana roire. Kia òraru tahe ityhydýõdukõdu mahãdu riõludunyõhyymyhõre.

² Kia hyyle xixi-di aõ aõkõ tõhõtinyinmyhõte. Aõherekibo bede teòtiinyõtenyete tahinyõmy idi textiõenyõhyytenyete. Hãbu kia riwinyre, ityhydýõdu mahãduy-ribi biõlòdýõnyke.

³ Jiarỹ akynyre-ki watxiõrerihãre, tahe warybetytyby awanareny ratxireri, iwese jiarỹ awana ratximyhõre wesele. Tahe wadohodýõna ariwahinykre kahãbumy ibinamy riwinyremy. Tahe ityhydýõdu ributunykeu,

⁴ warybetytyby akireny rỹireu, Jesuisi Kristu ruru akireny rỹireu, kahãbu Satanasi-ò biwahinybenyke.

⁵ Tai kahãbu umy Satanasi-ò biwahinybenyke ityutyby tahe rahenykre Wanyrỹ Jesuisi kia nonanatxu-u.

⁶ Arybe iximy wydy awi aõkõ rare. Taholaõtenyete aõbo kia rybe-ò; iuri ibutere paõ widỹyna sõwemy rauridỹyra uridỹyna heka òraru wese heka rare.

⁷ Idi behubenyke iuri hitxina-di, tahe paõ iuriõmy rỹirekre wese boibekemy òbitimy, Kristu tule budõeni xiwedỹyna wesemy inydeereny rurure, iny Pascoareny worana bedehesi dorihe rarỹynymy rare.

⁸ Tai tahe ixena roxina rikiwinyrenyke. Paõ iuri-di ryiõmy rakatximyhỹreny. Kia uri paõ òraruihetxina wese rare. Paõ tỹmyra, òbitire, inatyhyre, tii rikiyrenyke. Kia tahe rare òbiti widỹyna wahe.

⁹ Adeereny watyyriti rewahinyre òrarudu mahãdu roo-ki risiõmy, òtadu mahãdu-wana boiõkemy.

¹⁰ Ibutumy òrarudu mahãdu-ò aõkõ adeereny rarybere. Iny ibina mahãdu, wasidu mahãdu, Deuxutyhy luukõdu mahãdu. Kia-wana noõrenymykeki, bede-ribi ihyye bexihitxinyke.

¹¹ Wiji watyyriti kia wese rewahinyre. Ityhydỹyduy-txi ròtedu òrarudu rarehyykeki, kia roo-ki risiõmy tule iny ibina mahãdu, Deuxutyhy luukõdu, ujõmomy rybedu, wasidu, ax-axa momodu, kia mahãdu-wana tahe byreõmy.

¹² Ityhydỹydukõdu mahãdu ywisidỹydu aõkõ jiarỹ rare.

¹³ Deuxu dohodỹydukõdu mahãdu hitxidỹydu rarekre. Deuxu Ryberiti-ki roire: —Òrarudu ay-ribi biòlòdỹyntyke.

6

¹ Iny ityhydỹyduõ widee raurenanykeki, aõbohe awire? Erysydu-ò rikidy aõbo ada ityhydỹydu mahãdu-ò rybeke aõbo? Uritere ityhydỹyduòle marybekre.

² Ityhydỹydu mahãdu bede bede mahãdu ierysydỹykre. Kia teerytenyõta aõbo. Ityhydỹydu mahãdu bede bede mahãdu ierysydỹykeki, aõna aõna iyja tahe teeryõtenyete timy rasỹdỹynkemy.

³ Tahe inyboho yju aõmydỹynana rikieryrenykre. Kiakeki iratyre kabede aõmydỹynana rakieryrenyhyyke.

⁴ Erysydỹynana ijõdikeki, aõherekibo erysydu ityhydỹydukõdu-ò radymyhỹre. Ityhydỹydule aõtxi awire.

⁵ Kia heka adeereny ixỹruna rare. Hãbu erysydu ityhydỹydu mahãduy-ki ratxiõre aõbo ierysydỹy-ki.

⁶ Erysydu ijõdihãre ta ityhydỹydu seriõre wii ridyke aõbo ityhydỹydukõdu erysydu-ò, kia awiõre.

7 Ityhydÿÿdu wii ridykeki, kia tahe iaõ bede eryõmy rare. Inyõ adeereny aõmy rotÿÿnykeki, urile tahe aõhõkÿmy rotÿÿnykre. Kia heka Inynyrÿ-ò òbitire.

8 Kaiboho ityhydÿÿdu hãre aõhõkÿmy wii tesÿnymahãtenyte.

9 Òrarudu mahãduõ-ò, Deuxu Iòlõna uri riwahiõtyhy. Kia teeryõtenyte, iny ywimynoduõ, Deuxutyhy luukõdu, wiriõrese-ò òtadu, hãbu hãwyy wese rexiwahinymyhÿre ijõ hãbu-ò.

10 wasidu, ixidee imynomy nohõtudu, axaxamomodu, jei jeimy rybedu, inywitxira aõmydÿÿnana wydydu, kia-ò Deuxu Iòlõna uri rawahiõtyhy.

11 Kaiboho heka juhu kia wese toite. Wiji tahe iny Iòlõ Jesuisi Kristu, anasuhode, anaixãwidinyde anatade Deuxu Tyytybytyhy-di.

12 Ibutumy ariwinyke ixidee wikeki ibutumy aõmydÿÿnana tahe iwidÿÿ awiõre. Ibutumy arotÿÿnyke ixidee wikeki, aõ aõkõ tahe waumy-di rarekemy raremyhÿ.

13 Rÿsÿnaheka weryri-ò ralõmyhÿ kia-ò heka ihÿmyhÿre. Kia heka Deuxu wiwanale rahukre ikonana-ò. Umy heka òraru-ò sohojile aõkõ rÿire. Deuxu umydikemy dorihe riwinyre.

14 Deuxu Inynyrÿ riixixanyre rubu-ribi. Tule iny kidiixixanykre taruru-di.

15 Iny umy heka Kristu rareasa rare. Kia aõbo teerytenyõte? Kabe Kristu rareasa aderana-wana rabutukre, aõkõrehe.

16 Inyõ hãbu aderana-wana roiikeki, sohoji umyhyyle wiwana roireke. Kia teerytenyõte aõbo? Kia Tyyriti Ir-itina-ki roimyhÿre, hãbu hãwyy-wana sohoji umyhyyle wiwana roireke.

17 Moo Wanyrÿ-wana ributunyekeki, sohoji Deuxu Tyytybyle rareke.

18 Òraru-ribi teõrehemy atximyhÿbenyke Ijõ òraru inyõ riwinykeki umywo-ribi nodu aõkõ rare. Òta òta òraru tahe inyõ riwinykeki, kia ixiumy òludu òraru-di reake.

19 Aumy Deuxu Tyytybytyhysÿ rare. Kia aõbo teeryõte? Deuxu rexiwahinyre awo-ki rasÿnyhyymy rarekremy.

20 Kaiboho aumy wedu aõkõ atxitenyteri. Jesuisi Kristu adee rurureki. Tii òwynihikÿ-di anadyde, Kia tahe aumyreny-ki Deuxu-ò bealãbenyke, òbitimy bexisÿnyke aumyreny-di.

7

1 Atyyriti dÿÿraxi rerawyõnyreri. Kia rare: hãbu hãwyy-ò aderexiõhyykeki, kia heka awire.

2 Hãbu tahãwydyhyyle rareke, tule hãwyy tahãbudihyyle rareke òta òta òraru dori sõwerek.

³ Hãbu tahãwyy-ò umy wahisidỹỹna tamy riwahinyke. Hãwyy tahãbu-ò umy wahisidỹỹna riwahinyke.

⁴ Hãwyy taumyweddu aõkõ rare, ihãbu iwedure. Tule hãbu taumyweddu aõkõ rare. Ihãwyy iwedure.

⁵ Wiòmysadỹỹõmy. Urile rexitõenykemy aõutxu-ò wii riòmysanykre. Urile ixideewimy wiwana ratxike. Idi wiwana roikre Satanasi riixiranyheny bededỹỹnana riijereki.

⁶ Kia warybe bedede ywina aõkõ rare. Urile wadohodỹỹna rare. Adee awikeki, tuu bityhynybenykemy.

⁷ Ibutumy hãbu wawese rỹirakeki, awire. Iny sohoji sohoji tahe, Deuxu bedede ywisidỹỹna tamy riwahinyra ijõ wiribi lahitxi ihỹre.

⁸ Ixihy mahãdu-ò wytese mahãdu-ò wadohodỹỹna rewahinyre: wawese hyy rỹirakeki, awire.

⁹ Ixiwedduõkeki, tahe boikre, tii arasahyy mabekelau.

¹⁰⁻¹¹ Hãbu hãwyy my heridu-ò warybe rewahinyra, tahe warybe aõkõ rare, Wanyrỹ rybe. Kia rare: Hãwyy uritere tahãbu ririõhyyke. Hãwyyõ tahãbu-ribi rexihitxinykeki, ijõ-wana roiõke ada tahãbuwanale ixyby roike. Tule hãbu uritere tahãwyy risiõmy.

¹² Ijõ-ò warybe rewahinyra Wanyrỹ rybemy aõkõ: Ityhydỹỹdu seriõre ihãwyy ityhydỹỹdukõdukeki, uritere iatysyõmy hãwyy tii-wana rarekemy ratximyhyreki.

¹³ Hãwyy ityhydỹỹdu ihãbu ityhydỹỹdukõdukeki, tule uritere iatysyõmy tahãwyy-wana rarekemy ratximyhỹreki.

¹⁴ Hãwyy dori ta hãbu ityhydỹỹdukõdu riõbitinymyhỹre rityhydỹỹnymyhỹ tii-wana ratximyhỹreki. Hãwyy ityhydỹỹdukõdu iwesele ta hãbu risỹnyre. Aõkõkeki ariõre ityhydỹỹdukõdumy raremyhỹ. Ka tahe rityhynyreki.

¹⁵ Ityhydỹỹdukõdu resekeki ixinamy rake. Kia wesekeki, ityhydỹỹdu ritaamy aõkõ ihỹre. Kaiboho ywina-di boibekemy Deuxu ratximyhỹre.

¹⁶ Hãwyy, teeryte ta hãbu rityhynykre aõbo, ada aõkõre aõbo? Aõkõ, teeryõte.

¹⁷ Iwese Deuxu iny sohoji sohoji rihitxihitxinyre wese, boibemahãke. Iwese atximahãtenyete wese Deuxu anatadenydeu kia wese boibeke. Kiamy heka reerynanymahãre ibutumy dohodỹỹna-ki.

¹⁸ Inyõ notyky resyna-di bityhynykeki, kaweselemy mabeke. Inyõ õtyky resyna-di aõkõ bityhynykeki, juhuu tatemahã wese mabeke, notyky resydỹỹõmy.

¹⁹ Notykyresy aõ aõkõ rare, ityky resykõ tule aõ aõkõ rare. Deuxu bedede ywina ywidỹỹna, kia heka aõ wihikỹ rare.

²⁰⁻²¹ Iwese Deuxu ibutumy iny ditade wese, juhu widỹỹnalemy mabeke. Deõdumy aõbo tetyhynyte, tahe

tuhyymy mabeke. Awedudeewimy bexihukeki tahe, idi make araokorore-ribi bohonykeki, tahe make.

22-23 Deòdu-ò Deuxu ritakemy rarybekeki, tahe rityhynykeki, tii raòkòrò-ribi rohonyra Deuxu rue-ò òkresyò mahādu rityhynyrenykeki, tiiboho deòdu roire. Deuxu aradyra òwyhykỹ-di tai tahe hābu deòdumy aòkō boibeke.

24 Ityhydỹdu seriòre, iwese atximahāte wese adee tarasanamy Deuxu rarybereu, kia wesele boibeke.

25 Ijadòma-ò bede ywinamy Wanyrỹ Deuxu tarybe diwahinyòde. Ihārele wadohodỹna adee ariwahinykre kialemy. Deuxu dori tatòenamy riwaòbitinyre.

26 Aòhebo kowa rotỹnyre, awi aòkō rare. Kia tahe arato-honykre: Iwese iny ratximyhỹre wesehyy, boibeke. Tii tahe wadee awire.

27 Kai aòbo hāwyymy heridu tate. Tahe ixihitxidỹmy nohòtiòmy. Kai aòbo hāwyymy heridu aòkō tate. Tahe hāwyymy herimy nohòtiòmy.

28 Tahe hāwyy-wana boikeki. Tii òraruna aòkō rare. Tule ijadòma roikeki tule òraruna aòkō rare. Ibutu iny heridu iaòmydỹ-ki aòhòkỹmy rotỹnyrenyke. Ilau jiarỹ adeereny rarybere inyò aòhòkỹmy rotỹnyheny.

29 Bededỹnana he iòhòre. Tai tahe adee rarybere waseriòreboho, inyò heridu ixihyno wese ratxikemy.

30 Iny bedewomy ratxirerí, ixibedewodỹ-ribi tōhòti rosake. Iny deysamy ratxirerí, deysa-ribi nohòti rosake. Inyò aò riwmyhỹré, ihokō wese rotỹnyke.

31 Kabede aòna aòna kai bierysynanykeki iwese ierysy-dỹòmy bisỹnyke. Kia aòna aòna ibutumy ituekre. Bededỹnanahe aòwesele rexihukre.

32 Ixiraòmy ahābenyke, kiamy tahe adee watxiwāhāre. Inyò heridu aòkō Deuxu aòmydỹna riywinymyhỹke, iwese Deuxu-deewimy ratximyhỹkemy.

33 Iny heridu heka bede aòmydỹna riywinymyhỹre, iwese tahāwydeewimy ratximyhỹkemy.

34 Kiamy rihitxinyre. Hāwyy tule heridu aòkō Deuxu aòmydỹna riywinymyhỹre taumy Deuxu Tyytybytyhy òbitidỹmy. Hāwyy heridu tahe bede aòmydỹna-di rōhòtinymyhỹre tahābudeewimy riywinykemy.

35 Kia aratohodỹnyra adeerenywikremy. Kaiboho arataaòtyhy. Urile anawiòhenanymahāde Deuxu iòhòmyhỹreki. Iòkòramy ibutumy arahenyrenyky watxiwāhāre.

36 Ijadòma tibiedỹdu tatibiena-ò òbitimy aòkō risỹnomy rexinohòtinymyhỹre. Ijadòma tahābumy herina bede-ò rehemynyre. Tahe tatibiedỹna-di inyò-wana roikemy idi ihỹre, ixinamy roike. Kia òraruna aòkō rare.

37 Weryrybò heriòkemy rarurunykeki, tii tahe awire. Tii dori irurudire iheridỹnyke heny. Tii ixiumy wedu rare.

38 Tahe riheridỹnykeki, tii awire. Tule riheridỹnyòkeki, iratyretyhy awire.

39 Hāwyy hābu-wana rỹihyyke hābu irumy. Rurukeu tahe hāwyy aòtxile roike. Urile Wanyrỹ Deuxudeewimy.

40 Tahe wytesetyhymy ratxihyykeki, teysamy rỹikre. Tuheka jiarỹ rahòtinyreri. Deuxu Tyytybytyhy wawo-ki ratxirerimy idi rahòtinyreri.

8

1 Katahe adeereny ararybekre: Suritxoo-ò rỹsỹna xi-wedỹnyamy. Inyboho ibutumy bedeery roire. Bede ery iny aònityhymy rixinohòtinyre. Luuna tahe inywiòhedỹdure.

2 Inyò aòerysydumy rexinohòtinykeki tii aòwihikỹ rieryòre.

3 Inyò tahe Deuxu luukeki, Deuxu tii rierymyhỹre.

4 Kaa rỹsỹna suritxoo-ò xiwemy rawahimyhỹre. Kia tahe aritỹnykyre. Inyboho rieryrenyure suritxoo aò aòkò rare. Sohojihyy heka Deuxu rare.

5 Iny deuxu aò òta òtalemy rininimyhỹre biu-ki, bede-ki. Iwese deuxu sòwemy ihỹre wese wedu sòwe rare.

6 Inydeereny Deuxu sohojile rare. Inytybyreny. Tii ibutu aòna aòna riwinyre. Tamy inyboho roire. Tule inydeereny Wanyrỹ sohojile rare, Jesuisi Kristu. Tii ibutu widỹdure. Tii ratximyhỹre xiery inyboho ratximyhỹrenyure. Tamy inyboho roire.

7 Tahe ibutumy kia iny rieryòre. Iny sòwemy suritxoo iny reòwarimy rỹira. Tii riki ixiwenadumy riroxikeki, tai òraruna tuu relemyhỹre.

8 Rỹsỹna aòkò riwatyhenyrenyura Deuxu-ò. Tai roxiheny rỹire. Rikirỹsỹrenyòkeki, rikiònonyrenyòtyhy. Rikirỹsỹrenykeki, aò rikitarenyòtyhy.

9-10 Bexiebenyke. Urile ityhydỹdu aokòdu ixihe-ki iatysyòmy, aurihixinahe-ki. Suritxoo hetowo-ki inyò umy robikeki teroxiterimy, tii tule ijò rỹsỹmy rexiwonyre, xiwe rỹsỹmy.

11 Tai tahe aòraru-ki aseriòre atyhyna-ki òraruna-txi resekre. Tamy Kristu tarasamy rurure.

12 Kiamy ityhydỹdu seriòre-ò taòrarunyteki, tule Kristu-ò textiòrarunyte.

13 Tai rỹsỹna òraru-ki ityhydỹ-ki waseriòre òraruna-txi resekeki, jiarỹ kia rỹsỹna ariroxiòtyhy, waseriòre òraru-ki.

9

1 Jiarỹ adeereny rexihyymy watxiwähãre. Jesuisi teòdỹnyamy jiarỹ watxiwähãre. Jesuisimy, Inynyrỹrenymy

rabiõremy tahõtinyinmahâtenyete aõkõ, Jesusimy rabire. Waòraru-ki kaiboho ityhydÿÿdumy toite. Deuxu dee waõmysÿdÿÿ òraru-ki ayreny-ki.

² Inywitxiraõ-ò òsana Deuxu deòdÿÿnakõmy watxiwâhâre. Adeereny tahe inatyhymy Deuxu teòdÿÿnamy wâhâre kaiboho dori wateòdÿÿna urihixinamy ahâtenyete Deuxu dee.

³ Kia tahe warawyòdÿÿna rare iny witxiraõ-ò:

⁴⁻⁵ Jiarÿ ariroxikeki, ariõkeki, tai aõkõhe awilere. Ityhydÿÿdu hâwyyõ-wana, wawana aridykekõ aõbo awileke. Kawese ibutumy Deuxu teòdÿÿna mahâdu rotÿÿmyhÿre, tule Jesuisi seriõre, tule Pedro.

⁶ Jiarÿ, Banabewanahyyle raaõmysÿdÿÿwâhâre iny aõreny tarasanamy. Kia rikirirenykeki, awikeki, aõbo.

⁷ Inyõ aõbina-ò rakeki, ta aõ aõbo riòwynyke? Aõkõre. Inyõ oworumy uva bederaty ribrònyke-wana, bederatyõ aõbo ritòleke. Inatyhymy inyõ teòte asi-ò riyrubunymyhykeki, ihowÿsmy aõbo riõmyhÿke? Kohe, riõmyhÿke.

⁸ Kabexe hâbu wese aõbo jiarÿ rarybereri? Tule tahe bede ywina tyyriti aõbo riritinymy rÿimyhÿre.

⁹ Moisesi bede ywina ritidÿÿna-ki rÿimyhÿre: —Broreniry itaaõmyhÿ maixõmo tyre rariamy risymyhÿreu. Deuxu aõbo broreni riwotòenymyhÿre. Aõkõre.

¹⁰ Tahe waòraruneny-ki aõbo kia rarybere. Kohe. Inyõ ròbròmyhÿreu, iyremy ritakemy rõhõtinyinmyhÿre. Tule inyõ riòròmyhÿreu, ijõõ ixidee ritakemy rõhõtinyinmyhÿre.

¹¹ Deuxu Tyytybytyhy aõmydÿÿnanamy adeereny anaerynanykeki, idi aõna aõna aribireny aritaleke, aõbo? Kia aõnityhyre aõbo?

¹² Iny witxira aõ aribi ritake-wana, jiarÿboho iratyre iu aròtarenykemy arotÿÿnyrenyke. Tahe tiu ròtaõhyyre. Deuxu Rybewihikÿ tÿnydÿÿna ariokòròòtyhy. Tai ibutumy aõ witxira witxira riòludunywâhâre.

¹³ Dohodÿÿna heto deòdu irysyna ritamyhÿre dohodÿÿna heto-ribi. Xiwe dinodu aõ rÿsÿna ritamyhÿre xiwena-ribi.

¹⁴ Kia wese Deuxu rarybere; inyõ Rybewihikÿ ritÿÿnykeki, ibutumy aõmy reamyhÿre ritamyhÿre, Rybewihikÿ aõmysÿdÿÿbro-ribi.

¹⁵ Tahe jiarÿ aõ aribi retaõhyyre tule kia reritinyreri aõ aritakemy aõkõ aribireny. Warybe inyõ riònonykemy aõkõ watxiwâhâre iko-ki tahe arurukre.

¹⁶ Jiarÿ Rybewihikÿ retÿÿnynmahâre, rexierymahâre dori aritÿÿnydÿÿke. Kia heka aõhõkÿ aõkõ waloosònadikemy rare. Rybe aritÿÿnyyõkeki, heka aõbinatyhyõ wadee kanake inyhe.

¹⁷ Ixidee wimy Rybe aritÿÿnynmyhÿkeki, tai ki aritakre. Ixideewimy aõkõ aritÿÿnyke-wana, ihârele tahe itÿÿnydÿÿmy

iwahisidỹỹna wadee roire.

¹⁸ Kiake-wana, timybo wawahidỹỹna ihỹre. Kia heka rare. Rybewihikỹ tỹnydỹỹ-ò arexiòwnyòtyhy. Aõbo inatyhymy wahõrõre, retaõhyywãhãre.

¹⁹ Jiarỹ inydeòdumy aõkõ rarehyywãhã. Tahe iximy rexideòdunyre sõwemy iny òraru-ribi aritakemy.

²⁰ Judeu mahãdu-ò judeu wesemy jiarỹ rexisỹnyre, judeu mahãduõ dori òraru-ribi aritakemy idi watxireri. Moisesi bedede ywina yrubudỹỹdu mahãdu dee ixiwesemy rexisỹnyre iòraru-ribi dori aritakemy. Urile jiarỹ kia bedede ywiny rubudỹỹna aõkõ rare.

²¹ Bede ywina aõkõ mahãdu dee ixiwesemy rexisỹnyre. Urile Deuxu bedede ywina dire jiarỹ Kristu bedede ywina yrubudỹỹdu jiarỹ watxiwãhãre. Kia iòraru-ribi aritakemy jiarỹ rexisỹnyre.

²² Irurukõdu mahãdu-ò waruru aõkõ wesemy rexisỹnyre, irurukõdu mahãduõ ritakemy. Ibutu iny deewesemy rexisỹnyre rarewãhã, aõtxile tiibohoõ aritakemy iòraruna-ribi.

²³ Ibutumy rewinyre, Rybewihikỹ dee iwiòhedỹỹdukemy ixi-di wãhãre.

²⁴ Ijarana ròhònykeu ijaramy ijaranadu sohojile ròhònyra. Tiile wahidỹỹna ritake. Kaiboho maijarenybenyke tii bitakemy.

²⁵ Ibutumy ijaradu ixidi rorenymyhỹre aõikõkõmy rexiery-nanymyhỹre. Kia riwinymyhỹ wahidỹỹna ritakemy. Kia wahidỹỹna retybykre. Inydee wahidỹỹna tahe retybyòtyhy.

²⁶ Jiarỹ kawesemy rajaranyre aõ aritakemy. Axiò ijesy resuwãhãre yhyle rehetenyneri wese aõkõ.

²⁷ Waumy-di ròrenyhyywãhãre. Wadeòdu wesemy waumy resỹnyre. Tai dori resỹnyre. Jiarỹ inyõ-ò Rybewiwihikỹ aritỹnynekeki, ywimy dehudu wesemy aõkõ arareke, adehuky-ribi riwata lau.

10

¹ Boholabenyke weseriõre ityhydỹỹdu mahãdu. Inytybyreny kia biuwetyky nonoe rawo-di roimyhỹ. Tule ahobesòhòkỹ rawo-di reurõrenyre.

² Moisesi, iwedu, ibutumy aho-di nonoe-di rexisebenyre. Tai iwedu inatyhymy rityhynyrenyre.

³ Deuxu Tytytyby rỹsỹna sohojile wiwese wesele ibutumy rirỹsỹre.

⁴⁻⁶ Deuxu Tyytybytyhy mona sohojile ihỹre. Bee manay-ribi nade. Mana tahe Kristuweselemy ihỹmyhỹre. Inynyrỹ ki-amy roiremyhỹu. Deuxudeewimy aõkõ riwinymyhỹre. Tai rurure bedero-ki. Kia tahe inydeereny bedeery urihixina

erysydÿÿnamy ratxireri, inyboho-dori aõbina widÿÿna aõkõ rokohotinyrenykeny, iwese tiiboho riwinyre wese aõkõ.

⁷ Inyboho suritxoo tyhydÿÿdukõmy rokoireke iwese ijõ mahãdu tuu rerinanymyhÿre wese kõkremy. Ritina-ki roimyhÿre: –Tiiboho ronymyhÿre riroxikemy, riõkemy. Tahe ritamanyrenyre risinykremy.

⁸ Tule òta òtamy rokotÿÿnyrenyõke iwese tii riwinyre wese – tai 23.000 iny rurure sohojïtxu-u.

⁹ Deuxu urihixirenyõmyke, iwese tii riwinyre wese. Tai rururenyre hemylala jurutana-ki.

¹⁰ Iburaõmyke iwese tii ribuarenyre wese. Tai rubudÿÿdu rirubunyre, Rubu ÿju wahe.

¹¹ Kia tahe bede ery urihixidÿÿna erysyna inydeereny ratxireri. Riritinymyhÿre iny bede ernarenymy. Bededÿÿnana konana-ò iòhõmy inyboho roire.

¹² Tahe inyõ òbitimy rÿïmy rõhõtinykeki, tii rexijemy ratxike reseke lau.

¹³ Ixirana isirare inydee rehemynyõtyhy rikiòludunyõtyhy. Deuxu awi rare. Riатыõtyhy iòlududÿÿna-txi. Tii inydeereny ixirana-ribi ixitarasana riwahinyre. Iny rurureny wesele ixirana rare. Tai rikiòludunyrenyke.

¹⁴ Waluuna mahãdu, kaiboho suritxoo luuna-ribi bexiebeny.

¹⁵ Adeereny rarybere, kaboho dori abederyrenyre kai bedeerywesetyhymy toiteki. Mohõtinybenyke aõmybo rarybereridi.

¹⁶ Deysanamonahyna aõbo ityhydÿÿdu mahãdu wowydyna rare Kristu hãlubu wesemy tuu riõreki? Iny paõ riyreyrenyreu, Kristu umy wesemy aõbo rare? Inydee aõbo wowydyna rare?

¹⁷ Inyboho sõwe roire. Urile tahe paõ sohojihyy rare. Sohoji butunahyymy rare, paõ sohojiribile yre yre rarÿsÿreu, inyboho sohojilemy roire.

¹⁸ judeu ijoi-ò betehebennyke. Kia xiwe rirÿsÿrenyreki, xiweribile ritamyhÿre. Kia aõbo òbitire.

¹⁹ Timybo jiarÿ rarybereri? Rÿsÿna aõbo xiwenamy diwahinydeki, kia aõbo aõ rare ada ritxoo aõ aõbo rare.

²⁰ Kiamy aõbohe jiarÿ rarybereri? Aõkõre, tuu aõkõ rarybereri. Urile, kia raxiwemyhÿre, diabo tyytyby-ò rare. Deuxu-ò aõkõ raxiwemyhÿre. Kaiboho diabo tyytybyõ-ò tamy bexijemy. Tii-wana uritere noõmy.

²¹ Wanyrÿ monamy biõkeki, tai diabo monamy tule biõõke. Wanyrÿ roxi-ki biroxikreki, tule tai diabo rÿsÿna rÿsÿõmykre.

²² Deuxu aõbo iny kidihãrudenykre. Inyboho aõbohe ityhyrenyre iratyre?

23 Aõwaxiny tuu botỹỹnyke. aõmydỹỹnana awire. Ihãre tahe awiõre. Aõmydỹỹnana ixidee wimy botỹỹnyke. Urile aõmydỹỹnana riwiõhenanayõhyyre.

24 Uritere aaõmydỹỹnana sohojidile nohõtiõmy; tule iny-witxira aõmydỹỹna-txi õhõti beake tai aõwiwihikỹmy tamy bi-winykre.

25 Birõmyhỹke ibutumy aõ rỹimyhỹre meriadu-ki, nohõtiõmy aõbo raremyhỹmy.

26 Ibutu bede aõmydỹỹna Wanyrỹ wahidỹỹna rare iny-deereny.

27 Ityhydỹỹdukõdu mahãduõ aratobinymy, kai makeki, biroxiike ibutumy aõbo adee kidekre. Dỹỹraxiõmy araykywy-dyna òraru-ki.

28 Tahe adee rarybekeki; kia ritxoo xiwe rare. Irỹsỹõmy, kia hãbu raykywydyna òraru-ki tamy ibinare wahe.

29 Araykywydyna òraru-ki aõkõ jiarỹ rarybere, tahe iwitxira òrariki. Ijõ hãbu witxira rayky-di aõkõ aritõhõtinymyhỹke. Kia òsana inyõ rarybekre.

30 Dealånadile jiarỹ ariroxiwãhãkeki, timybo inyõ ibinamy wamy rarybeke. Deuxu-ò dori rexideylydỹỹnyra.

31-32 Tai tahe, biroxiবেনyke-wana, biõbenykeki, aõmy botỹỹnykeki, ibutumy Deuxu wowydyna-ò botỹỹnyke. Inyõ atyhyna-di iatysyõmy, judeu mahãduõ-ò, judeukõdu mahãdu-ò, tule Deuxu tyhydỹỹduõ-ò.

33 Ibutu dee rarurunywãhãre tamywikemy. Waaõmydỹỹnana sohojile aõkõ rahõtinywãhãre ibutu iny aõmydỹỹna dee rahõtinymahãre tarasadỹỹmy.

11

1 Iwese jiarỹ Kristu wesemy watximyhỹre wese kaiboho wawesele boibekre.

2 Ararybekre: —Kaiboho awirenyremy kaiboho dori iwese bede eryna araerynanyre wese ibutumy teyrubunymahãtenyete.

3 Tahe ijõmy araerynanykre. Kristu iratiwi ibutu hãbu ratyre rare. Hãbu tahe hãwyyrati ratyre rare. Tule Deuxu tahe Kristu ratiwi ratyre rare.

4 Hãbu rexitõenyreu, ritỹnynykeu tarahety-di, Kristu rity-hynyõre.

5 Hãwyyõ tahe rexitõenykeu, ritỹnynykeki tarahety-di aõkõ, tii tahãbu rityhynyõre. Tii dori tarade rasymyhỹre wese ratx-imyhỹre.

6 Hãwyyõ tarade rihetynyõkeki, tii tarade riorokre. Hãwyy tarasy lau raixỹrukeki, tahe tara rihetynykre.

7-9 Hãbu tara rihetynyõmyhỹkre dohodỹỹna heto-ki. Bera-ò tyytyby wesemy Deuxu dee hãbu rare. Deuxu dee hãbu rare. Hãwyy tahe hãbu dee-ki rare. Hãbu heka hãwyy-ribi aõkõ dori iwidỹỹ rare. Hãwyy tahe hãbu umy-ribi iwidỹỹ rare. Hãbu hãwyy dee aõkõ relere. Hãwyy tahe hãbu dee relere.

10 Tai tahe hãwyy tara riwõmyhỹke. Iu tahe hãbu rityhynymyhỹre ŷju òraru-ki.

11 Deuxu ityhydỹỹduy-ki wiwesele wiweselemy ratximyhỹre. Hãbu hãwyy-di ratxikemy; hãwyy hãbu-di ratxikemy.

12 Iwese hãwyy hãbu-ribi relereu wese, hãbu hãwyy-ribi reamy raumynymyhỹre. Deuxu ibutumy riwinyre.

13 Kaiboho mohotinybenyke: Hãwyy rexitõenyreu, tarade rihetynyke, aõbo ada aõkõre aõbo?

14 Hãbu iraderehemy rỹira, tarati rityhynyõmyhỹre tuu rỹira. Kiamy bede riwaerynanyrenyre.

15 Hãwyy tahe irade rehely rỹira ixiruxeradỹỹmy rỹira, hety wese tamy iò rarekremy wahe.

16 Inyõ iwitxiramy rexinohõtinkyeki, tamy ararybekre, kia wese: Inyreny-ki kia bede ywina rare ibutumy dohodỹỹna heto-ki.

17 Aõwesebo botỹỹnykremy adee ararybekre. Wadee awiõre iwese ahãtenyete wese kaiboho tebutunyenye, kia arawiõhenanyõhyre urile tahe arabinanytyhyrenyra.

18 Juhuu ararybekre timybo raholaremy: kaiboho texihitxinytenyete dohodỹỹnaheto-ki, kia tahe retyhynyriõremy watxireri.

19 Wiribi bexihitxinybenykeki, tai iny òbiti rỹira bierybenykemy.

20 Bibutumymyhỹbenykeu, Inynyrỹ roxina aõkõ terỹsỹmahãtenyete.

21 Ijõ detiteremy taroxina riwymyhỹre inywitxirako-ki. Ijõ aõ rimyõmyhỹreki rama risamyhỹre. Ijõ tahe sõwetyhymy riõmy raitxỹtemyhỹre.

22 Kai aõbo ahetoõre, tai biroximyhỹkemy, biõmahãkemy? Kia wese-ki Deuxu dohodỹỹna heto aõbo tetyhynyõhyymahãte. Iaõkõ rỹira mahãdu tule teixỹrudỹỹnymyhỹtenyete. Aõmybo ararybekre. Arawowydydyỹnyrenykyre aõbo? Aõkõre. Tai arawowydydyỹnyrenyõtyhy.

23 Kia Inynyrỹ-ribi retare, tule aerynamy adeereny rewahinyre. Kia wahisidỹỹnadyna txuu, Jesuisi Inynyrỹ orotxu rimyre.

24 Rexitõenyredi, riòròre, idi tahe rarybera:
—Kia heka waumy rare. Adeereny wahidỹỹmy watxireri. Kia biwinymyhỹkreu, watxi õhõtireny reakemy.

25 Tule riymyhÿre rahudi, tahe bemona hyna rimyra, idi tahe rarybera:

—Kia heka wadeewimy Deuxu, iny-wana ratximyhÿre. Wahãlubu òraru-ki kia riwinyre. Kia biõmahãbenykreu, aõu watxi õhõtireny reakemy.

26 Tiubo paõ biymahãbenykreu, bemona hyna-ribi biõmahãbenykreu, warubu rybe tetÿnynytenyteri idi adòðsekreu.

27 Tai inyõ õhõtioõmy riykeki-wana, riõkeki-wana, tii Jesuisi umy my hãlubumy òraru-ki ratxireri.

28 Sohoji sohoji taaõmydÿÿnana-di rohõtinkyre, idi tahe riymyhÿre, riõmyhÿkre.

29 Inyõ Jesuisi umy-di rõhõtinyõkeki, ixidee aõbinahakÿ kidi-wynyke.

30 Kia òraru-ki sõwemy binamy òhyyle toite, tule iny sõwemy rurumy rÿira.

31 Iny ixi-di rohõtinkykeki, aõbinahakÿ rexierykemy, tahe iny rexiõbitinyke. Deuxu tai aõhõkÿmy rotÿÿnyõtyhy.

32 Inynyrÿreny inyboho riõbitinymyhÿre. Kiamy heka bede mahãdu-wana aõkõkeki, aõhõkÿmy rotÿÿnyrenykre.

33 Kiamy, waseriðreboho, roximy bibutunykrey, ijõ wii bi-raòbenykre.

34 Inyõ rama risamy rÿikeki, taheto-ki riroxike tai rihuõmy rÿimyhÿkre Deuxu ywisidÿÿna-ki. Adee arehemynykrey, ijõ kia aõna aõnamy aròerynanyrenykre.

12

1 Deuxu Tyytybytyhy bede eryna witxira witxiramy adeeremy ararybekre, araerynanyrenykeny.

2 Ityhydÿÿdukòdumy toitemahãu, aõ ò aradyreny re suritxoo rybeõhõkÿ-ò.

3 Tai arabedeerynyreri: Inyõ Deuxu Tyytybimy rarybemyhÿkeki, tii rarybeõtyhy: Jesuisi ibina rare. Tule inyõ uri rarybeõtyhy: Jesuisi Wanyrÿ rare. Tii Deuxu Tyytybytyhydile tuu rarybekre.

4 Deuxu Tyytyby bede eryna witxira witxira sõwemy rÿire. Deuxu sohojile tahe iwahidÿÿdu rare.

5 Aõmysÿdÿÿwi-ribi lahixi rare, tahe Inynyrÿ sohojile rare tamy rakaaõmysÿdÿÿnyke.

6 Aõmydÿÿna wiribi lahixi rare, tahe Deuxu sohojile ibutudÿÿdu rare. Tii iny-ò aõmysÿdÿÿna widÿÿna riwahinyre.

7 Sohoji sohoji tabedeeryna witxira witxira Deuxu Tyytybytyhy-ribi ritamyhÿre ibutu iny wiðhedÿÿmy.

8-9 Inyõ-ò bede eryhykÿ wahidÿÿmy ratxireri, Deuxu Tyytybytyhy iwahidÿÿdure. Ijõ-ò tahe rybe bedeerydÿÿ wahidÿÿmy

ratxireri, iwahidỹỹdu tiile rare. Ijõ-ò tahe ityhydỹỹtyhy-ki rarekemy. Deuxu Tyytybytyhy iwahidỹỹdure. Ijõ-ò tahe, òhotibedumy rarekemy. Deuxu Tyytybytyhy risỹnyre rare.

¹⁰ Ijõ-ò tahe, bedeòby widỹỹdumy rarekemy, ijõ-ò rybe-di tỹnydỹỹdumy, ijõ Tyytyby erydumy, ijõ rybewitziramy rarybekemy, ijõ rybe wiuròdỹỹdumy.

¹¹ Deuxu Tyytybytyhy sohojile tahe iwahidỹỹdu rare. Tii sohoji sohoji-ò riwahinymyhỹre ixideewimy.

¹² Iny umy sohojihyy rare. Urile iaõmydỹỹnana sõwere. Kia wese ityhydỹỹdu rỹira ityhydỹỹdu mahãduy-ki, Kristu-ki iny sohojihyyre.

¹³ Sohoji sohoji mahãdu-ribi rabutura, ijõ judeu mahãdu-ribi, ijõ judeukõdu mahãdu-ribi, ijõ deòdu mahãdu-ribi, ijõ deòdukõdu mahãdu-ribi. Wiji tahe Deuxu Tyytybytyhy-di sohoji hõrõmy iny rỹire. Idi tahe inyboho tỹximy rỹire.

¹⁴ Umy dori sohoji aõmydỹỹnana-di aõkõ rare, sõwere tahe.

¹⁵ Inywa rarybekeki kia rarybekre òsana: jiarỹ umy aõmydỹỹnana aõkõ watxireri, debò aõkõ dori rare. Kia rarybekeki, ihãre ta umy aõmydỹỹnanaõlemy ratxireri.

¹⁶ Nohõti rarybekeki: rue aõkõ jiarỹ rare, tai dori umy aõmydỹỹna aõkõ rare, Kia rarybekeki, ihãre ta umy aõmydỹỹnanale ratxireri.

¹⁷ Ibutumy umy ruelemy ratxikeki, timybo rokoholarenkyre. Ibutumy nohõtileyemy ratxikeki, timybo rue rareke timybo robirenykre.

¹⁸ Deuxu ibutumy aõ ritidire, titxibo ixideewimy rõhõtinyre.

¹⁹ Ibutumy aõmydỹỹnana wiweselehekỹkeki, timybo raaõmysỹdỹỹnyke?

²⁰ Inatyhymy aõmydỹỹnana sõwere. Umy tahe sohojilere.

²¹ Rue debò dee rarybeòtyhy: Kai aõ aõkõ tate. Tule ratiheka waò rybeòmy: Kaikõkeki wadee awike.

²² Kia kỹnyhe. Aõ aõmydỹỹnana inydeereny iruruõmy aõmy aõkõ rỹire wese, tii aõwityhy rỹire.

²³ Tule aõbo inydee aõmy aõkõ rỹira tamyhe woreke rỹimyhỹre iruxeramy aõkõ rare, iny woreke rỹimyhỹre.

²⁴ Aõbo inyummy-ki iruxeramy rare, kia uridỹỹõmy. Deuxu tahe umy aõmydỹỹnana ibutumy ributumy. Tii aõ ibuturatyre rityhynyre.

²⁵ Kiawese alòreõmy umy-ki ibutumy umy aõmydỹỹnana wiwana raaõmysỹdỹỹnymyhỹre wii riwiòhenanymyhỹre.

²⁶ Sohoji aõmydỹỹnana txubererekeki, iuhe rubererenyke. Ijõ teysakeki inyò riwowodynykeki iuhe reysake.

²⁷ Boholabenyke, kaiboho Kristu umy mahãduõ toite. Ityhydỹỹdu sohoji sohoji heka umy aõmydỹỹnanaõ wese rare.

28 Deuxu ityhydÿÿdu mahãduykile iny rihitxinyre. Juhuu Jesuisi teòdÿÿdu mahãdu, ihewo-ribi Deuxu rybe tÿnydÿÿdu mahãdu, idi ierydÿÿdu, aõwiihikÿ widÿÿdu, òhotibedu mahãdu, wiòhedÿÿdu, dinoduwesedÿÿnadu, rybewitxira erysydumy.

29 Ibutumy deòdu aõbo roire? Ibutumy tÿnydÿÿdu aõbo roire? Ibutumy erydÿÿdure aõbo? Ibutumy aõwiihikÿ widÿÿdure aõbo? Aõkõre wii ihitxihitxire.

30 Ibutumy ywisidÿÿ rieryre aõbo? Ibutumy rybe witxira rybedu aõbo? Ibutumy rybewitxira wiuròdÿÿdure aõbo? Aõkõre.

31 Tahe, eryna wiwihikÿmy mynymy, atximyhÿbenyke. Tahe ariteòsynykre tibo ryy.

13

1 Ibutumy iny rybe witxira witxira arierykeki, ÿju rybe adrierykeki, kia tahe luuna-di aõkõkeki, jiarÿ aõwodÿÿna widÿÿna wesemy ararekre.

2 Jiarÿ ibutumy Deuxu rybewahidÿÿ eryna ijõdikeki, ibutumy bedeery ijõdikeki, hãwãlò iherina-ribi aritake watyhydÿÿna kiadikeki, tahe luuna-di aõkõkeki, aõ aõkõ watxireri.

3 Ibutumy waaõmydÿÿna iny aõkõ mahãdu-ò ariwahinykeki. Waumy Kristu Rybewihikÿ dee òraru-ki wòsikemy ariwahinykeki, tahe luuna ijoõkeki, kia heka aõkõweseleke.

4 Inyõ luunadikeki, ywimy rarekre, awimy rarekre, ihãrukõmy rarekre, luunadikeki, ixityhydÿÿdukõmy rarekre.

5 Inyõ luunadikeki ihÿkÿhÿkÿmy aõkõ rarekre. Ixisohojidile aõkõ rõhõtinykre.

6 Òbitiõna-di deysaõmy, inatyhyle kedeysakre.

7 Moõ iluunadireki ibutumy aõhebo rotÿÿnykre, ibutumy rityhynykre, ibutumy riraòkre, ibutumy riòludunykre.

8 Luuna tiu itueòtyhy, tahe rybe tÿnydÿÿna aõutxumy ituekre, rybewitxiramy rybe ituekre, bede eryna erysynamy tule ituekre.

9 Inyboho iyrelemy rieryrenyre. Tule iyrelemy ritÿnynyre.

10 Aõutxumy tahe kia iyre rexihukre, ibutumy kanaerykre, kia hãbu òbiti tyhy kedehemynykeu, Kristu wahe.

11 Uladumy rarewãhãu uladu wesemy rarybere, uladu wesemy ixidi rarewãhã, uladu wesemy raykywydynanyra. Hãbumy relereu tahe, wauladumy nona rerire.

12 Wiji tahe inyboho robirenyre, iwese itxerenatÿnykowese-ki, kiatxuu tahe, wiòsanamy rokobirenykre. Katahe iny rieryrenyre txuraõ, kiatxu tahe, iwese tii inyboho dierydenyde wese rikierenykre.

13 Tahe inataõ aõmydỹỹna rỹire: ityhydỹỹna, iraròsòna, lu-una. Ijõ ratyre tahe luuna rare.

14

1 Luuna-di boibeke ibutu ijõ ratyre. Tyytybytyhy erysyna biijebynyke. Iratyre biijebynyke Deuxu rybe tỹnydỹỹna erydỹỹna.

2 Inyõheka rybe wixiramy rarybekeki, hãbu-ò aõkõ rarybereri. Deuxu-ò sohojile rarybere. Inyõ irybe rieryõre. Deuxu Tyytybytyhy rybe tii erydure.

3 Inyõ Deuxu rybemy rarybemyhỹreu, iny-ò rarybereri. Tai riwiòhenanymyhỹre, riòbitinymyhỹre, riteysanymyhỹre.

4 Inyõ rybe wixiramy rarybereu, tiilehyy rexiwiòhenanymyhỹre. Inyõ tahe rybe ritỹnynyke wana, dohodỹỹna mahãdu riwiòhenanyre.

5 Ibutumy rybe wixiramy rarybekeki, tii tahe wadee awire. Tahe ibutumy Deuxu Rybewihikỹmy rierynanykeki, kia iratyretyhy wadee awire. Deuxu rybe tỹnydỹỹna tahe, rybe wixiramy rybedu ratyre rare. Wiuròsòdỹỹdudile rybe wixiramy rarybeke dohodỹỹdu mahãdu wiòhedỹỹmy rarekemy.

6 Jiarỹ adeereny ararybekeki, rybewixira-di. Tiwesebo arãwiòhenanyrenyke. Urile bede erytỹmyra-di, erynatyhyhyky-di, inatyhyeryna-di araerynanykeki, kia-di tahe arãwiòhenanykre.

7 Ka tahe wiudỹỹna rare. Wyhyhykỹ jurònawesena ada rerotisõmo wiudỹỹna kidiwiunykeki, tahe awimy riwiunyõke, timykibo iny rieryke aõbo riwiunyreri.

8 Tule juròna òbitimy ritxurònyõkeki, timykibo aõbinadu mahãdu rierykre aõbina-ò nomy rexiwinykemy.

9 Kaiboho tule kiawesere. Inyõ arybe rieryõkeki, tiwesebo rieryke aõmybo tarybetenyteri. Kiawese dori yhydeele tarybetenyteri wese.

10 Inatyhymy sõwemy rybe wixira rỹire bede-ki, ibutumy tahe aõna aõnamy rybedu rarybere.

11 Aõmybo rarybere arierykõkeki, rybedu dee jiarỹ iny wixira, rybewixiraõ tamy rare, tule tii wadee rare.

12 Kaiboho Deuxu Tyytybytyhy eryna teijetyteri. Tai dohodỹỹna mahãdu wiòhedỹỹmy marurunybenyke.

13 Inyõ rybe wixiramy rarybekeki, iòbitidỹỹnamy rexitòenyke.

14 Rybe wixiramy arexitòenykeki, watyytybyle rexitòenyteri warakywydyna-ò ralòõtyhy.

15 Tai tahe aõhebo arotỹỹnykre? Watyytyby-di, waraky-di arexitòenykre. Idi watyytyby-di waraky-di arawiunykre.

16 Kai atyytybyle-di textitòenymyhÿteu, timykibo inyõ rierykemy? Idi rarybeke aixitòedÿÿna rexihukeu. Tii dori arybe rieryõre.

17 Kai tahe inatyhymy awimy textitòenyte, tai tahe iny aõ rieryõhyre, idi riwiòhenanyõtyhy.

18 Deuxumy reàlàwãhãre. Jiarÿ dori aratyrereny rybe witxiramy rarybemahãre.

19 Tahe dohodÿÿna mahãdu-ò iruyre rybe eremy ierysynamy ararybeke ada sòwemy rybe eremy iwitxira rybemy anarybekeki. Juhule wadee awityhyre ijõ ratyre-ki iny kiawese inatyhymy reerynanyre.

20 Waityhydÿÿdu seriòre uladu raykywesemy aõkõ bexi-raykynymyhÿbenyke. Inyery bedeeryhykÿ wese maraykynybenyke. Aõibina erysynale uladu aõeryõ wesemy boibeke.

21 Bede Ywina tyyriti-ki kia rÿire: —Kia inydee, hãbu rybe witxira-di anarybekre. Ihãre ta warybe dee tiiboho roholarenyõkre. —Kiamy tahe Wanyrÿ rarybere.

22 Inatyhymy tahe iwitxira rybe rybemy ityhydÿÿdu mahãdu dee deòsina aõkõ rare. Kia ityhydÿÿdukõdu mahãdu dee deòsina rare. Tule Deuxu rybe tÿnydÿÿna ityhydÿÿdu mahãdu-ò rare.

23 Dohodÿÿna mahãdu wii ributunykeu, rybewitxiramy rarybemyhÿreki. Ityhydÿÿdukõdu mahãdu ralòkeki, iny ierykõdu ralòkeki, timybo tii ròhõtinyke. taitxÿtetenyterilemy idi ròhõtinyke.

24 Tahe ixityre ityhydÿÿdukõdu mahãdu ralòkeki, tahe Deuxu rybemy rarybereriò, ralòkeu, tii rexierykre òrarudumy rare, ibutumy aõwòmý roholare tarayky riixixanyke.

25 Aõbo tawo-ki riwòmý rÿimyhÿredi rexierymy ixi-di ròhõtinykre. Tai resekre tatiowomy Deuxu deàlànamy reàlàkremy. Tule rarybekre: —Inatyhymy Deuxu ayreny-ki ratxireri.

26 Aõhebo dohodÿÿna-ki rokotÿÿnyrenykre waseriòreboho wii rikibutunyrenykreu. Kia heka rare: Inyõ wiuòmý kanaw-iunykre, ijõ tasÿ Deuxu rybe bede erydÿÿna kedeerynanykre, ijõ itÿnydÿÿnamy kanarybekre, ijõ rybewitxiramy rybena kanarybekre, ijõ iwiuròsòdÿÿnamy kanarybekre. Aõhebo botÿÿnybenyke ityhydÿÿdu wiòhedÿÿnamy rarekemy.

27 Inyõ rybewitxiramy rybemy ratxire riki, inatxi inataõlemy rarybeke, wihewomy, tule iwiuròsòdÿÿdulemy rarybekre.

28 Wiuròsòna ihoõkeki, rybeõlemy ronyke dohodÿÿna heto-ki. Ixiwanale Deuxu-di ròhõtinyre, rexitòenymy.

29 Urile inatxi, inataõlemy rybe tÿnydÿÿdumy rarybekre wana, ijohonadu mahãdu tahe irybe-di ròhõtinytyhyke

timybo.

³⁰ Ijõhonadu-ò itỹnydỹỹna rybemy ratxikeki, rybedu rexi-hudi rarybekre.

³¹ Ibutu dori Deuxu rybemy rarybekre, sohoji sohojimy. Tai ibutumy rierykre, reysakre.

³² Rybe tỹnydỹỹdu mahãdu rayky, tiile rexierymyhỹkre.

³³ Deuxu tahe wimy uriuridỹỹdu aõkõ rare; tii tahe òbitina widỹỹdu rare. Ibutu ijõ dohodỹỹna heto-ki kia wesemy rare.

³⁴ Hãwyy tahe dohodỹỹna-ki roholamy rỹimyhỹre rybeõhykymy tai aõwedumy aõkõ. Ywilemy rỹirake iwese judeu bedeywidỹỹna roimyhỹre wese.

³⁵ Tỹỹraxinadikeki taheto-ki tahãbu-ò rỹỹraxike. Hãwyy dohodỹỹna-ki rarybemyhỹre heka ixỹruna rare.

³⁶ Timywese tahõtinytenyete. Deuxu rybe aõbo aykyreny-ki rõhõnyre ada kaiboho sohojile aõbo ijõdire.

³⁷ Inyõ rybe tỹnydỹỹdumy ixi-di rõhõtinykeki ada Deuxu Tyytybytyhy-ò wiõhedỹỹnamy rarekeki. Timybo rarybekre. Kia waryberiti heka Deuxu bede ywidỹỹna rierykre.

³⁸ Inyõ kia rityhynyõkeki, tii wile ratyhyõdỹỹõkre.

³⁹ Iribi tahe waseriõre tỹnydỹỹdumy boibekemy atxibenyke. Ixinamy rybewitxiramy iny rarybemyhỹke.

⁴⁰ Ibutumy aõhebo botỹỹnybenykre. Òbitilemy, ywilemy.

15

¹ Aõtxi õhõtireny araijaradỹỹnykre. Kia tahe rare. Rybewi-hikỹ iwese adeereny retỹnynyre wese, tetyhynytenyete wese, tule tetyhynyhy ahãtenyete.

² Tai tahe tarasanawo-ki ahãtenyete rybe teeryhy ahãtenyeteke iwese retỹnydỹỹnyre wese. Aõkõkeki arõtenareny aõtyhy aõkõ adeereny ihỹre.

³ Juhuutyhy adeereny retỹnynyre iwese raholare wesemy. Kia rare: Kristu iny òrarureny dee rurure. Kiamy heka ritidỹỹna roire.

⁴ Tule mana wabede-ò rahãluure. Inataõ txu idi rỹidi tahe, rubu-ribi rexixare, ritidỹỹna rarybere wese.

⁵ Rexideòsinyre Pedro dee, idi tahe waõinatxi mahãdu dee.

⁶ Idi tahe 500 iny ratyrene tuu robire. Kia iny ityhydỹỹdu seriõre mahãdu ibutumy rexibutunymyhỹre Jesusimy robire. Ijõ rurure kia butudỹỹnay-ribi, tahe ijõ irulemy ihỹmyhỹre.

⁷ Iribi tahe Txiau tuu robire, idi tahe ierydu mahãdu ibutumy tuu robire.

⁸ Ihewo-ribi tahe jiarỹ tuu rabire. Iwese uladu ibed-edyỹnanakõmy reare wese tuu rabire.

⁹⁻¹¹ Jiarỹ ierydu hewo ludu rare. Uritere erydumy wanidỹỹõmy watxiwãhãre, raixỹrure wahe. Jiarỹ dori

juhuu ityhydÿÿdu mahãdu aõhõkÿmydÿÿdu rare. Deuxu ruxetòenale dori aõmy watxiwãhãre. Iruxetòena aõnihikÿmy waki riwinyre. Jiarÿ dori ibuturatyre aõmysÿdÿÿna rewinyre. Tahe jiarÿ aõkõ wãhãre. Deuxu ruxetòenamy wahãre jiarÿ aõbo ada tiiboho aõbo adeereny relyyreny, idi kaiboho tetyhynletenyte.

12 Kristu rubumy roira-ribi rexixara, kiamy heka rarybe-mahãreny. Aõherekibo inyõ rarybereri rurumyhÿre-ribi inyõ rexixaõkremy.

13 Inyõ tiu rubu-ribi rexixaõkeki, Kristu tahe rexixaõre tarubu-ribi.

14 Kristu rubu-ribi rexixaõre wana, jiarÿboho aõmy waryberenyõna idi aõ atyhydÿÿnaõna.

15 Kristu inatyhymy rexixaõkeki, inyboho Deuxumy ruimy rybedu mahãdumy roire. Kristu ixixana rybemy dori jiarÿboho rarybemyhÿreny. Kiata bohe Deuxu, Kristu riixixanyõlere.

16 Rubumy roimyhÿre mahãdu rexixaõkeki, taita Kristu rexixaõre.

17 Kristu rexixaõkeki, ainatyhynareny aõ aõkõ rare. Aõrarudile ahãteny.

18 Tule, ityhydÿÿ-di rurure mahãdu, biu-ò ròìõtyhy.

19 Kabede-ki sohojile inyboho Kristu riraõmyhÿreki, inyboho bedewotyhytyhymy roire.

20 Inatyhymy taheka Kristu rubumy roire-ribi rexixare. Tii juhuuludu rubu bede-ribi dòòsede mahãdumy roirekemy, tai iny tule rekexixarenkyre.

21 Iwese hãbu sohojiõ rubu diwyde wese, tule hãbu sohojiõ rubu-ribi ixixana diwyde.

22 Iwese Adaõ-ki ibutumy iny rurukemy rÿimyhÿkemy tule Kristu-ki ibutumy ixixana kiditakre.

23 Kristu bededÿÿnana kedehemyhÿkreu, rubu-ribi ixyby ixixana kòdòhònykre. Kristu juhuu rexixare, ihewomy tahe taeryna mahãdu kidiixixanykre.

24 Tai tahe bede konanakre. Jesuisi ibutu wedu mahãdu, bede dinodu mahãdu, Iòlò mahãdu kanahukre. Tahe ibutumy tyby Deuxu-ò òlòna kidiõkre.

25 Jesuisi tahe ibutu ratyre Iòlòmy ratxikemy rarehykre. Iòludu mahãdu ibutumy iwarawo-ki rÿikre.

26 Iòludu konana heka, rubu rare. Tii tule riixãwididÿÿnykre.

27 Ryberiti kiawese roire: —Deuxu tahe ibutumy iwarawo-ki ritidireri. Iximy ritidiõtyhy tii dori tidisidu rare.

28 Rexihudi tahe tule iRiòre ritidikre. Tai tahe Deuxu ibutu iòlòmy rarekre.

29 Rubumy r̄yira ixyby kedexixaõkeki aõherekibo iny deròwy teratisebenyteri, rubumy roira mahãdu hãrehekỹle wahe.

30 Aõherekibo berebunatyhyhykỹ-txi inyboho iòhãrumy ratximahãrenyre txuõ txuõlemy.

31 Ibututxu rubu reijemyhỹre. Adeereny wawowydynatyhymy watxireri. Jesuisi Kristu Inynyrỹ òraru-ki. Tai heka kia lau rarybemahãre.

32 Hãbu mahãdu-ò Efesu hãwã-ki iròdu debure-ò aõbina wese resumahãreki aõtyhybo aritakre? Inatyhymy aõbo? Rubu reixaõkeki, rikiroxiryrenyke, rikiõrenyke, biurasòmy dori ruku-rurenykre. Aõ aõkõ inytyhydỹna. Kia riki ityhydỹdukõdu mahãdu tuu rexirybenyre, abiòwa mahãdukeki.

33 Ixi itxenadỹõmy: kia biòwa bina dori iny ixihemy ri-atymyhỹhỹre.

34 Ywityhylemy boibeke, òbitilemy òrarurenyõmy, sòwemy iny Deuxu rieryõre. Kia heka iny ixỹrudỹnarenen rare, tai rarybewãhãre.

35 Tahe inyõ kanarybemyhỹkre: –Timybo rubu kedexixakre. Aõumywesemykre iumy?

36 –Itxỹte, juhuhu alòboròna rabròõkeki tiu txuhuõna.

37 Telòho iny ribòrònnyõtyhy, ityle iny ribòrònnyke. Iwese maixõmoty ribòrònnyke ada oworuty wese.

38 Ibututy-ò Deuxu iraty umy riwahinymyhỹre ixideewireki. Deuxu ixideewimy alòbòròna ritxuhudỹnymyhỹre timybo?

39 Dee ibutumy wiwese wese aõkõ rare. Inyde, iròdude, nawiide, uturade ibutumy tahe wiribi hitxi hitxire.

40 Biumy r̄yira mahãdu tule lahixire, aõwitxira witxira bedemy r̄yira kia wowydnarenen wiribi hitxire. Tii-wana wimy rahixirananyre.

41 Txuu ahãdu, taina, iloosònarenen wiribi hitxire. Taina ijò taina-ribi iruxeratyhyre.

42 Tai tahe kia wese rubu-ribi ixixana r̄yimyhỹre. Umy rubu su-ò rahãloodỹnmyhỹre rarònyhe txu. Idi tahe irulemy kòdòhònykre, alòbòròna ruhunymyhỹre wese tahe umy tuedeõnaõ. Bede luruhukỹ-ki rahãloodỹnmyhỹre, tahe loosònatyhy-ki kòdòhònykre.

43 Iruruõ-di umy heka rahãloodỹnmyhỹre ibinare, tahe iruxeramý tarurutyhy-di kòdòhònykre.

44 Iny umy wesemy rahãloodỹnmyhỹre, tahe tyytyby wese kia umy-di kòdòhònykre, biuludu mahãdu wahe.

45 Kiamy heka ritidỹna-ki roire. Iny umy riuhemyhỹreki, tule tyytyby umy riuhemyhỹremy r̄yire: Juhuhu inyiru Deuxu riwinyre Adaõ heka rare.

46 Juhu tahe inyumyreny tayry-di riwinyre idi tahe rityytybynyre.

47 Juhuu ludu hãbu suribi ije rare. Ihewo-ribi Hãbu biu-ribi ihÿre Kristu wahe.

48 Juhuu hãbuwesemy ibutumy iny bede ludu ihÿre juhUU inytyhy wese wahe. Hãbu biuludu wesemy ibutumy biu ludu mahãdu ihÿre.

49 Tai tahe kabede hãbu wesemy inyboho rÿimyhÿrenyrene wesereki, tule biu ludu Hãbu wesemy rÿkÿirenyke.

50 Waityhydÿÿdu Kia heka rarybemahãhyreri, iwese inyboho ihÿmyhÿrenyrene wesemy tiu Deuxu Òlòna-ò ralòòtyhy. Iny umy heka ruruhy umy rare, tai tahe Deuxu Òlòna ritaòtyhy, kowa-ò dori iny umy ruruòtyhy.

51-52 Tahe aõbo teeryòte adee aritÿnynykre: Ibutumy iny ruruòkre. Ibutumy ityhydÿÿdu iny ruruòle iumy riwitxiratÿmyranykre, aõwesele reakre, iny tarue riberenymyhÿre wese reakre, ikonana juròna ritxurònykreu. Juròna ritxurònykre idi ibutumy ityhydÿÿdu rubumy rÿira riumywitxiratÿmyranykre umytuedeõna-di. Inyboho ityhydÿÿdu mahãdu tulekre.

53 Tahe rekexiwiurònyrenyke, iny bede umy dori rurumyhÿre. Rakaumynykre umy witxira-di taita rukururenyòtyhy.

54 Iny umy witxiradikre, tahe kia rybe rexihumy rÿikre: Ryberitina rarybere: —Rubu ijesu rikitarenykre:

55 —Aõherekibo rubu, aijesuna wawana tetaòta? Aõherekibo tiwamytxitxidÿÿnyòte?

56 Òraru rubumytxitxidÿÿdu rare. Bedeywidÿÿ òraru rudÿÿna rare.

57 Deuxu umy rekealàmymhÿkre, tii dori ijesu inybohoreny ritakemy riwiòhenanymyhÿre. Jesuisi Kristu Inynyrÿ-di diwiòhenanymhÿde.

58 Tahe weseriòre luu mahãdu, bityhynyhybenyke, ywihyymy ahãbenyke, Wanyrÿ aõmysÿdÿÿna-ò hyy tiemy ahãbenyke. Aaõmysÿdÿÿna Wanyrÿ dee, idi inydee awimy rarootinymhÿre.

16

1 Nierumy ararybekre. Kia bibutunykemy kowa tyhydÿÿdu mahãdu-ò, Judeia mahãdu wahe. Iwese Alatxia mahãdu-ò ròerynanyre wese, kaiboho tule ijõ dee bitabenyke.

2 Semana juhu ludu txuu, iny sohoji sohoji tiwesebo tòtatenyete jura birarenymahãbenyke rawahikremy.

³ Tai adehemynykreu kia nieru rexihumy rÿikre myiõtyhy tahe ijõ rarasamy. Tahe mobo kai tyyriti-di biditakre, tii-wana nieru iny ariteõnykre Jerusalẽ-ò.

⁴ Tahe jiarÿ arakewana iny dee wikeki, tuu wawana kodoikre.

⁵ Macedonia bede-ò arakre rahudi arehemynykremy adeeremy watzireri. Macedonia-di delemy arakre.

⁶ Araroorehenykre õsana biubede taile arahukre awanarenyhyyle. Tai ele elemy biwatÿidÿÿnykre titxibo arakemy.

⁷ Deuxudeewikeki urihimyo aõkõ akireny bede arieke bededÿÿnana arahukre akireny.

⁸ Efesu hãwã-ki Pentecoste woranabedehesi konana-ò ari-ijekre. Idi tahe arakre.

⁹ Ijõtòbònahakÿ wese irayhyky rÿimyhÿre waaõmysÿdÿÿ. Tai waaõmysÿdÿÿna irutaõre, ihãre ta wamy õludu sõwere. Namy sõwehyummy taheka õludu rÿire.

¹⁰ Tahe, Tximõtxi rakeki, iixÿru lau biijemy tii dori Deuxu aõmysÿdÿÿna diwinymyhÿde wawese.

¹¹ Inyõ Tximõtxi-di aõmy aõkõ ihÿkeki heka wadee awiõre. Wadee itÿina-ò biwiõhenanybenyke ywina-di. Reraõmahãre dori ityhydÿÿdu seriõreboho wana kanakemy.

¹² Inyseriõre Apòlo-ò sõwemy rarybewãhãre arorarenymy rakemy ijõ iny seriõreboho-wana. Tahe tii heka Deuxu-deewimy aõkõ idi rõhõtinyinmyhÿre. Idi tahe rakre ixideewimy tiu txummybo.

¹³ Aõu aõu bexiywinylemy borukubeke. Inatyhymy õbitimy myibenyke, hãbu rurutere wesemy bexirurudÿÿnyke.

¹⁴ Aõhebo botÿÿnybenykemy ywina-di luuna-di botÿÿnymy boibemahãke.

¹⁵ Tefana, tasÿ mahãdu-wana Akaia bede ludu-ki ityhydÿÿdumy juhoo rare. Kia teerytenyete. Tiibocho ityhydÿÿdu mahãdu wiõhedÿÿduhyummy ihÿrenyke.

¹⁶ Tamy bohoolabenyke, ibutummy tamy wityhymy biwinybenyke. Tule kia wese wiõhedÿÿdu biwiõhenanybenyke.

¹⁷ Tefana, Fortunatu, Akaio kaò ditehemynydenyde. Taita wadeysamy watzireri. Tiibocho riwawiõhenanyrenyke kaibocho kaki aõkõ atximahãtenyete.

¹⁸ Tiibocho wawo-ribi riwateysadÿÿnyke, araykyreny õsÿny tule wahe. Kia mahãdu heka ratyhydÿÿmyhÿke.

¹⁹ Kaki Asia bede-ki ibutummy dohodÿÿna mahãdu tarybe wehityhyna adeeremy riwahinyreri. Akila, Prisila-wana taluuna Wanyrÿnimy rybe adee riwahinyrenykeri taheto-ki dohodÿÿnareny mahãdu tule wahe.

²⁰ Ibutu seriòre mahãdu rybe wehityhyna adeeremy riwahinyreri. Birybenybenykreu wii bimybenykre wiwetya-ki seriòrewesemy tamy luòsòna òbitityhyna-di buòbenykre.

²¹ Iroo tahe jiarỹ ariritinykre wadebò-di wahe. Jiarỹ Paulo warybe wehityhyna rewahinyre.

²² Inyõ Inynyrỹ luuõkeki, aõbinahakỹbo tamy kanake, kiamy rexirybenyre: 'Maranata' kia heka Jesuisi wymy kanake rare.

²³ Deuxu luuna adeeremy kanakemy idi watxiwãhãre.

²⁴ Ibutu-ò waluuna Jesuisi Kristumy. Kie.

2 Oritxi Mahãdu-ò 2 Oritxi Hãwã Dohodỹỹna Mahãdu-ò

¹ Jiarỹ, Paulo, Deuxu deòduõ watzireri Deuxudeewireki. Tahe katyyriti rewahinyrenyore Oritxi hãwã dohodỹỹna mahãdu-ò. Iny seriòrereny Tximòtxi wawana ihỹre. Tule rewahinyrenyore ibutu ityhydỹỹdu mahãdu roholakemy Akaia bedeki.

² Ruxetòena, ywina-wana adeereny kanakemy idi watzireri Deuxu inytybyreny-ribi Jesuisi Kristu Inynyrỹ-ribi.

³⁻⁴ Deuxu heka Jesuisi Kristu tyby rare. Iny wiòhedỹỹdu ihỹre. Ruxetòena sòwemy inydeereny riwahinymyhỹre. Ibutumy aòmydỹỹna-di riwiòhenanymyhỹre. Tai tahe iny witzira rikiwiòhenanyrenykre Deuxu wiòhedỹỹna-di.

⁵ Iwese Kristu aòhòkỹmy dỹỹnana kaiboho teerytenyete wese, Kristu wiòhedỹỹna bitamy bierybenyke.

⁶ Jiarỹboho aòhòkỹmy arotỹỹnyrenykreu, awiòhenadỹỹrenykremy tuukre. Tai tahe tarasana iribi bitake. Deuxu-ribi wiòhedỹỹna arimynyrenykeki, kia biu-ò hena iribi bimyyke arawiòhenanyrenykremy. Tai tahe kaiboho arururenydikre aòhòkỹmy botỹỹnybenykreu.

⁷ Tahe wararòsòna sòwemy ihỹre akireny. Tiubo aòhòkỹmy dỹỹnanamy botỹỹnybenykreu tule wiòhedỹỹna bitabenyke iwese aritarenykre wese.

⁸ Waityhydỹỹdu seriòre, Asia bedeki jiarỹboho sòwemy aòhòkỹmy ratỹỹnyroiremaha. Wadeereny heka isiratyyhyre ibedeki. Tai heka raberumy roiremaha arururenyke lau.

⁹ Rahòtinyrenyore tai wakananareny sana. Kiamy heka wadeereny ditỹnynyde bedeenyamy: ixi-di inyò nohòtiòmy, Deuxudihyye wahe. Tii dori rubu-ribi ixixadu rare.

¹⁰ Inatyhymy tii riwatarenyore kia brebuna-ribi. Ibutu aòna aòna-ribi riwatarenykre ixityre.

¹¹ Kaiboho dori wadeereny Deuxu-ò textidenytenyteri. Tahe ibutumy ixitòena-ò Deuxu kodoholakre tai riwiòhenanykre. Tahe ibutumyiny Deuxu riteàlànanykre.

¹² Ibutumy jiarỹboho heka kia Deuxudeewimy rewinyymyhỹrenyore. Tai heka wadeysarenyore jiarỹboho. Awanareny heka tule rarybemahãrenyore: òbitinamy, Deuxu rurunamy. Iny raykywydyna-di aòkõ wahe, Deuxu raykywydyna-di.

¹³⁻¹⁴ Idi mariakele, biritinykele, bierykele, kia reritinyrenyore adeereny. Wiji urihimyyòle teerymy toite. Jesuisi txu tahe ibutumy bierybenyke. Jiarỹboho

areysarenykre bierybenykeki wahe. Tule kaiboho beysabenykre.

15-16 Juhuu rahõtinyre kiawesemy: arakemy ixi-di rahõtinyre. Juhuu heka Macedonia hãwã bede-ò arakemy ixi-di rahõtinyre. Iule tahe aroramy arakemy heka ixi-di watxiwãhã. Òkeseu tasỹ tule, aroramy adehemynykre. Tai wiòhena inatximy bitake. Jiarỹ ayrenymy areakreu, Judeia bede-ò arakemy kaiboho biwawiòhenanybenykemy.

17-18 Reòsamy watzirerimy aòbohe wadi tahõtinytenyteri? Ixiòrarukile aòbohe tuuremy adee araỹraxikre? Tuu aòbo iximy rarybere kohe, myỹ, iule. Aòkõre, myy rarybere, iule wahe. Inatyhymy aòbohe rarybereri. Aòkõre rarybeõre. Jesuisi Kristu heka warybe rieryre. Kohe, myy, iule.

19 Tai heka raryberenyre: –Inatyhy rare. Myỹ wahe, Deuxudeewinamy. Sila Tximòtxi-wana kia Deuxu rybe-di adeeremy ritỹnynyre, Jesuisi Kristu iriòremy, jiarỹ tule adeeremy kia retỹnynyre.

20 Inyboho ratximyhỹre Jesuisi Kristu-ò. Kristu heka Deuxu widỹỹdu ratxireri. Inyummyreny ratximyhỹre. Deuxu heka tuu iny rierynanymyhỹrenyre, tii inatyhy.

21-22 Tii heka iny ritamyhỹrenyre; rihitximyhỹrenyre; tahõrõ mahãdumy riwinyre. Inydeeremy riwahinyre Deuxu Tyytybytyhy inyworeny-ò risỹnyre. Tai heka inyboho rõhõtinyrenyre inydeeremy ibutumy riwahinykremy.

23 Deuxu heka warayky rieryre. Tai heka rarybemahãre, inatyhy raõre Oritxi hãwã-ò. Tai heka adiride ixinamy.

24 Araryberenyõtyhy jiarỹboho aòbo bityhynybenykemy, marybebenykemy. Kaiboho dorihe inatyhyna tetyhynytenyte. Urile tahe arawiòhenanyrenykre deysana-di Deuxu Tyytybytyhy dee deysana-di.

2

1 Tai wawo rerahòrera. Arakemy aòkõ abedeòtiidỹỹrenymy ixityre.

2 Arabedeòtiidỹỹnyrenykeki tahe mobo riwateysanykre. Kai-bohole toite.

3 Tai adeeremy reritinyre. Anaõtyhy heka abedeòtiidỹỹrenymy. Kaiboho dori deysana-di biwasỹnybenyke. Iu wadeysamy watzireriu, kaiboho tule beysabenykre. Kia heka reerywiwire jiarỹ.

4 Adeeremy reritinyre bedewona-di ranywãhãu; warube rytynmahã. Bedeòtiidỹỹna-di arasỹnyrenykemy aòkõ kỹny. Tahe timybo aluurenyremy kaiboho bierybenykemy adeeremy reritinyre.

⁵ Bedewonamy relyykeki, tiu inyõ wii ribedewonyreu, ri-wabedewonyõtyhy. Aõtxi arabedewonyrenyre. Waryberiti isirare aõkõ ihÿre.

⁶ Aõhõkÿmy dÿÿnanamy yla aõkõ rotÿÿnyre. Tai ixinamy rarekre wiji.

⁷ Wiji tahe iwitxira aõmydÿÿnana biwinyke: biwiõhenanyke iixãwididÿÿnadikemy. Tai tahe bedewona-di sõwetyhymy ri-atyõtyhy bedewona-ribi wahe.

⁸ Tii luunatyhy-di bierynanybenyke.

⁹ Tai heka adeereny õnosõna rewahinyre. Tai juhoo war-itudÿÿna adeereny rewahinyre. Jiarÿ heka kaiboho rexiy-winymy aõbo atxitenyterí ityhydÿÿna-ò. Kiamy adireny watxireri.

¹⁰ Kai biixãwididÿÿnykeki heka, jiarÿ tule ariixãwididÿÿnyke. Kia adeereny rikiwinyrenyre Kristu õraru-ki.

¹¹ Tahe Satanasi tiu iny riatyrenyõtyhy. Inyboho ri-eryrenyre tii kia riwinykemy riwisÿnymyhÿré.

¹² Jiarÿ heka ròirenyre Troaji-ò Rybewihikÿ tÿnydÿÿmy Kris-tuni-di. Tamy retehemynyreu, isiraõlemy tai Rybewihikÿ dohodÿÿmy, Inynyrÿ riwawiõhenanyre wahe.

¹³ Tahe wabedewomy watxiwãhã inyseriõreereny Txitu-ki rahaõrekí. Tai tahe kia iny mahãdu reteõwarinyre arakremy Macedonia hãwã-ò rare.

¹⁴ Tahe Deuxu deysana! Deuxu-wana watxiwãhãrenyre. Tahe kia ijesu tai ritake. Kristu heka ridykre ijesu tarasadu mahãdu. Rokoiirenykre heka ihe-ki.

¹⁵ Iwese aderõna lÿnyrehekÿ ibutumy idi riàlãnymyhÿre wese heka, kia wese inyboho roire. Ibutumy iny rierykemy heka ityhydÿÿdu mahãdu rÿirerimy ihÿre. Lÿnyrena wihikÿ Kristu ritoonyre wese Deuxu-ò inyboho roire. Iny lÿnyrena wese heka rare. Ityhydÿÿdu, ityhydÿÿdukõdu mahãdu-ò ramyhÿre.

¹⁶ Kia rityhynyõmyhÿre mahãdu tahe, tÿnyre rirubunyre. Rityhynymyhÿre mahãdu tahe tÿnyre iruweselemy rare. Kia aõmysÿdÿÿna biwinybenyke. Isirare heka iaõmysÿdÿÿ.

¹⁷ Inyboho heka sõwemy inywese aõkõ iny roire. Iwese iny riwymyhÿre aõõwyrìdre idi ijohomy, kia wese karybe rare. Kia Deuxu deòdu mahãdu heka iòwydimy aõkõ rybe riwymyhÿre. Tahe inyboho heka inatyhymy rarybemyhÿrenyre. Deuxu dori inydeereny rarybere õbitinamy. Riwateõnyrenyre õbitina-di araryberenykemy.

3

¹ Timyre heka tyriti ritididÿÿnamy raruõhyymahãrenyre jiarÿboho awirenyremy. Tahe waribireny tule aribireny kia Ritidÿÿna arihurenyõtyhy.

² Kaiboho heka Kristu tyyriti wese aõma toite. Riritiny my heka roimyhÿre inywo-ki, inyrayky-ki. Idi riramy kaiboho burubenykeki, aõbo kaiboho tewinymahãte heka tamy betehenyke. Tai tahe rierymy idi rariake ixideele. Idi rariake hãre tahe idi rexibedeerynyke.

³ Kaiboho heka Kristu tyyriti wese heka toite. Inydeereny iwahidÿÿmy heka tii rare. Kia tyyriti wixiramy rare. Aõ ritidÿÿna manamy aõkõ riwinyreri. Deuxu Tyytybytyhy-di tahe riwinyreri. Aõ manatyre-ki aõkõ ròritidÿÿreri inyraykyreny-ki, inyworeny-ki ròritidÿÿmyhÿre.

⁴ Deuxu heka retyhynymahãre, Kristu òraru-ki wahe. Tai tahe tuu raryberenymahãre kiawesemy.

⁵ Jiarÿboho heka warururenyõhyyre kaa aõmysÿdÿÿna widÿÿna-ò. Iny ruruna heka Deuxu-ribi sohojile nade. Tii iny wiõhedÿÿdu, aõ iny rikiwinymyhÿrenyke-ò wahe.

⁶⁻⁸ Irybe tÿmyra dohodÿÿdumy heka inyboho roire. Ihetxiu bede ywina wesemy aõko heka ròritidÿÿre Deuxu Tyytybytyhy ihÿre. Ihetxiu bede ywina heka rubu diwyde. Deuxu Tyytybytyhy iruna riwahinyre. Ihetxiu heka manatyre-ki ròritidÿÿre. Deuxu loosõna tule ròhõnyre, riwahinyreu wahe. Moisesi òsÿny-ribi sõwemy loosõna ròhõnyre. Idi tahe riixãwididÿÿnyre. Tahe judeu mahãdu reteheõhyymhÿre iòsÿny-ò, iòsÿny loosõnadireki. Deuxu Tyytybytyhy heka iratyre awimy rare, iny-ò dori Deuxu irutyhy riwahinyre. Tahe bede ywina nade loosõna wiwihikÿ-di bede ywina tÿmyra tahe iratyre awi rare.

⁹ Tii heka iny-di ixãwikemy ratxireri.

¹⁰ Tahe iratyre rybe tÿmyra rare. Iny òraruna-di ixãwikemy ratxireri.

¹¹ Kia urihimyò rÿire awi rare. Iratyre tahe umyuedeõna rare.

¹² Iny raròsõna sõwemy ratximyhÿrenyre. Tai tahe inyboho ruberuõhyymhÿrenyre.

¹³ Moisesi wesemy aõkõ rakatximyhÿrenyke. Imahãdu rayktxymy dori rÿirenyre.

¹⁴⁻¹⁵ Imahãdutyxymy dori rÿirenyre. Moisesi bedeywina-di rariakeki, irayky ritòbõnyke. Kia rieryõrenyre iraykyreny ratxynymyhÿrenyremy.

¹⁶ Kristu rityhynyre xiery, irayky raraymyhÿre. Iwese Moisesi òsÿnytòbõna iòsÿny-ribi resere wese kia rare.

¹⁷ Kia Tyyriti-ki Inynyrÿreny heka Deuxu Tyytybytyhy rare. Tikibo Deuxu Tyytybytyhy rÿikeki kowa ibutumy iny ixinamy rÿike.

¹⁸ Tahe ibutumy inyboho heka Deuxu wowydyna iny òsÿnÿreny-ki ijõdire. Iwese iny òsÿnyreny itxena-ki iny retehemyhÿ wese, Deuxu wowydyna ibutumy robimyhÿke iny

òs̄nyreny-ki. Inynyr̄y he Deuxu Tyytybytyhy rare. Iribi tahe wowydyna nade. Kia wese inyboho heka Inynyr̄y wesemy relemyh̄reny. Inihik̄my delemyh̄denyde. Tii dori iny woren-y-ki raaòtaòtamyh̄re.

4

¹ Deuxu taruxetòena-di heka kia aõmys̄d̄ȳna inydeereny diwahinyde. Tai heka ikonanakõdumy idi rakatximyh̄renyke.

²⁻³ Ibutumy heka rikiwinymyh̄renyke aõbo òbiti rare. Aõbina binahak̄y wid̄ȳ-ò heka rekexiijerenyke aõbo òbitirele heka rikiwinyrenyke; rikiwiurònyrenyòtyhy heka Deuxu rarybereriki, tuu. Deuxuruðhyyle rikiwinyrenyke. Inatyhyna loosòna-ki heka rakatxirenyke. Ibutumy heka rikiwinyrenyke ibutu itxerena òbitimy wahe. Inyboho rit̄ynynymyh̄re Rybe tymyra wihik̄y. Inyõ-ribi riwòm̄y roimyh̄keki tahe kia rityhynyðmyh̄rele tuu ritidimy roiike.

⁴ Kiakeki tahe Satanasi iitxered̄ȳ-ò riijõnyreri loosònamy robike lau. Deuxu binad̄ȳna rare. Ibinad̄ȳdu wesemy ratxireri. Kaa loosòna-ò iny riitxered̄ȳnyhyymyh̄re aõma Rybewihik̄y t̄myra-ò. Rarybemyh̄re dori Kristu heka Deuxu yrubule rare.

⁵ Iximy aõkõ rarybemahãreny. Inynyr̄y Jesuisi Kristulemy heka rarybemahãreny. Inyboho heka deòdumy inyboho ratximyh̄reny adeereny. Jesuisi òraru-ki kia rewinyamahãreny.

⁶ Juhuu Deuxu rarybere: –Bedeluru-ribi heka loosòna doosòm̄yh̄de. Tii heka loosòna-di inyraykyreny ritoosònanymyh̄re. Tai heka iny Deuxu erysyd̄ȳna inyboho rieryreny. Kristu òs̄ny-ki sohojile tuu rokobirenyke.

⁷ Kia heka aõna aõna wiwi inydeereny heka rare. Ihyna òwy riòre wesemy inyumyreny ratxireri, butxi weselemy wahe. Tai heka Deuxu sohojile irurudire, inyboho aõko irurudire.

⁸ Ihãrele heka aõbo iny riwinyke rieryðhyymyh̄re timybo aõ iny riwinyke heka.

⁹ Aõhõk̄my d̄ȳnana heka inydeereny rehemynymyh̄re tai inyboho ikyhynamy riemyh̄reny. Inyboho heka bedewodihyy ratximyh̄reny, tahe tiemy iny raròsònarenidyhy inyboho ratximyh̄reny.

¹⁰ Inyboho heka itxi tõhõti reahyy inyboho ratximyh̄reny, Jesuisi rubuna-txi wahe. Kaki tahe iwese Jesuisi raremyh̄ wese heka rakatxirenyke. Tai iny witxira heka tuu robikre kiamy, Jesuisi rirud̄ȳnanamy.

¹¹ Jesuisi òraru-ki heka brebunahak̄y-ki inyboho roire. Kia wese-ki heka iny Jesuisi runamy robikre inykireny.

¹² Kia-ki heka iny rubukonanareny inykireny rare. Tahe iruna akireny tule ratximyhÿre.

¹³ Kiamy heka Ritidÿÿna roire: —Jiarÿ retyhynyre. Taita rarybere: —Kia weselemy roire. Retyhynyrenyneri tai heka jiarÿboho tule raryberenyneri.

¹⁴ Jesuisi ixixadÿÿdu heka rare. Kaa tule inyboho tule riixixanyrenykre. Rikirònykre heka Deuxuko-txi. Kaiboho tule boibenyke wawanareny.

¹⁵ Jiarÿ wawanareny kia adeeremy relere. Tamy Deuxu ruxetòena sòwetyhymy ramyhÿre-wana heka riwahinymyhÿre iratyre sòwetyhymy tamy deàlàna riwahinymyhÿre. Kia heka Deuxu wowydyna-ò tuu ratximyhÿre. Bedewoòmÿ.

¹⁶ Iny bedewonaòhÿre heka. Iny umyreny retybynyre. Txuõ txuõlemy heka ratÿmyranyke inywo-ki. Tiie heka aòbo rierynyre inatyhy wahe.

¹⁷ Iny bededÿÿnanareny heka urihimyòle roimyhÿre. Iny wowydynarenyko-ki heka aòhòkÿmy dÿÿnana inyboho ritarenyke inydireny retehemyhÿre. Retyhenyrenyre wowydyna-ò awityhyremy inyboho idi retehemyhÿre iny idi retehòmyhÿredi.

¹⁸ Aòbo iny tuu robimyhÿre bede bedemy tuu iny robimyhÿre ibutummy idi reamy. Aòbo iny tuu robiòmyhÿre heka tiu itueòtyhy. Kia-di tahe inyboho ròhòtinymyhÿre.

5

¹⁻² Inyummy tÿmyrahakÿ heka inydeeremy kidiwahinykre Deuxu, iwitxira biu bede-ki wahe. Aò hàbu wahisidÿÿna-ki aòkò Deuxu-di wahisidÿÿna-ki heka tuukre kia umy tÿmyra wahe. Tiu heka itueòtyhy. Rakabedeworenykre heka bede-ki iny telesòreny-ki rasÿnyreki inywo-ki wahe.

³ Inyboho heka biubede-ki insÿreny inyummytÿmyra-ki ròkòhòtinymyhÿrenyke. Kaa iny umyreny wahe. Rabedewomyhÿreny. Umy tÿmyraò heka rikitarenykemy inyboho ratximyhÿreny.

⁴ Aòherekibo inyboho wiji rabadeworenyre? Inyboho heka Deuxu bedewihikÿ-ò aròirenykekò aòbo? Inyreny rikitarenykemy aòkò wiji. Kaki aòhòkÿmy dÿÿnana riwawobed-edÿÿnyra. Kia aòbo umy tÿmyra tyre tahe rikirutyrenyke ijò wahe. Ijò rikitarenykre umytuedeònaò. Tiu itueòtyhy. Kia riwinyre inydeeremy kia wahe.

⁵ Deuxu dori tuu rarybereri inydee riwahinykremy. Tatytybytyhy dori diwahinyde diteòsinyde.

⁶ Kia iwese juhoo rarybere wese heka tuu rotÿÿnykre. Tai heka inyboho teysamy ratximyhÿreny. Kabede-ki in-

yboho ratximyhÿre heka inyумыreny ratximyhÿre heka aõ Inynyrÿ-wana aõkõ ratximyhÿre.

⁷ Tiu heka rokobirenyõtyhy rikityhynyrenykekile ka idi rakatxirenykre. Inyboho rieryreny timybo rarekre wahe.

⁸ Jiarÿ wadee awire kabede-ribi arexitake Deuxu-wana arasÿnyke wahe.

⁹ Aõma tamydeewimy heka tuu iny riwinyke wahe iny-wana rasÿnyke. Kaki iny ratximyhÿre tahe aõbo awire heka tamy awire.

¹⁰ Inydireny retehemyhÿre. Aõbo inyboho riwinymyhÿreny. Aõbina bina rikiwinyrenyke heka aõhõkÿmy dÿÿnana inydeereny riwahinykre. Aõwihikÿ riki rikiwinyrenykre wana tasÿ. Aõbo awityhy inydereny kidiwahinykre.

¹¹ Inynyrÿ heka inyboho rityhynymyhÿre. Tai inyboho iny wixira-ò tuu sõwemy relyymyhÿreny. Ibutumy heka Deuxu iny rierymyhÿreny. Kaiboho heka tule tiwaerymahãtenyte.

¹² Kia heka reraõmy watximyhÿreny biwaerybenyke. Ararybeõtyhy heka adeereny jiarÿ awiremy. Tahe wadee ka awire kaiboho waluurenyke. Hãbu iumyle awimy rÿirerimy ihÿremy idi rõhõtinymyhÿre. Tii heka õbiti aõkõ rare. Kia biwyõnybenykemy adireny watxireri.

¹³ Juhuu iny rieryremy itelesõ. Inymyreny rarybekeki itxÿtemy inyboho roiremy. Rakaryberenyke heka aõbo inyboho dori Deuxu dee. Aõmysÿdÿÿrenymyhÿreki inydireny rõhõtinymyhÿre. Inymyreny rarybekeki inyboho awilerenyremy. Iõrarureny-ki tuu rakatxirenyke.

¹⁴ Kristu luuna heka kiamy iny riraykydÿÿnymyhÿre. Tii heka rurure iny ibutudee. Tii rurureu, ibutumy inyderõwyrenymy rurure.

¹⁵ Rurure heka aõma iny ixidee sohojile irumy rareke lau. Kia tako-ò rakreu tamy heka irumy rakre. Tamy dori rurure tai rexixare rubu-ribi.

¹⁶ Rakaraykynyrenyke timybo hãbu awiré, ibinaré. Kaimy heka rakaraykynyrenyke. Aõ iwese iny wixira raraykynymyhÿre wese aõkõ raraykynyrenyke. Aõma inyboho aõbo Jesuisi Kristu-di raraykynymyhÿre heka. Ixityre aõbo tuukre.

¹⁷ Tii heka umy tÿmyra tuedeõna-di ratximyhÿre iwixira ratximyhÿre. Juhu iaõmydÿÿnana iribi ixãwira. Tahe wiji raraykywydynanyre iwixiramy. Ibutumy iaõna aõna ihetxiu heka rawixiranyre, awi-ò.

¹⁸ Deuxu heka ibutumy kia riwinyre tamy. Inyboho heka iõludu roire, juhUU wahe. Wiji tahe iliinamy ijoi ratximyhÿre. Iny wixira heka iliinamy rarekemy idi watxiwãhãre.

19 Wiji tahe timybo Kristu rarybekremy heka adeereny rarybereri. Aõma Deuxu kia liinamy rarekemy wahe. Ixinamy Deuxu. Ka Deuxu aõ anaumywitziranydenyke. Kia Kristu òraru-ki tuu ratximyhÿre.

20 Jiarÿboho Deuxu deòdu roire. Tai Kristu deròwymy adeereny rarybereri: Iluuna ixidee ixiby bimybenyke. Wii biwowixinybenyke.

21 Deuxu heka iny òraruna ritidire Kristu tyre-ò. Kristu inyòrarunarenny riwyre. Wiji tahe Deuxu òbitina inydeereny riwahinymyhÿre.

6

1 Jiarÿboho tahe raaõmysÿdÿÿnyrenyke Deuxu dee. Deuxu ruxetòena dori tetatenyete, tai idi mohòtinybenyke, òhòtirenny-ribi losaõmykemy.

2 Boholabenyke aõmybo Deuxu rarybereriò. Jiarÿ heka aluurennyre iurenana tahe ka arybe-ò raholareri. Arawiòhenarennyre iu wadee textidenyeteu, wadee taryeteu. Boholake wiji heka bitabenyke Deuxu ruxetòena. Wiji heka biu-ò hena txummy bede rÿire.

3 Inyõ iny aõmysÿdÿÿnarenny ibinamy rarybekeki, uritere ijõ iny bedeworenyõmy, jiarÿboho òraru-ki.

4-5 Jiarÿboho dori Deuxu deòdutyhy roire. Tai rikiteòsinyrennyke ibutummy aõbo inyboho dori Deuxu deòdu roire. Tai riteòsinyke ibutummy aõbo iny riwinymyhÿke. Aõna aõna rikiteòsinyrennyke. Òhòte wakireny rÿimyhÿre. Ròtenawo-ò ralòmyhÿrennyre. Bedeweweky-ki aõhòkÿmy ratÿÿnymyhÿre. Sòwemy heka reòludunnyre aõnana bina binahakÿ reòludunnyre. Aõ òta òta reòludunnyre. Sòwemy heka raaõmysÿdÿÿnynihikÿrennyre. Sòwemy heka aõmysÿdÿÿnadikre; tÿikò bede reijereny; byreõmy bede reijereny;

6 òbitimy heka rewinyrennyre. Aõma, ywiny-di ròwidÿÿrennyre bedeeryna-di. Ka roirewãhã iny iwitxira rewìòhenannnyre. Ibutummy kia rewìòhenannny roirewãhã. Deuxu Tyytybytyhy heka wawanahyy roiremyhÿ. Luuna heka inydee reteòsinyrennyre Inatyhyna rybe heka retÿnynmahãrennyre. Sòwe heka ritÿnynny, jiarÿboho Deuxu deòdu roire wahe.

7 Òbitina dori wadebònarenny wese rare Satanasi itxemy. Jiarÿboho heka remymahãrennyre aritarennykemy. Tule iny rexiijemyhÿre òbitina-di.

8 Ijõ heka waluurennyre inyõ tasÿ aõbina binahakÿle wadee riwinymyhÿre. Ijõ heka Rybewihikÿmy wadee raryberemyhÿre. Ijõ tasÿ rybe binamy wamyre, raujõmo. Inatyhyna rarybemyhÿre. Tai wamy ruidu riwaninimyhÿrennyre.

⁹ Ibutumy heka iny riwayreny. Tahe rieryõhyymy heka inatyhy rare. Watxiwãhãrenyre rubu wese ihãre tahe warumy watxiwãhãrenyre. Tiiboho heka rubu wesemy inydireny ratximyhÿrenyre. Aõhõkÿmy ratÿÿnyrenyre hãre raruõhyylemy watximyhÿrenyre.

¹⁰ Aõna aõna heka bedewonihikÿmy ròhõnyre. Tiiemy wadeysahyy watxiwãhãrenyre. Jiarÿboho heka urimynod-ule watxiwãhãrenyre. Ibutumy inyboho rityhydÿÿnyrenyre. Aõhomy aõkõ inyboho ratximyhyreny tahe ibutumy inydire roimyhÿrenyre.

¹¹⁻¹² Tahe kaiboho ityhydÿÿdu seriõre mahãdu Oritxi hãwã-ki. Jiarÿboho heka kaa òbiti-my aõna aõnamy rarybemyhÿre. Kaiboho heka ijohona derarenyre aõmybo rarybemyhÿrenyre. Jiarÿboho heka aluurenyre.

¹³ Kai wariõre wesemy adee rarybereri. Umy iwese jiarÿ aluure wese, kai waluurenyre.

¹⁴ Boholabenyke warybereny-ò ityhydÿÿdukõdu mahãdu-wana aõmysÿdÿÿrenyõke. Timybo òbitinaõ heka aõbinaõ-wana raaõmysÿdÿÿke. Timybo heka loosõna bedeluru-wana ratxike? Aõkõre! Tiu wiwana rauriõtyhy.

¹⁵ Satanasi heka Kristu-wana raaõmysÿdÿÿnanyõtyhy. Ity-dÿÿdu mahãdu wiwesehyyle raraykynykemy rÿira. Ityhydÿÿdukõdu mahãdu-wana tahe wiraykyweseke aõkõre.

¹⁶ Deuxu aõmysÿdÿÿna heka iwitxi rare, suritxoo aõmydÿÿnana-ribi, wahe. Kaiboho heka Deuxu dohodÿÿna ijoimy toite Deuxu oworeny-ki ratximyhÿre. Deuxule heka kawesemy rarybere: —Jiarÿ heka wasÿ ariwinykre ayreny-ki. Jiarÿ iDeuxumy aronykre tiiboho waijoimy. Rorokurenkre. Tai tahe Inynyrÿ rarybere wiribi bihitxinyke. Inybina-ribi bexihitxinybenyke.

¹⁷ Bexiebennyke òbitikõre-ribi wahe. Uritere tamy adi rexihumy, ixieryta aramyrenkre ixidee wariõre wese.

¹⁸ Warurutyhymy adee rarybere. Boomy heka adireny arekre, jiarÿle wahe. Deuxu rurutere rare Jiarÿ.

7

¹⁻² Deuxu ibutumy tuu rarybere: —Kai ityhydÿÿdu waseriõre mahãdu. Tai tahe rikexiòbitinyke ibutu aõmydÿÿnana-ribi. Iny umyreny-ki rokobirenyke inyumyrenyy-ki. Òbitimy heka rakatxirenyke iko-ò, Deuxuko-ò. Aõma waluumy heka atximahãbenykemy rahõtinywãhãrenyre. Iny-ò aõ bina bina rewinyõhywãhãrenyre.

³ Tuhe kaa rarybere tahe ixityre anarybekre. Aluurenyre jiarÿboho ibutuhÿyle ratximyhÿre iny rummy ratximyhÿre hãre tasÿ rukururenkre tulekre.

⁴ Wadee heka awire ibutumy kaiboho ratximyhÿrenyre. Kai aõwixira wixira wadeereny rÿira umy retyhynreki. Isir-are heka wadee kia ratximyhÿhãrele Wadeysatyhymy heka watziwãhare, wiòhedÿÿtyhy òraru-ki, ijyy òraru-ki.

⁵ Jiarÿboho retehemynyre Macedonia bedede. Taita tule elehynaõhyre wadereny. Ibutumy heka aõna aõna, òta òta wixira wixira; bedede bedede ihymy aõkõre rÿire tai. Aõma bedewonihikÿ heka watelesõreny-ò ralore.

⁶⁻⁷ Deuxu riwawiòhenanyrenyre; Txitu diteònyde wadeereny. Tii rybereny heka awiremy kaiboho. Tai tahe reysarenyre jiarÿboho. Kaiboho tabedewomy atxitenyteri waòraru-ki. Katahe wadeysa nihikÿmy watzireri.

⁸ Adeereny warybetyyriti rewahinyreki tabedewomy atxitenyte. Tai tahe reysamy watzireri. Ihãrele heka tyyriti adeereny arawahinykre. Kaiboho heka tabedewotenyte iribi tahe aõmydÿÿna kaiboho tewitxiranytenyte teòbitinytenyte ibutumy.

⁹ Tai tahe jiarÿ reysamy watzireri. Aõbinare dori rewinykõre arawiòhenyrenyre heka.

¹⁰⁻¹¹ Deuxu heka iny ribedeòtiidÿÿnymyhÿre iny ywimy riraykydÿÿnykemy. Kia kidiwymyhÿke inydee tarasana wahe. Tii heka awire. Ijõ bededeòtiidÿÿ tahe bedede ludu bedede òtiidÿÿ. Kia tahe rubu diwymyhÿde. Kaiboho heka tabedeòtiidÿÿnymyhÿtenyte. Deuxu heka kia riwinyre awiòhedÿÿnyamy aõma kaiboho awirenyre. Aõ wixira wixira sõwemy akireny rÿireri, aõ òta òtareny. Kiadile tahe aõma òbitihymy òhò ayreny-ribi kaiboho heka taykarananytenyte. Kaiboho heka waluudumy teletenyte. Kaiboho biwinybenykemy aõbo òbitimy ratximyhÿre iwidyÿÿmy tarotenyte. Ibutumy heka òbitihymy rarekemy idi tetehetenyte.

¹² Tai kia tyyriti adeereny rewahinyre. Aõ kia rewinyre heka aõ iny iòrarudikekile aõkõre rewinyre. Idi aretehekemy heka. Kaiboho waluurenytyhyre aõbo òraru-ki wahe.

¹³ Tai heka wadeysamy watziwãhare. Aõ inyboho sohojile aõkõre teysa ratximyhÿrenyre. Txitu tule teysamy ihÿmyhÿre, kaiboho tawiòhenanyteki

¹⁴ Tu heka rarybere adeereny kaiboho dori awimy tai tahatenyta awityhy. Adeereny heka inatyhyhy rarybemaãrenyre, inatyhynamy. Tule mobo rarybere Txitxu-ò. Ka tahe inatyhy rarybemy ratximyhÿre.

¹⁵ Tai heka Txitu kia luuna heka aõnityhymy akireny rare. Itxi heka tõhõti akireny aõma Deuxu tetyhynmahãte-txi. Kaiboho tedytenyteki. Ihãrele urihimyo ruberumy ratximyhÿ.

¹⁶ Reerymahãre jiarỹ kaiboho òbitimy boibekre. Tai wadeysamy watzireri.

8

¹ Deuxu ruxetòena-ki heka sówemy riwinyre Macedonia dohodỹyna mahãduy-ki wahe. Jiarỹ tuu arelyykemy idi watzireri waseriòreboho.

² Sówemy heka iaõna aõnareny iaõòtaòtarenyre tiiboho. Aõhõkỹmy rotỹnyreri tiiboho. Ihãrele ka deysamy heka relereny. Reysareny heka. Tiiboho heka iaõkõreny. Aõhohomy aõkõ heka roiremyhỹ. Kiahãrele heka sówemy riwahinyre tamahãdu wiòhedỹỹmy.

³⁻⁵ Riwahinyre heka sówemy ixideewimy. Sówemy riwahinykelemy wadee rarybere. Tiiboho heka sówemy wiòhedỹỹmy rurumy roiremyhỹ. Tai inyboho ribedeòtiinyre sówereki. Kia judea bede, dohodỹyna mahãdu, kia wiòhedỹỹmy. Juhu heka tiiboho rexiwahinyreny Inynyrỹreny-ò. Tule Deuxu deewina inydee riwahinyre. Iny wiòhedỹỹnarenymy rexiwahinyre.

⁶ Tai tahe jiarỹ rarybereri Txitu-ò: —Kai biwiòhenanykemy iaõmydỹỹnareny-ò.

⁷ Kaiboho heka sówemy tetyhynyteri. Kaiboho heka Deuxumy awimy tarybemyhỹtenyete. Kaiboho heka teertytenyete Deuxu aõmydỹỹnana. Kiaboho heka waluureny waluurenymy boibeke wawiòhedỹỹdureny. Biwawiòhenanybenyke. Tai heka sówemy bexiòlòdỹỹnybenyke adireny watzireri.

⁸ Aõ bede ywinaõ heka adeereny rewahinyõhyreri. Arierykemy heka idi watzireri timybo aluuna ratximyhỹremy. Tii riteòsiny heka timybo ijõ dowiòhedỹỹmyhỹdemy. Tai tahe iwese tii rotỹnyre wese kaiboho tule botỹnykre.

⁹ Deuxu ruxetòena teertytenyete, Jesuisi Kristu ruxetòena wahe. Tii heka ityhy rare. Tii rikõdỹỹnyre heka aòrarureny-ki.

¹⁰ Taihyky tetyhynytenyete Deuxu aõmydỹỹnana-di. Ki-amy heka raraykynyneri. Arawiòhenanykemy heka adireny rahõtinyre kanau bedeu. Tewiòhenanytenyete inatyhymy. Tai tahe biconananybenyke kia kanau bedeu tewinytenyete heka biconananybenyke.

¹¹ Aõma ireiõno, uriõno biwahinybenykeki, Deuxu heka rimyke. Kia-di rõhõtinyke.

¹² Kia uriõnomy idi teywiny my atxiteri-di rõhõtinyke. Tamy wahidỹỹmy aõkõhykeki tahe Deuxu aõma raraykynyõtyhy.

¹³⁻¹⁴ Jiarỹ heka isiramy adee ariwinyõtyhy aõ. Kaiboho heka sówemy kaa wiji toite, Tai tawowi-di inyõ ròõkeki, taaõnasõwe myna Deuxu-ò riwahinykre. Iaõkõkeki tai ibi-namy Deuxu rahaõtyhy. Tai biwiòhenanybenyke heka ihoõmy

rỹira mahãdu. Jiarỹ heka aõ retòenyneri aõkõ rare, biwahinybenykemy. Kai ihoõmy atxikeki tahe, tule inywitzira anawiòhenanykre. Taita wiwanale wiwesehyyle ròhònykre.

¹⁵ Kiamy heka Tyyriti-ki Ritidỹỹna roire: —Hãbuõ heka sòwemy ributunyre. Tahe aõhe rauhenyõhyyre tamy kia ibutuna-ribi wahe. Ijõ tahe ibutelemy ributunyre hãbuõ wahe. Tiile heka aõ tamy rasiranyõhyyre.

¹⁶ Txitu awiòhedỹỹrenymy rurumyhỹre iwese awiòhedỹỹrenymy rurumyhãre wesele wahe. Deuxumy reallãre tai, Deuxu dori tuu rotỹỹnyre.

¹⁷ Taita ixinamy arorarenymy rehemynykremy.

¹⁸ Riwiòhenanyrenyneri iwitzira seriòreõ. Ibutumy dohodỹỹna mahãdu-ribi tii rityhynymyhỹre aõma Rybewihikỹ-di ritỹnynymyhỹre awimy.

¹⁹ Dohodỹỹna mahãdu rihitxinyre wawana kanakemy. Ibutumy Inynyrỹ loosõna heka tuu ratximyhỹre. Tule riteòsinymyhỹre ibutumy iny rikiwiòhenanymyhỹrenykemy. Tai heka inyseriòreneny reteònyrenyneri ityhydỹỹdu mahãdu.

²⁰ Tai inyõ kia nierumy inyõ rarybeõtyhy.

²¹ Òbityhylemy rikiwinyrenyke ibuturu-ò.

²² Ijõ tii-wana rake. Reurihirenyre heka tii wiòhedỹỹmy rakeò, tai heka tii wiòhedỹỹmy ratxireri.

²³ Txitu heka waliina rare; wawana raaõmysỹdỹỹnymyhỹre heka rare. Jiarỹboho heka awiòhedỹỹrenymy rarumahãrenyre. Ijõ seriòrenenyõ nade dohodỹỹna-ò wiòhedỹỹmy. Tai kaiboho wowydyna tamy biwahinybenyke.

²⁴ Tai tahe dohodỹỹna mahãdu kaki rierykre. Tai rityhynyrenykre aõmybo umyreny rarybere. Tule wiluumy atxiteri.

9

¹ Reerywãhãre jiarỹ wiòhedỹỹmy tarumahãtenyete Judeia bedeki. Tahe kiamy aõ aõkõ ariritinykre.

² Reerywãhãre timybo akireny rare. Jiarỹboho heka awimy raryberenyre umyreny Macedonia hãwã mahãdu-ò. Myheka rarybere: —Akaia bede seriòre mahãdu wiòhedỹỹmy rexiywinymy ratximahãrenyre kau beòrau. Tai tiiboho reideysananyrenyre.

³ Tai heka kaa seriòre mahãdu reteònyneri. Tai heka awikre biwiòhenanybenykre dori. Kiamy iwese rarybereri heka inatyhy rare.

⁴ Araixỹrukre heka jiarỹ aõma bexiywinymybenyõlemy wiòhedỹỹna-ò atxibenykre-wana. Tule kaiboho maixỹrubenyke.

5 Tai heka inyseriòrereny reteònyre akorenymy. Tahe iu arehemynykreu, bexiywinybenyke. Biwahinybenyke wiòhedỹỹmy atxitenyteri ixideewimy. Aõ jiarỹ adeereny rexitòenyteri aõkõ wiòhedỹỹmy.

6 Kia hãbu ibutemy ròbòròmhyhỹre heka ibutelemy tamy aõna aõna ruhunykre. Kia hãbu sòwemy ribrònymhyhỹre tahe tamy sỹ sòwemy aõna aõna ruhunymhyhỹre tamy riwahinykre bederaty aõmydỹỹnana.

7 Tai heka iny sohoji sohoji ixideewimy tiwesebo riwahinymhyhỹke. Riwahinyòke tahe aõ tuu rurukòreri urenana tuu ratxike. Deuxu dee riwahinymhyhỹke mahãdu deysana-di riwahinymhyhỹre kia iny mahãdu Deuxu tuure.

8 Deuxu heka riwahinymhyhỹre sòwemy aõmybo tarumahãte kia inydeereny iratyre. Ibutumy aõmybo tarumahãte heka tule iny witxira biwiòhenanybenyke.

9 Kiamy Ritidỹỹna-ki roire: —Tii tawowi-di iaõkõ mahãdu-ò. Ròwahimhyhỹre. Kia tahe iinydee wobrona tiemy rosaõmy rarekre. Deuxu heka riwahinymhyhỹre tibo alòbòròdu-ò.

10 Inydee riwahinymhyhỹre paõ iny rirỹsỹke. Tahe tule sohoji sohoji òwòrutumy rurumhyhỹre heka tamy riwahinymhyhỹre. Kia ribòrònymhyhỹre tahe Deuxule ritxuhudỹỹmyhỹre. Tahe sòwemy bitakre Deuxu-ribi.

11 Kia rimymhyhỹre mahãdu tahe Deuxumy reàlàmyhỹre. Kia tewinymahãte heka Deuxudeewimy tewiòhenanymahãte. Deuxu heka sòwemy rimymhyhỹre eàlànareny iòraru-ki.

12 Kaiboho heka Deuxu mahãdu teriwiòhenanytenyte. Kia sohojile aõkõ. Tule aòraru-ki tiiboho Deuxu-ò wowydyna sòwemy riwahinyrenyke.

13 Kaiboho Rybewihikỹ tỹmyra tetyhynytenyteri, Kia ibutumy rierymyhỹre kaiboho dori uriòno tewiòhenanytenyteki, tai iny wowydyna Deuxu-ò riwahinykre.

14 Adee rexitòenykre aluumy heka relekre Deuxu adee ruxetòena riwahinyreki.

15 Deuxu-ò wowydyna iny-ribi kanakemy heka idi watzireri. Wahidỹỹna wihikỹ dori Deuxu inydeereny riwawahinyre.

10

1 Jiarỹ Paulo heka aõmybo adeereny arexitòenykre. Aõherekibo tamy tarabemahãtenyte awanarenny watziwãhãu urihimyòle watyhyna watzirerimyy wamy tarybemahãtenyte. Jiarỹ heka awana rybetere-di rarybeõmahãre awanarenny watzireri wana. Tiu rareu, taheka ròritidỹỹre rybetere-di wahe.

² Rõhõtinywãhãre. Rexitòenyre. Awi heka rare. Ywina-di iny risÿnymyhÿre. Inyõ wamyreny ibinamy rarybekeki tahe tule ararybeke heka.

³ Inatyhymy kabede-ki inyboho rasÿnymyhÿreny. Rakaaõbinanykeki, inyumyreny aõbinana wesemy rare. Tebõnadirenyre.

⁴ Tebõnadirenyre. Aõ kabedemy iny rÿira kia debõna wese aõkõ kÿny. Deuxu debõna heka rÿira irurule heka rare.

⁵ Inyõ aõbinamy Deuxumy rarybemyhÿkeki, tai tahe kia wadebõnareny remymy resewãhãrenyre kia ixãwididÿÿnamy wahe. Ibutumy Deuxu òludumy ratximyhÿre heka remywãhãrenyre Deuxu rierykemy Kristu rityhynkemy wahe. Kaiboho heka ibutumy tetyhynmahãtenyete.

⁶ Kaiboho biatybenykeki, tahe, rexihuyymy rÿimyhÿre aõhõkÿmy dÿÿnana-ò.

⁷ Kaiboho heka tetehemahãtenyete aõna aõna-ò ahana-ribi wesele wahe. Inyõrarakynykeki ratximyhÿreny ixinamy tuu raraykynyke. Jiarÿboho heka tule Kristu mahãdu hõrõ iny ratxirenyre.

⁸⁻⁹ Deuxu heka ruruõ wadee diwahinyde arawiðhenanykemy tai raixruõmyhÿre. Tai heka abrebudÿÿrenymy aõbo kariti rewinyre. Urile tahe aumydÿÿreny adireny rewisÿnywãhãre aõ bede arãatyremy aõkõ.

¹⁰⁻¹¹ Ityriti rybetere heka ribrebudÿÿ tahe rehemynyreu heka tii aõkõ rybetere-di rarybemyhÿre. Awityhymy aõkõ rarybemyhÿre riritinyreu. Iwese ròritidÿÿre wesemy aõkõ rarybere. Iu adehemynykreu tahe, iwese ròritidÿÿre wesele heka anarybekre.

¹² Iny tai ratximyhÿre heka sõwemy ixidi rõhõtinymyhÿre tii awiremy. Kia tahe watximyhÿreny kia raryberenyõtthy. Tii dori raitxÿtemy ratximyhÿ.

¹³ Aõmy iximy rarybemyhÿre dori tii awimy iximy rarybemyhÿre heka urile tuu raraykynymyhÿ. Timybo Deuxu inyde raryberele rikiraõmyhÿke. Kiawesele inydeereny awire.

¹⁴ Iaõmysÿdÿÿna heka timybo rikiwinyrenykele iny riijemyhÿreny. Juhu heka Rybe tÿmyra wihikÿ heka adeereny adiwykemy idi watxiwãhãre. Rewyreny heka juhoo Rybe tÿmyra wihikÿ adeereny rewyre. Tai heka tuu raryberenyðhymahãreny timybo iny witxira aõmysÿdÿÿna riwinymyhÿreny.

¹⁵ Kaiboho heka aityhydÿÿnareny raumynykre. Tii heka wadeereny awire. Jiarÿboho heka aõmysÿdÿÿna wihikÿ sõwemy ariwinyrenykeki watxirenyre ayreny-ki, Deuxu-deewireki.

16 Idi tahe aròirenykre rybe-di aritỹnynyrenykremy ijõbede-ò, Rybe tỹmyra wihikỹ-di wahe. Aõmy ararybeõtyhy aaõmysỹdỹỹnareny iwitxira rewinyremy. Kiamy heka Ritidỹỹna-ki roire:

17 —Urile tuu rybe rỹike Inynyrỹ timybo riwinyrelemy.

18 Iny ixidi rõhõtinyinmyhỹre tii awireny. Tahe awi aõkõ rare Deuxu-ò. Deuxu tahe awimy tai rahamyhỹre tii idile rõhõtinyinmyhỹreki.

11

1 Jiarỹ òsana urihimyò raitxỹtemahãremy kaiboho wawana tõiterimy ixidi atxitenyteri. Ihãrele taheka urihimyò reòludunymahãre. Jiarỹ heka okorenyre iwese Deuxu ratximyhỹre wesele.

2 Ywimy atximahãbeny adireny watxireri. Kaiboho iwese ijadõma hãbumy roikre wese toite. Hãbu heka Kristu rare.

3 Jiarỹboho raberuwãhãrenyre kaiboho Kristu-wana atximahãbenyke lau wahe. Iwese Eva hemylala riitxenanyre wese wahe.

4 Inyõ kanakeki rõhãletedỹỹmy Jesuisi witxiramy. Tahe kaiboho bityhnybenykekile jiarỹ heka raberumahãre.

5 Ijõ dori ritỹnynymyhỹre iwese inyboho ritỹnynymyhỹrenyre wese aõkõ iwitxiramy.

6 Kaiboho heka tahõtinyinmahãtenynte tỹnydỹỹdu wihikỹmy inykireny ratximyhỹre. Tahe awiremy idi tahõtinyinmahãtenynte. Tai iwesele inyboho roire awi heka roire.

7 Tahe iwese tii awityhymy rarybemyhỹre wesemy aõkõ inyboho rarybemyhỹrenyre. Tahe iny rierymyhỹrenyre inyraykyreny-ki. Sõwemy heka tuu adeereny rarybemaãhãrenyre. Iu jiarỹ rybe ritỹnynymy akireny rarewãhãu, kiau heka adeereny rexitõenyõhyre iõwydỹỹmy. Iyjamy heka ixidee reijenyrenyre kaiboho bexiòlõnybenykemy. Teòsare òsana iwese rewinyre wese.

8 Ijõ dohodỹỹna mahãduõ heka riwaòwynyrene adeereny aritỹnynyrenykemy. Iwese iribi rawasinyre wesemy heka rahõtinyre.

9 Iu akireny rybe-di tỹnydỹỹmy rarewãhãu tiu rexitõenyõhyre adeereny biwawiòhenanykemy. Macedonia hãwã-ribe dori ityhydỹỹdu, mahãdu seriòreõ aõmybo raruwãhãre wadee diwyde. Tiu heka aõ aribireny aritaõtyhy. Tuu rarehyy wese heka wiji rarekre.

10 Kristu inatyhynamy wadee rarybereri kia wese tule ararybekre ibutumy Akaia hãwã hãwã-ki.

11 Jiarỹ heka aluunihikỹrenyre. Taile heka tuu rarybewãhãre Deuxule rieryre.

12 Kia rybe tÿnydÿÿdu heka iwese rewinywãhãrenyre wesele ròwidÿÿmyhÿre. Kia heka rewinywãhãrenyre heka kia rarybereri heka aõ wiribi lahitxi aõkõmy rarybereri.

13 Kahãbu heka inatyhy Deuxu deòdÿÿna aõkõ ratximyhÿre. Ruile heka iaõmysÿdÿÿna-ki ròhònymyhÿre. Rexitÿnynykemy Kristu deòdÿÿna mahãdu-ò.

14 Tahe aõkõre heka Satanasi tule rexiwitxiranymyhÿre. ÿju wesemy tii rexideòsinymyhÿre. Kia hãbu teòdu rare. Tai heka irehemy iribi rexiijaranyre òbiti deòdu mahãdu ratxireriki wahe.

15 Urile tuu iny idi rõhõtinkyelemy heka tuu ratxirerimy ihÿre. Tahe aõkõre. Ikonanau tahe aõhõkÿmy dÿÿnana ritarenykre aõbo riwinymyhÿre òraru-ki.

16 Ixityre tuu ararybekre. Inyõ raykykõmy jiarÿ itxÿte raremy. Ararybekre heka waaõmydÿÿnanarenemy.

17 Teramy ijirarenyõmyke aõmybo ararybekre. Deuxu dori tuu arybedÿÿ-ò riwaijõnomy, tai heka rarybere itxÿte wesele watximahãremy.

18 Kaiboho heka taholamahãtenyte itxÿte mahãdu-ò. Katahe bodoholabedenykre aõmybo ararybekre.

19 Inyõ kedehemynykeki kaa biwinybenykre. Tahe tewinymahãtenyte aõna aõnamy aõkõ wahe.

20 Inyõ araitxenanyrenykeki uritere aõmydÿÿrenyõmy tamy. Jiarÿ heka ariwinyõtyhy tuu, wadee awiõre.

21 Ijõ rarybemyhÿre inyõ. Tule jiarÿ ararybekre. Itxÿte wesemy ratximyhÿremy.

22 Tii heka Hebreu mahãdumy tii rexininire. Jiarÿ tule kia tuu rare. Ijaò mahãdumy heka tiiboho rexininirenyre. Jiarÿ tule. Abraõ riokoremy rarybemyhÿre. Jiarÿ tuleri.

23 Kristu deòdumy heka tii rexininimyhÿre. Rarybemahãre itxÿte wesemy. Jiarÿ heka iratyre deòduwimy watxiwãhãre. Jiarÿ raaõmysÿdÿÿ nihikÿre. Ròtenawo-ò riwarutyrenyre iratyre. Riwhatenyrenyre iratyre. Arurure inihe iratyre.

24 Judeu mahãdu heka 39 hetenamy wamy raòhòtere iruyre sõwemy wahe.

25 Roma mahãdu tasÿ inataõmy riwhatenyrene. Sohoji ta mana-di watyre rihure. Ijõtxu heka hãwoninihikÿ heka ri-orore. Aõutxu heka bera-ki rãire ruu ibutumy txuu tule ibutumy rehure.

26 Ibutumy reamy rarewãhã aõma wasidu bede aõmydÿÿnanamy bera-ki tule arurure inihe. Judeu mahãdu warubudÿÿmy wadi riwisÿnyre. Tule judeukõdu mahãdu tulere. Hãwãhãkÿ-ki brebunatyhymy watxiwãhã, bede rahy-ki tule, ahohokÿ-ki tule. Waliinaõ inatyhy aõkõ tai ihÿmyhÿ. Tai heka riwaitxenanyrenyre.

²⁷ Aõmysỹdỹỹ nihikỹ tai. Tỹikõhyky heka bede reijemy rarewãhã. Rama riwasare; bemy rarowãhãre. Timy heka tỹinyatykyõ ihoõhykyre sõwemy wahe.

²⁸ Tai tahe rahõtinyre ibutu dohodỹỹna mahãdu-di.

²⁹ Urihimyòle taruru-di ratxireri wana jiarỹ tule iheki waruruhohomy aõkõ relemahãre.

³⁰ Inyõ raòrarunymyhỹre wana jiarỹ rabedewowãhãre iòraru-ki. Jiarỹ rexideòsinywãhãre waaõkõre urityhywãhãre.

³¹ Deuxu Jesuisi Kristu tyby dori riwaerymyhỹre aõu aõu heka iny rakanihikỹnykre.

³² Iu Damasu hãwã-ki rarewãhãu, Iòlò Areta bede dinodu heka riwamymy riwateònyre. riwamykemy hãwãhakỹry ijò-ò.

³³ Weriri nihikỹwomy riwawòmomy riwatidire, Walina mahãdu. Tahe heto raroo-ribi riwaatyre hãwã ahana-ò. Tai tahe rahenyre iribi.

12

¹ Jiarỹ heka ararybekemy watzireri. Aõ aõkõ rarehãrele heka ararybekemy watzireri. Wiòhedỹỹna aõkõ heka rare. Wanyrỹ wadee riwahinyre aõna aõnamy heka rabire rasina wese jiarỹ sohojile wahe. Kiamy heka arelyykre wiji.

²⁻³ Tahe 14 beòramy heka Deuxu ityhydỹỹduõ ridyre biu-ò tasỹ-ò wahe. Deuxule rierymyhỹre inatyhy aõbo rare ada aõkõre aõbo.

⁴ Kahãbu Deuxu-ribi heka rybeõkemy roholare. Tahe rarybeõtyhy.

⁵ Iximy tahe ararybeõkre kia wadeysarehãre. Waaõhõkỹmy dỹỹnanadile areysakre.

⁶ Urile ararybekre timybo releremy. Taile tahe iny tuu rarybekre. Tuheka rabire sõwemy aõwiihikỹmy. Jiarỹ awiremy iny wamy raraykynyheny.

⁷ Tahe Satanasi aõbinana witzirahakỹbo wadee riwahinyre. Ixidi arõhõtinyõkre. Jiarỹ aõwiihikỹ jiarỹ raremy wahe. Araraykynyõkemy.

⁸ Inataõmy heka Inynyrỹ-ò rexitòenyre kiamy waribi ritakemy.

⁹ Tii wadee rarybere: —Waruxetòenale heka adee awire. Aõbo kai taaõkõteu heka waruru adee rewahinyre. —Tai tahe jiarỹ reysare, waaõkõreu wahe.

¹⁰ Tahe awire, waõkõna, warurukõna, ibutumy wadee awire. Kristu òraru-ki heka tuure. Tiubo ibinamy wamy riwinykreu warurukõkreu, warurudikre.

¹¹ Rarybere heka hãbu itxỹte wesele heka rarybereri. Kai-boho iòrarureny-ki heka kia wesemy rarybereri. Inatyhymy heka jiarỹ kia rybe tỹnydỹỹdu mahãdu bina ratyre watxiwãhãre. Ayreny-ki rarewãhãu heka teerytenyete.

¹² Aõna aõna wiwihikỹ, deytena wihikỹ, bedeòtiidỹña ayreny-ki rewinyre kia Kristu deòdumy watximyhỹreki wahe.

¹³ Rybe tỹnydỹ òwyõ heka aribireny retaõhyre.

¹⁴ Ihewoludu txu tahe aroramy arakemy ixidi watzireri. Inataõmy reywinyra aroramy arakemy wahe. Aribi nieruõ aritaõtyhy. Urile arawiòhenanyrenykremy adireny watzireri. Uladu riki heka tyby riyrubunyõtyhy. Tyby tahe uladu riyrubunymyhỹre.

¹⁵ Ibutumy idi watzireri heka arahukre arawiòhenanyrenykremy. Adeereny wylemy arihukre. Jiarỹ heka aluurenyre. Kaiboho aõbo tule waluurenykre?

¹⁶ Waòraru-ki heka adee isiraõkre heka. Ihãrele tahe inybina wamy rarybemyhỹre: –Tii itxenadỹdu rare.

¹⁷ Wamahãdu tule aribireny ritaõtyhy ijõ.

¹⁸ Txitu reteònyrajõ ityhydỹdu seriòreõ-wana. Tii aõbo aõ aribireny ritare? Aõkõre. Txitu wawesele heka tii rare.

¹⁹ Taõmysỹdỹña heka awiòhedỹñnarenymy rare. Aõ wadi jiarỹ awiremy nohõtirenyõmy tuheka rarybereri adeereny. Deuxu, Kristudeewinamy heka tuu adeereny rarybereri heka. Deuxu kotxi heka adeereny rarybereri awiòhedỹñrenymy.

²⁰ Raberumahãre heka arehemynykreu, iwitxiramy atx-ibenybeke lau. Tule wadi iwitxiramy betehebenyke ixiweseerenymy aõkõ. Ihãru, adebure. Aõkemy watzireri. Iny aõbina binamy wimy rarybemyhỹre. Iny ixidile rõhõtinyrerimy ihỹre mahãdu. Kia aroholakeki tahe wadee awiõre. Riyrubunymyhỹre. Riyrubunyõhyymyhỹre.

²¹ Raberuwãhãre heka arahinykre heka akotxireny iòhãru òraru-ki. Aõna aõna witxira witxira òta òtamy rõhõtinyrenymyhỹre, raraykynymyhỹre. Sõwemy heka riwinyre ta ixi-txi tõhõti reaõhyymyhỹre kia riwinyretxi.

13

¹ Tahe ikonana txu roraludu heka jiarỹ rare. Inyõ aõbina binamy wimy rarybemyhỹreki waribi ihitxihitximy heka tuu rarybemyhỹre. Iny rimymyhỹre heka tuu robimyhỹre; tuu rarybemyhỹre. Wiweselemy heka tuu rarybekre.

² Iny iòrarudimy rỹikre-wana, ibutumy heka aõhõkỹmy rotỹnykre arehemynykreu.

³ Aõmy Kristu rybemy heka rarybekre. Tai bierybenykre. Aõmy warurudỹdure heka bierybenykre Kristu wahe.

⁴ Kristu heka itxeò-ki rurure irururenyõ wahe. Jiarỹ waruruna-renykõ òraru-ki. Tahe Deuxu ratximyhỹre, iruruna-di. Tii-wana heka inyboho heka ratximyhỹrenyire iruruõmy. Tai

awanarenyle watzireri, tahe tii-wana Deuxu ruruna-wana watzireri.

⁵ Ixi-di heka betehebennyke. Bexiurihibennyke tyhyna-di atxitenyterimy. Jesuisi Kristu awo-ki ratxireri.

⁶ Kia terytenytemy, inatyhy. Tahe jiarỹboho inatyhymy aõna aõna riijerenyre. Kia aõbo teerytenyte.

⁷ Jiarỹboho rexitòenyrenywãhãrenyre. Òraruna widỹrenyõmykemy. Kaiboho aõwiwi biwinybennyke. Kia òbitimy watzimyhỹrenyreki aõkõ, kiemy òbitimy boibenykemy.

⁸ Aõbo heka inatyhyna wiõhedỹñnale rikiwinyrenyke.

⁹ Kaiboho arurudimy atxitenyteri-wana heka, jiarỹboho warurudimy watziwãhãrenyre, kia wadeereny awi rare. Rexitòenmahãrenyre kaiboho òbitimy matxibenybekemy, ywimy ahãbenykemy.

¹⁰ Tai heka adeereny ratyritinyreri kiamy. Aribireny irehemy watziwãhãre taheka arawiõhenanyrenyke. Arehemynykreu tahe timy heka aõhõkỹmydỹñnanamy arõhõtinyõtyhy, kia waaõmysỹdỹñna rare. Inynyrỹ dori iny wiõhedỹñnarenymy nade. Iny aõhõkỹmy dỹñnanamy aõkõ.

¹¹ Arakre tahe waseriõreboho. Idi biwisỹnybennyke ibutumy òbitimy biwinybennykemy. Warybe-ò heka boholabennyke. Wiwese weselemy maraykywydynanybennyke wiribihiximy aõkõ. Ywina-di matximahãbenyke. Deuxuluuna heka tule akireny ratxikre.

¹² Wii birybenymyhỹbennyke ityhydỹñdu seriõre mahãduõ tai wiluumy atximahãbenyke.

¹³ Ibutumy Deuxu ijoi mahãdu heka adee rybe riwehityhynanyreri.

¹⁴ Jesuisi Kristu Inynyrỹ ruxetòena heka akirenykemy watzireri. Deuxu luuna aki rỹikre. Deuxu Tyytybytyhy awana rỹikre.

Alatxia Paulo Tyyriti, Alatxia Mahãdu-ò

1 Jiarỹ Paulo, rybeõmy nodu rare. Inyõ riwateònyõhyyre. Jesuisi Kristule, Deuxu inytyby, Kristu ixixadỹỹdu-wana riwateònyre.

2 Jiarỹ ityhydỹỹdu seriõre-wana. Kaa watyyritireny re-wahinyreri Alatxia bedeludu mahãdu-ò, ibutumy dohodỹỹna mahãdu-ò, ityhydỹỹdu mahãdu-ò wahe.

3 Ruxetòena ywina-wana adeeremy kanakemy idi watzireri Jesuisi Kristu-ribi, Deuxu inytybyreny-ribi.

4 Jesuisi rexiwahinyre iny òrarureny-ribi iny ritarenykemy. Wiji bede aõmydỹỹnabina-ribi iny ritarenykemy. Kia dori Deuxu-ò inytybydeewimy rare.

5 Tamy àlàna aõu aõu kanawahimyhỹke.

6-7 Jiarỹ bede reòtiinyra, rybe witziraõ eleeemy tetyhynymahãteki. Rybewihikỹ witzira ihoõre. Juhuu Kristu taruxetòena-di bedebina-ribi aratarenyire. Inyõ adee rare. Idi Deuxu Rybewihikỹ riwitziranykemy. Tai tahe atyhydỹỹna ribinadỹỹnyra. Tai tahe kiamy adee rarybera.

8 Inyõ aõbo, jiarỹ aõbo, ada biuludu ýju aõbo, adee Rybewihikỹ witziraõ rarybekeki, Deuxu kyarana tamy kedesekeki idi watzireri. Rybewihikỹ-ò juhu waribi taholatenyte. Kia sohojile inatyhyre.

9 Iwese rarybere wese ixityre ararybekre. Inyõ Rybewihikỹ riwitziranykeki, aõmybo juhuu taholateny-ribi, Deuxu kyanamy resekre.

10 Deuxudeewimy taheka watzireri hãbudeewimy aõkõ. Jiarỹ hãbudeewimy aratximyhỹkeki Kristu deòdu aõkõ jiarỹ rare.

11 Aõmybo rarybemyhỹre hãbu-ribi rare. Kia Rybewihikỹ tyhy rare. Kia bierybenyke.

12 Kia tihãbuõ-ribi adoholaõhyyimahãde. Hãburybe-ki aõkõ reeryre Jesuisi Kristule dori kia riwaerynanyre.

13 Kaiboho taholatenyte, iwese jiarỹ judeu mahãduy-ki raremahãu Iu Deuxu ityhydỹỹdu mahãdu aõbinamy rewinydỹỹnanyhỹre. Idi ariixãwididỹỹnykemy rarewãhã.

14 Wamahãduy-ki sõwemy iratyre raremahã judeu mahãdu bede ywina ywidỹỹ-ki. Idi retyhynyhyymahãre wahona mahãdu ratyre, byrena erỹdỹỹna-ki.

15 Iribi tahe Deuxu riwamyre taruxetòena-ki. Ratohouãnyõlemy rareò juhu riwahitxinyre.

16 Wadee Deuxu tariòre riteòsinykremy ratximyhÿ judeukõdu mahãdu-ò tuu ararybekemy wadi ratximyhÿ. Iu inyõ dee aõmy rarybeõhyyre Jerusalẽ hãwã-ò raõhyyre.

17 Ròtyhydÿÿõmy raremahãu. Deuxu deòdÿÿna mahãdule rÿiramyhÿ. Ihãrele tahe tamy rybemy raõra. Iribi tahe rahõnyra Arabia-ò. Idi tahe ixityrele adòòsede Damasu-ò.

18 Inataõ beòramy heka kowa-ki reijere. Idi tahe rare Jerusalẽ-ò Pedro roramy. Tahe bede reijere waiyre txumy tai.

19 Ijõmy heka rabiõhyyre deòdÿÿna mahãduõmy. Txiaulemy heka rabire, Kristu seriòremy.

20 Ka heka watyyriti inatyhy rare. Deuxuko-txi inatyhy rare.

21 Idi Siria bedeõ-ò rare, tule Silisia bede-ò.

22 Judeia bede-ki Kristu dohodÿÿdu mahãdu wamy lobixidu aõkõ rÿira.

23 Uritÿÿna roholamyhÿre: –Kia juhu inyhudurenymy inydireny raremyhÿ, wiji tahe tyhyna-di dobedeerydÿÿnanymyhÿde. Juhu tahe tii tyhyna rahukemy riwisÿnyre.

24 Kia ibutu òraru-ki tahe Deuxu-ò dealàmehÿde wamy, Paulo wahe.

2

1 Waòinaubiòwa reurò beòra-di rexihureu, ixiby Jerusalẽ-ò ròòsere. Banabe, Txitu-wana redyre.

2 Rawãhãre heka rasi wese-ki aõmybo rabireki. Retÿnynyre iny-ò iwese inywitzira-ò rarybemyhÿremy. Dohodÿÿdu mahãdu ratyre retare tamy rihitxinyre rarybekemy. Tuu arierykemy watxireri ywimy watxiwãhãremy.

3 Txitu wawana ihÿre, tii judeukõdu mahãduõ hãrele tahe itõtyky resymy rarybeõhyrenyre. Tiiboho waki ibinamy ra-haõhyrenyre.

4 Idile rõhõtinyhÿre ityhydÿÿdukõdu mahãdu. Tiiboho nalòdenyde waixãwididÿÿnareny-ò retehekremy, iny Kristu-ki ijõdiwãhãre-ò. Tiiboho xiwesemy iny-di risÿnykemy ratxirenyreri. Tiiboho ityhydÿÿdu wesemy rexisÿnymyhÿre.

5 Tamy jiarÿboho raholarenyõhyymahãre inatyhymy Rybewihikÿ aribireny ritaõhyykemy.

6-9 Dohodÿÿdu mahãdu ratyre mahãdu heka Joaõ, Txiau, Pedro-wana rare. Tiiboho ibutu erysyna ratyre rÿiraki, kia aõ aõkõ wadee rare. Tiiboho aõ tÿmyra riwabedeerynyõre. Deuxu-ò tahe ibutumy iny wiwesehyy rare. Deuxu riwateònyrenyre judeukõdu mahãdu-ò Rybewihikÿ wahisidÿÿmy. Kia Joaõboho wiwesehyylemy widi rõhõtinyre riwawehitynanyra jiarÿ Banabe-wana. Tai tahe iwese Pedro judeukõdu mahãdu-ò rare. Tiiboho tahe ritÿÿnynymyhÿke judeu mahãduòle wahe.

10 Urile riwatyhenyra iny aõkõdu mahãdu ari-wiòhenanymahãkemy. Kia juhuu ariwinykemy watziwãhãre.

11-12 Atxiòkia-ò Pedro rehemyhÿreu jiarÿ tuu rarybere timybo ibinamy riwinymy ihÿremy rexiitxenanymyhÿreki. Hãbuò Txiau-ribi rehemynyõrau, tii judeõkõdu mahãdu-wana riroxire. Irahudi tahe dehemynydenydeu, riroxiõhyylemy rexitare. Judeu mahãdu rybe lau ruberure.

13 Ijõ judeu iwesele rotÿÿnyre. Ihewoludu Banabe tulere.

14 Tuu rabireu, òbitimy aõkõ Rybewihikÿ inatyhy wesemy aõkõ rotÿÿnymy raremyhÿ tahe rarybere ibuturu-ò, Pedro-ò. Kai judeu mabekeki, tahe judeõkõdu mahãdu wesemy tanabededÿÿnanamy ahãte. Uritere judeukõ mahãdu judeu mahãdu wesemy isÿdÿÿõmy.

15 Jiarÿboho tahe judeu mahãdumy reamahãrenyre. Judeukõ mahãdumy aõkõ watziwãhãrenyre.

16 Iny bede ywidÿÿna aõkõ iny ritamy roire. Kia Kristu iny rityhynymyhÿrele iny ritamy roire. Bede ywina ywityhydÿÿna iny ritaõtyhy.

17 Iny Kristu-ki tarasana ritamy ratxikeki, tahe òrarudu tyhymy ronykeki, Kristu aõbo òraruna widÿÿna rare? Aõkõre.

18 Jiarÿ bede ywiny ywidÿÿna-ò aròòsekeki, òrarudumy ararekre. Kia jiarÿ idi ariatymy rÿimyhÿre ixityre ariwinykeki òrarudumy arareke.

19 Jiarÿ bede ywina rarumy rãire wese, Kristu-ò warumy ararekremy. Kristu-wana jiarÿ raitxeòkirubudÿÿnanymahãre.

20 Jiarÿ ixidee warumy aõkõ wahãre. Kristu tahe wawo-ki riwarudÿÿnanymy ihÿre. Warumy watzireriwana Deuxu iriòretyhydÿÿna òrarukile warumy wãhãre. Tii waluumy ratximyhÿre. Tahe wadee rexiwahinyra.

21 Deuxu ruxetòedÿÿna aribynykemy aõkõ watzireri. Bede ywina tyhydÿÿna òraru-ki ywityhydÿÿna tahe inyõ ritakemy ratxireri. Kia-di inatyhymy inyõ rexitakeki tahe, Kristu uriòle rurure.

3

1 Alatxia mahãdu timybo tahõtinyteri kaiboho õhõtibede-di rierykõrenyre. Kia-di òsana tahõtinyre. Moòwòru ijeranamy ahãtenyte. Jesuisi Kristu itxeò-ki rururedi taholatenythyta. Õhõtì-ribi aõbo kia rosare.

2 Kiale arierykemy watzireri timybo tahõtinytenyteri: Deuxu Tytybytyhy temytenyta bede ywina widÿÿnamy aõbo ada inatyhyna tyhydÿÿnamy aõbo.

3 Juhu urile tetyhynytenyte idi ixiumykile tadexityhynymy ahãtenyte, bede ywina ywisidÿÿna wahe.

4 Kaiboho òbitimy tahõtinyõtenyte. Kia aõbo aõhõkÿmy tatÿÿnytenyte uriòhyòle?

⁵⁻⁶ Aõkõre, uriòkele aõkõre òsana tahõtinyteri. Deuxu Tatytybytyhy adeerenny diwahinyde. Kia aõbo riwinyre bede ywina ywisidỹỹ kaiboho tamahãtenyteki? Aõkõre, tetyhynymahãteki kia riwinyre. Deuxu aõna aõna wiwihikỹ akoreny-ki riwinyre. Kia sohojile iny ritake. Abraõ Deuxu rityhynyre. Tai tahe tamy òbitimy rare Deuxu-ò, iòraru iribi riixãwididỹỹnyraki.

⁷ Tai ibutumy rityhynymyhỹre mahãdu Abraõ riòremy rỹira.

⁸ Tyyriti-ki roimyhỹre kia: —Deuxu heka judeu mahãdu sohojile aõkõ riòbitinykre. Ibutumy iny riòbitinykre ityhydỹỹ erysydỹỹna òraru-ki. Rybewihikỹ erysyna Abraõ-ò juhUU dehemynyde. Kia wese Tyyriti doide: —Aòraru-ki ibutumy iny-ò deysana kanakre.

⁹ Tahe ityhydỹỹdu mahãdu Abraõ wesemy teysare. Abraõ dori ityhydỹỹdu rare.

¹⁰ Inyõ bede ywina rityhynyõkeki, Deuxu txuhòbina kedeake. Jesuisi-ò tyhynale iny kiditakre. Kia Tyyritidỹỹna dori roire: —Inyõ ibutumy bede ywina riwinyõkeki, tamy Deuxu txuhòbina kedealeke.

¹¹ Òbiti mahãdu rityhynymy ronykre. Kia riki Ritidỹỹna roire. Tahe bede ywina heka inyboho aõkõ riòbitidỹỹnyre.

¹² Bede ywina heka iwitxi rare ityhyna-ribi. Tahe inyõ bede ywina rityhynymy ratxikeki, tii ibutumy rityhynymy rarehyyke.

¹³ Inyboho Deuxu bede ywina rikiywinyrenyõkeki, Deuxu txuhòbina inydeerenny kedeakre. Kristu tahe kia-ribi iny ritare. Tule inyòwòruna òraru-ki rexilamadỹỹnyre inydee iòwydỹỹna-ki. Beteheke Tyyritidỹỹna roire: —Inyõ òwòru itxeò-ki ritamadỹỹnykeki, tamy txuhòbina kedealekre.

¹⁴ Deuxu narybede heka Tatytybytyhy iny-ò riwahinykemy. Wiji tahe inyõ rityhynykeki, Deuxu Tyytybytyhy ritakre. Tai Abraõ deysana inydeerenny rehemynyre Jesuisi Kristu òraru-ki.

¹⁵ Waseriòreboho, jiarỹ hãbu wesemy ararybekre. Iny inatxi jurasadỹỹna ritina riwinykeki, inireny ritidikeki, inyõ riwixiranyòtyhy. Tai ijõ wixira riritinyòtyhy.

¹⁶ Boholabenyke, Deuxu juhUU Abraõ dee narybede: —Abraõ riòre hewoluduõ Kristumy. Abraõ riòre sòwe dee rarybeòre. Sohojideele rarybere. Tahe tariòre-ò Kristumy rarybere.

¹⁷ Tuheka rarybereri: —Deuxu juradỹỹna wese juhUU rarybere, 430 beòra bede rỹire idi tahe bede ywina nade. Kia Deuxu juradỹỹna riixãwidinyòtyhy.

¹⁸ Tarasany bede ywinawidỹỹna òraru-ki kidiwahinykeki, wahisidỹỹna aõkõ heka rare. Tai Deuxu heka Abraõ-ò

jurasadỹna riwahinyre. Iòwydimy aõkõ juhuu dori rarybere tii kidiwahinykemy.

¹⁹ Aõherekibo heka nade? Kia nade òraruna òraru-ki Kristu nadeule kỹny juhu ludu wese aõkõ roire. Kristu heka Deuxu deòdỹna rare. Iwese Deuxu rarybere wese riwahinyre. Tii Abraõ riòre riòre-ribihyy reare. Ýjummy bede ywina nade. Iny itya ludu debò-ki rehemynyra. Moisesi iwahidỹdure.

²⁰ Boholake, Moisesi sohojile aõkõ itya ludu ratxireri bede ywina riwahinyreu. Deuxu tahe sohojile rare irybe riwahinyreu.

²¹ Bede ywina aõbo Deuxu jurasadỹna riixãwidinyke? Aõkõre. Bede ywina umy ituedeõna riwahinykeki, òbitidỹna inatyhymy bede ywina nade. Tahe aõkõre.

²² Deuxu Tyyriti rarybere: ibutumy iny òraruna-di ratxireri. Kristu iny rityhynykeki, Deuxu jurasadỹna tamy riwahinyke.

²³ Ityhydỹna rehemynymynykoki bede ywina iny rityhynymyhỹre ròtenawo-ki inyboho roire wese. Kia-ò iny ri-raòhymy rỹimyhỹre inatyhydỹna kedehemynykemy.

²⁴ Uladu bedeerydỹdu wese bede ywina rare inydeereny. Kristu rehemynykõu, inyboho bede ywina rityhynyreny. Tai Kristu-ò inyboho òbitimy ronykremy ityhydỹna òraru-ki.

²⁵ Ityhydỹna-ò iny rehemynyreu, uladu bede erydỹdu-ribi ixãwimyhỹre.

²⁶ Kristu-ki ibutumy Deuxu riòre atximahãtenyete ityhydỹna-ki.

²⁷ Ibutu dori Kristu-ò taratisebenyete, Kristu wesemy tatỹnyete.

²⁸ Kristu tỹnydỹna-ki wiribi hitximy aõkõ boibe, judeukõdu mahãdu, iny-wana, deòdu deòdu aõkõ-wana, ijoi hãwyy-wana ibutumy wiwese wesele Kristu-ki rỹike.

²⁹ Kristu-ki mabekeki, Abraõ riòre riòrelemy mabekre. Jurasadỹna rareasadỹdumy atximahãtenyete.

4

¹ Ijyyõ arelyykre –rareasadỹduõ deòdu wesemy raremyhỹ tii uladumy rareu, ibutu wedu rare hãre wahe.

² Urile tyby rarybere raumynykõule, tii tatibiedỹdu rybe rityhynymyhỹre.

³ Kia wese iny rare. Uladu wesemy bede aõmydỹnana rityhynymyhỹre juhuu.

⁴⁻⁵ Iribi tahe bededỹnana he rehemynyra. Deuxu tahe Tariòre diteõnyde ijadõma ririòredỹnykremy. Bede ywina tyhynakremy reare. Tii nade bede ywina tyhydỹdu mahãdu

tarasamy kia tyhyna-ribi ritakemy tariòre wesemy ritibi-enykemy.

⁶ Deuxu Riòre wesemy iny ihÿreki iny-ki ratximyhÿreki, Tatytybytyhy inywo-ò risÿnyre. Tai inywo-ribi rarybemyhÿre: –Waha, Waha.

⁷ Wiji tahe deòdu wese aòkò atxiteri, Deuxu riòretyhy wese atxiteri. Tule Deuxu rareasadÿÿduòle tate.

⁸ Juhuu Deuxu teeryòtenyte. Kaiboho deuxu wixira wese tetyhynytenyte –deuxu inatyhy aòkò tetyhynytenyte.

⁹ Ka tahe Deuxu teerymy ahâtenyte tetyhynymahâte. Deuxu anaerynymyhÿdenyde. Ixyby bede aòmydÿÿnana-ò òsedÿÿòmy, arawiòhenyòreki. Deòdumy aòkò ixyby rÿimy boibeke.

¹⁰ Txu yrubudÿÿòmy, ahâdu yrubudÿÿòmy, beòra yrubudÿÿòmy.

¹¹ Inatyhymy ada aòkòre aòbo waaòmysÿdÿÿna adeeremy reònonyra?

¹² Wawesehymy boibeke. Jiarÿ dori tatemahã wese raremahã, waseriòreboho. Kaiboho wadee aòbina tewinyòmahâtenyte.

¹³ Kia teeryte. Jiarÿ juhuu adeeremy Deuxu rybemy rarybereu, jiarÿ iu wabinawãhãu.

¹⁴ Wabinana heka isirare adeeremy, ihãre tahe waderaòre tahe wadi arukirenyra, iwese ÿju Deuxu-ribi jiarÿ anade wese kaiboho tiwamytenyte, iwese taheka Jesuisi Kristule jiarÿ rare wese wadi tewisÿnytenyte.

¹⁵ Titxibo rare eysanareny juhuu adi toite wahe. Kaiboho arueremy wii tesÿnymy toitemyhÿ kaiboho wakyyrenyreki.

¹⁶ Jiarÿ aòbohe aòludumy relera, inatyhy rybe adeeremy rarybereki? Aòkòhyre.

¹⁷ Hãbuò arãitxenanymyhÿrenyre. Aluu wese heka ratxirerimy ihÿre. Aòlònamy dori rarunyreri. Tiiboho wabiòwana-ribi atarasamy adi ihÿrenyre.

¹⁸ Aòwihikÿ erysmy marurunyke. Tii tahe awire, awanale watzireriki aòkò.

¹⁹ Wariòre wese, adeeremy aòhòkÿmy ratÿÿnyre, hãwyy reamyhÿre mytxitxi wese jiarÿ rare adeeremy Kristu awo-ki rexilamadÿÿnyhykemy.

²⁰ Awanareny ararekemy watzireri. Tai tahe warybe wixira-di kia anarybekemy watzireri. Aòhebo adeeremy heka arasÿnyre arawiòhenanykemy watxiwãhãre. Timybo reerykòre dori.

²¹ Inyò bede ywina tyhydÿÿdumy ratxikeki, wadee manarybeke kiamy: aòmybo bede ywina raryberamy teeryteri?

22 Kia Tyyritidỹna-ki roire Abraõ riõre inatxire. Juhuu ludu teòdu-ribi, Haari-ribi, reare tabireludu-ribi. Ijõ, Sara-ribi, ihãwyytyhy-ribi reara, deòdu-ribi aõkõ.

23 Deòdu riõre ibutu dee wese nade. Abraõ hãwyy riõre aõkõre Deuxu rybewahisidỹna xiery reare.

24 Kia ijyy-di rawesenanyreri. Inatxi hãwyy inatxi jurasadỹna wese heka rare.

25 Ijõ Haari inire, deòduni. Iriõre deòdumy rarekemy reare. Sinai Hãwãlò wese tii rare. Kowa tyre-ki bede ywina inydee riwahinyre. Jerusalẽ wesemy roimyhỹre kia mahãdu deòdumy dori rỹira, tariõre-wana.

26 Jerusalẽ tyhydỹna mahãdu, biu ludu tahe deòdu wese aõkõ rare, ixinamy inyboho roire. Abraõ hãwyytyhy riõre wese inyboho roire.

27 Tyyritidỹnaõ dori roire: –Hãwyy ariõreõ beysakre. Bira-juakre ariõrekõhãrele beysamy ariõredikire heka. Hãwyy risina riõre sõwetyhyre, hãwyy ihãbu-di ratyre.

28 Waseriõreboho, kaiboho rybe ywisidỹna riõre wesemy ahãtenyte, Ijai wesemy.

29 Iwese ibutu ludu wesemy reareõ aõbina riwidỹnanymyhỹre. Deuxu Tyytybytyhymy reareò. Wiji, tahe kia weselemyhỹre.

30 Tyyritidỹ rarybera: –Biteõnyke deòdu tariõre-wana. Rareasadỹdu ibutumy rimykre. Hãwyy deòdu aõ aõkõ rimykre tariõre-wana.

31 Waseriõreboho, deòdu riõre wese aõkõ inyboho roire. Hãwyytyhy riõre tahe iny roire.

5

1 Kristu inyboho ritare ixinamy inyweduoõduõlemy roirekemy. Kawese rokoirekemy. Deòdu wese ixyby rukunynyrenyõkre.

2 Jiarỹ, Paulo, adeeremy rarybereri: inyõ notykyresyna-ò ròõsekeki, Kristu riwiõhenanyõhyymyhỹre.

3 Ixityre ararybeke. Inyõ rinotykyresynanykeki, bede ywina ibutumy tii riyrubunyhyyke.

4 Inyõ bede ywina rexiõbitinymy ratxikeki, Kristu-ribi rexi-hitxidỹnymyhỹre, ruxetõena tyhyna-ribi rexitare.

5 Deuxu riwaõbitinyrenyryre Tatytybytyhy òraru-ki kia retyhynyrenyryre. Kia reraõrenyryre.

6 Jesuisi Kristu-ò notyky resyna aõ aõkõ rare. Notyky resynakõ tule aõ aõkõ rare. Inatyhynamy luunamy aõ rare.

7 Juhuu awimy tuu tatyynmahãte, inatyhyna-ki ijera wi-hikỹmy teamyhỹte, moõ inatyhyna-ribi anaixãwididỹnyde.

8 Deuxu aõkõ atarasadu juhuru ixãwididỹnyde.

9 Inyõ paõ riwinykeu, ibutenode ritxiwikeki ibutumy ratarinyke. Inyõ ibinamy urihimyò arabedeerynykeki sõwemy ribinadỹnyke.

10 Jiarỹ Wanyrỹ retyhynyre, kaiboho wawesemy mohõtinybenykemy adireny watzireri.

11 Waseriõreboho jiarỹ waòludu dire. Kia tahe riteòsinyre notyky resynamy rarybeõre ijõ wamy raryberehãre. Kia ararybekeki sõwemy wahemy kanakre. Itxeò tỹnydỹỹna rybe rityhynykremy.

12 Kowa mahãdu òte rexihukemy idi watzireri. Adeereny aõbina diwinymyhỹdenyde.

13 Kaiboho Deuxu arateònyrenyryre, urile òraruõmy boibeke kaiboho bedede ywina-ribi ixinamy boibeke. Wii biwiòhenanymyhỹbenyke, wiluurenykemy.

14 Bede ywina ibutumy rexibutunyrybe-ki kia tahe rare: —Inyluuke ixiluure wese.

15 Wiwana bõrenybenykeki, kaiboho widi buruakeki, bexihãrubeny ibutumy wii mahubenyheny.

16 Tai jiarỹ rarybere, Deuxu Tyytybytyhy deewimy boibekemy deòbiredỹỹna iwidỹỹõmy boibeke.

17 Deòbiredỹỹna dori Deuxu Tyytybytyhy òluduna-ki ramyhỹre. Wimỹ òludurenyryre. Tai aõbo adeereny awire iwidỹỹ adeereny isirare.

18 Tahe, Deuxu Tyytybytyhy arateòsinyrenykeki, bedede ywina ywidỹỹna aõkõ bityhynyke.

19 Deòbiredỹỹna aõna aõnamy dỹỹnana-ki kia roire: aderanadino, aõbinade, raykyõmy, òta òta,

20 suritxoomy àlàdỹỹna, òwòruna wii, òlududỹỹna, aõbinaluu, ihãru, kyara, wobiredỹỹna, wiribihitxina,

21 ibutu aõmydỹỹna ixixiburedỹỹ, axaxaluu, rỹsỹnaluu byrehekỹ, tule ijõ aõna aõnà sõwemy kawesere. Inyõ kia aõna aõnawidỹỹ rierykeki, Deuxu òlona rareasadỹỹdu aõkõ roikre. Tuu rarybere juhuule.

22 Ka heka Deuxu Tyytybytyhy aõmydỹỹnanamy rybena roire: iwahidỹỹna kia rỹire, tii dori inywomy rỹira. Wiluuna, deysana, ywina, ruxetõena, wina, òbitidỹỹnana,

23 ibutu-ò awina, ixidee inytyhyna, ixiryrydỹỹna, tai bedede ywina ihoõhyre kia-ò.

24 Kristu hõrõ mahãdu kia itxeò-ki ritidirenyre: deòbiredỹỹna, aõmydỹỹnana bina-ribi, deòsana aõmydỹỹnana-ribi

25 Inyboho Deuxu Tyytybytyhy-di rokoirekeki Deuxu Tyytybytyhyry-ki rakariarenykre

²⁶ Ixi deàlànaranaròsò luukemy aõkõ rakatximyhỹrenyke. Tai tahe ixixiburedỹyna-di aõkõ, rakatxirenyke. Wiòbiredỹyna-di rakatxirenyõke.

6

¹ Waseriòreboho. Inyõ òraruna-txi resekeki, kaiboho ywina-di biòbitinybenyke. Bexihãrumahãbenyke kia òraruna-txi ixèõmy boibekõkemy. Kaiboho dori, Deuxu mahãdu toite wahe.

² Wiitxykywydywesemy wii biwiòhenanybenyke ibutu aõmydỹynana-ki. Iwesekeki, Kristu bede ywina tetyhynmahãtenyke.

³ Inyõ ixidee aõlemy rõhõtinykeki, tahe tii aõhyy aõkõ rare, tii rexiitxenanymyhỹre.

⁴ Ixinamy iny sohoji sohoji taaõmydỹyna-ò retehemyhỹke, aõhebo rotỹynymyhỹremy wahe. Idi tahe ixi aõmydỹynale-di kedexityhynymyhỹkre, tabireludu aõmydỹyna-di aõkõ.

⁵ Iny sohoji sohoji dori taitxyky riwymyhỹke.

⁶ Inyõ Deuxurybe erydỹyna ijõdikewana tabedeerydỹyna mahãdu-ò ibutumy erysyna wiwihikỹle-di rirareamahãke. Tule bedeery mahãdu heka tohodỹyna mahãdu-ò aõna aõna wihikỹ riwahinymyhỹre.

⁷ Ixiitxenadỹỹõmy. Inyõ heka Deuxu itxenadỹỹõmy alòbòrõna-ò iny ribòrõnykeki, tiile tahe raumynyhyymyhỹre.

⁸ Inyõ òraruna ribòrõnykeki, rubule taumy-ki ritake. Inyõ Deuxu Tyytybytyhy deewimy tuu rotỹnykeki umytedeõna ritake.

⁹ Aõwihikỹ widỹỹhyemy boibeke. Kia-ki elemy ruburenyõmy. Aõwihikỹ widỹỹhy boibekeki, adeeremy aõwihikỹ wahidỹyna wese kanake.

¹⁰ Ibutumy inydeeremy aõwihikỹ widỹỹ-ki inyboho abededỹynanawikeki ibutumy iny rikiwiòhenanyrenymy, rỹkỹirenyke, ityhydỹỹdu mahãduõ bexiywinyhy ahãbenykemy iwiòhedỹỹ-ò.

¹¹ Tuhe, jiarỹle ariritinykre, Paulo wahe. Betehebeny inihe ritidỹyna nihikỹ reritinyra wadebò-di.

¹² Inyõ ayreny-ki wohyna ixidee rinykemy ratxireri, kia adeeremy õtyky resynamy adi ratxirerihyymyhỹre. Kristu itxeõmy tiiboho ritỹnynyrenykeu aõhõkỹmy rotỹnyõmykemy rõhõtinymyhỹre.

¹³ Notyky resyna mahãdu bede ywina rityhynyõre. Tiile rexityhynymyhỹre. Kaiboho irybe-ò boholakemy atxiteri.

¹⁴ Jiarỹ arexiwowydynanyõhyymahãkre, Wanyrỹ Jesuisi Kristu itxeò-di areysakre, biu-ò hena òraru-ki wahe. Bede aõmydỹynana waki rỹimyhỹre, itxeò-ki retamadỹynya waribi ixãwira.

¹⁵ Notyky resynadỹỹ aõ aõkõ rare. Notyky resynadỹỹkõ tule aõ aõkõ rare. Urile biu-ò hena-di boibekele tahe aõ rare.

¹⁶ Kia bedè ywina bityhynybenymy boibekeki, Deuxu-ribi ywina, ruxetòena, adeereny kanakemy idi watzireri. Tule Deuxu mahãdu ibutu-ò, judeu mahãdu wese dori ratxireri.

¹⁷ Karibi tako-ò tahe inyõ waixiradỹỹõmy ararekre. Bey-dỹỹna dori waumy-ki roimyhỹre, Jesuisi rybe rybemy rybedu òraru-ki.

¹⁸ Waseriòreboho, Jesuisi Kristu ruxetòena akireny rỹikemy watzireri. Kie.

Efesu Paulo Tyryiti, Efesu Hãwã-ò

¹ Paulo, Jesuisi Kristu deòdỹna jiarỹ rare. Deuxudeewimy tahe kia rare. Efesu hãwã ityhydỹdu mahãdu —ò kalemy warybe rewahinyreri. Kaiboho ywimynodu mahãdumy toimahãte.

² Ruxetòena adeeremy kidiatykemy Deuxu-ribi idi watzireri tule Jesuisi Kristu Inynyrỹ-ribi.

³ Deuxu, Inynyrỹ tybyreny, inyboho tuu reàlàmyhỹrenyre. Tii dori inydeeremy wihikỹ inywo ywinamy diwahinyde Jesuisi òraru-ki biukihikỹle wahe.

⁴ Deuxu inyyreny-ribi rihitxinymy ritare. Inyboho heka tuu roire. Ihetxiu heka inyho aõkõu tii rihitxinymy ritakremy rỹimyhỹre, inyboho wahe. Kristu-ki iny rihitxinymy rỹire. Iny òbitimy rỹirakemy rihitxinyre, ywimy nodumy wahe. Kiamy heka rokoirekre Kristuko-txi luuna-di.

⁵ Ihetxiu tamywimy Deuxu rihitxinymy ritare, inyboho wahe. Iriòreny wesemy rokoirekemy.

⁶ Kiamy heka Deuxu riwinyre àlàna, wohyna-wana tamy rikiwahinyrenyemy tii dori inyluurekí wahe. Kristu hãlubu òrarukile biu-ò henareny iny nade. Iny òrarureny riòwinyre taruxetòena wihikỹ òraru-ki.

⁷⁻¹⁰ Ruxetòena sòwemy inydeeremy diwahinyde tii dori ibutumy aõna aõna erydu rare. Deuxu dee wina rybe wòte wese rare. Tahe inydeeremy kiditynynykemy idi ratzireri. Tamywimy tahe inydeeremy riteòsinyre. Iwese tii rõhõtinyre wese. Bededỹnana rexihukreu. Kristu-ki ibutumy aõna aõna biu-ki bede-ki rỹikremy ihỹre. Kiamy tahe Deuxu rõhõtinyre.

¹¹⁻¹² Kristu òraru-ki Deuxu juhoo iny mahãduy-ribi inyboho rihitxinynyre. Tii diwahinyde inydeeremy uriònojura jurana. Tii dori ixideewilemy ibutumy aõhebo rotỹnynymyhỹre Deuxu kia hitxidỹna mahãdu ixidile wowydyna mahãduõ rỹirakemy rỹimyhỹre. Inyboho juhoo rityhynynyre Kristu-ò.

¹³ Kaiboho kiaõ toimahãte. Juhoo rybe inatyhy-ò taho-latenyteu, tetyhynymyhỹtenyte tarasa Rybewihikỹ-ò wahe. Tai tahe Deuxu Tyytybytyhy-di ratidỹna wesemy iny dee ritidimyhỹre. Deuxu Tyytybytyhy dori tii kidiwahinykemy rarybere, ihetxiu wahe.

¹⁴ Uriòno jura jurana Deuxu Tyytybytyhy rare inydeeremy. Deuxu tahõrõ mahãdu ritakreu, tuu reàlàrenykre tuu, inyboho dori kia mahãduõ roire.

¹⁵ Tahe jiarỹ, Paulo, tule umy raholamahãre Jesuisi Kristu atyhydỹna-ò, tule aluuna ityhydỹdu-ò. Tai tahe Deuxu-ò

àlàna-di araixitòedÿÿnyrenymahãre. Wanohõti aribireny rosaõhyymyhÿre.

¹⁶⁻¹⁷ Deuxu tahe Jesuisi Kristu biu loosõna tyby rare. Tii araykyreny-ò bedeeryna kidiwahinykemy watzireri, awolyrana kidiwahinykemy watzireri.

¹⁸ Tai tahe araykyrawoni ritÿnynykemy watzireri. Tai kai-boho bierybenykre Deuxu iryna. Tule ityhyna biu loosõna-di bierybenykemy watzireri.

¹⁹ Deuxu taruruna sõwemy diwahinymyhÿde ityhydÿÿdu mahãdu-ò. Iruruna tahe aõni rare inydeereny uriõno jura jurana. Kia tule bierybenykemy watzireri.

²⁰⁻²¹ Kia irurumy inyboho tuu robirenyre, Kristu rubu-ribi rexiixixanyreu, taruruna weribi ronykemy disÿnydeu, biuk-ihikÿle wahe. Kristu tahe ibutu ruruna witzira witzira ratyre rare, ibutu wedu ratyre, ibutu dinodu ratyre, ibutu deòdÿÿdu ratyre. Ibutuni ratyre tii rare. Wijinani ratyre, tule kanakremy ihÿreni ratyre rare.

²² Deuxu tahe ibutu aõna aõna witzira witzira Kristuwarawo-ò ritidire tai tii ibutuwedukremy. Tii ibuturati wesemy rare. Kia tii ihÿre dohodÿÿdu mahãdu-ò, iwedu wahe.

²³ Dohodÿÿdu mahãdu tahe Kristumy wese rare. Kristu dori ibutu aõna aõna ritÿxinymyhÿre.

2

¹ Juhuu kaiboho rubumy tãimahãte òraruna òraru-ki.

² Juhuu kaiboho bedeaõmydÿÿnana bede-ki toitemahã juhUU Satanasi deòdÿÿna tetyhynomy toitemahã. Tii bedeyhy ruruna dinodu rare. Ityhydÿÿdukõdu mahãdu wiji dori rityhynomy rÿira, itxiõdÿÿdu mahãdu wahe.

³ Ityhydÿÿdukõdu mahãduy-ki juhUU tule inyboho roiremahã –ibutumy ixideerenywimy inyboho riwinyreny; inyraykyreny wydyna-deewimy tule inyboho riwinyreny. Ehehewidÿÿdu inyboho roiremyhÿ, tuu ratybienny rarehy dori tuu rare. Iwese ijõ roiremyhÿ wese.

⁴ Deuxu tahe sõwetyhymy ruxetõena diwahinymyhÿde, iny-luurenyreki.

⁵⁻⁶ Deuxu inyboho rurudÿÿnyre Kristu-wana rubu-ribi ri-ixixanyreny. Kristusÿ-ki biu-ki tii inyboho risÿnyre tai rokonyrenykemy. Iruxetõena òrarukile abiu-ò henareny dire.

⁷ Iruxetõena kiditeòsinykre bededÿÿnana robehemy roireki wahe. Iwese sõwehyymy iruxetõena diwahinyde wesemy.

⁸ Tarasana Deuxu ruxetõenaribile nade aityhydÿÿnareny òraru-ki tuu rare. Iny-ribi aõkõ nade. Deuxu wahidÿÿna rare.

⁹ Iny-ribi rarybekre inyõ ixityhydÿÿmy tahe aõkõre Deuxu ruxetõenakile tuu rare.

¹⁰ Tii tahe ibutumy iny riwinyrenyire. Òbiti aõmydÿÿnana widÿÿdukemy iny riwinyre Jesuisi Kristu òraru-ki. Deuxule juhuu ròhõtinyre òbiti widÿÿdumy aõbo rokoirekemy.

¹¹ Tahe kaiboho uritere nohòti losaõmy kaiboho judeukõdu mahãdu toite juhuu mahã. Kiamy judeu mahãdu arãninimyhÿrenyire, notykyresykõdu mahãdu wahe. Tii dori notyky resydu mahãdu roire, iyresynadireki wahe.

¹² Juhuu tahe aruta wesele toite Kristu-ki aõkõ. Judeu mahãdu-ribi rihitxiny my nyimyhÿde. Deuxu rybe ywisidÿÿna ludu aõkõ toite. Araròsòna renyõhyyre. Adeuxurenyõhyyre bedede bedemy.

¹³ Juhu irehemy Deuxu-ribi toite mahã. Tahe wiji Jesuisi Kristu hãlubu òraru-ki araòhòdÿÿnymy toite.

¹⁴ Jesuisi Kristu tahe iny ywidÿÿna rare. Kyarana tahe òtity wese itya-ki rÿimyhÿre judeu mahãdu aribi kia rihitxinyre. Tahe kia òtity ritxiwire tahe sohoji mahãdulemy riwinyre.

¹⁵ Tahe Kristu rurureu tahe ixãwire kia bedede ywina. Tahe inatxi wimy òludu mahãdu sohoji iny tÿmyrahyyemy riwinyre. Tahe ywina ròhònyre wiwana ributunyra tahe Deuxu taluuna tamy riwahinyra.

¹⁶ Jesuisi taitxeò-ki rurureki, ywina rieryrenyire. Tahe kyarana-ribi riixãwididÿÿnyre.

¹⁷ Jesuisi tahe ywinamy rarybere iòhò ludu kaiboho wahe tule irehe ludu, judeukõdu mahãdu wahe.

¹⁸ Tahe kaiboho jiarÿboho-wana sohoji Deuxu Tyytybytyhy òrarukile Deuxu-ò rekexitøenyrenyke.

¹⁹ Kawese tahe kaiboho ityhydÿÿdu mahãdu-ò talote. Iny-ribi lahixi aõkõ toite, Deuxusÿ mahãduõle heka toite.

²⁰ Deuxu rybedu, tadeòdu-wana hetoõ wesemy kaiboho boibekre. Jesuisi Kristule iko ludu mana wese rare.

²¹ Jesuisi Kristu òraru-ki wiwesehyyle heto awimy rÿire. Tai Inynyrÿ hetotyhy relemy rexihumyhÿre.

²² Kaiboho tule matybienybenykre Deuxu Tyytybytyhy hetoõ wese wahe.

3

¹ Tai jiarÿ, Paulo, rotenaki nodu wesemy rare Jesuisi Kristu òraru-ki. Judeukõdu mahãdu dee kiamy heka watxiwãhãre, adeereny wahe.

² Deuxu ruxetøena wadee riwahinyre. Kaiboho aõbo tuu taholatenyõmahãte.

³ Deuxu dori tawòtena diteòsinyde wadee.

⁴⁻⁵ Jiarÿ kiamy juhuu reritinyriòrere katyryritikile wahe. Idi mariabenykeu bierybenykeny idi watxireri, timybo Kristu wòtena rybe reeryremy wahe. Kristu wòtena tahe ihetxiu

ibutu inyõ riteòsinyõhyre. Wiji tahe riteòsinymy ihÿre Deuxu Tyytybytyhyle tahe deòdu-ò, rybedu-ò ritÿnynymy ihÿre.

6-7 Kiamy heka rare: kaiboho, judeukõdu mahãdu, wii ributunyre inyboho-wana judeu mahãdu wahe. Uriõnowi jurawi juramy idi rokoirekre, sohoji mahãdulemy wahe. Kristu Rybewihikÿ òraru-ki ityhydÿÿdu mahãdu-ò rirònyrenyre. Kia rybe-di rybedumy diwateònyde, ruxetòena wahidÿÿnaõ wadee nade Deuxu ruruna sõwe-ribi. Ityhydÿÿdu mahãduy-ribi jiarÿ aõ aõkõmy watxiwãhãre retyhynytyhymy aõkõ watxiwãhãre.

8 Ihãrele Rybewihikÿ rybedumy ararekre Kristu aõmydÿÿnana heka iny raykywydyna ratyre awimy ihÿre. Kiamy judeukõdu mahãdu-ò arelyykemy riwahitxinyre.

9 Ibutu inyõ rybe wòtena aritÿnynykemy watxiwãhãre juhoo Deuxu Jesuisi-wana ibutumy aõna aõna riwinyre kiau rybewòtena riwòmy roimyhÿre Deuxu-ki.

10 Wijina tahe riteòsinykemy ihÿre dohodÿÿna-ki. Tai tahe ibutumy biu-ribi rurunadu, bedeerydÿÿdu rierykemy timyk-ibo Deuxu bede erysyna-di raremyhÿ ibutumy aõna aõna erysyna-di.

11 Iwese Deuxu ibutumy aõhebo rotÿÿnykemy ratximyhÿre wese iny rierykre, Inynyrÿ Jesuisi Kristu òrarukile wahe.

12 Tai tahe iny rexideòsinymyhÿre brebuõlemy Deuxu ixitòenadÿÿna-di Kristu dori inyboho rityhynymyhÿre.

13 Tai kaiboho ixijjodÿÿrenyõmy ahãke, jiarÿ aõhõkÿmy ratÿÿnyreki kia dori awowydyna rare, waaõhõkÿmy dÿÿnana wahe.

14 Tai tahe umyreny Deuxu-ò rexitòenyre Inynyrÿ Jesuisi Kristu tyhy-ò wahe. Ibutu sÿ mahãdu tyby Deuxu rare.

15 Ruruna adeereny kidiwahinykemy idi watxireri, tawowydyna sõwe-ribi wahe.

16 Deuxu Tyytybytyhy rurutyhy araykywo-ò kidiwahinykemy watxireri.

17 Tai Kristu aworeny-ki kanasÿnymyhÿkemy rahõtinyinmahãre atyhyna direki kaiboho heka wiluutyhymy boibekemy watxireri.

18 Tai ibutu ityhydÿÿdu mahãdu-wana Kristu luuna bierybenyke. Inyõ Kristu luuna awire rieryõtyhy. Ihãrele tahe bierybenyke iwese rare wesemy.

19 Tai Deuxu-di bexilÿxinykemy idi watxireri.

20 Deuxu iruruna dire. Tai iny ixitòena ratyre inydeereny kidiwahinykemy idi ihÿre. Iny irurudireki wahe.

21 Dohodÿÿdu mahãdu wowodyna riwahinykemy tamy watxireri, aõu aõu wahe. Bededÿÿnana konana-ò wahe. Kie.

4

1 Inynyrỹ deòdu arixidu jiarỹ rare. Arexitòenykre in-ihe adeereny. Yrubuna-di aõhebo botỹỹnybenykemy adireny watzireri. Tai tahe Deuxudeewimy boibekre.

2-3 Tii dori juhoo adeereny irydu rare òbitimy boibekemy xiwedeõmy boibeke, ele eleõmy; wii biwiòhenanymy; luuna-di marurunymy boibeke. Ixi wesehyylemy boibekemy. Tai tahe Deuxu Tyytybytyhy aratorabutenyrenykre ywimy nodu dori kia diwiòhenanymyhỹde.

4 Sohoji mahådule rare, sohoji Deuxu Tyytybytyhydile. Umy sohoji wese, ityytyby sohojilemy wese rare. Kaiboho tule araròsònareny sohojile rare, kaiboho ityhydỹỹdumy terònyteki wahe.

5 Inynyrỹ sohojile rare inytyhynareny sohojile rare. Tule iny ratisebena sohojile rare.

6 Deuxu tule sohojilere, ibutu tybymy rare ibutu ratyre rare. Ibutuy-ki tii rare. Tule ibutu rawo-ki ratzireri. Ibutumy aõhebo rotỹỹnykemy iny-di riwisỹnyreri tawowina-di.

7 Kristu tahe iny sòwemy rareki sohoji ruxetòena sòwemy sohoji-ò riwahinyre.

8 Kiamy heka ritina-ki roire: –Iu Jesuisi raòwònyreu biu-ò ròtena ludu mahādu ridyre idi wahidỹỹna inydeereny di-wahinyde.

9 Betehibenyke rybeweereõ-ò raòwònyremy. Aõmybohe kia rarybereri. Tahe juhoo dori surawo-txi robehere kiakekile tahe idi raòwònyke.

10 Kia robeherere taheka raòwònyre biuratyremy ibutu aõna aõna-di rexilỹxinykemy.

11 Inyõ-ò deòdỹỹna mahādumy rarekemy diwahinyde aõwihikỹ widỹỹ wahidỹỹna wahe. Ijõ-ò Deuxu rybedumy mahādu rarekemy diwahinyde. Ijõ-ò Rybewihikỹmy rybedu mahādumy rarekemy diwahinyde. Ijõ ityhydỹỹdu mahādu yrubudỹỹdu mahādumy rarekemy. Ijõ bedeerydỹỹdumy mahādu rarekemy.

12 Ibutumy kia mahādu ityhydỹỹdu riwiòhenanykemy idi ratzireri. Tai ityhydỹỹdu iaõmysỹdỹỹna riwinykre. Kristu umy wesemy ritibiedỹỹnykemy. Ibutu dee diwahinyde.

13 Ikonanau tahe ibutumy wiwese wesemy rōkōhōtinyrenyke, iny tyhynareny wahe. Deuxu Riòre rikierityhyrenyke, iny òbitimy rokoireke, Kristu òbiti wesemy rokoireke.

14 Tohouā wesemy aōkō rokoireke inytyhynareny-ki. Uritere witziradỹỹrenyõmy ibutu bedeeryna witzira witzira-di. Iwese yhy tiò tiò aõ riwymyhỹre wese kia bedeerydỹỹdu rare. Iwitzira tyhydỹỹna-ò kia ityhydỹỹdu

mahādu ridykemy ratximyhÿre. Ijō inatyhy rybe weselemy rarybere. Tahe aōkōre. Kia-ò ijohonarenyōmy.

15 Tahe luuna-di inatyhymy marybebenyke. Kristu aōmydÿÿnana-di bexilÿxinybenykemy idi maumynybenyke. Tii dori iny wedureny rare.

16 Ityhydÿÿdu mahādu heka Kristu umy wese rare. Ity-hydÿÿdu sohoji sohoji wijura jura weselemy rÿira. Kristu ibutumy riwiōhenanymyhÿre iwese umy hona umy wese. Umyjura kia ibutumy iaōmysÿdÿÿ dire. Wiweselemy tahe raaōmysÿdÿÿnykeki tai tahe umy awimy rariamyhÿke. Ijō widerakeki tahe, Kristu umy raumynyōtyhy.

17 Katahe Inynyrÿnimy adeeremy kiamy rarybemyhÿre. Ity-hydÿÿdukōdu mahādu wesemy aōkō boibenybeke.

18 Iraykyreny bedeluru-ki ihÿreny. Iehehereny, ri-eryōreny. Tai tahe Deuxu biu-ò hena umytuedeōna ri-eryōreny.

19 Ixārūna ihoōhyre. Urile ibutumy òraruna-txi rexi-wahinyreny.

20 Kia Jesusimy aōkō teerytenyete inyribireny wahe.

21-22 Jesuisi inatyhyna teerytenyete, ibutumy aōbina bina ixi-ribi bihitxinyke.

23 Ibutumy awo arayky-wana bexitymyranyke.

24 Deuxu umy tÿmyra wesena-di bexityhynybenyke. Kia heka òbiti rare; inatyhy rare.

25 Tai tahe ruiirenyōmy wahe. Inatyhymy iny witxira-ò marybemahābeny. Wiwese hyylemy widi rakatximyhÿrenyke.

26 Makyarananymahā-wana tahe urile òraru-txi ixēōmy. Ixi-di txu iròtedÿÿōmy awobinana-di

27 Tule Satanasi deradÿÿna-ò nokōmy.

28 Inyō juhū wasidureki, ixityre tii wasiōmy. Tii wiji raaōmysÿdÿÿkre aōna aōna wiwihikÿ tebò-di riwinykemy wahe. Tai tahe iaōdikre iny aōkōmy rÿira riwiōhenanyke.

29 Kai uritere rybebinaō ary-ribi iòlòdÿÿōmy Rybewiwihikÿlemy marybemahā. Kia rybe-di ijohodu riwiōhenanymyhÿrele kynyhetuukre.

30 Bibedeòtiidÿÿōmy Deuxu Tytybytyhy. Tii dori arayrubunymyhÿre tarasanatxu-ò.

31 Òbina rybemy widi nokōmy, wimy ujōmoōmy, adebure ijā ijāōmy, aōbinamy inymy ijyōmy, rybebina-di iny ihetedÿÿōmy.

32 Tahe ibutu dee ywimy boibekre, awimy wahe ainytyhymy iny-di boibekre. Aōbinamy iny adee rarybe-wana tahe iribi bexinohōtilosanymy biixāwididÿÿnymy Deuxu dori inyòraru riixāwididÿÿnyreki wahe.

5

1 Deuxu inytybytyhyreny rare. Tai tahe iwese uladu tyby wesemy rotỹỹnymyhỹre wese, kaiboho Deuxu wesemy matximahãbenyke Deuxu riòre luunadu wesemy matximahãbenyke. Wiluurenyke, Kristu dori aluurenyre.

2 Tule rexiwahinyre xiwe wesemy iny ritarenykemy. Tai tahe Deuxu dee kia lỹnyrena wiwihikỹ wese rare.

3 Tahe òta òtarenyõmy. Ibutumy aõna aõna bina bina widỹỹrenyõmy. Kaiboho dori ityhydỹỹdu mahãdu toite.

4 Rybebinamy uriteretere rybeõmy. Ixideòsidỹỹõmy. Kia widỹỹna tahe ibinare. Tahe aõwihikỹõ biwinyke, Deuxu dealànamy.

5 Òta òtadu tahe Deuxu òlòna wahidỹỹna ritaõtyhy, iny binaõ aõkõ, inywobire aõkõ. Kia Deuxu tyhy biukõdu mahãdu rare. Bierybenyke kia.

6 Itxenadỹỹ rybe-ò ijohonarenyõmy. Ityhydỹỹdukõdu mahãdu Deuxu rybe riywinyõmyhỹre. Tai tahe Deuxu reburemyhỹre tamyreny.

7 Tiiboho-wana ratxiõhyyemyhỹrenyre iaõmydỹỹnana bina-reki.

8 Hỹỹnau kaiboho bedeluru-ki toitemahã. Tahe wiji Inynyrỹ loosòna-ki toite. Loosònadỹỹdu riòre weselemy boibeke.

9 Aõbo loosòna-ribi nade tahe awire, òbitire, inatyhyre.

10 Tai aõbo Inynyrỹdewi kia riteòsinyre.

11-12 Iwese bedelurubina widỹỹdu aõhebo rotỹỹnyre wese uritere iwidỹỹrenyõmy tahe teòsaremy tamy marybebenyke. Aõbo tiiboho wasimy aõhebo rotỹỹnymyhỹre ixỹruna adee rare tuu maryhemahãkeki.

13 Ibutumy aõna aõna loosòna ritỹnynyre. Tai tahe iny aõmydỹỹnana loosòna ritỹnynykeki, iny rierykre itỹnydỹỹna dori loosòna rare.

14 Tyyritiõ kia wesemy rỹire: —Inyõ rõrõmy rỹikeki, rexixake rubuy-ribi rỹike. Kristu tahe araloosònanykre.

15 Aõhebo botỹỹnybenykeò bexiijebenyke. Itxỹte widỹỹdu mahãdu wesemy aõkõ ahabenyke, bedeerydu mahãdu wesemy ahãbenyke.

16 Iõnodỹỹõmy abededỹỹnana. Wiji txu bededỹỹnana tahe ibinatyhymy rare.

17 Tai tahe itxỹteõmy ahãke. Bierybenyke aõbo Deuxu dee wire.

18 Vĩ mona-di axaxa rubudỹỹna wesemy aõkõ matx-ibenyke. Kia tahe aõnityhyre, tumodu wahe. Tahe Deuxu Tyytybytyhy heka atykymy ralòmy boibeke.

19 Mawinymy bexirybenyke awo-ki. Bexirybenybenyke Inynyrỹ-ò awi-ribi bitxienymy mawiunye. Rybewiumy mary-beke.

²⁰ Deuxu inytybyreny-ò ibutumy beàlàmahābenyke Jesuisi Kristu Inynyr̄ni òraru-ki tahe bexitòenyke.

²¹ Kaiboho ibutumy widee bexiywinyhyymy ahābenykre.

²²⁻²⁴ Iwese dohodỹ̄na mahādu Kristu rybe rityhynymyh̄re wese, hāwyy tahābu rybe riywinyke, ibutu aōmydỹ̄nana-ki wahe. Hābu dori tahāwyy dinodu wese rare.

²⁵ Ibutumy hābu tahāwyy luukemy. Kristu dori dohodỹ̄na mahādu luureki ture. Tamy tii rexiwahinyre rurukemy.

²⁶ Tai tahe kia òbitidỹ̄namy rurure. Iwese bee aō rasuhòmyh̄re wese, tarybe risuhòmyh̄re.

²⁷ Iòraru-ki tahe Jesuisi dohodỹ̄na mahādu wiwihikỹ̄o ix-idee rimykre. Òbiti mahādulemy rarekre, aōbina binaō heka tai r̄yiòhyymyh̄re. Awi mahādu widỹ̄dumy rarekre.

²⁸ Kiamy heka hābu tahāwyy-di r̄yirake. Iwese hābu taumy luure wese tahāwyy luumy r̄yirake. Iny tahāwyy luukeki, kia-di ixiluuke.

²⁹ Iny taumyderamy r̄yiòhyymyh̄re. Tahe aōkōre tule rexiòwenymyh̄re rexiwesenanymyh̄re. Iwese Kristu dohodỹ̄na mahādu riwisinanymyh̄re wese.

³⁰ Inyboho dori Kristu mahāduō roire.

³¹ Kiamy heka Ritina roire: —Tai heka hābuō tybyboho heto ririmyh̄re tahāwyy-wana wii ributunymy roirekemy. Inatxi umy ribi sohoji umyhyymy ròhònymyh̄re.

³² Kia aōmydỹ̄nana heka ierysysirare. Tahe Kristu tohodỹ̄na mahādu-wana rarybereri.

³³ Ihārele tahe hābu tahāwyy luumy r̄yira iwese ixiluumy r̄yira wese. Tule hāwyy tahābu rityhinyke.

6

¹ Uladu mahādu tybyboho rybe rityhynymyh̄re Inynyr̄ òraru-ki. Kia tahe òbiti rare.

² Boo adi-wana bityhynybenyke. Kia tahe bede ywina rybe juhuu rare. Tule Deuxu raròsòna kia bede ywina rybe-wana rare.

³ Kia biywinybenykeki, awimy mabeke, abededỹ̄nana irehemy mabeke kabede-ki.

⁴ Uladu tyby, uladuse, ariòrereny adeburehyymy idi iwisỹdỹ̄renyòmy. Tahe aōki reòsakeki tii riòbitinykemy tamy marybebenyke. Inynyr̄ deòsidỹ̄na-di tamy marybebenyke.

⁵ Deòdu mahādu kabede-ki awedureny bityhynybenyke. Awo-ribi tyhy tamywimy biwinybenyke. Bexiijemy ywimy biwinymy. Iwese Kristu dee tewinymahāte wesemy.

⁶ Aō tabiteriki aōkō biywinyke. Iwese Kristu deòdu wesemy mabeke. Deuxu dee wina awo-ribi biwinyke.

⁷ Deysana-di ibutumy òbitimy bisỹdỹ̄nyke.

⁸ Ibutumy deòdu ada deòdukõdu Inynyrỹ-ribi aõna aõna rimyke. Tamy aõwiihikỹ riwinykeki.

⁹ Tahe wedu mahãdu, kaiboho eòdu mahãdu-ò kia weselemy mabeke. Brebudỹỹ rybe-di eòdureny-ò rybeõmy. Awedu dori eòdureny wedu tule biu-ki ratximyhỹre. Tamy dori ibutumy wiwese wesele rare.

¹⁰ Ibutu-ò tahe ikonanamy ararybekre. Inynyrỹ ruruna-di bexirurudỹỹnyke. Iruru tahe aõni rare. Tahe ixidee bimyyke.

¹¹ Bexityynyke aõbinanatyy-di, debõna aõmydỹỹnana bimyyke. Tai tahe Diabo rybemy nodu biòludunyke.

¹² Iny ijesunareny dori moo iny-wana aõkõ rare. Iwitxira Satanasi ruruna-di rare. Dinodu ruru-di rare, kabede luru hukỹ wedu-di wahe. Tyytybybina ruru-di rare, biukihikỹle.

¹³ Tai tahe ibutumy Deuxu debõna aõna aõna bimyyke. Idi txubina-ki biòlòdỹỹnyke. Aijesu bitakeu tahe, òraru rỹike.

¹⁴ Inatyhyna-di awereysana birarutxynyke. Òbitina-di abreti bitòbõnyke.

¹⁵ Bexiywinyke ywina Rybewihikỹ rybena-ò. Tii heka adikre.

¹⁶ Ityhyna tahe awyhyitxenamy ihỹre, idi eorutà bitỹtenyke. Idi tahe Satanasi heòty wyhy biturinyke.

¹⁷ Tarasana tahe arataana wese rare. Deuxu Tyytybytyhy mayrehe heka Deuxu rybe rare.

¹⁸ Deuxu Tyytybytyhy-ki ibutumy ixitòedỹỹhyymy atximahãbenyke. Kia-di tahe biriranymy, boibeke. Ityhydỹỹdu mahãdu ibutumy bexitòenyhyymy boibeke.

¹⁹ Tule wadee, bexitòenybenyke. Deuxu wadee rybe kidiwahinykemy wahe. Tai brebukõlemy Rybewihikỹ aritỹnynykre, ierysy siramy wahe.

²⁰ Jiarỹ Rybewihikỹ deòsidỹỹdu rare wawomati rerotidire hãrele wahe. Kristumy arelyykemy watzireri. Tii heka waw-idỹỹnare.

²¹⁻²² Txitxiò tahe ityhydỹỹdu seriòreõ rare, waluunaduõ rare. Inynyrỹ rybe-di òbiti aõmysỹdỹỹdu rare. Tai tahe tii adeereny reteònyre waaõmydỹỹnana adee ritỹnynykemy. Awo riteysadỹỹnykremy.

²³ Ywina ibutumy ityhydỹỹdu mahãdu seriòreõ kanakemy watzireri. Luuna tyhyna-wana kanakemy Deuxu, inytyby-ribi, Jesuisi Kristu, Inynyrỹ-ribi wahe.

²⁴ Ruxetòena kanakemy watzireri Jesuisi inatyhymy luunadu mahãdu-ò wahe. Tii Kristu rare, Inynyrỹreny wahe.

Filiposi

Paulo Tyyriti, Filiposi Hãwã-ò

¹ Paulo, Tximòtxi-wana Jesuisi Kristu deòduren y roire. Ka tyyriti tahe rewahinyrenyneri Filiposi hãwã-ki ityhydỹdu mahãdu-ò. Ityhydỹdu yrubudỹdu mahãdu-ò tule rewahinyrenyra dohodỹna wiòhedỹna mahãdu-wana.

² Ruxetòena, ywina-wana Deuxu-ribi adeereny kanakemy watzireri tule Jesuisi Kristu Inynyrỹreny-ribi.

³ Rexitòenyreu, tiu aribireny wanohòti rosaòhyymyhỹre. Deuxumy reàlàwãhãre umyreny.

⁴⁻⁵ Wadeysamy watxiwãhãre Rybe tymyra wihikỹ tewiòhenanymahãtenyteki, juhuu, wiji tule ahãtenyte.

⁶ Deuxu iaòmỹsỹdỹna wihikỹ inyworeny-ki rexidelenyreu. Tahe Jesuisi Kristu bededỹnana txuu heka rexihumy kia rỹikre. Kia tahe reerytyhyre.

⁷ Kaiboho wawana Deuxu ruxetòena luuna-wana widee inyboho riubỹtỹnyre. Ròtena-ki rarewãhãu, tule ròtenaribiòlòmy rarewãhã. Tule Rybewihikỹ retỹnynymy rarewãhã kiamy heka rahòtinymahãre, wawo-ki adireny rahòtinyhymahãre.

⁸ Sòwemy arawehityynanyneri. Deuxule kia rierymyhỹre. Jesuisi Kristu ruxetòena uludumy iny widi roire.

⁹ Kia ixitòedỹna tule Deuxu-ò rewahinyre umyreny. Aluunareny sòwemy rỹikemy rexitòenyreu. Tule araykywydynareny riixidorudỹnymyhỹke.

¹⁰ Tibo awityhymy rỹira kaiboho biijebenykemy rexitòenymahãre. Tule inatyhywidỹdumy rarekremy tany rexitòenymahãre òbitihyylemy rarekemy Jesuisi Kristu bededỹnanatxu-ò.

¹¹ Òbitidỹna bederaty wesele rare. Kaiboho oworu taraty-di rỹimyhỹre wese tỹxihikỹlemy òbitidỹna-di matxibenykemy rexitòenymahãre.

¹² Jiarỹ ròtena-ki rãireu, kia tahe Rybewihikỹmy rybe ri-wiòhenanyra.

¹³ Kowa dori ibutumy yrubudỹdu mahãdu roholare, dinodu heto itxeredu mahãdu wahe. Tai tahe bierybenykemy tuu rarybere.

¹⁴ Jesuisi Kristu òraru-ki tahe ròtena-ki rãimy rarewãhã. Ibutumy iny tahe kia rieryre, iòraru-ki. Waròtena òraru-ki tahe ityhydỹdu mahãdu Inynyrỹ aòmỹdỹnadile ròhòtinyre, tule Deuxu rybe rarybemyhỹre ruberuòhyylemy ixitòedỹna-di.

¹⁵ Ijò heka ixityhydỹmy Rybewihikỹmy rarybemyhỹre. Ijò tahe inatyhymy Rybewihikỹmy rarybemyhỹre.

16-17 Rierymyhyre waròtena Rybewihikỹ òraru-ki rare. Ixityhydỹna mahãdu tahe inatyhy òbiti aõkõ rare. Aõhõkỹmy adotỹnykemy wadi ihỹre Rybewihikỹ-di.

18 Aõhebohe arotỹnykre? Arabedewomy aõbo ada areysakre aõbo. Areysahyomy ararekre. Kristu rybe dori rarybemy rarehyomy iny inatyhynadiremy ada aõkõremy.

19 Jiarỹ areysatyhykre ròtenawo-ribi dori aròhònykre. Aixitòedỹna, Jesuisi Kristu Tyytybytyhy riwawiòhenanykreki. Kia tahe reeryre.

20 Deuxu aõmydỹnana ariwiòhenanykemy watzireri waumy-di. Jiarỹ arurukeki ada aõkõkeki aõbo. Jiarỹ araxỹruõtyhykemy watzireri aõhebo arotỹnykreki.

21 Kristu dee warumy ararekre. Tahe arurukeki kia tule wadee awire.

22 Tahe ararekeki Kristu dee araaõmysdỹmy arareke iny-ò Rybewihikỹmy ararybekre. Tibo awityhyre reerykõre.

23 Tahe ixityre aròhòtiwydynanykeki kiamy heka rahòtinyreri. Arakre Kristuòhyyle heka Kristu-ò arakele awire. Tii heka awityhyre.

24-25 Atòenarenykile tahe warumy ararekre. Tai tahe kabede-ki ararikre aityhydỹna-di beysakemy maumynykemy. Tai tahe kaki ararekre.

26 Iu ayreny-ki aralokreu, Deuxumy bealàbenykemy watzireri, ayreny-ki ixityre watzireriki wahe.

27 Biyrybenykemy adireny watzireri iwese Kristu tyhydỹdu mahãdu rỹira weskemy adireny watzireri. Ayreny-ò arakeki aõbo ada araõkeki aõbo ijyy wihikỹ-ò adoholamyhỹkemy watzireri. Kaiboho wiwana wanale inatyhyna rybe-di tarybemahãtenyete.

28 Uritere brebuõmy aòludu lau Rybewihikỹ òludu lau wahe. Tamyreny tahe kia rubu bina bede urihixina rare. Tahe adeereny biu-ò hena rare. Kia Deuxu-ribi nade.

29 Aõ Kristu tetyhynytemy sohojile aõkõ tahe tamy aõhõkỹmy tatỹnytenyete tule.

30 Inyboho dori ibutumy wiwana aõhõkỹmy rotỹnykre. Jiarỹ sõwemy aõhõkỹmy adotỹnymahãde. Kia-ò tahe taholatenyete wamy.

2

1-3 Kaa aõbohe rỹire wiòhedỹna luuna-wana Kristu-ki, biòwana aõbo Deuxu Tyytybytyhy-ki. Kohe, kia ibutumy Jesuisi Kristu kilehekỹ rỹire. Ibutumy tahe wiluumy boibeke, wiwesehyyle mohòtinybenyke, wii bitòrabutenybenyke. Tai tahe areysakre aòraruren-ki.

4 Iximy xiwederenyõmy. Tahe wiribi lahiximy boibeke, aõkõmy ixi-di marãykynybenyke. Iny sohoji sohoji aõna

añnadirenyremy ixi-di nohõtirenyõmy. Tahe hitxihitximy bõwidỹỹke iny sohoji sohoji iny wixira aõmydỹỹnana yrubudỹỹmy marãkywydynanyke.

⁵ Iwese Jesuisi Kristu inywixira aõmydỹỹnana-di rõhõtinyhyre wesele, kaiboho mohõtinybenyke.

⁶ Jesuisi Kristu juhuhyy raremyhỹ, Deuxule rarehãre. Deuxururu tahe rinyõhyre.

⁷ Tahe iribi ritare kaò idi kodobehekemy deòdu weselemy. Tahe inyumyõ rinyre kaki inylemy rarekemy.

⁸ Tamy tahe ibinatyhymy nade itxeò-ki rurukemy wahe. Ibutu aõbo kaki riwinyke heka, riwinyre. Tai tahe ibutu ratyre Deuxu Jesuisi risỹnyre. Ibutuni ratyre ini rare.

⁹⁻¹¹ Kiani-ò tahe ibutumy tatiowomy resekemy rỹire, biu mahãdu, bedeludu mahãdu, suwomy rỹira mahãdu. Tahe ibutu rybe wixira wixiramy iny rarybemyhỹre: –Jesuisi Kristu ibutu wedu rare. Deuxu inytybomy ibutumy reàlãmyhỹre. Kiamy waseriòre waluuduboho. Awana watxireriki tule iwixira bede-ki aratxikre hãrele. Deuxukihyyle atximahãbenyke. Warybe bityhynyke.

¹² Aityhydỹỹna-di òraru-ribi bexitabenyke, bexiebenyke òraru-txi ixelau.

¹³ Deuxu heka adeewina riwahinymyhyre òbiti widỹỹna. Tiile riwiòhenanymyhyre òbitina widỹỹna.

¹⁴ Uritere rybe binamy rybeõmy. Adeburemy iny iijeõmy.

¹⁵⁻¹⁶ Tai tahe inyõ rybe binamy umy rarybeõtyhy. Òbitityhymy boibeke kaiboho dori Deuxu riòremy toite. Kristu kodobehekrey, aòrarureny-ki areysakre. Retare dori aõmydỹỹnana wihikỹõ ayreny-ki.

¹⁷ Arurukewana ayreny-ki rybe wihikỹmy rybe òraru-ki, taile areysakre. Deuxu-ò dori rexiwahinyre xiwena wesemy arurukremy wahe.

¹⁸ Kaiboho tahe wadi beysahyymy boibekre ixideewimy tahe adeereny arurukremy wãhãre.

¹⁹ Aõwesele Tximòtxi ayreny-ò ariteònykemy idi watxiwãhãre. Jesuisi Inynyrỹ dee wikeki. Tai tahe arierykre timybo kaiboho toite wahe. Tai heka areysakre.

²⁰ Tximòtxi tahe arawiòhenanyrenyke iny wixira wixira ratyre wahe.

²¹ Ijõ dori ixidile rõhõtinyhyre Jesuisi Kristu aõmydỹỹnana-di aõkõ.

²² Tximòtxi tahe teertyentye iwese riwawiòhenanyre wese Rybewihikỹmy rybe-ki. Iwese tyby iriòre riwiòhenanymyhyre wese Tximòtxi riwawiòhenanyre.

²³ Aõbo wadee ròhõnyke arierykre, tai wylemy ayreny-ò aditeònykemy idi watxireri.

24 Jiarỹ òsana tule wylemy Deuxu riwateònykemy wadi ratxireri ayreny-ò.

25-26 Ijõ hãbuõ iteòdỹỹmy raruwãhãre ayreny-ò, Epafroditu wahe. Tii wawana noduõ rare. Kaiboho juhuu wadee teteònytenyte wawiòhedỹỹdumy rarekemy. Tii heka awehityyrenemy rurumyhỹre. Tai tahe reòkesedỹỹnyreri kaiboho iwebinaduna-ò taholatenyte. Tai heka òkesemy riwisỹnyre.

27 Inatyhy rare rurure inihe. Tahe Deuxu riruxetòenyreki riteytenyre. Jiarỹ tule Deuxu wadi raruxetòere. Tai rabede-woõhyyre aõwitxira witxiramy ratỹỹnymahãreki.

28 Tahe aõwesele ariteònykemy watxireri. Kaiboho beysabenykre kia araerymahãrenyre. Jiarỹ tahe urihimy-ò arexielehynykre wanohõti yrena-ribi.

29 Tii kedehemynykre, tahe bididybedenykre biwowydynybenykre. Rexiòhãrunymy rare Kristu òraru-ki riwawiòhenanykre.

30 Tahe tii inihe heka rurure iòraru-ki. Arokoreny-ki tii riwawiòhenanyre.

3

1 Ikonanamy tahe ararybekre: —Beysabenyke, Inynyrỹ deysanamy. Jiarỹ heka riwaixiranyòhyymyhỹre heka tuu rybe. Awire tahe bohlabenykeki.

2 Bexiijebenyke iny ijòròsa wesena-lau tii iixỹruterere aõbinawidỹỹdu mahãdu tahe tii rare. Bexiijebenyke notykyresydu mahãdu lau.

3 Inyboho dori notyky resydu mahãdu òbiti rare. Deuxu Tyytybytyhy deewimy nodu roire. Jesuisi Kristu dee winale inydeereny awire. Inyboho dori aõwiihikỹwidỹỹ-ò rikityhynyrenyòke.

4 Jiarỹ, Paulo ariòludunyleke aõbo ixi-wana ariwinyke. Jiarỹ ijõ hãbu ratyre waaõmydỹỹnana diremy arexityhynyke. Jiarỹ dori judeu mahãdu ijoi tyhy-ki tybie rare notyy resyna ijoi tyhy rare. Debò inataõ reurotxu-di reareu.

5 Bejami mahãduõ jiarỹ rare. Judeu mahãdu tyhy wãhãboho roire. Iriòremy jiarỹ rare. Fariseuõ jiarỹ rare.

6 Tai tahe bedede ywina rybe retyhynyre. Jiarỹ heka ii-jaramy raeleemy reamahãre ityhydỹỹdu mahãdu aõhòkỹmy arisỹnykre-ò.

7 Wabede ywinareny òbitimy rare sana raholamahãre, ibutumy retyhynymy rarewãhã. Ibutumy wahe aõmydỹỹnana reatyra Kristu luuna òraru-ki.

8 Inatyhymy Kristu wabiu-ò hedu reeryreu, ibutu aõmydỹỹnana-ribi wanohõti rosare. Ibutumy retxiwire

iòraru-ki, kia ibutumy aõ aõkõ rare, Kristu wabiu-ò hedule arimykre wabiu-ò hedukremy rare.

⁹ Waòbitina tahe aõ wawidỹna aõkõ rare. Jesuisi retyhynyre urenana tahe tii riwaòbitinyre.

¹⁰ Kristu arierykemy idi watxiwãhãre. Rubu-ribi ixixana arierykremy, aõhõkỹmy arotỹnykre iòrarukile, iwese tii rurure wesemy wahe jiarỹ heka arexiywinykremy watxireri.

¹¹ Tai rubu-ribi ixixana mahãdu-wana arexixakre.

¹² Jiarỹ òbitityhy aõkõ rare ada ibutumy òbitina wadee riwahinyõre. Jesuisi riwamyre aõmysỹdỹnaõ ariwinykemy. Tai tahe wako-ò rawãhãre araòbitinykemy watxireri. Tamy tahe araaõmysỹdỹnykemy watxiwãhãre.

¹³ Òbitityhy aõkõ jiarỹ rare. Kia sohojile tahe ariwinykre.

¹⁴ Tahe arehemynykremy watxireri titxibo Kristu diwa-teõnyde. Kowa bedede wihikỹkile uriõno aritakre.

¹⁵ Tahe ityhydỹdu iumy kia-di mohõtinybenyke. Inyõ aõ rieryõkeki Deuxu tamy kia ritỹnykremy.

¹⁶ Uritere hijebenyke inatyhyna bityhynybenykemy wiwese weselemy rõkõhõtinyrenyke.

¹⁷ Ityhydỹdu seriõre, iwese rewinyemy rarewãhã wese biwinyemy boibeke. Tule ijõ-ò betehebennyke wawese dori riwinyemyhỹre.

¹⁸ Sõwemy dori iny òbiti aõkõ rỹira, Kristu òludumy wahe, itxèò aõmydỹnana òludu wahe.

¹⁹ Kia iny tahe Deuxu rahukre. Rỹsỹnale ta ideuxure. Ti-iboho tahe aõbina binaõle awirenyre. Bede aõmydỹnanadile rõhõtinyre.

²⁰ Iny bedereny tahe biu-ki roimyhỹre. Kowa-ribi reraòrenyneri iny tarasadu dehemynyna-ki. Inynyrỹ Jesuisi Kristu wahe.

²¹ Tii inyumyreny riwitxiranykre. Tii taumywelese iny ritxienykre, taumy wihikỹtyhy wesemy. Tii ruru dire. Tahe ibutu aõna aõna wedumy ronykre irurudireki.

4

¹ Waluunadu, waseriõreboho, kaiboho wadeysana warataana wesemy toite. Ywihyylemy boibekre, waluunaduboho.

² Warybe rewahinyre inatxi hãwyy-ò Eòdia, Sintxiki-wana. Kialemy wahe Inynyrỹ tyhydỹna-di wiwesehyylemy maraykynyke.

³ Adee tule wawiõhedỹdu tyhy waryhe rewahinyre. Kai biwiõhenanykre hãwyy Rybewihikỹ wiõhedỹdu mahãdu wahe. Tule Lemetxi riwawiõhenanyre ijõ-wana wahe. Ibutumy inireny heka Tyyritina rubuonanakõdu-ki rỹire.

4 Inynyrỹ-wana beysahyybenyke. Tahe ixityremy ararybekre. Beysabenyke.

5 Ywina-di bisỹnyke ibutu iny-ò. Inynyrỹ dehemynyna dori iòhòmy ihỹre.

6 Ibutumy aõmydỹỹnana heka biyrydỹỹnybenyke. Ibutumy bexitòenyke Deuxu-ò, àlàna-wana bexitòenyke.

7 Deuxu ywina awo-ò bitidikre arayky ibutumy riyrubunyke. Deuxu ywina dori inyraykyreny rieryòtyhy timyrekibo awityhyre.

8 Ikonanau tahe ibutumy aõmybo ararybekre maraykynybenyke ibutu inatyhyna, ibutu aõeryhykỹ, ibutu òbiti, ibutu tiihyyle, ibutu iluuna, ibutu tyhyna awimy tahe roirekeki àlàna-wana rỹikeki, tahe kia-di ibutumy maraykynybenyke.

9 Araerynanyrenyre, kaiboho teerytenyte, rarybereò tahe taholatenyta. Timybo watxireri wese kaiboho wamy tabitenyta. Tai iwesemy boibeke, ibutumy wahe. Deuxu heka ywina rare. Tii unywanarenyle rarekre.

10 Jiarỹ heka reysare Wanyrỹ dee. Kaiboho heka ixityre watxi òhòtirenre reare. Tiu waribi òhòtirenre rosaõhyyre urile kaiboho wawiòhedỹỹmy tarutenyete tahe isirare.

11 Kaa tuu rarybereri heka aõmy raruõhyreri.

12 Jiarỹ dori reeryre aõbo wamy rỹira idi reysamy watxiwãhãre. Ibutumy waki rỹimyhỹre-wana tule awilemy rahòtinmahãre.

13 Reeryre dori awimyno tule ramamy rubu reeryre. Xiweyrysyna wese reeryre tule aõhòkỹmydỹỹ reeryre rama jubreré. Kia tahe reeryre. Ibutu ariwinyke Kristu dori ruru wadee riwahinyre.

14 Tule umy arelàkemy watxireri tiwawiòhenanyteki.

15 Filiposi hãwã dohodỹỹna mahãdu, kaiboho sohojile nieruò wadee tewahinytenyete, juhoo Macedonia hãwã-ribi rareu wahe.

16 Tesalonia hãwã-ò wadee nieru tewahinymahãtenyete, inatxi nonanamy taditeònytenyete. Tahe riwamyre wadee rasiranymy idi rewyré.

17 Aõ rexitòenyre aõkõ nierumy. Sohojile aõmydỹỹnanamy aribi aritakemy watxireri. Deuxu aõmydỹỹnanale aritakemy rarumahãre. Umyreny Deuxu wehityhynamy arobikemy.

18 Remyre awahidỹỹna. Epafroditu aribi riwawahinyre. Tai tahe sòwemy waki rỹireri. Iwese lỹnyrena sòwemy watxi reamyhyre wese awahidỹỹna wadee rare. Iwese Deuxu-ò xiwenaò awire wese wadee ihỹre.

19 Aõhere inyDeuxureny ihewoludu atyhyna loosòna adeereny kadiwahinykre, Jesuisi Kristu òraru-ki. Aõbo adeereny rasiranyreri.

²⁰ Deuxu kidiwahinykemy adeeremy watzireri. Kia tahe inyDeuxureny-ò loosòna kidiwahinykemy watzireri tiemy heka rarehykre. Kie.

²¹ Iny sohoji sohojimy warybe-di biwehityynanykre Jesuisi Kristu òraru-ki. Kaki ityhydỹỹdu mahãdu tarybe wehityyna adeeremy diwahinyde.

²² Ibutumy ityhydỹỹdu arãrybeweityhynanyre. Iòlò heto ityhydỹỹdu mahãdu yribihyyle adeeremy diwahinyde.

²³ Inynyrỹ Jesuisi Kristu ruxetòena adeeremy kanakemy watzireri.

Òlòsò Paulo Tyyriti, Òlòsò Hãwã-ò

¹ Paulo, Jesuisi Kristu deòdu Deuxudeewimy rare kia tyyriti rewahinyre. Tule Tximòtxi inyseriòre rybe weityhyna riwahinyre, ibutumy ityhydỹỹdu seriòre-ò Òlòsò hãwã-ki.

² Wiòhedỹỹna, ywina, Deuxu inytyby-ribi adeereny kanakemy watzireri.

³ Jesuisi Kristu-ò àlàna rewahinyhyymahãre, tule Deuxu Inynyrỹ tyby-ò. Adeereny dori rexitòenyhyymahãre.

⁴ Kaiboho Jesuisi Kristu tetyhynymahãtenyte. Tule kowa ityhydỹỹdu mahãdu wiluurenre.

⁵ Rybewihikỹ inatyhyõ juhUU taholatenyte. Idi tahe araròsòna tetatenyte. Tai tahe biu-ribi kia ibutumy kanakre.

⁶ Iwese Rybewihikỹ bede bedelemy rariamyhỹre wese adeereny tule dehemynde. Rybewihikỹ aõwihikỹ adireny riwahinyre. Iwese òwòru taraty riwahinyhỹre wese, kaiboho inywitzira-ò aõwihikỹbo tewahinytenyte.

⁷ Epafa jiarỹ wiwana Deuxu deòdurenre. Kia iribi tadoholamahãte. Tii Kristu rybemy rybedu òbiti rare.

⁸ Tule wadee relyyre Deuxu Tyytybytyhyòraru-ki wiluuna-di ahãtenyte.

⁹ Kia inyboho roholarenre, adeereny rexitòenyhy watziwãhãrenre. Rexitòenymỹ Deuxu dee wityhymy kaiboho bedierybedenre. Deuxu Tyytybyerynatyhy-di boibekemy, bedeerydỹỹna-di.

¹⁰ Deuxudeewihymy kaiboho atximahãtenyte maratynyke wesemy aõwihikỹmybo. Biubỹtỹnymy boibeke Deuxumy bierybenythykre.

¹¹ Ibutumy ruruna-di boibeke Deuxu ruruna wityhy-di texihymy tadonymahãte ibutumy aõhòkỹmy bodotỹỹnykre deysana-di.

¹² Deuxu inytybyrenre-ò àlàna biwahinybenre. Tii iny riywidỹỹnyrenre inyjura juramy ritakemy. Kia jura jura ityhydỹỹdu mahãdu hõrõ rare Deuxu loosònawo-ki ratximyhỹrenreki.

¹³ Tii bedeluru òlòna-ribi diwatade tahe diwadyde taRiòre luuna òlòna-ò.

¹⁴ Kristu heka heka iny ritare. Tii iny òrarunarenre riòwynre. Ibutumy òraruna riixãwidinare.

¹⁵ Jesuisi heka Deuxu lobixidỹỹna rare. Deuxu tahe alobixina aõkõ rare. Ibutumy widỹỹna-ribi tii juhUU rãire.

16 Tii tahe ibutumy bededỹ̃nana widỹ̃dure. Ibutumy biu-ki bede-ki lobixina lobixiõna-wana riwinyre. Iòlona wedu tyhydỹ̃na ruruna. Dinodu widỹ̃na. Ibutumy tii riwinyre ixidee.

17 Tii ibutu aõna aõna-ribi juhuhu rỹ̃ire. Ibutumy aõna aõna taruru rimyleri tai.

18 Iwese umyriti umy wedu rare kia wese Jesuisi ityhydỹ̃du mahãdu riti rare. Tii juhuna rare. Iwedu rare. Tii rubu-ribi ixixana juhuhu ludu rare ibuturatyre dori Deuxu risỹ̃nyre juhuuludumy ratxikemy.

19 Jesuisi-ki ibutu wiwihikỹ̃ rarekemy. Kia tahe Deuxu dee wire.

20 Deuxu ywina diwahinyde Jesuisi hãlubu-di itxeò-ki. Jesuisi hãlubu xiery ibutumy Deuxu riwaaxidỹ̃nyre biu-ki bede-ki.

21 Kaiboho Deuxu ery aõkõ juhuhu toite. Iòludu toite, arayky-ki aõbinahakỹ̃ widỹ̃ tadexinohõtinytenyte.

22 Jesuisi umy-di Deuxu arainytyhydỹ̃nyre Jesuisi rureki. Tai Deuxu tako-ò akanatamadỹ̃nykre taòbitidỹ̃nyteki aòraru lyrana-di, aòraru tuedena-di inyõ umy ibinamy rary-beõtyhy.

23 Urile tyhydỹ̃na-ki boibebenyhyke araròsõna-ribi ixihitxidỹ̃õmy. Araròsõna dori Rybewihikỹ̃-ribi nodu rare. Tii-ò tahe taholatenyta. Ibutumy iny biurawoludu-ò Rybewihikỹ̃lemy narybede. Iribi jiarỹ̃, Paulo, Rybe wihikỹ̃my rybedu ròhõnyre.

24 Wijile reysamy watxireri adee aõhõkỹ̃my ratỹ̃nyreriki, aõ aõhõkỹ̃my dỹ̃nanabo Kristu-ò rauhenyre. Tai jiarỹ̃ aõhõkỹ̃my arotỹ̃nykre waumy-ki hyymy. Kristu-ò rỹ̃ira mahãdu dee kiamy ratỹ̃nyre, dòhòdỹ̃na mahãdu dee.

25 Iribi jiarỹ̃ Rybe wihikỹ̃my rybedu ròhõnyre. Kiamy Deuxu dee wimy diwateònyde tarybemy rybedumy.

26 Tii ihetxiu rybe inatyhy ibutu lau rexiwore. Wiji tahe rexitỹ̃nyre ityhydỹ̃du mahãdu dee.

27 Kia-ò Deuxu rexitỹ̃nykemy ratxireri iwese aõwihikỹ̃, taloosõna ratxireri, ibutu iny wixira dee. Kristu inywo-ki, kia tahe iny iraròsõna rare.

28 Kia Rybewihikỹ̃my relymahãrenyre ibutumy iny-ki reerydỹ̃nanymahãre bederysyna-di. Kia wesele ibutumy ityhydỹ̃du mahãdu òbiti Kristu-ò ariteòsinykre.

29 Kiaòle tahe rexirurudỹ̃nyhyymahãre, Kristu rurudile waki rỹ̃imyhỹ̃re.

2

1-2 Warayky-ribi ijesu nihikỹ̃my resumahãre awo umyreny rahõtieremahãre reysakemy Òlòsò hãwã-ki. Laodisia mahãdu tule wamy robiõmyhỹ̃re mahãdu tule wiluutyhyrenykemy

kaiboho ibutumy Deuxu bedeerysynatyhy bierybenykemy adireny watrixeri. Kristu-ki tahe bede ersynatyhy-di atxiteri idi watrixeri.

³ Kristuwo-ki ibutumy bedeerydỹna bede ersynatyhy ityhyna wesemy riyrubunymy rỹire.

⁴ Kawese rarybera inyõ arãitxenanyõmyhỹkemy rybe rayky-ribi ije-di.

⁵ Waumy awanareny ratxiõreri, watyytyby tahe awanareny ratxireri, riwadeysanyreri, aõwityhy òbiti-di riwaerynanyreri Kristu-ki aityhydỹna-di riwaerynanyre.

⁶ Iwese Jesuisi Kristu heka Inynyrỹhyny tetyetynte wese. Tai tii-wana mabehybenyke.

⁷ Iwese oworu irarutiõ rimymyhỹre wese myike. Anaerynadỹnymahãde wese maumynyke àlàdỹnyamy.

⁸ Bexihãrubenyke, inyõ anaitxenadỹnyke lau. Tarayky-ribi ije rybe-di lahirybe-di anaitxenanykemy ihỹre rybe uritere ije ije-di. Kia rybe iny aõmydỹnnana-ki rỹire bede tyytyby aõmydỹnnana-ki. Kia Kristu aõmydỹnnana aõkõhyymy rỹirake.

⁹ Kristu umy-ki tahe ibutumy Deuxu ixitỹnydỹna rỹire.

¹⁰ Tule Kristu-ki kaiboho tyhynamy toite, texihutenyete. Tii heka ibutumy hãbu rurudỹna ratyre rare, iòlòdỹna ratyre rare.

¹¹ Iwese uladunotyky riòròre wese Kristu aòraru urarina aribi diorode. Notyy resyna inatyhy aõkõ rare. Kristu iwe-senalemy riwinyre.

¹² Taratisebenytenyeteu, Kristu rubu wesemy tewesenatenyete deledede. Tule beribi tadòhònytenyeteu irubu-ribi ixixanamy tewesenanytenyete. Deuxu tyhydỹna-di rubu-ribi texixatenyete.

¹³ Kaiboho aòraruna-ki tòimyhỹteu rubu wesemy notyynaresy aõkõ-di toimyhỹteu, adeereny runa Deuxu diwahinyde, aòrarureny diixãwidinyde.

¹⁴ Kristu iny òraruna widỹnareny-ribi tòhòti rosara. Kia tyyritina-di riixãwididỹnyre taitxeò-ò rareu.

¹⁵ Rurudỹna mahãdu ruru dinodu mahãdu ruru ritara, ibutumy iitxerenarenymy ibutu-ò riteòsinyre. Kristu taitxeò-ki irurureny ritara.

¹⁶ Kaiboho tahe uritere iny rybemy deòbyrenykõmy roxina bemomo, ada ahãdu herinau ixenamy, ada sabado bededỹnanamy.

¹⁷ Kaiboho dori aõ kanakre wesemy rare. Kristu tahe ibre tuu rare. Kia aõmydỹnnana aõ aõkõ.

¹⁸ Inyõ adeereny rarybekeki: bexitxiõnyke ýju bitealànykemy, rasina-ki ierysomy mohòtinkyemy. Tamy ijohonarenymy urile erydỹdumy rohòtynya. Tii tahe Kristu rityhynyõhyymyhỹre.

19 Inyummy wese inyboho ihÿrenyre. Kristu tahe umy ratiwesere. Umybutule-ribi ibutumy iukÿna wiwana reare. Ibutumy òhòna tusina-wana umy rabutumyhyÿre. Deuxu umyna-di umy raumyhyÿre.

20-22 Kai Kristu-wana taruta-wana bede aõmydÿÿnana-ribi, aõherekibo wiji bede aõmydÿÿnana-wana arumy ahâte. Aõherekibo bede ywina witxira witxira tetyhynymy ahâte: imyny wedeydÿÿòmy. Tamy ade rexiòmy, roxina urihixiòmy. Kia wese hãbu bede ywina tetyhynymahãtenyete. Kia aõmydÿÿdÿÿkeki, rexihuke.

23 Bede erydÿÿna wese ratxireri. Kia dori ixideele rexityhydÿÿnyre iyrubu wesemy rawesenanyreri, taumy ixidee aõhòkÿmy rexisynyre. Ibutumy kia tahe riwiòhenanyõhyumyhyÿre umy òraluna lau.

3

1 Kaiboho Kristu-wana texixatenyteri wana, biu ludu aõmydÿÿnana-di mohòtinybenyke, tai Kristu Deuxu ruruna weribi rasÿnymy rononymyhyÿreki.

2 Biu ludu aõmydÿÿnana-di mohòtinybenyke, kabede ludu aõmydÿÿnana-di aõkõ.

3 Rubu wesemy dori ahãtenyete, aumy tuedeõna runa Kristu-wana rare –Deuxu-ki riyrubunymy ratximyhyÿre.

4 Kristu rehemynyreu, tule tii-wana rakatxirenyke.

5 Tai òhòti bitosanyke bede ludu aõmydÿÿnana aki rÿire: uri uri rÿira mahãduhemy ijara, òbitiõna, deòsana hemy nodu, iòbi retÿnyre òbiti-di aõkõ rare. Inyõ rÿire-di òtena kia ritxoo àlàdÿÿna wese rare.

6 Kia aõna aõna Deuxuwo binana rare, kia-ò Deuxu ykarana kanakre kia òrarudu mahãdu-ò.

7 Kaiboho kia tewinytenyete aòrarunareny òrarudumy toiteu.

8 Wiji tahe ibutumy kia aõmydÿÿnana aribi rexihukemy idi watxireri –wobinana, ujõmo, rybe ije ije.

9 Iny witxira-ò ruiòmy, araybidinatyby dori aribi dexihude, iwidÿÿnabina-di.

10 Araybidina tÿmyra-di tahe texiumy dÿÿnyete tii araijõnyre bedeerysynahakÿ-di, Kristu raybidina wesemy araybidina rarekre òbitimy araijõnykre.

11 Kowa-ki wii rikininiyenyõkre: judeu mahãdumy, judeukõdu mahãdumy, notyky resydumy, bedeeryõ mahãdumy, txiebese wese mahãdumy, deòdu mahãdumy, deòdu aõkõ mahãdumy ibutumy Kristu dee wiwese weselemy rÿire. Kristule tahe ibutumy ihÿre inydeereny. Tii ibutu inywo-di ratximyhyÿre.

12 Kaiboho Deuxu ijese my anadymyhÿde tahõrõ luunana mahãdukremy. Tai ruxetõena-di boibekre ixãwidina-di, inytyhyna-di, ywina-di.

13 Wii riwiõhenanymy rÿike. Wii riixãwididÿÿnymy rÿike. Inyõ adee aõmy rotyynykeki ixirawomy biijeranyke. Iwese Inynyrÿ araixãwidinyre wese iny biixãwidinyke.

14 Ibuturatyre wiluurenkemy kiadile kaiboho wiwana ibutumy boibeke iweselemy mohotinybenkemy.

15 Kristu ywina heka umyy-ki itxeredumy rarekre. Kristu hõrõ mahãdu sohojilemy mabeke. Tai tahe àlàna tamy biwahinybenyke.

16 Kristu rybe-di awo-ki mabehyymy mabekre idi watxireri. Wii bierynadÿÿnymy bitohonymahãbenkemy bederysyna-di. Deuxu-ò àlàna biwahinymahãke wiurybe-di, wiu-di Deuxu Tyytybytyhy wina-di. Mawinyke àlàna-di aworeny-ribi.

17 Ibutumy tuu marybekremy, ibutumy tuu botÿÿnykremy Wanyrÿni-ò, tuu botÿÿnykre Jesuisi Kristuni-ò. Inytyby dee àlàna biwahinykre, Deuxu-ò wahe.

18 Hãwyy! Kai ahãbu bityhynyke, Deuxu erysydÿÿna-di.

19 Hãbu! Kai ahãwyy luuke, idi tudõrenyõmy.

20 Uladu! Borybe, adirybe-wana bityhynyke. Kia tahe Inynyrÿdeewire.

21 Uladuse, uladutyby! Kai ariõre ikyaradÿÿõmy, bedewona-di aõkõ ratxikemy.

22 Deõdu mahãdu! Kai kabede-ki awedurybe-di ibutumy bityhynyke aõ idi retehererikile aõkõ, awedudeewi sohojilemy aõkõ, awo-ribi tyhy Inynyrÿdeewimy tuu botÿÿnyke.

23 Aõbo botÿÿnymahãke ibutu Deuxudeewimy botÿÿnyke. Hãbudeewimy aõkõ.

24 Deuxu-ribi aõwydÿÿna kanakre. Kristu-ò dori taaõmysÿdÿÿnymahãte. Adeereny rahetoõ riyrubunymy roimyhÿre.

25 Inyõ tahe aõbina riwinymyhÿkeki, ihewomy aõbinale ritake. Deuxu dori ibutu dee wiwese weselemy idi rotÿÿnymahãre.

4

1 Wedu mahãdu, kai eõdureny dee õbitimy idi ahãbenyke. Kai tahe tule awedu dire biu-ki. Kia nohõti losaõmy.

2 Bexitõenyhyymahãbenyke. Betehehybenyke. Bealàhyymahãbenyke.

3 Inydeereny kia bedexitõenykre. Deuxu rybe wihikÿ-ò iny dee hãwã witxira-ò kidiraynykre, Kristu inatyhynamy

arelyyrenykre. Iòraru-ki womati reroti nihikỹ-di watxiwāhāre.

⁴ Kia ritynynykre idi watxiwāhāre. Waaõmysỹdỹna kiemy dori ihỹre.

⁵ Biu ludu bedeerydỹna-di boibeke ityhydỹdukõdu mahāduy-ki. Aõwihikỹrybe bexitỹnykeki, turybelemy idi beake.

⁶ Arybe aõwi weselemy biyrubunyke, iwese rỹsỹna juwya-wana raurinymhỹrewi wesemy. Tai arawyõna ijõdikre tỹraxina-ò.

⁷ Txitxiò ibutumy waaõmydỹnanana adeereny relyykre. Tii waityhydỹdu seriõre waluumy rare. Tii rybedu òbiti iny-wana ratxireri.

⁸ Adeereny reteõnyreri waaõmydỹnanareny erydỹnamy awo deysadỹmy.

⁹ Onesimo heka tii-wana ariteõnykre. Tii tule òbiti ityhydỹdu seriõre ratxireri. Ahāwāreny yluduõ rare. Tiiboho kedelyydenykre ibutumy timybo wāhāremy.

¹⁰ Aristarku wawana ròtenawo-ki wāhāre. Tarybe adeereny diwahinyde. Marku adeereny tarybe tule diwahinyde. Tii Banabe exi rare. Markumy, warybe teeryte, adeereny rybe rewahinyre wahe. Tii adeereny kedehemynykeki, bidi-wìhenanyke.

¹¹ Josue-Justu ibutumy eryna rare. Jesuisi inityhy rare. Kaiboho sohojile tahe judeu mahādu-ribi iny-wana raaõmysỹdỹreri Deuxu òlõna òraru-ki. Tiiboho riwawìhenanyhyymhỹreny.

¹² Epafa tule aeryrenyõ rare tarybe adeereny diõde. Tii adeereny rexitõenytyhyymhỹre kaiboho Deuxudeewimy boibehykemy.

¹³ Jiarỹ reeryre tii adeereny tõemy ratximhỹre, tule Laodisia mahādu dee tule Ieryopoli mahādu dee.

¹⁴ Luka, tarybe diwahinyde. Tii ityhydỹ õhotibedu rare. Dema tule tarybe diõde.

¹⁵ Warybe wehityhyna biõke Laodisia ityhydỹdu seriõre. Ninfa-ò tule wehityhyna biwahinyke dohodỹna mahādu taheto-ki rỹireriwana.

¹⁶ Watyyriti-di dohodỹnaheto-ki rariakreu, idi tule Laodisia mahādu-ò biõkre tako-ò rariakemy. Tule watyyriti kowa-ò rewahinyre, wimyke amahāduko-ò rariarenkyre.

¹⁷ Arikipu-ò warybemy marybeke. Tii aõmysỹdỹnaõ ritare Deuxu-ribi. Kia-di tii ratxihykemyidi watxireri.

¹⁸ Kia tyyrity wadebò ritidỹna tyhy rare. Womati reroti-di rataataamy nadoimhỹderibi õhõtireny lusarenyõmy. Deuxu wohyna adee kanakemy idi watxiwāhāre. Paulo.

1 Tesalonia Mahãdu-ò Juhuu Tyyriti Tesalonia Dohodỹna Mahãdu-ò

¹ Jiarỹboho, Paulo, Sila, Tximòtxi-wana heka Tesalonia hãwã ityhydỹdu mahãdu-ò tyyriti ariwinyreny Deuxu ijoimy kaiboho toiteki. Deuxu wohyna, Deuxu ruxetòena heka Waha-ribi, Jesuisi Kristu Iòlò-ribi akirenykemy he wadee awire.

² Aõu aõu Deuxu deàlànamy adeereny rexitòenymahãre.

³ Atyhyna tiu inynohòti-ribi rosaõtyhy. Aluunareki dori Deuxu dee taaõmysỹdỹmahãte, Jesuisi Kristu iny Iòlò dehemynyna teraòteri.

⁴ Kaiboho, Deuxu luuna mahãdu, Deuxu iyreny my araijere.

⁵ Rybewihikỹ adee retỹnynynymahãre. Kia heka rybe sohojile aõkõ rare. Tii ruruna rare Deuxu Tyytybytyhymy. Erynatyhy teeryte. Iwese iny ako-txi ratỹnyreny wese, kaiboho teerytenyta. Aluureki dori kawesemy ratỹnyreny. Tai tahe iwese inyboho ratỹnyre wese tule kaiboho tatỹnytenyete. Tule Inynyrỹ-wesemy tatỹnytenyete.

⁶ Aõhõkỹmydỹnana hãrele heka kaiboho rybe-ò taholatenyete. Tii aradeysarenyre, aõhõkỹmy dỹnana-ki hãrele. Eysanareny dori Deuxu Tyytybytyhyribile namyhỹde.

⁷ Kaiboho tahe ityhydỹdu mahãdu wihikỹ toite. Ibutumy ityhydỹdu mahãdu heka awesereny roirekemy ratxirenyreri Macedonia bedeki, Akaia hãwãdỹna-ki tule.

⁸ Aeryna ibutumy hãwã hãwã rieryra Deuxu tetyhynyete, Macedonia bedeki tahe tule Grecia bedeki. Tahe kia-ò ixby boholabenykekõ dori rare.

⁹ Iny arora-ribi dehemynydeu inyko relyymyhỹre. Kaiboho asuritxoo deuxu-di tehutenyete tahe inatyhy Deuxu tetyhynyete, Deuxu iru wahe.

¹⁰ Iriòre biu-ribi kanakremy teraòmahãtenyete. Kia heka Deuxu rubu-ribi riixixanyré rare. Jesuisi sohojile heka Deuxu debure-ribi riwatarenykre. Deuxu dori òraruna òraru-ki sõwemy rakyaranynihikỹmyhỹre. Tule kia umy inydee relyymyhỹrenyre.

2

¹ Kaiboho teerytenyete arora-ò roirenyre, jiarỹboho Deuxu aõmysỹdỹna sõwemy rewinyrenyre.

² Jiarỹboho aõhõkỹmy ratỹnyreny Filiposi hãwã-ki. Tai tahe adee rehemynyre Tesalonia hãwã-ò wahe. Deuxu taruru diwahinyde. Tai heka jiarỹboho adeereny roirenyre Deuxu

ijyywihikỹmy arelyyrenykemy. Sõwemy inydeereny òbinadu rỹire.

³ Iny rybe-di tỹnydỹỹnareny inatyhymy rare. Inyboho òbitimy rõhõtinyrenyre. Jiarỹboho anaitxenanyrenyõtyhy.

⁴ Iwese Deuxu inydeereny riwateõnyre wese kialemy heka rarybeke. Aõbo insõwehekỹ deewimy aõkõ raryberenyre, tahe Deuxudeewimy. Tiile rieryre aõbo inywo-ki ratximyhỹ.

⁵⁻⁶ Tii rieryre iwese inyboho adeereny rarybemahãrenyre wese. Nieru tarasakemy aõkõ inyboho watzixirenyre rui-di raryberenyremy rybewihikỹ adee rewahinyõhyymy. Awowydyna, arybe wiwihikỹ heka inydee aõkõhyymy idi watzixirenyre. Ijõ iny-ribi tule aõkõ kia rybe idi watzixirenyre.

⁷ Jiarỹ tiu ararybeõmahãrenyre idi anierureny aritakemy. Kia ariwinyrenykeki tahe, tule awire. Inyboho dori Jesu-si Kristu deõdỹỹna inyboho ratxirenryeri. Tahe iu jiarỹ ayreny-ki raremahãu, aluurenyre. Iwese hãwyyõ tariõre riyrubunyre wese adireny watzimahãre.

⁸ Deuxu Rybewihikỹ sohojile aõkõ adeereny ariwahinykemy aõkõ, tule wabededỹỹnana tule adeereny ariwahinykemy watzixireri, aruruke adeereny, jiarỹboho sõwetyhymy aluurenyreki wahe.

⁹ Sõwetyhymy jiarỹboho raaõmysỹdỹỹnymahãre ayreny-ki raremahãu, tai tahe òwyõ aõkõ teõwynymahãtenyte. Rummy raaõmysỹdỹỹmahãrenyre, txummy tule. Tai ixiaõmysỹdỹỹnadile inyboho rỹimahãrenyre.

¹⁰ Jiarỹboho ayreny-ki òbitimy roiremahã. Aõhe inatyhy, waityhydỹỹdu seriõreboho. Kia teerytenyte. Deuxu tule ri-waeryre.

¹¹ Iwese tybyõ tariõre riywinyre wese, jiarỹ araywinyra, wariõre wesemy.

¹² Arãwiõhenanykemy adi watzixireri arateysadỹỹkemy. Warybe dohodỹỹna-ò boholabenyke. Tai tahe kaiboho Deuxudeewina-ki atxibenyke. Tule tii-wana masỹnybenyke taòlõna-ki, toosõna-ki.

¹³ Tai tahe àlana sõwemy Deuxu-ò rewahinyrenyre. Ayreny-ki raremahãu, Deuxu rybe tỹnydỹỹmy, kaiboho tetyhynytyhymahãtenyte. Deuxurybele taholatenyte. Tii heka inatyhy kia rare, Deuxu ijyytyhy wahe. Waityhydỹỹdu seriõre, Deuxu ayreny-ki ratximyhỹre.

¹⁴ Waseriõreboho, iwese Judeia ityhydỹỹdu mahãdu heka aõhõkỹmy rotỹỹnyre wese, kaiboho iwesele aõhõkỹmy tatỹỹnytenyte. Kaiboho aõwitxira witxira aõbina bina teòludunymahãte aõhõkỹmy dỹỹnana-ki. Abede ludu mahãdu tuu riwinyre. Iwese Judeia mahãdu heka judeu mahãdu debò-ki aõhõkỹmy rotỹỹnyre wese, kaiboho tule aõhõkỹmy

tatÿÿnytenyete.

¹⁵ Judeu mahãdu heka juhUU Deuxu rybedu mahãdu rirubunyrenyre. Jesuisi tule rirubunyre. Inyboho tule ribinadÿÿnykemy ratxireri. Deuxumy dòdu tiiboho roire. Ibutumy inymy òludu ratxireri.

¹⁶ Tiiboho iny ribinadÿÿnykemy ratximyhÿre, iny dori rybe tÿnydÿÿdumy inyboho ratxireri judeukòdu mahãdu-ò. Kia-di heka ijò òraruna tiiboho ributunyre. Deuxu tahe wiji tiiboho ribinadÿÿnykre. Ityrereny-ò Deuxu kyarana bededÿÿnana kedeseekre.

¹⁷⁻¹⁸ Waityhydÿÿdu seriòre, aribi irehemy watzireriu, awehityhyna sòwemy wadi ratxireri. Sòwemy adi aretehekemy watzireri ixityrele. Tiubo aroramy arake, Satanasi riwabinadÿÿnyra. Tahe aòkòre. Araòke.

¹⁹⁻²⁰ Kaiboho dori iny raròsonatyhy, inydeysana, iny biu-ò hena Inynyrÿ Jesuisi òraru-ki atxitenyete. Tii dori kanake. Kaiboho ixityhydÿÿnaò heka toimahãte.

3

¹ Ikonanau tahe reòludunyrenyòtyhy. Tai tahe ixisohojile Atena hãwã-ki rÿikremy watzireri.

² Tai Tximòtxi adee reteònyre, inyseriòre wahe. Tii heka wawanareny Deuxu aòmÿsÿdÿÿna-ki riwiòhenanyre Kristu Rybewihikÿ tÿnydÿÿmy. Adeeremy dori reteònyre aityhydÿÿna wiòhedÿÿmy.

³ Tai tahe bede jei jei òraru-ki, kaiboho ahewo-ò booseòtyhy. Kia ibutumy Deuxudeewina inydeereny rare.

⁴ Iu ayreny-ki rarewãhãu, kiamy rarybewãhãre aòma adeeremy aòhòkÿmy dÿÿnana kanake. Kiale tahe inatyhymy nade.

⁵ Tai tahe Tximòtxi reteònyre, omy arierykemy timybo aityhydÿÿna-ki tatÿÿnytenyete. Satanasi òsana waaòmÿsÿdÿÿna ayreny-ki ribinadÿÿnyre. Aòkòre, tii Deuxu aòmÿdÿÿnana ribinadÿÿnyòtyhy.

⁶ Tximòtxi heka Tesalonia hãwã-ribi ròðsera. Ijyy Wiwihikÿ tahe raholara. Aityhydÿÿna aluuna wana raumynyre. Tule tii relyyre iwese kaiboho awehityhyna dire inyluure wese. Wadeysamy watzireri, waseriòreboho, aòraru-ki.

⁷ Waaòhòkÿmy dÿÿnana hãrele heka wadeysamy watzireri, aityhydÿÿna awireki wahe.

⁸ Kaiboho awimy matxibenykeki, awimy jiarÿ watzimahãre, warumy watzimahãre.

⁹ Aòraru-ki tahe Deuxu-ò àlàna rewahinyre. Deuxu-ki tahe wadeysamy watzireri.

¹⁰ Rummy txu-wana adeeremy arexitòenykre arora-ò arake, aityhydÿÿna wiòhedÿÿmy wahe.

11 Deuxu Inytyby, Jesuisi Kristu Inynyrÿ-wana riwawiòhenanykemy idi watzireri arora-ò arake.

12 Wiluummy ibutummy ityhydÿÿdu mahãdu luummy idi watzireri. Iwese aluure wese wiluuke.

13 Tii inydeereny ruruna riwahinykemy idi watzireri. Òbitimy tahe rakatzirenyke Deuxuko-ò, Inytybyko-ò. Inynyrÿ Jesuisi kedehemynykreu, tamahãdu-wana, tai iny imahãdule rakatzirenykre.

4

1 Waityhydÿÿdu seriòre, timybo òbitimy ahãbenykemy rebe-deerynyre Deuxudeewina wahe. Iratyre tahe arexitòenykre Inynyrÿ Jesuisi òraru-ki, òbitityhymy boibenybekemy. Kia tahe teerytenyte.

2 Jesuisi bedede erydÿÿna heka adeereny rewahinyrenyrene. Kia teerytenyte.

3-4 Kia tahe rare. Òbitityhymy ahãbenyke, òta òtarenymy. Iny sohoji sohoji òbitimy ahãwyy-wana matxibenyke.

5 Iwese ityhydÿÿdukõdu mahãdu riwinyre wese aõkõ idi ahãke. Tii dori Deuxu rierykõrenyrene.

6 Tuleke kia aõmydÿÿnana-ki iny sohoji sohoji aityhydÿÿdu seriòre ibinadÿÿomykemy. Iwese rarybere wese ixityre ararybekre. Inyõ kia aõmydÿÿnana riwinykeki, debure bededÿÿnana tii ralòke.

7 Òta òta aõmydÿÿnana aõkõ Deuxudeewire, òbitina aõmydÿÿna tamywire.

8 Inyõ kia bedede erydÿÿna rityhynyõkeki, Deuxule heka tii rityhynyõre, hãbu bedede erydÿÿna aõkõ. Deuxule Tatytybytyhy inydee riwahinyrene.

9 Kaiboho aityhydÿÿdu seriòre mahãdu luurenyrene. Tai ixyby kia adeereny ariritinyõtyhy. Deuxu dori araerynanyrenyrene timybo wiluummy boibekemy.

10 Kia luuna-di tahe ibutummy Macedonia hãwã hãwã mahãdu luummy. Ihãrele tahe waseriòreboho iratyre wiluummy.

11-12 Ywina-di wi-ò wi-ò boibeke. Aaõmysÿdÿÿna-di iximynamy boibeke. Tai ibutummy ityhydÿÿdukõdu mahãdu umyreny robikreu anatyhynyrenykre. Tai tahe ijõ iny aaõmydÿÿnana ixi-di nokõmy. Ixisohojilemyta ixi-di maaõmysÿdÿÿnyke.

13 Waseriòreboho araerynanykre rubu mahãdu aõmydÿÿnanamy. Tai ijõ inywese mahinybenyõke, bobubenyõke. Tii dori raròsõna-di aõkõ ratxirenyrene

14 Kristu heka rubummy roire ribile rexixare. Kia tahe rityhynyrenyrene. Kiawesele tii-wana heka Deuxu taityhydÿÿdu mahãdu kididyke, rityhynymy rurure mahãdu tule.

15 Inynyrÿ riwabedeerynyrenyre kiamy: inyboho irumy ratxikeki kiatrixu juhuumy timy inorenykõna. Rubu mahãdu tuukre.

16 Tahe ÿju wedu juhuu rarybekre. Deuxu jurõna-di ritxurõnykre. Idi Inynyrÿ kodobehekre biu-ribi. Juhuu ibutumy ityhydÿÿdu rubumy rÿira riumynykre, riumywitxiratÿmyranykre, riixixanyrenykre.

17 Tahe ibutumy inyboho irumy rÿira mahãdu heka Inynyrÿ-wana ributunynyrenykre biu-ki. Tai tiiwanahyy roirenyre

18 Kia rybe-di wii beysabenyke.

5

1 Ityhydÿÿdu seriðre, tiubo kia ibutumy aõhebo rotÿÿnykre. Kiamy adeeremy ariritinyõtyhy.

2 Rumy wasidu wesemy kia txu kanakre. Kia teerytenyete. Ibededÿÿnana iny rieryõtyhy.

3 Inyõ rarybekeki: —Ibutumy awire. Ibutumy ywina-di ratxireri. Kiatxuu kedexihukre. Inyõ rahenyõtyhy. Iwese hãwyy txuberere wese, uladu ijera iòhòreu kia rare.

4 Kaiboho, waseriðreboho, tetyhynytenyete tai kiatrixu adeeremy bede òtiidÿÿ aõkõ rarekre. Kaiboho dori kia teerytenyete, wasidu wesemy kanakemy wahe.

5 Inyboho ibutumy txuu mahãdu atxitenyete, loosõna mahãdu wahe. Bedeluruhukÿ mahãdu aõkõ inyboho ratxireri.

6 Tai tahe røkõrõnyõtyhy. Bexixabenyke. Ijõ iny wese aõkõ atxibenyke. Betehebenyke.

7 Rumy ibutumy iny rõrõmyhÿre. Tule kiau ibutumy riõmyhÿre, axaxaluudu mahãdu wahe.

8 Inyboho tahe iximy rekexiòbitidÿÿnyke ywina-di. Ityhyna, luuna-wana heka iny òrarunareny itxena wesenamy rik-itidikre. Tarasana tahe inyratiywina wesena rare, tarasana rarõsõna wahe.

9 Debure bededÿÿnana-ò aõkõ inyboho ralõõtyhy. Deuxu aõhõkÿmy dÿÿnana kia Deuxudeewina aõkõ rare inydeeremy. Biu-ò hena-ò tahe inyboho ralõrenykre Jesuisi Kristu Inynyrÿ òraru-ki.

10 Tii dori inydeeremy rurure. Tai tahe tii-wana rarehyummy rÿikre irumy ada rubumy iny ratxirehãre.

11-13 Kiarybe-di widee beysadÿÿnymahãbenyke. Deuxu rybe tÿnydÿÿdu mahãdu biwiðhenanybenyke, bityhynybenyke. Kia tahe wadee awire. Tii dori awiðhedÿÿdu ratxireri Inynyrÿ òraru-ki. Ibutumy widee òbitimy atxibenyke, tii Deuxu deòdu rareki.

14 Tule adeereny ijõ dohodỹnaõ aratohodỹnykre. Iehehe mahãdu biòbitinybenyke. Ityhyna kyhynakõ mahãdu bikyhy-nanybenyke. Ibutumy widi atximyhỹbenyke.

15 Inyõ aõbinamy adee rakeki, ixiòwydỹõmy. Ywina-di tamy bisỹnyke.

16 Beysahyybenyke.

17 Ixitòedỹhyummy boibehyybenyke.

18 Ibutumy bealàmahãbenyke. Kaiboho dori Kristu ijoi atx-itenyte. Kia adeereny Deuxudeewinare.

19 Deuxu Tyytybytyhy-ò boholake, awo-ki arayky-ki tii ratxire.

20 Deuxu dee rybedu mahãdu awire irybe awire. Ibinamy aõkõ tai marybebenyõtyhy.

21 Ibutumy biurihibenyke. Aõbo awirele tahe idi bimyyke.

22 Ibutumy òraruna-ribi irehemy atximahãbenyke.

23 Deuxu heka ywina rare. Tii araòbitidỹnytyhyke. Adeereny rexitòenyre. Araykywydyna, õhõtiwydyna, aumy-wana ibutumy raywidỹmy ratxike idi watzireri. Jesuisi dori eleelemy kodobehekre.

24 Tii kia ibutumy juhoo rarybere wese, tii adeereny ri-winyhyykre.

25 Waityhydỹdu seriòre, inydeereny bexitòenybenyke.

26 Deuxu deysana òlusò-di wii birybebenyke.

27 Wadee boholake Inynyrỹ òraru-ki. Kia watyyriti heka ibutumy ityhydỹdu seriòre roholakemy watzireri. Idi mari-ake.

28 Jesuisi Kristu Inynyrỹ ruxetòena heka adeereny ratx-imyhỹkemy idi watzireri. Kie.

2 Tesalonia Mahãdu-ò 2 Paulo Ryberiti Tesalonia Hãwã-ò

¹ Paulo, Sila, Tximòtxiboho-wana tyyriti rewahinyrenyre Tesalonia dohodỹna mahãdu-ò. Deuxu Inytyby, Jesuisi Kristu Inynyrỹ ijoi toiteò.

² Wiòhedỹna, ywina-wana adeeremy kanakemy watzireri Deuxu Inytybyreny-ribi, Jesuisi Kristu Inynyrỹreny-ribi.

³ Inyseriòreny, Deuxu-ò adee reàlamahãrenyre. Kia tahe awi rare. Kaiboho aõu aõu texityhydỹnytyhymy atximahãtenyteki, ityhydỹdu seriòre wiluuna-di iluutyhymy teletenyteri.

⁴ Tai heka ijõ Deuxu dohodỹna heto-ki aõwiihikỹmy umy rarybemahãre. Kaiboho dori aõwitzira witzira aõbina bina teòludunymyhỹtenyete, aõhõkỹmy dỹnana-ki ixiwesehyymy toitemahã ire tetyhynytyhymahãtenyete.

⁵ Kiawesele Deuxu aõna aõna òbitimy riwinymyhỹre. Kaiboho Deuxu teywinytynyteri Iòlòna-ò malòbenykremy, aõhõkỹmy tatỹnytynyteriki wahe.

⁶ Deuxu, tiiboho aõbina bina-di riòwinyrenykre, aõhõkỹmy dỹnana dori adeeremy riwahinyreki. Kia tii òbitimy ròhõtinyre.

⁷ Biu-ribi Inynyrỹ Jesuisi tarurunareny ýju-di kodobehyekreu, aõhõkỹmy dỹnana-ribi elehyna adeeremy, tule inydeeremy Deuxu kidiwahinykre.

⁸ Heòtyloona-di tii kanakre riòwinykremy Deuxu rieryõmy rỹira mahãdu dee, tule Inynyrỹ Jesuisi Rybewihikỹ riywinyõmy rỹira mahãdu dee.

⁹ Kia mahãdu aõu aõu aõhõkỹmy rotỹnykre Inynyrỹ òsỹnỹ-ribi iteòdỹna-ki taruruloosòna-ribi.

¹⁰ Tii kanakre tahe ibutumy ijoi mahãdu tamy làhàna riwahinykremy. Ribedeòtiidỹnyrenykre ibutumy taijoi dee aõmydỹnana riwinyreki. Tetyhynymahãtenyete, Deuxu rybe dori jiarỹboho adeeremy rewahinymahãreki.

¹¹ Kaiboho iwese Deuxudeewimy rarekemy boibeke. Tai tahe adeeremy rexitòehyymahãrenyre. Deuxu ruruna-di atyhydỹna-di sòwemy aõwiihikỹ riwinykemy idi watzimahãre.

¹² Tai tahe ibutumy Inynyrỹ Jesuisi Kristu nimy sòwemy beàlamyhỹkemy. Tii loosòna adeeremy riwahinykemy watzireri. Kia Deuxu dee, Inynyrỹ Jesuisi dee awi rare. Wiòhedỹna iribi bitabenyke.

2

1 Waseriòreboho, Inynyrÿ Kristu òkesenamy iximy iny ritakemy adeeremy warybe ariwahinykre. Inyõ rarybekeki Inynyrÿ òkesena txumy rehemynymy rÿire, kia rybe-di iòtiidÿÿõmy.

2 Inyõ rarasinykeki, Deuxu-ribi ijyy ritakeki, urile ityhydÿÿrenyõmy. Inyõ waribi tyyriti itarasamy rarybekeki, ityhydÿÿrenyõmy.

3 Inyõ aitxenadÿÿõmy boibeke. Ityhydÿÿdu atysyna nihikÿ juhuu kanakre, idi tahe kia txu kanakre. Juhuu hãbu ibinatyhy kedexideòsinykre. Heòtybedeluduõ tii rare.

4 Tii ibutu Deuxumy òludunadu rarekre Deuxumy iny rininire mahãdu wahe. Ibutumy àlàna aõmydÿÿnana riatykre. Deuxu dohodÿÿna hetowo-ò ralore tahe Deuxu weselemy ronykre. Iximy rarybekre tii Deuxu raremy.

5 Tuu heka adeeremy rarybere, akireny raremahãu, òhõtireny aõbo itxi rearenyõra?

6 Ibededÿÿnana raòbitikre xiery, kanakre. Deuxu ruru dori rimymyhÿre. Kia tule teerytenyte.

7 Iaõbinahakÿ aõmydÿÿnana inyy-ki ratxireri. Tii tyhy wiji kanaõkre. Imynydu iribi rexitare xiery, tahe tii kanakre.

8 Taile tahe hãbu ibinatyhy kedexideòsinykre. Inynyrÿ Jesuisi kanakreu, tii tuu kidirubunykre taryeledile.

9 Juhuu tahe kia hãbu Satanasi deòdu tahe iruru-di kedehe-mynykre. Aõna aõna wiwihikÿ widÿÿmy ròitxenadÿÿreri.

10 Inyõ sõwemy riitxenanykremy bededòbydÿÿ wesemy. Ityhydÿÿdukõdu mahãdu tii riitxenanytyhykre. Tiiboho dori inatyhyna rybe rityhynyõmyhÿre, tuuõmyhÿre, tai rexirutaõrenyre.

11-12 Deuxu dori rilawere tuu rityhynyrenykremy ibinare hãrele. Kia ruina rityhynyrenykre, tai Deuxu rihitxidÿÿnykre inatyhyna rityhynyõreki, taòrarudÿÿna luureki.

13 Deuxu tahe juhuutyhylemy aratarenyre, waseriòreboho. Biu-ò hena adeeremy riwahinyremy inatyhyna tetyhynytenyteki. Deuxu Tyytybytyhy aralyradÿÿnyrenyre. Tai, Inynyrÿ luuna mahãdu, Deuxu mahãdurenymy belebenykemy atximahãtenyte.

14 Deuxu adeeremy Rybewihikÿ diteònyde. Inyboho tahe ijyydumy roire. Iny òrarureny-ki tahe Inynyrÿ Jesuisi Kristu loosòna bitabenykremy idi toite.

15 Kia ibutumy, waseriòreboho, itxi òhõtireny reake. Aõmybo araerynanymahãre kowa-ki raremahãu, tule watyyriti-di rebedeerydÿÿnymahãrenyre, idi mohõtinytyhybenyke, òbitimy idi boibeke.

16-17 Inynyrỹ Jesuisi Kristu Deuxu Inytyby, luuna luuna, wiòhedỹña, raròsòna sòwemy inydeereny diwahinyde. Inyboho aòhyyemy aòkò roire. Iribireny raybidina adeereny kanakemy watzireri. Tule umy kanawiòhenanykemy watzireri ibutumy aòhe botynyke, marybemahãbenyke.

3

1 Watyryiti-di konanamy tahe adeereny ararybekre. Waseriòreboho, inydeereny bexitòenyke. Inynyrỹ rybemy araryberenykemy, inywitzira-ko arelyyrenykemy, tule Inynyrỹ rybe-di iwese rybe ayreny-ki aòwiwihikỹmy raremyhỹ wese.

2 Tule bexitòenyke kia iny iehehe-ribi arexitarenykemy. Ibutu iny dori inatyhyna rityhynyòreri.

3-4 Tahe Inynyrỹ òbiti rare tii arawiòhenanykre. Tii ararurudỹnykre kia reeryre. Satanasi-ribi arayrubun-nyrenykre. Tahe, aòmybo reerynadỹnyre wese kaiboho aòhebo tatỹnytenyterimy heka adireny watzimahãre tule kia wesehyyle rakatzirenyke.

5 Inynyrỹ-ribi Deuxu luuna, Kristu itxòmotxina bede erynahakỹ adeereny kanakemy watzimahãre.

6 Kia Jesuisi Kristu Inynyrỹ bede ywina wese rare adeereny ararybekremy. Waseriòreboho bexiweresynyke iny deoruxere-ribi, ibutumy iny waerysydỹña roholaòre mahãdu-ribi, tii ityhydỹdu mahãdu hãrele.

7 Ayreny-ki roiremahãu, raaòmysỹdỹhyhyyemy roiremyhỹ. Tai kaiboho teerytenyete iwese mabekemy.

8 Tiu iny witzira rỹsỹna rerỹsỹrenyòhyyre, iòwyòmy. Txuu ruwana raaòmysỹdỹre waaòna aòna òwydỹmy. Tai tahe adeereny isiramy aòkò ayreny-ki jiarỹ raremyhỹ.

9 Inyò-ribi rỹsỹnaò arirỹsỹmahãkeki, kia tahe ibinamy aòkò rare, jiarỹ Deuxu rybemy rybedu-ki wahe. Tahe aòkòre urile rexideòsinykemy rerỹsỹòmahãrenyre. Iwese aòmysỹdỹña awirewesele umy reerynanyrenyre.

10 Tai rarewãhãu kia bede ywina rewahinyre: —Iny raaòmysỹdỹòmyhỹre riroxiòtyhy.

11 Jiarỹ raholawãhãre iny deoruxeretyhy-ò ayreny-ki ratximyhỹrenyre, tiiboho aòmysỹdỹ derarenyre, urile raujòmomyhỹrenyre.

12 Jesuisi Kristu Inynyrỹni-di tamyreny ararybekre rayruburenkemy, raaòmysỹdỹrenykemy ixideereny.

13 Tahe adeereny, waseriòreboho, ararybekre. Aòwiwihikỹ widỹ-ò ixirarenyòmy.

14 Inyò ka waryberiti riywinyòkeki, mobo tii rare bierybenyke tahe kie-ribi irehemy biijeke, tai tii raixỹrukemy.

¹⁵ Urile tii aòludumy aõkõ ratxireri. Aseriòre wesemy tamy marybeke. Biijemy idi ahãke.

¹⁶ Inynyrỹ ywina wedu rare. Tii adeereny ywina ibutumy aõmydỹnana-ki kidiwahinykemy idi watxireri. Inynyrỹ awanareny ratxikemy idi watxireri.

¹⁷ Kia konana warybewehityyna jiarỹle ariritinykre wadebò-di. Ibutumy waryberiti-ki rỹire wese kawesele wani retidire. Paulo.

¹⁸ Jesuisi Kristu Inynyrỹ wiòhena ibutumy adeereny ratx-
imyhỹkemy idi watxireri.

1 Tximòtxi-ò Paulo Juhuu Tyyriti Tximòtxi-ò

¹ Jiarỹ Paulo watxiwãhãre. Jesuisi Kristu deòdỹyna watxiwãhãre. Deuxu iny tarasadumy riwateònyre, tule Jesuisi Kristu Inynyrỹ riwateònyre. Tii tahe inyararòsònareny rare.

² Katyyriti adee rewahinyreri Tximòtxi. Kai inatyhymy wariòre wesemy atximyhỹte ityhydỹỹdu mahãduy-ki. Tahe Deuxu-ribi Jesuisi Kristu-ribi luuna, ywina, ruxetòena, adee kanakemy watrixeri.

³ Jiarỹ Macedonia-ribi rareu, adee warybe rewahinyre kai Efesu hãwã-ki mabekemy. Kia adiwahinyde warybe tamy kia beòbykemy; kowa dori inyò Bede ywina tyyriti wixiramy ròerydỹỹnanyre riki.

⁴ Ihetxiu ijyymy heka rusake kiawesemy heka kai tamyreny marybekre. Talahi talabie òraruòraru-di he ròhòtinyòhyymyhỹkre. Kia aõna aõna tahe rybenatyhytyhyre. Kia aõna aõna iny lahi òraru rybena-di ixinohòtidỹỹòmy. Kia ityhydỹỹnadile kanakre.

⁵ Kia wiluuna tahe inywolyrahakỹwo-ribi ròhònymyhỹre, iny raykylyrahakỹ wo-ribi, iny ityhydỹỹnatyhy-ribi.

⁶ Kia aõna aõna wihikỹ-ribi iny rexixãwididỹỹnyre. Tai tahe aõmybo rarybemyhỹre heka rieryòhyymyhỹre. Aõtyhymy aõkò wídee rarybemyhỹrenyrene.

⁷ Bede ywina tyyriti erysydỹỹdu wesekemy rexi-nohòtinymyhỹre, tahe rieryòhyymyhỹre aõmybo raremy. Aõmy rierynanymyhỹrenyrene tahe timybo ihỹremy rieryòlemyhỹrenyrene.

⁸ Katahe inyboho rieryrenyrene. Inyò bede ywina tyyriti òbitimy rityhinykeki, Bede ywina tyyriti heka awi rare.

⁹ Inywihikỹ-ò heka tiu bede ywina tyyriti riwahinyòhyymyhỹre. Inybina binaòle iwahidỹỹna rare, iny òrarudu-ò, iny ityhydỹỹdukòdu mahãdu-ò, iny aleerydu-ò, iny tadi tyby-wana rirubunymyhỹre mahãdu-ò.

¹⁰⁻¹¹ Kia iny-ò bede ywina tyyriti rỹimyhỹre. Ibutumy bina bina widỹỹdu-ò. Bede ywina tyyriti rỹimyhỹre ka mahãdu-ò: inydỹỹwe mahãdu dee, taòtaòta wixiramy òtadu mahãdu-ò, inywasidỹỹdu-ò, ruidu mahãdu-ò. Deuxu ijyy tỹmyra wihikỹ dee wiòkeki, tii aõna aõna riwinykeki, tamy. Deuxu bede ywina tyyriti roimyhỹre. Deuxu bedeerydỹỹna òbiti aõkòreki, Deuxu wiwihikỹ loosònadewimy aõkòreki kia erysydỹỹnadu jiarỹ rare.

¹² Jesuisi Kristu, iny wedu waruruixiòlòdǎyǎdu rare. Jiarǎ tamy wawimy raremyhǎ. Tai tarybe-di wiòhedǎyǎdumy riwatare. Kia-ò Jesuisi Kristu heka jiarǎ rewowydynyre.

¹³ Juhuu jiarǎ tuu rarybere. Ityhydǎyǎdu mahǎdu-ò wadeburemy rarewǎyǎhǎ. Tule Jesuisi-ò wedeburemy rarewǎyǎhǎ. Tahe wadee raruxetòenyrenyre. Tahe ibutumy kia reerykòlemy rewinyimy raremyhǎ, retyhynyòlemy rewinyimy raremyhǎki.

¹⁴ Inywedu sòwemy wadee raruxetòere. Tii riwasǎny ixilu-uwehikǎkemy, rikityhynymyǎhǎrenykemy.

¹⁵ Jesuisi Kristu kabede-ò dobehede òrarudu ritakemy. Ka rybe heka inatyhy rybe heka rare. Jiarǎ heka òrarudutyhy nihikǎ rare.

¹⁶ Iurenanamy tahe tii riwaruxetòenyre. Tiu heka waki rexiraòre. Tii riwateòsinyre juhuu ityhydǎyǎdu wesemy. Ityhydǎyǎdu mahǎduò-ò itxerenamy, iwese tii mahǎdu kidityhynykremy. Tai umy tuedekòdu mahǎdu-ò ralòkemy.

¹⁷ Beàlamahǎbenyke Deuxu-ò. Tii heka bededǎyǎnana tuedeòdu hukǎ Iòlò rare. Tii lobixina aòkò rare. Tii sohojile rare. Beàlamahǎbenyke aòu aòu, wowydyna tamy biwahinyke. Kie.

¹⁸ Ka inatyhymy rybemy adee ararybekre Tximòtxi —kai dori wariòre wesemy tate. Kia rybe heka ihetxinarybe wesele rare. Deuxu aratareu, kia biyrubunywihikǎke. Besuke arurutyhymy aòbo òbitimy ratximyǎhǎre wihikǎ-ò.

¹⁹ Aòhewe òhòtiwydynawimy mabekre. Bityhynymy mabekre. Inyò heka idi ròhòtinyrenyòra, tai reserenyra ityhydǎyǎ-ribi.

²⁰ Ijò Imineu inire, Alexǎdre ijòre. Jiarǎ rewahinyre Satanasi-ò, Satanasi bedeburana tamyreny riwahinykre. Tii-boho rybebinamy tii Deuxu-ò rarybeòtyhy.

2

¹ Delemy kamy ararybeke: Àlàna sòwemy idi rawahinyke, ibutumy iny-ki bexitòtenykre.

² Iòlò dee, ibutumy dinodu dee tule bexitòenykre. Tamyreny biixitòedǎyǎnanyimy Deuxu-ò, tule Deuxumy beòbykemy, tai ibutumy iny iworana bedehesimy rǎyikre. Deuxumy iny ròkòhòtinyrenykemy idi òbitimy tamy rokoirekemy.

³ Kia wese awire Deuxu dee.

⁴ Deuxudeewimy ibutumy iny ritakemy raerykemy tibo inatyhy raremy.

⁵ Deuxu sohojile rare iny-ki rybedu tule sohojile rare, Deuxu-ò iny mahǎdu tii sohojile kia riwinyre. Tii hǎbutyhyhykǎ rare. Tai tahe tii tiò rare, Deuxu, iny mahǎdu-wana widee ributunykemy, Jesuisi Kristu wahe.

6 Jesuisi rexiwahinyre ibutumy iny òraruna òwydỹmy. Tii heka riòwinyre sohojihyylemy. Kia heka tiiehyymy deòsidỹmy rarekemy. Tiu iny mahãdu rahenykemy Deuxu rexinohõtinyre.

7 Jiarỹ heka imynynamy riwamyre kia rybe-di arelyykremy. Tule jiarỹ rybe-di dohodỹdukremy riwamyre iny wixira bedeerydỹmy judeukõdu mahãdu wahe. Kia raerykemy tibo inatyhy raremy. Kia dori inatyhy rare.

8 Ibutumy dohodỹna hetowo-ki ibutumy rexitòenyre rexi-tyhynomy. Ujòmomomy rõhõtinyomy aõkõ.

9 Hãwyy uritere ixidi nohõtityhyõmy ixiaõmydỹnadỹmy urile ywilemy ixidi rõhõtinykemy. Hãwyy ityhydỹdu ixiy-widỹna tahe tyywihikỹ aõkõ, iradesihodỹtyhy aõkõ, de-orutylududike aõkõ.

10 Urile tahe iyrubukemy Deuxu-di rõhõtinyke tamy aõwihikỹ riwinykre.

11 Hãwyy ityhydỹdu mahãdu ròeryrenykre yrubu-ki.

12 Jiarỹle heka hãwyy ariwahinyõtyhy hãbumy hỹnakemy, hãbu erydỹdukemy tule tuu areònyke aõkõre, hãwyy heka urile iyrubumy rỹike.

13 Adaõ heka Deuxu juhule riwinyre idi Eva riwinyre.

14 Tule tahe Satanasi Eva juhuu riitxenanyre, Adaõ aõkõ tai raòrarunyre.

15 Hãwyy uladu reakeule rexitake. Idi ròtyhydỹmy. Inlyu-umy idi rexiyhynekreki.

3

1 Kia rybe inatyhy rybe rare: –Inyõ dohodỹdu dinodumy rarekeki. Kia heka rexiburemyhỹre aõwihikỹmy ratximyhỹre.

2 Tahe rybe-di dohodỹ aõmysỹdỹdumy ralòkeki, tii heka òbitimy rareke, tahãwyy sohojidile, rexiyhyhynomy rarekemy, iny inatyhy, iny aòraru rarekemy, erynadỹdutyhymy rarekemy.

3 Tii heka iaxaxa luuõre aõbina lumy aõkõ rare tule iyrubure. Tahe tule iaõmy nohõtidu aõkõre.

4 Tii heka taijoimy reònymyhỹre, tariõre rierynanywi-hikỹmyhỹre ixirybe rityhynkemy.

5 Inyõ tahe taijoi reònyõkeki, Deuxu aõmydỹna-di òbitimy raaõmysỹdỹõtyhy.

6 Tii ityhydỹdu tỹmyra aõkõmy rarekemy. Raxiwedenymy rarekeki tahe urile Satanasi alòsena-txi tii reseke.

7 Ihãrele tahe ityhydỹdu mahãdu aõkõ rare ihỹre, awimy tuu rarybemyhỹre. Tuu heka raujõmorenyõtyhy tule tii Satanasi ireitidisi-txi reseõtyhy.

⁸ Tule dohodỹỹdu wiòhedỹỹdu mahãdu, kiawesele rarekemy. Tii tule òbitimy rarekemy irybe òkese òkese aòkõ, iaxaxaluu aòkõ rare, tule aõna aõna sòwemy nohõtudu aòkõ rare.

⁹ Iny inatyhydỹỹnareny òbitimy tuu rotohodỹỹnananyhỹrenyke, tarayky òbiti-di.

¹⁰ Tule kia wesele raurihikre. Iribi òbitimy ròhònykeki, tai dohodỹỹdu wiòhedỹỹdu mahãdu-ò ralokre.

¹¹ Ihãwyy tule òbitimy rarekre. Ujõmodumy aòkõ rarekre, iyrubukemy, urileta rexityhynomy rarekemy.

¹² Tule dohodỹỹdu wiòhedỹỹdu mahãduõ ihãwyy sohodidilemy rarekre. Tariõre, taijoi-wana reònymyhỹkre.

¹³ Kia mahãduõ Deuxu aòmaysỹdỹỹna òbitimy riwinymyhỹreki, inatyhymy tii iny rityhynyke. Tai Deuxu aòmỹdỹỹna tii riòbitinykre ibutumy inydee.

¹⁴⁻¹⁵ Aroramy jiarỹ wylemy arakemy watzireri. Aòkõkeki urile warybe ritina adee rewahinyreri. Kia warybe-di bierynanybenyke aõhebo ityhydỹỹdu mahãdu warybe-di rotỹỹnykemy. Ityhydỹỹdu mahãdu Deuxu ijojio rare. Inatyhy rybe yrubudỹỹdu rare.

¹⁶ Iny tyhydỹỹnareny awi tyhytyhy rare. Kia wese rare: — Jesuisi heka hãbu wese nade. Tii Deuxu Tyytyby-di òbitimy rityhynyreu, ýjureny tuu robirenyre. Taaòmỹdỹỹnanarenymy ibutu bedede bedemy relyyrenyke. Sòwemy iny rityhynyrenyke. Roosere biu botorahakỹ-ò.

4

¹ Deuxu Tyytyby rarybera: —Ihewoladu bededỹỹnana txuu hãbu tyytybybina rybe-ò roholakre. Tai iny tyhydỹỹnanareny ririkre.

²⁻³ Tahe ruina rybe rityhynyre, hãbu aõmy nohõti erykõ rybe-ò. Kia heka hãbu raerynadỹỹmyhỹre uritere hãwymy heriõmykremy, ijõ rỹsỹna aõtxi irỹsỹòkremy. Kia rỹsỹna iny rirỹsỹke Deuxu riwahinyre. Juhuu àlana Deuxu-ò rawahikre.

⁴ Kia heka ibutumy Deuxu riwinyre awire. Aõ aòkõ heka awiõre. Deuxumy beòbyke, kia tahe ibutumy awike.

⁵ Ixitòedỹỹna Deuxu rybe kia ibutumy awimy risỹnyke.

⁶ Kai heka ityhydỹỹdu mahãdu bierynanykeki, kai heka Jesuisi Kristu aòmaysỹdỹỹdu mahãduwiihikỹõ tate. Kia inytyhydỹỹnareny erydumy mabekre.

⁷ Kai ihetxiu nohõtividỹỹna ijyy bityhynyõtyhy. Marurunymy mabeke Deuxu aòmaysỹdỹỹnana-ò.

⁸ Aumyruru urihimyoõmy idi mohõtinykre, atyytybywi-di tahe kia idi sòwemy mohõtinykre kai kabede-ki adeewikre tule tiu bedede-ki awikre.

⁹ Kia rybe heka òbiti rare. Ibutumy iny rityhynyke.

¹⁰ Inyboho raaõmysÿdÿÿnymyhÿre inatyhymy. Deuxu dori iny rityhynyre. Tii ibutumy iny tarasadu ratximyhÿre, ityhydÿÿdule tarasadure.

¹¹ Kia warybemy bierynanybenyke.

¹² Iny aratyhynyõkeki kai matuari aõkõ tateki, tai ityhydÿÿdu wihikÿ mabekremy bexityhynyke. Tai tahe arybe-ò aratyhynykre aityhydÿÿna, aluuna, õbitina òraru-ki wahe.

¹³ Adehemynykre kotyre, Deuxu rybe-di mariakre dohodÿÿna heto-ki, idi belyykemy mabekemy tule bierynanykemy.

¹⁴ Uritere nohõti lusaõmy kai erydÿÿdu wihikÿ tatemyhÿ. Dohodÿÿna matuari mahãdu debõtìdina-di arateònyrenyreu, wahisidÿÿna weseõ tetate rybe-di tÿnydÿÿna òraru-ki.

¹⁵ Kia aõmydÿÿnanamy mohõtinywityhymyhÿ. Ixidile bexiywinytyhymyhÿke bedede erydÿÿnana-di tule bexiywinytyhymyhÿke.

¹⁶ Tai kai òraru-ribi bexitake tule aijohonana-di òraru-ribi bitakre.

5

¹ Matuari ityhydÿÿdu mahãdu-ò ywimy aõki tamy marybemyhÿke, bowese idi atximahãke Weryrybò mahãdu, aseriòre wesemy bitohodÿÿnyke.

² Senadu mahãdu adi wesele bierynanykre. Ijadòma mahãdu aseriòre wesere ibutumy òbitilemy biywinykre.

³ Inatyhytyhy wytese mahãdu kai bityhynykre iòsÿnÿ biywinykre.

⁴ Iriòredikeki, iriòkòredikeki, juhuu iriòre bierynanyke imahãdule òbitimy biwiòhenanyke idi watxireri. Kia dori Deuxu dee awire.

⁵ Wytese mahãdu ixisohojilemy rasÿnymyhÿre iriòrekõkeki, Deuxu-ribi aõna aõna riraõmyhÿre. Deuxu dee sòwemy rexitòenymyhÿkemy.

⁶ Kia tahe wyteseõ òraruna luukeki kia tahe irulemy ratximyhÿre hãre rubu rare.

⁷ Tximòtxi, kia bedede ywina tahe rewahinyreri urile wytese mahãdu òwe òweõmykremy bibedeerynanykre.

⁸ Inyõ juhuu tasÿreny dee idi aõna aõna taijoi dee kanawyõkeki, tii ityhydÿÿdukõdu mahãdu ratyre rabinare. Tii ityhydÿÿdu mahãdu wese aõkõ dotÿÿnymyhÿde.

⁹ Wytese tÿmyrani tyriti-ki iritidÿÿõmykre 60 ibeòraõkeki. Tule tii sohojihyyle roire hãbumy.

¹⁰ Tule tii aõna aõna wihikÿ riwinymyhÿre, tariòre ritybienyreu, taroraludu-ò awimy raremyhÿ, ityhydÿÿdu mahãduwa risuhõmy raremyhÿ, aõhõkÿtyhytyhymy rotÿÿnymy

rare mahādu riwiòhenanymy raremyhỹ. Aõu aõu heka iny wixira riwiòhenanymy raremyhỹ taworana bedehesi-di.

11 Wytese tỹmyrani heka tyyriti-ki iritidỹõmykre. Hābumy herimy rōhōtinymyhỹre wana, tai Kristu-ribi tōhōti rosamyhỹre.

12 Tarybe ywidỹỹna riywinyõlemyhỹre, tai iurenana tahe tuudỹỹdumy Deuxu-ò ratximyhỹre.

13 Hetomy rawerywerynymyhỹre kia urenana urile raujōmomyhỹre aõna aõnalemy. Aõ heka riwinyõlemyhỹre. Kia ratyre bina tahe tuu rybenanamy aõkō rybebinamy rarybemyhỹre.

14 Kia heka wadee awire wytese tỹmyra hābumy roikre, rariòrerenykemy, tule taheto riywinykemy. Kia wese iòludu inydeereny aõna aõnabinamy rarybeõhỹkỹkre.

15 Wyteseõ dori Satanasi hemy roire.

16 Wyteseõ ityhydỹỹdusỹ-ki rarekeki, tii heka riwiòhenadỹỹ rỹikre. Kiawese dohodỹỹdu mahādu nieru tamy ritakre. Kia nieru rayrubunykre. Tahe rawahikre ixisohojile ratximyhỹre-ò.

17 Matuari ityhydỹỹdu mahādu iny rityhytyhynykre. Dohodỹỹna mahādu aõmydỹỹnana òbitimy retehemy ratximyhỹkeki, ratyhytyhynykre. Inatyhytyhywityhymy kowa òbitimy relyymyhỹre tule rybe wihikỹ rierynanymahāre kia heka raõwywikre.

18 Tai tahe raritidỹỹmy roimyhỹre: —Broreni maixōmotyre iwysydỹỹmy rariamyhỹu, iry ratòbònyòtyhy ibyre lau. Tule ròritidỹỹmy roimyhỹre:

—Mobo raaõmysỹdỹỹmyhỹre, tii heka iny riòwynymyhỹre.

19 Matuari mahāduõ iny tuu raujōmokeki, tuu arityhynyòtyhyke. Tuu lobixidu inatxi ada inataõkekile, aratyhydỹỹkre.

20 Tii inatyhymy òraruna-txi resereu, kai tamy marybeke iòrarumy ibutumy inyko-txi. Iurenana tahe ijõ iny ruberumy rỹimyhỹkremy.

21 Adee ararybekre. Deuxu, yjureny, Jesuisi Kristu-wana ibutumy warybe-ò roholareri. Kai warybe biywinykre. Myheka wiratyre widi rōhōtinyòtyhy. Tiemy wiwese weselekemy rỹikemy.

22 Uritere rybe-di tỹnydỹỹdu tỹmyra juhu biurihike idi tahe debòtidina-di biteònyke rybe tỹnydỹỹmy. Kawese aõkōkeki heka hābu òrarunamy tuudỹỹdukremy òsana mabekre. Aõmydỹỹnana tiemy òbitimy biywinyhỹ.

23 Bee sohojilemy aõkō biõkre urihimyõmy vỹimy biõkre. Kai dori awo ibinareriki tiemy tuu abinareri.

²⁴ Ijõ òraru aõwesele iny kanatỹnykre, bedeluura aõwesele kòdòhònykre. Ijõ òraru taheka idile kanatỹnykre.

²⁵ Ruxetòenawihikỹ iwesele rare. Ele tii raeryòtyhy idi tahe iny rierymyhỹre.

6

¹ Ibutumy wetxuõ tawedu rityhynykre. Tawedu rityhynyòkeki heka Deuxu nibinarybemy iny rarybekre. Tule ityhydỹỹdu eryna binamy rarybekre.

² Weduõ ityhydỹỹdukeki, kia heka ire ratyhydỹỹmyhỹke tule aõnityhymy tamy aõmysỹdỹỹkre. Tii dori ityhydỹỹdu seriòre wese rare. Kia dori taaõmysỹdỹỹnyteri ityhydỹỹdu widee. Kaiboho ixideerenyle wiluukemy. Kia tule bierydỹỹnykre.

³ Inyõ erydỹỹna witxira ròerynanykeki kia òbitimy aõkõ Jesu-isi Kristu Rybewihikỹ wese aõkõ ratxikeki,

⁴ kia hãbu ixiwede rare, aõ rieryòlere. Kia hãbu urile dỹỹraxidỹỹ luure. Kia dỹỹraxidỹỹ-ribe ibutumy rybe jei jei ròhònymyhỹre. Iribe tahe tule rexinaanymyhỹre, raujòmomyhỹre, rexiwodohonanymyhỹre.

⁵ Raruimyhỹre. Kia ibutumy rotỹỹnyrerí, hãbu tòhòtina òweòwere. Inatyhyna-ribe kia hãbu tòhòti rosare. Ityhydỹỹdureki tii ròtakemy ixidi ratximyhỹre. Kiamy heka ròhòtinymyhỹre.

⁶ Inatyhymy ibutumy heka tai iny aõtyhydỹỹdu-ki taaõ-di teysakreki.

⁷ Aõ kabede-ò iny ixihemy diwyòhyydenyde inatyhymy heka rukururenykreu tule aõ ixihemy kabede-ribe riki-wyòtyhyrenykre.

⁸ Iny tydirenykeki, iny rỹsỹnadirenykeki, urile reysarenkyre.

⁹ Tahe inyõ ityhymy ixidikeki, tii òraruna-txi resekre. Kia heka iny rexiburemy, rexibinanymyhỹre, tule rexirayky-itxỹtenymyhỹre.

¹⁰ Inyõ nieru luukeki, tii aõ òta òta òraruna-txi resekre. Kia-di heka iny sòwemy ityhydỹỹdu mahãdu-ribe ròhònyra aõhòkỹmy rotỹỹnyrenyke.

¹¹ Kai Deuxu ijoi tate. Ibutumy kia-ribe bexiemy mabekre. Uritere ityhymy ixi-di nohòtiòmy tahe awimy mabekremy mohòtynykre. Deuxu wiwese, ityhydỹỹdutyhy wese, Deuxuluu wesemy. Tiiemy heka òbitimy atximahãke, ywimy ainytyhymy atximahãke.

¹² Aõu aõu òbitimy atximyhỹkemy marurunya, umy tuedekònahakỹ bitakemy, kai tule inatyhy rybemy tarybete insòweko-ò, Deuxu dori adee rarybere juhuu.

¹³ Inatyhymy adee ararybekre. Deuxu adee ijohonadu rare. Tule Jesuisi Kristu wadee ijohonadu rare. Tii inatyhy rybemy tarybete Ponsiu Pilatoko-txi.

¹⁴ Kaheka warybe rare: Kai heka bedede ywina bityhynyke aõ bedede ywina tyyriti òraru-ki aõhe botỹỹnyõtyhy. Biraòke Inywedu Jesuisi Kristu dehemynyna txuu.

¹⁵ Tiutxukremybo Deuxule kedexitỹnynykre, tii deysana wedu rare. Tii sohojile heka Iòlòmý rare. Ibutumy Iòlòwedu rare. Ibutu wedu wedumy rare.

¹⁶ Tii sohojile heka tiu ruruõhyy rarekre. Tii irehetyhymy loosònawo-ki rasỹnymyhỹre. Tiimyy heka inyõ tuu robiõtyhyre. Inyõ tiu iòhòmý tamy rehemynyõtyhy. Tamy rikiwo deysanyrenykre. Tiòhe aõu aõu taruru-di ratximyhỹ.

¹⁷ Kai marybekre iaõdi mahãdu-ò uritere ta aõna aõna-di rexiwowydynyõtyhy, iaõna aõna dori rỹiõhyykre. Tahe Deuxule rityhynykre. Tii dori ibutumy aõna aõna wiwihikỹ inydeereny riwahinyre.

¹⁸ Tii aõna aõna wihikỹ inydeereny riwahinymyhỹre. Iaõdi mahãdu uritere aõwihikỹ-di ijõ-ò rawiòhedỹỹnykre. Aõu aõu ròwirareamyhỹke iny-ò.

¹⁹ Kia wese tiiboho ributunynyrenykre. Aõna aõna wihikỹ biu-ki awimyy idi rarekre. Tule umytedekõnahakỹ tiiboho ritarenykre.

²⁰ Kai Tximòtxi, aõbo adee rawahidỹỹre, kia biyrubunykre. Rybe òwe òwe-ribi irehemy mabekre. Aõbo heka raninireri bedeerydỹỹ kia heka inatyhy aõkõ rare.

²¹ Inyõ kia aõ erydumyy ixi-di nohõti-ki, rexitara ityhydỹỹdu mahãdu-ribi. Deuxu deysanamy adee ratximyhỹkemy idi watxireri.

2 Tximòtxi-ò Paulo Inatxina Tyyriti Tximòtxi-ò

¹ Paulo jiarỹ rare. Jesuisi Kristu deòdu jiarỹ rare. Kia jiarỹ rare Deuxudeewireki wahe. Jesuisi Kristu juhuu rarybere, umy tỹmyra tuedeõna inydeereny kidiwahinykremy. Tii kia wedu rare.

² Kai Tximòtxi, wariòre waluunadu wesemy atximahãte. Kia tyyriti adee ariwahinykre. Wiòhedỹỹna, ruxetòena, ywina, Deuxu Inytyby-ribi, Jesuisi Kristu Inynyrỹ-ribi adee kedehemynykemy watzireri.

³ Deuxumy reàlàreri iwese wahabohomy reàlàre wese. Wanohõti Deuxu-ò ywile jiarỹ rare. Aõu aõu adee, Tximòtxi, rexitòenymahãre. Txuõ txuõlemy, ruwana Deuxu-ò rexitòenymahãre.

⁴ Iu rareu, arube-ribi wanohõti rosaõhyymyhỹre. Arora-ò arakemy watzimahãre, wadeysatyhymy ararekemy.

⁵ Atyhydỹỹna-ribi wanohõti rosaõtyhy. Alahi, Lòide, juhuu rityhynymyhỹre. Idi adi, Eunisi, tule rityhynymyhỹre. Kai tule wiji tetyhynymyhỹte inihe.

⁶ Kia dorihe itxi õhõti reijaranyreri. Wadebò tahe aratityre retidireu, arayky-ò Deuxu aõ riwahinyre awahisidỹỹna we-sekremy. Wiji kia arayky woludu rõrõra wana biixixanyke. Kia dori Deuxu wahisidỹỹna rare.

⁷ Deuxu-wana iny ruberuõtyhy. Tii dori inydee ruru riwahinyra, luuna riwahinyra, tule bedeerydỹỹna riwahinyra.

⁸ Tule Deuxu rybemy rybe-ki ixỹruõlemy. Deuxu rybemy rybe-ki wamy maixỹruõtyhy. Deuxu rybemy rybe-ki tahe, ròtenawo-ò riwatidire. Kia tahe awire. Deuxu rybe wityhydỹỹna-ò aõhõkỹmy rokotỹỹnykre. Deuxu dori inydee ruru riwahinyryhỹre.

⁹ Tii heka iny ritarenyre biu-ò hena riwahinyre wahe. Tai taaõmysỹdỹỹna inydee diwahinyde. Iny awirerimy rareki aõkõ inydee diwahinyde. Taruxetòenale-ki inydee diwahinyde ixideewireki. Juhu bedeu Jesuisi Kristu òraru-ki ruxetòena inydee diwahinyde.

¹⁰ Kia ruxetòena wijile rehemynyra inydee. Jesuisi Kristu inyтарасadu kia diwyde. Tii rubunale riixãwididỹỹnyre. Biu-ò hena Rybewihikỹmy kia ritỹnynymy diwyde.

¹¹ Riwatare tarybemy rybedumy. Rybedumy riwateònyre, tule bedeerydỹỹdukemy riwateònyre.

¹² Tai judeukõdu mahãdu òraru-ki aõhõkỹmy ratỹỹnymahãre. Ihãrele tahe raixỹruõlemahãre. Rexieryre dori tii retyhynymahãre. Reeryre dori tii ruru dire waaõmydỹỹnana tamy retidire iyrubudỹỹmy kiatsu-ò.

¹³ Waòbiti rybe biywinyke juhuhu kia wamy taholate, ityhydỹỹna-di. Biywinyke luuna-wana. Jesuisi-ki tahe luuna tyhy rare.

¹⁴ Timybo Deuxu adee diwahinyde, biyrubunyke. Deuxu Tyutybytyhy dori inywo-ki ratxireri.

¹⁵ Ibutumy kabede ludu Asia ludu riwarira. Fikelu ijõnire. Erimojini tahe ijõre. Kia tahe kai teeryte.

¹⁶ Inynyrỹ ruxetõena kidiwahinykemy watzireri Onisiru sỹmahãdu-ò. Tii dori aõu aõu riwawiõhenanyre areysakemy. Tiu riixỹrudỹỹnyõtyhyre wawomati reroti-di jiarỹ ranyreriki.

¹⁷ Tai tahe Roma hãwãhãkỹ-ò ritehemynyreu, riwaijehyyre; idi tawa-ki rahare.

¹⁸ Iny Iòlò ruxetõena tamy kidiwahinykemy watzireri kia txuu. Efesu hãwã-ki dori Onisiru riwawiõhenanytyhyre. Kia teeryte waratyremy.

2

¹ Kai tahe wariõre wese tate. Jesuisi Kristu làhàna-ribi ruruna bitake.

² Aõbo wary-ribi taholatemy iny sõweko-ò relyyre, kia ijõ iny òbiti-ò tuu belyykre. Iny rexihumy rarekoòle tuu belyykre. Idi tahe tiiboho inywitxira ribedeerynyrenykre.

³ Waaõhõkỹmydỹỹnana wawana tuu botỹỹnykre. Jesuisi Kristu soldadowihikỹ-wesemy kai mabeke.

⁴ Soldadoõ tadinodu aõmydỹỹnanale rityhynymyhỹre. Tii ixideewimy rarutaaõtyhy.

⁵ Ijesudu ijesu ritake òbitimy resukekile.

⁶ Oworuwidỹỹdule juhuhu suribi bederaty ritamyhỹ.

⁷ Aõmybo wiji raryberadi mohotinyke, raweseranyreki. In-iyòlò ibutumy araerynanykre.

⁸ Jesuisi Kristu rubu-ribi ixixadu-txi õhõti reake. Ihetxiu Davi Jesuisi labiemy raremyhỹ, iwese inryrbewihikỹ rarybere wese.

⁹ Rybe wihikỹmy relyyreki dori womati reroti-di rataamy aõhõkỹmy ratỹỹnyreri, aõbina widỹỹdu wesemy. Deuxu rybe tahe, inyõ ritaaõtyhy.

¹⁰ Ibutumy reòludunymahãre ityhydỹỹdu mahãdu dee, Deuxuhõrõ dee. Kiaboho Jesuisi Kristu tarasanamy ritakemy idi watzireri. Tarasana, làhàna aõu aõu ritakemy idi watzireri.

¹¹ Rybe inatyhy rare. Jesuisi Kristu-wana iny rurukeki, irumy tii-wana aroireke.

12 Inyboho rikityhynyhyrenykeki, tii-wana riòlònyrenyke. Inyboho Jesuisi rikitxiònyrenykeki. Tii tule iny ritxiònykre.

13 Iny rikityhynyõrenykeki, ihãrele tii ityhyhyummy rarekre. Tii rexitxiònyõtyhy.

14 Iny nohòti kia-txi reakemy biwisỹnyke. Tamy marybeke ujòmohyyõmy rarekemy. Ujõmo tahe wiòhedỹỹna aõkõ rare. Ujõmo-ò ijohonadu urile ujõmodumy relekre.

15 Kai tahe maruronyke Deuxudeewimy belekemy. Kai Deuxu deòdu tate. Kia rybe inatyhy-di òbitimy maraykynyke, idi tahe, bierynanyke. Tahe bexiixỹrudỹỹnyõtyhy.

16 Rybe òweòwemy rybedu-ribi irehemy bexieke, rybe-bina-ribi tule. Kia rybedu urile raòrarunynihikỹmyhỹke.

17 Kia erydỹỹna reuròmyhỹre yjy wese. Imineu, Filetu-wana kia wese rierydỹỹnanyre. Kia rybe inatyhy-ribi rexihitxinyre.

18 Tii rarybemyhỹre: —Iny ixixana dorihe reara. Kia rybe-di ityhydỹỹduõ wimy uriurile rityhynyreri.

19 Deuxu hõrõ tahe inatyhymy rỹirakre. Kia tahe urihixina rare:

—Deuxu tahõrõ mahãdu rierymyhỹre.

Ijõ tahe:

Inynyrỹ ijoimy iximy rybedu, òraruna heka riatykre.

20 Ityhy mahãdu hetonihikỹwo-ki womati tỹrỹrỹhỹkỹhyna, pratahyna sohojile aõkõ rỹire. Òwòruhyna, suhyna tule rỹire. Hynaõ tahe rỹsỹnawihikỹ hyna rare. Ijõ tahe rỹnysi-di dehuna rare.

21 Kia hyna wese iny rỹira. Ijõ rỹnysihyna wese rỹikeki, idi rexisuhokeki, rỹsỹnalyralyra wesemy reuròke. Tawedu-ò awimy rỹike, tawedudeewimy. Tai tahe aõ wihikỹhynamy rexiywinymy rỹire. Kai tahe iwesele mabeke.

22 Kai ijoi tỹmyra tate, amahãdu òraruna-ribi bexiekemy; ixi-ribi aõ-di ròhòtinyreri, kia-ribi mahenyke. Òbitina, ityhyna, luuna, ywina-wana biheludunyke. Deuxu-ò rexitòenyke òbiti mahãdu-wana.

23 Erysydỹỹna itxỹtemy wiribi rybeõmyke. Kiaribile ujõmo ròhònymyhỹre.

24 Deuxu deòdu raujõmonyõtyhy. Tii tahe iny ibutu dee ywimy risỹnymyhỹre, erydỹỹnamy rexihumy ihỹmyhỹre.

25 Ywina-di riòbitinyreri iny ixitxiòdỹỹna mahãdu. Tii heka riraòreri Deuxu worahòresena tamy riwahinykemy. Idi tahe inatyhymy rierykemy.

26 Tule itxỹte-ribi ròòsekemy, Satanasi reroti-ribi rexitakemy. Tai tahe Satanasi rimirau tahe ritaataara teewimy riwinykemy.

3

1-2 Bededÿÿnana konanamy bededÿÿnana sirahakÿ kÿnyikre. Kia tahe bieryke. Iny ixideewimy riwinykemy ixidi ratxikre. Nieru tarasalemy ixidi rexinohõtidiÿÿnymyhÿke. Rybetyhyhÿkÿlemy iximy rarybekemy ratxikre. Ixidee awihikÿlemy rôhõtinykemy ratxikre. Rybebilememy rarybemyhÿke. Tyby ise-wana riwinyôhyymyhÿke. Inyô-ò aomy reâlâôhyymyhÿke. Ôbitiry rityhynyôhyymyhÿke.

3 Iny-ò tuuna ihoôhyre. Inyô ibiôwamy rareôtyhy. Aôbina binalememy inymy relyymyhÿke. Rexiywinyôhyymyhÿke. Re-burehekÿ rariamyhÿke. Ôbitimyno ibinahyymy rarekre.

4 Iny deôsadiÿÿdumy rarekre. Ixiluunadumy rarekre. Ywimy aôkô rarekre. Iwisÿdÿÿna luuhyymy rarekre. Deuxu tahe tuuôkre.

5 Ôbitimy risÿnymyhÿre wese tahe ôbitiruru ritxiônymyhÿke. Kai, Tximòtxi, kia iny-ribi irehemy mabeke.

6 Kia hãbu tahe hetoô-ò ralòmyhÿre. Hãwyy uri uri rÿira xiwedeô-ò ôrarulÿxina-di ralòmyhÿre. Kia tawisÿdÿÿna-di ri-erynanymyhÿre tarybewiwidile, tahe hãwyy rityhynymyhÿre.

7 Kia hãwyy aôu aôu rôerykemy ixidi rôhõtinyymyhÿre, urile tahe inatyhyna tiu rieryôtyhy.

8 Iwese ihetxiu Ijãni, Ijãbri-wana Moisesi ôludumy rÿire wese. Wiji tule kia hãbu inatyhyna ôludumy rare. Irayky rawerynyre. Ityhydÿÿna-di deôsananymy rÿimyhÿre.

9 Tiu tako-ò raôtyhy, iitxÿtereriki, kia iruina ôraruna ibutumy iny rierykre, iwese Ijãni, Ijãbri ôraruna ibutumy iny raeryre wese.

10 Kai, tahe waerydÿÿna-ò taholahyymahãte. Iwese raremahã wese tiwaheludunymahãte. Watyhyna teerymahãte, wadeybina, waywina, waluuna, waixiôlôdÿÿna.

11 Aôu aôu inybinahakÿ wadi riwisÿnyreri, tule aôhökÿmy ratÿÿnyreri. Kia ibutumy teerymahãte. Kia wade rotÿÿnymy rÿire Atxiôkia hãwã-ki, Ionio hãwã-ki, tule Listra hãwã-ki. Aôwitxira witxiramy aôhökÿmy ratÿÿnymahãre. Wanyrÿ tahe ibutu-ribi riwatate.

12 Inyô ôbitimy ratxikeki Jesusi Kristu-ò, tii aôhökÿmy rotÿÿnykre iôraru-ki.

13 Hãbu bina bina rabinahykymy rarekre, tule hãbu inatyhy aôkô rabinahykymy rarekre. Inyô tiiboho riitxenanykre, tule tiiboho inyô kidiitxenanykre.

14 Kai tahe aôbo teeryte, kia-di mohõtinyke aôbo tetyhynymahãte-di. Tahe tiribibo teeryte, ôhõtikile idi mabekre.

15 Uladuribile teeryte Deuxu Tyyriti. Kiadile bierykre Jesusi Kristu tarasadiÿÿna idi bimykremy. Kia adee kanake bityhynykekile kÿnyhe.

¹⁶ Ibutumy Tyyritityhy Deuxu elewesenamy nade. Be-deerysyna urenana heka rare. Òrarudu òbitidỹyna heka rare, ibutumy riòbitinykemy. Tule aõbo awihikỹmy raremy riery-nanykre.

¹⁷ Deuxu deòdu dori òbitile rỹirakemy. Aõwihikỹ widỹyna aõbo dori rexihulemy rỹirakemy.

4

¹ Deuxu, Jesuisi Kristu kiaru-ki arãteònykre. Jesuisi Kristu dori rubu mahãdu iru mahãdu-wana wiribi rihitxinykre, tii taòlòna kaò kidiwykreu.

² Belyyke Deuxu rybemy, inydee awikeki, tule inydee awiòkeki. Ywina-di iny biòbitinyke. Iny biwiòhenanyke.

³ Bededỹynanabina kanakre. Kia txuu erydỹydu òbiti-ò ro-holaõhyre. Erydỹydu ributunykre tamydeewimy. Iwese iny tõhòti nohòtijuty-ò rotỹnymyhỹre wese tamy wimy aõna aõnaòle roholamyhỹkre.

⁴ Inatyhyerydỹyna-ò roholaõhyymyhỹre. Urile ihetxiu ijyyòle roholakemy ixidi ihỹre.

⁵ Kai tahe ywimy maraykynyke. Ibutumy aõhòkỹmy botỹnyke. Deuxu Rybewihikỹmy belyyke kia tahe aõmysỹdỹynare Deuxu adee riwahinyre. Idi hyylemy mabekre.

⁶ Iny riwawahinyke xiwena wesemy rubu-ò. Waixitued-edyỹnana heka rehemynyreri.

⁷ Ijesu wihikỹwesemy tahe rexiijesudỹnyre wese. Reko-nananyra heka waumy ijera. Retyhynyhyra tahe ityhyna.

⁸ Òbitiwidỹyna raheto wese wadee rexihumy roire. Wanyrỹ, ywisidỹydu òbiti, riwawahinykre kiatxuu. Jiarỹ sohojiòle aòkõ. Tahe tule iraròsòdu mahãdu-ò. Jesuisi dehemynyna luumy kia mahãdu roimyhỹre. Tamy tule rataanaõ raheto wese riwahinykremy.

⁹ Wylemy inihe waroramy manake.

¹⁰ Dema riwarira Tesalonia hãwã-ò rara. Tii bede aõmydỹynana luure. Kalatxia bede-ò Kresetxi rara. Dalimasia bede-ò Txitu rara.

¹¹ Luka-wanale watxireri. Tahe kai Marku bididykre, wawiòhedỹydu wihikỹmy rarekemy.

¹² Txitxiò heka Efesu-ò reteònyre.

¹³ Kai tahe manakreu warahana bidiwykre. Troaji hãwã-ki Karpu heto-ki tahe warahana rerire. Watyyriti tule bidiwyke tyyriti welỹte tule nohòti losaòtyhymy.

¹⁴ Alexỹdre womati loresedỹydu warybe dibi-nanymyhỹde. Wanyrỹ iòwydỹyna tamy kidilidikre riwabinanyreki.

15 Kai bexiekre kowa-ribi, inyrybe dori rity-hynyõhyymyhÿre.

16 Juhuu dinodu-ò rewyònyreu inyõ riwawiðhenanyõhyyre. Ibutumy rirahure waribi. Aõbo wabinamy riwinyre-ribi Deuxu tõhõti rosamy watxireri.

17 Wanyrÿ tahe, riwawiðhenanyra Deuxu rybemy rybe-ki. Iny witxira dori, judeukõdu mahãdu roholamyhÿre. Leaõry-ò, wadi rehukõra.

18 Wanyrÿ tule riwatakre ibutumy aõmydÿÿnana bina bina-ribi. Kowa bede wihikÿ-ò riwadykre. Tuu rekealàkre aõu aõu bededÿÿnana roobymy. Kie.

19 Warybe wehityyna Prisila-ò, Akila-ò biõkre tule Onisiru sÿ mahãdu-ò.

20 Erasto, Oritxi hãwã-ki rarire. Trofimo, Miletu hãwã-ki binamy resere. Taile heka rarira ibinamyhÿreki.

21 Wylemy manake inihe beòrako-ki. Ubulu tarybewehityyna adee riwahinyre. Tu Prudente, Lino, Laujia ijõre. Tule ibutumy ityhydÿÿduseriõre rybe wehityyna adee riwahinyreri.

22 Wanyrÿ awana ratxikemy watxiwãhãre. Tule làhàna umy-wana ratxikemy watximahãre. Kie. Paulo

Txitu-ò **Paulo Tyyriti Txitu-ò**

1 Jiarÿ Paulo rare. Deuxu deòdu rare. Jesuisi Kristu riwamyre inatyhyna aritÿnynykemy. Kia tyhydÿÿna, Deuxu tarasana mahãdu hõrõ rare. Kia ityhydÿÿna dee inyõ rirykeki, rityhynykeki, Deuxu deewimy tii rarekre.

2 Umytuedeõnahakÿ iny riraòmyhÿre. Deuxu dori tuu rarybere ihetxi bedeu. Deuxu heka tiu raruiõtÿhy.

3 Ibededÿÿnana òbiti dehemynydeu, Deuxu aõmydÿÿnana rarybekemy rotÿÿnyre. Kia aõmysÿdÿÿna wadee Deuxu riwahinyre, iny tarasadurenymy rybe-ò.

4 Txitu-ò kia warybe rewahinyra. Kai iny-wana Deuxu tetyhnyteri, kia dori inatyhymy wariõre wesemy tate. Deuxu, iny tyby-ribi, Jesuisi Kristu, iny tarasadu-ribi, Deuxudeysana-di, ywina-wana adee kanakemy watxireri.

5 Inyaõmydÿÿnana biòbitinykemy dori adee adiride. Kreta bede-ribi ròhõnyreu, dori waaõmysÿdÿÿna rehuõre. Kia-ki dori kowa-di anaride. Ibutumy hãwã hãwã-ki ityhydÿÿdu mahãduy-ribi kai matuari mahãduò bimyke. Iwese jiarÿ rarybere wese kai bimyke.

6 Matuari òbiti bimykre. Matuari ihãwyw sohojiõ rÿira bimyke. Inyõ ityhydÿÿdumy riòrenadule bimyke. Iriõre iòraruluukeki, iehehekeki, kia hãbu bimyõke.

7 Ityhydÿÿdu mahãdu yrubudÿÿdu òbitilemy dori ihÿkemy. Inyõ-ki heka ibinamy mahakeki, imynyõmy. Tii dori, Deuxu dee raaõmysÿdÿÿkre. Ixidile nohõtudu mynyõmy. Hãbukyara rybebyby, mynyõmy, vÿi luudu aõkõ, hãbu aõbinaluudu aõkõ, hãbu ityhymy nohõtudu aõkõre. Kia mynyõmy.

8 Iny inatyhyle, òbiti luunadule, taroraludu-ò awire mahãdu, iny aõwityhy luunadule, ixiwedule, Deuxu rybe tyhydÿÿdu, kiale bimykre.

9 Deuxu rybe-di kia hãbu òbitimy rõhõtinykre, òbitityhylemy riernanykemy. Inyõ ierysydÿÿna rityhynyõkeki, erydÿÿdu irayky riywinykre tai ihewo-ribi rieryke, rityhynykemy. Tule iny iwixira erydÿÿna-di rarybemyhÿreki, tii riòbitidÿÿnyke.

10 Iny sõwemy inatyhymy rityhynyõreri. Tii dori aõna aõnalemy rarybemyhÿre, ityhydÿÿdu mahãdu riitxenanymyhÿkemy. Kia mahãdu-ribi, judeu mahãdu ibutu ratyre kia aõna aõnamy rotÿÿnymy hÿre.

11 Inyõ kowa mahãdury riyrykemy tamy rarybeke. Iny sõwemy heka riitxenanymyhÿre. Òbitimy aõkõ heka iny riernanymyhÿre. Nieruõle heka iny riernadÿÿnymy hÿre.

¹² Kowa mahãduõ, ierydÿÿduõ rarybera:

—Inyboho, Kreta bedeludu mahãdu, ibutumy ruidu roire. Iròdu brebuna wese iny roire. Inyboho heka teoruxere roire. Byrelemy inyboho rōhōtinymyhÿrenyre.

¹³⁻¹⁴ Aõmybo kahãbu rarybera heka inatyhy rare. Urenana tahe arurumy rityhynkemy. Judeu mahãdu ihetxiu ijyy-ribi tōhōtirenny rosakemy kai marybeke. Hãbu mahãdu bede ywina rityhynyōkemy. Kia hãbu dori inatyhyna aōkō rityhynyre.

¹⁵ Òbiti mahãdu dee ibutu òbitire. Ityhydÿÿdukōdu mahãdu-ò aō aōkō òbitire. Tōhōtinarenny dori aōbina binalemy rōhōtinymyhÿre. Aōu tii rexieryre aōbinahakÿ riwinykemy. Deuxu-ribi tōhōti rosare.

¹⁶ Tiiboho rarybemyhÿrenyre: —Deuxu inyboho reeryrenyre. Tiiboho tahe Deuxu erydu wesemy aōkō aōna aōnamy rotÿÿnymyhÿrenyre. Tiiboho iny riojinyrenyre rybemy reòbyōlemyhÿrenyre. Aōwihikÿ widÿÿ rieryōrenyre.

2

¹ Kai, Txitu, aōerynawihikÿdibo bierynanyhÿke.

² Matuari mahãdu kai bierynanyke hãbu ixiwedu mahãdulemy roirelemy, ywimy nohōti wydynadu mahãdu roirekemy, òbitilemy rityhynkemy, ibutu òbiti luukemy, iixiraterekemy.

³ Senadu mahãdu tule bierynanyke iyrubumy rÿikemy iujōmoōmy rÿikemy, tule vÿi luuōmykemy. Aōerynawihikÿdibo bierynanybenykemy.

⁴ Hãwyy tÿmyra hãbumy heridu tÿmyra tahãbu luukemy, tariòre luukemy, kia senadu mahãdu rierynanykre.

⁵ Tuu iyrubumy rÿikemy, òbitimy raraykynymy rÿikemy, taheto riywinymy rÿikemy, awimy rÿikemy, tahãbu rybe riywinymy rÿikemy. Kia wesekeki, Deuxu rybemy inyō ibinamy rarybeōtyhy.

⁶ Weryrybò mahãdu tule bierynanyke iyrubumy rÿikemy.

⁷ Kai, Txitu, aōna aōna wihikÿmy botÿÿnykre, tai tahe ityhydÿÿdu mahãdu awesele aōna aōnamy rotÿÿnykre. Kai bierynanykeu, òbitilemy inatyhymy bierynanykre.

⁸ Arybe òbitityhydile bierynanykre. Tai tahe aòludu raixÿrukre aōmy dori umy rarybeōtyhy.

⁹ Kai bierynanyke urideòdu mahãdu tawedu rityhynkemy. Tamy awimy raaōmysÿdÿÿnykemy. Tamy heka ròrawyòdÿÿōtyhykemy.

¹⁰ Rawasinyke aōkōre, ibutumy òbitilemy riwinykemy. Kiawesekeki, ibutumy Deuxu inytarasadu deewimy riwinykemy.

11 Deuxu taerydỹna-di taluuna ibutumy iny-ò rexideòsinyre. Taluuna tahe inyтарasana-ò rehemynymy raremyhỹ.

12 Kia heka iny tuu robikeu, awimy erydỹna rahake. Riwaerynanymyhỹ aõbina bina widỹmy tule òbitina-di yrubudỹna-di iny rariakemy kabede-ki.

13 Tule iny riraðmyhỹrenykemy iny Deuxu wihikỹ iny тарасаду Jesuisi Kristu loosònatyhywo-ki kedehemynykre.

14 Iny òwymy dexiwahinyde iny òraru òwydỹrenymy. Ki-awese heka iny riwyre idi riratisebenyre iny ijoy lyrahakỹ ixidee rimyre. Kia ijoy iluure.

15 Kai, Txitu kia aõna aõna inyko belyyke. Tai Deuxu-deewimy riwinykemy urenana rakatxirenykemy. Iny bierynanykre. Iny biòbitinykre. Iny ibutumy rityhynykemy matx-ibenyke.

3

1 Kai ityhydỹdu mahãdu ixi bitõhõtijeranyke ibutumy hãwã dinodu, bede dinodu rityhynykemy, tabede ywina rityhynykemy. Tule aõmysỹdỹnana wihikỹ riywinykemy.

2 Modee heka ibinamy rarybeõtyhy, raaõbinanyõtyhy ywimy rarekemy, moheka iehehemy riywinyõmyhỹre.

3 Inyboho heka tule iehehe roiremyhỹ, iitxỹtemy roiremyhỹ, òraruluunamy iny riitxenanymy roiremyhỹ, òtaluumy roiremyhỹ. Aõbina bina lumy iny witxira aõna aõna-di wii risỹnymy roiremyhỹ, wideramy roiremyhỹ.

4 Tahe Deuxu iny тарасаду luuna, ruxetòena-wana iny-deeremy dehemynydeu, tii kia-ribi iny ritarenyre.

5 Kia aõna aõna wihikỹ iny riwinyrenyrekỹ aõki, iny Deuxu ritarenyre, taluuna-di tahe iny ritarenyre, Jesuisi òraru-ki xiery heka Deuxu riwatỹmyranyre Tatytybytyhy-di. Umytỹmyra riwahinyrenyre, riwasuhòrenyra.

6 Tatytyby inydee riwahinyre Jesuisi Kristu iny biu-ò hedureki.

7 Kiawese iny riwaòbitinyrenyre taluuna-di. Katahe inyboho umytuedeõna ijõdire.

8 Kia heka inatyhy rare. Ka aõna aõna bierynanytyhykeu, tahe wadee awikre. Kia wese Deuxu ityhydỹdu mahãdu aõwihikỹlemy rõhõtinyinmyhỹke tule rewinymyhỹkemy. Kia heka awire. Kia iny riwiòhenanymyhỹre.

9 Ýraxina itxỹte kai rỹýraxidỹỹõmy, iwyòdỹỹõmy, rybe jei jei-ribi irehemy mabekre, tule lahi òraru rybe-ribi. Kia rybe aõ aõkõ rare. Awi aõkõ rare, iny riwiòhenanyõtyhy.

10 Hãbuõ rybe òwe òwe-di ityhydỹdu rierynanykeki, aruru rybemy tamy marybeke. Kai inatxi rybemy marybekeki, tii

rexiòbitinyõkeki, tahe uritere aõna aõnamy tamydỹỹõmy. Tii òrarudu dori ratximyhỹre. Hãbu òbiti aõkõ.

¹¹ Tiile rieryre tuudỹỹdumy ratximyhỹre.

¹² Jiarỹ, Txitxiò, Atema-wana aõrysomy ariteònykre. Niòpòli hãwã-ò wadee manakre. Kowa arasỹnykre ibutumy biu bedeu.

¹³ Zena, bede ywina erydỹỹdu, Apòlo-wana kai itỹinareny-ò biteònylebenyke aõmybo tamy biwahinymyhỹke.

¹⁴ Bierynanyke iny aõmysỹdỹỹ wihikỹkemy rotỹỹnymyhỹkemy. Kia wese aõbo rauhenyreri tamyreny ijõdikre. Tai riwiòhenanykre.

¹⁵ Ibutumy kaki jiarỹ-wana iny rybe weityhyna adee re-wahinyrenyreri. Warybe biwahinyke ibutumy inyluudu ity-hydỹỹdu mahãdu-ò ibutumy adeereny Deuxu deysanamykre. Kie.

Filemo-ò Paulo Tyyriti Filemo-ò

1-2 Jiarỹ Paulo rare. Jesuisi Kristu òraru-ki ròtena-ki wãhãre. Tximòtxi iny seriòre wese jiarỹ-wana adee Filemo-ò rybe rewahinyrenyre. Kai inyluunareny, iny wiòhenadỹỹdu tate. Tule Afia-ò, rewahinyreri, tii iny wyòrenyõ rare. Tule Arikipu-ò, rewahinyreri iny rybe tỹnydỹỹdu-ki ijoioõ rare. Tule ityhydỹỹdu mahãdu-ò rewahinyreri, aheto dohodỹỹna ijoio-ò wahe.

³ Ruxetòena ywina-wana Deuxu iny tyby-ribi, Jesuisi Kristu iny iòlò ribi adeeremy kanakemy watzireri.

⁴ Deuxu-ò rexitòenyreu, atxi, Filemo, wanohõti reamyhỹre. Tai umy rarybera.

⁵ Kai dori Jesuisi tetyhynyte, inyiòlò luumy, ityhydỹỹdu mahãdu luumy atximahãte. Kia-ò raholamyhỹre.

⁶ Tule rexitòenymahãreu kiamy jiarỹ rarybemahãre. Kai iny witzira-ò Deuxu aõmydỹỹnanamy belyykeu, Kristudeewimy bierynanyke. Kia inydeeremy rexitòenyre Deuxu-ò.

⁷ Jiarỹ wadeysatyhyreri, kai dori aluuna iny witzira dee ratximyhỹre. Kia heka deysana nihikỹ ityhydỹỹdu mahãdu-ò rare, tii riwawowesenymyhỹre.

⁸ Jiarỹ timy atxikemy adee ararybekeki, tule ke heka arat-eranyke. Jiarỹ dori aityhydỹỹdu seriòre rare.

⁹ Tahe aluudỹỹna òraru-ki tahe adee arexitòenykre. Jiarỹ Paulo rare. Ròtenawo-ki jiarỹ roire Jesuisi Kristuluu òraru-ki.

¹⁰ Wariòre wese dee rexitòenyneri. Onesimo wariòre wese redyreri Kristu tyhydỹỹna-ò waribi umy wese kaki ròtenawo-ki rare.

¹¹ Tiu heka adee riwahinyõmyhỹre tii dori juhUU awiòhedỹỹdutyhy aõkõ rare. Wijile tahe iny di-wiòhenanymyhỹde adee wadee tule.

¹² Tii adee reteònyneri. Ixyby araòkesedỹỹnyneri. Kai ixi-ki bimyyke wawesemy, wadee dori tii awityhy rare.

¹³ Jiarỹ dori ixideele remyõre wawiòhedỹỹdu kaki ròtenawo-ki Rybewihikỹ dohodỹỹ òraru-ki. Kia òsỹny adee awire.

¹⁴ Urile aõkõmy marybekeki tii arimyõthy. Kai aõ wadee bidiwahinykeki, kai ixi sohojile inihe biwahinykre. Waix-itòena-ki aõkõ.

¹⁵ Onesimo heka aribi irehemy rexiiijere ijõ bededỹỹnana witzirau, tahe wijile tiemy abrysimyykre.

¹⁶ Juhuu wesemy aõkõ ihỹre deòdumy wahe, wiji aseriòre wesemy heka rare. Tii heka waluutyhy rare, adee tulekemy ityhydỹỹdu wese wiluukemy wadee awire.

¹⁷ Kai wabiòwakeki, tii birybenyke iwese tiwarybenymyhỹte wese.

¹⁸ Aõ adee rasiranyreki, jiarỹ ariwyònykre teròwomy. Jiarỹ iximyna kaa retyyritinyre: Jiarỹ Paulo ariòwynykre.

¹⁹ Kai waòraru-ki ityhydỹỹdumy atximahãte. Kia tahe adee tuu ararybeõtyhy.

²⁰⁻²¹ Warybe mynamy ta kai bòwidỹỹkre Kristu òraru-ki, tai ta biwadeysanykre. Jiarỹ warybe rewahinyreri, araeryre, waixitòedỹỹna ratyire biwinykre.

²² Ijõmy adee arexitòenykre: wasỹ waherina ahetowo-ki biywinykre. Deuxu-ò bexitòenykreki, tai jiarỹ aõhe-wana adeeremy aròòsekre.

²³ Epafa wabiòwa ròtenawo-ribi adee riwehityhynanyreri (jiarỹboho kaki watximyhỹrenyre Jesuisi Kristu Rybe òraru-ki),

²⁴ tule Marku, Aristarku, Dema, Luka-wana rexiwehityhynanyreri. Kia ibutumy heka Deuxu-ò aõmysỹdỹỹdumy roire.

²⁵ Jesuisi Kristu làhàna awo-ki ratximyhỹre.

Hebreu-ò Tyyriti judeu ityhydỹdu mahãdu-ò

¹ Juhuu Deuxu inytybyreny-ò rarybemy raremyhỹ. Deuxu rybe-ò ijohonadu-di tamy rarybere. Tule sōwemy aōna aōna wixira wixira rarybere tamy.

² Tahe ikonana wiji txuu inydeereny tariòre diteònykemy rarybera. Tii rarybere tybyderòwymy. Iriòre tahe ibutumy aōna aōna wedu rare. Deuxu iriòre kia rarekemy rarybere. Tii tule juhuu bede widỹdu rare.

³ Tii Deuxu loosona tỹnydỹdumy ratxireri. Deuxu wesehyymy ihỹmyhỹre. Iriòre, taryberuru-di, ibutumy aōna aōna rimymy roimyhỹre. Iny òrarunareny riixãwididỹnymy rahudi, biu-ki Iòlò Deuxu ruruna weribi ronyre.

⁴ Iriòre ranire niwihikỹmy. Tii dori ŷjuratyre awityhyre.

⁵ Tiu heka ŷjuò-ò rarybeòhyymyhỹre: —Kai wariòre tate. Bohyymy wiji wãhãre. Ijõ ritidỹmy rỹire, kawesemy: —Jiarỹ tybymy ararekre. Tii wariòremy rarekre. (Kia tahe ŷju-ò tii rarybeòhyymyhỹre.)

⁶ Iriòredela kabede-ki reareu ixityre ijõmy rarybere: —Ibutumy Deuxu ŷju tuu realãkemy.

⁷ ŷjumy tahe kawesemy Deuxu rarybere: —Jiarỹ ŷjuboho tahe yhy ele elewesemy retxienyre, wadeòduboho heòtyloosòwesemy retxienyre.

⁸ Tahe tariòremy kawese rarybere: —Wariòre, Deuxulemy atxiteri. Kai ibutumy inyiòlòhyymy rare. Aruru tuedeōna debòna dire. Wiwesemy nonana-di ibutu-ò atximahãte, òbitimy.

⁹ Òbitinaluummy kai atximahãte òraruna deramy tahe atximahãte. Tai tahe Deuxu, aDeuxu amahãdu ratyre awimy teleta adee riwahinyre deysana.

¹⁰ Ijõmy Deuxu rarybere tariòremy: —Kai Wanyrỹ juhuu bede widỹdu tate. Bede ibutumy tewinyte. Tule biuludu aōmydỹnana tewinyte.

¹¹ Kia bede aōmydỹnana ludu ibutumy rexihukemy. Kai tahe tiu atuedeōna. Iwese uwòhi retybyre wese, kia aōna aōna retybyke.

¹² Tule wesirahana rawerasemy roimyhỹre wese ibutu tyy retybymyhỹre, rawitxiradỹmyhỹre. Kai tahe ixiwesehyy ahãte. Abede dỹnana tahe tiu itueòtyhy.

¹³ ŷjuò-ò Deuxu tiu rarybeòmyhỹre: —Bodonyke waruruna weribi. Aòludu mahãdu ako-txi resemyhỹkemy. Eòdumy rarekemy. Kiamy tahe tariòre-ò rarybere.

¹⁴ Ibutumy ýju mahãdu Deuxu deòdu rare tyytyby wesemy rare. Deuxu diteõnyde ityhydýýdu mahãdu wiòhedýýmy tule ibutumy biu-ò hedu mahãdu wiòhedýýmy.

2

¹ Tai tahe, waseriòreboho, ityhyna rybe-ò rokoholarenyreki, tamy tahe rikimyrenykre rikityhynyrenykre. Tai tahe iribi tiu ròkòirenyõtyhy.

² Ibutumy ýju rybe inatyhymy raremyhý. Ibutu òrarudu rimyre aõhòkýmydýýnana-ò irybe riywinyõreki.

³ Kia inatyhy rare. Tarasana rybe wityhy-ò rokoholarenyõreki, timybo inyboho rikiòlònyrenyke. Kia rybe wityhy Wanyrý Jesusile juhoo inydeereny relyyre. Idi tahe, ijo-honadu mahãdu tuu rarybere tule.

⁴ Deuxu irybe myna rotýýnyre, ròbedeòbydýýnyre tai ròbedeòtiidýýnyrenymy tai Deuxu ruru ritýnynyre. Tule Deuxu Tatytybytyhy iaõwidýýnamy ixideewimy inymy riubýtýnyre.

⁵ Ýju-dee aõkõ bede riwahinyre-kia iòlòmy rarekremy. Jesu-isi-ò kia riwahinyre.

⁶ Juhoo inyõ rybe txiòdýýnamy rarybere: —Ritina-ki kia rybe roimyhýre: —Aõbo heka hãbu tyhy riòre rare? Tii aõ aõkõ rare.

⁷ Ijõ bededýýnanaõ Deuxu riòre ýju-ribi tyhymy aõkõ ihýre.

⁸ Tahe wiji wowydyna tamy rawahire iwese iòlò dee iny riwahinyre wese, tamy rawahire. Tule ibutu wedumy rarekemy. Iny ruereny dee ibutu ihõrõ aõkõ òsana rare. Ibutu rurudu wese aõkõ iny ruereny-ki rýire.

⁹ Tahe inyboho Jesusimy robirenyre. Tiile tuu ihýre. Uri-himyò bede aõmydýýnana bedeu ýju-ribi tyhymy aõkõ Deuxu tii relere aõhòkýmy dýýnana rimykremy. Tahe rurure. Rubu riurihire inyderòwyrenymy. Tai tahe rataana raheto wesena Deuxu tamy riwahinyre deàlana-wana.

¹⁰ Deuxu riwinyre ibutu aõna aõna ixidee. Tii kòkeki, bede ihoõhyymy roiike. Tii ityhydýýdu mahãdu ridymyhýre taloosònasy-ò, taijoimy. Tai tahe Jesuisi aõhòkýmy rotýýnyre Deuxudeewireki. Tarasana wydydumy heka wityhymy Deuxu delede aõhòkýmy rotýýnyreki, tai awityhymy ròhònykemy tarasadudikemy.

¹¹ Òbiti widýýdu tahe òbitina mahãdu-wana wimahãdu wese roire. Wiwanale sohoji tybyribile doidenyde. Tai tahe raixýruõlemy Jesuisi seriòremy rininire.

¹² Ritina-ki rarybere: —Ani aritýnynykre waseriòreboho-ò. Dohodýýna heto-ki àlànawiu-di adee ariwiunykre.

¹³ Ijõ Ritidýýna-ki rarybere: Tii arityhynyhykre. Ijõ: Kak-ile wahe watzireri, tule roire wariòre Deuxu diwahinyde.

¹⁴ Iwese ibutumy inyumy wiwesele roire wese, tule Jesuisi umyõ rimyre, inyumy wesele, tai inywesemy rurukremy. Tai tahe rubu dinodumy rahaananyre, Diabo wahe.

¹⁵ Kia rubu mahãdu lau ruberumyhÿre mahãdu, ibrebu iribi ritare. Kia mahãdu dori rububrebu deòduhyumy ihÿrenyre.

¹⁶ Ýju aõkõ ritakemy namyhÿde, Abraõ riõre riõre ritakemy namyhÿde. Tahe wiji tule ihÿre.

¹⁷ Iseriõre wese hyumy roirekemy ihÿrenyre. Tii dori Deuxu Xiwena widÿÿdumy rarekemy inydeereny tai ruxetõena wahidÿÿdu õbiti tii ihÿre. Ibutumy iny òraru òwydÿÿnamy rÿimyhÿkemy.

¹⁸ Ibutumy ixiradÿÿna mahãdu tii riwiõhenanymymyhÿre, ibutumy ixirana-di aõhõkÿmy rotÿÿnymyhÿreki.

3

¹ Tai tahe, waityhydÿÿdu seriõreboho, boholatyhyke Jesuisi rybe-ò: —Kaiboho dori tule bimybennykemy biu bede aõmysÿdÿÿna. Jesuisi iny ityhydÿÿna Xiwena wahidÿÿdu wedu tyhy rare tule inatyhyna deòdÿÿna tyhy tii rare.

² Deuxu tii riwinyre Xiwena wahidÿÿdu wedumy. Tai tahe tii õbitimy riywinyre Moisesi riywinyre wese Deuxu sÿmahãduy-ki raaõmysÿdÿÿnymyhÿreu.

³ Jesuisi-ò tahe sõwemy wowydyna rawahikremy. Moisesi wowydyna ratyre rawowydynanykemy. Hetowidÿÿdu iny riwowydynymyhÿre, hetoratyremy.

⁴ Ibutuheto iwidÿÿdu dire. Ibutu widyydu tahe Deuxu rare.

⁵ Moisesi Deuxu heto-ki õbitimy rybe riywinymyhÿre teòdu aõmysÿdÿÿnanamy. Tai tahe teòsidÿÿna ririre ijesenareki. Deuxu rybe tÿnydÿÿdu tahe Moisesi rare.

⁶ Kristu tahe Deuxu sÿmahãdu wedu rare Deuxu riõre rareki. Inyboho Inynyrÿreny-ò ròkòtyhydÿÿrenykeki tuu rokoirekre. Tai iny brebutererenymy iny raròsõnareny inatyhymy rakatx-imyhÿrenykeki tahe Deuxu ijoi inyboho roire.

⁷ Kiawesemy tahe Deuxu Tyytybytyhymy narybede: —Wiji tahe tamy boholabenyke aworeny iòlududÿÿrenyõmy.

⁸ Judeu mahãdu wesemy aõkõ boibeke, tybyboho wesemy aõkõ wahe boibeke. Tiiboho dori tamy raujõmomyhÿre bedero-ki Deuxu riurihirenyreu.

⁹ Deuxu rarybere: —Aõbede wiwihikÿ rewinyre hãre, alabiereny riwaitxenanyrenyre tamyreny watzireri iny inatxi-waitue beòramy aõbedewiwihikÿ riraòmyhÿre.

¹⁰ Tahe Deuxu rarybere: —Waky reamy tamy wãhãre. Tiu heka wawana ratxiõhyumyhÿre ryõbiti tamy retÿÿnynyre hãrele. Tawo-ki teòsahymy ratximyhÿre.

11 Deuxu rarybere: Waky reatyhymy tai tahe ixidee resere, inatyhymy rarybere: –Tiu tiiboho elehyna bede-ò ralòõtyhy.

12 Bexijebenymy waseriòreboho uritere awo-ò ròtedỹỹõmy raykyitxỹtena. Kia òraru-ki aDeuxutyhy-ribi irehemy bex-ilòhòrarienyheny aDeuxu tyhy dori irumy ratximyhỹre. Tii inatyhy rare.

13 Txuõ txuõlemy wii biòbitinybenyke. Òraruna dori itxenadỹỹdu nihikỹ rare. Tai tahe wiji kiamy botỹỹnybenyke.

14 Deuxu rikityhynyrenyhyymy rakatxirenyke. Irybe rikiy-winyrenykemy rakatxirenyke iwese juhu rityhynyrenyra wese. Kia wesekeki, Kristu leinamy rakatximyhỹrenyke.

15 Kiawesemy tahe Deuxu Tyytybytyhymy narybede: –Wiji tahe tamy boholabenyke aworeny iòlududỹỹrenyõmy. Iwese ihetxiu mahãdu riwinyre wese aõkõ boibebenyke.

16 Timahãdubohe roholare Deuxu rybe-ò iribi tahe wimy raòludure. Kowa Egito bede-ribi doimyhỹde mahãdu roire. Moisesi tamahãdu-wana doimyhỹde.

17 Mobohe Deuxu kyaradỹỹdure 40 wyra sõwe. Kia mahãdule bederahykile rexihure raòrarunyreki.

18 Moòbo Deuxu rarybere taelehyna bede-ò ralòõtyhymy? Rybe ywisidỹỹdukõdu mahãdu-ò rarybere.

19 Inyboho tuu rierenyre. Rirònyrenyõremy rityhynyõrenyreki.

4

1 Deuxu juhUU rarybere: –Inyõ taelehynabede-ò ralokremy. Inatyhymy heka aõmybo rarybere rỹire. Inyõ òsana kaibohoõ tamy rehemynyõtyhy rityhynyõmyhỹrenyreki. Tai tahe bexityhynymyhỹbenyke kia-ò.

2 Inydeereny tahe Rybewihikỹ tỹmyra ròhònymy roimyhỹre, iwese Moisesi mahãdu-ò ròhònyre wese. Tamyreny tahe awityhymy aõkõ tamy ròhòtinymyhỹre rityhynyõhyymyhỹreki.

3 Deuxu tyhydỹỹdu mahãdu ralòke taelehyna bede-ò. Deuxu dori rarybere: –Jiarỹ inatyhymy anarybede. Iny rityhynymyhỹrele tamy ralokre. Deuxu kiamy rarybere: –Taelehynabede tamy rewinyre xiery juhUU bededỹỹnana rewinyroireu.

4 Inyboho rierymyhỹrenyre tii riraòmyhỹremy Ritidỹỹna roireki: –Deuxu taelehyna-ki ele rihynyre debòinatxixtu bededỹỹnanamy. Taaõmysỹdỹỹna ibutumy rahure aõbo riwinykemy idi raremyhỹ riwinyre.

5 Ijõ rybe tule kia-wana roire: –Tiu ralòõtyhy waelehyna bede-ò.

⁶ Tuu heka Deuxu rarybere inatyhy raremy. Ijõ mahãduõ ralõmyhÿre Ijõ mahãduõ ralõrenykre. Moisesi mahãdu tahe ralõõre Deuxu rybe riywinyõreki.

⁷ Wiji bededÿÿnanamy heka Deuxu rarybereri. Kia rybe rare iwese Davi rarybere wese: —Wiji tamy bohlabenykeu, aworeny iòlududÿÿrenyõmy.

⁸ Josue ridyre Moisesi mahãdu Suwitziraõ-ò. Kasu tahe kabede aõkõ rare Deuxu elehyna bede. Deuxu idihyy tuu rarybemy ihÿre. Wijina ròtena bededÿÿnanamy Deuxu rarybemyhÿre.

⁹ Tai tahe Deuxu mahãdu dee elehynasu bede roimyhÿre. Deuxu elehynatxu wese heka rare, iwese Deuxu debò inatx-ixtu-di rexielehynyre wese.

¹⁰ Iwese Deuxu raelehynanyre wese raelehynanyre iny-boho taaõmysÿdÿÿna-ribi, inyboho rukururenykreu.

¹¹ Awityhymy rokoireke tamy rikirõnyrenykemy tule. Rekeixijerenyke. Deuxu rybe rikiywinnyõrenykeki iwese judeu mahãdu wese rikirõnyrenyõthy.

¹² Ibutumy Deuxu inydeereny rarybere iruru dire. Iwese mayrehe wiòtxureemy rÿrira wese Deuxu rybe rare. Inyrayky wydyna riòrõmyhÿre, õhõti wydyna-wana. Mayrehe rayky riraynymyhÿre aõmybo inyrayky Deuxu ibutumy rierykemy.

¹³ Ibutumy Deuxu rierymyhÿre inyraykyreny. Iny Deuxu-reny irumy ihÿre. Ibutumy aõna aõna tamy itÿnyhÿkÿle rare. Aõ heka iwasi aõkõ tamy rare. Ikonanau ilau ibutumy aõhebo iny rotÿÿnymyhÿrenyre rikitÿnyrenykre.

¹⁴ Jesuisi Deuxu riòre iny xiwenadÿÿdu tyhy rare. Tii rare biu-ò iny wiòhedÿÿmy. Tai tii rikityhynyrenyhyymyhÿke.

¹⁵ Tii iny aõkõnareny rierymyhÿre; ixiradÿÿna rierymyhÿre tai iny riruxetõenyre. Tii kabede-ki tiu heka raõrarunyõhyre, ixiradÿÿna hãrele.

¹⁶ Tai tahe rekexiterenymy rekexitõenyrenyke iny iòlõreny rynana-ò. Tai tahe ruxetõena sõwemy inydeereny kidi-wahinykre. Bedeõbyna kidiõkre tuu rokorurenykreu.

5

¹ Hãbuõ Deuxu rimyre xiwena widÿÿdu mahãdu wedumy rarekemy. Tii ibutu iny derõwymy Deuxu-ò rybedumy raremyhÿ. Tii iny uriõnosõna Deuxu-ò riwahinyre. Tule õraruna brò-ki xiwena tamy riwahinyre.

² Tii dori hãbu rare tamahãdureny-ò dori ywina-di ixi-ki ratxireri iòrarureny rierymyhÿreki. Imahãduõ ibedeeryõre ijõ tahe reòsamyhÿre tiiemy aõna aõna bina riwinyhyymyhÿre.

³ Tai tahe xiwena riwahinyhyymyhÿre tamahãdu õraru-ki tule ixiõraru-ki.

⁴ Inyõ ixideewimy aõkõ xiwenawidỹỹdumy raremyhỹ Deux-udeewi xiery tahe tuu rareke. Deuxu tamy rarybemyhỹrekile tahe tuu rỹike. Iwese Araõ-ò Deuxu rarybere tuu rarekemy.

⁵ Tahe Kristu tule reximyõhyyre xiwena widỹỹdu wedumy rarekremy Deuxu tuu rimymy rarybere: —Kai wariõre tate wijile kai inihe anatarã.

⁶ Ijõ ritina-ki ijõ rỹire: —Kai xiwena wahidỹỹdu atximahãte urenana. Xideki xiwena wahidỹỹdu wesemy atximahãte.

⁷ Jesuisi kaki raremyhỹu hãbu wesemy iruberytynymy rex-itõenymy reàlãmỹhỹre. Rahinymy riajuamy Deuxu-ò rarybere. Tii heka Deuxu rityhynyre tai tamy roholare.

⁸ Deuxu riõre heka tii rarehãrele tahe aõhõkỹmy rotỹỹnymyhỹre. Tai tahe ròeryre rybe ywidỹỹmy.

⁹ Tii heka raõbitinytyhyre. Tai tarasana widỹỹdu rỹimyhỹre iywidỹỹdu ityhydỹỹdu mahãdu dee.

¹⁰ Deuxu dori tii rimyre xiwena wahidỹỹdu wedu rỹirakremy Xideki wesemy.

¹¹ Sõwemy tuu adee ararybekemy wãxireri. Urile adee isirare ierysyna, teeryõhyymy taholamahãte.

¹² Kaiboho ihetxiu tetyhynytenyte. Tahe inyõ bibedeerynybenyke. Ihãre tahe teerynanyõhyymahãte. Ihyymy textiõkesedỹỹnyta tai tahe inyõ anaerynanykemy adi ratxireri timybo ityhydỹỹdu-ki tatemahãmy. Juhuu erydỹỹna wahe.

¹³ Tohouã howỹtõdu weselemy atximahãtenyte, ityhydỹỹdu aõmydỹỹnana teerytyhyõmahãtenyteki, rybeerisydu õbiti aõkõ atximahãtenyteki. Kaiboho taumynyõmahãtenyte iwese ityhydỹỹdu mahãdu rỹirawesekemy.

¹⁴ Deuxu erysynatyhy inyumy rỹsỹna wesemy roire. Aõbinahakỹ aõwihikỹ erysyduõle kia rỹsỹna roire, tiiboho dori rierymyhỹre aõbo awire aõbo ibinare, tuu rotỹỹnyrenyre aõbo awireki.

6

¹ Tikiemy juhuu Kristu rybetyhynamy araerynanymahãre. Rekexitõmonyrenyke. Iwitxira erysyna rikieryrenykemy. Tai tahe rakaumynyrenyke ityhydỹỹdu tyhymy ityhydỹỹdu rudỹỹna-di. Inyõ rarybemyhỹre. Iny raõbitinymy ratxike xiery iny ratakemy ihỹre. Kia aõmydỹỹnana reerydỹỹnanyõkre tahe. Iny rityhynymyhỹkekile iny ratake.

² Ratisebenamy heka anaerynanyõkre, tule debõlidisinamy, tule rubu-ribi ixixanamy, tule bede konana ritxuakre txumy ibutumy heka tuu ararybeõkre. Tii heka juhuu erydỹỹna rare. Kaiboho dori teerytenyte.

³ Wanyrỹ dee wikeki tahe iwitxira erysyna heka ari-wiuronykre.

4-6 Inyõ biu-ribi loosòna wãhidỹỹna riurihimy ritakeki. Deuxu Tyytybytyhy aõmydỹỹnamy ijõ ritake wana, Deuxu rybe riurihike wana, kowa bedede wihikỹ ruru rieryke wana. Tii ibutukeki tahe Deuxu-ribi tahewo-ò dòòsede inatyhyna ririre. Isiratyhyhyyre ixityre ròte taòraruna Deuxu-ò re-lyyòtyhy. Tii dori Deuxu riòre ixityre itxeònihikỹ-ki ritidire, inyru-ò ritidire ibinamy rarybemyhỹre.

7 Biu heka suõ risebenymyhỹre. Òwòrutu iribi ritx-uhudỹỹnymyhỹre tòbòròdỹỹdu-ò. Aõratybo raratynykeki tahe Deuxu bedeòbydỹỹna kia rare.

8 Tahe edewewēju kidiwahinykeki, awiõre heka inydee kia sumy ibinamy rarybere. Urile roomyhỹre. Kia suu tahe iny ityhyna ririre mahãdu wese rare.

9 Kiawese jiarỹ urile rarybereri. Ihãrele tuu aõkõ umyreny rahõtinereri. Inatyhymy rahotinyreri kaiboho aõ òbiti tewinymahãtenytemy. Iwese tarasana mahãdu wese kemy kaiboho ahãtenyete.

10 Deuxu dori òbitityhy rare. Kaiboho tamy taaõmysỹdỹỹnihikỹmahãtenyete tai aribireny tõhõti rosaòtyhy. Iwese Deuxu-ò aluunareny teteòsinyta wese ityhydỹỹdu seriòre tewiòhenanytenyteki ihãre tadiwiòhenanymahãte.

11 Wiluu hyymy boibeke bedede dỹỹnana konana-ò. Tuu raruhyymahãre. Tule iny raròsònareny-di mohõtinybenyke.

12 Tai tahe ityhydỹỹdu aõmydỹỹna irisirenyõmy boibeke. Òbiti widỹỹdu iele ele aõkõ rare. Rityhynyreri Deuxu wahisidỹỹna ritakremy iwese Deuxu rarybereki. Kaiboho òbiti widỹỹdu mahãdu wesemy ahãbenyke.

13 Deuxu Abraõ-ò rarybereu, inatyhymy ixideele rarybere. Inyõ dori Deuxu ratyremy ratxiõmyhỹre.

14 Kawesemy rarybere. Deuxu tiemy ixirybe riwinyhyymyhỹre Inatyhymy anabedeòbynykre, idi anaixijuradỹỹnykremy tai ariokoreõ rasòwekremy.

15 Tahe Abraõ riraòmyhỹre, raeleleõmy. Idi Deuxu tarybe myna rotỹỹnyre.

16 Inatyhymy aõmy inyõ rexirybenykreu aõmy rarybekre. Kai tahe aõ ijyy riixãwididỹỹnymyhỹre.

17 Deuxu tule ixidee rexirybedỹỹnyre inatyhy rybe-di. Tai rybe tarasadu mahãdu rierymyhỹre Deuxu rawitxiranyòtyhy.

18 Inatxi aõmydỹỹnana iny rieryreny. Deuxu rarybere-wana tiu raruiòtyhy. Tai tahe inyboho inyararòsònareny rimymyhỹre. Iny ixiwòtena-ò ralòmehỹre tarasana-ò ralòmehỹre wese.

19 Inywo-ki inyrayky wiòhedỹỹdu ijòdire hãwòjurasu rimymyhỹre wese iny roire Jesuisi koludu wesemy

inydeereny ralòmhyhÿre wesirahana webòrò-ribi, Deuxusÿ wahe.

²⁰ Jesuisi juhuhu ralore tai. Tai tahe Jesuisi Xiwena wahidÿÿdu wedu rÿihyykemy Jesuisi tahe Xideki axi weseõ xiwena wahidÿÿdure.

7

¹ Xideki tahe Salë hãwã iòlò rare. Deuxu Tyhydÿÿdu Xiwe wedu rare. Abraõ heka aõbina ritara. Xideki ròhònyre itxi reakemy, tahe ribedeòbrybedÿÿnyre.

² Tai Abraõ tamy riwahinyre ibutu aõbina aõmydÿÿna-ribi, debòwiò-ribi sohoji riwahinyre, Xidekini tahe òbiti Iòlò rare iwitxira rybe-ki. Salë hãwã Iòlò tahe ywina nodu rare iwitxira rybe-ki.

³ Tybyõre, iseõre, isÿõre. Tii heka itxu ròhònyõhyyre tule bedekonanaõhyyre. Tii heka Deuxu riòre weselemy ihÿre. Tii Xiwena wahidÿÿdu urenana ratxihyymyhÿre.

⁴ Kaiboho mohòtinybenyke timybo tii aõnityhymy raremyhÿdi. Abraõ inytybyreny tamy diwahinyde: debòwiò aõmydÿÿna-ribi sohoji tamy riòre. Iòlò taòludu aõbina aõbina aõmydÿÿna-ribi tamy riòre.

⁵ Xiwena wahidÿÿdu mahãdu Levi sÿriòre mahãdu-ribi doidenyde. Tamy bede ywina riywinymy riteònyre debòwiò-ribi sohojina ritakemy iny-ribi. Taijoityhy-ribi. Tiiboho dori Abraõ sÿjioiluduõ tule roire.

⁶ Xideki tahe Levi sÿjioiludu aõkõ rare. Ihãrele tahe Abraõ tamy debòwiò-ribi sohojina riwahinyre. Xideki tahe bedeòby rybe-di heka Abraõ rirybedÿÿnyre. Abraõ juhuhu ityhydÿÿdu rare Deuxu dori tamy ityhyna rybe riwahinyre. Xideki tahe ityhytyhy rare. Aõhe inatyhy?

⁷ Bedeòbmy rybedÿÿdu aõnityhy rare. Moòbo rarybemyhÿre ratyre aõnityhy rare. Ibutumy kia rierymy hÿre.

⁸ Levi xiwedÿÿdu mahãdu hãbumy ituerenyre. Xideki tahe ruruòhyy ihÿre. Kia ritina-ki roimyhÿre.

⁹ Levi debòwiò-ribi sohojina tarasadu rare. Ihãrele tahe Abraõ teròwmy debòwiò-ribi sohojina riwahinyre.

¹⁰ Levi dori natibienyõde, ihãre Abraõ-ki ratximyhÿ iu witxi Xideki-wana witxi reareu.

¹¹ Bede ywina rybe xiwedÿÿdu mahãdu-wana iny rataõtyhy. Tai tahe iwitxira xiwe wahidÿÿdu inyboho riijemãhãrenyde. Araõ ijoi ribi aõkõ nade, Xideki nade wese tahe Kristu nade.

¹² Xiwena aõmydÿÿnana rawitxirakeki, tule rybe bede ywina rawitxirake.

13-14 Inynyrÿ tahe Levi xiwewahidÿÿdu mahãdu-ribi aõkõ nade. Tii Juda mahãdu-ribi nade. Tiiboho heka tiu xiwe-wahidÿÿdu mahãdu-ki riwiòhedÿÿòhyymyhÿre. Moisesi dori tamy kia aõmysÿdÿÿna riwahinyõre.

15 Kristu iwitxira xiwewahidÿÿduò ròhònyre Xideki wesemy raremyhÿ. Tuu heka teerytenyte.

16 Tii heka bede ywina rarybere wesemy aõkõ nade. Tahe iwitxi rare. Tii umy witxira tuedeõna-di nade. Kia ruru òraru-ki nade.

17 Rybe riti-ki rÿire, Kristumy rarybereu: Kai xiwewahidÿÿdu mahãduò tate Xideki wesenamy ahãte.

18 Aõmydÿÿna tyby rawitxiradÿÿre awimy aõkõ dori rare. Irurudimy aõkõre dori rÿire tarasana wiòhedÿÿmy aõkõ.

19 Kia iny riòbitidÿÿnyre aõkõ. Wiji tahe raròsòna wihikÿ ròhònyre inydeereny Kristu dori Deuxu-ò inatyhymy iny ridymyhÿre.

20-21 Deuxu rexirybedÿÿnyre inatyhymy Kristu xiwena wahidÿÿdumy rarekemy. Tahe iwitxira xiwenadÿÿdumy aõkõ kiawese narybede. Kristu-ò tahe Deuxu rarybere: –Deuxu rexirybedÿÿnyre. Tiu rawitxiranyõtyhy arybe. Kai xiwena wahidÿÿdu atximahãte urenana.

22 Tai tahe Jesuisi riòludunyre wijina aõmydÿÿnana tÿmyra.

23 Xiwedu sòwekemy idi ròhòtinymyhÿre, ijò rurumyhÿreki. Ijò tahe teròwymy ralòmyhÿre.

24 Jesuisi tahe xiwena wahidÿÿdu mahãduy-ribi ròhònyõtyhy. Kristu tahe aõu aõu ratxihymy rarekre. Tai ixiwe òlòdÿÿnamy aõu aõu iweselemy rarekre. Ijò-ò tiu raõtyhy.

25 Tai tahe moõ Deuxu-ò Kristu-di kanakeki, tii tahe Jesuisi ritalekemy ratximyhÿre. Tii dori Deuxu-ò inydeereny rex-itòenyhymyhÿre.

26 Tii dori iny deròwymy rarehymy rareke Deuxu sÿdee. Jesuisi biu-ki rononymhÿre Deuxu-wana. Sÿwihikÿ worana be-dehesina-ki rononymhÿre urenana. Tai tahe tii xiwenadÿÿdu wedumy inyboho rurumyhÿrenyre. Tii òbiti rare, tyrare, iòraruna-ki aõkõ, òrarudu mahãdu-ribi hitximy.

27 Xiwena wedu txuõ txuõlemy xiwena diwinymyhÿde juhuhu taòraru hetydÿÿnamy riwinymyhÿre idi tahe ibutumy inyòraru hetydÿÿnamy riwinyre. Jesuisi kia Xiwena wedu wesemy aõkõ ihÿre. Tii xiwena wahidÿÿdu mahãdu-ribi lahixi rare. Sohojihyy dori xiwenamy rexiwahinyre rubu-ò ikonana xiwena wahe. Tii txuõ txuõlemy aõ rubu xiwe wesemy riwahinyõre, iwese iwitxira xiwedÿÿdu riwahinyre wese. Juhuhu taòraruna òraru-ki raxiwenyre idi iny òraruna òraru-ki raxiwenyre.

28 Bede ywina hãbule ritidire xiwena wedukremy. Hãbu tahe iruruõre idi tahe sohoji rybeõtyhy bede ywina hewomy nade. Kia tahe Deuxu riõrele tuu risÿnyre, tii õbitityhyreki.

8

1-2 Kiamy heka jiarÿ rarybere. Kia awese iny xiwena wedu ijõdire. Iòlò tarynana-ki ronymyhÿre. Jesuisi tahe Deuxu ruruna-ribi ronyre. Iheto-di itxeredu tahe Jesuisi rare. Deuxusÿle iyrubudÿÿdu rare. Kia hãbu aõkõ riwinyre Deuxule riwinyre.

3 Kristu iheto raroowo-ki Deuxu deewina riwinymyhÿre.

4 Kristu kabede-ki ratxikeki tii xiwena wahidÿÿduõmy aõkõ ratximyhÿke. Kabede ludu dori bede ywina rybe rir-itinymyhÿre wesemy riwinymyhÿre.

5 Tiiboho biu aõmydÿÿnana wesemy urihimyõlemy aõna aõnamy rotyynymyhÿrenyre. (Deuxu Moisesi-ò riteõsinyre aõwesemybo tealàna heto-ki raremyhÿ. Tai tahe Moisesi riwinykemy timybo riteõsinyre wesemy hãwãlò ratyy-ki riteõsinyre.)

6 Kristu tahe iwitxira aõmysÿdÿÿna iaõmysÿdÿÿnare. Bede õtiidÿÿna urenana heka Kristu aõmydÿÿnana rõimyhÿre bede ywina widÿÿdu aõmydÿÿnana ratyremy ihÿre. Kristu tahe bede ywidÿÿna tÿmyra riwinyre Deuxu iny-wana heka widee rilorore. Deuxule rarybere tahe juhoo-ribi awityhyre irybe.

7 Juhoo bede ywidÿÿna awi aõkõ rare. Awikeki tahe ijõ tÿmyraõ rònõnyõtyhy.

8 Deuxu dori ihetxina-ki tamy awimy aõkõ ihÿre. Kawesemy dori rarybere: –Txuõ kanakreu tahe, bede ywidÿÿna tÿmyra aritobinykremy Juda sÿmahãdu-wana judeu sÿmahãdu-wana.

9 Bede ywidÿÿna tÿmyra ihetxina-ribi iwitxira rarekere. Ihetxina retobinyre tybyreny-ò. Iu Egito-ribi retareu, retobinyre. Tiiboho bede ywidÿÿna tÿmyra-ò rieryõre. Tai riwinyõre bede ywidÿÿna.

10 Kiawese bede ywidÿÿna tÿmyra rarekre, Wanyrÿ Deuxu rarybere: –Wabede ywina iraykywydyna-di ariritinykre iwo-ò aritidikre wabede ywina. Jiarÿ iDeuxumy ararekre, tule tiiboho wasÿ ijoimy roirekre.

11 Kia txuõ rahukredi tahe ibutumy riwaerykre tasõmo-wana, tanihikÿ-wana. Tiu wii rierynanyõtyhy Wanyrÿ Deuxumy.

12 Ruxetõena tamy ariwahinykre taõrarutedenamy. Iõrarureny ibutumy wanohõti iribi rosakre.

13 Bede ywidÿÿna tÿmyramy Deuxu rarybereu, ihetxina re-tybyra raseruserunya. Taita awiõra heka.

9

¹ Juhuu bede ywidỹyna-ki bede rybe ritina rỹimyhỹre Deuxu-ò deàlana timybo rawahinykemy. Tule rỹimy raremyhỹ tykyheto bederahy-ki.

² Iwo-ki inatxi rareamy rỹimyhỹre. Juhuu irareasana-ki Deuxu iòhònasỹ heka inire iwo-ki tahe adỹỹ loosòna rỹimyhỹre. Tule tii paò brebuna deòtena òwòrubesetyre-ki rỹimyhỹre.

³ Tyky ijòtòbòna hewo ludu rareasa tahe Deuxu syle inire. Òkòsy nihikỹ rihitxinyre ijò-ribi. Tule tahe òwòruwodỹỹò rỹire womati tỹrỹrỹhỹkỹle ihetyre. Iwo-ki tahe xiwena deòtena. Tai riwosinymyhỹre tỹnyre reakemy.

⁴ Òwòrudỹỹrawo-ki tahe womati tỹrỹrỹhỹkỹ butxi riòre ibòbese-di rỹire, iro-ki ihina rỹire mana ta irybereny-ki inire. Tule Araò hoju rỹimyhỹre tai ruhunomy raremyhỹ. Tule bede ywidỹyna riti mana tyre-ki tai roimyhỹre.

⁵ Tule iratyy tyre-ki rỹimyhỹ yju ritxoo inatximy. Teubro-rodile tahe riwòmehỹre. Òwòru wodỹỹ ratòbòna tikibo Deuxu iny òraruna riixãwidỹỹnomyhỹre wahe. Tahe tuu rỹbeònyrenykre kia aòmydỹỹnana tai rỹiremy.

⁶ Kia ibutumy rexihureu xiwena wahidỹỹdu mahãdu ralòmehỹre juhoo rareasanawo-ki taaòmysỹdỹỹna tyhy widyymy.

⁷ Ihewoludu rareasana-ò iwedule ralòmehỹre. Beòra bededỹỹnana sohojimy sohojile tamy ralòmehỹre. Iròdu riwomyhỹre ihãlubu ritxiwikemy xiwenamy. Taòraru-ò iny wixira òraru-ò tule. Inyòraru-ki tii mahãdu aòna aònamy rotỹnyrenyre rexieryenyòhyylemy, kiabro-ki.

⁸ Deuxu Tyytybytyhy kia ijyy-di iny ribedeernomyhỹre. Juhoo tyky heto rỹireu, inybohoò heka Deuxu iòlònasỹ-ò ralòmehỹre.

⁹ Kia heka wijina bedeernare. Juhoo dori xiwena wixira wixira wahidỹỹna wixira wixira uriòno rare. Kia urile iwahidỹỹdu iwo irayky-wana riòbitinyòhyyre.

¹⁰ Juhoo ludu aòmydỹỹnana bede ywinale rare. Rawitxi-rakekile tahe ròhònyke. Tii tahe rỹsỹna bede ywinamy rare, monatyhy bede ywinamy, aòna aòna surona bede ywinamy. Iny kia bede ywina ibutumy rityhinykemy rỹimyhỹre.

¹¹ Kristu dehemynydeu, iu tahe rawitxiradỹỹre. Kristu Xiwena wahidỹỹdumy ratximyhỹre. Tai tahe ibutumy rawitxiradỹỹmy roimyhỹre. Tii ralòmehỹre tyyheto tỹmyra-ò. Itỹmyra tahe biu-ki rare. Kabede-ki aòkò ihỹre; hãbu iwidỹỹdu aòkò rare.

¹² Kristu ralore Deuxu Tyytyby sỹnawo-ò tahãlubu òrarukile ralore. Sohojihyyle ralore iny tarasanarenomy inydeereny riwahinykemy. Iròdu hãlubu-di aòkò ralore, broreni riòre-di

aõkõ, budoeni hãlubu aõkõ wahe tahãlubudile. Tai iny tarasanareny rimyhyyre.

13-14 Juhuu budõe broreni Oriøre hãlubu-di raxiwenanyrenyre. Broreni bryby riubÿtÿnyre iny tyre-ki iaõsusu-ribi rahøkemy. Juhuu xiwena iny taõraru-ribi risuhòkeki, iratyre tyhy Kristu hãlubu iny risuhòke. Tai iny raykybina bina ritamyhÿre tule inywo aõ aõkõ rare, ritamyhÿre. Idi tahe iny Deuxu irumy ratximyhÿre dee wimyri kiwinyrenykre. Tii òbitimy ihÿre iny dee rurureki.

15 Kristu tahe bede ywidÿÿna tÿmyra wedu rare. Tai tahe ibutumy bede ywidÿÿna tÿmyra mahãdu namyhÿde ibutumy aõmybo rarybere ritakemy. Tii dori rurure iny òrarureny dire-ki ihetxiu bede ywina aõmydÿÿnana rÿimyhÿreu, tii rubu-ò rexiwahinyre. Tai inyboho òraruna-ribi rexitarenyre.

16 Inyõ rurumyhÿre-wana tii iny dee ritinaõ ririmyhÿre kia ritina rarybere: —Moòbo taaõna aõna riwahinymy ririkre. Iny rururemyhÿre xiery tahe, ritina awi rare.

17 Kia ritina aõ aõkõ rare iwidÿÿdu tyhy irumy ratxikeki, rubumy roimyhÿrele ritina aõ rare.

18 Tai tahe juhuu bede ywidÿÿna ijõ hãlubu txiwixina dire.

19 Moisesi Deuxu bede ywina wahidÿÿ rahudi, tii bede ywina tyre ritxiwire, iny ratytyre riubÿtÿnyre budoeni hãlubu-di broreni riøre hãlubu-di bewana riurinyumy riubÿtÿnyre. Tule budõe siratykysò-di riubÿtÿnyre.

20 Iu tahe tuu rarybere: —Kia bede ywidÿÿna tÿmyra hãlubu rare. Deuxu wadee rarybere kaiboho bityhynkemy.

21 Tule tykyheto-ki hãlubu riubÿtÿnyre deàlàna aõmydÿÿnana-ki

22 Bede ywina rybe ditÿnynyde ibutumy hãlubu-di risebenyre, hãlubu txiwixina ihoòkeki òraruna rexihuõtyhy.

23 Kabede aõmydÿÿnana biu aõmydÿÿnana wesele rare. Tai tahe Kristu tahãlubu-di kia ibutumy risuhore. Tai iratyre tyhymy ihÿre.

24 Kristu heka templo hãbu widÿÿna-ò ralòõre. Kia tahe inatyhy heto aõkõ rare. Biu-ò Kristu ralore Deuxuko-ki kia tahe isÿtyhy rare.

25-26 Tii sohojihyyle heka rare iny òrarureny riixãwididÿÿnykemy rubu-ò rexiwahinyre. Xiwena wedu wesemy aõkõ ralòõre. Kia xiwena wedu aõu aõu beòralemy hãlubu-di rara xiwemyhÿre. Kristu tahe sohoji hyyle rubu-ò rexiwahinyre.

27-28 Iny rurumyhÿre sohojihyylemy idi tahe Deuxu ywisidÿÿna hitxinatxu kanakre ibutu iny. Kristu rurure sohojile sòwemy iny òraru ixityre riatykemy. Inyõ tamy

retehemy riraòmyhÿre wana, tamy ixityre kanakre òraru ixãwididÿÿnamy iny tarasanarenymy.

10

¹ Juhu bede ywina rybe urihimyòle iny ribedeerynyre Kristu aõmydÿÿnamy. Bede ywina itÿnytyhymy aõkõ iny dee roire aõmybo Kristu inydeereny riwinykre. Ubòròrna wesemy inydeereny dobehede bede ywina. Tai tahe tiu iny riòbitinyòtyhy xiwena-di reamyhÿre beòra ihyymy aõkõ.

² Aõkõkeki beòra beòrau idi reaòtyhy. Aõkõkeki sohojihyulemy xiwena riwinykre. Sohoji bede dÿÿnanadile iòrarureny rexihuke. Tahe aõkõre beòra ihyymy aõkõ xiwena-di reamyhÿre.

³ Tai tiemy òraru-di hyy heka rõhõtinyinmyhÿre.

⁴ Broreni hãlubu, budoeni hãlubu òraruna rahuòtyhy.

⁵ Tai Kristu kabede-ò dehemynydeu, rarybere: —Deuxu, broreni hãlubu buddè hãlubu adee awimy aõkõ ihÿre. Tai tahe waumy teywinymy ahãte axiwenamy aroikremy.

⁶ Kai heka awimy tai tahaòhyyte iròdu hãlubu xiwena-ki òraru tuedenamy.

⁷ Tahe jiarÿ rarybere: —Betehe inihe waumy rubu-ò rewahinyrað iwese ritidÿÿna rybe roimyhÿre wesemy, adeewina ibutumy arityhynykre wahe.

⁸ Tai Kristu juhuru rarybere: —Deuxu, broreni hãlubu buddè hãlubu adee awimy aõkõ ihÿre. Tai tahe waumy teywinymy ahãte axiwenamy aroikremy. Kai heka awimy tai tahaòhyyte iròdu hãlubu xiwena-ki òraru tuedenamy. Kia rarybere bedeywina rybe hãrele.

⁹ Tahe ixityre rarybere: —Deuxu kakile watrixeri adeewimy ariwinykemy. Juhuru bitake xiwena ihewoludu ritidikemy, Kristu xiwena wahe.

¹⁰ Kristu rurure iny òraru-ki. Ixiwena sohojilemy rÿire tuhyy ramyhÿre Deuxu deewina wahe. Kabede ywidÿÿna tahe itÿmyra ihÿre. Tai tahe iny riòbitidÿÿny hyy rarekre.

¹¹ Xiwedÿÿdu txuõ txuõlemy rixiwenanymyhÿre. Tii tahe tiu inyòraruna ritaòtyhy.

¹² Jesuisi tahe sohojihyulemy òraru xiwena riwinyre. Iny òrarunareny riixãwidinymy rahudi Deuxu rurunawe-ribi ronyre, riwowydynymyhÿreki.

¹³ Tahe Kristu riraòmy ronymyhÿre. Taòludu ruru iribi ritakemy tawarawo-ò Deuxu ritidikemy.

¹⁴ Jesuisi dori sohoji xiwehyy-di, iny riòbitidÿÿnyhyymyhÿre.

¹⁵ Deuxu Tyytybytyhy tule kiamy rarybere. Kiawese ritidÿÿna roire:

16 —Kiawese bede ywidỹña tỹmyra rarekre. Wanyrỹ Deuxu ijõmy rarybere: —Wabede ywina irayky wydyna-ki arir-itinykre, aritidikre wabedeywina iwo-ò wahe.

17 —Idi ixityre rarybere: Ruxetõena tamy ariwahinykre iõrarutuedenamy. Iõrarureny ibutumy wanohõti-ribi rosakre.

18 Òraru wanohõti-ribi rosareu, idi rehureu, tiu xiwena rỹiõtyhy tuu rahukemy.

19 Katahe, waseriõre, rekexiuwaresemy rikirõnyrenykre Deuxusỹ-ò. Tamy rekexitõenyrenykemy Jesuisi hãlubu dejux-una òraru-ki sohojile rikirõnyrenykre.

20 Jesuisi dori rytỹmyra riraynyre Deuxu-ò wesirahana yra-di ralõkemy. (Iwese xiwedỹñdu wedu ralõmyhỹre wese, inyboho wiji ralorenkye.)

21 Tule iny xiwe wahidỹñdu nihikỹ ijõdireny Deuxu heto-ki.

22 Tai rikitehemynyrenykre inyraykytyhy ywinakemy inatyhynatyhymy õbitinatyhymy nohõtimy, rati betyhy ixãwina-di sebena-di inyummyreny.

23 Inatyhyna rikiyrubunyrenyke inyararõsõnareny wahe. Aõbo Deuxu inydeereny riwahinykemy rikiraõrenyke. Tii dori inatyhy rare.

24 Tule widi rõkõhõtinyrenyke wiluurenymy rakatxirenykemy wiwiõhedỹñmy rakatxirenyke.

25 Uritere ixihitxidỹñmy tamy beahyy rakatximahãrenyke. Ijõ dori dohodỹña-ò noderamy reamyhỹre kia awi aõkõ rare. Inyõ ryribi rexidõrarienyhỹkeki, tamy rakarybemyhỹrenyke kòdòõsekemy ixyby. Inynyrỹtxu dori iõhõmy resera. Tai tahe sõwemy ròkòteõsidỹñnymyhỹke.

26 Iribi inyboho inatyhyna ibutumy rieryrenymy rahudi, tahe kia hãrele heka òraruna-di rariamyhỹkeki, òraruna xiwena roiõmyhỹre inydeereny iny òraruna tarasana wahe.

27 Kia-ribi tule brebu rỹimyhỹre Deuxu ywisidỹñnatxu lau. Deuxu heõty ratyradỹñdu lau ruberumyhỹre. Kia Deuxu òludu rahukemy rỹimyhỹre.

28 Ruxetõena-di aõkõ inyõ rurure Moisesi bede ywina riywinyõreki. Itxeredu inatxi ada inataõ-di aõbo raryberenykemy. Tai rirubunyre.

29 Kia-di dori mohõtinybenyke. Inyõ Jesuisi rybe-di risinykeki, iratyremy ibinatyhymy rarekre tamy. Tii sõwetyhymy aõhõkỹmy rotỹnykre ibutu ratyre. Inyõ Deuxu Tyytybytyhy ruxetõena aõ aõkõmy idi rõhõtinyre ibinamy tuu rarybemyhỹre. Jesuisi hãlubu aõ aõkõmy idi rõhõtinyre ibinamy tuu rarybemyhỹre.

30 Deuxu kia rarybere: —Txìõhe iny òwydỹñdu jiarỹ rare. Inymy jiarỹle arexiõwinykre.

Inyboho rierymyhÿrenyre kiamy rarybemyhÿre. Tii kiawese rare. Tule ijõmy rarybere: –Inynyrÿle taijoi-di ywisidÿÿna-di riywisidÿÿnykre.

³¹ Deuxu irumy rare. Tii brebuna-di tyhy rareke. Iu iny tamy ibinakeki, tii dori idi rehuke.

³² Juhuu Kristumy teerytenyeteu, awimy heka ahãtenyete. Kia-ribi õhõti losarenyõmy. Kristu òraru-ki aõhõkÿmy tatÿÿnytenyete. Ihãrele tahe Kristu-wana hyy toitemahã.

³³ Inyõ umyreny robireu, tai akireny rutxuenyete, tule akireny òhõte itamadÿÿnyete. Ityhydÿÿdu seriõre mahãdu inyõ aõhõkÿmy risÿnyete, kaiboho tewotõenytenyete.

³⁴ Inyõ rõtenawo-ò ridykeki tai tewotõenymahãtenyete. Inyõ ahõrõ-di rawasinyete, urile teysate. Ahõrõ dori iratyete sõwemy rÿimyhÿre biubede-ki. Tai aõna aõna tiu rabinaõtyhy. Kia teerymahãtenyete.

³⁵ Uritere ararõsona-ribi awo xierysyõmy. Kai dori uriõno nihikÿ bitakre.

³⁶ Ywinihikÿ-di heka rokoireke Deuxudeewimy rikiwinyrenyemy. Tai aõwihikÿmybo Deuxu rarybere, rikitarenkyete.

³⁷ Ritinamy tahe rÿire: –Txiokre inihe. Urihimyõ biraõke. Kia kanakre inatyhymy. Tii raroorehenyõtyhy.

³⁸ Waityhydÿÿdu mahãdu òbiti iruhyemy rÿirake, riwatyhynyete. Inyõ tahe ròõsekeki tamy wadeysaõtyhy.

³⁹ Inyboho heka tahewo-ò òkõsedu aõkõ roire. Ityhydÿÿdu dori roire, iruhyemy nodu, biu-ò hena mahãdu wahe.

11

¹ Aõbohe ityhyna rare. Aõna aõnaõ iny inatyhymy riraõmyhÿre, kia tahe ityhyna rare. Inatyhymy dori kanakre iny rierymyhÿre, iny tuu robiõlemy.

² Ihetxina mahãdu Deuxudeewimy tuu ihÿre, rityhynymyhÿreki.

³ Juhuu Deuxu aõna aõna bedede bedemy riwinyete. Iny inatyhy hynale kia rierymahãrenyete. Deuxu lobixiõna-di ibutumy aõna aõna riwinyete. Idi tahe lobixinamy ròhõnyete iny itxerenarenymy. Deuxu rarybere. Tai tahe aõna aõna ritxienyete.

⁴ Taityhydÿÿna òraru-ki Abeli Xiweõ riwahinyete Deuxu-ò. Kaï xiwedÿÿna ratyete tamy riwahinyete. Abeli rityhynyete riwahinyete, tai tahe Deuxu reysare, òbitimy rareki. Tai ixiwedÿÿna Deuxu riwyyete. Abeli tahe rurure. Ihãrele, iwese tii ityhyna-di raremyhÿ wese rokoireke.

⁵ Enoi tatyhydỹyna òraru-ki tiu ruruðhyyre. Enoi Deuxu-deewimy riwinyre tuu Deuxu juhuhu rarybere. Aðwesele iòmý reare. Deuxu ridymy reare.

⁶ Inyõ ityhynaðkeki, tiu Deuxudeewimy aõ iwidỹõna. Inyõ Deuxudee iòhòmý ratxikeki, tii rityhynymyhỹke inatyhymy Deuxu-wana ihỹre. Deuxu dori tamy rexideòsinykemy ratxireri.

⁷ Noe tule ityhyna dire. Tii hãwò nihikỹtyhy riwinyre. Aðhebo rotỹnykremy robiðhyyre. Ihãrele tahe Deuxu rybe rityhynyre. Tai tahe tasỹ mahãdu ritare rubu-ribi. Bedeludu mahãdu tahe rurure. Noe tahe Deuxu riòbitidỹnyre, ityhyna òraru-ki.

⁸ Abraõ tule Deuxu rityhynyre. Deuxu ijõ bede-ò diteònydeu, Abraõ irybe riywinyre, rare taijoi-wana. Deuxu tamy rarybere suõ tamy rihitxinykemy isỹmy. Tai Abraõ rexitare, rare ihãwã bede ierykõna-ò.

⁹ Ityhyna-di rasỹnyre kia bede-ki. Tyky heto-ki rahetonymyhỹre iwese ijõ bedeludu witxira mahãdu rahetonymyhỹre wese. Ibede rarehãrele tahe ihõròmý aõkõ rõhõtomyre idi tuu aõkõ rexinohõtynyre. Tariòre Ijai, Ijaõ-wana rasỹnyre. Tamy tule Deuxu rarybere iwese tyby-ò narybede wesemy.

¹⁰ Abraõ tahe hãwãõ riraòmymhỹre. Deuxu widỹyna hãwã biu ludu-ki. Kia hãwã Deuxu nohõti-ribi nyide. Kia hãwã dori tiu rabinamy rejuxunyðtyhy ihetotira kyhyna direki.

¹¹ Sara ityhyna dire. Tai ruru dire uladusemy ronykemy ibeòra sòwere hãrele. Tii tahe rityhynyre tuu raryberemy.

¹² Sara iòhòmý irubu roire rasenadunyreki. Ihãrele tahe sòwemy rariòreriðrenyre. Iwese taina rudera wese, ÿnyra sòwewese.

¹³ Kia heka ibutumy rityhynymyhỹre. Idi tahe ituerenyre aõ heka rimyõre Deuxu rybe lidisinaõ. Ireheribile tuu robirenyre; reysarenyre. Tiiboho rarybemyhỹrenyre kabede ludu mahãdu aõkõ raremy, isỹreny mahãdu aõkõ raremy.

¹⁴ Tii heka rarunymyhỹre sỹwihikỹmy tai raerymyhỹre tuu rarybereki.

¹⁵ Tamy wikeki riòkeserenyra inihe tahe aõkõre, noderare.

¹⁶ Wiji tahe tii sỹwihikỹmy biu-ki rarunymyhỹre. Tii dori ijõ ratyre rare. Deuxu isỹ wihikỹ riwinyre tai tahe inyõ iDeuxurenymy rarybekeki, tai Deuxu tiu raixỹruðtyhy.

¹⁷ Deuxu Abraõ urihixina-di reareu riwahinyre Ijai xiwenamy. Tariòre sohoji riywinymy rỹire xiwenamy rurukremy. Tii Deuxu rybena-ki iriòre rarehãre.

¹⁸ Deuxu dori juhuhu rarybere: —Ariòre Ijai ariokoretybymy rarekre.

19 Abraõ rieryre Deuxu iruru dire rubu-ribi riixixadỹnyke, tii Deuxu rityhynyreki. Abraõ dori rõhõtinyre rawasenanyre. Ijai juhuhu rubu-ribi ixixa wesemy reare, raumynyre.

20 Iribi tahe Ijai tyhyna-di rarybere Ijaò dee, Ijau dee aõbo kabede-ò kanakremy aõwiihikỹ wahe.

21 Iribi tahe tule Ijaò rarybere Jyje riòre dee, tariokore-boho-ò. Ityhyna-di rarybere. Ijaò iòhòmỹ rubu-ò ihỹre, òwòru-ò reximymy rariamyhỹre. Tahe òwòru-di rexilamadỹnymy rỹire rexitònykemy Deuxu-ò, riwowydynyremy wahe.

22 Iribi tahe tule Jyje iòhòmỹ rubu-ò ihỹre. Tule ityhyna-di rarybere judeu ijoì Egito bede-ribi kòdòhònykemy. Tule tahe tarybe ririre titxibo itityby rỹikremy.

23 Iribi tahe Moisesi reareu, tybyboho iseboho riwòrenyrene inataò ahådumy tatyhynareny-di ihỹrenyreki. Moisesi itohouã ruxerare. Iòlò rubudỹỹ bede ywina rybemy rarybere. Moisesi tyby-wana kia bede ywina rybe lau ruberuõhyre.

24 Moisesi raumynyreu, Faraò riorerioresy noderare tii tatyhydỹỹna òraru-ki.

25 Tii heka tamywire Deuxu erydu mahãdu-wana aõhòkỹmy rotỹnykre. Urihimyò òrarumy reòwarike derare heka rare.

26 Moisesi, Egito bede-ki aõna aõna wiwihikỹ rỹiramyhỹ derare. Iny tamy aõmy rarybehinamyhỹre. Tahe ibinamy rõhõtinyòmỹhỹre. Kristu dori riraòmỹhỹre, biu-ki uriõno idi rõhõtinyomyhỹre.

27 Moisesi Egito bede-ribi ròhònyre, ityhyna direki wahe. Ruberuõhyomyhỹre heka tii iòlò deburehekỹ lau. Iwese Deuxumy lobixiõnadu iko-txi robire wesemy, ròhònyre. Tii tahewo-ò ròseõhyre.

28 Moisesi heka Deuxu rityhynyre. Tai tahe pascoa worana bedehesi riywinykemy beòra beòramy rarybere. Hãlubu ijò-ò ritxiwire. Tai ýju heka iny riòre delareny rirubunyõre. Egito riòre delareny rurure tai.

29 Iwese surubu tyre-di reurore wesele judeu mahãdu Ahobesò rawo-di reurore beõlemy. Iu Egito mahãdu reuròkemy rareu, urile bee idi raratòbòre. Kia riwinyrenyrene ityhydỹỹnadireki.

30 Ijeriò hãwã mana òtity nihikỹ resere judeu mahãdu rityhynyreki. Debò inatxi reurò txuumy hãwã rora-ki rariare tahe resere.

31 Raabe heka hãwyy uriuri ixidinodu rare, wedena wahe. Tahe Deuxu tyhydỹỹdukòdu mahãdu rexihureu, Raabe ru-ruõre tatyhydỹỹna-ki. Bede-di itxeredu riwòreki.

32 Timybohe ijòmỹ ararybekre? Wasirare heka ibutumy tuu ararybekre, sòwerekì. Kideõ ijo, Barake, Sansaõ, Ijete, Davi,

Samueli, tule Deuxu rybemy rybedu mahādu sōwere.

³³ Kaheka ibutumy riwinyre tyhyna-di. Ijō iòlòhāwā-di rahỹñnanyre. Òbitina riwinyrenyre. Ritarenyre aōmybo Deuxu rarybere. Leaōry dori rirarytxinyre.

³⁴ Rirònyre heòtywo-txi ihārele ruruōrenyre. Mayrehe rubudỹñna-ribi rexitarenyre. Bina-ribi ixyby rarurun-nyrenyre. Ijō aōbina-ki irurudityhymy ratximyhỹre. Tai sōwemy aōbinadu iribi rahenyre.

³⁵ Tasỹō rubu-ribi riixixanyre hāwyyō rityhynyreki. Ijō mahāduō aōhōkỹmy dỹñnana-ki tamy reare. Ixitarasamy rōhōtinyōhyre aōhōkỹmy dỹñnana-ribi. Tii dori umytuedeōna wihikỹ-di rubu-ribi rexixakredi rōhōtinymyhỹre.

³⁶ Ijō ityhydỹỹduō idi rybe jei jeina-ki ratximyhỹre. Tule tai òhòte rỹire reruti òhòte-di. Tule ijō womati reroti-di rataataare, ihyymy idi rehure ròtenawo-ò.

³⁷ Ijō mana-di riwere. Ijō sehòtxi-di riwetyaòròre, wiere riatyre. Ijō mayrehe-di rirubunyre. Ijō ityhydỹỹdu-ò bu-doeniy-di watxinityy-di idi rexityynyre, rama risarenyre, aōhōkỹmy risỹnyny inyō tòtxi ririōhyre. Ijō heka aōbinalemy tamy reare.

³⁸ Kia ityhydỹỹdu mahāduō ibutu iny ratyre Deuxu dee wire. Kabeledudu ityhydỹỹdukōdu mahādu wese aōkō tiiboho roire. Hāwāìlòmy, bederahymy, hāloomy, kia ibutumy bede-di rariamyhỹre iwese iny isỹkōmy rỹire wese.

³⁹ Ibutumy iribi rakaraykynyrenyke tiiboho dori inatyhynarenydireki. Tahe urile Deuxu rybe wahisidỹñna ri-taòmyhỹrenyre.

⁴⁰ Deuxu dori iny-ò riraòmyhỹre Kristu dehemynyna wahe. Ihewo-ribi tahe kia inydeereny riwahinykre, wiwanahyye. Tai tahe idi awityhymy iny ibutumy ròhònykremy.

12

¹ Sōwere inydireny itxeredu. Iny robirenylemy rỹirerimy ihỹre. Tai tahe tako-ò rekekoamyhỹrenykre. Deuxu dori iny-deeremy riwahinyre. Òraru iutxiere inkireny rỹire. Tai tahe rikiatyrenyke òraru ibutumy inyboho dori rimymyhỹrenyre.

² Jesuisi-ò sohojile reketehemynyke. Tii dori inatyhydỹỹna deledỹỹdu rare tule inatyhydỹỹna konanadỹỹdu rare. Jesuisi deysana kanakredile rōhōtinymyhỹrenyre. Tai tahe rahōtinymyhỹre. Tai tahe aōhōkỹmy rotỹñnyre, itxeò nihikỹ-ki rurure. Tai tahe ixỹru tamy reaōhyr rurureu. Wiji tii ronymyhỹre Deuxu ryna ruruweribi-ki.

³ Jesuisi dee hābu binahakỹ aōbinamy reare. Tahe rawobinarybenyōhyre. Tai tahe idi rōkōhōtinyrenyke

iwese rakatxirenykemy. Uritere bede worenyõmy bede òtiidỹnyrenyõmy.

⁴ Boholabenyke, òraru ijesu òraru-ki inyõ aribireny ru-ruõhyimy ihỹre.

⁵ Deuxu tariõre dee rybe wesele adeeremy rarybemyhỹre. Kia-ribi aõbohe õhõtireny rosara. Kia wese Deuxu rarybera: –Wariõre, araõbitidỹnyreu, uritere adebureõmy, alisina aõkõ dori rare. Deòsana rybemy adee ararybekeki, uritere bede-woõmy.

⁶ Deuxu dori aluurekile araõbitidỹnykre. Deuxu tariõre wesemy inyõ rimykeki, aõhõkỹmy risỹnymyhỹre iõbitidỹnyre.

⁷ Tybydiõ aõbohe uri tariõre-di uri aõbohe tyby idi rỹira tariõre riõbitinyõmy? Aõkõre.

⁸ Ibutumy iny òbitidỹnyre Deuxu rurumyhỹre. Inyõ òbitidỹnyrenadiõkeki tii iriõre inatyhy wesemy aõkõ rare.

⁹ Tule inytybyreny inydeeremy retehemyhỹre inyboho riõbitidỹnyrenymyhỹreny. Tai tahe iny riywinymyhỹreny. Deuxu tahe inytybyreny rare. Inytybyreny ratyre tahe tuu rikiywinnyrenyke, tahe irumy rokoireke iurenana.

¹⁰ Iny tybyreny urihimyò bededỹnyrenadi riõbitidỹnyre iwese tamywimy rõhõtinyre wese. Deuxu tahe iny riõbitidỹnyre rekexiywinnyrenyke. Iwese òbitimy tii raremyhỹ wese rokoirekemy.

¹¹ Inyõ òbitidỹnyreny deramy reakeki, tii deysamy aõkõ rareke. Òbitidỹnyreny bedewona-di rare. Rexihuredi, tahe wiõhedỹnyreny reamyhỹre modeebo reamyhỹreò, irumy ywina-di rarehyke.

¹²⁻¹³ Kai bedewokeki, aumy-di, arayky-di iruruõra, ihãrele tahe birurudỹnyreny bimyke. Ati tule iruruõre ihãrele tahe, myike òbitimy. Betehemy, biywinnyryõbiti-di mariake. Tai tahe ijõ iny reyterenykre, raòwenyõtyhy.

¹⁴ Ainytyhymy inydee ibutumy ahãbenyke tule hexiõbitidỹnyreny ahãbenyke. Iny òbitimy rỹiõkeki, tiu Deuxumy robiõtyhy.

¹⁵ Inyõ tahewo-ò Deuxu ruxetõena-ribi ròðeke lau kaiboho bexiebenyke. Tule amahãdurenny-ki alõbõrõnahyre wesemy inyõ ihỹke lau kaiboho bexiebenyke. Kiakeki, sõwemy iny rahyrenyke òraruna uri wesemy.

¹⁶ Tule bexiebenyke inyõ òta òta òraru-txi reseke lau ada Deuxu tõhõtiri ribi rosake lau. Ijau tahe Deuxu-di rõhõtinyõre. Tyby rurukreu aõ tarasana-di tii rohonyre byrena sohoji òwylemy tahelỹnyrenadi rohonyre.

¹⁷ Iribi tahe õhõtireny losarenyõmy. Tii dori rõhõtinyre taaõwi-di ixyby imynnyre reare. Tahe aõkõhyre rahyrenhãrele. Rabedewomy ronyre Ijau dori rỹsỹna

deròwymy taaõwi riwahinyre taexi-ò. Inyboho tahe rekexiywinymahãrenyke itxÿte lau.

¹⁸ Deuxu tabede ywina rybe heka judeu mahãdu-ò riwahinyreu, tiibohe Sinai hãwãlò heòtyko-txi rÿire. Sòwemy heòty bedeluru yhynihikÿ tai reare. Tiibohe rubuerurenyre. Kaibohe tiu breburenyõmy ahãbenyke iweseremy.

¹⁹ Txurònaõ rurònyre nihikÿmy. Tule rybeõ rarybere. Iny ibinamy tai ròhòtinyre. Tai tahe riixãwidinykemy Deuxu dee rarybere.

²⁰ Iròduõ hãwãlò-di tawa ritidikeki, iny mana-di tamy rehuke irubudÿÿmy Deuxu rybemynamy.

²¹ Tai tahe iny tahewo-ò rexihejire brebумы. Moisesi tule, rexiòhãrunyre tuu robireu. Ramytatamy brebумы.

²²⁻²³ Kaibohe dori iwitxira hãwãlò-ò tetehemynyta, Siaõ hãwãlò-ò, Deuxu hãwã-ò. Kia biu-ki Jerusalẽ rare. Sòwetyhymy tai ÿju mahãdu rÿire bede hesina-ò. Ibutu butuna rare. Deuxu riòre sohojile butuna-ò tehemynte, dohodÿÿna mahãdu wahe. Ibutumy ityyriti-ki ini roimyhÿre tamy rehemynyre. Deuxu-ò tehemynte ibutumy erydumy ratximyhÿreò. Inyhÿkÿna mahãdu òbitimy rÿira mahãdu-ò tehemyntyta.

²⁴ Tule Jesuisi-ò tehemynte. Tii iny lobitÿmyradÿÿdu rare. Ihãlubu-ò tehemynte. Abeli hãlubu ratyre awimy ihÿre. Jesuisi hãlubu dori inydee aõwiwihikÿ rare iny òrarureny òraru-ki dori ritxiwire iny riòbitidÿÿnykemy.

²⁵ Boholabenyke Deuxu rarybemyhÿreu, boholabenyke. Kia Deuxu roholaõmyhÿre mahãdu, rexihumyhÿre kabede-ki. Tii biu-ribi narybedeò, rokoholaõrenykeki, tule inybohe rekexihurenyke. Inydeeremy aõnityhykre.

²⁶ Iu rarybereu, bede ramytatatyhyre. Tahe tii rarybere: — Sohojimy ixityre bedè biummy arimytatadÿÿnykre.

²⁷ Kiamy heka rarybereri. Aõbo relemy, urile ixãwikre aõbo ixãwidikõnalemy rÿirakre.

²⁸ Tai tahe Deuxumy rikiàlàrenyke. Inybohe dori Iòlònasÿò rokoirenykre kia rÿihymy rarekre. Iwese Deuxudeewire wese rikiàlàrenyke ityhyna-di òhãruna-di.

²⁹ Deuxu ykarana dori heòty riworonymhÿre wese rare.

13

¹ Ityhydÿÿdu seriòre wiluumy ahãbenyke.

² Aõtxile aroraluduõ bimyhymy ahãbenyke. Inyõ kawese risÿnykeu, ÿju dori riwiòhenanyre, rieryõhyre mobo rare.

³ Ròtenawo-ki rÿire mahãdu-ribi nohòti losarenyõmy. Iwese kai tii-wana atximahã wesele, aõhòkÿmy botÿÿnykre. Aõbinahakÿlemy tamy reamyhyre mahãdu-ribi nohòtilosaõmy.

Iwese inyõ adeereny aõbinahakỹ riwinymyhỹre weselemy idi mohõtinybenyke.

⁴ Ibutumy bityhynybenyke ahãwyy my herina, hãbu tahãwyy-wana sohojile roike. Deuxu dori aõhõkỹmy risỹnykre òta òtana nodu tule òbitimy raõdõnyõre mahãdu ixi-di ròtemy aõkõ boibeki.

⁵ Aõnihikỹ nieru tarasamy ixinohõtidiỹrenyõmy. Aõbo akireny rỹiredile, beysabenyke. Deuxu dori rarybere: –Tiu kaiboho wanohõti aribi rosaõtyhy. Tiu heka araatyrenyõtyhy.

⁶ Tai tahe rikityhynomy rakaryberenyke: Inynyrỹ iny wiõhedỹỹdurenre. Tai tahe tiu rukuberurenõtyhy. Inyõ wadee aõbina riwinyõtyhy.

⁷ Aerydỹỹdurenre-ribi nohõti losarenõmy, tii adeereny Deuxu rybe rotohodỹỹmyhỹreki. Aõbo iruna konana-ò riwinymyhỹredi, mohõtinybenyke. Iwese inatyhyna-di rỹimyhỹre wese kaiboho inatyhyna-di atximahãbenyke.

⁸ Kanau, wiji, Jesuisi Kristu wiwesele ratxireri. Tiiemy iwesele rarehykre.

⁹ Deuxu ruxetõena ixinamy arayky rirurudỹỹnyke. Roxina bedede ywina wiõhena aõkõ ratxireri. Kia heka moo tiu ri-wiõhenanyõhyre.

¹⁰ Inyboho ixiwena witxiradirenre. Iribi tyby hetowo xiwena widỹỹdu mahãdu riroxiõtyhy.

¹¹ Irõduõ didyde tykyhetoworanora-ki hãlubu ritxiwikemy. Xiwena widỹỹdu mahãdu wedu tuu ritxiwire òraruna tuedenamy. Uritere irõdu umy hãwã òtity webrò-ribi riwòsinyre.

¹² Tai tahe Jesuisi tule hãwãhãkỹ ijò webòrò-ribi aõhõkỹmy rotỹỹnyre, iu tahãlubu ritxiwireu inydeereny tòmey, iny riõbitidiỹỹnykemy.

¹³ Rokoirenyke tahe tamy hãwã webòrò-ribi rikimyrenykemy iixỹrunayreõ.

¹⁴ Inatyhomy inydeereny tiiemy hãwã kabede-ki ihoõre. Tahe inyboho riraõmyhỹrenre biu-ki ijõdikre.

¹⁵ Jesuisi òraru-ki tahe Deuxu rikiwowydynyrenyke. Kia iny xiwena wahidỹỹreny rare tamy. Tii iny rityhynyrenymyhỹre, tai tuu rekealàrenyke.

¹⁶ Tiu rikiwinyrenyke aõwiwidỹỹ. Tii Deuxudeewire. Tule wii rikiwiõhenanyrenyke.

¹⁷ Aerydỹỹna mahãdu biywinybenyke. Bityhynybenyke. Tiiboho dori ajisedurenre ratximyhỹrenre. Tii idi Deuxu-ò rirawyònymyhỹre. Kaiboho bityhynybenykeki, tii teysamy raaõmysỹdỹỹkre. Aõkõkeki bedewomy ratxikre. Tai arawiõhenanyõtyhy.

¹⁸ Wakireny bexitõenyhyymahãbenyke. Jiarỹboho wodeysanale-di rahõtinyinmahãre, òbitina widỹỹdu-di

rahõtinyinmahãreki.

¹⁹ Tule Deuxu-ò bexitòenyhyike jiarỹ ele elemy adeereny aròðserenykemy.

²⁰ Inynyrỹ Jesuisi Kristu heka Deuxu rubu-ribi riixix-adỹỹnyre. Tii iny-di itxeredureny nihikỹ rare. Budoeni-di itxeredu weselemy inydireny retehemyhỹre. Tii tahãlubu ritxiwire iny-wana bedede ywina iixihudunakõna riwinykemy.

²¹ Deuxu adeereny ibutumy riwahinyke tamy wimy kai-boho biwinybenykemy. Kia heka wadeewire. Jesuisi Kristu-ò wowydyna ibutumy rarehykemy watzimahãre. Kie.

²² Waseriòreboho, kia watyyriti nihiỹmy aõkõ rewinyre. Tai tahe ywinamy idi boholabenyke rybe wiòhedỹỹna rybe tahe rare.

²³ Iny seriòreereny Tximõtxi heka ròtena-ribi riteònyreny. Ele elemy kanakeki, rakre wawana arorarenymy.

²⁴ Wawehityyna rybe ibutu dohodỹỹna mahãdu-ò biwahinykre, aerydỹỹdu mahãdu-ò tule. Italia bedede ludu mahãdu irybe wehityhyna adeereny diwahinyde.

²⁵ Deuxu ruxetòena akireny ratxikemy watzimahãre.

Txiau Txiau Ryberiti

¹ Jiarỹ Txiau rare. Deuxu Jesuisi Kristu Inynyrỹ-wana deòdu rare. Ròritidỹỹreri Deuxu mahãdu inatyhy-ò. Ubỹtỹmy iny rỹira mahãdu-ò. Warybe weityhyna adeereny rewahinyreri.

² Waityhydỹỹdu aõna aõnasira seriòre, araurihixinanykeki adeereny kanamyhỹkeki, beysamahãbenyke.

³ Kia-di tahe ityhydỹỹdu tyhymy beleke.

⁴ Aurihixina ixinamy rexiòlònyke atyhykemy. Ixinamy kanake araurihikemy. Tai tahe raòbitidỹỹnykre adee aõ rasir-anyòtyhy.

⁵ Inyõ bedeery ihoðkeki, rexitònykre Deuxu dee, tii dori ibutu dee riwahinymyhỹre. Inyõ lau dori ritòenyòhyymyhỹre.

⁶ Urile tii iseòdỹỹòmy bexityhynymy tamy bexitònykre. Riseònykeki yhy òbò-di tiò rehumyhỹre wese rare.

⁷⁻⁸ Kia hãbu iòreki, awimy aòkõ aõhebo rotỹỹnymyhỹre ywiòreki, tii Deuxu-ribi aõ ritaòtyhy, irybe inatxire.

⁹ Iny aõ ijòkõmy rỹimyhỹre, teysamy rỹirake, aõ ijòdikreki Kristu dori rityhynyre. Kia iaòdimy ityhymy rỹira, tule teysamy rỹike ityhydỹỹdumy. Rỹiraki aõ ijòòkre hãre.

¹⁰ Ityhyna heka iny-ribi wylemy ituemyhỹre kie iwese noi-jese ramoròmyhỹre wese. Tahe ityhydỹỹdu mahãdu dee kia aõ aòkõ rare.

¹¹ Txutòteetyhy ròhònymyhỹre dori alòbòròna rimoròdỹỹnymyhỹre. Tahe noi-jese rejuxunymyhỹre. Tahe iruxerana riixãwidinymyhỹre. Kia wesele hãbu ityhymy rỹire rexihumyhỹre. Aõhebo rotỹỹnymyhỹre wetyatxile.

¹² Urihixina inyòdee kanakeu, tahe ijesu binaò wesemy ritakeki. Tai tahe tii reysakre. Tii tahe umytuedeòna heka Deuxu-ribi ritakre. Deuxu dori kia wahidỹỹnamy rarybere taluunadu mahãdu dee.

¹³ Inyõ aõbina bina ixirana-di rexirakeki. Tii rarybeòtyhyke Deuxu riixiranymyhỹremy. Inyõ dori Deuxu tiu riurihiòtyhy. Tule Deuxu riixiranyòtyhy aõbina bina widỹỹ-di. Ixiradỹỹdu aòkõ tii rare.

¹⁴ Kiawese iny ixiribile rexirake, aõ-di sòwemy ròhòtinykeki, tii arabònyre, araitxenanyre.

¹⁵ Kia urari-ribi tahe òraruna ròhònymyhỹre. Iribi tahe òraruwidỹỹna-ribi rubu rỹimyhỹre.

¹⁶ Ixitxenadỹỹòmy waluuna mahãdu, waseriòre mahãdu.

17 Wahidỹỹna ibutumy bedeerydỹỹnatyhy Deuxu biu-ribi diwahinyde kia ibutumy loosònatyby-ribi naderi. Tiu heka rawitxiraõtyhy, tii aõu aõu iweselere.

18 Tii iny ixityre riwinymyhỹre ritỹmyranymyhỹre tatyhyna rybe-di. Tai ibutumy iwidỹỹna-ribi inyboho juhuurenyre, awirenyre.

19-20 Idi mohõtinybenyke waluu waseriõre mahãdu. Ibutumy bexiywinyamahãbenyke iny-ò boholamyhỹbenyke, tahe aõwimy aõkõ marybeke lau, wymy adebureõmy. Hãbu debure-ribi Deuxu òbitina rahenyõtyhy.

21 Abinamy aõhebo tutỹỹnymyhỹte ixi-ribi bitake idi biatyke. Tahe Deuxu rybe-ò boholake, kia dori iruruna dire atyytyby kanatakemy.

22 Kaiboho bede ywina widỹỹdumy, bede ywina tyhydỹỹdumy boibeke. Aõ ijohonadu mahãdulemy aõkõ boibeke. Kiawesekeki bexiitxenanyke.

23-24 Inyõ ijohonadule ronykeki, rybemynamy nodu aõkõ rare. Tii hãbu itxerena-di itxerenadu wese rare. Itxerena-di ixidee retehereu, rexieryre iwese raremy. Tahe rexitareu, aõwesele ixi-ribi tõhõti rosare timybo tii rare wahe.

25 Inyõ tahe bede ywina òbiti-ò retehemyhỹreki, rityhynymyhỹreki tii tahe teysamy ratxikremy ibutumy aõhebo rotỹỹnykremy. Tii dori ijohonamy nohõti losadu aõkõ rare. Bede ywina rybe widỹỹdu rare, ityhydỹỹna wahe.

26 Inyõ bede ywina rybe widỹỹduõmy rõhõtinykeki, tahe tòròtò riyrubunyõhyymyhỹkeki, tabedeywidỹỹna aõ aõkõ rare. Tii tawokile rexiitxenanyyhỹre.

27 Iny Deuxu, Inytyby-ò kia bede ywina widỹỹna òbiti rare. Uladuwyte, wytese-wana riwiõhenanykemy. Tule aõbina bina aõmydỹỹnana widỹỹõmy.

2

1 Waseriõre mahãdu, kaiboho Inynyrỹ Jesuisi Kristu, tetyhynytenyete loosòna wedu tii rare. Tai iny wiribi lahitxiõmy, wiweseweselemy iny-di atximahãbenyke.

2 Kie inyõ tahe dohodỹỹnawo-ò kanalòkeki, womati debo tỹrỹrỹ-di tywihikỹ-di kanalòkeki, tahe tule iny aõkõdu mahãduõ kanalòkeki.

3 Kai tywihikỹ dinodu-ò marybekeki: Kaò bodonyke ry-nawihikỹ-ò. Tahe marybekeki iaõkõ-ò: Kiakile myike lamalemy ada bede-txi aõbo bonyke.

4 Kia wese wiribi hitxidỹỹ-ki tatỹỹnymyhỹtenyete, araykyreny rabinamy kia wese tumahãre.

5 Boholake, waseriõreboho, kaiboho juhoo iny aõkõ mahãdu wese toite. Iribi ityhy ityhydỹỹdukõdu mahãdu iaõrarumy roirekemy, kaiboho Deuxu weselemy tadeletenyete

atyhyna òraru-ki. Aratamyhÿrenyre inatyhyna-di ityhydumy boibekemy, tule kaiboho kowa biu-ò hena bitabenykre. Deuxu dori rarybere: –Waluudu mahãdu tuu arisÿnykre.

⁶ Kiawese, kaiboho urimynodu derarenyre aõhebo tatÿÿnyteri. Ityhy mahãdu tahe ararutÿkÿnymyhyre tule aradyrenymyhyre soldadu dohodÿÿna heto-ò.

⁷ Tiiboho tule Kristunimy aõbinamy rarybemyhÿrenyre. Kai-boho ini-di texininimyhÿtenyte.

⁸ Kia bede ywina rybe-ki roire: iwese ixiluure wese, aerykõdu mahãdu luuke, wiery mahãdu wahe, abireludu wahe. Kia bede ywina biywinykeki, awimy botÿÿnymy mabeke.

⁹ Tahe iny wiribi lahitxinykeki, taòrarunyeri, teywinyõteri. Bede ywina aõkõ atximahãte.

¹⁰ Inyõ tahe bede ywina rybe ibutumy riywinykeki, tahe sohoji aõmydÿÿna riywinyõreki, tai tahe bede ywina rybe ywidÿÿdu aõkõ ratxireri.

¹¹ Deuxu tarybe ririre. Kia rarybera: –Òta òta widÿÿõmy. Tule rarybera: –Rubudÿÿõmy. Tai òta òta biwinyõkeki tahe inyõ terubunyteki, kai bede ywina rybe yrubudÿÿdu aõkõ atxiteri. Òrarudumy tate.

¹² Iwese iny bede ywina rybe-di tÿmyra ahãbenyke. Deuxu dori bede ywina-di arararutxÿnyrenykre. Taita òbitimy botÿÿnybenyke, marybebenyke.

¹³ Inyõ riwotòenyõmyhÿkeki, tule tamy riwotòenyõleke tawiribihitxinatxu-u. Wotòedÿÿna wiribihitxina ratyre rare.

¹⁴ Waseriõre mahãdu, inyõ rarybekeki: –Jiarÿ watyhyna ijõdire. Tahe iaõmydÿÿna wihikÿ-di aõkõ rare. Kia tahe aõ aõkõhyky heka rare tamy. Ityhynale kahãbu ritakekõ aõbo. Tahe reruinyreri.

¹⁵⁻¹⁶ Inyseriõreõ tyy, rÿsÿna ihoõke-wana. Tahe inyõ tamy rarybekeki, ywina-di bòhònyke, aheto-ki biroxikemy. Tahe aõ riwahinyõra tyy, rÿsÿna-wana. Aõbohe irybe rare. Aõkõhykyre irybe.

¹⁷ Kiawese taheka kia hãbu inatyhyna rare, iaõywidÿÿna ihoõkeki kia ityhyna ihoõke wese rare.

¹⁸ Inyõ rarybeke-wana: –Kai atyhyna dire. Jiarÿ waõwidÿÿna ijõdire. Biteòsinyke wadee atyhyna sohojile tamyreny wina-di aõkõ. Tahe jiarÿ tamyreny waywina-di adee ariteòsinykre kia òraru-ki bobike jiarÿ Kristumy retyhynyrimy. Watyhyna iny idiõre waõwidÿÿna ijõõre-wana.

¹⁹ Kai bityhynyke Deuxu sohojile raremy. Kia tahe awire urile diabo tyytybybina tule Deuxu rityhynyre. Tai ilau ruberumyhyre.

²⁰ Inatyhyna iaõmy widỹỹnana ihoõkeki, aõ aõkõ wese rare. Kia tetyhynyõlemahãte aõbo, hãbu itxỹtere.

²¹ Inylabiereny Abraõ tariõre-di Ijai rixiwenykemy idi ratx-imyhỹu, kia-ki Deuxu riõbitinyre.

²² Tabimahãte aõbo. Abraõ tatyhyna iwidỹỹna-wana aõna aõna riwinyre. Ityhyna riwiõhenanyre.

²³ Tahe iwese ritidỹỹnamy roire wesemy tuu rotỹỹnyre aõmybo heka rarybera Abraõmy: –Boholake, Abraõ heka Deuxu rityhynyre. Tai Deuxu tii riõbitidỹỹnanyre. Tule, Deuxu tabiõwamy rininire.

²⁴ Betehebeny ini. Inyõ iõbitidỹỹmy ronyke-wana inatyhyna sohojidile aõkõ tii ihỹke, tahe iwidỹỹna-di tule wahe.

²⁵ Ijõre tahe: Raabe, aderanamy raremyhỹ. Iribi tii Deuxu rybedeõdu mahãdu riyrubunyra rubu lau, tahe riteõnyre ry-wasi wixira-di. Kia widỹỹna Deuxu Raabe riõbitidỹỹnyre.

²⁶ Iwese umy tyytyby-di aõkõ rubumy rỹimyhỹre wese, tule inatyhyna sohojile aõ aõkõ rare tamywina-di aõkõreki heka rubu wese rare.

3

¹ Uritere, waseriõreboho, bedeerydỹỹdu mahãdumy aõkõ ixi-di norenykõmyke. Ibede õnana hitxina txuu dorihe aõnihikỹkre bede erydỹỹdu mahãdu dee.

² Inyboho ibutumy sõwemy õraruna-txi aõu aõu resemyhỹrenyre. Inyõ tarybe-ki raõrarunyõkeki, tii iny õbiti rare.

³ Iwese awaru iny riraõmyhỹre wese taumy ibutumy riraõmyhỹre. Awaruru-ki jurarõsõna rirutymyhỹreu, tii irarõsõna-di rare. Tai tahe awaru iny riywinymyhỹre iumy ibutumy iny riraõmyhỹre.

⁴ Betehebenyke iny heõty lawò nihikỹ-ò irarõsõna iyjatyhyre tahe irarõsõdỹỹdu idile riraõmyhỹre titxibo inonana-ò yhy nihikỹ iwetxi kedeakreki, ihãrele irarõsõna riraõmyhỹre.

⁵⁻⁶ Iwesele iny dõrõtò rare. Iyjatyhyre ihãrele aõnihikỹmy rarybemyhỹre. Betehebenyke iny heõty helỹỹresi iyjare, ihãrele õtiranihikỹ ritoonymyhỹre. Dõrõtò tahe heõty wese rare. Sõwemy heka õraru riwinymyhỹre. Dõrõtò bede aõmydỹỹnanabina dinodu wese rare, inyumy susudỹỹdu dõrõtò rare. Sõna bede tõtee-ribi diabo mahãdu-ribi heka nade.

⁷ Ibutumy irõdu brebuna, nawii wixira wixira, irõdu be-laludu, utura, riinytyhydỹỹnymyhỹre. Iny mahãdu iratyre irurudỹỹna dire.

⁸ Inydõrõtò inyõ tahe riinytyhydỹỹnyõtyhy. Ibinatyhy rare. Rubudỹỹna uri-di ratxireri.

⁹ Inydòròtò-di Deuxu inytybymy iny reàlàmyhÿre tule idi inmy raujòmomyhÿre. Deuxu ixiwesemy iny riwinyre, ihãrele iny wimy raujòmomyhÿre.

¹⁰ Inyõ tary-di Deuxu rirowòwydynmahãre tule idi ujòmomy reamyhÿre. Waseriðreboho, kiamy aõkõ idi boibeke.

¹¹ Beijirana-ribi ibree ihÿre-wana wiule heka ròhònÿõtyhy.

¹² Òwòru inatxi wiribi lahixire. Ijõ aõbo wiraty-di raratynyke aõkõre? (Figueira azetonamy raratynyõtyhy) Videira figomy raratynyõtyhy. Juwyrabe hãloo-ribi bebreke ròhònÿõtyhy.

¹³ Inyõ bederykeki ibedeerynadikeki, tii ywimy ratx-imyhÿke. Ibutumy òbitimy ratxirerimy aõ riwinymyhÿremy rexityhynymy ixidi rõhõtynyõtyhy tyhymy rabekemy.

¹⁴ Kaiboho awo-ki ixiburena ijõdikeki, inywitxira hãrosu ijõdikeki tai tii deysamy atxiðke tai tuu marybeõke. Kai rui-widÿÿõmy.

¹⁵ Kia bedeeryna biu-ribi aõkõ nade, bederibile, iny hãrosu diaboribile nade.

¹⁶ Inywitxira hãrosu ijõdike-wana, tai jei jeina rare. Ibutumy aõbina bina.

¹⁷ Bedeerydÿÿna biu ludu juhule òbiti rare, idi ywina rare, rutaõna rare, wityhyna rare, ruxetõena rare. Awihyymy nodu widÿÿna rare.

¹⁸ Òbitina aõu aõu kanakre ywinawidÿÿdu-ò. Iwese aloborodu rehumyhÿre wese, tiiboho ywinamy rekoamyhÿrenyre.

4

¹ Aõherekibo ayreny-ki jei jei rÿimyhÿre. Awo-ribi namyhÿde araykywydyna ribi.

² Kai sõwemy aõdikemy tahõtinyinmahãte aõhebo aõkõ tetate. Tahe terubunymahãte. Inywxira aõmydÿÿna-di òbire, tahe aõkõre. Tai aõbina tetelenymyhÿte ijei jei-di. Aõ ijõðre textiðenyõma hãteki.

³ Textiðenyteki, tetaõmahãtenyte. Teòsamy dori textiðenymahãtenyte. Ixidee sohoji dehunalemy tahõtina mahãtenyte aumydeewimy behukelemy.

⁴ Bede aõmydÿÿnana luudu mahãdu heka Deuxu òludumy ihÿre. Kia aõbo teeryõtenyte, òbitiõna, mahãdu. Inyõ bede aõmydÿÿnana bina biòwamy ratxikeki, Deuxu òludumy rare.

⁵ Aõ aõkõ aõbohe rybe riti kawese roire: Aõhe rare. Deuxu taTyytybytyhy inywo-ki heka Deuxu risÿdÿÿnymyhÿre. Tai tahe iny-di riijetyhymy ratximyhÿre. Aõbo heka kia rare?

6 Tii tahe iny rirurutedỹny myhỹre. Kawesemy ritina rarybere: –ixiwedu mahãdu heka Deuxu ixi-ribi riredỹny myhỹre. Tahe ruxetõena sõwemy ixiwedekõ mahãdu-ò riwahiny myhỹre.

7 Deuxudeewi biwinymahãke. Diabo ixi-ribi birehedỹny keki, tahe tii aribi rahenyke.

8 Deuxu-ò bexiõhõdỹny keki. Deuxu adee rexiõhõdỹny kre. Òrarudu mahãdu, ebõmy bexilyraranyke aòraru-ribi bexitake, rybe inatxi mahãdu, araykyworeny biõbitinybenyke.

9 Mabedewoke, bobuke, mahinyke aòraruna òraru-ki. Ajuedena-ribi arube rytynykre, eysa-ribi mabedewomy atxikemy.

10 Ayrubumy Inynyrỹko-txi boibekeki, tii aratamadỹny kre; tii ixideewimy riwinykemy.

11 Waseriõreboho, uritere aõmy wimy ryberenyõmy. Inyõ taityhydỹduseriõremy tuu ibinamy rarybekeki, iaõna aõna riaõkõkeki tii bede ywina ibinamy rarybereri. Bede ywina rybe riaõkõdỹny reri. Inyõ bede ywina rybe riaõkõny keki, tii bede ywina ywidỹdu aõkõ rare. Tii bede ywina rybe hitxidỹdu rare.

12 Deuxu sohojile dori bede ywina hitxidỹdure. Bede ywina dohodỹna dinodu tii rare. Tii itarasadỹdu rare ihãre irubudỹdule rare. Mobohe kai atxiteri; abireludu hitxidỹmy aõbo texinohõtidỹny teri? Aõkõre.

13 Boholabenyke, tuu tarybetenyteri: wijile aõbo ada biurasõmy aõbo rokoirenykre hãwãõ-ò. Tai bededỹnana sohojimy rikierenykre. Tai nieru tarasamy rakaõmysỹdỹny renykre.

14 Txiõhe rare. Kaiboho dori teeryõlemahãtenyte aõhebo bede rotỹny kre. Timybo mabekre? Iwese biuwetyy yja aõwesele rexihymyhỹre wese heka timybo mabekre? Kiawesemy aõkõ marybeke.

15 Kamy heka marybeke: –Inynyrỹdeewikeki iny rummy rokoireke, tai tahe kia ada kowa aõbo rikiwinyrenyke.

16 Iwese wiji ratximyhỹre wese. Biurasou aõnihikỹ widỹmy marybekeki, kia tahe awi aõkõ rare.

17 Inyõ aõwiwidỹ rieryekeki, tahe riwinyõmyhỹ-wana kia rexiõrarunanymyhỹre.

5

1 Boholabenyke warybe-ò ityhy mahãdu. Mahinybenyke, bobubenyke aõhõkỹmy botỹnybenykreki.

2 Aõmydỹnana wiwihikỹ rabinamy rỹre. Atywityhy isibrey tysini rirõre.

3 Aorotỹrỹreny awomatiurareny raruxinyra tabedỹnana riõnonyrerimy. Anieru susudỹna awobiredỹny amy

kidityňnykyre. Iwese dee heòty risòmyhÿre wese, kia sudÿÿ anasòmyhÿkre. Aõna aõna sòwemy ixidee tebutunymahãte kia atxukonana-ò.

⁴ Abaderòwysydÿÿdu òwydÿÿdu aõkõ dori kai tate. Kai ixideele tebutunymahãte iribireny tawasinymahãte. Tii-boho rahinymy rirajuamyhÿreny tahe kia wysydÿÿdu mahãdu hina-ò Deuxu roholare. Tii ruru mahãdu wedu rare.

⁵ Kaiboho abeòareny teònonytenyteri isikile. Ixideehyyle texideysadÿÿnymyhÿte. Ibutumy aõbo adeeremy wiwi ixidee temytenynte, iwese rubutxudÿÿnatxu broreni riòwenymyhÿre wese. Kai ahãte. Deuxu akanarubunykre.

⁶ Òbiti mahãdu teteònymahãte terubunymahãte. Tii tiu adee rexiòwynyòtyhy.

⁷ Ixieleledÿÿòmy tahe waseriòreboho. Inynyrÿ kanakreu. Betehe inihe. Óworudu heka taaõwi riraòmyhÿre biu bedeu.

⁸ Kia wese kaiboho tule eleelemy aõkõ biraòmyhÿke aworeny-ki beximymyhÿbenyke, Inynyrÿ nonana dori iòhòrehe.

⁹ Waseriòreboho uritere wimy ibinamy ryberenyòmy Deuxu dori arahitxinyreny. Ihitxidÿÿdu nonana tahe iòhòre iòkiwesele riijemy rÿimyhÿre.

¹⁰⁻¹¹ Waseriòreboho ihetxiu Deuxu rybemy rybedu mahãdu iyrubumy rÿiramyhÿ. Iwese tiiboho rÿiramyhÿwese boibeke aõhòkÿmy dÿÿnana-ki rare. Kia aõhò kÿmydÿÿnana-ki òbitimy rotÿÿnymyhÿre. Iwese Jòò iyrubumy raremyhÿre taholamahãtenynte. Tule iwese ionanau Deuxu riwiòhenanyre wesemy teerytenynte. Inynyrÿ dori ruxetòenatyhy-di rare làhànatyhy-di.

¹² Ibutu ratyre waseriòreboho inatyhymy sohojilemy marybeke ijò rybemy rybeòmyke Deuxu arybe ritxiònyòtyhy. Aõna aõnamydÿÿnanaribike aõkõ iximyhÿyle marybeke. Kohemy marybekeu kohelemy marybeke. Aõkòmy marybekeu, aõkòlemy marybeke. Kawese-ki inyò aratxiònyòkre.

¹³ Inyò aõbo ayreny-ki aõhòkÿmy rotÿÿnyreri. Tahe tai bexitòenykre. Inyò aõbo ayreny-ki teysamy ratxireri. Àlànawi-di tii wana mawiunykre.

¹⁴ Inyò aõbo ayreny-ki webinadumy roireri wana. Tahe dohodÿÿna rybedu mahãdu-ò tamy bididybedenyke tamy rexitòenyrenykemy. Adÿÿ ityre ritxiwikemy Inynyrÿni òraru-ki.

¹⁵ Ixitòedÿÿna tyhynale webinadu riteytenykre. Inynyrÿle ritamahÿÿnykre. Tii òraru-ò raòrarunymyhÿke-wana Deuxu iòraru riixãwidinyke.

¹⁶ Iny wiò wiòmy aõna aõnarenymy belyybenyke. Wiò wiòmy wii biixitòedÿÿnybenyke, ibutu-ribi beytebenykemy. Inyòbiti

ixitòedỹỹna irurudire, aõna aõna sõwemy riwinymyhỹke.

¹⁷ Eliasi heka inywesereny rare. Tii rexitòenyhyymyhỹre biu ròaõtyhykremy bede-ò. Tahe inataõ beòra-di biu ròaõhyyre.

¹⁸ Tahe ixityre rexitòenyre. Tai biu ròare. Tahe oworu-ki ixityre aõwi ruhunyre.

¹⁹⁻²⁰ Waseriòreboho, inyõ ay-ki inatyhyna-ribi ròhònykeki. Inywitxira tuu rarybekeki, teòsary-ribi ridykeki, tahe ityytyby ritara, rubu konana ixãwina lau sõwemy araru-di ri-ixãwidinyre. Kie.

1 Pedro

1 Pedro Tyyriti

¹ Jiarÿ, Pedro warybe ritina rewahinyreri ubÿtÿ deòdÿÿna jiarÿ rare. Ibutumy judeu mahãdu-ò rewahinyreri Ponto-ò, Alatxia-ò, Apadosia-ò, Asia-ò, Bitinia-ò.

² Kaiboho heka iitxe itxemy toite Deuxu Inytybyreny-ò, Deuxu Tyytybytyhy araòbitinyrenyra, Jesuisi Kristu bityhynybenykemy tule tahãlubu-di arasebenyrenykemy. Wiòhedÿÿna sòwemy ywina-wana adeereny kanakemy watzireri.

³ Ibutumy àlàna Deuxu Inynyrÿ tyby-ò rikiwahinyrenyke. Tii dori sòwemy ruxetòena inydeereny diwahinyde. Tai inyboho ixityre reamyhÿrenyre ratybienyrenykemy Deuxu sÿ mahãdu wo-ki. Inyboho wijile iraròsònareny dire, Kristu rubu-ribi rexixareki.

⁴ Tii wiòhedÿÿna wiwihikÿ inydeereny ririre. Biu bedekile riyrubunumy roire. Tiu rasunyòtyhy, retybyòtyhy, iruxerahakÿlemy lyrahakÿlemy roire.

⁵ Deuxu tarurusòwe-di arayrubunyrenykre kia wiòhedÿÿna bitabenykemy tetyhynyteki. Tarasana heka kia rare. Ikonanatxu Deuxu bedexiteòsinykre.

⁶ Tai tahe beysabenyke. Bededÿÿnana tòbò reakreu, mabedewobenykre òsana aòmydÿÿnana sira òraru-ki.

⁷ Tii tahe kawese-ki atyhydÿÿnareny ityhymy ròhònykre. Atyhydÿÿnareny womati tÿrÿrÿhÿkÿ òwy ratyre iòwy dire. Tiu rabinaòtyhy. Heòtyru-ribi womati tÿrÿrÿhÿkÿ ròhònyre wese atyhynareny kòdòhònykre àlàna, wowydyna, luuna Jesuisi Kristu-ò, tii kedehemynykreu.

⁸ Kaiboho tuu tabitenyòte ihãrele tuure. Tetyhynytenyteri, tai tahe tÿxihikÿlemy deysatyhy-di ahãtenyte.

⁹ Tai atarasadÿÿna-di teteheteri, tetyhynytenyteki.

¹⁰ Juhuu Deuxu rybedu mahãdu ritÿÿraxinyra kia tarasanamy. Tule wiòhenadÿÿmy rarybere adeereny kanakemy.

¹¹⁻¹² Idi tahe dierydenyde ibededÿÿnanau kanaòkre urile ihewo-ribi kanakremy. Katahe adeereny reare Deuxu Tyytybytyhy nade òraru-ki. ÿju mahãdu dori tamywimy tuu rieryrenykemy ihÿrenyre. Jesuisi Kristu aòhòkÿmy dÿÿnanamy tule toosònadÿÿnamy rarybemyhÿrenyreu, tiubedemybo kia kanakemy riijemyhÿrenyre.

¹³ Arayky-ki birarutxynybenyke wereysana rara rotÿÿnymyhÿre wese. Òbitimy maraykynybenyke wiòhedÿÿna-di bidimybedenykre-ki Kristu kedehemynykreu.

14 Wijile kaiboho ywimy nodu riòre wesemy boibeke. Iwese juhu aykaraòtamy tatÿÿnymy tatemahã wese noõmy, abe-deerykõmy tatemahãu.

15 Iweseõmy. Uritere adee rybedu òbitimy raremyhÿwesemy kaiboho ibutumy tuu botÿÿnybenyke kia-ki òbitimy boibeke.

16 Raritinymy dori rÿire: –Òbitityhymy boibeke, jiarÿ dori òbitityhymy raremahã.

17 Deuxu iny wiribi rihitxihitxinyre aõbina bina widÿÿ òraru-ki. Deuxu wiwese wesele iny luure tuu rarawetyynyõhyymyÿre. Iwese bodee textitõenymahãte wese tamy bedeerykõ rira wese boibeke.

18-19 Kia teerymahãtenyete tuu ararybekre. Ixinamy rexi-humyÿredi aõkõ iwese womati tÿrÿrÿhÿkÿ iurahakÿ-di aõkõ atarasanareny riòwynyrene. Tahe Kristu hãlubu-di aõhebo ibina botÿÿnybenyke-ribi textitatenyta aõwidÿÿnabo booreny-ribi teerytenyaki. Kristu tahe budoeni òbiti lyrahakÿ wesemy rare.

20 Tii juhu bededÿÿnanau taumy rubu-ò riwahinykremy rexierhyymy raremyhÿ, wijile kaò nade rurukremy alu-unareny òraru-ki.

21 Tule Deuxu tetyhynymahãtenyete Kristu òraru-ki, Deuxu rubu-ribi riixixadÿÿnyre tahe tamy loosõna riwahinyre, tai araròsõnareny aityhydÿÿna Deuxu-ki roimyhÿre.

22 Kaiboho atyytyby tesurònanytenyete inatyhyna dori tey-winytenyta. Tai tahe wiluuluutyhymy rakatxirenyke. Wilu-umy wesenadÿÿrenyõmy atximahãtenyete.

23 Wiji umydÿÿna juhu wese aõkõ iny bòtòdÿÿna raumy-dÿÿre wiji tahe Deuxu Rybe aumydÿÿnamy ihÿre. Kia tahe ituerenyõtityhy. Umytuedeõna diwahinyde.

24 Iwese ryberiti rarybere wese:

–Ibutu iny asi wese rare. Inyloosõna asi noijesa wese rare.

Asi ramoenymyÿreu tõijesa rejuxunymyÿre.

25 Deuxu Rybe tahe aõu aõuhyy rÿira. Rexihuõtyhy rÿira. Kia rybemy tahe adeeremy rarybemyÿre, Rybewihikÿ wahe.

2

1 Ibutumy idi behuke ixi-ribi, aõbinatyhyna-di, rui-di, iny-witxira aõmydÿÿna xibure-di aõ ikõkõmy ujõmo-di ibutumy.

2 Tahe iwese tohouã howÿsy luure wese rybe-ò bexiborenyke. Atytyby howÿsyna wese rare. Idi maumynykemy tarasana inatyhy-ò.

3 Wanyrÿ dori wihikÿ rare. Kia teerytenyete.

4 Tamy bodoibedenyke. Tii dori manairuhykÿ wese rare. Heto tira widÿÿdu kia mana-di rehura. Tahe Deuxu dee kia ixitarasanamy rare. Awimy heka tai rahare.

⁵ Kaiboho tule mana iruhukỹ wesemy tòimahâte heto òbiti wesemy aijõreny-di kanaijedỹnydenykemy. Xiwena wedu mahãdu òbitimy boibeke, Deuxu dee wina xiwedỹyna òbiti biwinybenykemy Jesuisi Kristu wowydynamy.

⁶ Kawese dori Ryberitina-ki rỹire: –Betehebeny inihe Siaõ bede-ki iny mana heto tiramy iwidỹỹ wesemy ritidire. Tii aõwihikỹtyhy wadee rare. Kia iny rityhynymyhỹkeki, tiu raixỹruõtyhy bede òtiidỹỹ ribedewonyõtyhy.

⁷ Kaiboho ityhydỹỹdu mahãdu, adeereny tii aõwihikỹ rare. Ityhydỹỹdukõdu mahãdu dee tahe kawese tii rare: –Hetotirawidỹỹdu kia mana-di rehura. Kia mana tahe wiji juhuludu mana ritidimy roire.

⁸ Tule ijõ kiamy rare: –Mana idireny kedese denykre. Kia mana awi aõkõ tamyreny rare. Reserenykre rybe ritxiõnymyhỹrenyreki Deuxu heka rierymyhỹre reserenykre.

⁹ Kaiboho tahe iny iitxese itxesemy aratarenyre, xiwena wedu mahãdu òbiti boibe benykremy, inyijoi òbiti boibeke, Deuxu hõrõ mahãdule, iruxeranamy marybe benykemy adee dori bededorohokỹ-ribi anadydenyde taloosõna wiwihikỹ-ò.

¹⁰ Kaiboho juhoo inyijoi aõkõ toitemahã tahe wiji Deuxu taijoimy aratara. Juhoo ruxetõena tuu inyõ riwahinyõhyyre adeereny, wiji tahe tii riwahinyra adeereny.

¹¹ Waluuna mahãdu adeereny ararybekre. Kaiboho iwitxira bedeludu mahãdu wese atximahãtenyteki. Uritere òtaõtarenyõmy atyytyby òludu dori kia rare. Atyytyby aõbina dỹỹnana adeereny diwahinyde.

¹² Ahotiludu mahãduy-ki òbitimy boibeke. Tai omy ibinamy rarybekeki, tiiboho aumytuedeõnamy robinyhỹkemy tahe Deuxumy kiditoosòdỹỹnadenykre Deuxu hitxidỹỹna txuu.

¹³⁻¹⁴ Bede dinodu bede ywina rybe biywiny mahãbenyke Wanyrỹ òraru-ki Iòlõrybe, aõbo kai deòdu rybewydydu aõbo ibutumy birarenybenyke. Iòlò deòdu mynyduhykỹ doidenyde aõbinahakỹ widỹỹdu aõhõkỹmy risỹnyny rimymy risỹdỹỹnykremy ritamadỹỹnykremy tule aõwihikỹ widỹỹdu ritealådỹỹnykremy.

¹⁵ Aõwi wihikỹ widỹỹna-di kaiboho hãbu bina biyrydỹỹnybenyke. Kia Deuxudeewi rare.

¹⁶ Kaiboho hãbu ixihyyludumy ahãteny urile aõbina bina widỹỹõmy boibekre. Deuxu deòduweselemy boibeke.

¹⁷ Iny ibutumy iòsana biywinyke. Ityhydỹỹdu seriõre luumy boibeke. Deuxu biwowydynybenyke. Iòlò bede dinodu biwowydynybenyke.

¹⁸ Deòdu mahãdu, awedu bityhinybenyke awedu wiwihikỹle-ò sohojile aõkõ ibina bina-wana dori bityhybenyke uritere bedeòtiidỹỹmy rỹiõmy.

19 Aõbina riwinyõhyymyhÿre deòdu tawedu-ò. Tahe wedu teòdu-ò aõhõkÿmy risÿnyre. Deòdu riòludunymyhÿre aõmy rary-beõhyymyhÿre, Deuxu rityhynymyhÿreki. Kia wese tahe Deuxudeewina rare.

20 Iny raòrarunymyhÿkeki, tai tahe òhòtenamy inyboho ratximyhÿrenykeki, aõloosõna widÿÿna bohe kia rare. Inyboho riòludunymyhÿreki. Aõwiwihikÿ widÿÿna-di inyboho ywina-di òhòtenamy riòludunymyhÿrenykeki, kia Deuxudeewina rare.

21 Kaiboho biòludunymyhÿbenykemy tai iitxemy aratarenyra. Kristu tule dori òrarureny-ki aõhõkÿmy rotÿÿnyre. Iwese timybo tii riwinyre wese kaiboho biwinybenyke.

22 Kristu dori tiu raòrarunyõtyhy, tule aõbinahakÿmy rary-beõtyhy, raruiõtyhy.

23 Tamy adebure iràm y rryreu wobinamy aõkõ dirawyònyde. Rihetenyreu, aõma aõkõ dirawyònyde. Urile tii rexiwahinyre Deuxu dee. Deuxu dori òbitina-di rihitxidÿÿnyre.

24 Inyòrarureny dori riwyre itxeò nihikÿ tyre-ki. Tai tahe òraruna dee rakarurunyrenyke, tahe òbiti widÿÿna-ò rakatximyhÿrenyke. Kristu wotòmomy iny riteytenymyhÿre.

25 Iwese budoeni reòsamyhÿre wese kaiboho toite. Wi-jile tahe kaiboho tòðemy atxitenynte aitxeredu-ò atyytyby wiòhedÿÿdu-ò.

3

1-2 Hãwyyreny, ahãbureny rybe bityhynybenyke. Tai inyò ihãbu ityhydÿÿdu aõkõkeki, tii kidityhynykre tahãwyyhe-ki, aõrybebo aõkõ roholareki ihe-ki robireki.

3-4 Hãwyy ruxerana heka ixidee itidisirenyõmy atximahãbenyke aõ taumy-ki ritidimyhÿre aõkõ hãwyy ruxerana rare. Aõ iwo-ribi teysare, Deuxu Tyytybytyhy widÿÿna inytyhyna tii tahe hãwyy ruxerana rare. Rade sihodÿÿtyhy ibutu ratyre aõkõ rare. Womati tÿrÿrÿ noho tule aõkõre, tyy wiwihikÿ-di rariamyhÿre tule aõkõre. Kia tahe Deuxu dee aõwiwihikÿtyhy aõkõ rare.

5 Tule ihetxiu hãwyy òbiti tuu rotÿÿnyre, tahãbu riywinyre, Deuxu rityhynyre.

6 Sara, Abraõ riòrese, tahãbu riywinyre. Itxi òhòtirenny beake tawedumy tamy rarybere. Kiaboho hãwyyreny iriòre riòre atximahãtenynte. Tai aõwiwihikÿ widÿÿnamy botÿÿnybenyke. Bededÿÿnana jei jei lau brebuõmy.

7 Hãbu mahãdu, kaiboho tule asÿreny-ki abedeeryna biyrubunybenyke. Ahãwyyreny biywinybenyke hõraõmy idi ahãbenyke, tiiboho dori itxõmotxirennyre iruruõrennyre. Iòsÿny bityhynybenyke. Wiwana Deuxu ruxetõena tarasadÿÿdu atximahãtenynte. Tai aixitòedÿÿnamy òbitimny bexitòenybenyke.

⁸ Tahe kaiboho ibutumy widi mohõtinybenyke wiwesewe-sele. Ityhydÿÿdu seriðre dee tõena luuna-wana biwahinyke. Ruxetðena-di boibeke iny-ò ixityhydÿÿ aõkõ.

⁹ Inyõ aõbinamy adee rakeki, ixidÿÿdÿÿõmy. Inyõ rybe-ki aõbinamy adee rakeki, irawyòdÿÿõmy. Wityhymy tamy mary-beke. Kia-ò tahe Deuxu aõwihikÿ adee riwahinykre, tai ijõtÿx Deuxu wityhynamy adee riwahinykre.

¹⁰ Tai inyõ tabededÿÿnanaluummy ratxike-wana, tatxuu teysamy ratxikeki, tahe dõrõtò rexitaake rybe bina lau iry riyryke wobina rybe lau.

¹¹ Aõbina bina-ribi bihenybenyke aõwihikÿlemy botÿÿnymahãbenyke. Ywina biijemahãbenyke ywina-di ahãbenyke.

¹² Deuxurue tahe òbiti mahãdu-di retehemyhÿre. Tanohõti tahe ixitõena-ò riijohonanymy rononymhÿre. Aõbina widÿÿnadu-ò tamyreny rayaranymy idi retehemyhÿre.

¹³ Kai aõwihikÿ widÿÿlemy tiu matxibekeki aõhe iny adee rotÿÿnyõtÿhy.

¹⁴ Kai òbitiwidÿÿ òraru-ki aõhebo bõtÿÿnykeki, deysamy atx-imahãke. Breburenyõmy iwese ilaureny ixidhãrudÿÿrenyõmy.

¹⁵ Urile Kristu awedurenywesemy bisÿnybenyke aworeny-ribi. Inyõ adeeremy aratyÿraxinyke-wana aõherekibo Kristu tetyhynymhÿtemy, kai bexiywinyhy tamy ixidee rybena bydÿÿna biywinyhyymy idi ahãke. Arawyòdÿÿna ywina-di tamy marybeke iõsÿny bityhynymy arayky òbiti-di marybemahãke.

¹⁶ Tai tahe biixÿrudÿÿnyke umy ibinamy rarybekeki, tai dori òbitilemy Kristuko-txi tariamahãte.

¹⁷ Tahe Deuxu dee wikeki, aõwihikÿwidÿÿ òraru-ki inyõ aõhõkÿmy rotÿÿnykeki, kia tahe Deuxu dee awi rare. Aõbinahakÿwidÿÿ òraru-ki aõhõkÿmy rotÿÿnykeki, kia tahe Deuxu dee awi rare.

¹⁸ Kristu tahe sohojihyyle rurure iny òraruna òraru-ki. Òbitiwidÿÿdu tahe rurure òbitiwidÿÿdu aõkõ òraru-ki, kaiboho ruruweselemy atximahãtenyte. Deuxu Tyytybytyhy direki kaiboho iruweselemy atximahãtenyte.

¹⁹ Kristu Tyytyby rara rotenawo-ò, tyytyby-ò ritÿnynymy rarybeke.

²⁰ Noe hãwò nihikÿ riwinyreu, Deuxu riraõmy raremyhÿu urile hãbu mahãdu rityhynyõmyhÿre. Debò inataõ reurò inymy rohonyre rubu-ribi bera-ò rabòròròre.

²¹ Wiji, kia sebedÿÿna ijyy wese heka rare. Tahe aõsebedÿÿna aõkõ iny tarasanare. Sebedÿÿna-ki Kristu rubu-ribi ixixana inyboho riteõsinyreri iny Deuxu-ò retehemyhÿre tarasana ritakemy. Bee tahe hãlubu suròdu

aõkõ rare. Rexitòenymyhÿreki inywo rityranymyhÿre risuhònymyhÿre.

²² Kristu tahe wijile biu bede ronyre Deuxu rurunawe-ribi tii ÿjuboho, dinoduboho, rurunaduboho wedu Kristu rare.

4

¹ Tahe Kristu taumy-wana aõhõkõmy rotÿÿnyre. Tai tahe iwesemy mohõtinybenyke. Inyõ dori aõhõkõmy rotÿÿnyre. Tai tahe òraruna-ribi ixiixãwididÿÿmy rõhõtinyreri.

² Tai kabede-ki iny bededÿÿnanareny uhe hãbu òta òtawidÿÿ nohõtina wesemy aõkõ rakatximyhÿrenyke. Deuxu deewina widÿÿna-ò rakatximyhÿrenyke.

³ Juhuu kaiboho sõwemy taòrarunytente, iwese ityhydÿÿdukõdu mahãdu wiji rÿira wese.

⁴ Aòraru-ò biòwa mahãdu wiji bederiòtiinyre kai tii-wana taòrarunykõmahãteki iwese tiiboho naòrarunymyhÿdenyde wese. Tai adee ibinamy rarybemyhÿrenyke.

⁵ Tule tiiboho ywisidÿÿdu Deuxu-ò rirawyònykre. Idi dori òbiti ywisidÿÿna-di rihitxidÿÿnykre iru mahãdu, rubumahãdu wana.

⁶ Tai tahe inyõ ituekre mahãdu-ò Rybewihikÿmy rarybemyhÿre iumy dori rihitxidÿÿnykre ibutu hãbu wesemy. Tahe itytyby Deuxumy irumy rarekre.

⁷ Boholabeny inyhe, bededÿÿnana konana iòhòra. Tai tahe inatyhymy mohõtinyke Deuxu-ò òbitimy bexitòenykemy.

⁸ Ibutu ratyre wiluutyhymy atximahãbenyke. Kaiboho dori aluunadirenykeki wiòraruna-di itxerekõmy ahãbenyke. Inyõ dori iluunadikeki, wiòraruna-di itxerekõmy ihÿke.

⁹ Iny wixira dee awimy rÿira, roraludu isÿõmy rÿira aheto-ò bisÿdÿÿnyke. Bitÿhidÿÿnyke roraludu luumy atximahã.

¹⁰ Wii biwiòhenanymy ahãbeny iwese bede teerytente wese biwiòhenanybenyke. Deuxu wiòhedÿÿdu wiitxura wahidÿÿdu wiwihikÿmy boibeke.

¹¹ Inyõ rarybekeu, Deuxu rybedile kana rybeke. Inyõ reòbykeu. Deuxu ruudile kedeòbyke. Tai tahe Deuxule loosòna kia-ribi kanatake Jesuisi Kristu òraru-ki ibutumy aõna aõna-di. Aõu aõu ibutumy ruruna, loosòna Jesuisi Kristu hõrõ rare. Kie.

¹² Waluuna mahãdu, ixibedeòtiidÿÿõmy bede aõmydÿÿnana sira adee kanakreu. Kia tahe aõ bredudÿÿna aõkõ rare aõhebo adee kodotÿÿnykeki.

¹³ Tÿxihikÿlemy deysa-di atximahãke kia aõhõkõmy dÿÿnana dori Kristu aõhõkõmy dÿÿnana-ò biòwa atximahãte. Idi tahe tule kedeysakre Kristu loosòna òraru-ki.

¹⁴ Inyõ adee ibinamy Kristuni òraru-ki rarybekeki beysake. Kiau Deuxu Tytyby heka loosòna sõwe-di atyre-ki kanakre.

15 Kaibohoõ rubudỹỹrenyõmy, wasirenyõmy, aõna aõna bina widỹỹõmy, inywitxira aõwysyna-txi ròte. Kiake-wana iòwydỹỹnamy aõhõkỹmy botỹỹnybenykre. Tii dori wadee awiõre.

16 Inyõ tahe aõhõkỹmy rotỹỹnykeki, ityhydỹỹdumy rare òraru-ki tai ixryuõmy mabeke. Urile Kristunimy riwowy-dynkemy idi rare. Bededỹỹnanahe rehemynomy roire ityhydỹỹdu mahãdu-di rihitxidỹỹnanomy riteranykemy.

17 Tahe inydee ywisidỹỹna ritelenykeki, timybohe Deuxu Rybewihikỹ ityhydỹỹdukõdu mahãdu-ò kòdòhònykre.

18 Ryberiti-ki roinyhỹre kia: —Òbiti mahãdu dee tarasana isirakeki, timybohe òrarudu mahãdu ròhònyke.

19 Tahe inyõ Deuxudeewi òraru-ki aõhõkỹmy rotỹỹnykeki, Tatytyby Deuxu-ò rawahike tahe aõwihikỹ widỹỹmy rareke. Deuxu dori aõu aõu iny widỹỹdureny rare; iny wiòhedỹỹdureny rare.

5

1 Ityhydỹỹdu-ò itxeredu mahãdu-ò aritohonykre arary-bekre. Jiarỹ tule itxeredu-ò rare. Kristu aõhõkỹmy rotỹỹnyreu, jiarỹ tuu rabire. Taloosõna kiditeòsinykreu jiarỹ awana watzire tewebromy rikitarenykremy.

2-3 Biwisinanyke aityhydỹỹdu butuna iwese itxeredu bu-doeni-di retehemyhỹre wese idi beteheke. Ixideewimy kia biwinyke. Inywitxira deewimy aõkõ. Aõ nieru tarasa soho-jilemy aõkõ, ityhydỹỹdu wiòhedỹỹmy. Aõ ityhydỹỹdu wedu wesemy aõkõ bisỹnybenyke, urile bexideòsinyke iwese ityhydỹỹdu òbiti rỹira wesemy.

4 Tahe itxeredu mahãdu wedutyhy kedehemynykeu, tii adee kidiwahinykre loosõna araheto. Tii tiu toosò ixãwiõtyhy.

5 Itxeredu mahãdu tỹmyra bierybenyke itxeredu mahãdu matuari-ribi widee ixiwedeõmy ahãbenyke. Ixiwede mahãdumy dori Deuxu rarawetyynymyhỹre. Ixiwede aõkõ mahãdu-ò tahe ruxetòena riwahinyke.

6 Ywimy ahãke Deuxuru-ò iximy xiwedeõmy. Tii dori bede òbiti kanakeu akanaloosònykre.

7 Aõmydỹỹna witxira witxira biwahinybenyke Deuxu-ò tii dori arawisinaymyhỹrenyke. Anawiòhenanykre.

8 Bexihãrubenyke aòludureny Satanasi-ò. Òbitimy mohõtynybenyke. Tii dori leaõ reburemyhỹre wese rare. Tii rariarerimy ihỹre tibo riròkemy.

9 Atyhynatyhy-di idi bexiumynyke. Aityhydỹỹdu seriòre-dori awana aõhõkỹmy rotỹỹnyreri kia ixi-radỹỹduhukỹle-wana.

¹⁰⁻¹¹ Iny Deuxu ruxetòenatyhy rỹire. Kaiboho urihimyò aõhõkỹmy botỹỹnybenykeu akanawiòhenanykre, akanaru-rudỹỹnykre, akanaòbitidỹỹnykre, anaijohonadỹỹnykre. Ibutumy ruruna ihõrõmy aõu aõu rarekehyymy idi watximahãre.

¹² Kia waryberatiyla Sila-wana adeereny riritinyre. Tii iny seriòereny òbitityhy rare. Jiarỹ rarybereri kia Deuxu wiòhedỹỹna inatyhy rare. Kaiboho idi tyhy mohõtinybenyke.

¹³ Kowa hãwyy Babilonia hãwã ludu tule tarybe weityhyna adee diwahinyde. Tii tule itarasana mahãdu-ò. Tule wariòre Marku arãrybeweityhynanyrenyde.

¹⁴ Widee buòbenyke narybewehityhynanyde. Ywina adeereny kanakemy watxireri Kristu tetyhynymahãtenyteki.

2 Pedro 2 Pedro Tyyriti

¹ Jiarỹ, Simaõ Pedro, Jesuisi Kristu deòdu rare. Jesuisi Kristu rybemy rybedu rare. Warybe ritina rewahinyre ityhydỹdu mahãdu-ò, Deuxu ywisidỹna mahãdu-ò, Jesuisi Kristu iny-tarasadu òbitina òraru-ki, inatyhyna inyboho ijõdirenyreki.

² Ruxetõena wiòhedỹna-wana adeereny kanakemy watzireri Deuxu erydỹna-ki, Inynyrỹ Jesuisi erydỹna-ki.

³ Tahe Deuxu rurutyhy-ribi inydeereny aõna aõna sõwemy riwahinymyhỹre òbitimy inyboho rokoirekemy iny bededỹnanarenen-ki. Tii inyboho ridyrenyrene taloosõna òbitiwo-ò, tii inyboho rieryrenythyreki.

⁴ Tai inydeereny tuu rarybere, sõwemy aõna aõna kanakremy awityhymy inydeereny kia rybe rare.

⁵ Kia rybe bityhynybenykeki, bede aõmydỹnana bina-ribi bexitabenyke, òta òta widỹna-ribi bexiebenyke. Tule Deuxu rayky wesena-di urihimyo boibeke.

⁶ Tai tahe ibutumy aruru-di marurunyke aityhydỹna-ò òbiti widỹna bibutunyke, kia-ò bederydỹna bibutunyke, kia-ò ixiwedudỹna bibutunyke, kia-ò widỹnahyyna, kia-ò òbitimy nonana.

⁷ Kia-ò ityhydỹdu seriõre luuna, kia-ò wiluuna bibutunyke.

⁸ Kia aõna aõna dori awo-ki ratximyhỹkeki, rexiòlõnykeki, arawiòhenanykre Jesuisi Kristu Inynyrỹ bierybenykemy. Tai ityhydỹdu wihikỹmy boibekemy. Iny witzira biwiòhenanybenyke.

⁹ Kia aõna aõna inywo-ki ratxiõmyhỹkeki, tii heka iruetàlemy ihỹre. Aõbo iòhõmy ratzirerilemy robimyhỹre. Juhu òraruna iribi risuhoremy idi tõhõti rosare.

¹⁰ Tai waseriõreboho marurunybenyke atyhymy boibekemy, aityhydỹna tyyhydỹmy boibekemy. Tai tiu òraruna-txi aixeõna.

¹¹ Kia wesekeki tahe deysana-di birõnybenykre Jesuisi Kristu iny-tarasadu òlõna bede-ò.

¹² Kia aõna aõna teerytenynte. Inatyhyna tetyhynyhy atx-imahãtenynte. Ihãrele tahe itxi arõhõtijiradỹnyhyrenykre.

¹³ Tule warumy mahãreu, awimy idi rahõtinyinmahãre kia inatyhyna-di akanaixixadỹnydenykemy.

¹⁴ Waumy dori kaki ele elelemy aririkre reeryre. Inynyrỹ Jesuisi Kristu dori kia wadee diteõsinyde.

15 Aõu aõu tahe ararurunytyhymy ararekre kaiboho kia ibutumy õhõti-ribi rosaõtyhykemy. Tule warubuhewo-ribi kia-di mohõtinyhyy boibekre.

16 Tahe adeeremy Jesuisi Kristu tehemyynamy rarybereu, aõ uritere tere ijyymy aõkõ heka relyryeri hãbu ijyyna-ribi aõkõ ijyutyhymy. Inyboho dori iny iõlõreny loosõnatyhymy robimyhõrenyre.

17 Tii dori Deuxu inytyby-ribi loosõna wowydyna-wana ritare. Tuu Deuxu loosõnawo-ribi narybede: Kai heka Wariõre waluu tate. Jiarõ reysamy watxireri adee.

18 Kia rybe-õ jiarõboho raholarenyre tii-wana hãwãlõ raty tyre-ki roiremyhõu.

19 Iwese juhu rybemy rybedu mahãdu rarybere wese, ki-amy heka wiji inydeeremy ritõnynymy roimyhõre. Kaiboho tule kia-õ boholamahãbenyke bityhynmahãbenyke. Iwese iny loosõna-di bedeluru-ki, retehemyhõre wese. Idi tahe Kristu kòdòhõnykre, iwese tainahakõ rõhõnyre wese. Tahe aworeny-ki kanasõnykremy ratxikre.

20 Kia heka juhuhu bierykre: Tyyritirybeõ tiu ixiwanale ritõnydõõnyõtyhy.

21 Deuxu rybe dori hãbudeewimy aõkõ heka nade juhu Deuxu Tyytybytyhy hãbu dee rybe ritõnynyre aõmybo rarybekemy.

2

1 Iwese juhuhu inyy-ki rybedu inatyhyõna rarybere wese, tule ayreny-ki rybedu inatyhyõna kidierydõõnykremy. Tii-boho kedeerynanykre aõbinabinahãkõmy. Tiiboho kidiitxenanydenykre. Tule Inynyrõ kidiseõnykre. Tai tahe aõwesele rexihukre.

2 Sõwemy iny iõta õta erydõõnyra rityhynykre. Tai iny witxira inatyhyna ery dee ibinamy rarybekre.

3 Kia rybedu inatyhyõna adyna-di ratxihyymy roireke tai adeeremy raruimyhõke. Anieru tarasanareny-õ.

4 Iatysyna heka iõhõmy namahãde tule idi dehuna inatyhymy kòdòhõnykremy ihõre. Ýju mahãdu raõrarunyreu Deuxu tõtxi ririõlemy reare tahe idi rehulemy reare bedebina heõty-õ.

5 Iu bee-di Deuxu suu ritõmynyre, õrarudu mahãdu ituere Deuxu tõtxi ririõre. Noe, õbitina rybedule, ritare debõ inatxi reurõ iny-wana.

6 Sodoma hãwã Omora hãwã-wana aõwesele Deuxu ri-toonyre, raõrarunyreki. Brybimy relere. Tai heka iny ribedeerynymyhõre õraru lau.

7 Kia hãwã-ribi heka Lõijoi sohojile ritare. Lõõ õbiti rare. Tii heka terare õrarudu mahãdureki. Tõtxi ririõhyre.

⁸ Imahãdu-ki Lòò rasỹnyreu, txuõ txuõlemy iwo rabedewoty-hymyhỹre, aõbinawidỹỹmybo robire idi roholareki.

⁹ Tahe òbiti widỹỹdu urihixina-ribi Inynyrỹ ridykemy rierymyhỹre. Tule ibinamy widỹỹdu mahãdu aõhõkỹmy dỹỹnana riraòmyhỹre. Ywisidỹỹnatxu kedehemynykreò.

¹⁰ Ibutu ratyre urari òta òta widỹỹdu mahãdu aõhõkỹmy rotỹỹnykre. Tiiboho Deuxu ruru riseõnyrenymyhỹre. Ixi-di xiwededu wesemy rỹirenyre, ixiluudu wesemy rỹirenyre.

¹¹ Aõbinahakỹlemy biuludu mahãdumy rarybemyhỹrenyre. Tahe ýju mahãdu iruruna ratyre-di hãre tamy ibinamy rary-beõmyhỹre, Deuxuko-txi.

¹² Tahe kia iykaraluu mahãdu iròdu deborehekỹ wesemy ratximyhỹre. Iròdu debore tahe bedehuduna widỹỹmy rare ada ròtenawo-ò rakelemy. Kia hãbu mahãdu aõmybo ròeryòhyymyhỹre dee ibinamy rarybemyhỹ.

¹³ Tiiboho ixi-di dehuna-di ixi dee kedexiixãwinykre. Tiiboho òraru luumyhỹre txumy dori raòrarunymyhỹre. Awanareny dori riroximahãre, aõbinahakỹtyhy wesemy ayreny-ki ratximyhỹ iòrarunarenymy rybe luureki.

¹⁴ Tiiemy iru hãwydyihyy retehemy ihỹre tamy òta òtalemy rõhõtinyymyhỹre. Kia hãbu hãwydyỹweduna rierymyhỹre. Hãwy urihimyò tỹỹwekeki kia hãbu idyna rybe-di rierymyhỹre hãwy-di aõbo tai riurarinymy taòbirenareny rihydỹỹnymyhỹre aõbo tai riurarinymy idi ratximyhỹre. Tiiboho tuedena nihikỹ-di ituerenykre.

¹⁵ Òbitiry ririmyhỹrenyre. Reòsamyhỹrenyre. Balaaõry dori riheludunymyhỹrenyre Balaaõ, Beoro riòre òraruòwydỹỹnamy ritakemy ratxireri iòraru luureki.

¹⁶ Aõbinahakỹ riwinyreki rexiòwynyre. Kiamyre heka. Jumenta wesena rybeteremy tamy rarybere inyrybe wesemy iitxỹtena-ribi riixãwidinykemy.

¹⁷ Tiiboho bedidehuna wese roire bee ihoõreki. Yhy biuwetty tiò ridymyhỹre wese kia hãbu mahãdu roire. Tamy bedeluruhukỹ bedelurubunymy rỹire.

¹⁸ Tiiemy taòrarumy rarybehymy raremyhỹ inyõ aòta òta rybe-di ridykemy. Inyõ deòsary-ribi ròhònykeki, tii ridylemyhỹre ixybyle òraruna-ò.

¹⁹ Tamyreny rarybemyhỹre ixideewimy boibekemy. Urile irybedureny òrarunawidỹỹna deòdumy ihỹrenyre.

²⁰ Iwese inyõ ijesuna-ribi riatymyhỹkeki, iatysydỹỹdu deòdumy rarekre wesemy. Kiawesele tahe òraruna rare. Inyõ bedelurubunymy aõmydỹỹnana òraru-ribi ròhònykeki, tahe ixybyle ròòsekeki, teleu raremyhỹ ratyre ikonanau ratỹỹnykre. Inynyrỹ Jesuisi Kristu dori tii rierymyhỹre juhuu tahe idi rexideyresanyre kia aõmydỹỹnana òraru-ò.

21 Tiiboho ryòbiti rierymyhÿrenyre. Tahe bede ywina òbiti-ribi rexiòlòdÿÿnyre. Rieryðhyykeki tamy wimy tuu raremyhÿ, rytÿmyra erysy-ribi rohonyrenyreki.

22 Tiiboho kia rybedÿÿna hitxina wesemy ihÿrenyre: — Ijòròsa tahylòina-ò ròòsere. Tule ijò rybedÿÿna wesemy: — Ixÿni bedi risuhòkeki, tii tasu burena-di ixybyle rexisunyke.

3

1 Kia, waluuna mahādu warybe ritidÿÿna juhuludu aòkò rare ihewoludu rare. Warybe riti wiwanadile anohòti iji-radÿÿmy watzireri anohòti riraixixanykemy.

2 Deuxu rybemy rybedu òbitimy rarybemyhÿre òhòti-ribi rosaòkre, tule Inynyrÿ iny tarasadu bede ywina nohòti losaòmy iwese tarybe deòdu adeereny rierynanyre wese.

3 Ibutu ratyre, kia-ribi nohòti losaòmy. Ikonana txuu hābu binahakÿ rybe binatyhy-di kòdòidenykre. Kia hābu òta òta widÿÿlemy ròhòtinymyhÿre.

4 Kiamy hābu rarybekre. Tiubo Jesuisi Kristu nonana kanakre. Juhu inytybyreny ituereu wiji bededÿÿnanau tiu naðhymyhÿde. Ibutumy heka juhu bedeu ixi wese hyylemy bede roimyhÿre.

5 Iribi tòhòtirenny rosare ixideewimy Deuxu irybedile biu bede-wana riwinyre. Beribi riwinyre, bedi riwinyre. Iribi tahe bedi bede rahure.

6 Bedi juhūu bede ibutumy rexihura.

7 Tule wiji irybedile bede rÿimyhÿre. Tahe ixybyle kanahukre. Heòty-di kanahukre. Kia txuu ibutumy inybinahakÿ ituekre kia-ribi ixideewilemy kia hābu tòhòti rosare.

8 Tahe aòsohojibo, waseriòreboho, nohòti-ribi loosarenyòmy. Kia heka rare: Inynyrÿ dee. Txusohoji 1000 beòra wese heka rare. Tule 1000 beòra txusohoji wese rare. Tamy bededÿÿnana aò aòkò rare.

9 Inynyrÿ tarybewesele aòna aònamy kodotÿÿnykre. Aò raroorehenymyhÿre aòkò rare urile tahe hābu riraòhymy rÿimyhÿre hābu taòraru-txi tòhòti reakemy. Ibutumy tarasana-ki rÿikemy dori idi ratzireri.

10 Wasidu namyhÿde wasimy Inynyrÿ txuu kòdòhònykre. Biuwetyy, bede-wana rexihukre. Ibutu suludu heka ramyijy heòty adÿÿwesemy ritxiennykre.

11 Òbitimy rakatzirenyke. Kia ibutumy ròhònyreki.

12-13 Inyboho heka riraòmyhÿrenyre biuwetyy tÿmyra sutÿmyra-wana. Inynyrÿ dori rarybere kia kidiwahinykremy.

14 Tai heka waseriòre waluuboho, òbitimy atximahābenyke kia-ò dori teraòmahātenyete. Tii kanakreu umyreny robikre ywimy, òbitimy, inyò heka umyreny ibinamy rarybeòtyhy.

¹⁵ Rexiroorehenymyhÿre ibutumy iny tarasanarenymy. Tule inyseriòre Paulo adeereny ròritidÿÿre ibede eryna Deuxu tamy riwahinyre.

¹⁶ Kiamy tule aõna aõnamy tii ròritidÿÿre. Tahe iritina-ki aõbo isiratyhyre ierykõnatyhymy roire òbiti mahãdu aõkõ kia rybe-di aõwitziramybo rierynanymyhÿre. Iwese ijõ Ryberiti-di riwinyre wese. Tai heka tiiboho ituerenyre.

¹⁷ Kaiboho tahe waityhydÿÿdu seriòre bexihãrubenyke ilau teòsana-di aradyrenyheny. Tai kaiboho beòsabenyke.

¹⁸ Inynyrÿ Jesuisi Kristu wiòhedÿÿna-di ibedeerydÿÿna-di maumynybenyke. Wowydyna ibutumy tamy kanakemy idi wãhãre wiji tyhymy rareke. Kie.

1 Juaõ

1 Juaõ Tyyriti

¹ Jiarÿboho akoreny retÿÿnynyneri, Jesusimy. Tii Rybe rininirenyra. Tii juhubedeu raremyhÿ. Jiarÿboho rabirenyra, tarybemy aholarenyra, tamy reteherenyre, aõbo riwinyreõ, tule tamy iny rerimyhÿre. Tii inydeereny umytÿmyra riwahinyneri.

² Umytÿmyra tuedeõna Deuxu inytyby-ribi rehemynyra. Kia umytÿmyra tuedeõna Jesuisi-di rare. Jiarÿboho tuu rabirenyre. Tii rexideõsinyre inyrenyko-ò. Kia tahe adeereny relyreri iwese raremyhÿ wese.

³ Aõõbo iny roholare wese, tuu rabire wese, kia tahe tuu relyreri inyboho wiluurenykemy winohõtiwesele rõkõhõtynyrenykeny. Inyboho rahõtynyrenyneri iwese Deuxu inytybyreny, Jesuisi Kristu Deuxu Riõre-wana wiwese rõhõtynyre wese.

⁴ Kia tahe waryberiti adee rewahinyneri adeysamy rakatx-imahãrenykeny.

⁵ Kiamy tahe Jesuisi inydeereny relyreri: –Deuxu txu-loosõna wese ratximyhÿre. Deuxu-ò bedeluru aõmydÿÿnana rehemynyõtyhy kiamy adeereny relyreri.

⁶ Inyõ rarybekeki: –Jiarÿ Deuxu-wana winohõtiwesele rahõtinyamahãre. Kia iny bedeluru aõmydÿÿna-di ratxireriki, kia iny raruimyhÿre.

⁷ Tahe inyboho loosõna waõmydÿÿna riwinymyhÿrenykeki iwese, Deuxu loosõnawo-ki ratximyhÿre wese, tai inyboho wiwesele rõhõtinyimyhÿke. Tahe Jesuisi, Deuxu Riõre hãlubu ibutumy iny òraru-ribi iny risuhõmyhÿke.

⁸ Inyõ rarybekeki: –Jiarÿ raòrarunyõhywãhãre, kia rybe-di tii ixidee riitxenanyimyhÿre. Tii raruire rityhynyõre.

⁹ Iny taòrarurenymy relyyrenykeki, Deuxu tiiemy õbiti rare, tii iny òrarurenny iny-ribi riixãwididÿÿnykre. Aõbo iny iwo-ki isuisumy ihÿre tii rityranyke.

¹⁰ Inyõ òrarudikemy aõkõ raryberenykeki, inyboho Deuxu ruidumy rarybemahãreny. Kia iny Deuxu rybe rieryõhyimyhÿre.

2

¹ Kaiboho wariõre wese atximahãtenyte. Adeereny waryberiti rewahinyneri, kaiboho òrarurennyõmykeny. Iny òraruna-txi resekeki, iny wiõhedÿÿdurenny dire. Tii Jesuisi

Kristu rare. Òbiti rare òraru ijyydumy rarekemy Waha Deuxuko iny wiòhedỹỹmy.

² Tii dori itxeònihikỹ-ki rurura iny òraruòwydỹỹ-ki. Inysohojile òraru aòkõ rurura tahe ibutumy iny òraruòwydỹỹ-ki.

³ Tiwesebo inyõ rexierykre Jesuisi rieryrenykemy rityhynymyhỹkeki karybe bede ywina wese rierykre tii rexierykre Jesuisi rityhynyreri wana.

⁴ Inyõ rarybekeki: –Jiarỹ Jesuisi reeryre. Irybe bede ywina riywinyõkeki, iny ruidu rare. Inatyhyna rityhynyõre.

⁵ Inyõ Jesuisi bede ywina riywinykeki, inatyhymy tawo-ki Deuxuluu rare. Kiawese heka iny rierykre Jesuisi mahãduwo-ki ratxireri-wana.

⁶ Inyõ rarybekeki: –Jiarỹ Jesuisi mahãduwo-ki watxireri. Tamy kia wese rỹikeki. Aõmybo Jesuisi rotỹỹnyre wese, tii tule rotỹỹnyke.

⁷ Ityhydỹỹduseriõre, adee bede ywina tỹmyra aòkõ re-wahinyreri. Bede ywina tyby kia rare. Kia juhuu teerytenyte. Inyboho wiluurenykemy, kia bede ywina tyby rare, juhuu taholatentyte.

⁸ Kia rybe bede ywina itỹmyra rare. Jiarỹ adee re-wahinyreri. Kristu dee inatyhy rare tule adee inatyhy rare. Bedeluru ròhònnyra, loosòna inatyhy bede-ò ralòmhyhỹre.

⁹ Inyõ rarybekeki: –Jiarỹ loosònawo-ki watxireri. Kia iny taityhydỹỹdu seriõre luuõkeki, bedeluru-ki ratximyhỹre.

¹⁰ Inyõ taityhydỹỹdu seriõre luukeki, kia sohojile loosònawo-ki ratxireri. Aõ aòkõ tii riatydỹỹnyra.

¹¹ Inyõ taityhydỹỹdu seriõre rexihitxinykeki, bedeluru-ki rariamyhỹre. Titxibo rakre rieryõhyymyhỹre. Bedeluru dori ruetàna rare.

¹² Adeeremy warybe rewahinyreri wariõre wese aòraru dori, tii riixãwididỹỹnyre Jesuisi òraru-ki.

¹³ Iumy mahãdu-ò warybe riti rewahinyre adiwahinyde, kaiboho dori tuu teerytenyte. Tii hykyle dori juhuu raremyhỹ. Ijoityhy-ò waryberiti rewahinyre, Satanasimy tahaỹnanytenyte.

¹⁴ Wariõre, inytyby Deuxu teerytenyte. Iumy mahãdu, adeeremy aratyyritinykre, kaiboho dori tuu teerytenyte. Tii hykyle dori juhuu raremyhỹ. Ijoityhy, adeeremy aratyyritinykre, Deuxu rybe dori òhõtireny-ki ratxireri, arurudireny dori. Satanasimy tahaỹnanytenyte.

¹⁵ Bede aõmydỹỹnana luurenykõmy boibeke. Inyõ bede aõmydỹỹnana luukeki, Deuxu inytyby luuna rieryõke.

¹⁶ Kia bede aõmydỹỹna rare: òraruluuna, aõmy robira-wana tuure, aõna aõnamy ixityhydỹỹna. Kia Deuxu-ribi aòkõ nade. Kia bede aõmydỹỹna-ribi nade. Kia bede aõmydỹỹna-ribi nade.

17 Kabede ixãwikre taaõmydÿÿna òta òta-wana. Deuxu-deewimy widÿÿdu tiu ixãwiõtyhy. Tii awimy rÿirakre.

18 Wariòre wese. Ikonana bededÿÿnana iòhòmý roire. Adeereny narybede Kristu òludu kanakemy. Betehe inihe, Kristu òludu sòwemy dehemynyde. Kiawese inyboho rieryrenyre ikonana bededÿÿnana iòhòmý roire.

19 Kia Kristu-ò òludu iny mahãdu wotya-ribi ròhònyrenyra. Tii ityhydÿÿdutyhymy aõkõ ratximyhÿre. Ityhydÿÿdu mahãdu tiu ròhònyõtyhy. Ròhònyrenyreu, ibutumy rieryre, kia iny mahãdu aõkõ ratximyhÿre.

20 Kaiboho aõmydÿÿnana ibutumy teerytenyte Deuxu Tyytybytyhy direki.

21 Kia rybe adee aratyyritinyke, kaiboho dori Deuxu rybe inatyhyna teerytenyte. Tiu rui Deuxu inatyhyna-ribi ròhònyõhyymyhÿre. Kia tahe teerytenyte.

22 Moheka ruidu rare. Inyõ rityhynyõkeki Jesuisi Deuxu deòdÿÿna raremy, tii tahe ruidu rare. Inyõ Kristu Deuxu-wana ritxiõnykeki, tii Kristu òludu rare.

23 Inyõ Deuxu Riòre ritxiõnykeki, tii Deuxu-wana aõkõ ratxieri. Inyõ rarybekeki: –Deuxu Riòre retyhynyre, tii Deuxu-wana ratxireri.

24 Juhuu aõòbo roholare taholamy toitemyhÿ idi mohõtinybenyke. Idi mohõtinyamahãbenykeki, Deuxu, Iriòre-wana aõu sõu matxibenyke.

25 Jesuisi Kristule juhuu inydeereny narybede, umy ituedeõna inydeereny kidiwahinykemy.

26 Kia waritina jiarÿ wiji rehura. Aitxenadÿÿdu lau adee reritinyra.

27 Abedeerydÿÿna Kristu tatyytyby adeereny riwahinyre. Tii tahe awanale ratxireri. Aerydÿÿdu aõkõ adeereny rauhenyrenyeri. Tii tahe inatyhy bedeerydÿÿna ibutumy araerynanyeri. Rui aõkõ rare. Iwese tii araerynanyreri wese, ibutumy biyrubunymahãbenyke. Kia tahe Kristu-ki hykyle bexiemyhÿbenyke.

28 Wiji, wariòre wese aõu aõu boibekemy Deuxu mahãduy-ki. Tai Jesuisi kaò kedehemynykeu, buberuõtyhy ada maixÿruòtyhy ilau.

29 Deuxu òbitityhyhy ratximyhÿre. Kia teerytenyte. Inyõ òbitimy rarekeki, Deuxu riòremy rareke. Kia tule teerytenyte.

3

1 Boholake, inytyby Deuxu taluuna nihikÿ inydeereny riwahinyre. Inyboho dori tii rininirenyre Deuxu Riòremy. Inatyhymy inyboho Deuxu Riòremy roire. Kia tahe ityhydÿÿdukõdu mahãdu rieryõre. Tiiboho dori Deuxu inytyby rieryõhyymyhÿre.

² Waluuna mahādu, inyboho Deuxu Riðremy roire. Rierykõrenykre timybo iny rokoirekremy. Kia inyboho rieryrenyre: Jesuisi kodobehekreu, inyumy taumy wese risỹnykre. Inyboho dori kodobidenykre iwese rarybemyhỹ wese.

³ Inyõ Jesuisi wesemy rarekemy ratxikeki, iwese Jesuisi õbitimy raremyhỹ wese tii rareke.

⁴ Inyõ Deuxu bedede ywina rybe rityhynykeki, tii rexiðrarunyke. Kia heka òraruna rare.

⁵ Jesuisi dobehede òraru tarasadumy rarekemy. Kia teerytenyte. Jesuisi inatyhymy raðrarunyðhy raremyhỹ.

⁶ Inyõ Jesuisirykihy rarialeke, tii òraruõmy rareõtyhy. Inyõ òrarumy rarehykeki, tii Deuxu rieryðhymy rareke tuu robiðhymy rareke.

⁷ Wariðre wese, itxenadỹỹdu lau bexiyrubunyke iny aõmydỹỹnana õbitimy riwinykeki, iny õbitilemy rareke, iwese Jesuisi õbitimy raremyhỹ wese.

⁸ Inyõ òranunadityhy raretyhykeki, tii Diabo mahādu-di rareke, Diabo heka òrauna-ki hyy nodure. Tai kað Deuxu riðre nade Diabo aõmydỹỹnana ixāwikemy.

⁹ Inyõ Deuxusỹ riðrekeki tii òraruna-txi reseõlemy ratximyhỹre Deuxu dori iwo ritymyranyre. Tii reseðhyky rareke. Deuxusỹ dori rare.

¹⁰ Kia wese iny rieryrenykre inyboho iriðre Deuxu riðremy roire ada Diabo riðremy aõbo, inyõ Deuxu deewimy riwinyðkeki, tii Deuxu Riðre aõkõ rare. Inyõ taityhydỹỹdu seriðre luuðkeki, tule Deuxu Riðre aõkõ rare.

¹¹ Kia bedede ywina rybe juhū taholamy tatemyhỹ ihāre tadoholamahāte. Kia heka rare: iny wiluukemy.

¹² Iwese Kai taserðre rirubunyre wese aõkõ rikiwinykre. Tii dori Satanasi mahādu rare. Aõherekibo tasewriðre rirubunyre. Iaõmydỹỹna Deuxu dee awiðre Iserðre aõmydỹỹna Deuxu dee õbitire tai tahe rirubunyre.

¹³ Waseriðreboho, ityhydỹỹdukõdu mahādu eramy ratximyhỹ. Kia-di bedeõtiidỹỹomyke.

¹⁴ Inyõ ityhydỹỹdu seriðre luukeki, tii rubumy rỹire wese mahādu-ribi røhònyre. Kia reerymyhỹrenyre. Tahe umytuedõna-ki rahara. Inyõ luuðkeki, tii rubumy rỹirawese mahādu-ki ihỹmyhỹke.

¹⁵ Inyõ taseriðre derakeki, tii rubudỹỹdu wese rare. Boholake, kia teerytenyte. Rubudỹỹdu umytuedeõna-ki rahaõtyhy.

¹⁶ Kiawese luuna rikieryrenke dori Kristu rubu-ò rexiwahinyre inydeereny tõemy. Tai tahe inyõ taseriðre dee rurukeki iluuna sõwerekki. Tii tahe awire.

¹⁷ Inyõ ityhydỹỹdu seriðre aõhokỹmy rotỹỹnykeki, rama rahukeki, tuu robike aõ ijðdikeki, tahe iny riwiðhenanyðkeki, tii

Deuxu luuna-di aõkõ ratximyhÿre.

¹⁸ Wariõre wese, luuna urile tuu rybena aõkõ rare. Aõhebo rotÿÿnykemy ihÿre. Kia tahe aluuna inatyhymy biteõsinyke.

¹⁹⁻²⁰ Kiawese iny reeryrenyre inatyhyna mahãduwo-ki ratximyhÿre. Jiarÿ arahõtinykeki. Jiarÿ aõkobo ityhydÿÿdumy watximahãre. Deuxu warayky riwiõhenanymy ratxireri. Deuxu warayky ratyre raraykywydynanymyhÿre. Tii ibutumy aõ rieryre.

²¹ Waluuna mahãdu, ruberuõhyymyhÿre tahe iny ityhydÿÿdu mahãdu-ki ratximyhÿre wana rieryreki Deuxu iny rityhynre.

²² Tahe aõmy iny rexitõenykeki tii inydee kidiwahinyke. Iny dori ibede ywina rybe rityhynymyhÿre. Deuxu deewimy iny riwinymyhÿre.

²³ Kia heka Deuxu bede ywina rare. Jesuisi Kristu, iriõrenimy rikityhynkemy. Tule iny wiluuna wiluukemy. Iwese tabede ywina rybe diwahinyde wese rarekemy.

²⁴ Inyõ Deuxu bede ywina rybe rityhynkeki, Deuxu-wana rareke. Tii-wana ratxikemy. Kia wese heka iny rieryrenyre Deuxu-wana iny ratxireri. Deuxu Tatytybytyhy dori inydee riwahinyre.

4

¹ Waluuna mahãdu, ibutumy rybe bityhynybenyõke inihe ityhydÿÿrenyõmy. Tai biurihike iny rybe Deuxu-ribi inatyhy aõbo ada aõkõre aõbo. Sõwemy rybedu mahãdu rõhõnymyhÿre. Tahe inatyhymy Deuxu rybemy rybedu aõkõ rare.

² Kiamy Deuxumy rybedu mahãdu inatyhymy bierykre, inyõ rarybekeki: Jesuisi Kristu hãbu wesemy nade, tii inatyhy Deuxu mahaduõ ihÿre.

³ Inyõ kiamy rarybeõkeki, tii Deuxu mahãdu aõkõ ratximyhÿre. Kia Kristu õluduõ rare. Tamy taholamahãte kanakreõ, tahe, kia ratximyhÿre.

⁴ Wariõre wese, kaiboho Deuxu mahãdumy toite. Rybedu inatyhy aõkõ rare, kia ruru tetatenyte. Deuxu dori aworeny-ki ratximyhÿre Deuxururu, Diabo ruru ratyre rare.

⁵ Inatyhymy rybedu aõkõ aõmydÿÿnana binamy relyymyhÿre. Tii dori ka bede aõmydÿÿnana bina mahãdu rare. Tahe ityhydÿÿdukõdu mahãdu tamy roholamyhÿre.

⁶ Inyboho Deuxu mahãdu roire. Inyõ Deuxu rierykeki, inydeereny roholamyhÿre. Inyõ Deuxu rieryõkeki, inydeereny roholaõtyhy. Kiamy rikierymyhÿrenyke inatyhyna mahãdu inatyhyna aõkõ mahãdu.

⁷ Waluuna mahãdu, wiluumy rakatximyhÿreny. Luuna dori Deuxu-ribi nade. Inyõ luukeki, Deuxu-ribi tibie rare. Iny Deuxu rierye.

⁸ Inyõ luuõkeki Deuxu rieryõre. Deuxu dori luuna rare.

⁹ Kiawese inyboho rieryrenyre Deuxu inyluuremy ratxire. Deuxu Tariõre sohojile diteõnyde bede-ò inyboho Iriõre-ki umy tÿmyra-ki rahakemy.

¹⁰ Kia heka luuna rare. Juhuu Deuxu iny tuu aõkõ rare. Tii tahe inyluure. Tule tariõre diteõnyde inyõraru õwy õwydÿÿnanykremy.

¹¹ Waluuna mahãdu, Deuxu inyluurenytyhyreki, tai tahe inyboho wiluumy rokoireke.

¹² Tiu Deuxumy inyõ robiõhykyre. Inyboho wiluumy rÿikeki, Deuxu inywo-ki ratxike. Tai tahe inatyhymy Deuxu luuna inywo-ki ratximyhÿre.

¹³ Deuxu iny-ò Tatytyby riwahinyre. Kiamy tahe inyboho rieryrenyre tamahãdu-ki ratximyhÿre. Tule rierymyhÿreny tii iny-wana ratximyhÿrenyre.

¹⁴ Deuxu Riõremy inyboho robirenyra Tulobixidumy inyboho roire. Tuu adeereny relyreri. Deuxu Tariõre diteõnyde iny tarasadumy rarekemy.

¹⁵ Inyõ rityhynykeki idi rarybekeki: Jesuisi Deuxu Riõre rare, tii Deuxu-di tawo-ki ratxireri. Tii Deuxu-wana ratxireri.

¹⁶ Inyboho rieryrenyre Deuxu inyluurenyre. Kia iny rityhynyrenyre. Duexu heka luuna rare. Inyõ luuna-ki ratxihyykeki Deuxu tii-wana ratxihyyke. Tii Deuxu-wana ratxihyyemyhÿke.

¹⁷ Iny luunareny Deuxu-ò rauhenyõreri. Tai tahe Deuxu wiribi ritxuakre kia txuu inyboho kiatxulau ruberuõtyhy. Iwese tii ratximyhÿre wese inyboho kabede-ki ratximyhÿrenyre.

¹⁸ Inyõ luuna-di ratxityhykeki, tii ruberuõtyhy. Luunatyhy brebuna-di rehumyhÿre. Aõhõkÿmydÿÿnana brebuna kidiwahinyleke. Inyõ brebuna-di ratxikeki, tamy aõhÿkÿmy dÿÿnana kanakre.

¹⁹ Juhuu Deuxu inyluurenyre, tai tahe inyboho iluurenyre.

²⁰ Inyõ rarybekeki: —Jiarÿ Deuxuluure. Tai tahe tii ityhydÿÿdu seriõre luuõkeki, tii ruidu rare. Inyõ taityhydÿÿduseriõre luuõkeki, timykibo Deuxu luumy rarekemy iximy rõhõtinyke Deuxu dori tiu tuu robiõhyymyhÿre, taseriõremy tahe robihyky ihÿre.

²¹ Kia bede ywina rybe heka Kristu inydeereny riwahinyre: Iny Deuxuluumy ratxikeki, tule tii taityhydÿÿdu seriõre lumy ratxikre.

5

¹ Jesuisi inatyhymy Kristu rare, Deuxu deòdÿÿna rare, inyõ rityhynykeki, tii inatyhymy Deuxusÿ mahãduwo-ki ratximyhÿre. Inyõ Deuxu luukeki, tule iriõre luukre.

² Inyboho Deuxuluukeki tarybe ywina rikiywinykeki, tai Deuxu tibiedÿÿna mahãdu luumy rikieryrenyke.

³ Deuxu rybe ywina rikityhynykre, irybe ywina dori isiraõre. Tai inyboho Deuxu luuna riteòsinykre.

⁴ Deuxusÿ mahãdu bedede aõmydÿÿnana bina bina ruru ritamyhÿre iny Deuxu rityhynykeriki, kia bedede bina bina ruru ritarereri.

⁵ Mo tahe kia ijesu tarasadure. Inyõ Jesuisi Deuxu Riõre raremy rityhynykeki, tii bedebina bina ijesu tarasadu rare.

⁶ Jesuisi Kristu nade. Inyõ tii riratisebenyre idi rare ruru-remy tahãlubu ritxiwikremy. Rexiratisebenykemy sohojile aõkõ nade, tule tahãlubu ritxiwikemy nade. Kiamy heka Deuxu Tyytyby tuu rarybere. Deuxu Tyytybytyhy tahe inatyhymy rare.

⁷ Inataõ aõmydÿÿnanamy inydeereny rarybere: Deuxu Tyytybytyhy ijõre, Jesuisi ixirati sebedÿÿna ijõre, Jesuisi rubudÿÿna ijõre.

⁸ Kia inataõ aõmydÿÿnanamy wiwese wiweselemy rarybereri.

⁹ Hãbu rybe iny rityhynymyhÿre. Deuxu rybe hãbu rybe ratyre rikityhynymy rakatximyhÿrenykre. Kiamy Deuxu Tariõremy rarybereri.

¹⁰ Inyõ Deuxu Riõre rityhynykeki, aõbo inatyhy ixidee rieryre. Inyõ rityhynyõkeki, tii Deuxu-di ruidumy rõhõtinyreri. Tii dori rityhynyõreri timybo Deuxu tariõremy rarybere.

¹¹ Kia rybe rare: Deuxu inydeereny umytuedeõna riwahinyre. Tii tiu umy ituedeõna iriõre-ki inyboho rakaharenkye.

¹² Inyõ Deuxu Riõredikeki, tii umytÿmyra tuedeõna-ki rahake. Inyõ Deuxu Riõre-di aõkõkeki, tii umytÿmyra tuedeõna-ki tahasaõna.

¹³ Kia aõna aõna adeereny retyyritinyre kaiboho umytuedeõna-di atxitenyteri bierybenykemy. Deuxu Riõre tetyhynytenye.

¹⁴ Inyboho Deuxudeewimy rexitõenymyhÿrenyreu, Deuxu iny-õ roholamyhÿre. Kia tahe inatyhymy rybena rare.

¹⁵ Inyboho rierykeki tii inydeereny roholamyhÿre, tai rierymyhÿrenyre tii inydeereny riwahinyke aõmybo iny tamy rexitõenynereri.

¹⁶ Iny ityhydÿÿdu seriõre rubu-õ aõkõ òraruna-txi resekeki, tamy Deuxu-õ rekexitõenynenyke, Deuxu kia riwiõhenanykemy

ixyby Deuxu-ò ròðsekemy. Tii rubu-ò òraruna-txi resekeki, jiarỹ adee ararybeõkre tamy bexitòenykemy.

¹⁷ Ibutumy òbiti aõkõkeki, òraruna rare. Òraruõ rubudỹnahyky kidiwahinyõkre.

¹⁸ Inyõ Deuxu-ribi tybiekeki, òrarunahyy-ki rareõtyhy. Kia inyboho reeryrenyre. Deuxu Riòre ryrubunymyhỹre. Diabo iribi ròtaõtyhy.

¹⁹ Deухuhõrõ inyboho roire. Kia inyboho rieryrenyre. Kabede bina mahãdu taaõmydỹna-wana Diabo hõrõ rare.

²⁰ Tule inyboho rieryrenyre: Deuxu Riòre inatyhymy kaò nade. Tii rierynanyre mobo Deuxu inatyhy raremy. Deuxu-wana inyboho ratximyhỹrenyre, inyboho-dori Jesuisi Kristu Deuxu Riòre-wana ratximyhỹrenyre. Kia heka inatyhymy Deuxu rare. Kia inatyhymy umytuedeõnamy rare.

²¹ Wariòre wese, bexihãruke ibutu bedèòraruna lau.

2 Juaõ

2 Juaõ Ryberiti

¹ Jiarỹ dohodỹỹna matuari mahãduõ warybe rare. Watyyriti rewahinyreri Deuxu ywisidỹỹna hãwyyõ-ò, iriòre-ò. Jiarỹ ibutumy inatyhyerydu mahãdu-wana tiiboho inyluutyhyrenyre.

² Inatyhyna dori inyworeny-ki ratxireri. Ratxityhyhyymy ratxike.

³ Kia dori inatyhy inydeereny tate luuna-di. Deuxu deysana, ruxetòena, ywina adeeremy kanakemy watximahãre Deuxu Waha-ribi, Jesuisi Kristu, Iriòre-ribi.

⁴ Ariòre mahãduy-ribi inatyhymy ijõ ityhydỹỹdumy ralore. Kia reeryreu, jiarỹ wadeysatyhyre ariòre Deuxu bede ywina rityhynyreiki.

⁵ Adee arexitòenykre hãwyy. Bede ywina rybe tỹmyra re-wahinyreri wese aõkõ rare. Juhuu-ribi teeryte. Urile bede ywina hetxina õhõti reijeradỹỹnyreri. Kia heka rare: iny wiluukemy rakatximyhỹrenykemy.

⁶ Bede ywina rybe rikityhynyhyykeki, kia heka inatyhy luuna rare. Kia bede ywina juhuu Deuxu-ribi taholate. Tuu txuõ txuõlemy biwinyke.

⁷ Sõwemy hãbu itxenadỹỹdu tyhy kabede-ò dòhònyde. Tii-boho Jesuisi hãbuwesemy nade rityhynyõlemyhỹre. Kia itxenadỹỹdutyhy tule Kristu òludutyhymy roire.

⁸ Tamyreny bexiebeny, inyaõmydỹỹnana aõmysỹdỹỹnatyhy-di ritaremy iõkõkemy, Deuxu wahidỹỹnaõwy ibutumy ritakemy.

⁹ Inyõ Kristu erydỹỹnana-ribi ròhònykeki tule iwitzira erysyna rierynanykeki, tii heka Deuxu hõrõ aõkõ rare. Inyõ Kristu erydỹỹnana-ribi ròhònyõkeki, tii Deuxu dire iriòre dire.

¹⁰ Tai tahe itxenadỹỹdu Kristu erydỹỹnana erydỹỹdu aõkõ aheto-ò rehemynykeki, uritere iròtedỹỹõmy, irybedỹỹõmy.

¹¹ Inyõ rirybenykeki, iaõmydỹỹnanabina-õ riwiòhenanyreri.

¹² Jiarỹ warybe sõwemy adibutunywãhãde. Urile tyyriti-di ariritinyõkre. Arorarenymy dori arakemy watxireri. Kiamy rybe sõwemy ròhònykre inysõwemy reysakremy.

¹³ Aseriòre Deuxu ywisidỹỹna mahãdu senadu, kia riòre tarybe wehityhyna adee riwahinyreri. Kie.

3 Juaõ

3 Juaõ Ryberiti

1 Jiarỹ, dohodỹyna matuari mahãduõ rare. Wabiõwa-ò, Kaio-ò watyyriti rewahinyreri. Inatyhymy aluumpy watzimahãre.

2 Waliina, juhuutyhy Deuxu-ò arãixitòdedỹnyra aaõmydỹyna tule aumy wihikỹhykymy mabekemy, iwese atyytyby awire wesele ratxireri.

3 Inyseriõre wese aribi rehemynyrenyreu, wako relyyrenyrene umy iwese kai òbitimy tate wese tule inatyhyna-ki tateri wese. Tai wawo reysamy watzimahãre.

4 Jiarỹ raholamahãreu wariõre wese Deuxu inatyhyna rityhynyrieriki, kia ibutu ratyre wawo riteysadỹnytyhyre.

5 Kai tahe, Kaio, kowa inyseriõre tule iwitxira ludu seriõre teeryõteki, tewiõhenanyteu aõmydỹynana wihikỹ tewinymahãte.

6 Inyboho wirotyra-wana, kia hãbu iny seriõre aluunamy rarybera. Ibedetỹinana-ò biwiõhenanykeki, aõwihikỹ biwinymahãke. Tuhyykeki Deuxu deewimy atximahãke. Tii dori iny-wana Deuxu inatyhyna-ò raaõmysỹdỹnykre.

7 Kia dori kianimy ròhõnyre. Ityhydỹydukõdu mahãdu-ribi aõ ritaõhykyre.

8 Kia wese tahe tuu rikiwiõhenanymyhỹke. Tai tahe Deuxu aõmydỹynana tỹnydỹyna riwiõhenanymyhỹre.

9 Ratyyritinymahãre kowa ityhydỹydu mahãdu-ò. Inyõ tahe warybe-ò roholaõmyhỹre. Tiibocho dori juhuludukemy ratxireri. Diõtesi inire.

10 Aõu arehemynykreu, ararybekre aõmybo tii rotỹnyre tule aõbinamybo rarybere inymy. Aõ tiihykyle aõkõ, iny ityhydỹydu seriõre hãwãwitxira ludu ixidee tarora-ò rimyõtyhy. Inyõ kia seriõreõ rimykeki, tii riixãwidinyre idy-ribi tii seriõredyna-õ dohodỹydu mahãdu-ribi hitximy riteõnyre.

11 Waleina, kai Kaio, òrarudu mahãdu aõhebo rotỹnyre wese aõ kai tate. Iny wihikỹ wese kai tate. Inyõ aõwihikỹ riwinykeki, Deuxu hõrõ tii rare. Aõkõkeki Deuxu rieryõre.

12 Ibutumy Dimitiu dee inatyhyna-di aõwihikỹmy rarybere. Inybocho tule. Kaile teeryte inybocho inatyhy rarybere.

13 Sõwemy rybe adee ariwahinykemy watzireri. Tahe aõkõre tyriti ritina-ki.

14 Eleelemy arakemy dori watzireri aroramy tai tahe widee rakarybekre.

¹⁵ Deuxu awo-ki riyykemy idi watxireri. Abiòwaboho kaki awehityhy risareri. Wabiòwaboho sohoji sohoji kowa-ò warybe wehityhyna biwahinykre.

Judas Judas Tyyriti

¹ Jiarỹ Juda rare. Jesuisi Kristu deòdu jiarỹ rare, Txiau exi wahe. Deuxu heka aluudu rare. Tii arayrubunymyhỹre òraruna-txi reseke lau. Tai òbitimy ahābenyke Kristu nonana-ò. Watyyriti adee rewahinyre.

² Ruxetòena adee kanakemy watzireri Deuxu-ribi. Ywina sòwemy aworeny-ki atxibenykemy adireny watzireri. Wilu-una sòwemy akireny ihỹke, Deuxu-ribi.

³ Jiarỹ kaiboho ibutumy aluurenyre. Deuxu ibutumy iny-boho ritarenyre. Kia ibutumy ariritinykemy idi rahòtinyra. Inyboho heka ibutumy Deuxu sỹ mahādu roire. Iwese iny rityhynymyhỹre wese tii iny ritỹnynymyhỹre. Iribi tahe iny mahāduò adee nade iny inytyhyna riwixiradỹỹnykemy adireny ratxireri. Iny heka inatyhyna biyrubunybenyke òbitimy rarehyyke.

⁴ Kia òbitikò mahādu ayreny-ò ralòra. Tiiboho Deuxu rityhynyòre. Deuxu inydeereny awi heka rare òraru-ribi iny ritarenyreki. Kia òbitikò mahādu tahe kia wese rarybere: — Òraru-di atxikeki, kia aõ aõkò rare. Deuxu dori iny òraru-ribi ritare. Jesuisi iny wedu rare, iny Iòlò wahe. Tiiboho tule rarybere: —Deuxu bityhynybenyòke. Deuxu ihetxiu rieryre kia wese tiiboho rarybekemy. Tai tahe tii ritỹnynymy ihỹre tiiboho bedehètybina-ò riteònyke.

⁵ Deuxu inatyhymy riteònykre ritỹnynyraki. Iwese tii ihetxiu iny-di rehure wese, tii wiji iny rehukre. Judeu mahādu heka Deuxu ritare Egito bede-ribi. Idi tahe imahāduò rityhynyòre. Tai tahe imahādu rahurenyre. Kia teertyentye. Itxi òhòtirenny reakre.

⁶ Ýju mahāduò tule juhoo Deuxu deòdumy ihỹre. Idi tahe taaòmysỹdỹỹna ririre. Tai Deuxu ròtena bedeò-ò riteònyre. Bedelorohokỹ ihỹre. Kabederawo-ki roire. Tiu heka iribi riòlòdỹỹnyòtyhy. Deuxu bededỹỹnana riywinymy roimyhỹre aòhòkỹmy isỹdỹỹnana-ò. Tai tahe ýju wesemy kia òbitikò mahādu rỹike, Deuxu itỹnydỹỹdumy rỹike.

⁷ Ijò ijyy teeryte. Inatxi hāwā ihetxiu ibinatyhy rare: Sodoma, Omora-wana. Ijò hāwā tule ibinatyhy rare. Kia hāwā yludu mahādu ibutumy heka òta òtanale riwinymyhỹre. Hābuò dori wiwana rexiòrarunymyhỹre, hāwyy tule wiwana wahe. Tai tahe Deuxu ihāwā rahure. Biu-ribi heòty diteònyde. Idi Deuxu dibedeerynyde òraruna derare tii. Tiiemy aòhòkỹmy dỹỹnana riwahinyre.

⁸ Kia tule òbitikõ mahãdu-ò riwahinyre. Tiiboho dori ibinamy riwinymyhÿre. Aõbinalemy raraykynymyhÿrenyire, taumyreny risurisunymyhÿrenyire òraruna-di. Deuxu rityhynyõre tule ÿju ruruna-di risinymyhÿrenyire.

⁹ Tiiboho Mieli wesemy aõkõ riwinyre Mieli heka Deuxu ÿju dinoduõ rare. Tii Satanasi-wana wiribi òtummy rarybemyhÿrenyire, Moisesi umy òraru-ki. Mieli heka ritirÿmyhÿre iumy ridyke lau. Iu Mieli Satanasi-ò rarybereu urihimyo rityhynymy rarybere, ixinohõtibile ritehiõtyhy. Urile rarybere: —Deuxule aratehikre.

¹⁰ Kia òbitikõ erydu mahãdu aõbina riwinymyhÿrenyire. Aõbinalemy tytyby bede aõmydÿÿnanamy rarybere kia riryõmahã hãrele. Kabede aõmydÿÿnanale rierymyhÿre iwese ibutu iròdu mahãdu rierymyhÿre wese. Tiiboho heka iròdu aõna aõna nohõtijuranadile aõna aõnamy rotÿÿnymyhÿre. Tai rexihurenyre.

¹¹ Deuxu heka kia mahãdu kiditynynyke, Kaï reõsamy raremyhÿ wese dori reõsareki. Aõbo Kaï ixi-di riwinykemy ròhõtynymyhÿre heka riwinymyhÿre. Kia mahãdu tule Balaaõ wesemy riwinymyhÿre. Balaaõ nieru sõwemy ritakemy ixidi ihÿmyhÿ. Tai tahe Deuxudeewimy riwinyõre. Tule kia mahãdu Kore wesemy riwinymyhÿre. Deuxu òludumy rexisÿnyre. Tai rexihurenykre iwese Kore mahãdu rexihure wesemy.

¹² Kaiboho wiluuna roxina-ò tebutunyteu, kia mahãdu tule ayreny-ò ralòra. Aworana bedehesi tiiboho ribinadÿÿnymyhÿre òbitimyno rieryõreki. Urile rexihydynymyhÿre, inywitxira-txi tõhõti reaõhyymyhÿre. Iwese yhy debure wese tiiboho roire. Urile yhy biu ridyõtyhy. Ròaaõtyhy. Sõwemy taheka relemyhÿre, ihãrele aõhomy aõkõ namyhÿde. Òwòru bederaty wahidÿÿdu wese tiiboho roire. Iratydikemy ratxireriu, ihãrele aõkõlere. Òwòru rubu wese roire tiiboho. Raòròmymhÿre, rurumyhÿre. Kia wese heka kia mahãdu rare.

¹³ Kia òbitikõ erydu mahãdu tiu ele risaõhyymyhÿre. Aho-hokÿ aõwetari òbòhòkÿ idi rehumyhÿre wesemy tiiboho inyrenyire. Iwese òbòbexi-di ròhònymyhÿre wese. Iòraruna òraru-ki aõbina bina iribi ròhònymyhÿre. Tiiboho dori Deuxu inatyhyna ririrenyre. Iwese taina resemyhÿre wese tiiboho iribi resemyhÿrenyire. Deuxu kia mahãdu-di ritÿnynymy riteònyke bede luruhukÿ-ò. Iribi ròhònnyõtyhy.

¹⁴ Enoi heka Adaõ dee yreõ rare. Adaõ juhuu hãbu rare. Debòinatxi riòreky-ribi Enoi rare. Enoi Adaõ riòre roko rare. Ihetxiu Enoi rarybere wijinabòdu mahãdumy. Iwese òbitikõ erydu mahãdumy roirekre. Enoi rarybere Kristu nonanamy:

—Tii kanakre tamahãdu sõwe-wana.

¹⁵ Idi ibutumy iny ritỹnynykemy. Inyõ tii taaõhõkỹmyna aõhõkỹmy rotỹỹnykre òraruna òraru-ki. Ibutumy òrarudu mahãdu rehukremy Deuxu-my ralahatxinanymyhỹreki.

¹⁶ Tiiboho rexirahemyhỹre, tiu reysaõhyymyhỹre, aõdibo tamywimy rabinadỹỹmyhỹreki ratxikelemy. Rarybenihikỹmyhỹre. Riwiõhenanymyhỹre aõ ritamyhỹre xiery.

¹⁷ Waluuna mahãdu, õhõtireny reake aõmybo Wanyrỹ Jesuisi Kristu teõdỹỹna mahãdu juhuu raryberé.

¹⁸ Tiiboho adeereny rarybere: —Bededỹỹnana roomy tahe ijesu kòdòhònykre, ixidee wilemy tuu rotỹỹnymyhỹre.

¹⁹ Kia hãbu iny wiribihitximy risỹnykemy, bede aõmydỹỹnana luudu mahãdu. Deuxu Tyytybytyhy-di aõkõ ratximyhỹre.

²⁰ Kaiboho waluuna mahãdu aityhydỹỹna-di arurumy bitỹnynyke, Deuxu Tyytybytyhyna-di bexitòenyberihyy. Deuxu luunay-ki iximy boibeke.

²¹ Wanyrỹ Jesuisi Kristu ruxetòena biraòbenyke. Tii heka umytuedeõna kidiwahinykre.

²² Biwiõhenanymyhỹke ka ritxiõnomy rỹira mahãdu.

²³ Kia mahãdu iworonawe-ribi wese bitake. Ijõ-ò ywina-di brebuna-di bisỹnykemy taòraruna deramy bekowabenyke. Iòraruna aõna aõna-ò akyreny reake.

²⁴ Òraruna lau taruru-di Deuxu arayrubunymy ratximyhỹre. Tii arateòsinykre yramy, tako-ò wowydyna-wana.

²⁵ Wowydyna, àlàdỹỹna, ruruna, Iòlòtyhydỹỹna, iny Deuxu sohoji-ò kanakemy watzireri tule Inynyrỹ Jesuisi Kristu iny tarasadu-ò. Kata juhuuna-ribi, wiji aõu aõu-ò rahyykre. Kie.

Apocalipse

Deuxu heka Joaõ-ò bede ritỹnynyre

¹ Katyyriti-ki tahe bede aõmydỹỹnana roire. Kia heka Deuxu Jesuisi-ò ritỹnynyre. Idi Kristu Joaõ-ò ritỹnynyre. Aõhebo ele elemy rotỹỹnykre heka inydeereny riteòsinyreri, teòdu mahãdu wahe. Ýjuõ heka Kristu riteònyre Joaõ-ò ibutumy relyykemy, ritỹnynykemy.

² Iribi tahe Joaõ ibutumy relyyre. Kaki heka riritinyre. Kia heka ijyy rare. Jesuisi Kristu inatyhyna rare.

³ Inyõ katyyriti-di rariakeki, eysamy ratxireri. Inyõ kiamy roholakeki, eysamy ratxireri. Inyõ kia rityhynykeki, eysamy ratxireri. Bededỹỹnana dori iòhòmny ratxireri. Kia ibutumy rotỹỹnyke.

⁴ Jiarỹ heka, Joaõ wahe, dohodỹỹna mahãdu-ò watyyriti re-wahinyreri. Debò inatxi reurò mahãdu Asia bede-ki watyyriti re-wahinyreri. Ruxetòena, ywina-wana adeereny kanakemy idi watxireri. Deuxu-ribi dori ratxireri, ihetxiu rare, tule tiemy rarekre. Tii dori ruxetòena adee riwahinykre, tule iry-nana tyytyby riwahinyke, debò inatxi reurò mahãdu wahe.

⁵ Jesuisi Kristu tule adee kia riwahinykre. Tii tahe inatyhyna ijyydu rare. Tii juhuhu rubu-ribi ixixadu rare. Tii ibutu iòlò dinodu heka tii rare. Tii inyluure. Inyòraru iny-ribi tii riwatareny tahãlubu òraru-ki.

⁶ Tii Xiwe wahidỹỹdu mahãduõ ixidee riwinyre, inyboho wahe. Ibutumy ityhydỹỹdu heka xiwe wahidỹỹdu mahãdu wese rare, iòlò mahãdu wese wahe. Deuxu rekealãmnyhỹke. Ibutumy wowydyna, ruru-wana heka Jesuisi Kristu-ò rawahidỹỹmy rarekre ihyy hyymy. Kie

⁷ Betehke, tii biuwetykywo-ki naderi. Ibutumy iny tuu robikre. Irubudỹỹdu tule tuu robikre. Ibutumy iny rahinykre, robukre iòraru-ki. Inatyhy rare. Kie.

⁸ Jiarỹ AA rare YY rare. Juhuhu ludu rare, tule ikonana ludu rare. Deuxu jiarỹ rare ibutu ruru wahõrõ rare. Aõu aõu jiarỹ watxiwãhãre.

⁹ Jiarỹ Joaõ rare, aityhydỹỹdu seriòre wahe. Jiarỹ tule awese aõhebo ratỹỹnyre. Jesuisi Iòlòna òraru-ki. Patmos bedebute-ki jiarỹ ratxire, ròtena wese heka tai ratxire. Jesuisi inatyhyna dori retỹnynyre.

¹⁰ Nobiuwxuõ heka jiarỹ aõma Deuxu Tyytybytyhy wadee dobehede. Iu tahe rybeõ-ò raholare, juròna wodỹỹ wese heka rare.

11 Tahe wadee rarybere: —Biritinyke aõma ibutumy aõbo kai bobikre. Ibutumy dohodỹña mahãdu-ò kia tyyriti biwahinyke. Ka tyyriti tahe biteõnyke heka debò inatxi reurò hãwã-ò: Efesu hãwã-ò, Esmirna hãwã-ò, Pergamo hãwã-ò, Txiatira hãwã-ò, Sardesi hãwã-ò, Filadelfia hãwã-ò, Laodisia hãwã-ò.

12 Retehera wahewo-ò mobo wadee rarybereò. Tahe debò inatxi reurò loosòna mynynalemy rabira, womati tỹrỹrỹle wahe.

13 Itya-ki tahe hãbuõ wese rare. Ityky urarehe heka ratxire. Iwerysana heka womati tỹrỹrỹỹ heka rare wyò wòtena-ki roire.

14 Irade iurahakỹ ratximyhỹre. Irue heka heòty wese rare.

15 Iwa tahe bronze womati wese rare. Irybe wodỹỹ heka bee ijiranahakỹ wese heka rare.

16 Iruruwe-ribi debò-ki heka taina debò inatxi reurò sõwe rimyre. Irybe mayrehe wiõtxu wese iry-ribi röhõnymyhỹre. Iõsỹny tahe txu tòtee wese heka rare, itỹnytyhyre.

17 Kia ibutumy rabireu, jiarỹ resera bede-ò rubu wesemy. Tii ruruwe-ribi debò watyre-ki ritidire, rarybere: —Buberuõtyhy! Jiarỹ juhuludu rare, ihewoludu rare.

18 Jiarỹ rurure, iribi tahe rexixare rubu-ribi, aõu aõu tahe jiarỹ watzireri. Tiu aruruõtyhy. Rububede dinodu heka jiarỹ watzireri, ityre waruru rare.

19 Biritinyke ibutumy tuu tabita wiji. Tule aõbo idi kanakemy biritinyke.

20 Adee aritỹnynyke aõbo kia ibutumy rare. Debò inatxi reurò taina heka wadebò-ki rare. Kia taina heka dohodỹña mahãdu ÿju wese rare. Loosòna mynyna heka dohodỹña mahãdu wese rare.

2

1 Kia heka biritinyke Efesu dohodỹña ÿju-ò: —Kaa heka inyõ rybe rare. Tii taina debò inatxi reurò rimymy idi rỹimyhỹ iruruwe-ribi debò wahe. Tii loosòna mynyna yky-ki rariareri. Kia womati tỹrỹrỹhỹkỹ-di relere wahe.

2 Aaõmysỹdỹña wiwihikỹ reeryre, awoxierysytere tule. Hãbu bina tiu aitxerenaõna toite. Inyõ Deuxu deòdumy iximy uritere rybedu, teurihitenyte. Kia iruirybe teerytenyte.

3 Kaiboho tawoxieryperenytenyte. Tule aõhõkỹmy tatỹnytenyte waòraru-ki, wijile tule wahe.

4 Kiaremy tahe sohojile wadee ibinare. Iwese juhUU waluu wesemy aõkõ wiji ahãtenyte.

5 Kaiboho heka atyhyna-ribi ahewo-ò tadòòsetenyte. Kiaremy ta idi bexinohõtynmy bexirãhĩbenyke. Iwese juhUU

atximahâte wese, ixityre boibekemy. Kiamy aõkõkeki, aloosõna mynyna ay-ribi aritakre.

⁶ Kiaremy ta akireny sohojile awire wadee. Kaiboho heka Nikolaita mahâdu iaõaõna widÿÿ derarenyre wawesemy.

⁷ Iny rybeõ ijohona mahâdu boholabenyke Deuxu Tyytybytyhy rybe-ò timybo Ityhydÿÿdu mahâdu-ò rarybemyhÿre: –Inyõ òraruna ijesu ritakeki, tamy jiarÿ umytuedeõna ariwahinykre. Kia tahe Deuxu bederaty ritokre, Deuxu oworu-ki rÿimyhÿre wahe. Kia bederaraty inyru wahidÿÿdu rare.

⁸ Kia heka biritinyke Esmirna dohodÿÿna ÿju-ò: –Kia heka Juhuuludu rybe rare, Ihewoludu rybe rare. Tii rururibile rexixare.

⁹ Aõhõkÿmy dÿÿnana reerymyhÿre. Uriterenodu wesemy toite. Ihâre tahe aõna aõnawiwi ahõrõreny rare. Aòludu mahâdu umy rarybereri ibinamy. Tiiboho Satanasi mahâdu roire. Judeu mahâdu aõkõ roire tiiboho tuu rarybrehâre.

¹⁰ Buberuõtyhy kaiboho! Aõhõkÿmy dÿÿnanaõ kanakre debò wiò txummy wahe. Tahe buberuõtyhyke. Ròtenawo-ki boibenykre. Burubenyke hârele heka õbitimy biwatyhyny-benyke. Iribi tahe irudÿÿna rataana adee ariwahinykre.

¹¹ Kaiboho nohõti-di mahâdu, boholake timybo Deuxu Tyytybytyhy heka ityhydÿÿdu mahâdu-ò rarybemyhÿre.

¹² Kia heka biritinyke Pergamo dohodÿÿna ÿju-ò: –Kia inyõ rybe rare. Tii mayrehe wiòtxuree dire:

¹³ –Jiarÿ reeryre asÿ, ahãwã wahe. Kaiboho Satanasisÿ-ki tasÿnyteri, irynana rareri wahe. Tahe Kaiboho aityhydÿÿna teriõtenyete. Tai tiiboho warybedu Antipasi õbiti rirubunyrehârele.

¹⁴ Ihâre tahe akireny sohojile wadee ibinare. Ayreny-ki inyõ Balaaõ erydÿÿna rityhynyre. Tii ihetxiu Balake òraruna-txi aatysydÿÿmy ribedeerydÿÿnyre resedÿÿkemy. Tii Israeli mahâdu-ò rarybere:

–Xiwena aõma ide tahe birõbenyke tule òta tahe urihimyo tahe ibinare.

¹⁵ Tule ayreny-ki tahe Niolaita tohodÿÿna ijõreny rityhynyre, timybo rexiòrarunanykemy. Kia ibinare wadee.

¹⁶ Tai marybeke tiiboho rexirahÿkemy idi iribi rexixãwidÿÿnykemy. Tukõkeki, anakre warymayrehe wiòtxuree-di iòludumy areakre wou-ki.

¹⁷ Iny nohõti-di mahâdu, boholake Deuxu Tyytybytyhy rybe-ò timybo Ityhydÿÿdu mahâdu-ò rarybemyhÿre: –Inyõ òraruna ijesu ritakeki, tamy biu-ribi rÿsÿna rÿikre. Manauratyre-ki heka nii tÿmyra raritimy roire. Ômo nii rieryõre. Tunidukrele rieryre.

¹⁸ Kia heka biritinyke Txiatira dohodỹyna ŷju-ò: —Kaa heka Deuxu Riòre Rybe rare. Irue heka heòty wese rare. Iwa bronze womati wese rare.

¹⁹ Aaõmysỹdỹyna reeryreri, luuna, ywina, tyhydỹyna, juhuu ratyre wiji aaõmysỹdỹyna.

²⁰ Kiaremy tahe sohojile wadee ibinare: Kaiboho heka Jezabel teijemahãtenyte. Kia hãwyy dori Deuxumy rybedu ixi-di rare. Ihãre tahe òtaòtamy, xiwe rỹsỹmy rotohodỹymyhỹre, ritxoo hõrõ wahe.

²¹ Jiarỹ tule txiò reijere òtaòta-ribi ixãwikemy. Tahe tuuõhyyre.

²² Idi herina-ò arilidikre ihãbu mahãdu-wana. Tai aõhõkỹmy rotỹnyrenykre. Tiiboho kia rexirãhĩnyõrenykeki, tuu ele elemy ariwinykre.

²³ Iriòre bina arirubunykre. Tai ibutumy aõwidỹynamyna ityhydỹydu mahãdu riwaerykremy. Jiarỹ heka inywo erydu dori rare. Kiaremyta iny sohoji sohoji ariòwynykre.

²⁴ Ayreny-ki tahe inyõ rỹire. Tiiboho bedeeryna bina rityhynyrenyõre. Tiiboho bedeeryna bina rieryõhyyre. Txioinihe, bede ywina sira aõkõ adeereny ariwahinykre.

²⁵ Iwese kaiboho tetyhynyte wese wiji bityhynybenyhyyke. Ele ele dori arehemynykre.

²⁶⁻²⁸ Kaiboho heka òraruna ijesu bitakeki, adeereny ruru ariwahinykre. Kaiboho ihyymy wadeewimy biwinybenykeki, bede bede dinodu mahãdumy boibebenyke, iwese ruru Waha-ribi remyra wese wahe. Tamywikeki womati òhòte-di bede bede mahãdu rihukre, iwese butxi ribòhònyre wese wahe. Tule adeereny ariwahinykre aõma biurasò taina wahe.

²⁹ Iny nohòti-di mahãdu, boholake Deuxu Tyytybytyhy rybe-ò, timybo tii ityhydỹydu mahãdu-ò rarybemyhỹre.

3

¹ Kia heka biritinyke Sardesi dohodỹyna ŷju-ò: —Deuxu Tyytybytyhy debò inatxi reurò dinodu, taina debò inatxi reurò dinodu kia rybe rare: —Aõhebo tatỹnymahãtenyte reerymyhỹre. Arumy anireny ratỹnymyhỹre ihãre tahe tarumy ahãtenyte.

² Bexirawahatebenyke ainatyhydỹyna-ki, urikõ-ribi kiemy ixãwiheny. Deuxuko-ki awityhymy aõkõ ixi-di textiemyhỹtenyte. Kia reerymyhỹre aõmysỹdỹynareny tewinymahãte.

³ Inatyhyna juhu taholatenytedi, bexinohõtinybenyke. Idi bityhynybenyke aõnanabina-ribi bexirãhĩke. Tukõkreki wasidu wese ierykõmy adeereny anakre.

4 Ihāre tahe Sardesi hāwā-ki inyō reximymy òbitimy rarekremy ihỹre. Tiiboho wahe-ki tyky lyra urahakỹ-di kanariarenykre kiemy dori òbitimy reximyrenyre.

5 Mobo ròtarenykre, tyurahakỹ-di rexityynyrenyre. Inireny Rutyyriti-ribi aritaōtyhy. Idi Wahakō-ò wahōrōrenymy aritỹnykre tule iỹjuko-ki.

6 Kaiboho nohōti-di mahādu, boholake timybo Deuxu Tyytybytyhy heka, ityhydỹỹdu mahādu-ò rarybemyhỹre.

7 Kia heka Filadelfia dohodỹỹna ỹju-ò biritinyke: —Kaheka inatyhymy Deuxu deòdỹỹna rybe rare, òbitimy nodu wahe. Tii Davi ijò rayna dinodu rare. Tii ijò riraynykeki tiu inyō riratòbònyōtyhy. Tii riratòbònykeki tiu iny riraynyōtyhy.

8 Aōhebo tatỹỹnymahātenyete reeryre. Akyhynakōmy atx-imahātenytemy rieryre warybe dori tetyhynymyhỹtenyete. Tai ijò adeereny reraynyra. Tii inyō riratòbònyōtyhy.

9 Bodoholabenykre. Satanasi mahādu heka Judeumy rex-ininimyhỹre tukōdu hārele. Idi adidydenykre akoreny-ò tatiowotimy kedesekeke. Iu aluurenymy riwaeryrenyre.

10 Aōhōkỹmy dỹỹnana kanake ibutumy iny urihidỹỹmy. Kai-boho warybe tetyhynyta, ywina-di tetyhynyta. Tai ilau arayrubunyrenyre.

11 Ele elemy dori adehemynykre. Ahōrōreny biyrubunyke inyō aribi rawasinyheny arudỹỹna rataana wahe.

12 Oraruna ijesu inyō ritakeki. Tii ixyby rubumy ruruōkre. Tii Deuxu heto-ki rasỹnyihyykre. Deuxuni ityre raritinykre tule Kristuni tỹmyra wahe. Jerusalēni tỹmyra tule ityre rari-tidỹỹmy rỹikre, biu-ribi dobehede wahe.

13 —Iny nohōti-di mahādu, boholake Deuxu Tyytybytyhy rybe-ò timybo ityhydỹỹdu mahādu-ò rarybemyhỹre.

14 Laodisia hāwā dohodỹỹna mahādu ỹju-ò heka biritinyke: —Kie rybe kaa rare. Tii inatyhyna inatyhy rybe rare. Tii Deuxu-wana bedede relereu, ratximyhỹ.

15 Aōhebo tatỹỹnymyhỹtenyete ibutumy reeryre. Ainatyhyna-ki inatyhymy aōkō, txiōlemy aōkō toite tule.

16 Tai tahe iòraru-ki ixi-ribi aratarenykre rexinohōtinyre.

17 Kaiboho tarybetenyete: —Waaōwiwi-di roire. Awityhymy watxirenyreri. Wadeereny aō rasiranyōhyreri. Idi urile texibònytenyeteri. Kaiboho dori abina, iaōkō mahādu, adehekỹ, aruety toite.

18 Kia aratohonykre: —Waribi womati tỹrỹrỹhỹkỹ aworibityhy biōbranykre, aityhynamy wiwihikỹ. Tasỹse tyyurahakỹ tule, ade wòtenamy. Tasỹse rueluahina tule, arue ywinamy.

19 Waluuna mahādu òhòte-di aribedeerynymyhỹre warybemy tule. Tahe eryrewemy aōsusu-ribi bexitabenykre

wadee.

²⁰ Bodoholabenyke. Ijò-ki rarymy watzireri. Inyõ roholakeki ihetowo-ò aralokre. Tai tii-wana ariroxikre.

²¹ Òraruna ijesu inyõ ritakeki, tii wawana waryna-txi ronykre iwese jiarỹ waha-wana nadonynmyhỹde wese. Rõtare dori wawouna-ki.

²² Iny nohõt-di mahãdu, boholake Deuxu Tyytybytyhy rybe-ò, timybo tii ityhydỹdu mahãdu-ò rarybemyhỹre.

4

¹ Iribi tahe biu-ki ijòmmy rabira rasina wese. Rybeõ raholare, jurònajurò wesemy. Iwese wadee rarybere wese. Kiamy narybede: —Mana òwònyke, aõhebo itxõmo rahudi rotỹnykre ini ariteòsinykre.

² Iule tahe Deuxu Tyytybytyhy riwamyre. Iu, inyõ ryanamy rabira biu-ki.

³ Iòsỹny heka roosònymyhyre womatiwiihikỹ rỹsỹ wese, Jaspe wesena, Sadonio wese. Uwajiõ wixira tỹre heka rare iryna rirurawonyre.

⁴ Tahe 24 ryna iryna rirurawonyre. Ityre tahe 24my wedu mahãdu ronyre tyyurahakỹ-di. Irati-ki womati tỹrỹrỹhỹkỹ-di rarataanỹmy.

⁵ Biudelaa, biumyta, irynana-ribi dohonyde. Heòtyloo heka debo inatxi reuròmmy sòwe iko-ki rỹire. Kia heka Deuxu Tyytybytyhy tuu sòwedu rare.

⁶ Tule iko-ki mana aho roire iuramy raurananyre. Irurawona-ki wiòwiò-ki aõni inaubiòwa rãire, irue sòwe ihewo-ki, iko-ki.

⁷ Aõni delena heka hãlòhehekỹ wese rare. Ijõ heka karòtihikỹ wese rare. Ijõ tahe hãbu òsỹny wese rare. Ikonanareny tahe nawiihikỹ dowòmmy nade wese rare.

⁸ Ibutumy tiiboho debò sohoji reuròmmy tesòwereny. Ta tiiboho tetya wirawyò rawyò irue dire. Tahe tiiboho rexielehynyõhyylemy txumy rummy rawiunynmyhỹ: —Òbitityhy tate, Òbitityhy tate, Òbitityhy tate Inynyrỹ Deuxu rurutere. Kai tate, tule kai mabekre.

⁹ Kia heka inaubiòwa boho rawiunyre: —Wowydyna, àlàna-wana rynana-ki rỹdu-ò, iki kiemy nodu-ò wahe.

¹⁰ Iu tahe 24 wedu mahãdu heka tatiowotimy taòsỹny sutxi ritidimy riwowodynmyhỹreny resemy iko-ò. Tamy tarataana-di rehumy raryberenyre.

¹¹ —Wadinodureny, waDeuxureny adee sohojile heka wowydyna, loosòna, àlàna rawahike. Ibutumy dori aõna aõna tewinyte. Adeewimy rỹimyhỹre idi rariamyhỹreny.

5

1 Ryna-ki rýdu ruruna debò-ki heka tyyriti werywery wesemy rabira. Tyyriti tahe wirawyò rawyò-ki iriti dire, tii debò inatxi reurò iratòbòna sòwe.

2 Ýju ruru ruruhuký-my ryrymy dýÿraxi-di: —Mobo ityhykre tyyriti ratòbòna aresydýÿdukre iraydýÿ-ki tule.

3 Tai tahe inyò ijòhyyre: —Biu-ki, bede-ki, surawo-ki ijòhyyre.

4 Inyò ityhyòre iraydýÿ-ki tamy itxere-ki. Iòraru-ki ta urile jiarý rahinymyhýre.

5 Iule tahe matuariò wadee narybede: —Hiòmyke, betehe ta inihe Juda mahādu hālòehéký-ò, Iòlò Davi iriòre riòre wahe. Tii dori tyyriti ratòbòna riorokre idi riraynykre, tii sohojile dori wou-ribi ròtare.

6 Kiamy tahe rabira, Budoeni Riòre wahe. Tii rynana ubey-ki rýimyhý. Aòni inaubiòwa ijòre. Tiiboho-wana tahe matuari mahādu rýire. Budoeni rurure wesemy rýire. Iò tahe debò inatxi reurò rare. Irue tahe tule. Kia rare Deuxu Tyytybyò rare, tii bede bedemy nodu mahādu.

7 Budoeni riòre tahe rynana-ki rýdu ruru debò-ribi ditade, aõma tyyriti wahe.

8 Iule ta aõni inaubiòwa, 24 matuari boho-wana tatiowotimy rejujure buddeni riòreko-ò. Tii sohoji sohoji wiuna-di, womati týtýtýhýký hyna-di ratximyhýreny. Sohoji sohojiro-ki tahe òwòrusò wydysilýnywi-di wese rare. Kia Deuxu tyhydýÿdu mahādu ixitòedýÿna violão wese tule ratximyhýreny.

9 Tiiboho wiutýmyramy rawiunymyhýrenyre kamy wahe:

—Kai atyhy tate Tyyriti raydýÿ-ò, iratòbòna esydu tule.

Arubumy heka Deuxu-ò Ixýju ixýju teòbranyte. Irybe wixira wixira, ibede wixira wixira iixýjuna tule.

10 Iòlòmý tewasynytenyete Deuxu dee tule xiwena wahidýÿny mahādu wahe. Idi hāwā hāwā ariwedunyenykremy.

11 Ýju sòwetyhymy rabira rynana werora-ki, aõniboho matuari-boho tule. Miliaõ hókýmy rasòwerenyre.

12 Tiiboho rirajuahakýmy rawiunymyhýrenyre: —Wowodyna, ruruna, deysana, àlàna, loosòna tamy sohojile rawahinyrenyke buddeni riòre-ò. Tii dori rurure ityhymy

13 Tai tahe ibutumy biu iròdu iròdu, suityre iròdu, bera iròdu iròdu ibutumy aõna tule rawiunymyhýrenyre rynana-ki rýdu-ò. Budoeni riòre-ò tule kia rawiunymyhýre. Rarehykyle, rarehykyle heka rarekre. Kie.

14 Aõni inaubiòwa rirawyònyre: —Kie, Matuari 24 tahe re-serenyre iko, kiemy noduko-ò.

6

¹ Tahe Budoeni riòre heka tyyriti ratòbònaõ riòròre. Kiamy rabire. Tule aõni inaubiòwa mahãdu-ò narybede rybenihikỹmy biumyta wodỹỹ wese. Mana ini itxeremy.

² Tai retehere awaru urahakỹmy rabire. Tairỹdu iwaxiwa-hate dire. Tamy irudỹỹna rataana riwahinyrenyre. Tahe rare wou ròtakremy.

³ Tahe ijõ ratòbòna riorore. Ijõ aõni tahe narybede inatxina wahe: —Mana ini itxeremy.

⁴ Idi awaru sòhòkỹ ròhònyre. Inyõ ityre rỹdu-ò ruruna riwahinyre, wou ritelenykemy bede bedemy. Tai hãbu mahãdu wii rahukremy. Tule inyõ mayrehe ityre rỹdu-ò riwahinyre.

⁵ Tahe inataõna ratòbòna riraynyre. Ixyby inataõna aõni rybe-ò raholare: —Mana ini itxeremy. Tai retehere. Awaru lybymy rabire, ityre rỹdu urihina-di tebò-ki.

⁶ Tahe aõniy-ribi rybeõ-ò raholare: —Womati nieru sohoji-di heka urihina sohojile heka trigo rawykre, txusohoji aõmysỹdỹỹna òwy wahe. Tule inataõ urihina sevada rawykre, txusohoji aõmysỹdỹỹna òwy. Uritere ta uva-ò, adỹỹ-ò aõhe isỹdỹỹõmykre.

⁷ Tahe inaubiòwana ratòbòna riraynyre, Budoeni riòre wahe. Ixyby inataõna aõni rybe-ò raholare: —Mana ini itxeremy.

⁸ Tai retehere. Awaru bisamadòbòlỹre wesemy rabire. Ityre-ki rỹdu heka Rubu inire, heòty bede rubunana iheludumy. Inyõ ityre rỹdu-ò ruru riwahinyre. Tai ròhònyre iny rirubunykremy. Inaubiòwa iny-ribi heka, sohoji rirubunykremy. Wou-ki, rama desemy, rubutyhy-di, iròdu debure-di heka iny rurure.

⁹ Tahe iruyrena ratòbòna riraynyre. Tahe Xiwena wahedỹỹna rawo-ki iny mahãdu rabire Deuxu rybe òraru-ki, tatyhydỹỹna òraru-ki rururenyre mahãdu wahe.

¹⁰ Tiiboho rirajuamyhỹre: —Deuxu Inynyrỹhỹkỹ, kai tyhy tate, òbiti tule. Tiu wexi waòwyreny bilidikre, warubudỹỹdureny-ò?

¹¹ Tahe iximynamynamy tyyurahakỹ-di rexityynyrenyre. Tahe tamyreny rarybere urihimyo rexielehynyrenykre. Ijoiireny iwesereny rurukreu riraòrenykre. Isõwereny rexihureu wahe.

¹² Tahe debò sohoji reuròna ratòbòna riraynyre. Kiata idi suu ramytywatare inihikỹmy. Txuu urile rurunyre, ahãdu isòmy relere, halubusò wese.

¹³ Taina tahe sutxi dejujude iwese bederaty yhydebore ritxiwimyhỹre wese.

¹⁴ Biu titxibo ikõre, iwese tyyriti rarasemyhỹre wese. Ibutumy hãwãlò bedebute tule taherina-ribi ratare.

¹⁵ Iu tahe ibutumy iny rexiwore hãloohokỹwo-ò, manahakỹ hewo-ò tule. Tii roire Iòlò mahãdu, bededinodu mahãdu, soldado dinodu mahãdu, ityhy mahãdu irurutere mahãdu, ibutumy ijõ mahãdu rexiwore.

¹⁶ Tahe taixiwotena-ribi rirajuamyhỹrenyre: —Watxireny mana heka bedesede rynana-ki rỹdu lau rekexiwòrenykemy. Budoeni riõre debure lau tule.

¹⁷ Deburena txu, kyarana txu heka reare tamy, mobo ri-ijekre.

7

¹ Idi tahe inaubiòwa ýjumy heka tuu rabire. Tiiboho heka inaubiòwa bedehitxihitxi bedemy rỹire. Tahe rimyrenyre yhyhykỹ tebò-ki heka rimyrenyre. Tiu heka òwòru radeò raykỹhyky roire. Bede-ki aòkõ, aho-ki aòkõ rebònyra?

²⁻³ Tule ijõmy rabire ýjuõmy ibryra-ribi rarerimy. Deuxu irumy nonadu hãletena nihikỹ widỹyna heka diwumy idi nade. Iribi tahe inaubiòwa ýju-ò tii rryre: —Txiokre inihe. Iwotõmodỹõmyke wa suu, bee, òwòru. (Kia ýju mahãdu dori, bede, bero, wotõmodỹõdu mahãdu ihỹre.) Biraòriõreke heka Deuxu hãletena deòdu òru-ò aritidikre.

⁴⁻⁸ Tiwesebo kia ritidỹyna rimymy idi rare. Tahe raholare heka jiarỹ tiweserebo. Ta 144.000 iny ibutumy. Israeli ijoi waòinatxi reurò kia ijoimy heka ixidee rimyre. Sohoji sohoji ijoi-ribi 12.000 inumy heka rimyre: Juda ijoi-ribi, Gade ijoi-ribi, Asser ijoi-ribi, Naftali ijoi-ribi, Manases ijoi-ribi, Simeaõ ijoi-ribi, Levi ijoi-ribi, Issacar ijoi-ribi, Zebulõ ijoi-ribi, Jyje ijoi-ribi, Benjami ijoi-ribi, Kia ibutu ijoi-ribi heka 12000 inumy rimyre.

⁹ Iribi tahe sòwemy inumy rabire. Timy heka idi wari-ramahãduòkre. Ibutu 12.000 hãwã hãwã-ribi wirotyre. Bede ibutu rybe wixira wixira rybedu ibutu ijoi wixira wahe. Tai tahe Budoeniube-ò tiiboho rotamanyrenyre. Budoeniko-txi ryanako-txi wirotyre. Ibutumy tiiboho ityyurahakỹlemy roiremy. Horeni iru-di heka roiremyhỹ.

¹⁰ Tahe rryrenyre —irariemy rryrenyre: —Biu-ò hena waDeuxu-ribi nade rynana nihikỹ-ki ronyreri. Tule Budoeni-ribi nade.

¹¹⁻¹² Tahe ýju ibutumy heka widotyde ryanawerora-ò, tule matuari mahãdu tule iwo-ki. Inaubiòwa aõni ibutumy reserenyre rynana nihikỹko-txi resere taòsana sutxi ritidimy Deuxu kia wowydynamy relere. Kie, myheka rarybere: —Wowydyna, Bedeerydỹyna, dealàna, loosòna, aruru, aixiòlòdỹyna. Ibutumy heka kia kanakre inyDeuxu-ò. Rarehykyle, rarehykyle heka rarekre. Kie.

13 Tahe wawiò inaubiòwa matuari mahãduõ wadee rÿÿraxire: —Kai aõbo teerymahãte kia tykyurahakÿ-di ratxirenyreriõ, tule tiribibo ròirerí?

14 Tahe rarybere: —Aõkõre wanyrÿ, reerykõre. Bedelyyke wako. Tahe wako tuu delyyde. Kia heka dòhònyde heka aõhõkymy dÿÿnana-ribi dòhònyde rare. Ityky rityranyre heka Budoeni riòre hãlubu-di.

15 Taiki heka rynana nihikÿko-ki ratxirenyreri Deuxuko-ki. Kaheka ruu, txuu-wana heka rããhimy ratximyhÿrenyrene taheto bededÿÿnana-ki. Kia rynana-ki rÿdu tahe riyrubunyrenykre.

16 Tiu rama rirubudÿÿrenyõmy heka bemomo boho. Tiu txutõteehekÿ-wana wirisÿnyõtyhy ybòtò boho-wana, txutye boho-wana.

17 Budoeni riòre dori rynana nihikÿko-ki ratximyhÿre. Tii heka aryÿna adee riwahinymyhÿkre. Tii heka adi itxeredukre heka aradykre heka Umyituedeõna ube-ò. Deuxu irube rirubudÿÿnykre.

8

1 Budoeni riòre debò inatxi reurò hãletenamy ribòhònyreu, aõdee biu-ki roholaõhyyre heka byy, myle roire: aõwodÿÿ wodÿÿhomy aõkõ. Wadee meia hora txумы bedemy bedewyre.

2 Debò inatxi reurò ÿjummy tuu rabire Deuxuko-ki nyidemý. Tahe inyõ tamy riõremý idi retehere debò inatxi reurò ajurònamý.

3-4 Tahe iwitxira ÿju nade. Tii womati tÿrÿrÿhÿkÿ atara nihikÿ. Tahe xiwenatyre orarade rÿny wihikÿ ritoonyre. Inyõ riwahinyre ÿju-dee sõwemy. Riurinykemy Deuxu ijoi ixitòedÿÿna-wana xiwenatyre-ò risõkemy aderòna rÿnyrehekÿ heka womati tÿrÿrÿ xiwenatyre-ki ritxiwire Deuxu ryanako-txi. ÿju iribi tahe kia ibutumý raòwònyre Deuxu-ò.

5 Tahe heòty-di heka ÿju atara ritÿxinyra idi heòty-di rehure biu-ribi bede-ò. Tai tahe biumytxi ramytxynihikÿnyre heka suu biu tawe rihetenýre rybe wese wodÿÿ ramytatare.

6 Tahe debò inatxi reurò ÿjummy heka rexiywinymý rÿire ajuròna-di jurònykremý.

7 Juhu ÿju heka rurònyre. Iribi tahe bedejutytyhykÿ heòty hãlubu-wana raurinymý bede-ò rejuxunyre. Bedejura tahe roomyhÿ asirade, bedero-wana inataõ-ribi, sohoji roomyhÿ.

8-9 Iribi ihewoludu txuròna-di rurònyre. Tahe berahakÿ-ò resere hãwãlò nihikÿ wesemy. Tai ibutumý heòtylawò txuramy ituere. Iyre bee tahe hãlubuhukÿlemy relere. Iyre utura tahe ituere.

¹⁰ Tahe ihewoluduhe txuròna-di rurònyre. Iribi tahe tainahakỹõ berohokỹyre-txi resere berayre-txi tule.

¹¹ Tainahakỹ heka ihyre inire. Tahe sòwemy iny ituere ihyre bee riurinyreki.

¹² Tahe ihewotyhy tyaludu txuròna-di rurònyre. Tahe aõwesele txutyemy txuu roosòðhyyre. Tahe ahãdu tawekremy turutyhy inihe relere taina tule. Tahe bederuruntyhyre heka.

¹³ Tahe idi retehemy jiarỹ räiwãhã. Tahe tuu rabire nawii nihikỹõ ruòmy ratxireriõ. Tii iryru-di heka rarybemyhỹ: –Bede heka rabinakre. Bede heka rabinakre. Suludu bede iny-ò ryrymyhỹ: –Txioinihe sòwemy aõbina binahakỹ rexiòtỹmyranykre. Tahe hewotyhyludu ýju txuròna-di kudurònykreu heka bede rabinatyhykre.

9

¹ Ijõ ýju tajuròna rurònyre. Tii heka iruyre hewoludu rare. Tahe ijõ inymy rabire. Biu-ribi suò taina resere wese tii resere. Tamy ijõ raynaõ diwahinyde, hãloo nihikỹ ratòbòna rayna wahe. Hãloo nihikỹ heka irehehekỹ rare.

² Tahe riraynyre. Wàdasi iribi tahe dòhònyde. Iwese tahe bede rurunyre wawerorareny-di. Txuu, ibutumy rurunyre wàdasi lybyhykỹ òraru-ki.

³ Tahe seihikỹlyby wese heka wàdày-ribi dòhònyde tahe desede suò. Seihe heka itytibòròhòkỹ wese heka ihe rare.

⁴ Asi rubudỹỹòmykre bederaradeõ tule, òwòru tule. Inyõ Deuxu kia ritidỹỹna iòru-ki rỹiòkeki, tahe tule tamy ijira rỹikre.

⁵ Iny rubudỹỹmy aõkõre. Tahe iny aõhòkỹmy rotỹỹnykemyre heka iruyre ahãdumy. Aõhòkỹmy rotỹỹnymyhỹre kia ihe jubereri riijererimy ihỹre.

⁶ Kia txuu tahe ixirubudỹỹmy reamyhỹre. Tahe aõkõre heka timyhe ixirubudỹỹkõmy tamyhe rubu dehemynyòhyymyhỹde. Tukemy heka riwisỹnymyhỹre. Tahe aõkõre rubu iribi rahenymyhỹre.

⁷ Seihikỹ heka awaru wese rare. Iwese awaru rexiywinymy wou-ki ralòkremy rỹimyhỹre wese heka rare. Irati-ki rỹire womati tỹrỹỹhỹkỹle irataana wahe. Iòsana heka iny òsana wese rare.

⁸ Irade irehehekỹre hãwyy radehekỹ wesele. Txuu tahe leaõ juhukỹ wesele rare.

⁹ Wyhy itxena ibreti-ki roimyhỹre. Womatile ibreti rare. Bede heka urile rawodỹỹnyhỹkỹmyhỹre. Iwese tewe awaru-di nodu sòwe iwodỹỹ rare. Iwese aõbina-ò rajaramyhỹre wodỹỹ wese wahe.

10 Seihikỹ heka bòròhywe nihikỹ wese heka rare. Tahe iruru-di rare. Iny riwotòmonymhỹkemy iruyre ahādumyhỹmy. Iherona ramytxytxyre iruyre ahādumyhỹmy.

11 Iiòlò heka hāloo rahejihikỹ wedu heka rare. Ini heka hebreu rybe, Abadu rare. Grego rybe heka, Apoliò heka rare. Iny rybe heka iny hàdu hàduhukỹ rare.

12 Juhuu bedebinahakỹ ituera ròhònrya. Katahe ijõ iwitxira kòdòhònkyre inatximyhỹmy wahe.

13 Ijõ ýju tajuròna-di rurònrye. Tii heka debò sohoji hewoludu rare. Raholare heka rybeò-ò. Womati xiwenà-ribi ròhònrye. Xiwenà-ò heka inaubiòwa sòwe. Kia womati týtýtýt xiwena heka Deuxu ryanako rýire.

14 Kia ýju-ò heka rarybere ijuròna dinodu wahe: — Inaubiòwa ýju besedýtýtnye ixinamy ròhònkye. Tii heka Bero nihikỹ ròtena-ki, bero Eufatesi-ki.

15 Tii heka ròtena-ki ratximyhỹre kia bededýtýtannau, kia txuu, kia ahāduu kia beòrau. Iribi tahe riòlòdýtýtnyrenyere. Iribi tahe ihewoludu iny ibutumy rahure. Iyreyre inataò hāwā jurajuramy heka rahure. Inataò jura-ribi sohoji sohoji rirubunyere.

16 Tahe jiarý raholare tiweserebo aòbinadumy rýire. Iny 200.000.000 inymy rýire.

17 Tahe aòbinadumy rabira awaru tyre ronyreri. Awaru tyre ludu tahe iwyhy itxena dire. Ibutumy wako-ki rýire. Ibutumy rabire. Womatihikýle, heòtyhykỹwesele heka rare. Ijõ heka týtýreura rare safira wese. Ijõ tahe týtýre raramadòbò wesele. Awaru rati heka leaò ratihikỹ wesele rare. Heòtyle iry-ribi ròhònryeri wādàsi enxofre-wana wahe.

18 Kia heòty heka inataò jura-ribi sohoji jura iny rahure.

19 Tule awaru nohewòru heka iruru dire. Iryribile tahe iheòty ròhònrye. Taile iruru rare. Hemylala rati wese dire ruròmý heka inatxi hemylala juwesele.

20 Iny ituere sýtýbymy tahe rarònyere. Deuxu deàlàna dee heka reòbyòhyyre. Diabo mahādu luulemy ratximyhỹrenyere. Aòma rityhynyrenyere womati týtýtýtýtýt rítxoo, òwòru rítxoo surítxoo, mana rítxoo. Kia rítxoo heka aòki robiòhyyemyhỹre, aò roholaòhyyemyhỹre. Rariaòhyyemyhỹre.

21 Iòraru-ribi roxirāhiòtyhy iribi tahe rahòtinyrenyere aò òtaòtamy, rubudýtýtnamy, wasinamy, òwòrumy. Kiale ròhòtinyemyhỹrenyere.

10

1 Tahe iwitxira ýjuhukỹ rabira biu-ribi suò robehererimy. Biuwetykywesehekýle iweroramy rýireri. Tahe owaji wese

iratikile roireri. Iòsŷny tahe txuwewehekŷle, iwaube tasŷ heòtyhykŷwesele roosòmy.

² Tii heka tyyritinadile debò ritŷtenymy ratximyhŷ. Tahe itŷte heka deboube-ki roimyhŷre. Tahe tawaube ruruludu heka betye ritidimy idi rŷire. Tawahyweludu tasŷ ityti-ò ridemy idi rŷire.

³ Tii ryryre heka tarurumy. Leaõ iràhàkŷwesele ryryre. Iu tii rarybereu, debò inatxi reuròmy heka ramytxynymy dirawyònyde.

⁴ Tahe riritinyre heka aõmybo timykira raryberenyre wahe. Tahe rybeõ-ò raholare: —Kia widŷŷòmy. Kia rybe hewa iersyna aõkõ rare ixinamy tahe tuu roike. Biritinyòke aõmybo ramytxyna rarybere?

⁵ Tahe ŷju suki ratxireri, beki ratxireri ruru ludu debò biu-ò riteòsinyre:

⁶ —Deuxu-ribi heka tuu raryberé, warybemy inatyhymy. Deuxu heka tiemy rarehyyle rare. Ibutumy heka riwinyre biu-ki rŷira bedeki rŷira-wana. Tai heka warybe inatyhymy rare. Ararybekre heka raroorehenyòtyhy kaki.

⁷ Debò inatxi reuròna ŷju tajuròna ritxurònykreu heka, Deuxu ibutumy relemy rŷikre iwese rarybere wese.

⁸ Iribi tahe rybe biu-ribi wadee nade. Wadee rarybere: —Biòryke hewa tyyritina ŷjudebò-ki naderí suki bera-ki kia rŷireri.

⁹ Tai tahe tamy rehemynyreri iòhòmy tyyriti tamy rex-itòenyre. Tahe wadee rarybere: —Biwyke. Birŷsŷke. Juhuu tahe bidi wesemy ary-ò bidekre. Birŷsŷkreu tahe ibutumy rahyrenykre awo-ki.

¹⁰ Iribi rewyrar rerysŷra. Iwese tii juhuu rarybera wese rare. Ibreere juhuu. Iribi rerysŷreu tahe, wawe rubererenyre.

¹¹ Tahe wadee rarybere: —Kai heka dohodŷŷmy makre ixityre ibutumy inywitxiramy heka botohodŷŷkre. Ibutumy inywitxira witxira-my botoho. Ibutumy rybewitxira witxira botohomy. Ibutumy iòlòmy botohodŷŷkre.

11

¹ Iribi tahe inyõ wadee diwahinyde urihixinaõ. Wadee rarybere: —Biurihikesŷ titxibo Deuxusŷ rŷimyhŷré. Iwo tule xiwena wahidŷŷna biurihike. Idi mariake tiwesebo iny iwo-ki rŷirémy.

² Tahe ahana-ki iube idi riraõmyke. Tii dori ityhydŷŷdukõdu mahãdu dee wahisidŷŷna rare. Tiibohe dori 42 ahãdumy idi rariakre.

³ Jiaryŷ dori inatxi rybedu idi watxiwãhãre. Tamy ruru ariwahinykre. Tii heka saumytykyle rariakre. Tii heka rybe ritŷnynykre beõra inataõ weeremy.

⁴ Rybedu inatxi heka bederaty òwòru inatxi wese rare. Tahe tule inatxi loosòna mynydu wese heka rare. Kia Deuxuko-txi rỹire wese heka rare.

⁵ Inyõ idi ibinamy riwisyỹnykeki, tahe ixirubudỹỹmy rorukumyhỹre. Heõty iryribihikỹle ròhònyke heka iny rirubunyke.

⁶ Tii heka irurudire biu dejuxu lau riekemy. Tahe tiu biu reseõtyhy heka inataõ beòra weeremy wahe tii Deuxu rybemy rarybereriu wahe. Ihãre tahe tii rexirahòreke bero nihikỹmy aho nihikỹmy hãlubumy rexirahòreke. Ihãre tahe ibutudee bina riwahinyke, rubuna riwahinyke tiiboho awimy tai raharenykeki.

⁷ Kia heka inataõ beòra weere rikonananykeu, rybe tỹnydỹỹdu inatxi rikonananykeu, hãloo rehe nihikỹwo-ribi aõni kòdòhònykreu, tahe aõbina nihikỹ-ki heka iu rỹikre. Tahe inatxi rybedu rirubunykre.

⁸ Iumy rubu tahe hãwãry-ki roikre, tibo inyrỹ rirubunyrele. Rawesenanyre, kia hãwã arininikre Sòdòma ada Egito wese.

⁹ Inataõ txuu weere riwydi hãwã ube-ki iumy rubu roikre. Inyõ heka tiu rituunyõtyhy. Ibutu iny hãwã hãwã-ribi ibutu rybe wixira-ribi heka tamy itxeremy rehemynykre.

¹⁰ Ibutumy heka iny teysamy rỹikre urile iny widee aõna aõnamy riwahinymyhỹkre. Tiiemy inyõ raaõmysỹdỹỹõtyhy kiadxuu. Tai heka tahõti heka itxi reakre kia inatxi rybedu rurure tahõti itxi reakre. Lisini heka rỹikre, worana bedehesi.

¹¹ Kia txu inataõ txuweere-di, iumyreny iruna kòdòòsekre tamy Deuxu-ribi. Tiiboho lamamy rotamanykre. Iny rarokonykre heka ruberu nihikỹmy rỹikre heka.

¹² Inatxi rybedu-ò heka rybetereõ biu-ribi nade: —Kaiboho bòdòibedenyke kaò. Tahe biuwetyky raòwònyrenykre kia iòludu mahãdu idi retehemy rỹireri yrubule.

¹³ Kiaule tahe bede ramytatakre. Debò wiò heto jura jura-ribi heka sohoji resere. Tahe 7000 inymy rurure. Tahe iny rarokonykre tahe iuhe ruberu nihikỹmy rỹikre. Tahe wowydyna riwahinykre Deuxu biu-ki ratximyhỹreò.

¹⁴ Inatxina bede dỹỹnana bina tahe ròhònyre. Tahe ijõ kanakre.

¹⁵ Debò inatxi reurò yỹjumy heka juròna rurònyre. Tahe sòwemyhe iny rarybemy rỹimyhỹ, ryrymy rỹimyhỹ: —Kia bede dỹỹnana, iòlòna, inynyrỹ hõrõ rare. Kristu hõrõ rare. Aõu aõu tii ibutu ibutu iòlòmý ronykre.

¹⁶ Wawiò inaubiòwa matuari tahe, rynana-ki ronyrenyneri Deuxuko-txi. Tahe Deuxuko-txi reserenyre. Wowydyna tamy riwahinyrenyre:

17 —Kai Deuxu, tuu tate ihyyemy, ibutururu ratyre aruru rare. Aruruteremy bonykre bedede dinodumy. Umy reàlòmymy kia-ò.

18 Iny heka ibutumy alau ruberumyhÿre ibutumy òludumy rÿire, adee deburemy rÿimyhÿre. Rubu hitxidÿÿna heka bedede reamy heka roire. Eòdurenyle heka riòwynykre, aijoi riòwynykre, rybedu mahàdu wahe. Ibutumy ani rityhynymy rÿira, nihikÿ iyja-wana, kia bedede huduhukÿ rare. Ibededÿÿnana reamy heka roire.

19 Biuwetyy riraynyre Deuxu heto. Ibutumy heka lobidÿÿna tyyriti hyna iwo-ò iny robimymy rÿire. Iu tahe biumytxi, biudelaa ibutu yhynihikÿ, ibutumy bedede ramytatamymy rÿire, berahakÿ tule resere.

12

1 Iribi tahe ròhònnyre warasina-ki aõbo. Aõhebo bedede ritÿÿnykremymy, biuwetyy-ribi hãwyyõmymy rabire. Txuu wese tahe itykyra. Tii lamamymy rÿire ahàdu tyre. Tarati tyre-ki tahe tainahakÿ rataana idi rÿire, waòinatxi taina wahe.

2 Tii heka bòtòmymy ihÿmyhÿ. Ryrymymy heka txubrere riijemymy tabededÿÿnana-ò resera uladu reakremymy.

3 Iribi tahe aõna aõna biu-ki rexisÿnymymy, aõni hemylalasò nihikÿ wese wahe. Irati tahe debò inatxi reurò sõwe iratimymy. Debòwiò sõwe heka iòmymy. Irataana heka iratimymy myna rÿimyhÿre.

4 Tii tahe tõhewòru-di taina ributunymymy ridyre. Bede tyre-ki idi rehure, taina juràò. Tii hãwyyko-txi rÿire. Uladu reakreule tahe uladu riròkremymy.

5 Tahe tohouã reare, hãbumymy heka reare. Tii iòlòmymy heka ronykre, ibutu bedede bedede iòlòteremymy wahe. Ihãre tahe Deuxu ridyre. Raòwònnyre heka Deuxu rynana-ò.

6 Hãwyy tahe rahenymy bederahy-ò. Tii 1260 txumymy heka tii bederahy-ki bedede riekremymy. Deuxule heka tii riywinyre.

7 Biu-ki heka aõbina nihikÿ rÿire. Mieli, ÿju dinodu heka, taijoi-wana raaõbinanyre aõni-wana taijoi-wana.

8 Aõni tahe resera taijoi-wana. Ròtara. Biu-ribi ròhònnykemy tahe idi ratxireri.

9 Riteònnyre biu-ribi, aõni nihikÿ heka ròhònnyra. Tii heka hemylala nihikÿ wese rare. Satanasi inire, Diabo wahe. Itxenadÿÿdu heka rare ibutumymy iny. Suki resera, taijoi-wana.

10 Raholare tahe biu-ribi rybeõ-ò: —Deuxu tarasana heka rehemymy. Tii taruru riteòsinyre iòlòtyhy raremymy. Kristu taruru riteòsinyre. Aõbina bina rybedu tahe Deuxu-ò rarybehymymy ratxireri, txu-wana, ruwana. Tii tahe ròhònnyra biu-ribi.

11 Waityhydỹỹdu seriòre mahãdu heka ròtara Budoeni hãlubu-di, inatyhyna hãletena-wana. Rurukemy ratxireri tii-boho tamydeewikeki.

12 Beysabenyke biu mahãdu. Koityhyxe tahe ahohokỹ, bede-wana. Diabo dori adee rehemynyre. Tii reburere, ibededỹỹnana dori iòhòmý reare.

13 Iu hemylala aõni heka bedekile ratxirerimy rieryreu, tahe hãwyy tohouã-wana kia-ò aõhõkỹmy rotỹỹnykemy risỹnykemy idi ratxireri.

14 Tahe hãwyy heka nawiihikỹ-ribi idei rihuòtera, tahe idi ruòra bederahy-ò, tasỹ-ò.

15 Hemylala aõni tahe bee sõwemy tary-ribi rarybexinyre hãwyy ribòròbòròdỹỹkemy.

16 Tahe aõkõre. Suu tary riraynyre tahe ibutumy bee riõre.

17 Hemylala aõni tahe reburemy reare hãwyy dee. Ibutumy hãwyy ijoi mahãdu rirubunykyky idi ratxireri. Kia mahãdu tahe Deuxu bede ywina rityhynyre, iwese Jesuisi tuu ritỹnyre wese.

18 Tai hemylala aõni ÿnyrakile rỹire.

13

1 Iribi tahe aõnimy rabire berawo-ribi ròhòmýre warasina-ki. Tii heka debò inatxi reurò iratimy tahe debò wiò iòmý ijõdire. Rataanaõ tahe sohoji sohoji iò-ki rỹire. Irati-ki tahe nĩbinamy heka rỹire.

2 Tii heka hãlòde wesetyhymy rare. Iwa heka ursowa wesele heka rare. Iry heka hãlòery wese rare. Aõni heka tamy ruru sõwemy riwahinyre, irynana wahe.

3 Iribi heka rabire iratiõ, sohoji heka wotõmonahakỹ dire. Tahe reytereri. Ibutumy iny riòtiinyre. Aõni riheludunyre.

4 Aõni hemylala heka taruru riwahinyre aõni-ò. Tai tahe ibutmy iny heka aõni riwowydynyre. Iny rarybere: –Mobo heka aõni wese rare? Mobo ijesedukre?

5 Aõni heka aõbina bina rarybere. Inyõ ribyrenyõtyhy. Ahãdu 42 tii heka kiawesemy rỹikre.

6 Tii Deuxu dee heka aõbinamy rarybere, Deuxusỹ dee, ibutumy biuludu mahãdu tule rybebina-di ribinabinadỹỹnyre.

7 Inyõ tamy ruru sõwemy riwahinyre Deuxu ijoi mahãdu-wana raaõbinadỹỹkemy. Tuu rahaỹnanykemy heka ibutumy iny wixira wixira, ibutumy rybe wixira mahãdu, ibutumy bede bede mahãdu.

8 Ibutumy iny ityhydỹỹdukõdu mahãdu tamy wowydyna riwahinyke. Budoeni Riõre ijoi mahãdu tahe aõkõre, kia dori ini rỹirenyre tyryiti-ki. Juhu bededỹỹnana inireny iwo-ki roire.

9 Tahe inyõ roholakeki heka, boholake.

¹⁰ Inyõ ridyke. Riròtenyke ròtenawo-ki. Ijõ tahe rirubun-
yke. Deuxu ijoi mahādu tahe rexityhynykre idi òbitimy
roirenyrekremy. Kie.

¹¹ Tahe ijõ aõnimy rabira. Tii ròtuòreri bede-ribi. Iò heka
inatxire. Budoeni wese heka rare. Ihāre tahe aõni wesele
rarybere.

¹² Tii juhu aõni wese rare, iruru. Rarybere: —Juhuludu aõni
biwowydynyke. Kia ratiwotomona-di.

¹³ Budoeni aõni heka aõna aõna wiwihikỹmy riwinyre. Tii
heòty biu-ribi resekemy tii rotỹỹnyre. Ibutumy iny tuu robire.

¹⁴ Tii ibutumy iny riitxenanyre kia aõna aõna wiwihikỹ
òraruki. Iny ibutu-ò rarybere: —Suritxooõ nihikỹ biwinyke
aõni dee. Tii mayrehe-di rawotõmore hārele ruruõre.

¹⁵ Tahe ihewoludu aõni heka rabunya suritxoo-ò tahe
irumy rỹire. Idi suritxoo rarybere. Inyõ tamy wowydyna
riwahinykeki, tii tahe rirubunyre.

¹⁶ Tii rarybera ibutumy iny-ò: —Kaiboho waritina bitidike
aòru-txi, eboreny-txi, ruruweludu wahe.

¹⁷ Aõkõkeki tahe aõhoho aõkõ riwyke. Iny kia ritina ijõdiõkeki
aõhoho aõkõ rohonykre.

¹⁸ Kai erydỹỹna sõwekekile, aõhebo tatỹỹnytemy kaiboho
bierybenykre. Kai erydỹỹnadikeki, aõni heka rieryke. Ini heka
iritina raròsõna wese rare 666 ihỹre.

14

¹ Idi tahe budoenimy rabire lamamy nyidemy Jerusalē
hāwā-ki. Aõma Siaõ hāwālòkile rỹiremy. Tii-wana heka rỹire
144.000 kia inymy heka tii-wana rỹire. Ibutumy tiiboho heka
tybynimy, inymy heka ibutumy iòru-ki raritinymy rỹire ibutu
òru-ki. Tahe tuu rabire rasinaõmy.

² Biuwodỹỹ nihikỹmy raholare, tule biuwodỹỹhỹkỹ ada
benihikỹ lesetere wese iwodỹỹ rare. Tahe sõwemy iny raw-
iunymy rare violaõ-wana, kia wodỹỹ wesehekỹle wahe.

³ Kia heka wiu tỹmyra riryrymy ròirenyre kia iny tỹmyra
rirahura mahādu. Kia Deuxu rynana nihikỹko-txi heka
rotỹmynyrenyra. Kia inaubiòwa aõnityhy heka waitue in-
aubiòwa matuarimy tahe ijõmy rỹire. Tahe 144.000 kia inyle
heka rawiunykeki, awimy rỹike. Tii dori aõma tarasadumy
ratximyhỹrenyre.

⁴ Tiiboho heka tyra roire, tiiboho heka òbiti roire iwese
ijadõma ratxirerimy ihỹre wese òtadu mahādu aõkõhyyre. Tahe
budoeni riòreheky heka rare titxibo tii rare hemy. Tii dori
wydynamy rare. Kia hābuy-ribi. Bede ywisidỹỹna juradỹỹna
kia dinodumy heka rare. Deuxu heka Budoeni Riòre-wana
wahidỹỹnamy heka roiremy.

⁵ Tiiboho heka raryberenyõtyhy tiiboho ruidu roiremy. Òbiti heka tiiboho roire. Tiiboho heka rahitxirenre Deuxu dee.

⁶ Tasỹ ijõmy rabire ýjuõmy aõma biuwetyky kiako-txi raramy ruõmy rabirerimy. Tii heka Rybewihikỹ tỹmyra rimymy idi rara aõ inywitzira-ò ritỹnynykremy. Ibutu bede bede inywitzira-ò ritỹnynykremy. Ibutu rybe-di ritỹnynykremy, Rybewihikỹ tỹmyra wahe.

⁷ Kiamy heka ryryre: –Deuxu bityhynyke. Marybebenyke tii awi raremy nihikỹ raremy. Bededỹñana rehemynymy roire ihitxidỹñdu bede-ò. Bityhynybenyke tii dori bede ibutumy riwinyre bee, biu ibutumy riwinyre.

⁸ Tahe ýjuõ heka ihewomy ruõmy ratximyhỹre. Babilonia hãwã nihikỹ rexihura. Ibutu iny dori òraruna-txi resera. Kia hãwã mahãdu dori ibutumy iòrarudỹñyra.

⁹ Iribi tasỹ iwitxira ýjusỹ tamy nade iheto-ò. Tii tahe ryrymy nade: –Inyõ aõnimy ada iritxoomy rityhynykeki, iribi riwykeki iwotõmona iòru-ribi tebò-ribi riwykeki iritidỹñna, tii tahe Deuxu ykarana heka iribi riwykre.

¹⁰⁻¹¹ Tiiboho heka aõhõkỹmy rotỹñnyrenykre ýjuko-txi. Bu-doeni Riòreko-txi aõhõkỹmy rotỹñnyrenykre. Heòty kia bede dỹñnana tyhy tiemy raòwònyhyy rarakre. Tiiboho dori tiemy aõnityhy nihikỹle, iritxoo-wana rityhynymyhỹrenykeki, tiiboho heka iritidỹñnale ixi-ki riwymyhỹrenyre.

¹² Tai tahe ibutumy iDeuxuhe ywina-di heka iwitxira iny ronykemy heka ratximyhỹre. Ibutu aõ òta ibina bina biòludunyenkyemy, tiiboho dori aijoi òbitihyy boibekemy ikonana-ò. Jesuisi bityhynykemy.

¹³ Iribi tasỹ ixityre ijõ rybe-ò raholare watyre-ki. Rarybere: –Kiahe biritinyke: Aõ roorehemy aõkõ heka dehemynymy deade. Kia Jesuisi-ò rurure heka uriõno heka tamy dehemynymy deade. Iribi tahe tule rarybere: atyytyby reysamy ratxireri. Myle. Tahe rexielehynymy heka rorukumyhỹrenyre aõhõkỹmy dỹñnana-ribi. Tii dori aõwiwihikỹle riwinyrerimy ihỹre. Reeryre heka.

¹⁴ Idi tahe iwitxiramy aõmybo rabire wiribi hitxiramy. Nonoe wetyky urahakỹle wese heka rare. Inyõ ityre-ki rononymhỹ. Hãbuõ wesehekỹlemy heka rare. Irataanadihikỹlemy rononymy heka tarati-ki heka idi rononymhỹ. Womati tỹrỹrỹhỹkỹle wesehekỹle irataana rare. Tahe ijõ heka itieresyna-ò di heka tebòkihikỹle heka rỹire.

¹⁵ Ijõ heka Deuxusỹ-ribi nade, ýjuõ. Tamyhe ryryre: –Bexitỹmyranyke, itieresyna-di tasỹ bexitỹmyranykre. Bededỹñana rehemynymy roire adee aõ biòròròkemy.

¹⁶ Tahe kia nonoe wetyky tyre-ki ronyreri tahe rexide-lenyre riòròrerihe. Riwyrehe ibutumyhe aõna aõna riwyre tahe ributunyre.

¹⁷ Kia ijõ Deususỹ-ki ratxireri tasỹ tule debònadimy ratximyhỹ kia tieresynadile ratxireri.

¹⁸⁻¹⁹ Kia ýju aõma heòty kia loo-di ratxireri tahe dyryde heka tieresynadile tamy rehemynykemy. Tieresynadile biorobeke idi atxibeke. Ibutumyhe bedede bedede kia biorobeke. Ceifale dori biorobeke. Rubumy dori rỹire hitxidỹỹna-ò. Iribi tahe reare. Tiò tiò idi reamy tahyna-ò rabutumy reare kia Deuxu ykarana-ò.

²⁰ Tai tahe bederatyhe risorunyrenyre hãwã-ribi hitximy. Sõwemy hãlubu ròhònyre. Kia urihixina heka sohoji metro weere heka rare. Irehere heka bero wese 300 quilometros irehemy. Awaruloymy heka rabeheõmy roire ibero.

15

¹ Ijõ aõna aõnamy rabire biu-ki ihewo-ribi riteòsinyreri. Debò inatxi reuròmy ýjumy heka rimyra kaa aõmỹsỹdỹỹna. Kidi-wydenykre heka debò inatxi reurò aõhòkỹmy dỹỹnanamy. Idi tahe Deuxu ykaranamy rexikonanamyhe roikre.

² Iribi tahe bero nihikỹmy rabire wako-txi aõma heòty wese, womati tỹrỹrỹ wese. Sõwemy heka inymy rabire kia sutyre-ki nyidemy bero iòhòmy. Ibutumy heka aõni debure deburehekỹ kia rubu-ribi ritamy nyide. Iu heka aõni tai roiòhykyre heka, aritidỹỹna roiòhykyre heka. Tahe aõma aõnimy rahaỹnanyrenymy ratximyhỹre iritxoomy tule violaò oworuwodỹkỹhe tai rỹire, Deuxu rawiunyrenyreri riryryreri.

³ Moisesi Inynyrỹ deòdu wiu riryrynyreri. Tule Budoeni Riòre wiu riryrynyrenyreri. Kiamy heka rare: —Oi Deuxu, Kai heka aruru-di tate. Aõni tewinymahãte. Ibutu tarasana tewinymahãte. Ibutu heka ary òbiti rare. Awi heka rare. Kai heka ibutu iòlò tate.

⁴ Iòlòhyky tanamahãte. Tiiemy heka rityhynymy hyky hyky tanamahãte Inynyrỹbohomy. Wowydyna heka adee riwahinymahãke. Kai sohojile heka òbitityhymy atximahãte. Ibutu bedede bedede ludu heka anatyhynykremy kedeadeakre. Ibutumy aõbo tewinyte. Ibutumy bedede òbitidỹỹnymahãte heka rieryre.

⁵ Kia bedede heka Deuxu hetomy roimyhỹre ierykõnamy roimyhỹre. Iwòte ierykõna. Tii heka riraynyrenyre heka kia bedede.

⁶ Kia debò inatxi reurò kia ýjuhe ròhònyre Deuxu heto-ribi. Diwydehe debò inatxi reurò aõhòkỹmy dỹỹnana. Aõma itykyrenyre, linho urahakỹ itykyrenyre. Irawo-di ibreti wereysanamy tahe womati tỹrỹrỹhỹkỹ reare.

⁷ Sohoji aõniõ aõma Deuxu ykarana hyna sohoji sohoji-ò tamy diwahinyde.

⁸ Deuxu hetowo heka aõma wàdàhàkỹlemy reare. Loosõna dori iruru dori sõwemy rỹimyhỹ. Tai heka urile roosòhòkỹmy ratỹrỹrỹhỹkỹmy. Inyõ heka iròteõna. Debò inatxi reurò ýjummy. Kia ritxiwimy rexihudile tahe iny ralòke.

16

¹ Deuxu hetowo-ribi ijõmy raholare rybetereõ-ò. Rarybereri ýju mahãdu-ò: Boibenyke hewa abede-ò. Debò inatxi reurò hyna bitxiwibenyke kia Deuxu ykarana hynamy. Tahe ýjummy dòhònymy deade tahyna-di ditxiwide bede-ò.

² Iribi tahe rexidelenymy reare aõma juhUU ýju ihyna ritxiwire bede-ò. Ýju binahakỹmy ròhònyre ibutu inymyhe robýtỹmy reare. Kia aõma aõni kia ritina iòru-ki rỹirele kỹnyhe tuu rỹximy. Tule suritxoo rityhynymyhỹrele kia mahãdule heka yyy ýyy ròhònyre.

³ Tahe ihewoludu heka tahyna-di dòhònymy deade. Betyre ritxiwire. Bee hãlubu hukỹlemy reare. Ibutumy bera-ki raremyhỹre ituere.

⁴ Juhu ludu hewoludu tahe ritxiwire berohokỹ tyre heka ritxiwire. Bee ibutumy bewydysyna rihòrõnyre. Ibutumy hãlubu hukỹlemy relere.

⁵ Tahe ýju rybe raholare aõhebo bera-ki rotỹýnyrerìò: –Kai Deuxu, Kai awi tate. Kai òbiti tate. Tuhyy ahãte ihãre tahe tuhyy ahãte.

⁶ Rybe tỹnydỹýdu mahãdu heka ituere, rurure. Deuxu ijoì hãlubu ritxiwire suò. Katahe rubudỹýdu kaihe iòwydỹýdukre. Hãlubu tetxiwiteriki tule iòwydỹýdukre.

⁷ Tahe raholare ijõ ýju rarybereri-ò, Xiwena-ribi heka ròhònymy: –Kia InyDeuxu heka ibutumy ruru dire. Ibutumy tewinyte òbitimy awimy.

⁸ Tahe ihewotyhy konana ludu tahe ritxiwire hyna txu-tyre-ki. Tahe txuu ratòteenyre itòtee nihikỹmy relere. Sõwemy heka iny risòre bedetòtee.

⁹ Tai tahe rirajuamyhỹre Deuxu nibinahakỹmy rirajuarerimy ihỹre Deuxu dori diteònyde heka bededỹýnana binahakỹ. Tahe inyõ heka tòhòti rawitxiranyõhyyre iraykywydyna. Kiamy ixiwesehyy ròhòtinyrenyre. Kia iny heka aõhe rotỹýnyõhyyre wowydyna loosõnabo.

¹⁰ Iwitxira ýju tahe aõma ritxiwire tahyna aõni ryna tyre. Kia heka aõni beludu rare. Tarynana tyre ronymyhỹ. Tahe ibutu irynanareny torohokỹlemy reare. Ibutu iòlõna torohokỹlemy reare. Tahe tòròtò-ki ruruare taaõhỹkỹhỹkỹnaren-y-di.

11 Tiiboho heka Deuxu nibinahakỹmy ryryre webinadumy roireki taaðhỹkỹhỹkỹnareny-di. Timy heka rexinohõtilosanyõhyymyhỹre aõbina binahakỹ riwinymy roiremỹhỹ-ribi.

12 Tahe iwitxira ýju tahyna ditxiwide. Eufratesi berohokỹ tyre ritxiwire. Tahe ibutumy heka ruỹre. Oriente iòlò mahãdu dee tahe ryy kia riraynyre.

13 Tuu rabire heka inataõ tyytyby binahakỹ. Rexitykynyre òrò tykyhykỹ wese rexitykynyre. Aõni heka hemylala aõni inire tahe iry-ribi rexiòlòdỹnyrenyrene. Tule aõnibina witxirary-ribi, tule aõni rybedubina-ribi.

14 Iribi heka aõni bina tyytyby kia tyytyby ibutumy heka bede dinodu iòlò ributumyrene. Raaõbinanykemy heka dirahude Deuxu kia mahãdu-ò. Deuxu ihitxidỹnatxumy rỹikemy heka anade tii dori ibutu ratyre aõna aõna-ki.

15 Kristu rarybere: —Tahe boholabenyke. Aõwesele heka anakre. Wasidu wesemy heka adehemynymy adeakre. Ibutumy iny wararòsòdu mahãdu teysamy rỹikre. Atyky heka biywinymahãbenyke tai timyki maixỹrubenyõtyhy adehemynykreu.

16 Kristu rarybere: —Ibutumy heka widotyde aõbinakedu Mikidu hãwã-ki wahe. Hebreu rybe-ki tahe Armagedon inire.

17 Tai tahe ikonanatyhy ýju tahyna ritxiwire yhykile. Tahe raholare biumytxihikỹ raholare Deuxusỹ-ki. Deuxu ry-nana-ribi dòhònyde: —Ibutumyhe rakonanamy roire.

18 Tahe biumytxihikỹle ibutumy rawodỹnyrene. Tule biu relaanyra. Biu ramytataõmyhỹre idi tahe ramytatare. Tii heka lahytyhy rare.

19 Tai tahe Babilonia hãwã rabòhòre inataõ jura juramyhỹmy. Ibutumy hãwã nihikỹ-ribi hetohokỹ rejuxunyrene. Tai tahe kia Babilonia kia òraru-txi tahe Deuxu tõhòti reare. Tai tahe aõhòkỹmy risỹnymyhỹ ibutumy aõbede binahakỹ tamy riwahinyrene.

20 Bedebute ibutumy rexiwore. Iribi tahe hãwãlò tytyhykỹlemy reare bedero wesehekỹle.

21 Idi inytyre resemyhỹre bera ere erewesele resererimy ihỹre. Ijõ iutxie tahe 40 quilo bede heka iutxie rare. Kia tahe iny sumy rỹire nibinahakỹmy Deuxumy rarybemy.

17

1 Tahe ýju monahyna-ki wadee rybemy nade: —Adee aritỹnynykre aõbo Hãwã Bero sõwe aõhebo rotỹnynykré heka. Kia hãwã adee ariteòsinykre timybo rare. Wedena wese aõhòkỹmy rotỹnynykremy. Deuxu heka aõhòkỹmy dỹnyana riwahinyke kia hãwã-ò.

² Bede iòlò dinodu tamyhe iòraruna tamy rexiòrarunyre. Tule iny bedemy r̄yira mahādu ralòre tamy òtaòtamy.

³ Tai ta kia ŷju tamy riwadyre bederahy-ò. Deuxu Tyytyby wadee dobehede? (Riwatyytamy watyytyby heka ridyre). Tai tahe tuu rabire heka hāwyymy aōma iròdutyre-ki ronyrerimy. Iròdu heka isòhòk̄ȳlemy roire. Debò inatxi reurò irati r̄yire, tahe iò debò ituemy sōwe. Iritina heka aōkōre rar̄ȳnymyh̄yre. Deuxudee heka aōbina binahak̄ȳlemy tai iri-tid̄ȳna r̄ymyh̄yre.

⁴ Hāwy heka isòhòk̄ȳ ityky rare, iwihik̄ȳ rare. Ityky tyre heka womati t̄r̄h̄k̄ȳ roire. Mana r̄ys̄ wiwihik̄ȳ, woumana-wana. Bemonā debò-ki idi rare. Iwo-ki tahe bemonawo-ki tahe aōna bina nibina tai roire.

⁵ Tai tas̄ȳ iòru-ki tule r̄yire iniò. Aōbo rare tahe iny ri-eryòtyhy. Babilonia Nihik̄ȳ rare. Ibutu wedenase tii rare. Ibutu inybinase tii rare. Kia luunadu ibutumy bede bede-ki.

⁶ Iribi tahe rabire hāwy ixityre. Tii iny hālubu riòre. Ityhy-d̄ȳdu mahādu hālubu-di rexiòdewàrinymy heka rare. Tiiboho rurure, òbitimy Jesuisimy rityhynyreki wahe. Kia hāwyymy tahe rabireu, rexiòtiid̄ȳnyre.

⁷ Tai tahe ŷju wadee rarybera: —Aòherekibo bede teòtiinymy t̄yite. Adee arelyykre aōbo rare —kia hāwy iròdu-wana, arit̄ynynykre tiiboho aōbo raré.

⁸ Iròdu tuu tabita, irumy rare tahe rurukre ele elemy. Tii hāloorehehek̄ȳ-ribi kòdòhònykre. Iribi tahe rexihukre. Tii rurure idi ixbyby dòsede. Bede iny mahādu bede riòtiinnykre idi heka iròdu debure binamy robirenykreu, bede riòtiinnykre idi. Tiiboho dori ini ihoōre iru tyyritiwo-ki. Tai tahe iròdu deburebina lau ruberure. Iròdu dori ihetxiu irumy rare tahe wiji aōkōre. Idi tii irumy kanankre ixbybyle.

⁹ Kia ibutumy adee arit̄ynynykre: Debò inataō rati tahe iròdule rare. Kia hāwy ityre ronyre kia hāwālò wesere. Iròdu rati tule iòlò mahāduō rare, debò inatxi reurò sōwe.

¹⁰ Iruyre iòlòō tahe reserenyre. Sohoji iòlò tahe ratx-ymyh̄yre. Ihewotyhy ikonanaludu tahe, kanakre wijina. Tai ibeded̄ȳnana iòhòlere.

¹¹ Iòlò debòinataō ludu tahe iròdu rare —kia irumy juhūu rare tahe wiji rurumy rare wahe —tii juhūuu iòlò mahāduō rare. Tii tule ituekre.

¹² Debò itue òmy tuu tabitamy wahe tule iòlò mahādu rare. Tiiboho kanakre iòlòwesemy. Iròdu-wana tiiboho hāwā wedumy ronyrennykre iròdu aōni-wana sohoji horamy. Tii tyytyby bina rare.

¹³ Tyyritiō riwinykre idi tahe ibutumy ruruna iròdu bina-ò riwahinykre.

¹⁴ Raaōbinanyrennykre heka Budoeni Riòre-wana. Tahe

Budoeni Riòre aõbina-ki haỹnadukre. Tahe ỹju wadee rarybere: –Tii dori butu iòlò, ibutu iòlòna ratximyhỹre. Ibutu inynryỹ ratximyhỹre. Ijoi heka kia ywimy tii-wana roire itarasaõ-ki. Kia rityhynykremy rỹirerimy ihỹre.

¹⁵ Tahe kia ahohokỹ, berohokỹ tai kia hãwyy rononymhỹré. Tiiboho iny rare ibutu rybe-ribi, bede-ribi wahe.

¹⁶ Debòwiò òmy tuu tabita iròdu-wana heka hãwyy de-rarenyre. Tii irurawonykre. Tii heka heòty-ò risòmy, riròrenykre wiò wiò. Ityky iribi ritara idi.

¹⁷ Ibutumy inywese rare. Bede bede iny ibutumy rybe òta òta rarybemyhỹre. Tahe Deuxu heka riwahinyre aõbo ixideewimy riwinykremy. Tai tahe aõwaxiny aõ tamywi heka riwinykre. Tai tahe ibutumy iròdu sòhòkỹ taru riwahinykre, Deuxu Rybemyna bede rỹidi.

¹⁸ Hãwãhãkỹ nihikỹ tabite heka wedena wesemy roire. Kia Hãwãhãkỹ heka ibutu wedu iòlò rare.

18

¹ Tai tahe ijõmy rabire ỹjumy rabire biu-ribi ròhònyreri. Tii sòwemy iruru rare. Tii sòwemy iloosòna rare. Ibutumy bede ritoosònyre.

²⁻³ Ta rryryre tarurumy tii rryryre: –Babilonia nihikỹ resera! Resera! Katahe aõma wedumy, bede bede iòlò heka tii-wana òta riwinyre. Ibutu iny-ò tamona riwahinyre iòtaòta boho boho. Nawii wixira wixira ibinahakỹ tai rasỹnymyhỹre, tyytybybina-wana. Ijohodu mahãdu idi nieru sòwemy ributunyre. Idi rexityhynyre.

⁴ Iribi tahe raholare ixityre rybeõ biu-ribi rarerí. Manake hewa, Bòdòhònyke wa kia hãwyy-ribi. Kai heka wajoi toite. Tii-wana bexiòrarunybenykemy aõkõ! Bexiòrarunybenyeki tii-wana, tai tii-wana aõhòkỹmy botỹỹnykre.

⁵ Tii heka iòraru sòwe nihikỹmy ratximyhỹre. Deuxu heka aõhòkỹmy dỹỹnana tamy riywinymy ratximyhỹre iòraru-ki.

⁶ Biwinymyhỹre heka iwese tii riwinymyhỹre wese. Aõ ibinamy ibinatyhymy tamy relekre.

⁷ Aõ ibinamy ròhònyke inatxi bededỹỹnanamy tamy ròhònykre. Ibutumy aõbo tamywimy idi raremyhỹ heka riwinymyhỹ ixideewimy. Katahe iwese aõhòkỹmy rotỹỹnykre tahe rabadewokre. Hãwyy tahe ixidee rarybere: –Jikarỹ ikòlò rare. Wytese anokõ jikarỹ rare. Tiku heka rabadewokõtyhy anohòkỹmy ratykỹnykõtyhy.

⁸ Tai taheka aõwesele heka tamy bedeòtiidỹỹdu kedehe-mynymy bedekre: rubu, aõdese, rama uritereribile tamy kedehemynykre. Heòty ibutumy ritoonykre. Deuxu urihixina-di dehuđu ratximyhỹre. Tii ruru-di ratximyhỹre.

⁹ Kia bede dinodu mahādu rahinykre itòenamy. Tii-wana dori òta òta riwinyrenyra. Tiiboho robikre wàdà iribi ròhònyrerìò wahe.

¹⁰ Irehemy iribi rÿire. Ruberureri iaòhòkÿmy dÿÿnana lau. Tahe raryberenyre: —Babilonia hāwā, kai hāwā nihikÿ rare. Tahe wiji ituera atximahāte. Kobelàhàxe.

¹¹ Ibutumy aōna-ribi ijohodu rahinykre itòenamy. Inyō dorihe iaō tamy riwydyōmy tamy ijohonamy aōkō.

¹² Juhuu heka raaōbradÿÿmy aōma iny mahādu ratyre. Womati tÿrÿrÿ riòbranyōre. Tule woumana riwyrerimy ihÿre juhuu. Tykysìòwihikÿ witxira witxira heka riwyrerimy ihÿre. Tule òwòrulÿnyre, iròdu nohōmy riwinyrerimy ihÿre. Bede ritxoo ibutumy aōna iòwyhykÿre. Womati òta òta wiwihikÿ riwyrerimy ihÿre.

¹³ Aōma rÿsÿna uri wiwihikÿ tule aderòna wiwihikÿ, tule vÿi riwyre, paō widÿÿna, adÿÿ-wana riwyrerimy ihÿre. Tule maixōmo, broreni, budoeni, awaru, tewe, ityti heòty, tule iny deòdu iòwydimy.

¹⁴ Tahe ijohodu mahādu rarybere hāwā-ò: —Ibutumy aōna aōna wiwihikÿ ituera, kia kaiboho riwyrerimy ihÿre. Tiu ixityre aōna aōna riwyōtyhy, ixāwira.

¹⁵ Tahe aōna-di ijohodu mahādu rabadewokre, rahinykre tiiboho dori iòraru-ki raityhynyrenyre. Irehe-ribi retehere. Ruberurenyre. Ryrereri:

¹⁶ —Kobelàhàxe hāwā wihikÿ. Ibutumy atykysò ituera, awomati wiwihikÿ ituera, woumana, manawiwihikÿ ibutumy ixāwire.

¹⁷ Sohoji òraule ibutumy iaōna aōna ixāwira. Ibutumy hāwòhòkÿ dinodu urile, iwiòhenadÿÿdu mahādu tule suludu mahādu retehereri irehe-ribi. Tii dori nieru ritamyhÿre iaōna-di.

¹⁸ Iu hāwā wàdàsìmy robirenyreu tahe, ryrere: —Kia hāwā wihikÿ rare. Ijō hāwā iwese ihoòhyre.

¹⁹ Tahe brybysi ityrereny rehurerimy ihÿre. Rahinyreri, ryrereri: —Bobrekÿ, bobrekÿ hāwā wihikÿ. Aōwesele heka ixāwira. Ibutumy ityhy mahādu, iaōna rexihura.

²⁰ Tahe kaiboho beysabenyke biu ludu mahādu. Hāwā nihikÿ dori ituera. Deuxu hōrō mahādu, Deuxu deòdÿÿna mahādu, Deuxu dee rybedu mahādu ibutumy beysabenyke. Deuxu dori iaòhòkÿmy dÿÿnana tamy riwahinyre aòrauru-ki.

²¹ Tahe ÿju nihikÿ heka manaō rìmyre, mana nihikÿō, iwese maixōmosyna mana wese wahe. Idi rehure ahobero-ki rehure. Tahe ryrere: Kiawese heka Babilonia hāwā-di arehukemy watxireri waruru-di. Ixāwikre.

²² Tahe wiu wodÿÿ kia hāwā-ki roholaòtyhyke, harpa wodÿÿ

aõkõ, flauta wodÿÿ aõkõ, jurõna wodÿÿ aõkõ. Aaõmysÿdÿÿdu aõkõ kia hãwã-ki raaõmysÿdÿÿõtyhy. Mai rÿÿna, manasy na iny heka iwodÿÿ roholaõtyhy.

²³ Loosõna ay-ki ritoosõnyõtyhy. Herina mahãdu rybe ay-ki iny roholaõtyhy. Iaõna ijohodu mahãdu ibutu hãwã-ribi ityhy rare. Tule ibutumy iny riitxenanyre aõtaõta-di, bede bede iny wahe.

²⁴ Babilonia hãwã heka aõhõkÿmy dÿÿnana rotÿÿnyre. Deuxu rybedu mahãdu hãlubu dori kai tetata tule Deuxu hõrõ mahãdu. Rirubunyre mahãdu wahe.

19

¹ Iribi tahe ijoi nihikÿmy roholare. Ryrymy heka rÿimyhÿ sõwemy iny rÿimyhÿ biu-ki. Deuxu deysanamy heka ryryreri: –Wowydynamy Inynyrÿ-ò. Tarasana dori inyDeuxu-ribi rare. Wowydyna, rurunã ibutumy ihõrõle rare. Aõbo tii riwinyré, òbiti rare.

² Aõhõkÿmy dÿÿnana òbiti rare. Aõhõkÿmy rotÿÿnyre heka kia aderana-ki heka rare. Tii aõhõkÿmy dÿÿnana ritare. Bede iny heka riõrarudÿÿnyre. Tahe Deuxu riõwynyrene teõdu rubudÿÿna heka riõwynyrene.

³ Ixityre ijoi ryrynyre, rawiunyrene: –Wowydyna Inynyrÿ-ò. Wàdà raõwõnyreri tai rawõsi-ribi. Ihyymy raõwõnykre, hãwã nihikÿ-ribi wahe.

⁴ Tahe ibutumy rejuxunyrene Deuxu luukemy. Wawiò in-ubiõwa matuari rare. Tule inaubiõwa aõni rare. Deuxu tahe rynana nihikÿ-ki ronyrene. Tamy rirajuare: –Kia, Kia, wowydyna deysana Deuxu-ò.

⁵ Iribi heka ròhõnyrene Deuxu rynana nihikÿ-ribi heka ry-beunimy ròhõnyrene: –Biwowydynybenyke Deuxu-ò ibutumy deõdu mahãdu, ibutumy iny rityhynymyhÿre mahãdu, iyja ta nihikÿ-wana.

⁶ Tahe ixityre ijoi-ò raholare. Ryrymy rÿimyhÿre. Tahe benihikÿlesetere wese heka iwodÿÿ rÿireri, biumytxi wesehekÿle heka iwodÿÿ rÿireri: –Wowydyna Inynyrÿ-ò biwahinyke. Tii iruru dire. Tii heka iòlò rare.

⁷ Ibutumy iny rekeysarenyke. Tamy wowydyna riki-wahinyrenykre. Tii dori inihikÿre. Iõhõra dori kia Budoeni Riõre kia hãwyymy herina kia bededÿÿnana-ò. Worana bedehesi kÿnyikre. Ihãwy heka rexiywinymy ratxireri.

⁸ Tyyurahakÿle-di rexityynykre. Awityhymy ity doimyhÿde wahe. Deuxu dee awihikÿ widÿÿna wese heka kia ratxireri.

⁹ Kiamy heka ÿju wadee rarybere: –Kia biritinyke. Ibutumy lobidÿÿna mahãdu reysamy ratxireri. ÿju wadee rarybere ijõ: –Kia heka Deuxule tuu rarybere. Inatyhy rare!

¹⁰ Tahe jiarỹ resere ỹjuko-txi ariwowydynykemy. Tahe tii wadee rarybere: –Kia widỹỹõmyke hewa. Jiarỹ tule Deuxu deòdule heka jiarỹ rare, awesele wahe. Aityhydỹỹdu seriòre tule awesele rare. Rarybemyhỹre dori Jesuisi tyhydỹỹnamy. Deuxule biwowydynyke! Ibutumy Jesuisi relyyre heka tuu rybedu mahãdu ritỹnynyre.

¹¹ Iribi tahe tuu rabire awaruurahakỹõ biuwetyky-ki. Inyõ ityre-ki ronymyhỹ. Ini heka Òbiti rare, Inatyhy rare. Tii heka aõbinanymyhỹle rare.

¹² Iruwe heka heòty wesele rare. Irati heka sõwemy raheto rỹire. Iò-ribi heka nii roire, ini wahe. Urile inyõ rieryòtyhy mobo ini rare, tyyriti wixira dori tiile heka rieryre.

¹³ Ihety heka hãlubuhukỹle-di ityre rare. Deuxu Rybe heka inire, hãbu wahe.

¹⁴ Sõwemy iny heka awarutyre-ki rỹire, biu-ribi dòidenyde Deuxu Rybe hewomy, soldado wese wahe. Iny ibutumy ityyura-di rexityynyre, ityratyhy wahe.

¹⁵ Tii heka mayrehe rabuhukỹle iry-ribi ròhònyrerimy ihỹre. Idi tii heka iny rirubunyky ibutu bede bede-ò. Iribi tahe tii ròhònyre iòlòtyhy tii rare. Aõhòkỹmy dỹỹnana tamy riwahinyre, ibinatyhymy heka riwahinyre, Deuxu iwona, Deuxu ruruwedu wahe.

¹⁶ Ihety-ki heka iti-ki rỹire iniõ: Iòlò iòlò wedu tii rare, ibutu wedu wahe.

¹⁷ Iribi tahe ỹjumy rabire, txu-ki rỹire. Nawii ibutu-ò ryrymyhỹ: –Bòdòibedenyke heka, Deuxu worana bedehesina-ò bòdòike rỹsỹna birỹsỹbenyky.

¹⁸ Aõmade biròbenyke, iòlòde, soldadu wedude, iawarude, ibutumy inyde biròbenyke, ixihy mahãdu, deòdu mahãdu, nihikỹ iyja-wana.

¹⁹ Iribi heka tuu rabire aõni binahakỹ, iòlò mahãdu, tasoldado mahãdu wana. Wii ributunyre aõbinamy. Awaru tyre-ki ronyrerimy kia mahãdu-wana tiibohe raaõbinanykremy.

²⁰ Tahe aõni bina rimyrenyre, rybedu bina-wana. Teròwymy tii aõna aõna wixirawi riwinyre. Iribi ridyrenyre heka heòtyaho-txi idi rehurenkykremy, enxofre-di riworonyre wahe.

²¹ Ibutumy isoldado heka ituemy rỹimyhỹre rurumy. Mayrehe-di rurumyhỹre, kia awaru ura tyre-ki ratxireri kia ryribi ròhònyrereri kia-di rurure. Tahe rararesa deadeade ide riròkremy.

20

¹ Iribi tahe ỹju nademy biu-ribi. Irayna heka debò-ki idi rỹire. Hãloonihikỹ rayna wahe. Tule womati rerotihikỹle iruty-ki roire.

² Kia aõni rimyre, Diabo wahe, Satanasi wahe. Inyõ tule hemylala raninire. Tahe 1000 beõra riekre ritaataare womati reroti-di.

³ Idi heka rehure hãloo nihikỹ-ò tahe riratòbònyre, rirary-tyxnyre. Tai tahe tii riitxenanyõtyhy bedede iny. Kia 1000 beõramy bedede reakreule, tahe rexihumy iròtena. Urihimyò bededỹynana bedede riijekre, ixihyyle tai ixybyle ròbòdỹykre.

⁴ Iribi tahe rynana sòwemy rabire. Iny ityre ronyreri mahãdu ywisidỹydu mahãdu heka rare. Iribi heka tuu rabire Jesuisi dee rurure mahãdu. Inatyhyna rybe tỹnydỹy òraru-ki heka rurure. Aõni rityhynyõre, iritxoo rityhynyõre, iritina òraru iòru-ki ritidiõtyhy, deboreny-ki ritidiõtyhy. Rubu-ribi tiiboho rexixarenyre. Kristu-wana ratxireri 1000 beõramy.

⁵ Kia heka juhuludu ixixana heka rare. Ijõ rubu mahãdu heka wiji rexixaõkre. Tahe 1000 beõramy reareu, tahe rexixarenykre.

⁶ Juhuludu ixixana mahãdu heka reysatyhymy rarekre. Ixyby rubunamy heka ruruõkre, inatxina rubunamy wahe. Deuxu dee, Kristu dee heka tiiboho Xiwena wahidỹydu roirekre. Tii-wana 1000 beõramy riwyrenykre, iòlò mahãdu wesemy heka ratxirenykre.

⁷ Kia 1000 beõra reareu heka Satanasi ixihyymy ròhònykre bedeki.

⁸ Tii itxenadỹydu ròhònykre ibutu iny riitxenanykremy. Kia Kòke bedede, tule Makòke bedede rare. Satanasi heka sòwemy iny ributunykre raaõbinanykremy. Tiiboho sòwemy ihỹre ÿnyra sòwe wese.

⁹ Tiiboho tahe ibutu bedede-ò rariarenykre ityhydỹydu hãwã rirurawonyrenyre kia Deuxu hãwã Deuxudeewi wahe. Idi heòty biu-ribi isòrenymy desede. Idi wewòsimy rururenyre, Deuxu iny mahãdu òludu wahe.

¹⁰ Tahe diabo iitxenadỹydueny heka Deuxu rehure heòty aho-ò. Tai aõnibina, ruimy rybedu-wana juhu delemy tamy reserenyre. Tai txumy rummy aõ rotỹnyrenyhykre.

¹¹ Iribi tahe ryanaurahòkỹmy rabire ityre rỹdu-wana. Suu biu-wana iribi rexitare, titxibo iõrenyre.

¹² Tahe iny rubumy rabire, iny ibutumy iko-ki rỹirenyre. Tyyriti rarayre. Ijõ tahe rarayre, irutyriti wahe. Tyyriti-ribi Deuxu iaõna aõna rierymy aõhebo risỹnykre.

¹³ Ahohokỹ-ribi tahe rubu mahãdu dòhònyde. Rubunahakỹ bedede-ribi iludu mahãdu dòhònyde. Idi iaõna aõnamyna Deuxu timybo rexinohtinykremy idi rare.

¹⁴ Idi rubunahakỹ, rubuna-wana heòtyaho-txi idi adehu rỹikre. Kia ixyby rubu rare.

¹⁵ Iru ityyriti-ki inyniõ roiõkeki, tii tule heòtyaho-txi adehu rỹikre.

21

1 Idi biu t̃myra sut̃myramy rabire. Juhusu juhubiutixibo ikōrenyre, ahohok̃y tule.

2 Deuxu hāwā wihik̃y t̃myra desemy nade biu-ribi. Iwese ijadōma t̃myrawesemy ramyh̃yre wese kia hāwā nade. Deuxu-ribi nade.

3 Tahe rybehek̃y biurnana r̃ydu-ribi nade-ò roholare ki-amy: —Kahe Deuxu s̃y heka akireny rare. Deuxu ikyreny-ki rarekre. Tii iwedurenykre. Tiiboho Deuxu dee roirekre.

4 Idi Deuxu irubereny risuhokre. Tai rubu, hii, ibru, txuberere ijōōkre. Bede tyby dori rexihura.

5 Idi rynana-ki r̃ydu narybede: —Wiji it̃myramy ibutumy aōna aōna ariwinykre. Wadee tule narybede: —Kia bityritinyke. Kaa rybe dori rybetyhy rare, ibutumy iny ratyhykremy.

6 Kia ixyby narybede: —Ibutumy relera. Jiar̃y dori AA rare YY rare Juhuludu rare ikonanaludu rare. Inyō bemomo risakeki, tamy iōwykōlemy ariōkre, beòlònaberu-ribi wahe.

7 Inyō tarasadu heka ibutumy waribi rimykre. Jiar̃y iDeuxukre. Tii wariōkre.

8 Idi kamahādu heōty aōho enxofre-ò rekoarenyre kamahādu wahe: —Iny brebu, watyhyd̃ỹkōdu, òrarudu, maleerudu mahādu, òta òta mahādu, iny rubud̃ỹdu mahādu, hàri mahādu, ritxoo tyhyd̃ỹdu, ruidu mahādu. Kaboho rubunatyhy-ò rururenykre. Kia tahe inatxina rubuna rare.

9 Tahe ŷjuō wadee nade, debò inatxi reurò mahādu-ò. Tii hyna-di ryireri. Hynawo-ki tahe aōna aōnabina debò inatxi mahādu-di. Kiamy narybede: —Mana ini, Budoeni hāwyy ini adee ariteòsinykre, hāwyy wese wahe.

10 Deuxu Tytybytyhy wamy reare. ŷju tahe riwadyre hāwālònora-ò. Jerusalē hāwā t̃myra awityhy wadee riteòsinyre. Tii biu-ribi desemy nade.

11 Deuxu loosòna-di yla aōkō. Tii tahe manawiwihik̃y wese rar̃ỹnymyh̃yre. Jaspe wese, womati wese mana wiwihik̃y wese rare.

12 Tii ijòtòbòna irariere, waòinatxi reuròm̃y ijòtòbòna, iitxedu ŷju tule. Ijò-ki tahe waòinatxi reuròm̃y Judeus̃y mahāduni wahe.

13 Inataō ijòtòbòna sōwe, iraro-ò, ibòò, biura-ò, beà-ò.

14 Hāwā rurawona tahe waòinatxi reurò mana tyre-ki r̃ymyh̃y. Mana sohoji sohoji-ki budoeni deòdu mahāduni r̃yire.

15 ŷju wadee rybedu tebò-ki womati t̃yr̃r̃yh̃k̃y deòho-di nade idi hāwā, hāwā ijò, hāwā rurawona iurihinamy.

16 Hāwā tahe iurihina wiwesele rare. Tahe 2.200 iurihixina rimyre teòho-di tuu riwinyre.

¹⁷ Rurawona raru tahe ŷju taurihixinamy riurihixinanyre idi 64my rimyre.

¹⁸ Rurawona tahe jaspe mana-di relere. Hãwã tahe womati tÿrÿrÿhÿkÿ-di relere.

¹⁹ Rurawo òraru heka mana wiwihikÿ-di juhumana heka jaspe rare. Inatxina safira rare. Inataõna, agata rare. Inaubiò-wana esmeralda rare.

²⁰ Iruyrena sardonio rare. Debò sohoji reuròna sardio rare. Debò inatxi reuròna trisolito rare. Debò inataõ reuròna berilo rare. Debò inaubiò-wana topazio debò ituena crisoprazo rare. Wasohoji reuròna jasinto rare. Wainatxi reuròna ametista rare.

²¹ Woumanahakÿ sohoji-di heka ijò sohoji sohoji relera, 12my ijò wahe. Ryy heka womati tÿrÿrÿhÿkÿhyky-di relera.

²² Tohodÿÿna heto tahe ihoõhyyre. Deuxule dori tuu rare, Budoeni-wana. Tai ihoõre.

²³ Txuu ahãdu-wana tai ijõõre Deuxu loosòna, budoeni loosòna dori itxuuxaranarenyre.

²⁴ Bede bede mahãdu iloosòna-di rÿikre. Bede bede mahãdu heka taaõna aõna wiwi-di tamy kidirahukre.

²⁵ Tahe ijò raratòbòõhykre, tai dori ruu ihoõhyyre.

²⁶ Bede bede iòlò mahãdu heka wowydyna-di tamy kidirahukre.

²⁷ Inybina bina, iny òrarudu mahãdu tamy ralòõtyhy, ruidu mahãdu tule. Inyni heka Budoeni tyriti irumy rÿimyhÿre mahãdu sohojile wahe.

22

¹ Idi ŷju wadee riteòsinyre, iru wahidÿÿna berohokÿ. Ibelyramy Deuxu rynana, Budoeni rynana-ribi òlòdu wahe.

² Ryrohokÿ tya-di kaa bera namyhÿde iwyòwyò-ki iruwahidÿÿna bederarade rÿimyhÿ. Tii bederarade waò inatxi reuròmÿ raratynyre. Kia ta ahãdu ahãdu-di sohojile raratynyre. Otxirarade tahe bede bede mahãdu deytana rare.

³ Kia hãwã-ki ihetxi txuhòbina tai ijõõkre, Deuxu aõ ritxuhònyõra tai. Deuxu ryananahakÿ itya-ki rÿikre. Kia teòdu mahãdu riwowydynykre.

⁴ Tiibohe iòsÿnÿmy robikre inireny iòru-ki rÿikre.

⁵ Tai ruu ijõõkre. Tai txuloosòna ijõõkre. Deuxu dori itxurenykre. Tiibohe tai ihyymy rÿikre iwese iòlò mahãduò.

⁶⁻⁷ Kia tahe ŷju wadee rarybere: —Kaa rybe tahe inatyhy rybe rare. Bityhynybenyke. Jesuisi rarybere: —Analekre heka tule adehemynylekre heka. Deuxu heka taÿju deòdu adee kanarybekre. Kaheka wylemy ibededÿÿnana kedeakre. Deuxu rarybehyy ratximyhÿre tÿnydyÿÿdu mahãdu-ò, aõhebo

bede rotỹny myhỹkre my roimyhỹré. Ibutumy kia tyhydỹđu mahãdu heka reysamy rỹikremy rỹira.

⁸ Jiarỹ tahe Joaõ rare. Rabirahe, ibutumy kia raholare. Rabimy rexihurau tahe, jiarỹ watiowotimy resere ýjuko-txi.

⁹ Ixityre wadee rarybere: —Iwidỹỹõmy hewa, jiarỹ heka Jesuisi deõdu tỹnydỹỹduõle jiarỹ watrixeri. Ibutumy Deuxu tyyriti ityhydỹđu biõwa jiarỹ rare. Deuxule bityhynyke.

¹⁰ Tahe ýju ijõmy wadee rarybere: —Aõbo teritidỹỹnyteri ibutumy iny-ò rybe bitỹnynye. Kia bededỹỹnana iõhõlemy ratxireri.

¹¹ Kia bededỹỹnana kedehemynykreu, aõbina bina widỹỹdu heka aõbinale riwinykre. Iny binabina heka, ibinamy rỹikre iu. Inywiwihikỹ tasỹ awimy rỹikre iu. Kia õbitimy rỹira tahe, awityhymy relekre, õbitityhymy rỹira.

¹² Boholake warybe-ò, aõwesele heka anakre. Uriõno heka adiwymy wadi anawãhãde. Aõbo wadee aõ riwinymyhỹre wahe iwese aõbo riwinymy raremyhỹwesemy heka araõwynykre.

¹³ Jiarỹ heka AA jiarỹ rare. YY tule jiarỹ rare. Tyyriti juhuu rare. Tyyriti konana rare. Jiarỹ heka juhuludu rare. Iheweludu tule jiarỹ rare, ibutumy wahe.

¹⁴ Ibutumy tattytyramy rỹira —teysamy rỹira. Tiiemy teysahyyhy rare. Iru õwõru wahidỹỹna bederaty heka ritokre. Tule rarõnyrenykre kia hãwãhãkỹ-ò.

¹⁵ Ibutumy õrarudu mahãdu tule õwõru widỹỹdu tahe irehemy Deuxu hãwã-ribi nyimyhỹde. Tule iny rirubunymyhỹre mahãdu, tule suritxoo luunadu mahãdu, tule ibutumy ruidu mahãdu. Ibutumy irehemy hãwãhãkỹ-ribi roimyhỹre.

¹⁶ Jesuisi heka jiarỹ rare. Waýju reteõnyre adeeremy kia aõnaaõna bededỹỹnana relyykemy. Kaiboho heka dohodỹỹna heto mahãdu-ò relyyrenyke. Jiarỹ iõlò Davi juhu rare, tule Davi riokore rare. Biurasò taina Jiarỹ rare, loosõna rare.

¹⁷ Deuxu Tyytybytyhy rarybere: —Manake! Tule hãwymy hãbumy heridu tule rarybere: —Manke! Ibutumy ijohodu tule marybeke: Jiarỹ, Juaõ, tule rarybere: —Manake! Ibutumy iny bemy rurumyhỹre mahãdu tule manake irube biõke. Iõwy-di aõkõ heka rare.

¹⁸ Jiarỹ, Juaõ, rarybere ibutumy iny katyyriti rariamyhỹre mahãdu-ò.

¹⁹ Iny ributunyekiki aõmybo kaki ritydỹỹna roiré, Deuxu tamy bededỹỹna binahakỹõ riwahinykre karitidỹỹna roireki. Inyõ karitidỹỹna-ribi ritakeki, Deuxu õwõru runa ijuraõ wahe heka iribi ritakre tule Hãwãhãkỹtyhy-ribi nadedi wahe. Tai rỹire tyyriti-ki.

²⁰ Tule aõmybo narybede inatyhymy tule rarybekre (Jesuisi wahe): —Analekre hewa idi. Araroorehenyõtyhy. Juaõ, tule rarybere: —Kie, Manake Wanyrỹ Jesuisi.

²¹ Deuxu deysana, Inynyrỹ Jesuisi Kristu kia deysana ibutumy adee kanakremy watxiwahãre.